

அனுதீ³பனீபாட²

1. சித்தஸங்க³ஹஅனுதீ³பனா

அனந்தஞ்ஞாணங் நத்வான, லோகாலோககரங் ஜினங்;
கரிஸ்ஸாமி பரமத்த²-தீ³பனியா நுதீ³பனிங்.

[தத்த², லோகாலோககரந்தி த³ஸஸஹஸ்ஸிலோகதா⁴துயங்
சதுஸ்ஸச்சத⁴ம்மதே³ஸனாலோககாரகங். பரமத்த²தீ³பனீதி எத்த² அத்தோ²
து³விதோ⁴ பதா⁴னத்தோ²ச பரியாயத்தோ²ச. தத்த² பதா⁴னத்தோ²
பரமத்தோ²னாம, பதா⁴னத்தோ²திச பத³வாக்யானங் முக்யத்தோ² உஜுகத்தோ².
பரியாயத்தோ²பி கோசி, யுத்தரூபோ அத்தோ² பரமத்தோ² யேவ.
பரமத்த²ங்தீ³பேதிபகாஸேதீதிபரமத்த²தீ³பனீ. தங்பர
மத்த²தீ³பனிங்கரொந்தோஆசரியோ பத²மங்தாவ பு³த்³த்⁴ஸ்ஸப⁴க³வதோ
பணாமங்கரோதி “உத³யாயஸ்ஸா”திஆதி³னா.

தத்த² “உத³யா”தி உத³யதோஉக்³மனதோ. “யஸ்ஸா”தி யஸ்ஸ
ஸப்³புஞ்ஞுபு³த்⁴ம்மஹாஸூரஸ்ஸ. “ஏகஸ்ஸா”தி அது³தீயஸ்ஸ, அஸதி³
ஸஸ்ஸவா . “ஸத்³த்⁴ம்மரங்ஸிஜாலினோ”தி எத்த²ஸத்³த்⁴ம்மோதிஸத்து²ஸா
ஸனத்⁴ம்மோவுச்சதி. தத்த²ச
சதுராஸீதிஸஹஸ்ஸத⁴ம்மக்க²ந்த⁴ஸங்கா²தோ
தே³ஸனாஸத்³த்⁴ம்மோஇதா⁴தி⁴ப்பேதோ.
ஸத்³த்⁴ம்மஸங்கா²தங்ரங்ஸிஜாலங்அஸ்ஸ அத்தீ²தி ஸத்³த்⁴ம்மரங்ஸிஜாலீ.
தஸ்ஸஸத்³த்⁴ம்மரங்ஸிஜாலினோ. “பபுஜ்ஜி²ங்ஸூ”தி விகஸிங்ஸூ,
சதுஸ்ஸச்சஞ்ஞாணவிகாஸங்தஞ்ஞாணஸம்பு²ல்லங் பாபுணிங்ஸூ.
“ஜனம்பு³ஜா”தி ஜனஸங்கா²தாஅம்பு³ஜா. தத்த²ஜனானாம
இத⁴போ³த்⁴னெய்யஸத்தா அதி⁴ப்பேதா, யேஸப்³புஞ்ஞுதே³ஸனங் ஸுத்வா
சதுஸ்ஸச்ச த⁴ம்மங் பு³ஜ்ஜி²ஸ்ஸந்தி. அம்பு³ஜாதிபது³மா.
“ஜாதிக்கெ²த்தேமஹாஸரேதி” ஜாதிக்கெ²த்த ஸங்கா²தே ஜனம்பு³ஜமஹாஸரே.
தத்த² ஜாதிக்கெ²த்தங் நாமத³ஸஸஹஸ்ஸ சக்கவாளங், யங் ஏகங்
பு³த்³த்⁴க்கெ²த்தந்தி வுச்சதி. யத்த² ச மஹாபோ³தி⁴ஸத்தானங்
பு³த்³த்⁴பா⁴வத்தா²ய பத²மமஹாபி⁴னீஹாரகாலாதீ³ஸூ
ஏகப்பஹாரேனபத²விகம்பனாதீ³னிபவத்தந்தி. யத்த²சவஸந்தாதே³வப்³ரஹ்மானோ
பு³த்³த்⁴பரிஸாஹொந்தி. ஜாதிக்கெ²த்தேமஹாஸரேயஸ்ஸ ஏகஸ்ஸ
ஸத்³த்⁴ம்மரங்ஸிஜாலினோ மஹாஸூரஸ்ஸ உத³யா தஸ்மிங் ஜாதிக்கெ²த்தே
மஹாஸரே ஜனம்பு³ஜாபபு³ஜ்ஜி²ங்ஸூதியோஜனா.

“தங் மஹாஸூர”ந்தி ஸப்³புஞ்ஞுபு³த³த⁴மஹாஸூரியமண்ட³லங்.
ஜனம்பு³ஜ ஸந்தானேஸுபவத்தங் மஹந்தங் மோஹதமங்னுத³தி அபனேதி,
ஸத்³த⁴ம்மரங்ஸிஜாலங் விஸ்ஸஜ்ஜந்தோ அந்தரதா⁴பேதீதி
மஹாமோஹதமோனுதோ³. தங் “மஹாமோஹதமோனுத³ங்”.

ஏவங் பு³த³த⁴ஸ்ஸபணாமங் கத்வா அத்தனா இச்சி²தங்
பணாமப்பயோஜனங் பரிணாமெந்தோ “ஸஞ்ஜாத”ந்திஆதி³மாஹ.
“ஸோமஹாஸூரோமய்ஹங் ஹத³யே ஸஞ்ஜாதங் தமோக²ந்த⁴ங்
பனுத³த”ந்தியோஜனா. தத்த² “ஸஞ்ஜாத”ந்தி ஸுட்டு²ஜாதங்,
அனமதக்³கே³ஸங்ஸாரே த³ள்ஹங் பவத்தந்தி அத்தோ². “தமோக²ந்த⁴”ந்தி
மஹாமோஹதமோக²ந்த⁴ங். ஸப்³புகிலேஸதமோக²ந்த⁴ங் வா.
அந்தராயகரானி உபவீளகோபகா⁴தககம்மானிபி தமோக²ந்தே⁴ ஸங்க³ஹிதானி
ஏவ. ததா² ரோகா³த³யோ அந்தராய த⁴ம்மாபி
தமோஜாதிகாஏவதமோதமபராயனோதிஆதீ³ஸு. “பனுத³த”ந்தி பனுத³து,
அபனேது, அந்தரதா⁴பேது.

ஏவங் ஸப்பயோஜனங் பணாமங் கத்வா இதா³னி ஸனிதா³னங்
க³ந்த²ப்படிஞ்ஞங் கரொந்தோ “போராணகேஹி”திஆதி³மாஹ. தத்த² நிதா³னங்
நாம க³ந்த²ப்படிஞ்ஞாய ஆஸன்னகாரணங். கதத⁴ங்பனதந்தி,
ஸாரத்தா²பி⁴மானீனங் யாசனஞ்சஸங்க³ஹஸ்ஸவிபுலத்த²தா ச.

தத்த² த்³வீஹி கா³தா²ஹி ஸகாரணங் யாசனங் த³ஸ்ஸேதி. புன த்³வீஹி
கா³தா²ஹி ஸஉபமங்விபுலத்த²தங்த³ஸ்ஸேதி. “தஸ்மா”திஆதி³னா க³ந்த²ப்பகார
க³ந்த²கு³ணேஹி ஸஹக³ந்த²ப்படிஞ்ஞங் த³ஸ்ஸேதி. தத்த² ஆதி³கா³தா²யங்
“அபி⁴த⁴ம்மத்த²ஸங்க³ஹே போராணகேஹி விஞ்ஞாஹி வண்ணிதா
ப³ஹுவண்ணனா இத⁴லோகம்ஹிதி³ஸ்ஸந்தீ”தி யோஜனா. “வண்ணனா”தி
போராணகையோ வுச்சந்தி. ஏவஞ்சஸதி கஸ்மா அபி⁴னவங் வண்ணனங்
யாசந்தீதி. “யே ஸாரத்தா²பி⁴மானினோ, தே தாஹிப³ஹுவஹி
போராணவண்ணனாஹிதுட்டி²ங் நவிந்த³ந்தி. தஸ்மா தங் யாசந்தீ”தியோஜனா.
ஏதேன அப்பஸாரத்தா² ஏவ தாபோராணவண்ணனாயோதிபி தீ³பேதியேவ. தத்த²
“துட்டி²”ந்தி ஸந்துட்டி²ங். நவிந்த³ந்தினபடிபலப⁴ந்தி. “யே”தியேஜனா.

ஸாரத்த²மேவ அபி⁴மானெந்தி, விஸேஸேன நந்த³ந்திஸ்ஸேனாதி
ஸாரத்தா²பி⁴மானினோ. தேனவிந்த³ந்தீதிபுரிமேனஸம்ப³ந்தோ⁴. புன “தே”தி
தாஹி துட்டி²ங் அவிந்த³ந்தா தேஜனா. “ம”ந்தி அத்தானங் நித்³தி³ஸதி.
“ஸங்க³ம்மா”தி ஸமாக³ந்த்வா. யஸ்மா பரமத்த²ஸ்ஸதீ³பனங் யாசந்தி, தஸ்மா
இமிஸ்ஸாகாய “பரமத்த²தீ³பனீ”தி நாமங்பி ஸித்³த⁴ங்ஹோதி.
“மஹண்ணவே”தி மஹாஸமுத்³தே³. “ரதனானீ”தி ஸுவண்ணரஜதாதீ³னி
ரதனானி. “உத்³த⁴ரித்வா”தி உத்³த⁴ங் ஆஹரித்வா.

“யதி²ச்ச²கங்வி”தியதி²ச்சி²தங்வி. யத்தகங் இச்ச²ந்தி, தத்தகங்விதி அதி⁴ப்பாயோ. “த³ஜ்ஜெய்யுங்”தி த³தெ³ய்யுங். காமங் த³த³ந்தூதி அத்தோ². எய்யாதி³வசனானங் அனுமதி அத்தே²பவத்தனதோ. “நவத்தப்³பா³வஹனதா”தி மஹண்ணவேரதனானங் ஹனதாஹானிதா நவத்தப்³பா³வ. கஸ்மா, அபரிமாண ரதனாதி⁴ட்டா²னத்தா மஹாஸமுத்³த³ஸ்ஸ. யதோ ஸோ ஸாக³ரோதி வச்சதி, ஸானங்த⁴னரதனானங் கே³ஹக³ப்³ப⁴ஸதி³ஸத்தாஸாக³ரோதி ஹிஸ்ஸ அத்தோ².

“ததே²வெத்தா²”தி ஏதஸ்மிங் அபி⁴த⁴ம்மத்த² ஸங்க³ஹேததே²வ. “விபுலத்தா²”தி மஹந்தா அத்தா². “ரதனுபமா”தி மஹண்ணவே ரதனஸதி³ஸா. “ஸதக்க²த்துங்”தி அனேகஸதவாரங்வி. “வண்ணெய்யுங்”தி காமங்வண்ணெந்து. “பரியாதி³ன்னா”தி பரிதோ அனவஸேஸதோ ஆதி³ன்னா க³ஹிதா. பரிக்²ணாதி வத்தங் ஹோதி. “நஹெஸ்ஸரே”தி நஹெஸ்ஸந்தி நப⁴விஸ்ஸந்தி. “தஸ்மா”தி யஸ்மாச யாசந்தி, யஸ்மாச பரியாதி³ன்னானஹெஸ்ஸந்தி, தஸ்மா. “தாஸுவண்ணனாஸு”தி தாஸு போராணடிகாஸு. “வண்ணன”ந்தி அபி⁴னவவண்ணனங், அபி⁴னவடிகங்கரிஸ்ஸந்தி ஸம்ப³ந்தோ⁴. கீதி³ஸங்வண்ணனங் கரிஸ்ஸதீதி ஆஹ “நானாஸாரத்த² ஸம்புண்ண”ந்திஆதி³. தத்த² “உத்தானபத³ப்³யஞ்ஜன”ந்தி உத்தானபத³ஞ்ச உத்தானவாக்யஞ்ச. “நாதிஸங்கே²பவித்தா²ர”ந்தி நாதிஸங்கே²பங்னாதிவித்தா²ரஞ்ச. மந்தா³ புத்³தி⁴ யேஸங் தே மந்த³புத்³தி⁴னோ. “மந்தா³”தி முது³கா. “புத்³தி⁴”தி ஞாணங். மந்த³புத்³தி⁴னோ ஸோதுஜனே பபோ³தே⁴தி விகாஸேதி, ஞாண விகாஸங்பாபேதீதி மந்த³புத்³தி⁴ப்பபோ³த⁴னா. “கரிஸ்ஸ”ந்தி கரிஸ்ஸாமி. “த”ந்தி தங்வண்ணனங். “பரமத்தே²ஸுபாடவத்தி²னோஸுணந்து”தி யோஜனா. படுனோபா⁴வோபாடவங். படுனோதி ப்யத்தஸ்ஸபண்டி³தஸ்ஸ. பாடவேன அத்தோ² யேஸங் தே பாடவத்தி²னோ. இதிஸத்³தோ³ பரிஸமாபனஜோதகோ. ஸோ ஹி க³ந்தா²ரப்³ப⁴விதா⁴னஸ்ஸ இத⁴பரிஸமாபனங் பரினிட்டா²னங் ஞாபேதுங் க³ந்தா²ரப்³ப⁴வாக்யஸ்ஸபரியந்தே யோஜிதோ. அவயவ வாக்யானங் பியோஜீயதியேவ. ஏஸனயோஸப்³பத்த².

க³ந்தா²ரப்³ப⁴கா³தா²வண்ணனானிட்டி²தா.

1. ஏவங் க³ந்தா²ரப்³ப⁴விதா⁴னங் கத்வா இதா³னி ஆதி³கா³தா²ய ஸம்ப³ந்த⁴ங் த³ஸ்ஸெந்தோ “அபி⁴த⁴ம்மத்த²ஸங்க³ஹ”ந்திஆதி³மாஹ. ஸம்ப³ந்த⁴ந்தி காரணப்ப²லஸங்யோகங். தத்த² கா³தா²பவத்தனங் காரணங் நாம. பஞ்சபிண்ட³த்த² த³ஸ்ஸனங் ப²லங் நாம. காரணப்ப²லஸங்யோகோ³ ஸம்ப³ந்தோ⁴னாம. “ஸப்பயோஜனே”தி ப²லப்பயோஜனஸஹிதே. க³ந்தே²ன அபி⁴தா⁴தப்³போ³ கதே²தப்³போ³தி க³ந்தா²பி⁴தெ⁴ய்யோ. நிபதஸ்ஸ கம்மங் நிபச்சங். நிபச்ச கிரியா, நிபச்சாகாரோ, நிபச்சகாரஸ்ஸகரணந்தி ஸமாமோ. “ஸா”தி ரதனத்தயவந்த³னா. த³ஸ்ஸிதாதிஸம்ப³ந்தோ⁴. “அபி⁴ஹிதா”தி

கதி²தா. பகாஸிதாதி வுத்தங் ஹோதி. “பதா⁴னத்த²பூ⁴தா”தி
அதி⁴ப்பேதத்த²பூ⁴தாதி அதி⁴ப்பாயோ. து³விதோ⁴ஹி அத்தோ²வசனத்தோ² ச
அபி⁴தா⁴னத்தோ²ச. தத்த² க³ச்ச²தீதி க³தோ, புரிஸோதி வுத்தேக³ச்ச²தி பதே³ன
வுத்தோ யோகோசி க³ச்ச²ந்தோ வசனத்தோ²னாம. புரிஸோதி
பதே³னத³ஸ்ஸிதோ பதா⁴னத்தோ² அதி⁴ப்பேதத்தோ² அபி⁴தெ⁴ய்யத்தோ²
நாமாதி. “அபி⁴த⁴ம்மத்தா²”தி.

தத்த² வுத்தாபி⁴த⁴ம்மத்தா², சதுதா⁴ பரமத்த²தோ;
சித்தங் சேதஸிகங் ரூபங், நிப்³பா³னமிதி ஸப்³ப³தா². தி

ஏவங் வுத்தா அபி⁴த⁴ம்மத்தா². ஏவங் வுத்தத்தாயேவச தேசத்தாரோ
அபி⁴த⁴ம்மத்தா² ஏவ இத⁴பதா⁴னத்த²பூ⁴தாதி ச, - பதா⁴னத்தா²ஏவ
இத⁴க³ந்தா²பி⁴தெ⁴ய்ய பா⁴வேன அதி⁴ப்பேதாதி சவிஞ்ஞாயதீதி
அதி⁴ப்பாயோ.

கேசிபனவதெ³ய்யுங், தேஅபி⁴த⁴ம்மத்தா² ஸங்க³ஹப்பகரணங் பத்தா
விஸுங் ஸங்க³ஹத்தா²னாமப⁴வெய்யுங், நஅபி⁴த⁴ம்மத்தா² நாம. இத⁴ ச
ஸங்க³ஹத்தா² ஏவ அபி⁴தெ⁴ய்யபா⁴வேன அதி⁴ப்பேதாதி வுத்தங்
அபி⁴தெ⁴ய்யோ அபி⁴த⁴ம்மத்த² ஸங்க³ஹப்பதே³னாதி. வுச்சதே.
தேஅபி⁴த⁴ம்மத்தா² ஸங்க³ஹப்பகரணங் பத்தாபி அபி⁴த⁴ம்மத்தா² ஏவனாம
ஹோந்தி, ந விஸுங் ஸங்க³ஹத்தா²னாம. தத்த² வுத்தாபி⁴த⁴ம்மத்தா²திஹி
வுத்தங், நதுவுத்தங் தத்த² வுத்தாஸங்க³ஹத்தா²தி. ஏவஞ்சஸதி
ஸங்க³ஹிதபா⁴வமத்தங் விஸிட்ட²ங் ஹோதி. ததே³வ இத⁴
அபி⁴தெ⁴ய்யோ நாம ஸியாதி வுத்தங் “ஸங்க³ஹிதபா⁴வோபி
அபி⁴தெ⁴ய்யோ யேவா”திஆதி³. தத்த²

“ஸங்க³ஹிதபா⁴வோ”திசித்தஸங்க³ஹோ, சேதஸிகஸங்க³ஹோதிஆதி³னா
ஸங்க³ஹணகிரியா. ஸா ஸங்க³ஹிதேஹி த⁴ம்மேஹி அஞ்ஞா நஹோதி.
தெஸ்வேவத⁴ம்மேஸுஸங்க³ய்ஹதீதி வுத்தங் “ஸங்க³ஹிதபா⁴வோபி
அபி⁴தெ⁴ய்யோ யேவா”தி. கிஞ்சாபிதேஹி அஞ்ஞானஹோதி, தே ஸ்வேவ
ஸங்க³ய்ஹதி. ஸாபன க³ந்த²ஸ்ஸபதா⁴னத்தோ² நஹோதி. இத⁴ ச
பதா⁴னத்தோ²வ அதி⁴ப்பேதோதி வுத்தங் “தங்னஸுந்த³ர”ந்தி. கஸ்மா
நஸுந்த³ரந்தி ஆஹ “நஹிஸோ”திஆதி³ங். எத்த²சஹிஸத்தோ³ இமஸ்ஸ
வாக்யஸ்ஸஹேதுவாக்யபா⁴வங் ஜோதேதி. ஏஸனயோபரத்த²பி.

“இதோபட்ட²ய சா”திஆதி³ க³ந்த² க³ருதோ³ஸவிவஜ்ஜனங். தத்த²
“இமஸ்ஸஸங்க³ஹஸ்ஸா”தி இமஸ்ஸஅபி⁴த⁴ம்மத்த²ஸங்க³ஹஸ்ஸ.
“து³தீயா”திது³தீயாடிகா. “த³வேபீ”தி த³வேபிடிகாயோ.

“விஸுத்த³தி⁴மக்³கே³மஹாடிகா”தி ஆசரியத⁴ம்மபாலத்தே²ரேன
கதாபரமத்த²மஞ்ஜுஸானாமடிகா. ஸா ப்³ரம்மரட்டே² திரியபப்³ப³தவாஸினா

தே²ரேனகதங் துளடிகங் உபாதா³ய மஹாடிகாதி பாகடா. தங்ஸந்தா⁴யேதங்
வுத்தங்.

க³ந்த²ப்பகாரோச பகாரவந்தேஹி த⁴ம்மேஹி ஸஹேவஸிஜ்ஜ²தி, வினா
நஸிஜ்ஜ²தி அதி⁴ப்பாயேன “ஸோஅபி⁴த⁴ம்மத்த²பதே³னா”தி வுத்தங்.
காமஞ்ச ஸோ தேஹி ஸஹேவஸிஜ்ஜ²தி, வினானஸிஜ்ஜ²தி.
அபி⁴த⁴ம்மத்த²பத³ங் பன ஸங்க³ஹணகிரியாபகாரங்ன வத³தி வுத்தங் “தங்
நஸுந்த³”ந்தி. து³வித⁴ங் நாமங் அன்வத்த²னாமங் ருளிநாமந்தி. தத்த²,
அத்தா²னுக்³தங் நாமங் அன்வத்த²னாமங், யதா² ஸுகி²தஸ்ஸஜனஸ்ஸ
ஸுகோ²தினாமங். அத்த²ரஹிதங் ஆரோபிதங் நாமங் ருளிநாமங், யதா²
து³க்கி²தஸ்ஸஜனஸ்ஸ ஸுகோ²தி நாமங். இத⁴ பன அன்வத்த²னா
மந்தித³ஸ்ஸேதுங் “அத்தா²னுக்³தா”திஆதி³ வுத்தங். தத்த² “அத்தா²னுக்³தா”தி
ஸகத்தா²னுக்³தா. ஸத்³த³ப்பவத்தினிமித்தானுக்³தாதி வுத்தங் ஹோதி.
“க³ந்த²ஸமஞ்ஞா”தி க³ந்த²ஸம்முதி. க³ந்த²ஸ்ஸனாமந்தி வுத்தங் ஹோதி.
ஸங்க³ஹக³ந்தோ²னாம பானியங்தத்த² தத்த² விப்பகிண்ணேத⁴ம்மே ஏகத்த²
ஸபா⁴க³ராஸிகரணவஸேன பவத்தோ க³ந்தோ². தங் உக்³க³ண்ஹந்தோ
அப்பகேன க³ந்தே²னப³ஹுகேத⁴ம்மேஸுகே²னஜானாதி.
“தது³க்³ஹபரிபுச்சா²தி³வஸேனா”தி தஸ்ஸஉக்³க³ஹோச பரிபுச்சா²சாதி
த்³வந்தோ³. ஆதி³ஸத்³தே³ன தா⁴ரணாதீ³னி ஸங்க³ண்ஹாதி. தத்த²
பாட²ஸ்ஸவாசக்³தகரணங் உக்³க³ஹோனாம. உக்³க³ஹி தஸ்ஸபாட²ஸ்ஸ
அத்த²க்³ஹணங் பரிபுச்சா²னாம. “அனாயாஸதோ”தி நித்³து³க்கே²ன.
“லத்³த⁴ப்³பங்²லானுப²ல”ந்தி ஸம்ப³ந்தோ⁴. ஸரூபதோ அவபு³ஜ்ஜ²னங்
ஸரூபாவபோ³தோ⁴. ஆதி³ஸத்³தே³ன லக்க²ணாவபோ³தோ⁴ ரஸாவ
போ³தோ⁴திஆதி³ங் ஸங்க³ண்ஹாதி. அனுபாதா³பரினிப்³பா³னங் அந்தோ
பரியோஸானங் யஸ்ஸாதி அனுபாதா³பரினிப்³பா³னந்தங். தத்த²
“அனுபாதா³பரினிப்³பா³ன”ந்தி தண்ஹாதி³ட்²ஹி க²ந்தே⁴ஸு
அனுபாதா³யபரினிப்³பா³னங். அனுபாதி³ஸேஸ பரினிப்³பா³னந்தி வுத்தங் ஹோதி.
“ப²லானுப²ல”ந்தி ப²லஞ்சேவ அனுப²லஞ்ச. தத்த² “ப²ல”ந்தி மூலப்ப²லங்.
“அனுப²ல”ந்தி பரம்பரப்ப²லங். பயோஜேதீதி “பயோஜனங்”. பயோஜேதீதி
நியோஜேதி. கிங் நியோஜேதி. ப²லத்தி²கங்ஜனங். கத்த² நியோஜேதி.
ப²லனிப்³புத்தகேகம்மே. கிமத்தா²ய நியோஜேதி. தஸ்ஸகம்மஸ்ஸ
கரணத்தா²யாதி. ப²லானுப⁴வனத்தா²ய தத்த²தத்த² ப²லானுப⁴வனகிச்சேஸு
பயுஜ்ஜீயதீதி பயோஜனந்தி பிவத³ந்தி. “ஸாமத்தி²யதோ”தி வசனஸாமத்தி²யதோ.
கிங் வசனஸாமத்தி²யந்தி. காரணவசனங் ப²லங்³பிதீ³பேதி. ப²லவசனங்
காரணங்³பிதீ³பேதி. யதா²தங் அஸுகஸ்மிங் ரட்டே² ஸம்மாதே³வோ வுட்டோ²தி
வுத்தே தங் ரட்ட²ங்ஸு பி⁴க்க²ந்தி விஞ்ஞாயதி. அஸுகரட்ட²ங்
ஸுபி⁴க்க²ந்திவுத்தே தஸ்மிங் ரட்டே² ஸம்மாதே³வோ வுட்டோ²தி
விஞ்ஞாயதீதி. பயோஜனங் பன அபி⁴த⁴ம்மத்த² ஸத்³தே³ன த³ஸ்ஸேதப்³பங்
நத்தி², ஸங்க³ஹவசனஸாமத்தி²யேனேவ ஸித்³த⁴ங் ஹோதீதி அதி⁴ப்பாயேன

“ஸங்க்ஹஸத்³தே³னா”தி வுத்தங். ஸாமத்தி²யத்³ஸ்ஸனே பன ஸுட்டு²
பரிபுண்ணவசனங் இச்சி²தப்³பங் ஹோதி. இதரதா² அனிட்ட²த்த²ப்பஸங்கோ³பி
ஸியாதி இமமத்த²ங் த³ஸ்ஸேதுங் “தங் ந ஸுந்த³ர”ந்தி வத்வா
“நஹீ”திஆதி³னா ஹேதுவாக்யேன தத்³த்த²ங் ஸாதே⁴தி.

2. ஏவங் ஸப்பயோஜனே பஞ்சபிண்ட³த்தே²தி எத்த² பஞ்சபிண்ட³த்தே²
த³ஸ்ஸெத்வா இதா³னி தேஸங்பஞ்சன்னங் பிண்ட³த்தா²னங் விஸுங்விஸுங்
பஞ்சப்பயோஜனானி த³ஸ்ஸெந்தோ “தத்தா²”திஆதி³மாஹ. “தத்தா²”தி
தேஸுபஞ்சஸு பிண்ட³த்தே²ஸு. நஸங்க்யாதப்³பந்தி அஸங்க்யெய்யங்.
ஸங்கா²துங்அஸக்குணெய்யந்தி அத்தோ². நபமேதப்³பந்தி அப்பமெய்யங்.
பமேதுங் அஸக்குணெய்யந்தி அத்தோ². ஏவங் கிச்சபச்சயானங் கத்த²சி
ஸக்கத்த² தீ³பனங் ஹோதி. ஸகவசனங் பாஸிவசனேன ஸாதே⁴துங்
“யதா²ஹா”தி புச்சி²த்வா பாஸிகா³தங் ஆஹரி. தத்த² “யதா²ஹா”தி கத²ங் ஆஹ
இச்சேவத்தோ². அனந்தரே வுத்தஸ்ஸ அத்த²ஸ்ஸ ஸாத⁴கங் வசனங் கத²ங்
பாஸியங் ஆஹ, கத²ங் அட்ட²கதா²யங் ஆஹ, கத²ங் டிகாயங் ஆஹாதி ஏவங்
யதா²ரஹங் அத்தோ² வேதி³தப்³போ³. “தேதாதி³ஸேனிப்³பு³தே அகுதோப⁴யே
பூஜயதோ”தி யோஜனா. தத்த² “தே”தி புத்³த⁴ புத்³த⁴ ஸாவகே. “தாதி³ஸே”தி
ததா² ரூபேஸீ லக்கந்தா⁴தி³கு³ண ஸம்பன்னே. “நிப்³பு³தே”தி கிலேஸ
நிப்³பா³னேன நிப்³பு³தே. நத்தி² குதோசி ஹேதுதோ ப⁴யங் யேஸங் தே
அகுதோ ப⁴யா. அனாகா³மி கீணாஸவா. “ப⁴ய”ந்தி சித்துத்ராஸப⁴யங்.
“பூஜயதோ”தி பூஜெந்தஸ்ஸ. “தங் பயோஜன”ந்திதஸ்ஸாரதனத்தய வந்த³னாய
பயோஜனங். “ஸங்க்ஹகாரா”தி புத்³த⁴கோ⁴ஸத்தே²ராத³யோ பச்சி²ம
அட்ட²கதா²காரா வுச்சந்தி. தேஹி போராணட்ட²கதா²ஸு தத்த² தத்த²
விப்பகிண்ணேபகிண்ணகவினிச்ச²யேயுத்தட்டா²னேஸு ஸங்க்ஹெத்வா
அபி⁴னவ அட்ட²கதா²யோ கரொந்தி. தஸ்மா ஸப்³பா³அபி⁴னவஅட்ட²கதா²யோ
ஸங்க்ஹா நாம ஹொந்தி. தே ச ஆசரியா ஸங்க்ஹகாரா நாம. தேன வுத்தங்
“ஸங்க்ஹகாராதி புத்³த⁴கோ⁴ஸ. பே... வுச்சந்தீ”தி. தே அந்தராய
நீவாரணமேவ இச்சந்தீதி கத²ங் விஞ்ஞாயதீதி சே. தேஸங் வசனேன
விஞ்ஞாயதீதி த³ஸ்ஸேதுங் ஸங்க்ஹகார கா³தங் ஆஹரி.
“ரதனத்தயேகதஸ்ஸ ஏதஸ்ஸனிபச்சகாரஸ்ஸ ஆனுபா⁴வேன அந்தராயே
அஸேஸதோஸோஸெத்வாதி யோஜனா. “ஹீ”தி ஞாபகஹேது ஜோதகோ.
“வுத்த”ந்தி அட்ட²ஸாலினியங் வுத்தங்.

3. “கத²ஞ்சஹோதீ”தி ஸம்ப³ந்தோ⁴. இதி அயங் புச்சா². “வுச்சதே”தி
விஸஜ்ஜனா கதீ²யதே. “ஹீ”திவித்தா²ரஜோதகோ. “வந்த³னா
கிரியாபி⁴னிப்பா²த³கோ புஞ்ஞப்பவாஹோ”தி ஸம்ப³ந்தோ⁴. “அனேக...பே...
வாரே”தி அச்சந்த ஸங்யோகத்தே² உபயோக³ வசனங். “புஞ்ஞாபி⁴ஸந்தோ³”தி
புஞ்ஞாபி⁴ஸோதோ, புஞ்ஞப்பவாஹோதி தஸ்ஸேவ வேவசனங். “ஸோ ச
புஞ்ஞாதிஸ்ஸயோ ஹோதீ”தி ஸம்ப³ந்தோ⁴. கஸ்மா ஸோ புஞ்ஞா

திஸ்ஸயோ ஹோதீதி. கெ²த்த ஸம்பத்தியா ச அஜ்ஜா²ஸய ஸம்பத்தியா ச
 ஹோதீதி த³ஸ்ஸேதுங் “அனுத்தரேஸு”திஆதி³மாஹ. ஸங்வட்³டி⁴த்தா²தி
 ஸங்வட்³டி⁴தோ. புஞ்ஞாபி⁴ஸந்தோ³. ஸங்வட்³டி⁴தஸ்ஸபா⁴வோ
 ஸங்வட்³டி⁴தத்தங். ஸுக³ந்தே⁴ஹிவிய ஸுபரிஸு³த⁴ங்வத்தங்
 பரிபா⁴வீயித்தா²தி பரிபா⁴விதோ. புஞ்ஞாபி⁴ஸந்தோ³யேவ. பரிபா⁴விதஸ்ஸ
 பா⁴வோ பரிபா⁴விதத்தங். உப⁴யத்தா²பி ஹேது அத்தே² நிஸ்ஸக்கவசனங்.
 “மஹாஜுதிகோ”தி மஹாதேஜோ. “மஹப்ப²லோ”தி மூலப்ப²லேன மஹப்ப²லோ.
 “மஹானிஸங்ஸோ”தி ஆனிஸங்ஸப்ப²லேன மஹானிஸங்ஸோ.
 ஆனிஸங்ஸப்ப²லந்தி ச பரம்பரா ப²லங் வச்சதி. அஞ்ஞங் புஞ்ஞங்
 அதிக்கமந்தோ ஸயதி பவத்தீதி அதிஸ்ஸயோ. புஞ்ஞஞ்ச தங்
 அதிஸ்ஸயோசாதி புஞ்ஞாதிஸ்ஸயோ. அதிஸ்ஸயபுஞ்ஞங், அதி⁴க புஞ்ஞந்தி
 அத்தோ². “ஸோ அனுப³லங் தே³தி, ஓகாஸலாப⁴ங் கரோதீ”தி ஸம்ப³ந்தோ⁴.
 கத²ஞ்ச அனுப³லங் தே³தி, கத²ஞ்ச ஓகாஸலாப⁴ங் கரோதீதி ஆஹ “ஸயங்
 பயோக³ ஸம்பத்திபா⁴வேட²த்வா”திஆதி³ங். தத்த² பயோக³ஸம்பத்தினாம அதீத
 புஞ்ஞுகம்மானங் ப³லவதரங் உபத்த²ம்ப⁴ககம்மங் ஹோதி. “ப³ஹித்³தா⁴”தி
 ப³ஹித்³த⁴ஸந்தானதோ. “விபத்திபச்சயே ஸம்பத்திபச்சயே”தி யோஜேதப்³பங்.
 தத்த², விபத்திபச்சயானாம-ராஜதோவா சோரதோவா-திஆதி³னா ஆக³தா
 து³க்கு²ப்பத்திபச்சயா. ஸம்பத்திபச்சயானாம காயசித்தானங் ஸப்பாய பச்சயா.
 சத்தாரோ பச்சயா ச உபட்டா²ககுலானி ச ஆரக்க² தே³வதாத³யோ ச
 ஸுகு²ப்பத்தி பச்சயா. தேஹி பச்சயேஹி பாமோஜ்ஜ ப³ஹு லஸ்ஸ தே²ரஸ்ஸ
 ஸந்தானே ரத்திதி³வங் பீதிபஸ்ஸத்³தி⁴ஸுக²ஸமாதீ⁴னங் பவத்தியா
 அஜ்ஜத்தபூ⁴தா உதுசித்தாஹாரா ச அதி பணீதா ஹொந்தி. தேஹி
 ஸமுட்டி²தா ஸரீரட்ட²கதா⁴துயோ ச அதிபணீதா ஏவ ஹுத்வா உபப்³ருஹந்தி.
 தத்த² ஸரீரட்ட²கதா⁴துயோ நாம பத²வி ஆத³யோ
 வாதபித்தஸெம்ஹாத³யோச. “அனுப³லங்தே³தி”திஅபி⁴னவங்தா²மப³லங்
 பவத்தேதி. “புஞ்ஞந்தரஸ்ஸா”தி பவத்திவிபாகஜனகஸ்ஸ ப³ஹுவித⁴ஸ்ஸ
 புஞ்ஞ கம்மஸ்ஸ. “அதா²”தி தஸ்மிங் காலேதி அத்தோ². “ப³லவப³லவந்தியோ
 ஹுத்வா”தி பகதி ப³லதோ அதிப³லவந்தியோ ஹுத்வா. “தஸ்மிங்
 தே²ரஸந்தானே”தி ஸம்ப³ந்தோ⁴. “இட்ட²ப்ப²லக⁴னபூரிதே”தி
 இட்ட²ப்ப²லபூ⁴தானங் ரூபஸந்ததீனங் க⁴னேன பூரிதே. “ஓகாஸோ நாம
 நத்தீ²”தி பதிட்டா²னோகாஸோ நாம நத்தி². “இதீ”தி தஸ்மா. “தூ³ரதோ
 அபனீதானேவ ஹொந்தீ”தி ஸம்ப³ந்தோ⁴. இட்ட²ப்ப²லஸந்தானங் விபா³த⁴ந்தி
 நீவாரெந்தீதி இட்ட²ப்ப²லஸந்தானவிபா³த⁴கானி உபபீளகூபகா⁴தககம்மானி.
 அனிட்ட²ப்ப²ல ஸந்தான ஜனகானி, அகுஸல ஜனக கம்மானி, அபுஞ்ஞ
 கம்மானீதி தானிதிவிதா⁴னி அகுஸலகம்மானி தூ³ரதோ அபனீதானேவ
 ஹொந்தி, தேஸங் விபாகஸ்ஸ அனோகாஸகரணேனாதி அதி⁴ப்பாயோ.
 தேனாஹ “நஹி”திஆதி³ங். “ததோ”தி தஸ்மா அபுஞ்ஞ கம்மானங் தூ³ரதோ
 அபனீதத்தா. அபி⁴வாதே³தப்³பா³னங் மாதாபிது ஸமணப்³ராஹ்மணாதீ³னங்

அபி⁴வாத³னகம்மேக³ருங்கரணங் அபி⁴வாத³ன ஸீலங் நாம. தங் அஸ்ஸ
அத்தீ²தி அபி⁴வாத³னஸீலீ. கு³ணவுத்³த⁴வயவுத்³தே⁴ அபசேதி அத்தானங்
நீசவுத்தி கரணேன பூஜேதிஸ்ஸீலேனாதி வுத்³தா⁴பசாயீ.

உப⁴யத்தா²பிஸம்பதா³ன வசனங். ஏவந்திஆதி³னி க³மன வசனங். நிக³மந்தி ச
நிட்ட²ங்க³மனங். தஸ்மாதிஆதி³ லத்³த⁴கு³ண வசனங். லத்³த⁴கு³ணோதி ச
தங்தங்பஸங்க³ விலேஸாத⁴னங் பரிபுண்ணங் கத்வா லத்³தோ⁴விஸுத்³தோ⁴
அத்தோ² வுச்சதி. ததா² வசன ஸாமத்தி²யேன லத்³தோ⁴ அத்த²ந்தரோபி
அயமித⁴ அதி⁴ப்பேதோ. “நகேவலஞ்ச தே²ரஸ்ஸேவ அனந்தராயேன
பரிஸமாபனத்த²ங் ஹோதீ”தி யோஜனா. “ஸோதூனஞ்சக³ஹண கிச்ச
ஸம்பஜ்ஜனத்த²”ந்திஸம்ப³ந்தோ⁴. ஸுணந்தீதி ஸோதாரோ. தேஸங்.
“க³ணஹந்தான”ந்தி உக்³க³ணஹந்தானங். “வந்த³னாஸித்³தி⁴யா”திர
தனத்தயேவந்த³னா புஞ்ஞஸ்ஸஸித்³தி⁴தோ. ஜவனவினிச்ச²யே யஸ்மா
அந்தராய நீவாரணங்னாம தி³ட்ட²த⁴ம்மே இச்சி²தப்³பங் ப²லங் ஹோதி. தி³ட்ட²
த⁴ம்மோ ச பத²ம ஜவனஸ்ஸ விபாகக்கெ²த்தங். தஸ்மா உபத்த²ம்ப⁴ன
கிச்சங் பத்வாபி பத²ம ஜவன சேதனா ஏவ இத⁴பரியத்தாதி அதி⁴ப்பாயேன
“தி³ட்ட²த⁴ம்மவேத³னீயபூ⁴தா”தி வுத்தங். ஸா பன பத²ம ஜவன சேதனா
உபத்த²ம்ப⁴ன கிச்சங் பத்வாபி ஸப்³புது³ப்³லா ஏவஸியா. கஸ்மா,
அலத்³தா⁴ஸேவனத்தா. ஸேஸ சேதனாயோ ஏவ ப³லவதியோ ஸியுங்.
கஸ்மா, லத்³தா⁴ ஸேவனத்தாதி த³ட்ட²ப்³பங். “ஸத்தஜவனபக்கே²
அதி⁴ப்பேதத்தா உபலத்³த⁴ப்³புத்தா தங் நஸுந்த³ர”ந்தி ஸம்ப³ந்தோ⁴. “இதீ”தி
வாக்யபரிஸமாபனங். “யதா² அப்பமத்தகங் ஹோதி. ஏவமேவங் அப்பமத்தகங்
ஹோதீ”தி யோஜேதப்³பங். “ததா²ஹீ”தி ததோ ஏவாதி அத்தோ².
பட்டா²னேபி=கப்³ளிகாரோஆஹாரோ இமஸ்ஸகாயஸ்ஸ ஆஹார
பச்சயேனபச்சயோ=திவிப⁴த்தோ. இதரதா² ‘கப்³ளிகாரோ ஆஹாரோ
ஆஹாரஸமுட்டா²னானங் ரூபானங் ஆஹாரபச்சயேன பச்சயோ’தி விப⁴த்தோ
ஸியாதி. “அது⁴னாவா”தி இமஸ்மிங் ப⁴வே ஏவ. ஏவங்
வந்த³னாயபயோஜனங் தீ³பெத்வா இதா³னி ஸேஸானங் பிண்ட³த்தா²னங்
பயோஜனங் தீ³பேதுங் “யஸ்மாபனா”திஆதி³ வுத்தங். தத்த²,
“ஆதி³தோவிதி³தேஸதீ”திஆதி³ம்ஹி-பா⁴ஸிஸ்ஸங் அபி⁴த⁴ம்மத்த²
ஸங்க³ஹ-ந்தி பத³ங் ஸுத்வா விஞ்ஞாதேஸதி, “உஸ்ஸாஹோஜாயதி”. இமங்
உக்³க³ஹெத்வா ஸுது³ல்லபே⁴ அபி⁴த⁴ம்மத்தே² ச அனாயாஸேன
ஜானிஸ்ஸாம, தம்மூலகஸ்ஸ ச அனுபாதா³ பரினிப்³பா³னந்தஸ்ஸ
பயோஜனஸ்ஸபா⁴கி³னோ ப⁴விஸ்ஸாமாதி சித்துப்பாத³ ஸம்ப⁴வதோதி
அதி⁴ப்பாயோ.

பிண்ட³த்தா²னுதீ³பனா நிட்டி²தா.

4. பத³த்தே². “புஜ்ஜீ”தி அஞ்ஞாஸி. “எத்தா²”தி ஏதஸ்மிங் பதே³. ச ஸத்³தோ³
வாக்யாரம்ப⁴ ஜோதகோ. வாக்யா ரம்போ⁴தி ச மூலவாக்யே யங் யங்

வத்தப்³ப³ங் அவுத்தங், தஸ்ஸ தஸ்ஸ கத²னத்தா²ய அனுவாக்யஸ்ஸ
ஆரம்போ⁴. பு³ஜ்ஜ²னகிரியாவுச்சதிஞாணங். கத²ங்பனஅவிபரீதத்தே² பவத்தோ
ஸம்மாஸத்தோ³ அஸேஸ ப்யாபனங் தீ³பேதீதி புச்சா²ய புரிமத்த²மே
வப்யதிரேகதோ ச அன்வயதோ ச புன வித்தா²ரெந்தோ “ததா²ஹீ”திஆதி³மாஹ.
தத்த², “ததா²ஹீ”தி தஸ்ஸ வசனஸ்ஸ அயங் வித்தா²ரோதி ஜோதேதி.
“அவிபரீத”ந்தி கிரியாவிஸேஸன பத³மேதங். “அத்தனோ விஸயே ஏவா”தி
அத்தனோ ஞாணவிஸயே ஏவ தேஸங் விஸயோசாதி ஸம்ப³ந்தோ⁴. யஸ்மா
ஏகோபி த்⁴ம்மோ காலதே³ஸஸந்தானாதி³பே⁴தே³ன அனந்த பே⁴தோ³
ஹோதி. தஸ்மா பதே³ஸஞாணிகா பச்சேகபு³த³தா⁴த³யோ ஏகத⁴ம்மங்பி
ஸப்³பா³காரதோ ஜானிதுங் ந ஸக்கொந்தி. தேனாஹ “தேஹீ”திஆதி³ங். தத்த²
“ஸப்³பா³காரதோ”தி ஸபா⁴வதோ, ஹேதுதோ, பச்சயதோ, ப²லதோ,
நிஸ்ஸந்த³தோ, காலதோ, தே³ஸதோதிஆதி³னா ஆகாரேன. “யத்தா²”தி யஸ்மிங்
அவிஸயேத⁴ம்மே. “தே விபரீதங் பு³ஜ்ஜெ²ய்யுங், ஸோ அவிஸயோ
நாமத⁴ம்மோனத்தீ²”தியோஜனா. தங் வித்தா²ரெந்தோ “தேஹீ”திஆதி³மாஹ.
தத்த², “தியத்³த⁴க³தே”தி தீஸுகாலேஸு க³தே பவத்தே. “அத்தா⁴முத்தகே”தி
காலத்தயவிமுத்தகே. “ஹத்த²மணிகேவியா”தி ஹத்த² தலே
ட²பிதமணிரதனானிவிய. “ஸப்³பே³ த்⁴ம்மா”திஆதி³ பாளிஸாத⁴கங். தத்த²,
“ஆபாத”ந்தி அபி⁴முக²ங் பதனங். ஆபாத⁴ந்திபி பாடோ², ஒத்த²ரித்வா
உபட்டா²னந்தி அத்தோ². “ஸப்³ப³ஞ்ஞமஹாப⁴வங்க³”ந்தி
ஸப்³பே³ஸங்ஸப்³ப³ஞ்ஞபு³த³தா⁴னங் பச்சி²மப⁴வே படிஸந்தி⁴தோ பட்டா²ய
பவத்தங் அட்ட²ஸு மஹாவிபாகேஸு பத²மமஹாவிபாகங் ப⁴வங்க³ சித்தங்.
“தத்தா²”தி தஸ்மிங் மஹாப⁴வங்கே³. “நிச்சகாலங் உபட்ட²ஹந்தீ”தி
ஸப்³ப³காலங் உபட்டா²னாகார பத்தா ஹுத்வா திட்ட²ந்தி. கஸ்மா, கஸ்ஸசி
ஆவரணஸ்ஸ அபா⁴வதோ. இத³ங்பிஹி ஏகங் உபட்டா²னங் நாமாதி.
“ஆவஜ்ஜனாயா”தி மனொத்³வாராவஜ்ஜன சித்தேன. த்⁴ம்மா மஹந்தா.
ப⁴வங்க³ங் பரித்தகங். தஸ்மா பரித்தகங் ப⁴வங்க³ங் ஏகக்க³ணே மஹந்தானங்
த்⁴ம்மானங் நபஹோதீதி சோத³கஸ்ஸ அதி⁴ப்பாயோ.
“நசோதே³தப்³ப³மேத”ந்தி ஏதங் டா²னங் நசோதே³தப்³ப³ங்.
“பரமுக்கங்ஸபத்தான”ந்தி எத்த² “உக்கங்ஸோ”தி அச்சக்³க³மோ அச்சத்தரோ.
பரமோ உக்கங்ஸோ பரமுக்கங்ஸோதிவிக்³க³ஹோ.

ஏவங் ஸம்மாஸத்³த³ஸ்ஸ அத்த²ங் விசாரெத்வா இதா³னி ஸங்ஸத்³த³ஸ்ஸ
அத்த²ங் விசாரெந்தோ “ஸங்ஸத்³தோ³பனா”திஆதி³மாஹ. தத்த²,
“உபஸக்கோ³”தி உபஸக்க³பத³ங். “படிவேத⁴த⁴ம்மேஸு”தி
படிச்சஸமுப்பாதா³தீ³னங் படிவிஜ்ஜ²னஞ்ஞாணேஸு. நத்தி² ஆசரியோ
ஏதஸ்ஸாதி அனாசரியோ. ஸமாஸந்தே ககாரேன ஸஹ அனாசரியகோ.
அனாசரியகஸ்ஸ பா⁴வோ அனாசரியகதா. தங் அனாசரியகதங். ததீயா
ருப்பஸமாபத்தி நாம ஆகிஞ்சஞ்ஞாயதனஜ்ஜா²னங். தங் ப⁴க³வா ஆளாரஸ்ஸ
ஸந்திகே உக்³க³ண்ஹாதி. சதுத்தா²ருப்பஸமாபத்தி நாம நேவஸஞ்ஞா

நாஸஞ்ஞாயதனஜ்ஜா²னங். தங் உத³கஸ்ஸஸந்திகே உக்³க்³ண்ஹாதீதி வுத்தங்
 “ஆளாருத³கமூலிகா”தி. “அனலங்கரித்வா”தி ஆவஜ்ஜனஸமாபஜ்ஜனாதி³வஸேன
 அனலங்கரித்வா. அனாஸேவித்வாதி வுத்தங் ஹோதி. “ச²ட்³டி³தத்தா”தி
 ஏதாஸமாபத்தியோனாலங் போ³தா⁴ய, அத² கோ² யாவதே³வ ததீய
 சதுத்தா²ருப்பப⁴வப்படி⁴லாபா⁴ய ஸங்வத்தந்தீதி ஏவங் ஆதீ³னவங் தி³ஸ்வா
 ச²ட்³டி³தத்தா. “பு³ஜ்ஜ²னகிரியாயா”தி படிவேத⁴ஞ்ஞாணஸ்ஸ. “குதோ
 படிவேத⁴த⁴ம்மா”தி தா குதோ படிவேத⁴த⁴ம்மா ஹொந்தி.
 படிவேத⁴த⁴ம்மா ஏவ ச பு³த³த⁴பா⁴வாயபத³ட்டா²னாஹொந்தீதி
 அதி⁴ப்பாயோ.

பாளியங். “பு³பே³ அனநுஸ்ஸுதேஸுத⁴ம்மேஸு”தி இமஸ்மிங் ப⁴வே
 இதோ பு³பே³ கஸ்ஸசிஸந்திகே அனநுஸ்ஸுதே ஸுசதுஸ்ஸச்ச த⁴ம்மேஸு.
 “அபி⁴ஸம்புஜ்ஜீ”திபதே³ அபி⁴ஸம்போ³தி⁴ஸங்கா²தங்
 அரஹத்தமக்³ஞ்ஞாணங் வுத்தங். ததே³வ ஞாணங் ஸப்³பு³ஞ்ஞுதஞ்ஞாணஸ்ஸ
 பத³ட்டா²னங் ஹோதி. தப்பச்சயா தத³னந்தரா ஏவஸப்³பு³ஞ்ஞுதஞ்ஞாணங்
 பாதுப்³ப⁴வதீதி வுத்தங் “தத்த² ச ஸப்³பு³ஞ்ஞுதங் பாபுணாதீ”தி. “தத³னந்தரா”தி ச
 அரஹத்த மக்³க³வீதி²யாச சதுன்னங் பச்சவெக்க²ன வாரானஞ்ச அனந்தரே
 காலேதி அத்தோ². “நிமித்தத்தே²”தி நிமித்த ஹெத்வத்தே². “பு⁴ம்ம”ந்தி
 அட்ட²கதா²ஸுஆக³தங் ஸத்தமீவிப⁴த்தியானாமங். தாஸு ஹி பச்சத்தவசனங்,
 உபயோக³வசனங், கரண வசனங், ஸம்பதா³ன வசனங், நிஸ்ஸக்கவசனங்,
 ஸாமிவசனங், ஸும்மவசனந்தி ஏவங் அனுக்கமேன ஸத்தன்னங் விப⁴த்தீனங்
 நாமானி ஆக³தானீதி.

“த³ஸபு³லஞ்ஞாணேஸு”தி டா²னாடா²ன கோஸல்லஞ்ஞாணாதீ³ஸு த³ஸ
 ஞாணப³லேஸு. “வஸிபா⁴வ”ந்தி எத்த² அத்தனோ வஸங் வத்தேதுங்
 ஸமத்த²தா ஸங்கா²தோஸத்தி விஸேஸோ வஸோனாம. வஸோ ஏதஸ்ஸ
 அத்தீ²தி வஸீ-வஸிக³ணேஹீதிஆதீ³ஸுவிய. வஸினோ பா⁴வோ
 வஸிபா⁴வோ. தங் வஸிபா⁴வந்தி அத்தோ². தேனாஹ “வஸிபா⁴வ”ந்தி
 இஸ்ஸரபா⁴வந்தி. கத்த²சி பன “வஸீ”தி இத்தி²லிங்க³பத³ங்
 தி³ஸ்ஸதி=தத்ரிமா பஞ்சவஸியோ ஆவஜ்ஜனவஸீஸமாபஜ்ஜனவஸீ=திஆதீ³ஸு.

ஸம்மாஸம்பு³த³த⁴பத³.

5. அதுலபதே³ . அனேகேஹிகு³ணபதே³ஹி பவத்திதாவந்த³னா
 “அனேககு³ணபத³விஸயானாம”. “இதிகிங்து³தீயேனா”தி இதி தஸ்மா து³தீயேன
 அதுலபதே³ன கிங் பயோஜனங் அத்தீ²தி அத்தோ². “நன ஸமத்தா²”தி நஸமத்தா²
 ந ஹோதீதி யோஜனா. ஸமத்தா² ஏவாதி அதி⁴ப்பாயோ. “மத்தகாரினோ”தி
 பமாணகாரினோ. “தே²ரோ ச தேஸங் அஞ்ஞுதரோ”, தஸ்மா மத்தங் ந கரோதி,
 து³தீயங் அதுல பத³ங் ஆஹரீதி அதி⁴ப்பாயோ. “அபிசா”தி கிஞ்சி வத்தப்³பங்

அத்தீ²தி அத்தோ². “நகேவலங் வந்த³னாய அந்தராயனீவாரணமேவ இச்சி²
தப்³பங் ஹோதீ²தி யோஜனா. “வந்த³னாயா”தி வந்த³னாஹேது. ஸோபி
பஞ்ஞாபாடவாதி³ அத்தோ². “க³ந்த²பாரிஸுத்தி⁴யா”தி க³ந்த²தோ³ஸானாம
பத³தோ³ஸ வாக்யதோ³ஸ அத்த²தோ³ஸாதயோ அத்தி². தேஹி தோ³ஸேஹி
இமஸ்ஸ க³ந்த²ஸ்ஸ பாரிஸுத்தி⁴யா. கத²ங் பன வந்த³னாய
பஞ்ஞாபாடவாதி³ அத்தோ²ஸம்ப⁴வதீதி வுத்தங்
“அனுஸ்ஸதிட்டா²னேஸு”திஆதி³. அனுஸ்ஸதிட்டா²னானி நாம பு³த்³த⁴
த⁴ம்ம ஸங்க⁴ஸீலாதீ³னி. சித்தஸமாதா⁴னங் ஆவஹதீதி
சித்தஸமாதா⁴னாவஹோ. “திக்கா²ஸுராஹுத்வாவஹதீ”தி க³ம்பீ⁴ரேஸு
அத்த² ப்யஞ்ஜன பதே³ஸு அமந்தா³ விஸ்ஸட்டா² ஹுத்வா வஹதி.
“தத³த்தா²யபீ”தி பஞ்ஞாபாடவாதி³ அத்தா²யபி. கு³ணனாமபதா³னங்
கு³ணத்தோ²னாமவிக்³ஹ வாக்யேஸு பாகடோ, ஸித்³த⁴பதே³ஸு அபாகடோ.
தஸ்மா தானி விக்³ஹத்த²ங் அஜானந்தானங் ஸந்திகே நாம மத்தானி
ஸம்பஜ்ஜந்தீதி வுத்தங் “யதா²வுத்த வசனத்த²யோகே³பி...பே... பவத்தத்தா”தி.
“ஸபா⁴வனிருத்திங் ஜானந்தான”ந்தி மாக³த⁴ பா⁴ஸங் ஜானந்தானங்.
மாக³த⁴பா⁴ஸாஹி மூலபா⁴ஸாதி ச அரியபா⁴ஸாதி ச மாக³த⁴பா⁴ஸாதி
ச பானிபா⁴ஸாதி ச த⁴ம்மனிருத்தீதி ச ஸபா⁴வனிருத்தீதி ச வுச்சதி.
“பா⁴வத்த²ஸுஞ்ஞ”ந்தி எத்த² கு³ணனாமானங் கு³ணத்தோ² பா⁴வத்தோ² நாம.
ஸோ ஏவஸகத்தோ²தி ச வசனத்தோ²தி ச விக்³ஹத்தோ²தி ச வுச்சதி.
கிரியனாமாதீ³ஸுபி ஏஸேவனயோ. “ஸத்து²”தி ஸத்து²னோ.
“ஸமஞ்ஞாமத்த”ந்தி நாமஸஞ்ஞாமத்தங் ப⁴விதுங் நாரஹதி. ததா²ஹி
அனாத²பிண்டிகோஸெட்டி² ராஜக³ஹங் அனுபத்தோ பு³த்³தோ⁴ லோகே
உப்பன்னோதி ஸுத்வா உதா³னங் உதா³னேஸி=கோ⁴ஸோபி கோ²
ஏஸோது³ல்லபோ⁴ லோகஸ்மிங் யதி³த³ங் பு³த்³தோ⁴=தி. தஸ்மா பு³த்³தோ⁴தி
நாமங்பி லோகே மஹந்தங் ஸுது³ல்லப⁴ங் கு³ணபத³ங் ஹோதி.
ஸம்மாஸம்பு³த்³த⁴ நாமேவத்தப்³மேவனத்தீ²தி. “ஸபா⁴வனிருத்திங்
அஜானந்தானங் பன பத³ஸஹஸ்ஸங் வுச்சமானங்”தி திட்ட²து ஏகங்
அதுலபத³ங், பத³ஸஹஸ்ஸங்பி வுச்சமானங் ஸத்து²ஸமஞ்ஞாமத்தமேவ
ஸம்பஜ்ஜதி. தாதி³ஸாஹி ஜனா இத³ங் லோகே மஹந்தங் கு³ணபத³ந்திபி
நஜானந்தி. பா⁴வத்த²ங் கிங்ஜானிஸ்ஸந்தி.

“அதுலோ”தி அஞ்ஞேன ஸோ அஸதி³ஸோதி வா, அஞ்ஞோ வாதேன
ஸதி³ஸோதஸ்ஸனத்தீ²திவா, - த்³விதா⁴பிஅத்தோ²லப்³ப⁴தி.
ஸாத⁴ககா³தா²யங் “படிபுக்³லோ”தி யுக்³கா³ஹிபுக்³லோ. கிஞ்சாபி மக்³லி
பூரணாதயோ விஸுங்விஸுங் - அஹங் ஸப்³புஞ்ஞா ஸப்³புத்³ஸ்ஸாவீ - திச,
அஹங் ஸம்மாஸம்பு³த்³தோ⁴-திச படிஜானந்தா யுக்³கா³ஹினோ ஹுத்வா
விசரந்தி. த⁴ம்மதோ பன ஸினேரு பப்³புத ராஜஸ்ஸ ஸந்திகே ஸக்க²ர
கத²லானிவியஸம்பஜ்ஜந்தீதி. “அனச்ச²ரிய”ந்தி நதாவ அச்ச²ரிதப்³பங் ஹோதீதி

அத்தோ². “பு³த்³த⁴பு⁴தஸ்ஸா”தி பு³த்³த⁴பா⁴வங் பு⁴தஸ்ஸபத்தஸ்ஸ. “யங்
பு³த்³த⁴ பு⁴தஸ்ஸ அதுலத்தங், ஏதங் அனச்ச²ரிய”ந்தி யோஜனா. யதி³ சேதங்
அனச்ச²ரியங் ஹோதி, கதமங் பன தாவ அச்ச²ரியங் ப⁴வதீதி ஆஹ
“ஸம்பதிஜாதஸ்ஸா”திஆதி³ங். தத்த² “ஸம்பதிஜாதஸ்ஸா”தி
அஜ்ஜேவஜாதஸ்ஸபி அஸ்ஸ ப⁴க³வதோ. கத²ங் அதுலதா பஞ்ஞாயதீதி ஆஹ
“ததா³ஹி”திஆதி³ங். “ஏகங்க³ணானீ”தி ஏகதலானி. ததா³ஹி
போ³தி⁴ஸத்தஸ்ஸபுஞ்ஞானுபா⁴வேன அதிமஹந்தோ ஓபா⁴ஸோ
பாதுப்³ப⁴வதி. = உளாரோ ஓபா⁴ஸோ பாதுரஹோஸி அதிக்கம்மதே³வானங்
தே³வானுபா⁴வ=ந்திஹி வுத்தங். தேன ஓபா⁴ஸேன ப²ரிதா ஸப்³பே³ பத²வி
பப்³பதாத³யோ ஜாதிப²லிகக்க²ந்தா⁴விய ஸுப்பஸன்னா ஹொந்தி.
த³ஸஸஹஸ்ஸ சக்கவாளானி ஏகதலங் ஹுத்வா பஞ்ஞாயந்தி. தேன வுத்தங்
“அனேகானி சக்கவாளஸஹஸ்ஸானி ஏகங்க³ணானி அஹேஸு”ந்தி. “பரமாய
பூஜாயாதி து²திமங்க³லவசனபூஜாய. “லோகஸ்ஸா”தி ஸப்³ப³ ஸத்தலோகதோ.
ஏவங் அச்ச²ம்பி⁴ வாசங் நிச்சா²ரேஸி த⁴ம்மதாய ஸஞ்சோதி³தத்தாதி
அதி⁴ப்பாயோ. தத்த² “அச்ச²ம்பி⁴வாச”ந்தி விஸாரத³வாசங். ஆஸபி⁴ங்
வாசந்திபி பாடோ². உத்தமவாசந்தி அத்தோ². “நிச்சா²ரேஸீ”தி உதா³ஹரதி.
இத³ம்பி அனச்ச²ரியங், அஞ்ஞங் பித்தோ அச்ச²ரியதரங் அத்தீ²தி த³ஸ்ஸேதுங்
“யதா³பனா”திஆதி³ ஆரத்³த⁴ங். பாரமிதா கு³ணேஹி தேன ஸதி³ஸோ
கோசினத்தே³வ த²பெத்வா அஞ்ஞே ச மஹாபோ³தி⁴ ஸத்தேதி அதி⁴ப்பாயோ
. “அஸ்ஸா”தி தேன ஸதி³ஸஸ்ஸ. “நத்தி²பா⁴வோ தீ³பேதப்³போ³”தி
ஸம்ப³ந்தோ⁴. “தீ³பேதப்³போ³”தி பு³த்³த⁴வங்ஸபாளிதோ ஆஹரித்வா
தீ³பேதப்³போ³. “குதோஸாவகபோ³தி⁴ஸத்தானங் ஸதஸஹஸ்ஸங்
ஸக்கி²ஸ்ஸதீ”தி யோஜனா. பாரமியோ பகாரேனவிசினந்தி ஏதேனாதி
பாரமிபவிசயோ. ஞாணங். தங்பனஞாணங் மஹாபோ³தி⁴ஸத்தானங் ஏவ
உப்பன்னங் நஹோதி. பச்சேகபோ³தி⁴ஸத்த ஸாவகபோ³தி⁴ஸத்தானங்
உப்பன்னமேவ. ததே³வ ச ஸப்³பே³ஸங்³பி போ³தி⁴ஸத்தானங்
நியதப்³யாகரணப்படிபாபே⁴ பதா⁴னகாரணந்தி த³ஸ்ஸேதுங்
“ஸாவகபோ³தி⁴ஸத்தாபீ”திஆதி³ வுத்தங். தத்த²
போ³தி⁴வுச்சதிவிமொக்க²ஞ்ஞாணங். அரியமக்³க³ஸ்ஸேதங் நாமங்.
போ³தி⁴ம்ஹிஸஜந்தி லக்³க³ந்தீதி போ³தி⁴ஸத்தா. “லக்³க³ந்தீ”தி
தப்படிபாப⁴த்தா²ய நியத சித்தா ஹொந்தீதி அத்தோ². போ³தி⁴ அத்தா²ய
படிபன்னா ஸத்தா போ³தி⁴ஸத்தாதிபி யுஜ்ஜதி. பு³த்³த⁴ ஸுஞ்ஞேபிலோகே
கம்மஸ்ஸகதாஞாணே ட²த்வா வட்டது³க்க²தோ மொக்க²த⁴ம்மபரியேஸினோ
ஸத்தாதி வுத்தங் ஹோதி. “ஸம்பா⁴ர த⁴ம்மே”தி த³ஸ்ஸவிதே⁴ பாரமி
த⁴ம்மே. வட்டங் அனுஸரந்தி அனுக்³ச்ச²ந்தீதி வட்டானுஸாரினோ. பத²வியங்
பங்ஸுகண்ணானி விய பகதியா வபுது²பு⁴தாஜனாதி புது²ஜ்ஜனா.
மஹந்தாபுது²ஜ்ஜனாதி மஹாபுது²ஜ்ஜனா. வட்டானுஸாரினோ ச தே
மஹாபுது²ஜ்ஜனாசாதி ஸமாஸோ. தேஸங் பா⁴வோதி விக்³க³ஹோ. அயங்

பா⁴வோயேவ தேஸங் பூ⁴மீதி ச வுச்சதி. அத்த²தோ பன
 மொக்க²த⁴ம்மனிரபெக்க²தா ஏவ. அச்ச²ந்தி³கதாதிபி வுச்சதி. “ஓக்கந்தா”தி
 பவிட்டா². தயோனியதா, போ³தி⁴ஸத்தனியதோ ச துளஸோதாபன்னநியதோ ச
 அரிய ஸோதாபன்னநியதோ ச. தத்த² போ³தி⁴ஸத்தனியதோ
 போ³தி⁴ஸம்பா⁴ரப³லேன ஸித்³தோ⁴. துளஸோதாபன்ன நியதோ
 பச்சயாகாரானுபோ³த⁴ஞ்ஞாணப³லேன. அரியஸோதாபன்ன நியதோ
 ஸோதாபத்தி மக்³க³ஞ்ஞாண ப³லேன. தேஸு போ³தி⁴ஸத்தனியதோ இத⁴
 அதி⁴ப்பேதோதி வுத்தங் “ஏகேன பரியாயேனா”திஆதி³.
 வத்தப்³மேவனத்தி²தேஸங் த்³வின்னங் போ³தி⁴ஸத்தானங் பாரமி
 பவிசயஞ்ஞாண ஸம்பத்தியா வினா நியதப்³யாகரண லாபா⁴ ஸங்காய ஏவ
 அபா⁴வதோதி அதி⁴ப்பாயோ.

பத³ஸித்³தி⁴விசாரேயங் வுத்தங் விபா⁴வனியங்=துலாயஸமிதோதுல்யோ.
 துல்யோ ஏவ துலோயகார லோபவஸேனா=தி. தங்ஸந்தா⁴ய “ய
 காரஸ்ஸவாவஸேனா”தி வுத்தங். யஞ்சவுத்தங் தத்தே²வ=அத்²வாஸமீதத்தே²
 அகாரபச்சயவஸேன துலாயஸமீதோதுலோ=தி. தங் ஸந்தா⁴ய
 “அகாரஸ்ஸவாவஸேனா”தி வுத்தங். தத்த² “துலாயா”தி லோகே
 தா⁴ரணதுலாஸதி³ஸாய பஞ்ஞாயாதி அத்தோ². “ஸமீதோ”தி ஸமங் கதோ.
 நஹி துலஸத்³தோ³ ப⁴விதுங் நயுத்தோ. யுத்தோ ஏவாதி அதி⁴ப்பாயோ. கத²ங்
 விஞ்ஞாயதீதி ஆஹ “துலயிது”ந்திஆதி³ங். தத்த²ஹி “துலயிதுங்
 அஸக்குணெய்யோ”திவசனேன தஸ்ஸகம்மஸாத⁴னத்தங்த³ஸ்ஸேதி.
 “கம்மஸாத⁴னேனேவா”தி புப்³பே³-துலயிதப்³போ³ அஞ்ஞேன ஸஹ
 பமிதப்³போ³தி துலோதி ஏவங் இத⁴வுத்தேன கம்ம ஸாத⁴ன வசனத்தே²னேவ.
 “தத³த்த²ஸித்³தி⁴தோ”தி தஸ்ஸ விபா⁴வனியங் வுத்தஸ்ஸ து³வித⁴ஸ்ஸ
 அத்த²ஸ்ஸ ஸித்³தி⁴தோ. “ததோ”தி துலஸத்³தோ³. சிந்தாய கிங் பயோஜனங்
 அத்தி². நத்தி²யேவாதி அதி⁴ப்பாயோ. வத³தி ஸீலேனாதி வத்தா. வாதீ³
 புக்³க³லோ. வத்துனோ இச்சா²வத்திச்சா². வத்துங் இச்சா²வத்திச்சா²திபிவத³ந்தி.
 வத்திச்ச²ங் அனுக்³தோ ஸம்முதி ஸங்கேதவோஹார ஸித்³த⁴த்தாதி
 ஸமாலோ. “ஏத”ந்தி ஏதங் த்³விதா⁴ஸித்³த⁴வசனங். “சே”தி சேவதெ³ய்ய.
 “நா”தி நயுத்தங். “யதா²ஸுத”ந்தி துல இதி ஸுதங். “யுத்த”ந்தி யதா²ஸுத
 நியாமேனேவ யுத்தங் வஜ்ஜெத்வா. “அஸ்ஸுதஸ்ஸா”தி
 தா⁴ரணதுலாபரியாயஸ்ஸ இத்தி²லிங்க³துலாஸத்³த³ஸ்ஸ. ததோயேவயகார
 யுத்தஸ்ஸதுல்யஸத்³த³ஸ்ஸ ச அஸ்ஸுதஸ்ஸ. இத்தி²லிங்கே³ஸதி, ததோபி
 ஏகோ அகாரோதி கத்வா ஸமீதத்தே² து³தீயோ தத்³தி⁴த அகாரோபி
 அஸ்ஸுதோயேவனாமஹோதி. “பரிகப்பனாயா”தி பரிகப்பெத்வா கத²னாய.
 பயோஜனாபா⁴வதோ ந யுத்தந்திஸம்ப³ந்தோ⁴. அதுலபத³ங்.

6. ஏவங் த்³வின்னங் பதா³னங் பத³த்த² ஸங்வண்ணனங் கத்வா இதா³னி
 தேஸங்யேவ அத்து²த்தா⁴ரஸங்வண்ணனங் கரொந்தோ “இமேஹி

பனா"திஆதி³மாஹ. தத்த² "ஸம்பதா³"தி ஸம்பத்தியோ.

"போ³தி⁴ஸம்பா⁴ரஸம்ப⁴ரணங் நாம" ஸமதிங் ஸபாரமீனங் பரிபூரணங்.

"மஹாவஜிரஞ்ஞாண"ந்தி ப⁴க³வதோ ஆஸவக்க²யஞ்ஞாணம்பி வச்சதி. தஸ்ஸ புப்³பா⁴கே³ புத்த⁴பா⁴வத்தா²ய அனுபத³த⁴ம்மவிபஸ்ஸனாவஸேன ச²த்திங்ஸ கோடி ஸதஸஹஸ்ஸ ஸங்கா²னங் தே³வஸிகங்

வளஞ்ஜனகப்ப²லஸமாபத்தீனங் புப்³பா⁴க³ விபஸ்ஸனாஞ்ஞாணம்பி மஹாவஜிரஞ்ஞாணந்தி வச்சதி. ஸப்³பம்பேதங் மஹாடகாயங் வுத்தங்.

"மஹாபோ³தி⁴யா"தி ஸப்³பஞ்ஞு புத்த⁴தா⁴னங் அபி⁴ஸம்போ³தி⁴ ஸங்கா²தஸ்ஸ அக்³க³மக்³க³ஞ்ஞாணஸ்ஸ. பஹிய்யந்தி பஹாதப்³பா³ த⁴ம்மா ஏதேனாதி பஹானங். பஜஹந்தி பஹாதப்³பே³த⁴ம்மேஏதேனாதிவா பஹானந்தி கத்வா தங் அக்³க³மக்³க³ஞ்ஞாணம்பிதங் விபஸ்ஸனாஞ்ஞாணம்பி பஹானந்தி வச்சதீதி இமினா அதி⁴ப்பாயேன "பஹானஸம்பதா³யங் வா ஸா ஸங்க³ஹிதா"தி வுத்தங். பஞ்சஸீலானி. பாணாதிபாதஸ்ஸ பஹானங்ஸீலங், வேரமணிஸீலங், சேதஸிகங்ஸீலங், ஸங்வரோஸீலங்,

அவீதிக்கமோஸிலந்திஆதீ³ஸுவிய எத்த²ஹி பஹானஸீலங் நாம யதா² வுத்தேன அத்தே²ன வேரமணிஸீலமேவாதி யுஜ்ஜதி. பஹானங் நாம கோசித⁴ம்மோ நஹோதீதி அதி⁴ப்பாயே பன ஸதிபஹான ஸீஸேன பஹானஸாத⁴கங் ததே³வஞ்ஞாணத்³வயங் உபசாரேனபஹானந்தி க³ஹேதப்³பங். இதரதா² பஹானஸம்பதா³ நாம அஸாரா அப²லாதி ஆபஜ்ஜெய்யாதி.

பச்சேகபுத்த⁴ புத்த⁴ஸாவகா கிலேஸே பஜஹந்தாபி வாஸனாய ஸஹ அப்பஜஹனதோ சித்த ஸந்தானே மோஹவாஸனாய விஜ்ஜமானத்தா ஸப்³பஞ்ஞு பா⁴வங் நக³ச்ச²ந்தி. தஸ்மா யதா²தேஸங் கிலேஸப்பஹானங் பஹானஸம்பதா³ நாம நஹோதி. நததா²ஸப்³பஞ்ஞுபுத்த⁴தா⁴னந்தி ஆஹ "ஸஹவாஸனாயா"திஆதி³ங். விபா⁴வனியங்ஞாணஸம்பதா³ பத²மங் வுத்தா. ததோ பஹான ஸம்பதா³. டகாயங் பன பஹானஸம்பதா³ பத²மங் வுத்தா. ததோ அதி⁴க³ம ஸம்பதா³னாம வுத்தா. ததோ ஞாணஸம்பதா³.

பஹானஸம்பதா³யஞ்ச அக்³க³மக்³க³ஞ்ஞாணங் த³ஸ்ஸிதங். அதி⁴க³ம ஸம்பதா³தி ச ஸப்³பஞ்ஞுதஞ்ஞாணப்படிபாபோ⁴ வுத்தோ.

ஞாணஸம்பதா³யம்பன தேஹி த்³வீஹி ஞானேஹி அவஸேஸானித³ஸப³லஞ்ஞாணாதீ³னிஸப்³பஞ்ஞாணானித³ஸ்ஸிதானி. இத⁴பி டகானயமேவ ஸம்பா⁴வெந்தோ "பஹானஸம்பதா³யேவபனா"திஆதி³மாஹ.

"ஸப்³பஞ்ஞுதஞ்ஞாணப்பத³ட்டா²ன"ந்தி ஸப்³பஞ்ஞுதஞ்ஞாணஸ்ஸபத³ட்டா²னங், ஆஸன்ன காரணங். "ந ஹி மக்³க³ஞ்ஞாணதோ அஞ்ஞா பஹானஸம்பதா³னாம அத்தி²". பரமத்த²தோ நத்தீ²தி அதி⁴ப்பாயோ. இத³ஞ்ச

விஸுத்தி⁴மக்³கே³=பஹானந்தி கோசி த⁴ம்மோனாம நத்தி² அஞ்ஞத்ர வுத்தப்பகாரானங் பாணாதிபாதாதீ³னங் அனுப்பாத³மத்ததோ=தி ஆக³தத்தா வுத்தங். பஹாயகத⁴ம்மஸமாதா³னேன பன பஹாதப்³ப த⁴ம்மானங் அனுப்பாதோ³ நாம ஏகோபணீத த⁴ம்மோஹோதி. ஏகங் ஸந்தி பத³ங் ஹோதி.

ததா²ஹி வுத்தங் படிஸம்பி⁴தா³ மக்³கே³=உப்பாதோ³ ப⁴யங் , அனுப்பாதோ³ கே²மந்தி ஸந்திபதே³ ஞாணங். பவத்தி ப⁴யங், அப்பவத்தி கே²மந்தி ஸந்திபதே³ஞாண=ந்தி. தத³ங்க³ப்பஹானங் பனதத³ங்க³அனுப்பாதோ³ நாம. விக்க²ம்ப⁴னப்பஹானங் விக்க²ம்ப⁴ன அனுப்பாதோ³ நாம. ஸமுச்சே²த³ப்பஹானங் ஸமுச்சே²த³ அனுப்பாதோ³ நாமாதி வத்தப்³பங். இத⁴ பன அனுப்பாத³ ஸம்பாபகங் விபஸ்ஸனா ஞாணஞ்ச மக்³க³ஞ்ஞாணஞ்ச உபசாரேன பஹானந்தி அதி⁴ப்பேதங். கஸ்மா, உபரிஞாண ஸம்பதா³தீ³னங் பச்சயத்தாதி த³ட்ட²ப்³பங். “ஸம்பதா³ஸங்கரோ”தி ஸம்பதா³ஸம்பே⁴தோ³, ஸம்பதா³ஸம்மிஸ்ஸோ. “ஞாயாக³த”ந்தி யுத்திதோ ஆக³தங். “ஸீலாதி³கு³ணேஹி”தி ஸீல ஸமாதி⁴ பஞ்ஞா விமுத்தி விமுத்திஞ்ஞாணத³ஸ்ஸன கு³ணேஹி. “இத்³தி⁴த⁴ம்மேஹி”தி இத்³தி⁴விதா⁴பி⁴ஞ்ஞாதீ³ஹி இத்³தி⁴கு³ணேஹி. “லக்க²ணானுப்³யஞ்ஜனப்படிமண்டி³தஸ்ஸா”தி த்³வத்திங்ஸ மஹாபுரிஸலக்க²ணேஹி ச அஸீதி கு²த்³த³கலக்க²ணேஹி ச படிமண்டி³தஸ்ஸ. “ஆஸயோ”தி சித்த ஸந்தானே அதி⁴ஸயிதோ இச்சா²விஸேஸோ. “அஜ்ஜா²ஸயஸ்ஸா”தி அலோப⁴ஜ்ஜா²ஸயாதி³கஸ்ஸஅஜ்ஜா²ஸயஸ்ஸ. “உளாரதா”தி பணீததா. “ஹிதஜ்ஜா²ஸயதா”திஹிதகாமதா. அபரிபாக க³திந்த்³ரியானங் ஸத்தானங் இந்த்³ரியபரிபாககாலாக³மனஞ்ச எத்த² வத்தப்³பங். “அபி⁴ஞ்ஞாதான”ந்தி அதிபாகடானங். “த்³வேபஹானஸம்பதா³”தி த்³வேபஹான ஸம்பதா³ ஞாணஸம்பதா³. ஸம்மாஸம்பு³த்³த⁴பதே³. “ஸாமங் ஸச்சானி அபி⁴ஸம்பு³ஜ்ஜீ²”தி எத்த² அபி⁴ஸம்போ³தி⁴ஸங்கா²தங் அக்³க³மக்³க³ஞ்ஞாணங் க³ஹிதங். தஞ்ச பஹானகிச்சப்பதா⁴னங் ஹோதி. “தத்த² ச ஸப்³புஞ்ஞுதங் பத்தோ”தி எத்த² ஸப்³புஞ்ஞுதஞ்ஞாணங். “ப³லேஸு ச வஸிபா⁴வ”ந்தி எத்த² த³ஸப³லஞ்ஞாணானி க³ஹிதானி. தேன வுத்தங் “த்³வே... பே... ஸம்மாஸம்பு³த்³த⁴பதே³னவிபா⁴விதா”தி.

ஸம்பதா³னி⁴டி²தா.

7. ஸஸத்³த⁴ம்மக³ணுத்தமபதே³. யதா²=ஸஸங்க⁴ங்லோகனாயகங் நமஸ்ஸிஸ்ஸங்=தி எத்த²ஸஹஸத்³த³ஸ்ஸ ஸமவாயத்த²த்தா அஹங்லோகனாயகஞ்ச ஸங்க⁴ஞ்ச நமஸ்ஸிஸ்ஸந்தி ஏவங் ஸமவாயத்தோ² விஞ்ஞாயதி. ததா² இத⁴பி ஸம்மாஸம்பு³த்³த⁴ஞ்சஸத்³த⁴ம்மஞ்ச க³ணுத்தமஞ்ச அபி⁴வாதி³யாமீதி ஏவங் கிரியாஸமவாயத்தோ² ஸஹஸத்³தே³ன தீ³பிதோதி த³ஸ்ஸேதுங் “தூ³ரதோஹங்...பே... ஏவமித³ங் த³ட்ட²ப்³ப”ந்தி வுத்தங். “இத³”ந்தி ஸஸத்³த⁴ம்மக³ணுத்தமபத³ங். எத்த² ச“ஸமவாயோ”தி த்³வின்னங் திண்ணங் ப³ஹுனங் வா அத்தா²னங் ஏகஸ்மிங் த³ப்³பே³வா கு³ணேவாகிரியாயவாஸமங் அவேச்ச அயனங்பவத்தனங் ஸமவாயோ. பச்சானுதாப பச்சானுமோத³னாதி³டா²னேஸு=அஹங் புப்³பே³தா³னங் நத³தி³ஸ்ஸங், ஸீலங் நரக்கி²ஸ்ஸங். - அனேகஜாதி ஸங்ஸாரங்

ஸந்தா⁴விஸ்ஸ=ந்திஆதி³னா அதீதேபிகாலே அனாக³தவசனங் பயஜ்ஜதீதி
ஆஹ “நமஸ்ஸிஸ்ஸ”ந்தி நமஸ்ஸிங்தி. “கு³ணீபு⁴தான”ந்தி ஸமாஸபதே³
விஸேஸனபு⁴தானங், அப்பதா⁴னபு⁴தானந்தி அத்தோ². அப்³பு⁴த
தப்³பா⁴வேசாயங் ஈகாரோ. யதா², காகோ ஸேதீ ப⁴வதி, ப³கோ
கண்ஹீப⁴வதீதி. எத்த² ச “ஸேதீ ப⁴வதீ”தி அஸேதபுப்³போ³ ஸேதோப⁴வதி.
“கண்ஹீப⁴வதீ”தி அகண்ஹபுப்³போ³ கண்ஹோப⁴வதீதி அத்தோ². ததா²
இத⁴பி. பு³த³த⁴ங் த⁴ம்மஞ்ச ஸங்க⁴ஞ்சவந்தி³த்வா-திஆதீ³ஸு
விஸுங்விஸுங் பதா⁴னத்தா அகு³ணபு⁴தாபி த⁴ம்மஸங்கா⁴
இத⁴ஸமாஸபதே³ அஞ்ஞபத³த்த²ஸ்ஸகு³ணபு⁴தாஹாந்தி. அயங்
அப்³பு⁴ததப்³பா⁴வத்தோ² நாம. “அபி⁴வாதி³தபா⁴வோ”தி வுத்தே
தபச்சயஸ்ஸ ப³ஹுலங் அதீதகாலவிஸயத்தா புப்³பே³கந்தா²ரம்ப⁴காலே
த⁴ம்ம ஸங்கா⁴னங் பி தே²ரஸ்ஸ வந்த³னாஸித்³தி⁴ த³ஸ்ஸிதா ஹோதி.
“அபி⁴வாதே³தப்³ப³ பா⁴வோ”தி வுத்தேபன
தப்³ப³பச்சயஸ்ஸகாலஸாமஞ்ஞவிஸயத்தான ததா² த³ஸ்ஸிதா ஹோதி.
தா³னங் தா³தப்³ப³ங், ஸீலங் ரக்கி²தப்³ப³ந்திஆதீ³ஸு விய
த⁴ம்மஸங்கா⁴னாமஸப்³பகாலங் பி அபி⁴வாதே³தப்³பா³தி. ஏவங்
த⁴ம்மஸங்கா⁴னங் ஸப்³பகாலங் பி அபி⁴வாத³னாரஹகு³ணோ ஏவ
த³ஸ்ஸிதோதி இமமத்த²ங் த³ஸ்ஸேதுங் “தத்தா²”திஆதி³ வுத்தங். தத்த²,
“அபி⁴வாத³ன”ந்தி இத³ங் கிரியாஸமவாயத³ஸ்ஸனதோ வுத்தங்.
காலவிஸேஸங் பன நதீ³பேதியேவ. “அத்தனோ நித³ஸ்ஸனேனா”தி
ஸபுத்ததா³ரோ ஆக³தோதி அத்தனா நீஹரித்வா த³ஸ்ஸிதேன பயோகே³ன.
ஸோஹி பயோகோ³ கிரியா ஸமவாயஸ்ஸேவ. நகு³ணஸமவாயஸ்ஸாதி.
எத்த² ச தே²ரஸ்ஸ வந்த³னாவசனே தே²ரோ இமேஹி யேவபதே³ஹி
ரதனத்தயங்தீஹித்³வாரே ஹிவந்த³தீதி க³ஹெத்வா “அபி⁴வாதி³யா”தி எத்த²
அபி⁴வாதி³யாதீ⁴தி ச அத்த²ங் நீஹரந்தி. அப்பதா⁴ன கிரியாபதே³ பன
தத³த்த² நீஹரணங் அஸம்பா⁴வெந்தோ “அபிசா”திஆதி³மாஹ. தத்த² “அபிசா”தி
கிஞ்சி வத்தப்³ப³ங் அத்தீ²தி அத்த²ஜோதனே அயங் நிபாதஸமுத³யோ.
“க³ந்த²ப்படிஞ்ஞாயா”தி க³ந்த²ப்படிஞ்ஞாவசனேன. “ஸஹக⁴டெத்வா”தி ஏகதோ
ஸம்ப³ந்தி⁴த்வா.

வசனத்தே² . ஸத⁴னோ புரிஸோ, த⁴னவாபுரிஸோ-தி ஆத³யோ
ஸமாஸதத்³தி⁴தஸத்³தா³ யேபு⁴ய்யேன அதிஸ்ஸயத்த² தீ³பகா ஹாந்தி.
நஹி அப்பகேன த⁴னேன ததா² வோஹரந்தி. தஸ்மா இதா⁴பி ததா² ரூபங்
அதிஸ்ஸயத்த²ங் த³ஸ்ஸேதுங் “அத்தனானிம்மிதேன...பே... ஸரணபு⁴தேனா”தி
வுத்தங். தத்த², “அத்தனானிம்மிதேனா”தி அத்தனா உப்பாதி³தேன.
“நஹி”திஆதி³னா தத³த்த²மேவ ப்யதிரேகதோ விவரதி. தத்த², “பரனிம்மிதேனா”தி
பு³த³த⁴னிம்மிதேனாதி அதி⁴ப்பாயோ. “ததா² தோ²மன”ந்தி ஸஸத்³த⁴ம்ம
க³ணுத்தமந்தி தோ²மனங். “இத³ங்பீ”தி து³தீயத்த² ஸம்பிண்ட³னே அயங்பிகாரோ.

நகேவலங் புரிமபத³த்வயமேவ ஸத்து² அஸாதா⁴ரணகு³ணபத³ங் ஹோதி. அத² கோ² இத³ங்பி பத³ங் ஸத்து² பச்சேகபு³த்தா⁴தீ³ஹி அஸாதா⁴ரண பத³மேவஹோதீதி யோஜனா.

த⁴ம்மவசனத்தே². “தா⁴ரேதீ”தி வஹதி. கா³தா²யங் “ரக்க²தீ”தி அபாயாதி³து³க்க²தோரக்க²தி. “யேஸ”ந்தி கிலேஸானங். “இமஸ்மிங் அத்தே²”தி கிலேஸஸமுச்சி²ந்த³னஸங்கா²தே தா⁴ரணத்தே². “நிப்³பா³னஞ்சனிப்பரியாயதோ த⁴ம்மோ நாமா”தி கஸ்மா வுத்தங், நனு நிஸ்ஸரணப்பஹானமேவ நிப்³பா³னஸ்ஸ கிச்சங், இத³ஞ்ச ஸமுச்சே²த³ப்பஹானந்தி சோத³னங் பரிஹரந்தோ “அரியமக்க³கா³ஹீ”திஆதி³மாஹ. “நிப்³பா³னேன ஸஹேவ ஹுத்வா”தி ஆரம்மணாதி⁴பதிபூ⁴தங் ஆரம்மணா பனிஸ்ஸயபூ⁴தஞ்ச நிப்³பா³னங் அத்தனோ பதிட்ட²ங் கத்வாதி அதி⁴ப்பாயோ. அபிச, ஸமுச்சே²தோ³தி ச நிஸ்ஸரணந்தி ச அத்த²தோ ஸமானக³திகங் ஹோதி. தஸ்மா நிஸ்ஸரணங்பி முக்யதா⁴ரண மேவாதி த³ட்ட²ப³ங். நிஸ்ஸரணமேவவா பதா⁴னதா⁴ரணந்தி பியஜ்ஜதியேவ. “தா⁴ரணாபாயோயேவஹோதி”. நமுக்யதா⁴ரணங். கஸ்மா, ஸமுச்சே²த³ கிச்சாபா⁴வதோ. “ஏதேபஞ்ச பரியாயத⁴ம்மாயேவ”. கஸ்மா, நிப்³பா³னஸ்ஸவியமக்க³கா³னங் ஸமுச்சே²த³ கிச்சே அஸஹாயத்தாதி. எத்த² ச “ஸாமஞ்ஞப்ப²லானீ”தி ஸமணஸ்ஸ பா⁴வோ ஸாமஞ்ஞங். அரியமக்க³கஸ்ஸேதங் நாமங். ஸாமஞ்ஞஸ்ஸப²லங் ஸாமஞ்ஞப்ப²லங். து³தீயவிகப்பே அகிச்ச பச்சயபூ⁴தாபி கேசிகிதகபச்சயா கம்மத்தே²க³தா கிச்சபச்சயானங்பி அத்த²ங் தீ³பேதி. யதா², தி³ட்ட²ங், ஸுதங், முதங், விஞ்ஞாதந்தி வுத்தங் “தா⁴ரணாரஹோ”தி. “யதா² வுத்த த⁴ம்மா யேவா”தி பஞ்சமுக்யத⁴ம்மா, பஞ்சபரியாயத⁴ம்மாயேவ. “கேசீ”தி சத்தாரோ மக்க³கா³. புன “கேசீ”தி நிப்³பா³னமேவ. ப³ஹுவசன ஸோதேபதித்தா எத்த² ப³ஹுவசனங் ருளங். புன “கேசீ”தி சத்தாரோ ஸாமஞ்ஞப்ப²ல த⁴ம்மா. “கேசீ”தி பரியத்தி த⁴ம்மோ. எத்தா²பி ப³ஹுவசனங் ஸோதபதிதமேவ. “தா⁴ரெந்த”ந்தி தா⁴ரெந்தங் புக்க³லங். ததீய விகப்பே “அபதமானங் வஹந்தீ”தி அபதமானங் கத்வா வஹந்தி. சதுத்த² விகப்பே “எத்தா²”தி ஏதஸ்மிங் த⁴ம்மே. த⁴ம்மோவதீ³பங் ஏதேஸந்தி த⁴ம்மதீ³பா. த⁴ம்மோவ படிஸரணங் ஏதேஸந்தி த⁴ம்மப்படிஸரணா. த⁴ம்மதீ³பா பி⁴க்க²வே ப⁴வத² த⁴ம்மப்படிஸரணா, அனஞ்ஞப்படிஸரணா திஹி வுத்தங். லத்³தா⁴ பதிட்டா² ஏதேஸந்தி லத்³த⁴ப்பதிட்டா². யுஜ்ஜதியேவ. த⁴ம்மதீ³பபாடா²னுலோமத்தாதி அதி⁴ப்பாயோ. த⁴ம்மவிசாரணாயங், சோத³கோபடிபத்தி த⁴ம்மங் த³ஸவித⁴ த⁴ம்மதோ அஞ்ஞங்மஞ்ஞமானோ “கஸ்மா”திஆதி³னா சோதே³தி. ஸோ பன படிபத்தி த⁴ம்மோ ததோ அஞ்ஞான ஹோதி, தத்தே²வ அந்தோக³தோ⁴தி த³ஸ்ஸெந்தோ “ஸோபனா”திஆதி³மாஹ. “மக்க³கஸ்ஸ புப்³பா⁴க³ப்படிபதா³ ஹோதீ”தி யதா² அம்ப³ருக்கோ² அம்ப³புப்ப²அம்ப³ப்ப²லஸ்ஸ பதிட்டா² பா⁴வேன புப்³பா⁴க³ நிஸ்ஸயோ ஹோதி. கஸ்மா, இதோயேவதஸ்ஸ

புப்ப்புலஸ்ஸ ஜாதத்தா எத்தேவஸங் வட்டித்தா ச. ததா படிபத்தி
தம்மோபி அரியமக்கப்புலஸ்ஸபதிட்டாபாவேன
புப்ப்பாக்கூபனிஸ்ஸயப்படிபதாஹோதி. கஸ்மா, இதோயேவ தஸ்ஸஜாதத்தா
எத்தேவஸங் வட்டித்தா ச. வுத்தஞ்ஹேதங் மஹாவக்கஸங்யுத்தே.
ஸெய்யதாபி பிண்ககவே யேகேசி மேபீஜகாமபூதகாமாவட்டிங் விருளிங்
வேபுல்லங் ஆபஜ்ஜந்தி. ஸப்பேதே பதவிங் நிஸ்ஸாய பதவிங் பதிட்டாய.
ஏவமேவ கோ பிண்ககவே பிண்குஸீலங் நிஸ்ஸாய ஸீலேபதிட்டாய அரியங்
அட்டங்கீகங் மக்கங் பாஹெந்தோ வட்டிங் விருள்ஹிங் வேபுல்லங்
பாபுணாதி தம்மேஸுதி. “புப்ப்சேதனாவியதானே”தி யதா திவிதங்
புஞ்ஞங், தானமயங் புஞ்ஞங் ஸீலமயங் புஞ்ஞங் பாவனாமயங் புஞ்ஞந்தி
வுத்தே தானவத்து பரியேஸனதோ பட்டாய தானங் ஆரப்பாவத்தா ஸப்பா
புப்ப்பாக்க சேதனா தானவசனே ஸங்கஹிதா தானந்தவேவ ஸங்க்யங்கதா.
ஏவங் ஸோ படிபத்தி தம்மோ அரிய மக்கவசனே ஏவஸங்கஹிதோ,
அரியமக்கோ த்வேவ ஸங்க்யங் கதோதி வுத்தங் ஹோதி.

இமஸ்மிங் தம்மஸங்ஸந்தனே அபரம்பி வுத்தப்பங் வுத்தந்தோ
“அபிசா”திஆதிமாஹ. தத்த “யதக்கேனா”தி யேனகாரணகொட்டாஸேன
தாரணுபாயோதிஆதினா காரணபாக்கேனாதி அத்தோ. வந்தனங் அரஹ
தீதி வந்தனெய்யோ. தஸ்மிங் வந்தனெய்யே. “புதுஜ்ஜனகல்யாணகோ”தி எத்த
திவிதோ கல்யாணகோ வினயகல்யாணகோ ஸுத்தந்தகல்யாணகோ
அபிதம்மகல்யாணகோதி. தத்த வினயே பஞ்ஞத்தாய கல்யாணப்படிபத்தியா
ஸமன்னாகதோ பிண்கு வினயகல்யாணகோ நாம. ஸோ இத பிண்கு
பாதிமொக்க ஸங்வரஸங்வுதோ விஹரதி ஆசார கோசர ஸம்பன்னோ,
அணுமத்தேஸு வஜ்ஜேஸு பாயதஸ்ஸாவீ ஸமாதாய ஸிக்கதி
ஸிக்காபதேஸுதி எத்த வேதிதப்போ. தத்த வினயே
பஞ்ஞத்தாகல்யாணப்படிபத்திதுவிதா, ஆதி ப்ரஹ்மசரியகஸீலங்
அபிஸமசாரிகஸீலந்தி. தத்த, உபதோவிபங்கப்பரியாபன்னங் ஸீலங்
ஆதிப்ரஹ்மசரியகங் நாம. கந்தகப்பரியாபன்னங் ஸீலங் அபிஸமசாரிகங்
நாம.

ஸுத்தந்தேஸு வுத்தாய கல்யாணப்படிபத்தியா ஸமன்னாகதோ
கஹட்டோ வா பப்பஜிதோ வா ஸுத்தந்த கல்யாணகோ நாம. ஸோ சதூஹி
பிண்ககவே தம்மேஹி ஸமன்னாகதோ அரியஸாவகோ ஸப்பங்
துக்கதிபாயங் ஸமதிக்கந்தோ ஹோதி. கதமேஹி சதூஹி. இத பிண்ககவே
அரியஸாவகோ புத்தே அவேச்சப்பஸாதேன ஸமன்னாகதோ ஹோதி இதி
பிஸோ பகவா...பே... ஸத்தாதேவமனுஸ்ஸானங், புத்தோ, பகவாதி.
தம்மே அவேச்சப்பஸாதேன ஸமன்னாகதோ ஹோதி ஸ்வாக்காதோ
பகவதா தம்மோ...பே... பச்சத்தங் வேதிதப்போ விஞ்ஞாஹீதி. ஸங்கே
அவேச்சப்பஸாதேன ஸமன்னாகதோ ஹோதி ஸப்படிபன்னோ பகவதோ

ஸாவகஸங்கோ⁴...பே... அனுத்தரங் புஞ்ஞக்கெ²த்தங் லோகஸ்ஸாதி.
 அரியகந்தேஹி ஸீலேஹி ஸமன்னாக³தோ ஹோதீதி எத்த² வேதி³தப்³போ³.
 தத்த² பு³த³தே⁴ அவேச்சப்பஸாதோ³ நாம அரஹங், ஸம்மாஸம்பு³த³தோ⁴,
 திஆதி³கானங் கு³ணபதா³னங் அத்த² ஜானநஞ்ஞாணேன யுத்தோ பஸாதோ³.
 அரியேஹிகாமீயந்தி இச்சீயந்தீதி அரியகந்தானி. ஸுபரிஸு³த³த⁴ஸ்ஸ
 ஆஜீவட்ட²மகஸீலஸ்ஸேதங் நாமங். சத்தாரிமானி பி⁴க்க²வே
 ஸோதாபத்தியங்கா³னி. கதமானி சத்தாரி. ஸப்புரிஸஸங்ஸேவோ,
 ஸத்³த⁴ம்மஸ்ஸவனங், யோனிஸோ மனஸிகாரோ, த⁴ம்மானு
 த⁴ம்மப்படிபத்தீதிஆதீ³னி ப³ஹு³னி ஸுத்தந்தானி இத⁴ வத்தப்³பா³னி.

அபி⁴த⁴ம்மே வா ஸுத்தந்தேஸு வா வுத்தாய கல்யாணப்படிபத்தியா
 ஸமன்னாக³தோக³ஹட்டோ² வா பப்³புஜிதோ வா அபி⁴த⁴ம்மகல்யாணகோ
 நாம. ஸோ இத⁴ ஸுதவா அரியஸாவகோ அரியானங் த³ஸ்ஸாவீ அரிய
 த⁴ம்மஸ்ஸகோவிதோ³ அரியத⁴ம்மேஸு வினீதோ. ஸோ ரூபங் அத்ததோ ந
 ஸமனுபஸ்ஸதீதி எத்த² வேதி³தப்³போ³. தத்த², “ஸுதவா”தி எத்த² க²ந்தா⁴,
 யதன, தா⁴து, படிச்சஸமுப்பாத³, ஸதிபட்டா²னா, தீ³ஸு உக்³க³ஹ பரிபுச்சா²
 வினிச்ச²யஞ்ஞாண ஸமன்னாக³தோ க³ஹட்டோ² வா பப்³புஜிதோ வா ஸுத
 வா நாமாதி அட்ட²கதா²ஸு வுத்தோ. ஸோ ஏவ புது²ஜ்ஜன கல்யாணகோதி ச
 வச்சதி.

து³வே புது²ஜ்ஜனா வுத்தா, பு³த³தே⁴னாதி³ச்சப³ந்து⁴னா;
 அந்தோ⁴ புது²ஜ்ஜனோ ஏகோ, கல்யாணேகோ புது²ஜ்ஜனோ. தி

ச வுத்தங். அங்கு³த்தரே பன சதுக்கனிபாதே கதமோ பக்³க³லோ
 அப்பஸ்ஸுதோ ஸுதேன உபபன்னோ ஹோதி. இதே⁴கச்சோ த⁴ம்மங்
 ஸுணாதி ஏகாயபி சாதுப்பதி³காய கா³தா²ய அத்த² மஞ்ஞாய த⁴ம்ம மஞ்ஞாய
 த⁴ம்மா நு த⁴ம்மப்படிபன்னோ ஹோதி. அயங் அப்பஸ்ஸுதோஸுதேன
 உபபன்னோதி வுத்தங். ஸுதவாதி ச ஸுதேன உபபன்னோதி ச அத்த²தோ
 ஏகந்தி. புது²ஜ்ஜன கல்யாணகோ ஸங்கே⁴ ஸெக்கே²ஸுஸங்க³ஹிதோ.
 வுத்தங்ஹேதங் பரிவாரே கே ஸிக்க²ந்தீதி. புது²ஜ்ஜன கல்யாணகேன ஸத்³தி⁴ங்
 ஸத்த அரியபுக்³லா ஸிக்க²ந்தி. அரஹா கீ²ணாஸவோ ஸிக்கி²தஸிக்கோ²தி.
 த³க்கி²ண விப⁴ங்க³ஸுத்த அட்ட²கதா²யங் பன. தி ஸரண ஸரணங் க³தோ
 உபாஸகோபி ஸோதாபத்திப²லஸச்சி²கிரியாய படிபன்னே ஸங்க³ஹிதோதி
 வுத்தங். தத்த², ஸோதாபத்திப²லஸச்சி²கிரியாய படிபன்னோனாம ஸோதாபத்தி
 மக்³க³ட்டோ² அரியபுக்³லோ. “ஸோஹிஸங்க³ஹிதோ”தி ஸம்ப³ந்தோ⁴.
 “எத்தாவதா படிக்கி²த்தங் ஹோதீ”தி ஸம்ப³ந்தோ⁴. “ஸங்கே⁴
 அஸங்க³ஹிதோ”தி ஸங்க⁴ங்ஸரணங் க³ச்சா²மீதி ச, ஸுப்படிபன்னோ
 ப⁴க³வதோ ஸாவகஸங்கோ⁴தி ச, ஏவரூபேஸு டா²னேஸு ஆக³தே ஸங்க⁴
 வசனே அஸங்க³ஹிதோ. “ந ஹிதங் ஸரணங் க³ச்ச²ந்தஸ்ஸஸரணக³மனங்

ஸம்பஜ்ஜதீ”தி இத³ங் ஸங்க⁴ங்ஸரணங் க³ச்சா²மீதி எத்த² ஸங்க⁴ வசனேதஸ்ஸபுக்³க்³லஸ்ஸ அஸங்க³ஹித பா⁴வஸாத⁴னத்த²ங் வுத்தங். தேனாஹ “தங் படிக்கி²த்தங் ஹோதீ”தி. ஸசே பன ஸப்³ப³ங் ப⁴க³வதோ ஸாவகஸங்க⁴ங் அனுத்³தி⁴ஸ்ஸதமேவ புக்³க்³லங் ஸங்க⁴ங்ஸரணங் க³ச்செ²ய்ய ஆயஸ்மந்தங் ஸரணங் க³ச்சா²மீதி. ஸரண க³மனங் ந ஸம்பஜ்ஜதியேவ. அத² ஸப்³ப³ங் ப⁴க³வதோ ஸாவகஸங்க⁴ங் உத்³தி³ஸ்ஸ தஸ்ஸ ஸந்திகே ஸரணங் க³ச்செ²ய்ய ஸங்க⁴ங் ஸரணங் க³ச்சா²மீதி. ஸம்பஜ்ஜதியேவ . இத³ஞ்ச த³ஹரகாலே ஸப்³ப³பத²மங் ஸரணக³மனங் ஸந்தா⁴ய வுத்தங். இத³ஞ்ஹி ஸரண க³மனங் நாம ஸகிங் க³ஹெத்வா ரதனத்தயே ஸத்³த⁴ங் அஜஹந்தஸ்ஸ யாவஜீவங்பி ந பி⁴ஜ்ஜதி. புனப்புனங் க³ஹண கிச்சங் நத்தி². புனப்புனங் க³ணஹந்தேபி தோ³ஸோனத்தி². புனப்புனங் புஞ்ஞங் வட்³ட⁴தி. ஸப்³ப³பத²மங் க³ஹணகாலே ச அஞ்ஞேன தி³ன்னத்தா லத்³த⁴ங் நஹோதி. அத்தனோவசீ பே⁴தே³ன லத்³த⁴ங் ஹோதி. தஸ்மா அஞ்ஞஸ்ஸ ஸந்திகே அக்³க்³ஹெத்வா ஸயமேவ வசீபே⁴த³ங் க³ணஹந்தஸ்ஸ க³ஹட்ட²ஸ்ஸ ஸரண க³மனங் ஸம்பஜ்ஜதியேவ. ததா² ஸப்³பா³னி க³ஹட்ட²ஸ்ஸலானீதி. ஸாமணேர ஸரண க³மனம்பன பி⁴க்கு²னாதி³ன்னமேவ லப்³ப⁴தி. தஞ்ச கோ² உபி⁴ன்னங்பி⁴டா²னகரண ஸம்பத்தியா ஸதி ஏவாதி த³ட்ட²ப்³ப³ங். “வோ”தி தும்ஹாகங். யோத⁴ம்மோ ச தே³ஸிதோ யோவினயோசபஞ்ஞத்தோ. “மமச்சயேனா”தி மமாதிக்கமேன. மயி பரினிப்³பு³தேதி வுத்தங் ஹோதி. ஸத்தா² ப⁴விஸ்ஸதீதி பாட²ஸேஸோ. “ஸங்வண்ணிதோ”தி ஸுட்டு²தரங்வண்ணிதோ தோ²மிதோ. “கல்யாணப்படிபத்தியங் டி²தோபீ”தி தீஸுகல்யாணப்படிபத்தீஸு அஞ்ஞதரப்படிபத்தியங் டி²தோபி. “அட்டி²தோபீ”தி ஸப்³ப³படிபத்திபா³ஹிரோ து³ஸ்ஸீலோபாபத⁴ம்மோதி அதி⁴ப்பாயோ. விஸேஸதோ பன வினயப்படிபத்தி ஏவ இத⁴ பரியத்தாதி த³ட்ட²ப்³பா³. “ஸோ”தி ஸோது³ஸ்ஸீலோ பாபத⁴ம்மோ. அத்தனோபி ஸரணங் நஹோதி. அவஸ்ஸங் அபாயகா³மீயேவ ஸோ ஹோதீதி அதி⁴ப்பாயோ. “குதோ ஸரணங் ப⁴விஸ்ஸதீ”தி யோஜனா. “அனேகேஸு ஸுத்தஸஹஸ்ஸேஸு”தி வினயேபி ப³ஹுனி க³ரஹஸுத்தபதா³னி தி³ஸ்ஸந்தி ஸுத்தந்தேஸுபி. விஸேஸதோ பன அக்³கி³க்க²ந்தோ⁴பமஸுத்தாதீ³ஸு.

ஸத்³த⁴ம்மவசனத்தே². கிலேஸேஸமெந்தி லுபஸமெந்தீதி ஸந்தோதி வசனத்த²ங் ஸந்தா⁴ய “ஸமிதகிலேஸான”ந்தி வுத்தங். ஸந்த ஸத்³தோ³ பன பஸத்தே²ச, பூஜிதேச, ஸப்புரிஸேச, பண்டி³தேச, தி³ஸ்ஸதீதி இமங் அபி⁴தா⁴னத்த²ங் ஸந்தா⁴ய “பஸத்தா²ன”ந்திஆதி³வுத்தங். “ஸச்சோவா த⁴ம்மோ ஸத்³த⁴ம்மோ”தி யோஜனா. ஏதேன ஸபா⁴வதோ அத்தி²ஸங்விஜ்ஜதீதி ஸந்தோதி த³ஸ்ஸேதி. “ஸோ”தி அஞ்ஞதித்தி²ய த⁴ம்மோ. “தா⁴ரெந்தஸ்ஸா”தி ஸவனுக்³க்³ஹதா⁴ரணப்படிபஜ்ஜனாதி³வஸேன தா⁴ரெந்தஸ்ஸ.

அஹிதோயேவ ஸம்பஜ்ஜதி, யேபு⁴ய்யேன து³க்³தி விபாகத்தாதி
அதி⁴ப்பாயோ. “அயங் பனா”தி ஸத்து² ஸத்³த⁴ம்மோ பன. “ததா²
தா⁴ரெந்தஸ்ஸா”தி அயங் மே ஹிதோதி தா⁴ரெந்தஸ்ஸ
ஹிதோயேவஸம்பஜ்ஜதி, ஸுக³தி நிப்பா³ன ஸம்பாபகத்தாதி அதி⁴ப்பாயோ.

“ஸமானதி³ட்டி²ஸீலான”ந்தி ஸமானதி³ட்டி²கானங் ஸமானஸீலானஞ்ச.
ஏதேன ஸமானதி³ட்டி²ஸீலா ஜனா க³ணியந்தி எத்தா²தி க³ணோ. ஸங்ஹனியந்தி
ஏகதோகரீயந்தி எத்தா²தி ஸங்கோ⁴தி இமமத்த²ங் தீ³பேதி. ஸஹ ஏகதோ
த⁴ம்மங் சரந்தீதி ஸஹத⁴ம்மிகா. ஏகஸ்ஸ ஸத்து²னோ த⁴ம்ம வினயே
பப்ப³ஜிதா. தேஸங் ஸஹத⁴ம்மிகானங். ப⁴க³வதோ ஸாவகஸங்கோ⁴
உத்தமக³ணோ நாம. யே கேசி லோகே ஸங்கா⁴வா க³ணாவா. ததா²க³தஸ்ஸ
ஸாவகஸங்கோ⁴ தேஸங் அக்³மக்கா²யதீதி ஹி வுத்தங். ஸோயேவ இத⁴
க³ணுத்தமோதி வுச்சதி விஸேஸன பர நிபாத வஸேனாதி அதி⁴ப்பாயோ.
உத்தமஸத்³த³ஸ்ஸ கு³ணனாமத்தா “கு³ணம்ஹியேவ பவத்தீ”தி வுத்தங்.
“தேனா”தி உத்தம ஸத்³தே³ன. “க³ணோதி ஸங்கோ⁴யேவ வுச்சதி”
ஸங்க⁴ஸத்³த³ஸ்ஸபி ஸமுஹட்டே² நிருஹத்தா, “ஸோ வினயகம்மேஸு
பஸித்³தோ⁴”தி பஞ்சஸங்கா⁴ சதுவக்³ஸங்கோ⁴, பஞ்சவக்³ஸங்கோ⁴,
த³ஸவக்³ஸங்கோ⁴, வீஸதிவக்³ஸங்கோ⁴,
அதிரேகவீஸதிவக்³ஸங்கோ⁴, சதுவக்³கரணியங் கம்மங்,
பஞ்சவக்³கரணியங் கம்மந்திஆதி³னா பஸித்³தோ⁴ பாகடோ. த³க்கி²ணா
வுச்சதி கம்மஞ்ச கம்மப²லஞ்ச ஸத்³த³ஹித்வா ஆயதிங் விபாகப்ப²லப்படி
லாப⁴த்தா²ய தி³ன்னங் தா³னகம்மங் த³க்க²ந்தி வட்³ட⁴ந்தி ஸத்தா ஏதாயாதி
கத்வா. தங்த³க்கி²ணங் படிக்க³ணஹிதுங் அரஹதீதி த³க்கி²ணெய்யோ.
“அரஹதீ”தி ச அனுத்தர புஞ்ஞக்கெ²த்த விஸேஸத்தாதா³யகேன இச்சி²த
பத்தி²தஸ்ஸ ஆயதிங் ப²லஸ்ஸ ஸுட்டு²ஸம்பாத³னவஸேன தா³யகஸ்ஸ ச
அவிராத⁴னதோ அஸங்க²யெய்யாப்பமெய்யவட்³டி⁴ ஆவஹனதோ ச
படிக்க³ணஹிதுங் அரஹதி. ஏவருபங்ஹிதா³னங் நாம உளாரதா³னங் ஹோதி.
தங் யேஸுது³ஸ்ஸீலேஸுதி³ய்யதி. தேஸங் கெ²த்த து³ட்ட²த்தா தா³யகேன
இச்சி²தபத்தி²தங் ப²லங் ந ஸம்பாதே³தி. நிப்ப²லங் வா ஹோதி. அப்பப்ப²லங்
வா. ஏவங்ஸதி, தே தா³யகஞ்ச விராதெ⁴ந்தி நாம. புஞ்ஞப்ப²லானி ச
வினாஸெந்தி நாம. ஸயஞ்ச தங்தா³னங் படிக்க³ஹணதோ வா பரிபோ⁴க³தோ
வா ஸத்³தா⁴தெ³ய்யங் வினிபாதனதோ வா து³க்³தி பா⁴கி³னோ ஹொந்தி.
தஸ்மாதே ஏவருபங் தா³னங் படிக்க³ணஹிதுங் நாரஹந்தீதி.
“உபஸம்பதா³கம்மங் ஸம்முதி நாமா”தி ஏகேன பரியாயேன ஸம்முதி கம்மங்
நாம. தஞ்ஹி காமங்தேர ஸஸுஸம்முதி கம்மேஸுனாக³தங். ஞத்தி சதுத்த²
கம்மவாசா ஸங்கா²தாய பன ஸங்க⁴ஸம்முதியா ஸித்³த⁴த்தா தேன
பரியாயேன ஸம்முதி கம்மந்தி வுச்சதீதி. “உபஸம்பன்னபூ⁴மிங் பத்வா”தி
உபஸம்பன்னபூ⁴மி ஸங்கா²தங் உபரிடா²னந்தரங் பத்வா. ததா² ஹி வுத்தங்
வினயே பி⁴க்கு² விப⁴ங்கே³. ஞத்தி சதுத்தே²ன கம்மேன அகுப்பேன

டா²னாரஹேனாதி. தத்த², “டா²னாரஹேனா”தி உபஸம்பன்ன பூ⁴மிஸங்கா²தங் டா²னந்தரங் பாபேதுங் அரஹேனாதி அத்தோ². “உபஸம்பன்னபூ⁴மீ”தி ச உபஸம்பன்ன ஸீலங் வுச்சதி. “வினயகம்மேஸு பஸித்³தோ⁴”தி. ஸுணாதுமேப⁴ந்தே ஸங்கோ⁴ திஆதீ³ஸு பாகடோ. அபிச “ஸம்முதி ஸங்கோ⁴”தி, தே³வஸங்கா⁴ஸமாக³தாதிஆதீ³ஸு விய ப³ஹுனங் ஸமுஹனட்டே²ன லோகஸம்முதியா ஸித்³தோ⁴ஸங்கோ⁴ ஸம்முதி ஸங்கோ⁴திபி யுஜ்ஜதி. “அரியபுக்³லஸமுஹோ”தி புது²ஜ்ஜனகல்யாணகோ பி⁴க்கு² புப்³பே³ வுத்தனயேன ஸோதாபத்தி மக்³கட்டே² ஸங்க³ஹிதோதி, தேன ஸஹ அட்ட²விதோ⁴ அரிய புக்³லஸமுஹோ. “ஸம்முதி ஸங்கே⁴ அந்தோக³தோ⁴யேவா”தி ஏதேன த³க்கி²ணெய்யஸங்கோ⁴ நாம விஸுங் நவத்தப்³போ³. தஸ்மிஞ்ச நவத்தப்³போ³ ஸதி, ஸம்முதி ஸங்கோ⁴திபி வத்தப்³ப³ கிச்சங் நத்தி². ப⁴க³வதோ ஸாவகஸங்கோ⁴ த்வேவ வத்தப்³ப³ங் ஹோதீதி த³ஸ்ஸேதி. ஸச்சமேதங். இத⁴ பன ஸங்க⁴வசனேன ஆக³தட்டா²னஸ்ஸ து³வித⁴த்தா ஸங்க⁴ஸ்ஸ து³வித⁴தா வுத்தா. தத்த² ஸம்முதி ஸங்க⁴ஸ்ஸ ஆக³தட்டா²னங் வினயகம்மேஸுதி வுத்தமேவ. இதா³னி அரியஸங்க⁴ஸ்ஸ ஆக³தட்டா²னங் த³ஸ்ஸெந்தோ “ததா²பீ”திஆதி³மாஹ. தத்த² ஸரண க³மன...பே... அனுஸ்ஸதிட்டா²னேஸு உபஸம்பன்னபூ⁴தோ பி⁴க்கு²ஸங்கோ⁴வ க³ஹேதப்³போ³. த³க்கி²ணாவிஸுத்³தி⁴ட்டா²னே பன புக்³லிகதா³னேஸு சதூஹி ஸோதாபத்தியங்கே³ஹி ஸமன்னாக³தோ உபாஸகோபி ஸாமணேரோபி யுஜ்ஜதி. ஸங்கி⁴க தா³னேஸு பன பி⁴க்கு²ஸங்கோ⁴வ. “ததா² ததா² ஸங்வண்ணெத்வா”தி ஆஹுனெய்யோ, பாஹுனெய்யோ, த³க்கி²ணெய்யோ, அஞ்ஜலீகரணீய்யோ, அனுத்தரங் புஞ்ஞக்²த்தங் லோகஸ்ஸா, திஆதி³னாஸுட்டு² தோ²மெத்வா. ஸோ த³க்கி²ணெய்ய ஸங்கோ⁴. “புது²ஜ்ஜன ஸங்கோ⁴”தி இத³ங் அரிய ஸங்கே⁴ன வினாகேவலங் புது²ஜ்ஜனஸங்க⁴ங் ஸந்தா⁴ய வுத்தங். எத்த² ச ஸங்க⁴ வசனேன ஸங்க⁴ பரியாபன்னோ ஏகோபி பி⁴க்கு² க³ஹேதப்³போ³. ஸோ ஸசே புது²ஜ்ஜனோ ஹோதி, அனுத்தரங் புஞ்ஞக்²த்தங் நஹோதி. யதி³ அரிய புக்³லோ ஹோதி, அனுத்தரங் புஞ்ஞக்²த்தங் ஹோதி.

த³க்கி²ணவிப⁴ங்க³ஸுத்தே ஸங்கி⁴கதா³னே ப⁴விஸ்ஸந்தி கோ² பனானந்த³ கொ³த்ரபு⁴னோ காஸாவகண்டா² து³ஸ்ஸீலா பாபத⁴ம்மா. தேஸங்பி ஸங்க⁴ங் உத்³தி³ஸ்ஸ தா³னங் த³ஸ்ஸந்தி. ததா³பானந்த³ ஸங்க⁴க³தங் த³க்கி²ணங் அஸங்க²யெய்யங் அப்பமெய்யந்தி வதா³மீதி வுத்தத்தா ஸங்கி⁴கட்டா²னங் பத்வா கோசி பி⁴க்கு² த³க்கி²ணெய்ய ஸங்கே⁴ அஸங்க³ஹிதோதி நத்தீ²தி த³ட்ட²ப்³போ³.

கெ²த்தங் துா³ஸெந்தீதி கெ²த்தது³ட்டா²னி. திணானி. கெ²த்தது³ட்டா² கிலேஸா. வுத்தஞ்ஹித⁴ம்மபதே³.

திண்தோஸாணி கெத்தானி, ராக்தோஸா அயன்பஜா;
தஸ்மாஹி வீதராகேஸு, தின்னங் ஹோதி மஹப்பலங்.

திண்தோஸாணி கெத்தானி, தோஸ்தோஸா அயன்பஜா;
தஸ்மாஹி வீததோஸேஸு, தின்னங் ஹோதி மஹப்பலங்.
திண்தோஸாணி கெத்தானி, மோஹதோஸா அயன்பஜா;
தஸ்மாஹி வீதமோஹேஸு, தின்னங் ஹோதி மஹப்பலந்தி.

இத⁴ பன ஸாதிஸ்ஸயதோ கெத்தது³ட்டே² கிலேஸே துஸ்ஸேதுங்
“ஸக்காயதி³ட்டி²விசிகிச்சா²னுஸயான”ந்தி வுத்தங். “ஸப்பா⁴வா”தி ஸந்தஸ்ஸ
விஜ்ஜமானஸ்ஸபா⁴வோ ஸப்பா⁴வோதிவிக்³கேஹோ. “அஸ்ஸா”தி புது²ஜ்ஜன
ஸங்க⁴ஸ்ஸ. “ஸத்த⁴ம்மபதே³ வுத்தனயேனா”தி அபிசயத³க்கேனாதி
வுத்தனயேன.

ஸஸத்த⁴ம்மக³ணுத்தமபத³த்தா²னுதீ³பனீ நிட்டி²தா.

8. “அபி⁴வாதி³யா”தி ஸுகீ²ஹோஹிஸப்புரிஸாதி ஏவங்
அபி⁴வதா³பெத்வா. அபி⁴வாத³னஞ்ச நாம வந்த³னாமேவாதி வுத்தங்
“வந்தி³த்வா”தி. வந்த³ந்தோஹி வந்த³னெய்யே வுத்தே⁴ ததா² வதா³பேதி நாம.
ததா² வத³னஞ்ச வந்த³னெய்யானங்வுத்தா⁴னங் வுத்தங். “பச்சபட்டா²பெத்வா”தி
படிமுக²ங் உபட்டா²பெத்வா. “திவிதா⁴”தி த்வார பே⁴தே³ன திவிதா⁴.
“வந்த³னெய்யான”ந்தி புத்தா⁴தீ³னங். “நிபஜ்ஜந்தோ”தி நிபதந்தோ.
“அவந்தி³யேஸு”தி பி⁴க்க²ஹி அவந்தி³தப்பே³ ஸுனவகதராதீ³ஸு.
“குணபதா³னீ”தி குணதீ³பகானி அரஹங் ஸம்மாஸம்புத்தோ⁴திஆதி³பதா³னி.
எத்த²சகாயேனவந்த³தீதிஆதி³ உபசார வசனங் ஹோதி. யதா² சக்கு²னா ரூபங்
பஸ்ஸதீதி. ததா²ஹி வுத்தங் அட்ட²கதா²ஸு சக்கு²னா ரூபங் திஸ்வாதி
கரணவஸேன சக்க²தி லத்த⁴வோஹாரேன ரூபத³ஸ்ஸன ஸமத்தே²ன சக்கு²
விஞ்ஞானேன ரூபங் திஸ்வா. போராணா பனாஹு சக்கு² ரூபங் ந பஸ்ஸதி,
அசித்தத்தா. சித்தங் ந பஸ்ஸதி, அசக்குத்தா. த்வாராரம்மண ஸங்க⁴ட்டனே
பன ஸதி சக்கு² பஸாத³வத்து² கேனசித்தேன பஸ்ஸதி. ஈதி³ஸ் பனேஸா கதா²
த⁴னுனா விஜ்ஜ²தீதிஆதீ³ஸு விய ஸஸம்பா⁴ர கதா²னாம ஹோதி. தஸ்மா
சக்கு²னா ரூபங் திஸ்வாதி சக்கு² விஞ்ஞானேன ரூபங் திஸ்வாதி
அயமேவெத்த² அத்தோ²தி. எத்த²ஹி “காயேனா”தி காய விஞ்ஞத்திஸங்க²தங்
த்வார ரூபங் கரணங் ஹோதி. தஸ்மா சக்கு²னாதி வசனே உபசார வசனே
ஸதி காயேனாதி வசனங் பி உபசார வசனந்தி விஞ்ஞாயதி. ததா² சக்கு²னாதி
பதே³ சக்கு²விஞ்ஞானேனாதி அத்தே² ஸதி காயேனாதி பதே³பி காயகம்மேனாதி
அத்தோ² விஞ்ஞாயதி. வாசாய வந்த³தி, மனஸாவந்த³தீதி பதே³ஸுபி
ஏஸனயோ. ஏவஞ்ச ஸதி, காய கம்மேனவந்தா³மி, வசீகம்மேன வந்தா³மி,
மனோகம்மேன வந்தா³மி, தீஹி கம்மேஹி வந்தா³மீதி இத³மேவ

முக்²யவசனந்தி ஸித்³த⁴ங் ஹோதி. ஸப்³ப³மித³ங் இந்த³ரிய
 ஸங்³வரஸீலட்டா²னே அட்ட²கதா²ஸு ஆக³தத்தா வுத்தங். சக்கு²னாதி இத³ங்
 பன முக்²ய கரண வசனமேவ ஸம்ப⁴வதி. கஸ்மா, சக்கு²ஸ்ஸ
 த்³ஸ்ஸனஸங்கா²தஸ்ஸ சக்கு²விஞ்ஞாணஸ்ஸ வத்து²
 புரேஜாதிந்த³ரியபச்சயவிஸேஸத்தா. ஸோதேன ஸத்³த³ங்ஸுத்வாதிஆதீ³ஸுபி
 ஏஸனயோ.

காயேனவந்த³தி, வாசாயவந்த³தீ,தி எத்த² தங்காயவசீவிஞ்ஞுத்தி ரூப
 த்³வயங் கிஞ்சாபி ஸஹஜாத சேதனா கம்மேன ஜாதங் ஹோதி. ந தங்
 சேதனாகம்மங் விஞ்ஞுத்தி த்³வயேனஜாதங். ஏவங் ஸந்தேபி தங் ரூப த்³வயங்
 தஸ்ஸாசேதனாய காயவந்த³னாகம்ம, வசீவந்த³னாகம்ம ஸித்³தி⁴யா
 உபனிஸ்ஸய பச்சயவிஸேஸோ ஹோதி. யதா²தங் மாதீதோ ஜாதோ புத்தோ
 வுத்³தி⁴ பத்தோ தங் தங் கம்மேஸு மாதுயா ப³ல ஓபனிஸ்ஸயோ ஹோதி.
 ஏவஞ்ச கத்வா தங் ரூபத்³வயங் அபி⁴த⁴ம்மே த்³வாரரூபந்தி வுத்தங். தஸ்மா
 'காயேன, வாசாயா,தி இத³ங்³பி முக்²ய கரண வசனமேவாதி துட்ட²ப³ப³ங்.
 காயேனாதி பன காயகம்மேனாதி அத்தே² ஸதி, தஸ்ஸகம்மஸ்ஸ
 வந்த³னாகிரியாய ஸஹ அபே⁴தோ³ ஆபஜ்ஜதீதி சே. நாபஜ்ஜதி. கஸ்மா
 சேதனாஹங் பி⁴க்க²வே கம்மங் வதா³மி, சேதயித்வா கம்மங் கரோதி 'காயேன,
 வாசாய, மனஸாதி இமஸ்மிங் ஸுத்தே யதா²ஹி "சேதயித்வா"தி
 புரிமசேதனாஹி சேத யித்வா . "கம்மங் கரோதீ"தி பச்சி²மங் ஸன்னிட்டா²பன
 சேதனா கம்மங் கரோதீதி அத்தோ². ததா² இத⁴பி புரிமபச்சி²மசேதனா
 ஸம்ப⁴வதோதி. எத்த² ஹி "காயகம்மேனா"தி புரிமசேதனா கம்மங் க³ய்ஹதி.
 "வந்த³தீ"தி பச்சி²ம ஸன்னிட்டா²பனசேதனாகம்மந்தி.

9. "ரசயந்தோ"தி வித்³ஹந்தோ. "ரசயிஸ்ஸதீ"தி அபச்சக்கே² அதீதே
 அனாக³தவசனங். "பொத்த²காருள்ஹ"ந்தி பொத்த²க பத்தேஸுலிக²னவஸேன
 ஆருள்ஹங்.

10. அபி⁴த⁴ம்மத்த²பதே³. "அபி⁴த⁴ம்மே"தி அபி⁴த⁴ம்மப்பகரணே.
 "எத்த², ஏதேனா"தி வசனேஹி ஸங்க³ஹஸத்³த³ஸ்ஸ ஏகஸேஸவிதா⁴னங்³
 விஞ்ஞாயதி. "அஞ்ஞங்பாளித்³வயங் வுச்சதி". கஸ்மாதங் பாளித்³வயங்
 அபி⁴த⁴ம்மோ நாமாதி வுத்தங் "தஞ்சா"திஆதி³. "யதா²பவத்தே"தி அத்தனோ
 பச்சயானுரூபங் பவத்தே. "பரமத்த²த⁴ம்மே ஏவா"தி த்³வே மே பி⁴க்க²வே
 புக்³லா, தயோமேபி⁴க்க²வே புக்³லாதிஆதி³னா பஞ்ஞுத்திவோஹாரேன
 பவத்தாபி தே³ஸனா பரமத்த² த⁴ம்மேஹி வினா நபவத்ததி. பரமத்த²
 த⁴ம்மானங் நானத்தவஸேனேவ புக்³லானங் நானத்தஸம்ப⁴வதோ. தஸ்மா
 பரமத்த²த⁴ம்மே ஏவ தீ³பேதி. ந ஆணாவிதா⁴னங் தீ³பேதி.
 "த்³வீஸுத⁴ம்மேஸு"தி நித்தா⁴ரணே பு⁴ம்மவசனங். "யோஇதரதோ"தி
 நித்தா⁴ரணியங். "யோ"தி யோ த⁴ம்மோ. "இதரதோ"தி இதர த⁴ம்மதோ

ஸுத்தந்த த⁴ம்மதோ. “ஏவஞ்ச கத்வா”தி இமினாகாரணேனாதி அத்தோ².
அட்ட²கதா²ஸு வுத்தந்தி ஸம்ப³ந்தோ⁴. தே³ஸேதப்³ப்பகாரானங்
அனவஸேஸவிப⁴த்திவஸேன அதிரேகதா, ஸுத்³த⁴ த⁴ம்மதி⁴ட்டா²ன
தே³ஸனா பவத்திவஸேன விஸேஸதா யோஜேதப்³பா³. “யதோ”தி யஸ்மா
அனவஸேஸவிப⁴த்திதோ, அதிவித்தா²ரதே³ஸனாபா⁴வதோதி வுத்தங்
ஹோதி. கஸ்மா தே³வேஸு ஏவ தே³ஸெந்தீதி ஆஹ “ந ஹி
மனுஸ்ஸா”திஆதி³ங். தத்த² “ந ஹி மனுஸ்ஸா படிக்க³ஹேதுங் ஸக்கொந்தீ”தி
ஸம்ப³ந்தோ⁴. “பவத்தனயொக்க³ய”ந்தி பவத்தனத்தா²ய பஹொந்தங்.
“கதா²மக்க³”ந்தி தே³ஸனாகதா²பப்³ந்த⁴ங். “ஏகமாதிகானு ப்³ந்தா⁴”தி குஸலா
த⁴ம்மா அகுஸலா த⁴ம்மதிஆதி³கங் ஏகங் அபி⁴த⁴ம்ம மாதிகங் அனுக்க³தா.
“தஸ்ஸா”தி அபி⁴த⁴ம்மஸ்ஸ. அதிரேக விஸேஸதந்தி ஸம்ப³ந்தோ⁴.
“தத்தா²”தி திஸ்ஸங் அட்ட²ஸாலினியங். ஆதி³ம்ஹியேவதத்த² கேனட்டே²ன
அபி⁴த⁴ம்மோ, த⁴ம்மாதிரேக த⁴ம்மவிஸேஸட்டே² நா-தி வத்வா தத³த்த²ங்
வித்தா²ரெந்தோ ஸுத்தஞ்ஹி பத்வா பஞ்சக்க²ந்தா⁴ ஏகதே³ஸேனேவ
விப⁴த்தா, நனிப்பதே³ஸேன. அபி⁴த⁴ம்மங் பத்வா பன நிப்பதே³ஸதோவ
விப⁴த்தா-தி வுத்தங். தேனாஹ “த⁴ம்மனாமிகான”ந்திஆதி³ங். “த⁴ம்மோ
பனா”தி பாளித்³வயமாஹ. “ஏவங் ஸந்தேபீ”தி அட்ட²ஸாலினியங் ஏவங்
விசாரிதேபிஸதி. “ஸப்³பஜெட்ட²கோ”தி திண்ணங் பிடகானங்
மஜ்ஜே²ஸப்³பஜெட்ட²கோ. கஸ்மா ஸப்³பஜெட்ட²கோ ஸியாதி ஆஹ “வினயங்
விவண்ணெந்தஸ்ஸஹீ”திஆதி³ங். தத்த² “விவண்ணெந்தஸ்ஸா”தி
க³ரஹந்தஸ்ஸ. சரதி பவத்தீதி சக்கங். லோகஸ்மிங் கேனசி ஸமணேன வா
ப்³ராஹ்மணேன வா தே³வேன வா மாரேன வா ப்³ரஹ்முனா வா
படினிவத்திதுங் அஸக்குணெய்யங் ஆணாவிதா⁴னங் ஆணாசக்கங் நாம. ததா²
அஸக்குணெய்யங் தே³ஸனா விதா⁴னங் த⁴ம்மசக்கங் நாம. தத்த², யோ பன
பி⁴க்கு² மேது²னங் த⁴ம்மங் படிஸேவதி, பாராஜிகோ ஹோதி அஸங்வாஸோ-
திஆதி³னா நயேன பவத்தங் ஆணாவிதா⁴னங் ஆணாசக்கங் நாம. சத்தாரிமானி
பி⁴க்க²வே அரியஸச்சானீ-திஆதி³கங் தே³ஸனாவிதா⁴னங் த⁴ம்மசக்கங் நாம.
தது³ப⁴யங்பி கோசி பி⁴ந்தி³துங் பாராஜிகங் வா பி⁴க்கு²ங் அபாராஜிகங்
காதுங் சதுஸ்ஸச்சங் வா த⁴ம்மங் அஸச்சங் காதுங் நஸக்கோதி. அத² கோ²
கரொந்தோயேவ தே³வத³த்தோவிய ஆபாயிகோ ஹோதி. பாராஜிகோச பி⁴க்கு²
அத்தானங் ஸுத்³த⁴ங் அகரொந்தோ அபாயகா³மீயேவ ஹோதி. ஏவங்
ஸப்³பே³ஸு வினய ஸிக்கா²பதே³ஸு. ஏவங் கேனசி படினிவத்திதுங்
அஸக்குணெய்யத்தா தது³ப⁴யங்பி அப்படிவத்தியங் சக்கங் நாம ஹோதி.
“வினயோ நாம ஸாஸனஸ்ஸ மூல”ந்தி வினயே டி²தே பி⁴க்கு²ஸங்கோ⁴
பஞ்ஞாயதி. பி⁴க்கு² ஸங்கே⁴ பஞ்ஞாயந்தே
திவிதோ⁴பிஸத்³த⁴ம்மோபஞ்ஞாயதி, திவித⁴ங்பி ஸத்து²ஸாஸனங் திட்ட²தி.
ஏவங் வினயோ திவித⁴ஸ்ஸாஸனஸ்ஸ மூலங் ஹோதீதி.
கத²ஞ்சபரியத்திஸத்³த⁴ம்மே பஞ்ஞாயந்தே திவித⁴ங்பி ஸாஸனங் திட்ட²தீதி.

வுச்சதே. தத்த² ஸாஸனங் திட்ட²தீதி கித்தகங்காலங் திட்ட²தீதி.
 பஞ்சவஸ்ஸஸஹஸ்ஸானி திட்ட²தீதி போராணட்ட²கதா²ஸுகத²யிங்ஸு.
 மிச்சா²வாதி³னோபனவத³ந்தி வினயே துளவக்³கே³பி⁴க்கு²னிக்க²ந்த⁴கே ஸசே
 ஆனந்த³ மமஸாஸனேமாதுகா³மோ பப்³பஜ்ஜங் நலபெ⁴ய்ய.
 வஸ்ஸஸஹஸ்ஸங் ஸத்³த⁴ம்மோ திட்டெ²ய்ய. இதா³னி மாதுகா³மஸ்ஸ
 பப்³பஜ்ஜா அனுஞ்ஞாதா கோ³தமியா புனப்புனங் ஆயாசனங் உபாதா³ய.
 பஞ்சேவதா³னி ஆனந்த³ வஸ்ஸஸதானி ஸத்³த⁴ம்மோட²ஸ்ஸதீதி வுத்தங்.
 தஸ்மா பு³த்³த⁴ஸாஸனங் பஞ்சவஸ்ஸஸதானி ஏவ திட்ட²தி. ததோபரங்
 ஏகதி³வஸங்பி ந திட்ட²தி. இதா³னி ஸாஸனப்படி ரூபகமத்தங் ஹோதீதி. தங்
 தேஸங் மிச்சா² வசனமத்தங். “பஞ்சேவவஸ்ஸஸதானி”தி இத³ங் பன
 ஸன்னிட்டா²ன வசனங் நஹோதி. மாதுகா³மானங் ஆதீ³னவ தீ³பனமத்தவசனங்.
 ஸோ ச ஆதீ³னவோ அட்ட²க³ருத⁴ம்மே ஸண்ட²பெத்வா ஸத்தா²ரா ஏவ
 படிபா³ஹிதோ. புன “வஸ்ஸஸஹஸ்ஸ”ந்தி இத³மேவஸன்னிட்டா²ன வசனங்
 ஜாதந்தி. எத்த²பிகேசிவத³ந்தி வஸ்ஸஸஹஸ்ஸமேவ ஸாஸனங் திட்ட²தி,
 ததோபரங் ஏகதி³வஸ மத்தங்பி ந திட்ட²தி, அந்தரதா⁴யதி. ததா³ ஸீமாயோபி
 அஸீமா ஹோந்தி. பச்சா²தாஸு உபஸம்பாதி³தாபி அனுபஸம்பன்னா ஹோந்தி.
 இதா³னி ஸாஸனப்படி ரூபகமத்தங் ஹோதீதி. இத³ங்பி தேஸங்
 அத்த²ஞ்சகாரணஞ்ச அதி³ஸ்வா அஜானித்வா வுத்தத்தா மிச்சா² வசனமத்தங்
 ஹோதி. அயங் பனெத்த² அத்தோ². “வஸ்ஸஸஹஸ்ஸங் ஸத்³த⁴ம்மோ
 திட்டெ²ய்யா”தி வஸ்ஸஸஹஸ்ஸமேவ ஸத்³த⁴ம்மோ அபரிஹாயமானோ
 திட்டெ²ய்ய. ததோபரங் பன ந திட்டெ²ய்ய, அனுக்கமேன பரிஹாயமானோ
 க³ச்செ²ய்யாதி. கத²ங் பன அபரிஹாயமானோ திட்ட²தி, கத²ஞ்ச
 பரிஹாயமானோ க³ச்ச²தீதி. வுச்சதே. பஞ்சஸங்கா⁴ வேதி³தப்³பா³. யேஸு
 ஸங்கே⁴ ஸுஸத்³த⁴ம்மோ திட்ட²தி. கதமே பஞ்ச. கீ²ணாஸவஸங்கோ⁴,
 அனாகா³மிஸங்கோ⁴, ஸுகதா³கா³மிஸங்கோ⁴, ஸோதாபன்னஸங்கோ⁴,
 புது²ஜ்ஜனகல்யாணகஸங்கோ⁴,தி. தத்த², வஸ்ஸஸஹஸ்ஸப்³ப⁴ந்தரே
 ஸப்³பே³பஞ்சஸங்கா⁴ பஞ்ஞாயந்தி. ஏவங் வஸ்ஸஸஹஸ்ஸங்
 ஸத்³த⁴ம்மோ அபரிஹாயமானோ திட்ட²தி. ததோபரங் கீ²ணாஸவஸங்கோ⁴
 ந பஞ்ஞாயதி. ஸேஸானி சத்தாரிவஸ்ஸஸஹஸ்ஸானி அனுக்கமேன
 ஸேஸானங் சதுன்னங் ஸங்கா⁴னங் கெ²த்தானி ஜாதானி. ஏவங் ததோபரங்
 பரிஹாயமானோ க³ச்ச²தீதி அயமெத்த² அத்தோ². காரணங் வுச்சதே.
 “ஸத்³த⁴ம்மோ திட்டெ²ய்யா”தி எத்த² திவிதோ⁴ ஸத்³த⁴ம்மோ
 ‘பரியத்திஸத்³த⁴ம்மோ, படிபத்திஸத்³த⁴ம்மோ, படிவேத⁴ஸத்³த⁴ம்மோ,தி.
 ஸோ ஏவ திவித⁴ங் ஸாஸனந்தி ச வுச்சதி. தத்த², பரியத்தி ஸத்³த⁴ம்மோ
 நாம ஸாட்ட²கதா²னிதீணிபிடகானி. ஸோச ஏதரஹி பரிபுண்ணோ திட்ட²தி.
 கத²ங் பரியத்தி ஸாஸனங் படி³ரூபகமத்தங் ப⁴வெய்ய. பி⁴க்க² ச
 பரியத்திகம்மிகா அனேக ஸதஸஹஸ்ஸமத்தா பஞ்ஞாயந்தி. கத²ஞ்சித³ங்
 ஸாஸனங் ததோபரங் ஏகதி³வஸங்பி ந திட்டெ²ய்ய. தே ச பி⁴க்க²

ஸீலப்படிபத்தியங் டி²தா அனேக ஸதஸஹஸ்ஸமத்தா ஏதரஹி
 ஸந்தி⁴ஸ்ஸந்தி. கத²ஞ்ச படிபத்தி ஸாஸனங் ததோபரங் ந திட்டெ²ய்ய.
 பரியத்தியாச படிபத்தியாச திட்ட²மானாயபடிவேத⁴ஸத்³த⁴ம்மோபி ந
 திட்ட²தீதி ந வத்தப்³போ³. யதா²ஹி-ஏகோ த⁴னஸெட்டி² நாம அத்தி². ஸோ
 புத்ததீ⁴து பரம்பரானங் அத்தா²ய மஹந்தாரதனநித⁴யோ பூ⁴மியங்
 ப³ஹஸுட்டா²னேஸு நித³ஹித்வா ட²பிதா ஹொந்தி. பொத்த²கேஸு ச
 தேஸங் பவத்திங் பரிபுண்ணங் லிகி²த்வா ட²பேதி. தத்த² நிமீஸு ச
 பொத்த²கேஸு ச அக்க²ரேஸு ச த⁴ரந்தேஸு தேனித⁴யோ நஸ்ஸந்தி
 அந்தரதா⁴யந்தீதி ந வத்தப்³பா³யேவ. ஏவமித³ங் ஸாஸனங் த³ட்ட²ப்³பங்.
 தத்த²ஹி நிதீ⁴னங்னிதா⁴னபூ⁴மிஸதி³ஸங் தேபிடகங் பு³த்³த⁴வசனங்,
 த⁴னரதனஸதி³ஸானி த⁴ம்மரதனானி. யதா² ச ஸெட்டி²வங்ஸேஜாதோ
 ப³லஸம்பன்னோ புரிஸோ பொத்த²கங் பஸ்ஸித்வா ஸுட்டு² க²ணந்தோ
 தானிரதனானி லபி⁴ஸ்ஸதியேவ. ஏவமித⁴பி ப³லஸம்பன்னோ பி⁴க்கு²
 தே³ஸனாத⁴ம்மங் ஸுத்வா ஸுட்டு² படிபஜ்ஜந்தோ தானித⁴ம்மரதனானி
 லபி⁴ஸ்ஸதியேவ. லப⁴மானே ச ஸதி, கத²ங் தானித⁴ம்மரதனானி
 அந்தரஹிதானி. ஸீமானஞ்ச பவத்திவானிவத்தி வா ஆணாசக்கஸ்ஸேவ
 விஸயோ ஹொதி. ந த⁴ம்மசக்கஸ்ஸ. யஞ்ச வுத்தங்-
 பஞ்சேவவஸ்ஸஸதானிஸத்³த⁴ம்மோ ட²ஸ்ஸதீதி ச, - வஸ்ஸஸஹஸ்ஸங்
 ஸத்³த⁴ம்மோ திட்டெ²ய்யாதி ச. இத³ஞ்ச வசனங் த⁴ம்மசக்கமேவ ஹொதி, ந
 ஆணாசக்கங். ப³த்³த⁴ஸீமாயோ ச நிவத்தமானா த்³வீஹி காரணேஹி
 நிவத்தந்தி அந்தரதா⁴யந்தி. ஆணாசக்கபூ⁴தாய கம்மவாசாய ஸமூஹனநேன
 வா, ஸாஸனஸ்ஸ வா அந்தரதா⁴னேன. தத்த² வஸ்ஸஸஹஸ்ஸபரியந்தே
 கம்மவாசாய ஸமூஹனநஞ்ச நத்தி². ஸாஸனந்தரதா⁴னஞ்ச நாம அனாக³தே
 தா⁴துபரினிப்³பா³னேன பரிச்சி²ன்னங் ஹொதி. தா⁴துபரினிப்³பா³னேஹி ஜாதே
 ஸப்³பங் ஆணாசக்கங் விக³தங் ஹொதி, அந்தரதா⁴யதி. த⁴ம்மசக்கங் பன
 தே³வலோகேஸு யாவானாக³தபு³த்³த⁴காலாபி பவத்திஸ்ஸதியேவ
 ஆளவகபுச்சா²கா³தா²யோ விய. அபிசயோ வோ ஆனந்த³ மயா த⁴ம்மோ ச
 வினயோ ச தே³ஸிதோ பஞ்ஞத்தோ. ஸோ வோ மமச்சயேன ஸத்தா²-தி
 வுத்தங். ஸோசதி பிடகபூ⁴தோ த⁴ம்மவினயோ ஸத்தா² ஏதரஹி திவித⁴ங்பி
 ஸாஸனங் லோகஸ்ஸ தீ³பெந்தோ பகாஸெந்தோ திட்ட²தி.
 யதோபு³த்³த⁴பா⁴ஸிகானங் தே³வமனுஸ்ஸானங் நானா பா³ஹிரகேஹி
 ஜனேஹி அஸாதா⁴ரணோ மஹந்தோ ஞாணாலோகோ ஏதரஹி
 விஜ்ஜோதமானோ பவத்ததி. தேஹி ஸப்³புஞ்ஞதஞ்ஞானேன தே³ஸிதானி
 ஏதரஹித⁴ரமானானி சதுராஸீதி த⁴ம்மக்க²ந்த⁴ ஸஹஸ்ஸானி ஸுத்வா
 அனமதக்³கே³ஸங்ஸாரே அனந்தாஸு லோகதா⁴தூஸு
 ஸப்³பங்லோகத்தயப்பவத்திஞ்ச, ஸப்³பங்ந்த⁴ம்மப்பவத்திஞ்ச,
 ஸப்³புஞ்ஞதஞ்ஞாணானுக³திகேன ஸுதமயஞ்ஞானேன ஜானந்தி. ஆயதிஞ்ச
 ஸக்³க³த்தா²ய ச மக்³க³ப²லனிப்³பா³னத்தா²ய ச நானாபுஞ்ஞுகிரியவத்தூ²னி

ஆரப⁴ந்தி, பப்³புஜந்தி. பரியத்திங் பரியாபுணந்தி. படிபத்திங் பூரெந்தி.
பா⁴வனங்பா⁴வெந்தி. இத³ங் ஸப்³புங் ஸாஸனப்படிருபகமத்தங்ன ஹோதி.
ஏகந்த ஸாஸனங் ஹோதி. கஸ்மா, யதா² த⁴ம்மங் யதா² வினயங்
படிபஜ்ஜனதோ. இமாய ச படிபத்தியா ஆயதிங் ஸக்³க³மக்³ப²ல
நிப்³பா³னப்படிபா⁴ய ஸங்வத்தனிகத்தாதி. எத்தாவதா ஸப்³புங்
மிச்சா²வாதீ³னங் மிச்சா²வசனங் வித⁴மிதங்வித்³த⁴ங்ஸிதங் ஹோதீதி.

பணாமகா³தா²வண்ணனா.

11. து³தீயகா³தா²வண்ணனாயங். “ஆதி³கா³தா²யா”தி பத²மகா³தா²வாக்யேன.
“தங் தங் பயோஜனஸஹிதே”தி தேனதேனபயோஜனேன ஸஹிதே. “பஞ்ச
அத்தே²”தி பஞ்சபிண்ட³த்தே². “தேஅபி⁴த⁴ம்மத்தே²”தி அபி⁴த⁴ம்மத்த²பதே³
தீ³பிதே தேஅபி⁴த⁴ம்மத்தே². “தத்தா²”தி திஸ்ஸங் து³தீயகா³தா²யங். “நது
வுத்த”ந்தி நபனபகரணங்பி புப்³பே³வுத்தங் ஹோதி. அபி⁴த⁴ம்மத்தா²
குதோபுப்³பே³வுத்தா ஹோந்தீதி யோஜனா. ஏவங்தீஸு அத்த²விகப்பேஸு
பத²மஸ்ஸ காலவிரோத⁴ங் த³ஸ்ஸெத்வா இதா³னி து³தீய ததீயானங்
ஸத்³த³தோவிரோத⁴ங் வத்துங் “நசா”திஆதி³மாஹ. தத்த² “ஆதி³ம்ஹி யேவா”தி
ஏதேன யதா³கதா³சி பச்சாமஸனங் அப்பதா⁴னந்தி த³ஸ்ஸேதி.
“அப்பதா⁴னபதா³னீ”தி அபி⁴த⁴ம்மத்த²ஸங்க³ஹந்தி இமஸ்மிங் ஏகஸ்மிங்
ஸமாஸபதே³ புரிமானி விஸேஸன பதா³னி. தத்த² ஸப்³புதா²பி வுத்தாதி
யோஜிதே ஸதி, தஸ்மிங் அபி⁴த⁴ம்மத்த²ஸங்க³ஹப்பகரணே தஸ்மிங்
அபி⁴த⁴ம்மத்த² பதே³வா ஸப்³புதா² மயா வுத்தாதி அத்தோ² ஹோதி. ஸோ ந
யுஜ்ஜதி. தஸ்மிங் அபி⁴த⁴ம்மே புத்³தே⁴ன ப⁴க³வதா ஸப்³புதா² வுத்தாதி
அத்தோ² யுஜ்ஜதி. அப்பதா⁴னபத³ங் பச்சாமஸதீதி தோ³ஸோபன ஆபஜ்ஜதேவ.
தேனாஹ “ஏவஞ்ஹிஸதீ”திஆதி³ங். தத்த², “ஏவஞ்ஹிஸதீ”தி அட்ட²ஸாலினியங்
விய இத⁴ அபி⁴த⁴ம்மத்த²ஸங்க³ஹபத³ங் பச்சாமஸந்தே ஸதி.
ஹிஸத்³தோ³ ப²ல வாக்யஜோதகோ. லத்³த⁴கு³ணஜோதகோதிபி யுஜ்ஜதி.
“படிக்கித்தா ஹோதி” தஸ்மிங் அபி⁴த⁴ம்மத்த²ஸங்க³ஹபதே³ மயா
ஸப்³புதா² வுத்தாதி அத்த²ஸ்ஸ ஸம்ப⁴வதோ. ந கேவலங் ஸோ ஏவ
தோ³ஸோ ஆபஜ்ஜதி. அபரோபிதோ³ஸோ அத்தீ²தி த³ஸ்ஸேதுங்
“ஸாஹீ”திஆதி³மாஹ. தா⁴துகதா²யங்
வுத்தேனஸங்க³ஹாஸங்க³ஹாதி³ப்பகாரேனாதியோஜனா.

12. பரமத்த²பத³வண்ணனாயங். விஸேஸனபத³ங் நாம கத்த²சி
பு⁴தகத²னத்தா²யவா பயுஜ்ஜதி கண்ஹோகாகோ, ஸேதோப³கோதி. கத்த²சி
அஞ்ஞனிவத்தனத்தா²ய வா பயுஜ்ஜதி நீலோபடோ, நீலங்புப்ப², ந்தி. இத⁴ பன
அஞ்ஞ நிவத்தனத்தா²யாதி த³ஸ்ஸேதுங்
“து³விதா⁴னிஹிஸச்சானீ”திஆதி³மாஹ. பஞ்ஞாபீயதீதிபஞ்ஞத்தி. பஞ்ஞாபனஞ்ச
நாம ஸமக்³கா³னங் ஜனானங் வோஹாரேன ச ஸம்படிச்ச²னேன சாதி த்³வீஹி

அங்கேஹி ஸிஜ்ஜீதி ஆஹ “தேசமஹாஜனா”திஆதிங். “தஸ்மாதே ஸம்முதி ஸச்சந்தி வச்சந்தீ”தி ஸம்பந்தோ⁴. “ஸம்மதத்தா”தி வோஹரிதத்தாசேவ ஸம்படிச்சித்தத்தா ச. “வசீஸச்சவிரதிஸச்சான”ந்தி எத்த² வசீஸச்சங் நாம முஸாவாத்ரஹிதங் ஸச்சவசனங். விரதிஸச்சங் நாம ஸம்மாவாசாவிரதி. ஸாஹி முஸாவாதாதீஹி வசீதுச்சரிதேஹி விரமணமத்தேன வசீஸச்சந்தி வச்சதி. “வத்து²பு⁴தத்தா”தி அதி⁴ட்டா²னபு⁴தத்தா. ஸம்முதிஸச்சந்தி வச்சந்தி, ஸம்மதத்தா ஸம்முதி ச, ஸா ஸச்சானங் வத்து²பு⁴தத்தா ஸச்சஞ்சாதி கத்வா. ஸம்முதியா ஸித்த⁴ங் ஸச்சங் ஸம்முதிஸச்சந்திபி யுஜ்ஜதி. “ஸம்மாபடிபஜ்ஜந்தா”தி பாணோ நஹந்தப்³போ³, ஸப்³போ³ஸத்தா அவேரா ஹொந்தாதிஆதி³னா ஸம்மாபடிபஜ்ஜந்தா.

“ஸப்³போ³லோகியஸம்பத்தியோ”தி தா³னஸ்ஸீலாதீ³னங் புஞ்ஞுகிரியவத்தா²னங் ப²லவிபாகபு⁴தா ஸப்³போ³லோகியஸம்பத்தியோ. ஸப்³போ³

“போ³தி⁴ஸம்பா⁴ரத⁴ம்மே”தி தா³னபாரமிஸ்ஸீலபாரமிஆதி³கேபாரமித⁴ம்மே.

“ஆராதெ⁴ந்தீ”தி ஸம்பாதெ³ந்தி. “மிச்சா²படிபஜ்ஜந்தா”தி து³ச்சரித து³ராஜீவமிச்சா²ஜீவாதீ³னங் வஸேன மிச்சா²படிபஜ்ஜந்தா. “ஏவங் மஹந்தங் ஸம்முதி ஸச்ச”ந்தி ஏதேன அஹங் பரமத்த² ஸச்சமேவக்³ணஹாமீதி ஸம்முதி ஸச்சங் நபி⁴ந்தி³தப்³பங். பி⁴ந்த³ந்தோஹி ஸப்³போ³ஸம்பத்தீஹி பரிபா³ஹிரோ அஸ்ஸாதி த³ஸ்ஸேதி. கத²ஞ்ச தங் பி⁴ந்த³தீதி. ஸத்தோ நாம நத்தி². ஸத்தஸ்ஸ ப⁴வதோஸங்கந்தி நாம நத்தி². ப⁴வனிப்³பத்தகங் குஸலாகுஸலகம்மங் நாம நத்தீ²தி க³ணஹந்தோ உச்சே²த³தி³ட்டி²யங் திட்ட²தி. ஸப்³போ³ஸம்பத்தீஹி பரிபா³ஹிரோ ஹொதி. அபாய பூரகோ ப⁴வதீதி.

“விஜ்ஜமானந்தவேவ க³ணஹாபேதீ”தி ஸஞ்ஞா சித்ததி³ட்டி² விபல்லாஸானங் வத்து²பா⁴வேன க³ணஹாபேதி. தேனாஹ “ஸக்காயதி³ட்டி²”திஆதிங். “ஏவங் விபரீதஞ்ஹி ஸம்முதிஸச்ச”ந்தி ஏதேனஸம்முதி ஸச்சமேவத³ஸ்ஹங் க³ஹொத்வா பரமத்த² ஸச்சங் நபி⁴ந்தி³தப்³பங். பி⁴ந்த³ந்தோஹி தாஹி தி³ட்டி²ஹி நமுச்சதி. கத²ஞ்ச தங் பி⁴ந்த³தி. க²ந்தே⁴ வா க²ந்த⁴முத்தகேவா அத்தஜீவே க³ஹொத்வா தேச அத்தஜீவா பரம்மரணா உச்சி²ஜ்ஜந்தீதி க³ணஹந்தோ உச்சே²த³தி³ட்டி²யங் திட்ட²தி. தே ச அத்தஜீவா ப⁴வாப⁴வேஸுஸஸ்ஸதா ஹுத்வா ப⁴வதோப⁴வங் ஸங்ஸரந்தி ஸந்தா⁴வந்தீதி க³ணஹந்தோஸஸ்ஸததி³ட்டி²யங் திட்ட²தி.

“நவிஸங்வாதெ³ந்தீ”தி விபரீதங் நாபாதெ³ந்தி. “தங் பனா”தி ஸபா⁴வஸச்சங் பன. அனுப⁴வனபே⁴த³மத்தங் உபாதா³யேவ வேத³னா ஸுகா²தி வுத்தா. ஸப்³பா³காரதோ ஸுக²பு⁴தத்தா வேத³னா ஸுகா²தி வுத்தா நஹொதி.

“ஸப்³பா³பிவேத³னா து³க்கா² ஏவா”தி பதா⁴னத்தோ². தத்த²

அனுப⁴வனபே⁴தோ³ திவிதோ⁴. ஸாததோ வா அனுப⁴வனங், அஸ்ஸாததோ வா, மஜ்ஜத்ததோ வா. “து³க்கா² ஏவா”தி ப⁴யட்டே²ன து³க்கா² ஏவ. ப⁴யட்டே²னாதி ச ஸங்ஸார ப⁴யத³ஸ்ஸீஹிபா⁴யிதப்³பட்டே²ன. ஸுகோ² விபாகோ யேஸங் தே ஸுக²விபாகா. தேபு⁴மககுஸலா.

“குஸலஸம்மதா”தி ஏதேன ஸபா⁴வஸச்சேபி ஏதேவோஹாரா லோகஸம்முதி
 நிஸ்ஸிதாதி தீ³பேதி. “ஸாஸவதா”தி ஆஸவேஹி ஸஹிதபா⁴வோ.
 “ஸங்கிலேஸி கதா”தி ஸங்கிலேஸ த⁴ம்மேஹி ஸங்யுத்தபா⁴வோ.
 ஓகே⁴ஹி ச யோகே³ஹி ச உபாதா³னேஹி ச பத்தப்³பா⁴வோ
 “ஓக⁴னீயயோக³னீய உபாதா³னீயதா”. அதி⁴கா அத்தா அஜ்ஜ²த்தா.
 ப³ஹித்³தா⁴ருக்கே²ருபத⁴ம்மாருக்க²ஸ்ஸ அத்தானாம ஸாரட்டே²ன.
 ஸாகா²யங் ருபத⁴ம்மா ஸாகா²ய அத்தானாம ஸாரட்டே²ன.
 ஸத்தஸந்தானபரியாபன்னா பன ருபாருபத⁴ம்மா தண்ஹாபரிக்க³ஹ
 த³ஸ்ஹட்டே²ன ததோ ப³ஹித்³தா⁴ அத்ததோ அதி⁴கா அத்தாதி அத்தே²ன
 அஜ்ஜ²த்தாதி லோகஸம்முதி ஹோதி. தேனாஹ “அஜ்ஜ²த்ததிகஞ்சா”திஆதி³ங்.
 து³க்க²னிரோத⁴ மக்³க³பா⁴வோ ச, இதி இத³ங் சதுக்கங் அரியஸச்சங் நாமாதி
 யோஜனா. “இத³மேவா”தி இத³ங் சதுக்கமேவ. “அசலமான”ந்தி ஏதேன
 அரியஸத்³த³ஸ்ஸ அத்த²ங் தீ³பேதி. தேபூ⁴மக த⁴ம்மானங் ஸுக²தா நாம
 சலா ஹோதி. கஸ்மா, அனிச்ச த⁴ம்மத்தா. தே த⁴ம்மேஸுகா²தி க³ஹெத்வா
 அத்தனோ அஜ்ஜ²த்தங்க³ங் கரொந்தா அசிரேனேவ து³க்க²ங் பாபுணந்தி. தே
 த⁴ம்மே து³க்கா²தி ஞத்வா தேஹிவிமுத்தா புன து³க்க²ங் பாபுணந்தீதி நத்தி².
 ஏஸனயோ ஸேஸஅரியஸச்சேஸு . “தேஸு”திஆதி³ம்ஹி து³விதா⁴னிஹி
 ஸச்சானீதி வுத்தேஸு த்³வீஸு ஸச்சேஸு. “தேன வுத்த”ந்திஆதி³
 லத்³த⁴கு³ணவசனங். “யோ வினா அஞ்ஞாபதே³ஸேனா”தி எத்த²
 அஞ்ஞாபதே³ஸோ நாம அட்ட²த⁴ம்ம ஸமோதா⁴னங் நிஸ்ஸாய
 க⁴டஸண்டா²னங் பஞ்ஞாயதி, படஸண்டா²னங் பஞ்ஞாயதி, தங் ஸண்டா²னங்
 அத்தனோ ஸபா⁴வேன வினா அஞ்ஞாபதே³ஸேன ஸித்³தா⁴ங் ஹோதி.
 யாபனசிந்தன கிரியா நாம அத்தி². யங் சித்தந்தி வுச்சதி. ஸா
 அஞ்ஞாபதே³ஸேன ஸித்³தா⁴ ந ஹோதி. அத்தனோ
 ஸபா⁴வேனேவஸித்³தா⁴. ஏஸனயோ பு²ஸனகிரியா, வேத³யிதகிரியா,
 தீ³ஸுதி. இமமத்த²ங் த³ஸ்ஸேதுங் “யோவினா
 அஞ்ஞாபதே³ஸேனா”திஆதி³மாஹ. “சித்தேனபரிகப்பெத்வா”தி மனோவிஞ்ஞாண
 சித்தேன அவிஜ்ஜமானங் ஸண்டா²னங் விஜ்ஜமானங் கத்வா. “ஸவிக்³க³ஹங்
 கத்வா”தி ஸரீரங் கத்வா. வத்து² த³ப்³ப³ஸஹிதங் கத்வாதி வுத்தங் ஹோதி.
 “சித்தமயோசித்தனிம்மிதோ”தி ஸுபினந்தே தி³ட்ட²ருபானி விய சித்தேனபகதோ
 சித்தேன நிம்மிதோ. கஸ்மா ஸபா⁴வஸித்³தோ⁴ பரமத்தோ² நாமாதி ஆஹ
 “ஸோஹி”திஆதி³ங். “ஸந்தீ”தி ஏதேன அஸதா⁴து வஸேன அத்தோ²தி
 ஸித்³தா⁴ங் வுத்தங். ஸத்³தா³புத்³தீ⁴ஹி அரணியதோ உபக³ந்தப்³தோ
 அத்தோ²திபிவத³ந்தி. “இதரதோ”தி பரிகப்பஸித்³தா⁴தோ. “பரமோ”தி அதி⁴கோ.
 தேனாஹ “உக்கங்ஸக³தோ”தி. ஏதேன பரமஸத்³த³ஸ்ஸ அதி⁴கத்த²ங் வத³தி.
 இதா³னி தஸ்ஸ உத்தமத்த²ங் த³ஸ்ஸேதுங் “அபிசா”திஆதி³வுத்தங். தத்த²,
 இமஸ்மிங் புத்³தா⁴ஸாஸனே பஞ்சஸாஸன கிச்சானி மஹந்தானி
 அபி⁴ஞ்ஞெய்யானங் த⁴ம்மானங் அபி⁴ஜானநங். பரிஞ்ஞெய்யானங்

பரிஜானநங். பஹாதப்³பா³னங் பஹானங். ஸச்சி² காதப்³பா³னங் ஸச்சி²கரணங். பா⁴வேதப்³பா³னங் பா⁴வனாதி. தத்த² ஸப்³பே³பி பரமத்த² த⁴ம்மா அபி⁴ஞ்ஞெய்யா நாம. து³க்க² ஸச்சத⁴ம்மா பரிஞ்ஞெய்யா நாம. ஸமுத³ய ஸச்சத⁴ம்மா பஹாதப்³பா³ நாம. ஸாமஞ்ஞுப்ப²லானி ச நிப்³பா³னஞ்ச ஸச்சி²காதப்³பா³ நாம. மக்³க³ஸச்சத⁴ம்மா பா⁴வேதப்³பா³ நாம. தேஸு த⁴ம்மேஸு தேஸங் கிச்சானங் ஸித்³தி⁴யா இமஸ்மிங் ஸாஸனே ஸாஸனகிச்சங் ஸித்³த⁴ங் ஹோதி. நிட்டா²னங் க³ச்ச²தி. தே ச த⁴ம்மா ஏவ ரூபானங் ஸாஸன கிச்சானங் அவிராத⁴கத்தா அவிஸங்வாத³கத்தா உத்தமட்டே²ன பரமத்தா² நாம ஹோந்தீதி இமமத்த²ங் த³ஸ்ஸேதுங் “அபிசா”திஆதி³மாஹ. தத்த² “யே”தியேஜனா. “அய”ந்தி அயங் த⁴ம்மோ. “தஸ்ஸா”தி தஸ்ஸஅபி⁴ஞ்ஞெய்யஸ்ஸ, தஸ்ஸபரிஞ்ஞெய்யஸ்ஸ, தஸ்ஸபஹாதப்³பு³ஸ்ஸ, தஸ்ஸஸச்சி²கா தப்³பு³ஸ்ஸ தஸ்ஸபா⁴வேதப்³பு³ஸ்ஸாதி ஸம்ப³ந்தோ⁴. பரமத்த²வண்ணனா நிட்டி²தா.

“தங் நஸுந்த³ர”ந்தி ப்யஞ்ஜனதோ நஸுந்த³ரங். நகேவலங் ப்யஞ்ஜனதோயேவ நஸுந்த³ரங், அத்த²தோபி நஸுந்த³ரமேவ. சதுஸச்ச த⁴ம்மாஹி பச்சேகபு³த்³த⁴ஞ்ஞாணஸ்ஸபி கோ³சரா ஹோந்தி. பஞ்சஞெய்ய த⁴ம்மா பன ஸப்³பு³ஞ்ஞுதஞ்ஞாணஸ்ஸேவ. தத்த² சதுஸச்ச த⁴ம்மா நாம பரமத்த² த⁴ம்மா ஏவ. பஞ்சஞெய்யத⁴ம்மா பன ஸப்³பு³ பஞ்ஞுத்தியா ஸஹ ஸப்³பு³பரமத்த² த⁴ம்மா. ஸப்³பு³ஞ்ஞுபு³த்³தா⁴னங் சதுஸச்சாபி⁴ ஸம்போ³தோ⁴ த⁴ம்ம பஞ்ஞுத்தியா ஸஹ ஸிஜ்ஜ²தி. பச்சேகபு³த்³தா⁴னங் சதுஸச்ச ஸம்போ³தோ⁴ த⁴ம்மபஞ்ஞுத்தியா ஸஹ நஸிஜ்ஜ²தி. தஸ்மா தே ஸயங் படிவித்³த⁴ங் சதுஸச்ச த⁴ம்மங் நாம பஞ்ஞுத்திங் நீஹரித்வா பரேஸங் தே³ஸேதுங் ந ஸக்கொந்தி. தேஸங் சதுஸச்சஸம்போ³தோ⁴ மூக³ஸ்ஸ ஸுபினத³ஸ்ஸனங் விய ஹோதீதி அட்ட²கதா²ஸு வுத்தங். தஸ்மா பஞ்ஞுத்தியா ஸஹ பஞ்ச ஞெய்ய த⁴ம்மா ஏவ ஸப்³பு³ஞ்ஞுதஞ்ஞாணஸ்ஸ கோ³சராதி ஸக்காவத்துந்தி.

பரமத்த²பத³வண்ணனா நிட்டி²தா.

13. சித்தவசனத்தே². நஹி ஸா ஆரம்மணேனவினா லப்³ப⁴தி. சிந்தேதீதி வுத்தே கிங் சிந்தேதி, ஆரம்மணங் சிந்தேதீதி ஏவங் ஆரம்மணபூ⁴தேன கம்மபதே³ன வினா அஸம்ப⁴வதோ. தஸ்மா இத⁴ சிந்தனாதி த³ட்ட²ப்³பா³, தஸ்மா அஸ்ஸ நாமங் ஸித்³த⁴ந்தி த³ட்ட²ப்³பு³ந்தி ஸம்ப³ந்தோ⁴. ஸுதமயஞ்ஞாணங், சிந்தாமயஞ்ஞாண, ந்தி எத்த² ஆரம்மணஸ்ஸ பூ⁴தஸபா⁴வ சிந்தாபி அத்தி², ஸாபஞ்ஞாஏவாதி தங் நிவத்தேதுங் “ஆரம்மண...பே... ணுபலத்³தி⁴யேவா”தி வுத்தங். சித்தங், மனோ, மானஸங், விஞ்ஞாண, ந்தி ஸப்³பு³ங் சித்தஸ்ஸ நாமங். ஆரம்மண பச்சயப்படிபு³த்³த⁴ங் ஹோதி. ந அஞ்ஞுபச்சயப்படிபு³த்³த⁴ங். ந ச அஞ்ஞுபச்சயேன லத்³த⁴ங் நாமங்.

ஏவருபஸ்ஸ ஆரம்மண விஜானந ஸங்கா²தஸ்ஸ அத்த²ந்தரஸ்ஸபோ³த⁴கங்
நஹோதீதி த³ஸ்ஸேதுங் “ஸந்தேஸு சா”திஆதி³வுத்தங். “ஏதேனா”தி இத³ங்
கத்துனோ கிரியாஸாத⁴னே அதிஸ்ஸயூபகாரகங் கரண ஸாத⁴னங் வத³தீதி
த³ஸ்ஸேதுங் “தஞ்ஹீ”திஆதி³வுத்தங். “சிந்தனமத்த”ந்தி எத்த² மத்தஸத்³தோ³
விஸேஸனிவத்தி அத்தோ²தி, தேன நிவத்திதங் அத்த²ங் த³ஸ்ஸேதி
“ஸப்³பே³பிஹீ”திஆதி³னா. “விக்³க³ஹோ வா”தி ஸரீரங் வா. பச்சயேன ஆயத்தா
பச்சயாயத்தா. “ஆயத்தா”தி ஸம்ப³ந்தா⁴. வத்தனங் வுத்தி. உப்பஜ்ஜனங் வா
டி²தி வா. பச்சயாயத்தா வுத்தி ஏதேஸந்தி “பச்சயாயத்த வுத்தினோ”.

“தா²மேனா”திஆதி³ அஞ்ஞமஞ்ஞவேவசனானி. “ஏகங் பா⁴வஸாத⁴னமேவ
பதா⁴னதோ லப்³ப⁴தீ”தி இத³ங் த⁴ம்மானங் தங் தங் கிரியா மத்தபா⁴வங்
ஸந்தா⁴ய வுத்தங். கிரியாமத்தபூ⁴தாபி பன தே த⁴ம்மாஸயங் நானாபச்சயா
வத்தா²யங் டி²தா வா ஹொந்தி நானாபச்சயுப்பன்னாவத்தா²யங் டி²தா வா.
தஸ்மா பரமத்த² பதே³ஸுபி யதா²ரஹங் தத³ஞ்ஞஸாத⁴னானங் படிஸாபோ⁴
அவாரிதோ ஹொதி. இதரதா² ஹொது பச்சயோ, ஆரம்மண பச்சயோ,
ஸஹஜாதபச்சயோ, நிஸ்ஸயபச்சயோதிஆதி³ஸு கத²ங் பா⁴வஸாத⁴னங்
யுத்தங் ஸியாதி. “பதா⁴னதோ”தி முக்²யதோ. “அபே⁴த³ஸ்ஸ
சிந்தனஸ்ஸபே⁴த³கரண”ந்தி இத³ங் சிந்தேதீதி சித்தந்திகதங் கத்துஸாத⁴னங்
ஸந்தா⁴ய வுத்தங். “ஸிலாபுத்தகஸ்ஸா”தி பே⁴ஸஜ்ஜமூலானங்
பிஸனஸிலாபோதகஸ்ஸ. தஸ்ஸ ஸரீரங் நாம விஸுங் அங்க³ங் நத்தி².
அபி⁴ன்னங்பி பி⁴ன்னங் கத்வா வுச்சதி “ஸிலாபுத்தகஸ்ரீர”ந்தி. இத³ங்
அபே⁴த³ஸ்ஸபே⁴த³கரணங் நாம அபூ⁴தருபங் ஹொதி. பயோஜனே ஸதி
வத்தப்³பங், அஸதி ந வத்தப்³பந்தி ஆஹ “ததா²கரணஞ்சா”திஆதி³ங். தத்த²
“பரபரிகப்பிதஸ்ஸா”தி பரேஹி அஞ்ஞதித்தா² சரியேஹி பரிசிந்திதஸ்ஸ.
“ஸதிஹி...பே... கப்பனாயா”தி ஸசே அத்தா அத்தி², அத்தா சிந்தேதி, தஸ்மா
அத்தா சித்தோனாமாதிஆதி³ வத்தப்³பங். ந வத்தப்³பங் சிந்தேதீதி சித்தந்தி,
சித்தஸ்ஸ கிரியாமத்தத்தா. ந பன அத்தாதி³கோ கத்தா நாம அத்தி². தஸ்மா
கிரியா மத்தமேவ கத்தாரங் கத்வா “சிந்தேதீதி சித்த”ந்தி வுத்தங். தேன
விஞ்ஞாயதிலோகே அத்தாதி³கோகத்தா நாம நத்தீ²தி. இத³ங்
அபே⁴த³ஸ்ஸபே⁴த³ பரிகப்பனாய பயோஜனந்தி வுத்தங் ஹொதி.
“அத்தப்பதா⁴னோ”தி கிரியாஸாத⁴னே ப³ஹுனங்காரகானங் மஜ்ஜே²
ஸயங்பதா⁴னோ ஸயங்ஜெட்ட²கோ ஹுத்வா. “தங்கத்துபா⁴வ”ந்தி
லோகேஸித்³த⁴ங் கத்துபா⁴வங். “புன கரணபா⁴வ”ந்தி புன லோகே
ஸித்³த⁴ங் கரணபா⁴வங். ஏவங் சித்தஸ்ஸ வசனத்த²ங் த³ஸ்ஸெத்வா
இதா³னி தஸ்ஸ அபி⁴தா⁴னத்த²ங் த³ஸ்ஸெந்தோ “அபிசெத்தா²”திஆதி³மாஹ.
யத³யித³ங் யே இமே திரச்சா³னக³தா பாணா சித்தாவிசித்தா. ஏவங் சித்தங்
விசித்தங் யங் அஞ்ஞங் அத்தி², தங் அஞ்ஞங் ஏகனிகாயங்பி
நஸமனுபஸ்ஸாமீ-தி யோஜனா. “நிகாய”ந்தி ஸத்தஜாதிஸமு ஹங்
. “நிஸ்ஸக்கே கரணவசன”ந்தி விப⁴த்தாபாதா³னத்தே² கரணவசனங். ஏதேன

ததோ சரணதோ சித்ததோதி அத்த²ங் வத³தி. கா³தா²யங். “தங் தங்
 ஸபா⁴வோ”தி விஜானநபு⁴ஸனாதி³கோ ஸபா⁴வோ,
 அக்³கி³ஸ்ஸஉண்ஹோவிய. “கிச்சஸம்பத்தியோரஸோ”தி தேன தேன
 த⁴ம்மேன கரணகிச்சஞ்ச, தங் கிச்சங் கத்வா லத்³தோ⁴ ஸம்பத்திக்கு³ணோ ச.
 அக்³கி³ஸ்ஸ வத்து²ம்ஹி பரிபாசனகிச்சங் விய, ஓபா⁴ஸனகு³ணோவிய ச.
 “க³ய்ஹாகாரோ”தி ஞானேன க³ஹேதப்³போ³ தஸ்ஸ தஸ்ஸ த⁴ம்மஸ்ஸ
 த⁴ஜபு⁴தோ ஆகாரோ. ஸம்பத்தி ரஸோயேவ வுச்சதி. “ப²லங்வாபீ”தி
 காரியப்ப²லங் வாபி, அக்³கி³ஸ்ஸ தூ⁴மோவிய. “ஆஸன்னகாரண”ந்தி
 அத்தனோ அனந்தரே ப²லனிப்³புத்தகங் காரணங், அக்³கி³ஸ்ஸ அக்³கிகாரக
 புரிஸோ விய. “அல”ந்தி ஸமத்தா². “விபு³த்தி⁴னோ”தி விஸேஸபு³த்தி⁴
 ஸம்பன்னஸ்ஸ பண்டி³தஸ்ஸ. “பு³ப³ங்க³மரஸ”ந்தி ஆரம்மணக்³கஹ்ணே
 பதா⁴னரஸ கிச்சங். “ஸந்தா⁴ன பச்சபட்டா²ன”ந்தி
 நிரந்தரப்பவத்தாகாரபச்சபட்டா²னங். “நாம ரூபபத³ட்டா²ன”ந்தி
 ப²ஸ்ஸாதி³னாமஞ்ச வத்து² ரூபஞ்சசித்தஸ்ஸபத³ட்டா²னங்.

சித்தவண்ணனா நி⁴டி²தா.

14. “சேதஸி ப⁴வ”ந்தி சித்தஸ்மிங் பாதுபு⁴தங். “ஏதேன ஸித்³தா⁴
 ஹோந்தீ”தி ஸம்ப³ந்தோ⁴. “ஸா ஏவ ப²ஸ்ஸாதீ³னங் ஜாதி. யாசித்தஸ்ஸஜரா,
 ஸா ஏவ ப²ஸ்ஸாதீ³னங்ஜரா”திஆதி³னா யோஜேதப்³பங். “ஏகவண்டூபனி
 ப³ந்தா⁴னீ”தி ஏகேன வண்டத³ண்ட³கேன உபனிப³ந்தா⁴னி. “ஏகஜாதியாதி³
 உபனிப³ந்தா⁴”தி ஏகஜாதிகதா² தி³வஸேன உபனிப³ந்தா⁴. “சே”தி சேவதே³ய்ய.
 “நா”தி ந வத்தப்³பங். கா³தா²யங். “த⁴ம்மா”தி நாமக்³ந்த⁴ த⁴ம்மா. “மனஸா
 ஏவா”தி கத்துபு⁴தேன மனேன ஏவ. “பகதா”தி பவத்திதா. “நிம்மிதா”தி
 நிப்பா²தி³தா. “சித்தகிரியா பூ⁴தா ஏவா”தி ஆரம்மணங் விஜானந்தங் சித்தங்
 பு⁴ஸனாகாரங் ஜனெத்வாவ விஜானாதி. ஸோ பு⁴ஸனாகாரோ ப²ஸ்ஸோதி
 வுச்சதி. அவஸேஸா பன ஸப்³பே³பி சேதஸிகத⁴ம்மா ப²ஸ்ஸங் படிச்ச
 உப்பஜ்ஜந்தி. ப²ஸ்ஸோ ஹேது ப²ஸ்ஸோ பச்சயோ வேத³னாக்க²ந்த⁴ஸ்ஸ
 உபாதா³ய. ஸஞ்ஞாக்க²ந்த⁴ஸ்ஸ. ஸங்கா²ரக்க²ந்த⁴ஸ்ஸ உபாதா³யாதி ஹி
 வுத்தங். ஏவங் ஸந்தேபி சித்தமூலகத்தா சித்தனிஸ்ஸிதத்தா ச தேபித⁴ம்மா
 சித்தகிரி யாபூ⁴தா ஏவ ஹோந்தீதி. “ஏதேனா”தி ஏதேனகா³தா²பதே³ன.
 விபா⁴வனியங் பன ஏகாலம்ப³ணதா மத்தேன விபா⁴வேதி. பரிபுண்ணானி சே
 தஸிகங்கா³னி உபரி தே²ரேன ஸயமேவ வக்க²மானத்தாதி அதி⁴ப்பாயோ.
 இத⁴ பன பத³த்த²விபா⁴வனட்டா²னத்தா பரிபுண்ணேஹி அங்கே³ஹி
 விபா⁴வேதுங் வட்டதீதி ஆஹ “தங் நஸுந்த³ர”ந்தி. “வத்து²ம்ஹீ”தி
 படகொட்ட²காதி³ம்ஹி. “நானாசித்தகம்மானீ”தி ஹத்தி² அஸ்ஸரூபாதீ³னி.
 விஜானநமத்தங் சித்தங், குஸலந்தி வா அகுஸலந்தி வா வத்தப்³பங் நத்தி².
 நானாசேதஸிகே ஹி யுத்தத்தா ஏவ ததா² வத்தப்³பங் ஹோதி. வுத்தங்ஹேதங்

ப⁴க³வதா. பப⁴ஸ்ஸரமித³ங் பி⁴க்க²வே சித்தங். தஞ்ச கோ² ஆக³ந்துகேஹி
உபக்கிலேஸேஹி உபக்கிலிட்ட²ந்தி. தேனாஹ “உத³கங் வியசித்த”ந்திஆதி³ங்.

சேதஸிகவண்ணனா நிட்டி²தா.

15. ருப்பதீதி பத³ங் கத்தரிவாஹேதுகம்மனிவாஸித்³த⁴ங்.

ருப்பனஞ்சவிகாராபத்தி ஏவாதி த³ஸ்ஸேதுங் “ஸீதுண்ணாதி³ஹி”திஆதி³ வுத்தங்.
தத்த² “விஸமப்பவத்திவஸேனா”தி தா⁴துானங் விஸமப்பவத்திவஸேன.
தா⁴துக்கோ² ப⁴வஸேனாதி வுத்தங் ஹோதி, “கேனருப்பதீ”தி எத்த² “கேனா”தி
ஹேது அத்தே²வா ஹேது கத்தரிவா கரணவசனங் த³ட்ட²ப³ப³ங். ததா²
ஸீதேனாதிஆதி³ஸுபி. ட³ங்ஸமகஸா நாம ஸூசிமுகா² கு²த்³த³கமக்கி²காசேவ
மஹந்த மக்கி²கா ச. வாதா நாம புரத்தி²மவாதாத³யோ. ஆதபோ நாம
ஸூரியாதபோ. ஸரிங்ஸபானாம அஹி விச்சி²க ஸதபதி³காத³யோ. தேஸங்
ஸம்ப²ஸ்ஸேஹிபி ருப்பதி. மரணங் வா க³ச்ச²தி, மரண மத்தங் வா து³க்க²ங்.
“யே த⁴ம்மா”தி த³வாத³ஸவிதா⁴ ஸப்படிக⁴ருபத⁴ம்மா. “அஞ்ஞேஸ”ந்தி
ஸோளஸன்னங் அப்படிக⁴ருபானஞ்ச அருபத⁴ம்மானஞ்ச. “தேஸு”தி
நித்³தா⁴ரணேபு⁴ம்மங். இதா³னி பானியா ஸத்³தி⁴ங் முக்²யருப்பனங்
ஸங்ஸந்தெ³ந்தோ “ஸமாக³மோ சா”திஆதி³மாஹ. ஸமாக³மோ ச நாம
அஞ்ஞமஞ்ஞாபி⁴க⁴ட்டனங் வுச்சதீதி ஸம்ப³ந்தோ⁴. ஆபாதாக³மனஞ்ச
ஆரம்மணகரணஞ்ச ட²பெத்வாதி யோஜனா. “மஹாபூ⁴தானமேவ வா”தி
ஆபோதா⁴து வஜ்ஜிதானங் திண்ணங் மஹாபூ⁴தானமேவ வா. “விகாரங்
ஆபஜ்ஜதீ”தி வத்வா தமேவத்த²ங் விவரந்தோ “யஸ்மிங் க²ணே”திஆதி³மாஹ.
“ஸயங்பி விகாரபத்தா ஹோந்தீ”தி தேமஹாபூ⁴தாஸயங்பி பகதிங்
விஜஹித்வா ஓமத்தாதி⁴மத்தபா⁴வங் பாபுணந்தீதி அத்தோ².
“ஓமத்தாதி⁴மத்தருபஸந்ததீனஞ்சா”தி பரம்பரதோ உப்பஜ்ஜமானா
ருபஸந்ததியோ ஸந்தா⁴ய வுத்தங். ஏவங் பானினயேன விபத்திவஸேன
ருப்பனங் வத்வா இதா³னி விபத்தி வா ஹோது, ஸம்பத்தி வா. புரிமபச்சி²
மஸந்ததீனங் விஸதி³ஸப்பவத்திபூ⁴தோ விகாரோபி ஏகேன பரியாயேன
ருப்பனங்நாமாதி கத்வா புன தங் ருப்பனங் த³ஸ்ஸெந்தோ
“அபிசெத்தா²”திஆதி³மாஹ. “க⁴ட்டனவஸேன ருப்பன த⁴ம்மான மேவா”தி
ஆபாதாக³மனாதி³வஸேன ருப்பனத⁴ம்மேஹிவினா
அபி⁴க⁴ட்டனவஸேனருப்பன ஸபா⁴வானங் ரூபத⁴ம்மானமேவ
ஸித்³த⁴ந்தி புச்சா². “ஸவிக்³க³ஹா ஹோந்தீ”தி த³ப³ப³
ஸண்டா²னாகாரஸஹிதா ஹோந்தி. கஸ்மா, ஓளாரிகஸபா⁴வத்தா.
ப³ஹூனஞ்சருபகலாபானங் ஏகக்க²ணே ஏகாபத்³த⁴பா⁴வேனபவத்தத்தா.
அருபத⁴ம்மாஹி ஸண்ணஹஸுகு²மஸபா⁴வா ச ஹோந்தி. ஸசே
அனேகஸதஸஹஸ்ஸானிபி ஏகதோ பவத்தெய்யங். த³ப³ப³ஸண்டா²னபா⁴வங்
நக³மிஸ்ஸந்தியேவ. ஏகஸ்மிஞ்ச ஸத்தஸந்தானே ஏகக்க²ணே ஏக கலாபோவ
பவத்ததி. கஸ்மா, அனந்தர பச்சயூபனிப³ந்தே⁴ன பவத்தத்தா. தஸ்மாதே

ஸவிக்³ஹான ஹொந்தி. ரூபத⁴ம்மா பன ஓளாரிக ஸபா⁴வா ச ஹொந்தி. ப்³ஹுனங் ஸன்னிசயேஸதி த³ப்³ஸண்டா²னத்தா²ய ஸங்வத்தந்தி. ஏகக்க²ணே ச ப்³ஹுகலாபாபி ஏகாப³த்³தா⁴ஹுத்வா பவத்தந்தி. தஸ்மா தேஸவிக்³ஹொஹொந்தீதி.

“ஸீதாதி³க்³ஹணஸாமத்தி²யேனா”தி ஸீதேனபி ரூப்பதி, உண்ஹேனபி ரூப்பதீதிஆதி³னா லோகஸ்ஸ பச்சக்க²தோ பாகடஸ்ஸ ஸீதாதி³வசனஸ்ஸஸாமத்தி²யேன. தஞ்ஹி வசனங் லோகஸ்ஸ அபாகடங் அரூபத⁴ம்மானங் ரூப்பனங் இத⁴னாதி⁴ப்பேதந்தி தீ³பேதீதி அதி⁴ப்பாயோ. “வோஹாரோ நாமா”தி நாமஸஞ்ஞா நாமாதி வுத்தங் ஹொதி. “லோகோபசாரேனா”தி ப்³ஹுஜனஸ்ஸ உபசாரேன வோஹாரேன கத²னேன. “பாகட நிமித்தவஸேனேவா”தி பாகடஸ்ஸ ஸத்³தப்பவத்தினிமித்தஸ்ஸ வஸேனேவ. “ஸீதாதி³க்³ஹணேன வினாபீ”தி பிஸத்³தே³ன ஸீதாதி³க்³ஹணஸாமத்தி²யேனபீதி தீ³பேதி. ஏவங் ஸந்தேபி பாளிஸாத⁴கங் நாம ந ஸக்காஸப்³பத்த² லத்³து⁴ங். பாகடனிமித்த வசனமேவ ஸப்³பத்த² ஸாதா⁴ரணந்தி த³ட்ட²ப்³பங். “தப்பஸங்க்³னிவத்தீ”தி தஸ்ஸ அரூபத⁴ம்மானங் ரூபதாபஸங்க்³ஸ்ஸ நிவத்தி. “இத்³தி⁴விசுப்³னாவஸப்பவத்தா”தி எத்த² இத்³தி⁴விசுப்³னானாமஇத்³தி⁴யானானப்பகாரமாபனங். “ரூபதா ஸித்³தீ⁴”தி ரூபந்தி நாம ஸஞ்ஞாஸித்³தி⁴. “இத்³ங் பனா”தி இத்³ங் ரூபங் பன. “அனுக்³ஹானங் ஸீதாதீ³னங் வஸேனா”தி கிஞ்சாபிபாளியங் ஸீதாதி³வசனங் உபகா⁴தகானங் ஸீதாதீ³னங் வஸேன வுத்தங். தேச ப்³ரஹ்மலோகே நத்தி². அனுக்³கா³ஹகா ஏவ அத்தி². தேஸங்வஸேனாதி அதி⁴ப்பாயோ. “பாளியங் நித்³தி³ட்டா²னீ”தி ஸஞ்ஜானாதீதி கோ² பி⁴க்க²வே தஸ்மா ஸஞ்ஞாதி வுச்சதி. கிஞ்ச ஸஞ்ஜானாதி. நீலங்³பி ஸஞ்ஜானாதி, பீதம்பி ஸஞ்ஜானாதீதிஆதி³னா ச, விஜானாதீதி கோ² பி⁴க்க²வே தஸ்மா விஞ்ஞாணந்தி வுச்சதி. கிஞ்ச விஜானாதி. மது⁴ரங்³பி விஜானாதி, அம்பி³லங்³பி விஜானாதீதிஆதி³னா ச-பாளியங் நித்³தி³ட்டா²னி.

ரூபத³வண்ணனா நி²டி²தா.

16. நிப்³பா³னபதே³. “க²ந்தா⁴வா”தி ப⁴வந்தரே அபாயாதீ³ஸு ப⁴விஸ்ஸமானா க²ந்தா⁴வா. ந ஹி அதீத த⁴ம்மா, நிப்³பா³யந்தி நாம, ஸத்தே பீளெத்வா நிருத்³த⁴த்தாதி அதி⁴ப்பாயோ. பச்சப்பன்னா ச த⁴ம்மா ஏதரஹி பீளெந்தி, அவஸ்ஸங் உப்பஜ்ஜமானா அனாக³தத⁴ம்மா ச அனாக³தே பீளெஸ்ஸந்தி, கத²ங் தே நிப்³பா³யந்தி நாமாதி ஆஹ “பச்சப்பன்னேஸு...பே... வத்தப்³பமேவ நத்தீ²”தி. “விஸயேபு⁴ம்ம”ந்தி விஸயாதா⁴ரேபு⁴ம்மங். விஸயாதா⁴ரோ நாமமனுஸ்ஸாபு⁴மியங் க³ச்ச²ந்தீதிஆதி³ஸு விய முக்²யாதா⁴ரோ நஹொதி. தேன பன வினா அஞ்ஞத்த² தங் கிரியங் காதுங்

நஸக்கோதி. தஸ்மா ஆதா⁴ரபா⁴வேன பரிகப்பிதோ ஆதா⁴ரோதி
தஸ்ஸேதுங் “யதா²ஆகாஸே”திஆதி³வுத்தங். யதா² ஸகுணானங் பக்க²ன கிரியா
நாம ஆகாஸேன வினா அஞ்ஞத்த² நஸிஜ்ஜ²தி. ததா² வட்டது³க்க²த⁴ம்மானங்
நிப்பு³தி கிரியாபி நிப்பு³பா³னேன வினா அஞ்ஞத்த² நஸிஜ்ஜ²தீதி தஸ்ஸேதுங்
“யேஹிதே”திஆதி³மாஹ. தத்த² “யே”தி யேதிவித⁴வட்டது³க்க²ஸந்தாபத⁴ம்மா.
ஹிஸத்³தோ³னிபாதோ. தேஸத்³தோ³ வசனாலங்காரோ. “தப்பு³பி³னிமுத்த”ந்தி
நிப்பு³பா³னவினிமுத்தங். நிப்பு³திடா²னங் நாம நத்தி². தஸ்மா நிப்பு³பா³னங் தேஸங்
நிப்பு³தி கிரியாய விஸயா தா⁴ரோஹோதீதி அதி⁴ப்பாயோ. யதா² அயங்
பதீபோ நிப்பு³பாயதி. ததா²தீ⁴ரா நிப்பு³பந்தீதி யோஜனா. “தங் தங் கிலேஸானங்
வா”தி தே ஸந்தேஸங்கிலேஸானங் வா. “கந்தா⁴னங் வா”தி
அனாக³தப⁴வேஸு கந்தா⁴னங் வா. “புனஅப்படிஸந்தி⁴கபா⁴வ”ந்தி
ஸந்தானஸ்ஸ புன படிஸந்தா⁴னாபா⁴வங் பாபுணந்தி அரியா ஜனா. யதா²
மக்கே³ கரணவசனங் தி³ஸ்ஸதி அத்³தா⁴ இமாயபடிபத்தியா ஜராமரணம்ஹா
பரிமுச்சிஸ்ஸாமீதிஆதீ³ஸு. ந ததா² நிப்பு³பா³னேதி ஆஹ
“மக்கே³வியா”திஆதி³ங். நிப்பு³பா³னேபனபு⁴ம்மவசனமேவ தி³ஸ்ஸதி
யத்த²னாமஞ்சருபஞ்ச. அஸேஸங் உபருஜ்ஜ²தீதிஆதீ³ஸு. தஸ்மா நிப்பு³பா³னே
கரண வசனங் ந தி³ஸ்ஸதி, கரண லக்க²ணஸ்ஸேவ அபா⁴வதோதி
தஸ்ஸேதுங் “ந ச நிப்பு³பா³ன”ந்திஆதி³ வுத்தங். கரண லக்க²ணங் நாமகத்துனோ
ஸஹகாரீ பச்சயபா⁴வோ. நனு அனுபாதி³ஸேஸாய நிப்பு³பா³னதா⁴துயா
நிப்பு³பாயந்தீதி தி³ஸ்ஸதீதி. ஸச்சங், தத்த² பன விஸேஸனே கரண வசனங். ந
கரணகாரகே. தஞ்ஹி ஸஉபாதி³ஸேஸனிப்பு³பா³னதா⁴துயானிவத்தனத்த²ங்
வுத்தந்தி.

நிப்பு³பா³னபத³வண்ணனா.

து³தீயகா³தா²வண்ணனா நிட்டி²தா.

18. காமாவசரபதே³. “காமீயதீ”தி இச்சீயதி. நிமித்தஸ்ஸாத³வத்து²
மஜ்ஜி²மட்ட²கதா²யங் ஆக³தங். “தேகாமீயந்தீ”தி தே அவீசினிரயாத³யோ
இச்சீயந்தி. “தத்த² உப்பன்னானம்பீ”தி அவீசினிரயாதீ³ஸு உப்பன்னானங்
ஸத்தானங். “ப⁴வனிகந்தி நாம ஹோதீ”தி ப⁴வஸங்கா²தங் அத்தனோ
கந்த⁴ங் ஏதங் மம, ஏஸோஹமஸ்மி, ஏஸோமே அத்தாதி கண்ணஹந்தீ
தண்ணஹா ப⁴வனிகந்தி நாம. ஸா நேரயிகஸத்தானங்
அத்தி²யேவ. “காமே அவசரதீ”தி காமேபரியாபன்னங் ஹோதி. காமே அந்தோக³த⁴ங் ஹோதி.
ரூபாரூபபு⁴மீஸு உப்பன்னங்
பி ரூபாரூபஸங்க²யங் நக³ச்ச²தி.
காமஸங்க²யமேவ க³ச்ச²தி. காமக³ணனமேவக³ச்ச²தீதி அத்தோ².
“தீஸுப⁴வேஸு உப்பன்னானிபீ”தி காமரூபாரூபஸத்தஸந்தானேஸு
உப்பன்னானிபி ந தத்ரபரியா பன்னானேவ ஹோந்தி. தத்ர அபரியாபன்னானேவ
ஹோந்தீதி அதி⁴ப்பாயோ. “காமாவசரதாபத்திதோ³ஸோ”தி காமாவசர

த⁴ம்ம⁴தி வத்தப்³தா பத்திதோ³ஸோ. “ரூபாவசரதாதி³முத்திதோ³ஸோ”தி இமே ரூபாவசர த⁴ம்மா ந ஹொந்தி, அரூபாவசர த⁴ம்மா ந ஹொந்தி, லோகுத்தர த⁴ம்மா ந ஹொந்தீதி ஏவங் வத்தப்³தாபத்தி தோ³ஸோதி வத்தங் ஹொதி. ஏஸனயோ “ரூபாரூபாவசரதாபத்தி தோ³ஸோ காமாவசரதாமுத்தி தோ³ஸோ” திபதே³ஸு . அவசரஸத்³த³ஸ்ஸ உப்பன்னத்தே² க³ஹிதேபி ஏதேதோ³ஸா நாபஜ்ஜந்தி. கஸ்மா, லோகே யேபு⁴ய்யனயதப்³ஹுலனயானங்பி ஸப்³பா⁴வாதி இமமத்த²ங் வத³ந்தோ “நனுயேபு⁴ய்ய வத்திவஸேனபீ”திஆதி³மாஹ. தத்த² “கேஸஞ்சீ”தி கேஸஞ்சி புக்³லானங் வா த⁴ம்மானங் வா. யதா²மிக்³லுத்³த³கோ கா³மே சரந்தோபி வனே சரணப்³ஹுலத்தா வனசரகோதி நாமங் லப⁴தி. ராஜஹத்தீ² அஞ்ஞத்த² சரந்தோபி ஸங்கா³மே சரணப்³ஹுலத்தா ஸங்கா³மாவசரோதி நாமங் லப⁴தி. அயங் யேபு⁴ய்யனயோ நாம. யஸ்மிங் வனே அம்ப³ருக்கா²பி அத்தி², அஞ்ஞருக்கா²பி அத்தி². அம்ப³ருக்க²ப³ஹுலத்தா பன தங் வனங் அம்ப³வனந்தி நாமங் லப⁴தி. ஏவங் ஸிம்ப³லிவனாதீ³ஸு. அயங் தப்³ஹுலனயோ. இத⁴ பன பூ⁴மியோ தப்³ஹுலனயேன காமரூபாரூப நாமங் லப⁴ந்தி, த⁴ம்மா யேபு⁴ய்யனயேன காமாவசராதீ³ நாமங் லப⁴ந்தீதி. ஏவங் க³ஹிதே ஸதி, தே தோ³ஸானா பஜ்ஜந்தீதி இமமத்த²ங் த³ஸ்ஸேதுங் “தஸ்மா இத⁴பி...பே... தோ³ஸோதீ”திஆஹ. “நா”தி ந கோசிதோ³ஸோ நத்தி². அத்தி² ஏவாதி அதி⁴ப்பாயோ. “தஸ்மாஸ்ஸா”தி எத்த² “அஸ்ஸா”தி அவசரஸத்³த³ஸ்ஸ. “ததா² அத்த²ங் அக்³க³ஹெத்வா”தி உப்பஜ்ஜனத்த²ங் அக்³க³ஹெத்வா. “பரிக்க³ஹினியா காமதண்ஹாய கதோ”தி ததா² பரிக்க³ஹினியா காமதண்ஹாய கோ³சரவிஸயத்தாதாயதண்ஹாய கதோனாம ஹொதி. ஏதேன காமேதீதி காமோ, காமதண்ஹா. அவசரதி எத்தா²தி அவசரங். காமஸ்ஸ அவசரந்தி காமாவசரங். காம தண்ஹாய கோ³சரவிஸயத்தா காமாவசரந்தி அயமத்தோ²பி ஸிஜ்ஜ²தி.

ரூபேஅவசரதீதி ரூபாவசரங். “ரூபே”தி ஸோளஸவிதா⁴யரூபபூ⁴மியா. “அவசரதீ”தி தத்த² பரியாபன்னபா⁴வேன பவத்ததி. அரூபே அவசரதீதி அரூபாவசரங். “அரூபே”தி சதுப்³பி³தா⁴ய அரூபபூ⁴மியா. “அவசரதீ”தி தத்த² பரியாபன்னபா⁴வேன பவத்ததீதி இமமத்த²ங் வத³தி “ரூபாரூபாவசரேஸுபி அயங்னயோ நேதப்³போ³”தி. ரூபே ப⁴வோ ரூபங். ரூபதண்ஹா. அரூபே ப⁴வோ அரூபங், அரூபதண்ஹா. ரூபஸ்ஸ அவசரங் ரூபாவசரங். அரூபஸ்ஸ அவசரங் அரூபாவசரந்தி இமமத்த²ங் தீ³பேதி “தேஸு பனா”திஆதி³னா. “அத்ரா”தி இமஸ்மிங் டா²னே. யதி³பி லோபோ⁴, ராகோ³, காமோ, தண்ஹா, திஸப்³ம்பேதங் லோப⁴ஸ்ஸவேவசனங் ஹொதி. ரூபராகோ³ அரூபராகோ³தி பன விஸுங் விப⁴த்தத்தா இத⁴ காமஸத்³தே³ன தங் த³ஞ்ஞோலோபோ⁴ க³ய்ஹதி. “ஸப்³போ³பி லோபோ⁴”தி ஏதேனஸஸ்ஸதுச்சே²த³ தி³ட்டி²ஸஹக³தோபி ஸங்க³ஹிதோதி த³ட்ட²ப்³ங்.

19. “ருபாருபஸத்தா தாஸ பூமீஸு நிருள்ஹா”தி அனிமித்தா ஹுத்வா நிருள்ஹாதி அதிப்பாயோ. இதாஸி ஸனிமித்தங் நயங் வததி “அபிசா”திஆதினா. “நிஸ்ஸயோபசாரோ”தி டாநூபசாரோ, யதாஸப்போகாமோ ஆகதோதி. “நிஸ்ஸிதோ பசாரோ”தி டாந்யூபசாரோ. யதாதஜா ஆகச்சந்தி. “யங் ஏதஸ்மிங் அந்தரே”தி யே ஏதஸ்மிங் அந்தரே கந்தாதாது ஆயதனா. யங் ரூபங், யா வேதனா, யாஸஞ்ஞா, யே ஸங்காரா, யங்விஞ்ஞாணந்தி யோஜனா. “ஸுவிஸத”ந்தி யேபூய்யாதி நயேஹி அனாகுலத்தாஸுவிஸுத்தங். “கிங் விக்வேபேனா”தி சித்தவிக்வேபேன கிங் பயோஜனந்தி அத்தோ.

20. “லுஜ்ஜனப்பலுஜ்ஜனட்டேனா”தி பிஜ்ஜனப்பிஜ்ஜனட்டேன. “யத்தா”தி யஸ்மிங் தேபூமகே தம்மஸமுஹே. “நிவிஸதீ”தி நிச்சங் விஸதி, உபகச்சதி. “தஸ்ஸா”தி மிச்சாக்காஹஸ்ஸ. “தேஸ”ந்தி லோகுத்தர தம்மானங். “யேஸ”ந்தி லோகிய தம்மானங். “லுஜ்ஜன”ந்தி கணிகபங்கேன பிஜ்ஜனங். “பலுஜ்ஜன”ந்தி ஸண்டாநபேதேன ஸந்ததிச்சேதேன நானப்பகாரதோ பிஜ்ஜனங். நிப்பாநங் பன இத ந லப்பதி சித்தஸங்கஹாதிக்காரத்தாதி அதிப்பாயோ. ஸோ ச அபரியாபன்னபாவோ, விஸுங் ஏகாசதுத்தீ அவத்தா பூமினாமாதி யோஜனா.

சதுப்பூமிவிபாகவண்ணனா நித்திதா.

21. “ஹீன”ந்தி ஸத்தாஸதிஆதிஹி ஸோபணதம்மேஹி அயுத்தத்தாஹீனங். “ஸப்பஹீன”ந்தி லோபாதீஹி பாபதம்மேஹி யுத்தத்தா ஸப்ப சித்தேஹி ஹீனதரங். “ததத்தோ”தி உபரிமானங் சித்தானங் ஸோபணஸஞ்ஞாகரணஸுகத்தோ. “ஆதிதோ”திஆதிம்ஹி. “வீதிசித்தவஸேனாதி ஏதங் மம, ஏஸோஹமஸ்மி, ஏஸோமே அத்தாதி ஏவங் பவத்தஸ்ஸ பவனிகந்தி ஜவனவீதிசித்தஸ்ஸ வஸேன. ஏவஞ்சஸதி, கிங் காரணங் லோபமுலசித்தஸ்ஸபதம்ங் வசனேதி ஆஹ “அகுஸலேஸு பனா”திஆதிங். “த்வீஹிவட்டமுலேஹி”தி லோபமோஹஸங்காதேஹி த்வீஹி வட்டமுலேஹி.

22. “ஸினித்தசித்த”ந்தி ஸாதவேதனாயுத்தத்தாலாகசித்தங் ந ஹோதீதி அதிப்பாயோ. ஸுமனஸ்ஸபாவோதி வுத்தே காயிகஸுகவேதனாயபி பஸங்கோ ஸியாதி வுத்தங் “மானஸிக...பே... நாம”ந்தி. “ஸுமனாபிதாநஸ்ஸா”தி ஸுமனநாமஸ்ஸ. “பவத்தினிமித்த”ந்தி பவத்தியா ஆஸன்ன காரணங். கதங் பன பாவோ பவத்தினிமித்தங் நாமஹோதீதி ஆஹ “பவந்தி...பே... கத்வா”தி. நிமித்தே பும்மங். ததாஹி பாவோ நாம ஸத்தப்பவத்தினிமித்தந்தி வுத்தங். இதாஸி நிமித்த லக்கணங்

த³ஸ்ஸெந்தோ “யதா²ஹி”திஆதி³மாஹ. “தத்தா²”தி தஸ்மிங் பயோகே³. “த³ந்த நிமித்த”ந்தி த³ந்தகாரணா. “தங் வேத³னா நிமித்த”ந்தி தங் வேத³னாகாரணா. எத்த² ஸியா, “ஏதஸ்மிந்தி நிமித்தே பு²ம்ம”ந்தி வுத்தங், நிமித்தஞ்சனாம அகாரகங் அஸாத²னங், தங் கத²ங் ஸாத²னவிக்³க³ஹே யுஜ்ஜதீதி. அதி²கரண ஸாத²னானுருபத்தா ஸத்³த³ப்பவத்தினிமித்தஸ்ஸாதி த³ட்ட²ப³ப³ங். ஏதேனாதி ச ஏதஸ்மாதி ச ஹேது அத்தே² உப²யவசனந்தி வத³ந்தி. ஆஸன்னஹேது நாமஸாத²னருபோ ப²வதீதி தேஸங் அதி²ப்பாயோ. ஸுட்டு² கரோதி, பகதிபச்சயேன அனிப்ப²ன்னங் கம்மங் அத்தனோ ப³லேன நிப்பா²தே³தீதி ஸங்கா²ரோ. “பு³பா³பி²ஸங்கா²ரோ”தி பு³ப³பா²கே³ அபி²ஸங்கா²ரோ. பயோஜேதி நியோஜேதீதி பயோகோ³. உபேதி ப²லஸங்கா²தோ அத்தோ² ஏதேனாதி உபாயோ. “ஆணத்தியாவா”தி பேஸனாயவா. “அஜ்ஜே²ஸனேன வா”தி ஆயாசனேன வா. “தஜ்ஜெத்வா வா”தி ப²யங் த³ஸ்ஸெத்வா வா. “தங் தங் உபாயங் பரே ஆசிக்க²”ந்தி. கத²ங் ஆசிக்க²ந்தீதி ஆஹ “அகரணே”திஆதி³ங். “தஸ்மிங் தஸ்மிங் கம்மே பயோஜேதீதிகத்வா இத² ஸங்கா²ரோ நாமா”தி யோஜனா. “பச்சய க³ணோ”தி பகதிபச்சயக³ணோ. “தேனா”தி ஸங்கா²ரேன. “ஸாதா²ரணோ”தி குஸலாகுஸலாப்யாகதானங் ஸாதா²ரணோ. “து³விதே²ன ஸங்கா²ரேனா”தி பயோகே³ன வா உபாயேன வா. “யோ பன தேனஸஹிதோ”திஆதி³னா பு³பே³வுத்தமேவத்த²ங் பகாரந்தரேனபாகடங் காதுங் “ஸோபன யதா³”திஆதி³ வுத்தங். “இதீ”திஆதி³ லத்³த²கு³ண வசனங். “பச்சயக³ணஸ்ஸேவனாம”ந்தி பச்சயக³ணஸ்ஸேவ விஸேஸ நாமந்தி வுத்தங் ஹோதி. உப்பன்னத்தே² இகபச்சயோதி கத²ங் விஞ்ஞாயதீதி ஆஹ “யஸ்மிங் ஸமயே”திஆதி³ங். “பாளிய”ந்தி த²ம்மஸங்க³ணிபாளியங். “அஸல்லக்கெ²த்வா”தி அசிந்தெத்வா இச்சேவத்தோ². ஸப்³ப³மேதங் நயுஜ்ஜதியேவ. கஸ்மா, பாளிஅட்ட²கதா²ஹி அஸங்ஸந்த³னத்தா, அத்த²யுத்தி³யஞ்ஜனயுத்தீனஞ்ச அவிஸத³த்தாதி அதி²ப்பாயோ. “த”ந்தி சித்தங். “ஏதேனா”தி பு³ப³ப்பயோகே³ன. “யதா²வுத்தனயேனா”தி திக்க²பா²வஸங்கா²தமண்ட³னவிஸேஸேன. “ஸோ பனா”தி பு³ப³ப்பயோகோ³ பன. “இதீ”தி தஸ்மா. “தங் நிப்³ப³த்திதோ”தி தேன பு³ப³ப்பயோகே³ன நிப்³ப³த்திதோ. “விரஜ்ஜி²த்வா”தி அயுத்தபக்கே²பதித்வா. ஏதேனபடிக்கி²த்தா ஹோதீதி ஸம்ப³ந்தோ². கா³தா²யங். “சித்தஸம்ப²வீ”தி சித்தஸ்மிங் ஸம்பூ²தோ. விஸேஸோ ஸங்கா²ரோ நாமாதி யோஜனா. ஸலோமகோ, ஸபக்க²கொத்யாதீ³ஸுவியாதி வுத்தங். ஸாஸவா த²ம்மா, ஸாரம்மணா த²ம்மாத்யாதீ³ஸுவியாதி பன வுத்தே யுத்ததரங். “பாளிஅட்ட²கதா² ஸித்³த²”ந்தி பாளிஅட்ட²கதா²தோ ஸித்³த²ங். அபிசயத்த²விஸுத்³தி²மக்³கா³தீ³ஸு அஸங்கா²ரங் சித்தங், ஸஸங்கா²ரங் சித்தந்தி ஆக³தங். தத்த² அயங் பச்சி²மனயோ யுத்தோ. உபாயஸமுட்டி²தஸ்ஸ அனேகஸதஸம்ப²வதோ “இத³ஞ்ச நயத³ஸ்ஸனமேவா”தி வுத்தங்.

“உதா³ஸினபா⁴வேனா”தி மஜ்ஜ²த்தபா⁴வேன. “யதோ”தி யஸ்மா. விகாரபத்தோ ஹோதி. ததோ அதி⁴மத்தபஸ்ஸனங் விஞ்ஞாயதீதி யோஜனா.

23. இதா³னி ஸஹக³தவசன ஸம்பயுத்தவசனானி விசாரெந்தோ “எத்த²சா”திஆதி³மாரபி⁴. “ந பன தே பே⁴த³வந்தா ஹொந்தீ”தி கஸ்மா வுத்தங். ந நு தேபிசக்கு² ஸம்ப²ஸ்ஸோ, ஸோதஸம்ப²ஸ்ஸோ, திஆதி³னா ச, காமவிதக்கோ, ப்யாபாத³விதக்கோ, திஆதி³னா ச, து³க்கே² அஞ்ஞாணங், து³க்க²ஸமுத³யே அஞ்ஞாண, ந்திஆதி³னாச பே⁴த³வந்தா ஹொந்தீதி. ஸச்சங். தே பன பே⁴தா³ இமங் சித்தங் பி⁴ன்னங் ந கரொந்தி. தஸ்மா தே பே⁴த³வந்தான ஹொந்தீதி வுத்தா. ந ச தேஸங் அயங் விகப்போ அததீ²தி ஸம்ப²ந்தோ⁴. “இமஸ்மிங் சித்தே”தி லோப⁴மூலசித்தே. “கத்த²சீ”தி கிஸ்மிஞ்சி சித்தே. யேவாபனாதி வுத்தே ஸுத⁴ம்மேஸு ஆக³தானியேவாபனகானி. “அஞ்ஞேஹீ”தி தோ³ஸமூலமோஹமூலேஹி. நனுதானிபி இத⁴ க³ஹேதப்³பா³னீதி ஸம்ப²ந்தோ⁴. “நா”தி ந க³ஹேதப்³பா³னி. கஸ்மாதி ஆஹ “தேஸுஹீ”திஆதி³ங். தேபி இத⁴ நக³ஹேதப்³பா³ ஸியுங். ந பன ந க³ஹேதப்³பா³. கஸ்மா, வேத³னாய ச ஸயங் பே⁴த³வந்தத்தா, தி³ட்டி²ஸங்கா²ரானஞ்ச விகப்பஸப்³பா⁴வாதி அதி⁴ப்பாயோ.

24. “ஸோமனஸ்ஸஸ்காரண”ந்தி ஸோமனஸ்ஸுப்பத்தியா காரணங். ஸோமனஸ்ஸுப்பத்தியா காரணே வுத்தே தங் ஸஹக³த சித்துப்பத்தியாபிகாரணங் ஸித்த³த⁴ங் ஹொதீதி கத்வா தமேவ வுத்தந்தி த³ட்ட²ப்³பங். தேனாஹ “ஸோமனஸ்ஸப்படிஸந்தி⁴கோஹீ”திஆதி³ங். ஹீனேன வா...பே... ஆரம்மணேன ஸமாயோகோ³, தேன ஸமாயுத்தஸ்ஸாபி சித்தங் உப்பஜ்ஜமானந்திஆதி³னா வத்தப்³பங். ததா² ப்யஸனமுத்தியங்பி. உபெக்கா²காரணே “ப்யஸனமுத்தீ”தி இத³ங் தோ³மனஸ்ஸப்பஸங்க³பரிஹாரவசனங். அஜ்ஜா²ஸயோவுச்சதி அஜ்ஜா²வுத்தங் கேஹங். தி³ட்டி²ஸங்கா²தோ அஜ்ஜா²ஸயோயஸ்ஸாதி தி³ட்ட²ஜ்ஜா²ஸயோ. தஸ்ஸ பா⁴வோ தி³ட்ட²ஜ்ஜா²ஸயதா. “அயோனிஸோ உம்முஜ்ஜன”ந்தி அனுபாயதோ ஆபு⁴ஜனங், மனஸிகரணங். “சிந்தா பஸுதவஸேனா”தி க³ம்பீ⁴ரேஸு த⁴ம்மேஸு சிந்தாபஸவனவஸேன, வீமங்ஸா வட்³ட்⁴னவஸேன. “தி³ட்ட²காரணமேவா”தி தி³ட்ட²ங் காரணப்படிருபகமேவ. தேனாஹ “ஸாரதோஸச்சதோ உம்முஜ்ஜன”ந்தி. “தப்³பி³பரீதேனா”தி ததோ விபரீதேன. அதி³ட்ட²ஜ்ஜா²ஸயதா, தி³ட்டி²விபன்னபுக்³க³லபரிவஜ்ஜனதா, ஸத்³த⁴ம்மஸவனதா, ஸம்மாவிதக்க³ஹுலதா, யோனிஸோ உம்முஜ்ஜனஞ்ச தி³ட்டி²விப்பயோக³காரணந்தி வத்தப்³பங்.

“இமேஸங் பன சித்தானங் உப்பத்திவிதா⁴னங் விஸுத்³தி⁴மக்³கே³க³ஹேதப்³ப”ந்தி விஸுத்³தி⁴ மக்³கே³க²ந்த⁴ நித்³தே³ஸதோ க³ஹேதப்³பங். வுத்தஞ்ஹிதத்த². யதா³ ஹினத்தி²காமேஸு

ஆதீனவோதிஆதினானயேன மிச்சா²தி³ட்டி²ங் புரெக்கி²த்வா ஹட்ட²துட்டோ² காமேவா பரிபு⁴ஞ்ஜதி, தி³ட்ட²மங்குலாதீ³னி வா ஸாரதோபச்சேதி ஸபா⁴வ திக்கே²ன அனுஸ்ஸாஹிதேனசித்தேன. ததா³ பத²மங் அகுஸல சித்தங் உப்பஜ்ஜதி. யதா³ மந்தே³ன ஸமுஸ்ஸாஹிதேன சித்தேன, ததா³து³தீயங். யதா³ மிச்சா² தி³ட்டி²ங் அபுரெக்கி²த்வா கேவலங் ஹட்ட²துட்டோ² மேது²னங் வா ஸேவதி, பர ஸம்பத்திங் வா அபி⁴ஜ்ஜா²யதி, பரப⁴ண்ட³ங் வா ஹரதி ஸபா⁴வதிக்²னேவ அனுஸ்ஸாஹிதேன சித்தேன. ததா³ ததீயங். யதா³ மந்தே³ன ஸமுஸ்ஸாஹிதேனசித்தேன, ததா³ சதுத்த²ங். யதா³ பன காமானங் வா அஸம்பத்திங் ஆக³ம்ம அஞ்ஞேஸங் வா ஸோமனஸ்ஸஹேதானங் அபா⁴வேன சதுஸுபி விகப்பேஸு ஸோமனஸ்ஸரஹிதாஹாந்தி , ததா³ஸேஸானி சத்தாரி உபெக்கா²ஸஹக³தானி உப்பஜ்ஜந்தீதி.

லோப⁴மூலசித்தவண்ணனா நி³ட்டி²தா.

25. தோ³ஸமூலசித்தே. “விருப”ந்தி து³ட்ட²ங், லுத்³த³ங். து³ம்மனஸ்ஸ பா⁴வோதி வுத்தே காயிகது³க்க²வேத³னாயபி பஸங்கோ³ ஸியாதி வுத்தங் “மானஸிக...பே... நாம”ந்தி. படிஹஞ்ஞதி பா³த⁴தி. “ஸந்தத்தே”தி ஸந்தாபிதே.

26. “பே⁴த³கரோ”தி அஞ்ஞமஞ்ஞவிஸேஸகரோ. “பே⁴த³கரான ஹொந்தீ”தி இமஸ்ஸ சித்தஸ்ஸ அஞ்ஞமஞ்ஞவிஸேஸகரான ஹொந்தி. தோ³மனஸ்ஸக³ஹணங் பஸங்க³னிவத்தனத்த²ங் க³ஹிதந்தி யோஜனா. பஸங்கோ³தி சனானப்பகாரதோ ஸஜ்ஜனங் லக்³க³னங். கத²ங் பஸங்கோ³தி ஆஹ “யதா³ஹீ”திஆதி³ங். “து³ட்டி²ங் பவேதே³ந்தீ”தி து³ட்டா²மயங் இமேஸங் மரணேனாதிஆதி³ சிக்க²ந்தி. ஏவங் ஸஹக³தப்பஸங்க³ங் நிவத்தேத்வா ஸம்பயுத்தப்பஸங்க³ங் நிவத்தேதுங் “படிக⁴க்³ஹணங்”திஆதி³ வுத்தங். திரச்சா²னக³தபாணவதே⁴ அபுஞ்ஞங் நாம நத்தி². ஆதி³கப்பதோ பட்டா²ய மனுஸ்ஸானங் யதா²காம பரிபோ⁴க³த்தா²ய லோகிஸ்ஸரியேனதா²வரட்டா²யினா நிம்மிதத்தாதி அதி⁴ப்பாயோ. “விஸ்ஸட்டா²”தி அனாஸங்கா. “அஞ்ஞேவா”தி அஞ்ஞே வா ஜனே. விமதி ஏவ வேமதிகங். வேமதிகங் ஜாதங் யேஸங் தே வேமதிகஜாதா. புரிமசித்தஸ்ஸலோப⁴ஸஹக³தபா⁴வோ இமானிஅட்ட²பி லோப⁴ஸஹக³தசித்தானினாமாதி இமினா சூளனிக³மனே நேவ ஸித்³தோ⁴வியாதி யோஜனா. சூளனிக³மனேன படிக⁴ஸம்பயுத்த பா⁴வேஸித்³தே⁴ தோ³மனஸ்ஸஸஹக³தபா⁴வோபி தேனஸித்³தோ⁴ யேவாதி கத்வா “தேஸங் க³ஹணங்”தி வுத்தங். “தேஸ”ந்தி தோ³னஸ்ஸபடிகா⁴னங். இமஸ்மிங் சித்தே இஸ்ஸாமச்ச²ரியகுக்குச்சானிசதி²னமித்³தா⁴னி ச அனியதயோகீ³னி ச ஹொந்தி யேவாபனகானி ச. தேனாஹ “புரிமசித்தே”திஆதி³ங். தோ³மனஸ்ஸங் இமஸ்மிங் சித்தே அத்தி², அஞ்ஞசித்தேஸு நத்தி², தஸ்மா அஸாதா⁴ரண த⁴ம்மோ நாம.

அனஞ்ஞஸாதா⁴ரண த⁴ம்மோதிபி வுச்சதி. “யதா²தங்”தி தங் நித³ஸ்ஸனங் தது³தா³ஹரணங் யதா² கதமந்தி அத்தோ². “உபலக்கே²தீ”தி ஸஞ்ஞாபேதி. ஆதபங்தாயதிரக்க²தீதி ஆதபத்தங். ஸேதச்ச²த்தங். லத்³த⁴ங் ஆதபத்தங் யேனாதி லத்³தா⁴தபத்தோ. ராஜகுமாரோ. ஸோ ஆதபத்தங் லத்³தோ⁴தி வுத்தே ஸப்³ப³ங் ராஜஸம்பத்திங் லத்³தோ⁴தி விஞ்ஞாயதி. தஸ்மா இத³ங் உபலக்க²ண வசனங் ஜாதந்தி த³ட்ட²ப³ப³ங். “உபி⁴ன்ன”ந்தி த்³வின்னங் தோ³மனஸ்ஸ படிகா⁴னங். புப்³பே³ தோ³மனஸ்ஸஸஹக³தந்தி வத்வா நிக³மனே படிக⁴ஸம்பயுத்தசித்தானீதி வுத்தத்தா “இமஸ்ஸ...பே... ஸித்தி³தி⁴தோ”தி வுத்தங்.

27. “அனிட்ட²லோகத⁴ம்மேஹீ”தி அலாபோ⁴ ச, அயஸோச, நிந்தா³ச, து³க்க²ஞ்சாதி சதூஹி அனிட்ட²லோகத⁴ம்மேஹி. “தங் குதெத்த² லப்³பா⁴”தி அஹங் அலாபா⁴தீ³ஹி மாஸமாக³ச்சீ²தி பத்தெ²ந்தஸ்ஸபி குதோமேஎத்த²லோகேதங் பத்த²னா பூரணங் ஸப்³ப³காலங் லப்³பா⁴தி அத்தோ². “லப்³பா⁴”தி ச கம்மத்த²தீ³பகங் பாடிபதி³கபத³ங். இமேஸங் உப்பத்திவிதா⁴னங் விஸுத்³தி⁴மக்³கே³ ஸங்கே²பதோவ வுத்தங் தஸ்ஸ பாணாதி பாதாதீ³ஸு திக்க²மந்த³ப்பவத்திகாலே பவத்திவேதி³தப்³பா³தி.

தோ³ஸமூலசித்தவண்ணனா நிட்டி²தா.

28. மோஹமூலசித்தே. “மூலந்தரவிரஹேனா”தி அஞ்ஞமூலவிரஹேன. ஸங்ஸப்பதீதி ஸங்ஸப்பமானா. ஏவங் நு கோ², அஞ்ஞதா²னு கோ²தி ஏவங் த்³விதா⁴ ஏரயதி கம்பதீதி அத்தோ². விக்கி²பதீதி விக்கி²பமானங். “நியமனத்த²”ந்தி இத³ங் விசிகிச்சா²ஸம்பயுத்தங் நாமாதி நியமனத்த²ங். இத³ஞ்ஹி படிக⁴ஸம்பயுத்தங் விய நிக³மனேன ஸித்த³த⁴ங் ந ஹோதி. “இத⁴ லத்³தோ⁴காஸங் ஹுத்வா”தி மூலந்தர விரஹத்தா ஏவ இத⁴லத்³தோ⁴காஸங் ஹுத்வா. பகதி ஸபா⁴வபூ⁴தங், இதி தஸ்மா நத்தீ²தி யோஜனா. “அனோஸக்கமான”ந்தி பச்ச²தோ அனிவத்தமானங். “அஸங்ஸீத³மான”ந்தி ஹெட்ட²தோ அபதமானங். உப⁴யேன அப்³பொ³ச்சி²ன்னந்தி வுத்தங் ஹோதி. “அதிஸம்முள்ஹதாயா”தி மூலந்தர விரஹேன மோஹேன அதிஸம்முள்ஹதாய. “அதிசஞ்சலதாயா”தி ஸங்ஸப்பமானவிக்கி²பமானேஹிவிசிகிச்ச²த⁴ச்சேஹி அதிசஞ்சலதாய. “ஸப்³பத்த²பீ”தி ஸப்³பே³ஸுபி ஆரம்மணேஸு. அட்ட²கதா²யங் ஸங்கா²ர பே⁴தே³ன அவிஜ்ஜாய து³வித⁴பா⁴வோவ வுத்தோ. கத²ங் வுத்தோ. அவிஜ்ஜா அப்படிபத்தி மிச்சா² படிபத்திதோ து³விதா⁴ ததா² ஸஸங்கா² ராஸங்கா²ரதோதி வுத்தோ. “திவித⁴பா⁴வோவா”தி இமஸ்மிங் சித்தேஸங்கா²ரவிமுத்தாய அவிஜ்ஜாய ஸத்³தி⁴ங் திவித⁴பா⁴வோவ. இமேஸங் த்³வின்னங் சித்தானங் உப்பத்திவிதா⁴னங் விஸுத்³தி⁴மக்³கே³ஸங்கே²பதோவவுத்தங் தஸ்ஸஅஸன்னிட்டா²னவிக்²கே²பகாலேபவத்தி வேதி³தப்³பா³தி.

29. “ஸப்³ப³தா²பீ”தி நிபாதஸமுதா³யோ வா ஹோது
 அஞ்ஞமஞ்ஞவேவசனோ வா, விஸுங் நிபாதோவாதி ஏவங் ஸப்³ப³ப்பகாரதோபி.
 அகுஸலபதே³ அகாரோ விருத்³த⁴த்தோ². யதா² அமித்தோ, அஸுரோ,
 தித்³ஸ்ஸேதுங் “அகுஸலானீ”திஆதி³மாஹ. “படிவிருத்³த⁴பா⁴வோ”தி
 மோஹாதீஹி அகுஸலேஹி விருத்³த⁴பா⁴வோ. பா⁴வனங்னாரஹந்தீதி
 “அபா⁴வனாரஹா”. கத²ங் பன பா⁴வனங்னாரஹந்தீதி ஆஹ
 “புனப்புன”ந்திஆதி³ங். “நியாமங் ஓக்கமந்தாபீ”தி பஞ்சானந்தரிய கம்மபா⁴வேன
 நியதமிச்சா²தி³ட்டி²பா⁴வேன ச நியாமங் ஓக்கமந்தாபி. அபாயங் ப⁴ஜந்தீதி
 அபாயபா⁴கி³னோ. கம்மகாரகா. தேஸங் பா⁴வோ. தாய.
 “வட்டஸோதனியதே”தி ஸங்ஸாரவட்ட ஸோதஸ்மிங் நியதே. “தி²ரதரபத்தா”தி
 ஸமாதி⁴வஸேன தி²ரதரபா⁴வங் பத்தா. இதா³னி தமேவத்த²ங் பகாரந்தரேன
 விபா⁴வேதுங் “அபிசா”திஆதி³மாஹ. “ஸியு”ந்தி பத³ங் தா⁴துபச்சயேஹி
 ஸித்³த⁴ங் நிப்ப²ன்னபத³ங் நாம நஹோதி. கஸ்மா, இத⁴பரிகப்பத்த²ஸ்ஸ
 அஸம்ப⁴வதோ. நிபாதபத³ங் ஹோதி. கஸ்மா, அனேகத்த²தா ஸம்ப⁴வதோ.
 இத⁴ பன ப⁴வந்தி ஸத்³தே³ன ஸமானத்தோ². தேனாஹ “நிபாதபத³ங் இத⁴
 த³ட்ட²ப³ப³”ந்தி.

அகுஸலவண்ணனா.

30. அஹேதுகசித்தே. “ஸப்³ப³னிஹீன”ந்தி ஸப்³ப³சித்தேஹி ஹீனங். புன
 “ஸப்³ப³னிஹீன”ந்தி ஸப்³பா³ஹேதுகேஹி ஹீனங். “த”ந்தி அகுஸல விபாகங்.

31. ஸுத்தபாளியங், “கட்ட²”ந்தி ஸுக்க²தா³ருங். “ஸகலிக”ந்தி
 சி²ந்தி³தபா²லிதங் கட்ட²க்க²ண்ட³கங். “து²ஸ”ந்தி வீஹிஸுங்கங். “ஸங்கார”ந்தி
 கசவரங். சக்கு²ஞ்சரூபே ச படிச்ச யங்விஞ்ஞாணங் உப்பஜ்ஜதி. தங்
 சக்கு²விஞ்ஞாணந்த்வேவ வுச்சதீதிஆதி³னா யோஜேதப்³ப³ங். தத்த² “ரூபே”தி
 ரூபாரம்மணான . “ஸத்³தே³”திஆதி³ஸுபி ஏஸனயோ. எத்த² ச விஞ்ஞாணானி
 ஏகவத்து² நிஸ்ஸிதானி ஹோந்தி. தஸ்மா வத்து² த்வாரேஸு ஏகவசனங்
 வுத்தங். ஆரம்மணானி பன ஏகவிஞ்ஞாணேனாபி ப³ஹுனி க³ஹிதானி. தஸ்மா
 ஆரம்மணேஸு ப³ஹுவசனங். “து³க்க²யதீ”தி து³க்க²ங் கரோதி. நாமதா⁴து
 பத³ஞ்ஹேதங். யதா² அத்தானங் ஸுகே²தி வீணேதீதி ஸத்³த³விது³.
 தா⁴துபாடே²ஸு பன ஸுக²து³க்க²தக்கிரியாயங்தி வுத்தங். தக்கிரியாதி ச
 ஸுக²கிரியா து³க்க² கிரியாதி அத்தோ². ஸாதகிரியா அஸ்ஸாதகிரியாதி வுத்தங்
 ஹோதி. ச ஸத்³தோ³ ஓகாஸத்தோ²தி கத்வா “து³க்கரங் ஓகாஸதா³ன”ந்தி
 வுத்தங்.

32. “சக்கு²ஸ்ஸ அஸம்பி⁴ன்னதா”தி சக்கு²பஸாத³ரூபஸ்ஸ அபி⁴ன்னதா.
 தஸ்மிஞ்ஹி பி⁴ன்னேஸதி அந்த⁴ஸ்ஸ சக்கு²ஸ்ஸ ரூபானினுபட்ட²ஹந்தீதி.
 “ஸோதஸ்ஸஅஸம்பி⁴ன்னதா”திஆதி³ஸுபி ஏஸனயோ.

“ஆலோகஸன்னிஸ்ஸயப்படிலாபோ⁴”தி சக்கு² ச ஆலோகேஸதி கிச்சகாரீ
 ஹோதி. அஸதி நஹோதி. ததா² ரூபஞ்ச. தஸ்மா ஆலோகோ தேஸங்
 விஸயவிஸயீபா⁴வூபக³மனே ஸன்னிஸ்ஸயோ ஹோதி. தஸ்ஸ
 ஆலோகஸன்னிஸ்ஸயஸ்ஸ படிலாபோ⁴. ஏஸனயோ
 ஆகாஸஸன்னிஸ்ஸயாதீ³ஸு. இமேஸங் அங்கா³னங் யுத்தி தீ³பனா
 உபரி³ரூபஸங்க³ஹே ஆக³மிஸ்ஸதி. “அட்ட²கதா²ய”ந்தி அட்ட²ஸாலினியங்.
 தத்த² “தஸ்மிங் பன ஆபாதங் ஆக³ச்ச²ந்தேபி ஆலோகஸன்னிஸ்ஸயே அஸதி
 சக்கு²விஞ்ஞாணங் நுப்பஜ்ஜதீ”தி வசனங் அஸம்பா⁴வெந்தோ “தங் வினா
 ஆலோகேனா”திஆதி³மாஹ. “அபா⁴வத³ஸ்ஸன பர”ந்தி
 அபா⁴வத³ஸ்ஸனப்பதா⁴னங்.

33. விபாகவசனத்தே². விபச்சதீதி விபாகங். விபச்சதீதி ச விபக்கபா⁴வங்
 ஆபஜ்ஜதி. புப்³பே³ கதகம்மங் இதா³னி நிப்³புத்திங் பாபுணாதீதி வுத்தங் ஹோதி.
 இதா³னி தத³த்த²ங் பாகடங் கரொந்தோ “அயஞ்ச அத்தோ²”திஆதி³மாஹ.
 அட்ட²கதா²யங் ஆயுஹன ஸமங்கி³தாபி ஆக³தா. இத⁴ பனஸா சேதனா
 ஸமங்கி³தாய ஸங்க³ஹிதாதி கத்வா “சதஸ்ஸோ ஸமங்கி³தா²”தி வுத்தங்.
 ஸமங்கி³தாதி ச ஸம்பன்னதா. “தங் தங் கம்மாயுஹன காலே”தி பாணாதி
 பாதாதி³கஸ்ஸ தப்³பிரமணாதி³கஸ்ஸ ச தஸ்ஸ தஸ்ஸ
 து³ச்சரிதஸுசரிதகம்மஸ்ஸ ஆயுஹனகாலே. ஸமுச்சினநகாலேதி அத்தோ².
 “ஸப்³புஸோ அபா⁴வங் பத்வான நிருஜ்ஜ²தீ”தி யதா² அப்³யாகத
 த⁴ம்மானிருஜ்ஜ²மானா ஸப்³புஸோ அபா⁴வங் பத்வா நிருஜ்ஜ²ந்தி. ததா²
 நனிருஜ்ஜ²ந்தீதி அதி⁴ப்பாயோ. “ஸப்³பா³கார பரிபுர”ந்தி பாணாதிபாதங்
 கரொந்தஸ்ஸ கம்மானு ரூபாப³ஹுகாய வசீமனோ விகாரா ஸந்தி³ஸ்ஸந்தி.
 ஏஸனயோ அதி³ன்னாதா³னாதீ³ஸு. ஏவரூபேஹி ஸப்³பே³ஹி ஆகார
 விகாரேஹி பரிபுரங். “நித³ஹித்வா வா”தி ஸண்ட²பெத்வா ஏவ.
 “யங்ஸந்தா⁴யா”தி யங்கிரியாவிலேஸஸனிதா⁴னங் ஸந்தா⁴ய.

கா³தா²யங். “ஸஜ்ஜ”தி இமஸ்மிங் தி³வஸே. “கீரங் வமுச்சதீ”தி யதா²
 கீரங் நாம இமஸ்மிங் தி³வஸே முச்சதி. பகதிங் ஜஹதி. விபரிணாமங் க³ச்ச²தி.
 ந ததா² பாபங் கதங் கம்மந்தி யோஜனா. கத²ங் பன ஹோதீதி ஆஹ
 “த³ஹந்தங் பா³லமன்வேதீ”தி. “ப⁴ஸ்மாச²ன்னோவபாவகோ”தி சா²ரிகா
 ச²ன்னோவிய அக்³கி³. “ஸோ பனா”தி கிரியா விலேஸஸோ பன. “விஸுங் ஏகோ
 பரமத்த² த⁴ம்மோதிபி ஸங்க²யங் ந க³ச்ச²தீ”தி விஸுங் ஸம்பயுத்த த⁴ம்ம
 பா⁴வேன ஸங்க²யங் ந க³ச்ச²தீதி அதி⁴ப்பாயோ. ஸோ ஹி
 கம்மபச்சயத⁴ம்மத்தா பரமத்த² த⁴ம்மோ ந ஹோதீதி ந வத்தப்³போ³.
 தேனாஹ “அனுஸயதா⁴துயோ வியா”தி. “ஸோ”தி கிரியாவிலேஸஸோ. “த”ந்தி
 கம்மங் வா, கம்மனிமித்தங் வா, க³தினிமித்தங் வா. “ததா³ ஓகாஸங் லப⁴தீ”தி
 விபச்சனத்தா²ய ஓகாஸங் லப⁴தி. ஓகாஸங் லபி⁴த்வா பச்சபட்டா²தீதி
 அதி⁴ப்பாயோ. “தத்தா²”தி தாஸு ச தூஸுஸமங்கி³தாஸு. “இதீ”தி

லத்³த⁴கு³ணவசனங். “ஏவஞ்ச கத்வா”திஆதி³ புன லத்³த⁴கு³ணவசனங்.
 “பாளிய”ந்தி த⁴ம்மஸங்க³ணி பாளியங். “கம்மஸந்தானதோ”தி
 அருபஸந்தானங் ஏவ வச்சதி. “யே பனா”தி க³ந்த²காரா பன. “தேஸ”ந்தி
 க³ந்த²காரானங். ஆபஜ்ஜதீதி ஸம்ப³ந்தோ⁴. தேஸங் வாதே³தி வா
 யோஜேதப்³பங். யஞ்சஉபமங் த³ஸ்ஸெந்தீதி யோஜனா. “தத்தா²”தி தஸ்மிங்
 வசனே. ந ச ந லப⁴ந்தீதி யோஜனா. “ததா³”தி தஸ்மிங் பரிணதகாலே.
 “நாள”ந்தி புப்ப²புலானங் த³ண்ட³கங்.

34. “ஸம்ப⁴வோ”தி பஸங்க³காரணங். அபி⁴விஸேஸேன சரணங்
 பவத்தனங் அபி⁴சாரோ. விஸேஸ வுத்தி. ந அபி⁴சாரோ ப்³யபி⁴சாரோ.
 ஸாமஞ்ஞ வுத்தி. பக்க²ந்தரேன ஸாதா⁴ரணதாதி வுத்தங் ஹோதி. பக்க²ந்தரேன
 ஸாதா⁴ரணதா நாமபக்க²ந்தரஸ்ஸ நானப்பகாரதோ ஸஜ்ஜனமேவ
 லக்³க³னமேவாதி வுத்தங் ப்³யபி⁴சாரஸ்ஸாதி பஸங்க³ஸ்ஸ இச்சேவத்தோ²தி.
 எத்த²சாதிஆதி³னா ஸம்ப⁴வப்³யபி⁴சாரானங் அபா⁴வமேவ வத³தி.
 அகுஸலஹேதுஹி ச ஸஹேதுகதா ஸம்ப⁴வோ நத்தீ²தி ஸம்ப³ந்தோ⁴.
 “தேஸ”ந்தி அகுஸலவிபாகானங். “அப்³யபி⁴சாரோயேவா”தி
 ப்³யபி⁴சாரரஹிதோயேவ.

35. “பஞ்சத்³வாரே உப்பன்ன”ந்தி பஞ்சத்³வாரவிகாரங் படிச்ச உப்பன்னத்தா
 வுத்தங். தேனாஹ “தஞ்ஹீ”திஆதி³ங். ஏஸனயோ மனொத்³வாராவஜ்ஜனேபி.

யதி³ ஹி அயமத்தோ²ஸியா, ஏவஞ்சஸதி, அயமத்தோ² ஆபஜ்ஜதீதி
 ஸம்ப³ந்தோ⁴. “தேஸ”ந்தி வீதி²சித்தானங்.
 உப்பாத்³ஸத்³தோ³னியதபுல்லிங்கோ³தி கத்வா “ஐகாஸு பன...பே... நித்தி³ட்ட²ங்”
 ஸியாதி வுத்தங். “வுத்தனயேனா”தி ஸம்பயுத்தஹேதுவிரஹதோதி
 வுத்தனயேன. விபச்சன கிச்சங் நாம விபாகானங் கிச்சங். விபாகுப்பாத்³னகிச்சங்
 நாம குஸலாகுஸலானங் கிச்சங். “தங் தங் கிரியாமத்தபு⁴தானீ”தி ஆவஜ்ஜன
 கிரியா ஹஸனகிரியாமத்தபு⁴தானி. படிஸந்தி⁴ப⁴வங்க³சுதிசித்தானி நாம
 கேவலங் கம்மவேகு³க்கி²த்தபா⁴வேனஸந்தானேபதிதமத்தத்தா து³ப்³புல
 கிச்சானி ஹொந்தி. பஞ்ச விஞ்ஞாணானி ச அஸாரானங் அப³லானங்
 பஸாத்³வத்து²னங் நிஸ்ஸாய உப்பன்னத்தா து³ப்³புலவத்து²கானி ஹொந்தி.
 ஸம்படிச்ச²னாதீ³னி ச பஞ்சவிஞ்ஞாணானுப³ந்த⁴ மத்தத்தா து³ப்³புல
 கிச்சட்டா²னானி ஹொந்தி. தஸ்மா தானி ஸப்³பா³னி அத்தனோ
 உஸ்ஸாஹேனவினா கேவலங் விபச்சனமத்தேன பவத்தந்தி.
 “விபாகஸந்தானதோ”தி பஞ்சத்³வாராவஜ்ஜனஞ்ச மனொத்³வாராவஜ்ஜனஞ்ச
 ப⁴வங்க³விபாகஸந்தானதோ லத்³த⁴பச்சயங் ஹோதி. வொட்ட²ப்³புனங்
 பஞ்சவிஞ்ஞாணாதி³ விபாகஸந்தானதோ லத்³த⁴பச்சயங். “இதரானி பனா”தி
 ஹஸிதுப்பாத்³சித்த மஹாகிரியசித்தாதீ³னி. “நிரனுஸயஸந்தானே”தி
 அனுஸயரஹிதே கீ³ணாஸவஸந்தானே. “உஸ்ஸாஹரஹிதானி ஏவா”தி யதா²

ருக்கா²னங் வாதபுப்பா²னி நாம அத்தி². தானி ப²லுப்பாத³கஸினேஹரஹிதத்தா
ப²லானி ந உப்பாதெ³ந்தி. ததா² தானி ச
விபாகுப்பாத³கதண்ஹாஸினேஹரஹிதத்தா உஸ்ஸாஹப்³யாபார ரஹிதானி
ஏவ.

36. வேத³னாவிசாரணாயங். “பிசுபிண்ட³கானங் வியா”தி த்³வின்னங்
கப்பாஸபிசுபிண்ட³கானங் அஞ்ஞமஞ்ஞஸங்க⁴ட்டனங் விய உபாதா³ருபானஞ்ச
அஞ்ஞமஞ்ஞஸங்க⁴ட்டனங் து³ப்³ப³லமேவாதி யோஜனா. “தேஸங்
ஆரம்மணபு⁴தான”ந்தி திண்ணங் மஹாபு⁴தானங்.
“காயனிஸ்ஸயபு⁴தேஸு”தி காயனிஸ்ஸயமஹாபு⁴தேஸு. “தேஹி”தி
பஞ்சவிஞ்ஞானேஹி. “புரிமசித்தேனா”தி ஸம்படிச்ச²னசித்ததோ. “த”ந்தி
அகுஸலவிபாகஸந்தீரணங். படிகே⁴ன வினா நப்பவத்ததி. கஸ்மா
நப்பவத்ததீதி ஆஹ “ஏகந்தாகுஸலபு⁴தேனா”திஆதி³ங். “அப்³யாகதேஸு
அஸம்ப⁴வதோ”தி அப்³யாகத சித்தேஸு யுஜ்ஜிதுங் அஸம்ப⁴வதோ.
கம்மானுபா⁴வதோ ச முஞ்சித்வா யதா²புரிமங் விபாகஸந்தானங்
கம்மானுபா⁴வேன பவத்தங் ஹோதி. ததா² அப்பவத்தித்வாதி அதி⁴ப்பாயோ.
“கேனசீ”தி கேனசி சித்தேன. “விஸதி³ஸசித்தஸந்தான பராவட்டனவஸேனா”தி
புரிமேனவிபாக சித்த ஸந்தானேன விஸதி³ஸங் குஸலாதி³ ஜவன
சித்தஸந்தானங் பரதோ ஆவட்டா பன வஸேன. ததா²ஹித³ங் சித்தத்³வயங்
பாளியங் ஆவட்டனா, அன்வாவட்டனா, ஆபோ⁴கோ³, ஸமன்னாஹாரோதி
நித்³தி³ட்ட²ங். “ஸப்³புத்தா²பீ”தி இட்டா²ரம்மணேபி அனிட்டா²ரம்மணேபி.
“அத்தனோ பச்சா² பவத்தஸ்ஸ சித்தஸ்ஸ வஸேனா”தி அத்தனோ பச்சா²
பவத்தங் சித்தங் படிச்ச ந வத்தப்³போ³தி அதி⁴ப்பாயோ. “அத்தனோ பச்சயேஹி
ஏவ ஸோ ஸக்கா வத்து”ந்தி அத்தனோ பச்சயேஸு ப³லவந்தேஸு ஸதி,
ப³லவா ஹோதி. து³ப்³ப³லேஸு ஸதி, து³ப்³ப³லோ ஹோதீதி ஸக்காவத்துந்தி
அதி⁴ப்பாயோ. “விஸதி³ஸ சித்தஸந்தான”ந்தி
வொட்ட²ப்³ப³னகிரியசித்தஸந்தானங்.

37. ஸங்கா²ர விசாரணாயங் “விபாகுத்தா⁴ரே”தி அட்ட²ஸாலினியங்
விபாகுத்தா⁴ர கதா²யங். “உப⁴யகம்மேனபீ”தி ஸஸங்கா²ரிக கம்மேனபி,
அஸங்கா²ரிக கம்மேனபி. “தே²ரேனா”தி மஹாத³த்தத்தே²ரேன.
“தது³ப⁴யபா⁴வாபா⁴வோ”தி ஸஸங்கா²ரிக அஸங்கா²ரிகபா⁴வானங்
அபா⁴வோ. “தானிபி ஹி அபரிப்³யத்தகிச்சானியேவா”தி எத்த² ஆவஜ்ஜன
த்³வயங் ஜவனானங் புரேசாரிக கிச்சத்தா அபரிப்³யத்தகிச்சங் ஹோது.
ஹஸிதுப்பாத³சித்தங் பன ஜவனகிச்சத்தா கத²ங் அபரிப்³யத்தகிச்சங்
ப⁴வெய்யாதி. தம்பி ஸப்³ப³ஞ்ஞுதஞ்ஞாணாதீ³னங் அனுசாரிகமத்தத்தா
அபரிப்³யத்தகிச்சங் நாம ஹோதீதி. “அட்ட²மஹாவிபாகேஸு விய
வத்தப்³போ³”தி மஹாவிபாகானங் ஸஸங்கா²ரிகா ஸங்கா²ரிகபா⁴வோ

புரிமப⁴வே மரணாஸன்னகாலே ஆரம்மணானங் பயோகே³ன ஸஹ வா வினா
வா உபட்டா²னங் படிச்ச வுத்தோ, ததா² வத்தப்³போ³தி அதி⁴ப்பாயோ.

38. “து³ப்³ல கம்மனிப்³புத்தேஸு”தி படிஸந்தி⁴ ப⁴வங்க³ சுதிகிச்சானி
ஸந்தா⁴ய வுத்தங். “து³ப்³லவத்து² கிச்சட்டா²னேஸு”தி சக்கா²தி³வத்து²கேஸு
ஆவஜ்ஜனாதி³ து³ப்³லகிச்ச து³ப்³லட்டா²னிகேஸு. “தத்தா²”திஆதி³னா
தத³த்த²ங் விவரதி. தத்த² “விக்²கே²பயுத்த”ந்தி விக்²கே²பகிச்சேன
உத்³த⁴ச்சேனயுத்தங் ஹுத்வா. “கப்பட்டி²திகங்” நாம ஸங்க⁴பே⁴த³கம்மங்.
ச²ஸுவத்து² ரூபேஸு ஹத³யவத்து²மேவ ஸுவண்ணரஜதங் விய ஸாரவத்து²
ஹோதி. இதரானி ப²லிகானிவிய பஸாத³மத்தத்தா அஸாரானி ஹோந்தீதி
வுத்தங் “சக்கா²தீ³ஸு து³ப்³லவத்து²ஸு”தி. த³ஸ்ஸனாதீ³னி ச கிச்சானி ஜவன
கிச்சஸ்ஸ புரேசரத்தா கு²த்³த³கிச்சானி ஹோந்தி. தேனாஹ
“த³ஸ்ஸனாதீ³ஸு”திஆதி³ங்.

39. இத⁴ தீ³பனியங் இச்சேவந்தி பத³ங்
அட்டா²ரஸாதிபத³ஸ்ஸவிஸேஸனந்தி கத்வா “ஸப்³புதா²பீதி பத³ஸ்ஸ...பே...
வேதி³தப்³போ³”தி வுத்தங். விபா⁴வனியங் பன தங் ஸப்³புதா²பீதி பத³ஸ்ஸ
விஸேஸனந்தி கத்வா “ஸப்³புதா²
பீதிகுஸலாகுஸலவிபாககிரியாபே⁴தே³னா”தி வுத்தங்.

அஹேதுகசித்தவண்ணனா நி²ட்டி²தா.

40. ஸோப⁴ணசித்தேஸு. அவுத்தாபி ஸித்³தா⁴ ஹோதி. யதா²
அட்ட²சித்தானி லோகுத்தரானீதி ச வுத்தே அவுத்தேபிஸிஜ்ஜந்தி
ஸேஸசித்தானி லோகியானீதி ச ஸஉத்தரானீதி சாதி அதி⁴ப்பாயோ.
“அத்தஸமங்கீ³னோ”தி அத்தனா பாபகம்மேன ஸமன்னாக³தே. “அனிச்ச²ந்தே
யேவா”தி ஸசேபி அவீசினிமித்தஸ்ஸாத³வத்து² விய கேசி இச்ச²ந்து.
அஜானந்தானங் பன இச்சா² அப்பமாணந்தி அதி⁴ப்பாயோ. “ஸோப⁴க்³க்³
பத்தியா”தி எத்த² ஸுப⁴க்³ஸ்ஸ பா⁴வோ ஸோப⁴க்³க்³ந்தி விக்³க்³ஹோ.
ஸுப⁴க்³ஸ்ஸாதி ச ஸுஸிரிகஸ்ஸ.

41. “யாதா²வதோ”தி யதா² ஸபா⁴வதோ. எத்த² ஸியா ஜானாதீதி ஞாணந்தி
வுத்தங், கிங் ஸப்³புங் ஞாணங் யாதா²வதோ ஜானாதீதி. கிஞ்செத்த². யதி³
ஸப்³புங் ஞாணங் யாதா²வதோ ஜானாதி. ஏவங் ஸதி, ஞானேன சிந்தெந்தானங்
அஜானநங் நாம நத்தி², விரஜ்ஜ²னங் நாம நத்தீ²தி ஆபஜ்ஜதி. அத² ஸப்³புங்
ஞாணங் யாதா²வதோ ந ஜானாதி, கத்த²சி ஜானாதி, கத்த²சி ந ஜானாதி.
ஏவஞ்சஸதி, யத்த² ஜானாதி, தத்தே²வ தங் ஞாணங் ஹோதி. யத்த² ந ஜானாதி,
தத்த² தங் ஞாணமேவ ந ஹோதீதி ஆபஜ்ஜதீதி. வுச்சதே . ஞானேன
சிந்தெஸ்ஸாமீதி சிந்தெந்தானங் பி யத்த² யத்த² யாதா²வதோ ஜானநங் ந
ஹோதி, தத்த² தத்த² ஞாண விப்பயுத்த சித்தங் ஹோதி. ஞாணப்படி ரூபகா ச

த⁴ம்மா அத்தி² சித்தஞ்ச விதக்கோ ச, விசாரோ ச, தி³ட்டி² ச. ஏதேஹி
 சிந்தெந்தாபி அஹங் ஞானேன சிந்தேமீதி மஞ்ஞந்தி. “தெ³ய்ய
 த⁴ம்மபடிக்கா³ஹக ஸம்பத்தி²”தி தெ³ய்யத⁴ம்ம வத்து² ஸம்பத்தி,
 படிக்கா³ஹக புக்க³ல ஸம்பத்தி. “அப்யாபஜ்ஜலோகூபபத்திதா”தி எத்த²
 அப்யாபஜ்ஜலோகோ நாம காயிகதுக்க² சேதஸிக துக்க² ரஹிதோ
 உபரிதே³வலோகோ வா ப்ரஹ்மலோகோ வா. உபபஜ்ஜனங் உபபத்தி.
 படிஸந்தி⁴வஸேன உபக³மனந்தி அத்தோ². அப்யாபஜ்ஜலோகங் உபபத்தி
 யஸ்ஸ ஸோ அப்யாபஜ்ஜ லோகூபபத்தி. தஸ்ஸ பா⁴வோதி விக்³க³ஹோ.
 “கிலேஸ து³ரதா”தி ஸமாபத்தி ப³லேன வா, அஞ்ஞதரப்படிபத்தியா வா,
 விக்³ம்பி⁴த கிலேஸதா வா, அரியமக்கே³ன ஸமுச்சி³ன்ன கிலேஸதா வா.

தேஸங் உப்பத்தி விதா⁴னங் விஸுத்தி⁴ மக்கே³ க²ந்த⁴னித்தே³ஸே
 ஏவங் வுத்தங். யதா³ஹி தெ³ய்யத⁴ம்ம படிக்கா³ஹகாதி³ ஸம்பத்திங் அஞ்ஞங்
 வா ஸோமனஸ்ஸஹேதுங் ஆக³ம்ம ஹட்ட²துட்டோ²
 அத்தி²தி³ன்னந்திஆதி³னயப்பவத்தங் ஸம்மாதி³ட்டி²ங் புரெக்கி²த்வா
 அஸங்ஸீத³ந்தோ அனுஸ்ஸாஹிதோபரேஹி தா³னாதீ³னி புஞ்ஞானி கரோதி,
 ததா³ஸ்ஸ ஸோமனஸ்ஸஹக³தங் ஞாண ஸம்பயுத்தங் சித்தங்
 அஸங்கா²ரங் ஹோதி. யதா³ பன வுத்தனயேன ஹட்ட²துட்டோ²
 ஸம்மாதி³ட்டி²ங் புரெக்கி²த்வா அமுத்த சா க³தாதி³வஸேன ஸங்ஸீத³மானோ
 வா பரேஹி வா உஸ்ஸாஹிதோ கரோதி, ததா³ஸ்ஸ ததே³வ சித்தங்
 ஸஸங்கா²ரங் ஹோதி. இமஸ்மிஞ்ஹி அத்தே² ஸங்கா²ரோதி ஏதங் அத்தனோ
 வா பரேஸங் வா வஸேன பவத்தஸ்ஸ புப்ப³ப்பயோக³ஸ்ஸாதி⁴வசனங்.
 யதா³ பன ஞாதி ஜனஸ்ஸ படிபத்தி த³ஸ்ஸனேன ஜாதபரிசயாபா³லதா³ரகா
 பி⁴க்க² தி³ஸ்வா ஸோமனஸ்ஸ ஜாதாஸஹஸா கிஞ்சி தே³வ ஹத்த²க³தங்
 த³ந்தி வா வந்த³ந்தி வா, ததா³ ததீயங் சித்தங் உப்பஜ்ஜதி. யதா³ பன
 தே³த³வந்த³தா²தி ஞாதீ³ஹி உஸ்ஸாஹிதா ஏவங் படிபஜ்ஜந்தி, ததா³ சதுத்த²ங்
 சித்தங் உப்பஜ்ஜதி. யதா³ பன தெ³ய்யத⁴ம்ம படிக்கா³ஹகாதி³னங்
 அஸம்பத்திங் அஞ்ஞேஸங் வா ஸோமனஸ்ஸஹேதுனங் அபா⁴வங் ஆக³ம்ம
 சதுஸாபி விகப்பேஸு ஸோமனஸ்ஸரஹிதா ஹொந்தி. ததா³ ஸேஸானி
 சத்தாரி உபெக்கா²ஸஹக³தானி உப்பஜ்ஜந்தீதி.

42. அட்ட²பீதி எத்த² பிஸத்தே³ன இமானி சித்தானி ந கேவலங் அட்டே²வ
 ஹொந்தி . அத² கோ² ததோ ப³ஹுனிபி ப³ஹுதரானிபி ஹொந்தீதி இமங்
 ஸம்பிண்ட³னத்த²ங் தீ³பேதீதி த³ஸ்ஸேதுங் “தேனா”திஆதி³வுத்தங். த³ஸஸு
 புஞ்ஞுகிரியாவத்தா²ஸு தி³ட்டு²ஜு கம்மங் நாம ஞாண கிச்சங். தங் கத²ங் ஞாண
 விப்பயுத்த சித்தேஹி கரொந்தீதி. வுச்சதே. ஞாண ஸம்பயுத்த சித்தேஹி
 தி³ட்டி²ங் உஜுங்கரொந்தா தேஸங் அந்தரந்தரா ஞாணஸோதே பதிதவஸேன
 ஞாணவிப்பயுத்த சித்தேஹிபி கரொந்தியேவ. ஸப்³பே³ஸத்தா
 கம்மஸ்ஸகாதிஆதி³னா, புத்த³தோ⁴ ஸோப⁴க³வா, ஸ்வாக்கா²தோ ஸோ

த⁴ம்மோ, ஸுப்படிபன்னோ ஸோ ஸங்கோ⁴, திஆதி³னா சாதி த³ட்ட²ப³ப³ங். தேனாஹ “இமானி அட்ட² சித்தானி²திஆதி³ங். தத்த² த³ஸபுஞ்ஞுகிரியவத்தூ²னி நாம ‘தா³னங், ஸீலங், பா⁴வனா, அபசாயனங், வெய்யாவச்சங், பத்திதா³னங், பத்தானுமோத³னங், த⁴ம்மஸ்ஸவனா, த⁴ம்மதே³ஸனா, தி³ட்டு²ஜு கம்மங்,. தேஹி கு³ணிதானி வட்³டி⁴தானி. தானி ச அட்ட²ச²ஸு ஆரம்மணேஸு உப்பஜ்ஜந்தி. தீணி ச கம்மானி கரொந்தா தே ஹேவ அட்ட²ஹி கரொந்தி. தானியேவ ச ஸப்³பா³னி அத்தி² ஹீனானி, அத்தி² மஜ்ஜி²மானி, அத்தி² பணீதானி. தஸ்மா புன அனுக்கமேன ஆரம்மணாதீ³ஹி வட்³ட⁴னங் கரோதி. தத்த² “தானி ட²பேதப்³பா³னி²தி ஸம்ப³ந்தோ⁴. “ஸுத்தி⁴கானி²தி அதி⁴பதீஹி அமிஸ்ஸிதானி. “இதி கத்வா”தி இதி மனஸி கரித்வா. ததா² ஞாணவிப்பயுத்தானி த்³வேஸஹஸ்ஸானி ஸதங் ஸட்டி² ச ஹொந்தீதி யோஜனா. “வீமங்ஸாவஜ்ஜிதேஹி”தி வீமங்ஸாதி⁴பதி வஜ்ஜிதேஹி. “ததா²கு³ணிதானி²தி ஸப்³பா³னி புஞ்ஞுகிரியாதீ³ஹி ஸமங் கு³ணிதானி. “கோஸல்லேனா”தி கோஸல்லஸங்கா²தேன. “நானாவஜ்ஜனவீதி²ய”ந்தி ஞாணவிப்பயுத்த வீதீ²ஹி விஸுங் பூ⁴தாய ஆவஜ்ஜனாய யுத்த வீதி²யங். “தேனேவா”தி வீமங்ஸாதி⁴பதிபூ⁴தேன தேனேவ உபனிஸ்ஸயஞ்ஞானேன. ஏவங் ஸந்தேபி ந ஸக்காப⁴விதுந்தி ஸம்ப³ந்தோ⁴.

43. வசனத்தே² “ருஜ்ஜனட்டே²னா”தி துத³னட்டே²ன. “அஹிதட்டே²னா”தி ஹிதவிருத்³த⁴ட்டே²ன. “அனிபுணட்டே²னா”தி அஸண்ஹா ஸுகு²மட்டே²ன. “அனிட்ட²விபாகட்டே²னா”தி அனிட்ட²ங் விபாகங் ஏதேஸந்தி அனிட்ட² விபாகானி. தேஸங் பா⁴வோ அனிட்ட² விபாகட்டோ². தேன அனிட்ட² விபாகட்டே²ன. “தப்படி பக்கத்தா”தி ராகா³தீ³ஹி படிபக்கத்தா. ஏவங் பரியாயத்த² ஸங்காதங் அபி⁴தா⁴னத்த²ங் த³ஸ்ஸெத்வா இதா³னி அட்ட²கதா²ஸு ஆக³தங் வசனத்த²ங் த³ஸ்ஸேதி குச்சி²தேதிஆதி³னா. தத்த² “குச்சி²தே”தி ஜேகுச்சி²தப்³பே³, நிந்தி³ தப்³பே³ வா. சாலெந்தி தத³ங்கப்பஹானவஸேன, கம்பெந்தி விக்²ம்ப⁴னப்பஹானவஸேன, வித்³த⁴ங்ஸெந்தி ஸமுச்சே²தப்பஹானவஸேன. “தனுக்ரணட்டே²னா”தி ஸல்லிக்²னட்டே²ன. “அந்தக்ரணட்டே²னா”தி பரியோஸானக்ரணட்டே²ன. “அபி சா”திஆதி³ தீ³பனீனயத³ஸ்ஸனங். “கோஸல்ல ஸம்பூ⁴தட்டே²னா”தி மஹாஅட்ட²கதா²னயோ. தத்த², குஸலஸ்ஸ பண்டி³தஸ்ஸ பா⁴வோ ஏகாஸல்லங். ஞாணங். தேன ஸம்பூ⁴தங் ஸஞ்ஜாதங் கோஸல்ல ஸம்பூ⁴தங் திவிக்³க³ஹோ.

44. “ப³லவகம்மேனா”தி திஹேது குக்கட்ட² கம்மேன. “து³ப்³ப³ல கம்மேனா”தி திஹேதுகோமகேன வா த்³விஹேதுக குஸல கம்மேன வா. “கேஹிசி ஆசரியேஹி”தி மோரவாபி வாஸீ மஹாத³த்தத்தே²ரங் ஸந்தா⁴ய வுத்தங். “ஸங்கஹகாரேனா”தி ப⁴த³த³ந்த பு³த³த⁴கோ⁴ஸத்தே²ரேன. “ஸன்னிஹித பச்சயவஸேனா”தி ஆஸன்னே ஸண்டி²தபச்சய வஸேன. பச்சப்பன்ன

பச்சயவஸேனேவாதி வுத்தங் ஹோதி. உபட்டி²தானி கம்மாதீ³னி ஆரம்மணானி. பவத்தானி மஹாவிபாகானி. “அவிபாக ஸபா⁴வதோ”தி அவிபச்சனஸபா⁴வதோ. அவிபாகுப்பாத³னஸபா⁴வதோதி வுத்தங் ஹோதி. “அட்ட²கதா²ய”ந்தி த⁴ம்மஸங்க³ணிட்ட²கதா²யங். “இதா⁴”தி மஹாவிபாகசித்தே. “ததா² அப்பவத்தியா சா”தி தா³னாதி³வஸேன அப்பவத்திதோ ச.

45. மஹாகிரியசித்தே. “உபரீ”தி வீதி²ஸங்க³ஹே ததா³ ரம்மண நியமே. “ஸயமேவா”தி அனுருத்³த⁴த்தே²ரேனேவ. “வக்க²தீ”தி வுச்சிஸ்ஸதி. “யதா²ரஹ”ந்தி கீ²ணாஸவஸந்தானே உப்பன்னானங் மஹாகிரியானங் அரஹானுருபங். பூ⁴தகத²ன விஸேஸனங் தேன நிவத்தேதப்³ஸஸ அத்த²ஸ்ஸ அபா⁴வாதி அதி⁴ப்பாயோ. “தங்”தி ஸஹேதுகக்³ஹணங். “ப்³யவச்சே²த³கவிஸேஸன”ந்தி அஹேதுக விபாககிரிய சித்தானஞ்ச ஸப்³பா⁴வாதப்பஸங்க³ஸ்ஸ அவச்சே²த³கங் விஸேஸனங். “யதா² ஸக்க²ர கத²லிகங்பி மச்ச²கு³ம்பங்பி திட்ட²ந்தங்பி சரந்தங்பி பஸ்ஸதீ”தி வசனே ஸக்க²ர கத²லிகங் திட்ட²ந்தங், மச்ச²கு³ம்பங் திட்ட²ந்தங்பி சரந்தங்பி பஸ்ஸதீதி ஏவங் யதா² லாப⁴ யோஜனா ஹோதி. ததா² இத⁴ பீதி.

46. “யதி³த³”ந்தி யா அயங் தீ³பன ஸமத்த²தா, “இத³ங் ஸாமத்தி²ய”ந்தி யோஜனா. அயங் ஸமத்த² பா⁴வோதி அத்தோ². பே⁴த³வசனே சோத³னாயாதி ஸம்ப³ந்தோ⁴. ரசனாகா³தா²யங். “ஏதானீ”தி ஸோப⁴ண காமாவசர சித்தானி. “புஞ்ஞ பாப க்ரியாபே⁴தா³”தி புஞ்ஞ பாப க்ரியபே⁴தே³ன.

47. கதமே த⁴ம்மா காமாவசரா. ஹெட்ட²தோ அவீசினிரயங் பரியந்தங் கரித்வா உபரிதோ பரனிம்மித வஸவத்திதே³வே அந்தோ கரித்வாதி ஏவங் பாளியங் நித்தி³ட்ட²த்தா இத⁴காமஸத்தே³ன ஸஹோகாஸாகாமபூ⁴மி வுச்சதீதி ஆஹ “காமே காமபூ⁴மிய”ந்தி. பரியாபன்னாதி பாட²ஸேஸோ. “க்ரியா சா”தி எத்த² ச ஸத்தோ³ பன ஸத்த³த்தோ². இதி ஸத்தோ³ இச்சேவங் ஸத்த³த்தோ². ஏதேன படிஸித்தா⁴தி ஸம்ப³ந்தோ⁴. “இதா⁴”தி இமஸ்மிங் சித்தஸங்க³ஹே. “தஸ்ஸா”தி ஸப்³பதா²ஸத்த³ஸ்ஸ. ப⁴வோ நாம இந்த³ரிய பத்த³த⁴ஸந்தானக³தோ த⁴ம்ம ஸமூஹோ வுச்சதி. இத⁴ பன காமாவசரா த⁴ம்மாதி பதே³ காமஸத்தோ³. ஸோ ச பத²வி பப்³பதாதீ³ஹி ஸத்தி³த⁴ங் ஸப்³பங் காமபூ⁴மிங் வத³தீதி வுத்தங் “பூ⁴மிபரியாயோ சா”திஆதி³. “இந்த³ரியானிந்த³ரியபத்த³த⁴ த⁴ம்ம ஸமூஹோ”தி இந்த³ரியபத்த³த⁴ த⁴ம்ம ஸமூஹோ ஸத்தஸந்தானக³தோ, அனிந்த³ரியபத்த³த⁴ த⁴ம்ம ஸமூஹோ பத²வி பப்³பதாதி³ க³தோ. தத்த² ஜீவிதிந்த³ரியேன அனாபத்த³தோ⁴ அனாயத்தோ அனிந்த³ரியபத்த³தோ⁴தி.

இதிகாமசித்தஸங்க³ஹதீ³பனியாஅனுதீ³பனா நிட்டி²தா.

48. ரூபாவசரசித்தே. “ஸமுதி³தேனா”தி பஞ்சங்க³ ஸமுதி³தேன. பஞ்சன்னங் அங்கா³னங் ஏகதோ ஸாமக்³கி³பூ⁴தேனாதி அத்தோ². பஞ்சன்னஞ்ஹி ஏகதோ ஸாமக்³கி³யங் ஸதியேவ அப்பனா ஹோதி, நோ அஸதி. ஸாமக்³கி³யந்தி ச ஸுட்டு² ப³லவதாய ஸமக்³க³பா⁴வேதி அத்தோ². “படிபஜ்ஜிதப்³ப்த்தா”தி பத்தப்³ப்த்தா. ஜா²னங் து³வித⁴ங் ஆரம்மணாபனிஜ்ஜா²னஞ்ச லக்க²ணா பனிஜ்ஜா²னஞ்சாதி ஆஹ “கஸிணாதி³கஸ்ஸா”திஆதி³ங். இத⁴ பன ஆரம்மணாபனிஜ்ஜா²னங் அதி⁴ப்பேதங். உபனிஜ்ஜா²னந்தி ச கஸிண நிமித்தாதி³கங் ஆரம்மணங் சேதஸா உபக³ந்த்வானிஜ்ஜா²னங் ஓலோகனங். ஜா²னஸத்³த³ஸ்ஸஜா²பனத்தோ²பி ஸம்ப⁴வதீதி வுத்தங் “பச்சனீக த⁴ம்மானஞ்ச ஜா²பனதோ”தி. அக்³கி³னா விய கட்டா²னங் கிலேஸானங் த³ய்ஹனதோதி அத்தோ². ஏகக்³க³தா ஏவ ஸாதிஸ்ஸய யுத்தா அப்பனாபத்தகாலேதி அதி⁴ப்பாயோ. புப்³ப³பா⁴கே³ பன பத²மஜ்ஜா²னே விதக்கஸ்ஸ ப³லவபா⁴வோ இச்சி³தப்³போ³. “ஸாஹி”திஆதி³னா தத³த்த²ங் விவரதி. ஸாஹி ஏகக்³க³தாதி ச வுச்சதீதி ஸம்ப³ந்தோ⁴. ஏகோ அத்தாஸபா⁴வோ அஸ்ஸாதி ஏகத்தங். ஏகத்தங் ஆரம்மணமஸ்ஸாதி ஏகத்தா ரம்மணா. ஏகக்³க³தா. தஸ்ஸ பா⁴வோதி விக்³க³ஹோ.

அக்³க³ஸத்³தோ³ கோடி அத்தோ². கொட்டா²ஸட்டோ²வா. “ததா² பவத்தனே”தி சித்தஸ்ஸ ஏகக்³க³பா⁴வேன பவத்தியங். “ஆதி⁴ப்பச்சகு³ணயோகே³னா”தி அதி⁴பதிபா⁴வகு³ணயோகே³ன. இந்த³ரியபச்சயதாகு³ணயோகே³னாதி வுத்தங் ஹோதி. ஸாயேவ ஏகக்³க³தா ஏகக்³க³தா, ஸமாதீ⁴தி ச வுச்சதீதி ஸம்ப³ந்தோ⁴. “ஸமாதீ⁴”தி பத³ஸ்ஸ-ஸங்-ஆதீ⁴-தி-வா, ஸமஆதீ⁴-தி-வா, த்³விதா⁴ பத³ச்சே²தோ³. தத்த² ஸங்உபஸக்³கோ³ ஸம்மாஸத்³த³தோ². ஸமஸத்³தோ³ பன த⁴ம்மேன ஸமேன ரஜ்ஜங் காரேதீதிஆதீ³ஸு விய நாமிகஸத்³தோ³தி த்³விதா⁴ விகப்பங் த³ஸ்ஸெந்தோ “ஸாயேவ சித்த”ந்திஆதி³மாஹ. ஸாயேவ சித்தங்-ஸம்மா ச ஆதி⁴யதீதி ஸமாதி⁴, ஸாயேவ சித்தங்-ஸமஞ்ச ஆதி⁴யதீதி ஸமாதீ⁴தி த்³விதா⁴ விகப்போ. தத்த² ஸம்மா சாதி ஸுந்த³ரேன. ஆதி⁴யதீதி ஆத³ஹதி. ஆத³ஹனஞ்ச ட²பனமேவாதி வுத்தங் “ட²பேதீ”தி. ஸமஞ்சாதி அவிஸமஞ்ச. “தத்தே²வா”தி தஸ்மிங் ஆரம்மணே ஏவ. “லீனுத்³த⁴ச்சாபா⁴வா பாத³னேனா”தி லீனஸ்ஸ ச உத்³த⁴ச்சஸ்ஸ ச அபா⁴வோ லீனுத்³த⁴ச்சாபா⁴வோ. தஸ்ஸ ஆபாத³னங் ஆபஜ்ஜாபனந்தி விக்³க³ஹோ. விவிதே⁴ன சித்தஸ்ஸ ஸங்ஹரணங் விஸாஹாரோ. ந விஸாஹாரோ அவிஸாஹாரோ. ஸாயேவ ச நித்³தி³ட்டா². இதி ஏவங் இமேஸு த்³வீஸு அத்தே²ஸு ஏகக்³க³தா ஏவ ஸாதிஸ்ஸயயுத்தாதி யோஜேதப்³பங். ஏவங் பன ஸதி, ஏகக்³க³தா ஏவ ஜா²னந்தி வத்தப்³பா³, ந விதக்காத³யோதி சோத³னங் பரிஹரந்தோ “விதக்காத³யோபனா”திஆதி³மாஹ. அபிஸத்³தோ³ ஸம்பிண்ட³னத்தோ². பனஸத்³தோ³ பக்க²ந்தரத்தோ². தஸ்ஸா ஏகக்³க³தாய. “ஸா திஸ்ஸய”ந்தி அதிஸ்ஸயேன ஸஹ. “ஓஸக்கிது”ந்தி ஸங்ஸீதி³துங். “நங்”தி சித்தங். “ஸங்ஸப்பிது”ந்தி ஏவங் நு கோ² அஞ்ஞதா²னு

கோ²தி த்³விதா⁴ சஞ்சலிதுங். “உக்கண்டி²து”ந்தி அஞ்ஞாபி⁴முகீ² ப்⁴விதுங். ஆரமிதுந்தி வுத்தங் ஹோதி. லத்³த⁴ங் ஸாதங் யேனாதி லத்³த⁴ஸ்ஸாதங். “ஸாதங்”தி ஸாரத்தங். “உபப்³ருஹிதங்”தி பு⁴ஸங்வட்³டி⁴தங். “ஸந்த ஸபா⁴வத்தா”தி உபஸந்த ஸபா⁴வத்தா. “ததா² அனுக்³ஹிதா”தி ஆரம்மணாபி⁴முக²கரணாதி³வஸேன அனுக்³ஹிதா . ஸமாதி⁴ஸ்ஸ காமச்சந்த³னீவரணப்படிபக்க²த்தா “ஸயங்...பே... நீவாரெத்வா”தி வுத்தங். “நிச்சலங்²த்வா”தி அப்பனாகிச்சமாஹ.

ஏவங் உபனிஜ்ஜா²னத்த²ங் த்³ஸ்ஸெத்வா ஜா²பனத்த²ங் த்³ஸ்ஸெந்தோ “தேஸு சா”திஆதி³மாஹ. “தப்பச்சனீகா”தி தேஸங் ஜா²னங்க³ த்⁴ம்மானங் பச்சனீகா படிபக்கா². “மனஸ்மிங் பீ”தி மனொத்³வாரேபி. பகே³வ காயவசீத்³வாரேஸுதி ஏவங் ஸம்பா⁴வனத்தோ² செத்த² பிஸத்³தோ³. அபிஸத்³தோ³பி யுஜ்ஜதி. “ஜா²பிதா நாம ஹொந்தீ”தி ஜா²னங்க³ த்⁴ம்மக்³ஹி த்³டா⁴னாம ஹொந்தி. “ஏவங் ஸந்தேபி தேஸங் ஸமுதா³யே ஏவ ஜா²ன வோஹாரோ ஸித்³தோ⁴”தி யோஜனா. “த்⁴ம்ம ஸாமக்³பதா⁴ன”ந்தி ஜா²னட்டா²னே ஜா²னங்க³ த்⁴ம்மானங் மக்³கட்டா²னே மக்³ங்க³ த்⁴ம்மானங் போ³தி⁴ட்டா²னே பொஜ்ஜங்க³ த்⁴ம்மானங் ஸமக்³பா⁴வப்பதா⁴னங்.

ஏவங் ஸங்க³ஹகாரானங் மதியா ஜா²னங் வத்வா இதா³னி அபரேஸானங் மதியா தங் த்³ஸ்ஸெதுங் “அபரே”திஆதி³மாஹ. அபரே பன வத்³ந்தீதி ஸம்ப³ந்தோ⁴. தத்த² “யதா² ஸகங்கிச்சானீ”தி ஸஸ்ஸ இத³ங் ஸகங். ஸஸ்ஸாதி அத்தனோ. இத³ந்தி ஸந்தகங். யானியானி அத்தனோ ஸந்தகானீதி அத்தோ². “இதீ”தி தஸ்மா. “பட்டா²னே ஜா²னபச்சயங் பத்வா...பே... ஸாதெ⁴ந்தியேவ”. வுத்தஞ்ஹி தத்த². ஜா²னபச்சயோதி ஜா²னங்கா³னிஜா²னஸம்பயுத்தகானங் த்⁴ம்மானங் தங் ஸமுட்டா²னானஞ்ச ரூபானங் ஜா²னபச்சயேன பச்சயோ. மக்³கப்பச்சயோதி மக்³ங்கா³னி மக்³கஸம்பயுத்தகானங் த்⁴ம்மானங் தங் ஸமுட்டா²னானஞ்ச ரூபானங் மக்³கப்பச்சயேன பச்சயோதி. “பஞ்சஸமுதி³தாதீ³னீ”தி பஞ்சஸமுஹ த்³ஸஸமுஹானி. “பத்²மஜ்ஜா²னாதி³பா⁴வஸ்ஸேவசா”தி பத்²மஜ்ஜா²னாதி³ நாமலாப⁴ஸ்ஸேவசாதி அதி⁴ப்பாயோ. “ஜா²னபா⁴வஸ்ஸா”தி ஜா²னநாமலாப⁴ஸ்ஸ. “ததா²வித⁴கிச்சவிஸேஸாபா⁴வா”தி ததா²விதா⁴னங் ஆரம்மணாபி⁴னிரோபனாதீ³னங் கிச்ச விஸேஸானங் அபா⁴வதோ.

49. “எத்த² ஸியா”தி ஏதஸ்மிங் டா²னே புச்சா²ஸியா. “அங்க³ பே⁴தோ³”தி பத்²மஜ்ஜா²னே பஞ்ச அங்கா³னி, து³தீயஜ்ஜா²னே சத்தாரி அங்கா³னீ திஆதி³கோ அங்க³பே⁴தோ³. “புக்³லஜ்ஜா²ஸயேனா”தி புக்³லஸ்ஸ இச்சா²விஸேஸேன. இதி அயங் விஸஜ்ஜனா. “ஸோ”தி ஸோ புக்³லோ. “ஹீ”தி வித்தா²ர ஜோதகோ. விதக்கோ ஸஹாயோ யஸ்ஸாதி விதக்கஸஹாயோ. “விதக்கே நிப்³பிந்த³தீ”தி ஓளாரிகோவதாயங் விதக்கோ, நீவரணானங் ஆஸன்னே டி²தோதி

ஏவங் விதக்கே ஆதீனவங் திஸ்வா நிப்பிந்ததி. தஸ்ஸ அஜ்ஜாஸயோதி
 ஸம்பந்தோ⁴. விதக்கங் விராஜேதி விக்மேதி அதிகமாபேதீதி
 விதக்கவிராகோ³. விதக்கவிராகோ³ ச ஸோ பா⁴வனா சாதி ஸமாஸோ.
 “உத்தருத்தரஜ்ஜா²னாதி⁴க³மனே”தி உத்தரி உத்தரிஜா²னப்படிலாபே⁴.
 அஜ்ஜாஸய ப³லேன பாத³கஜ்ஜா²னஸதி³ஸங் ந ஹோதீதி ஸம்பந்தோ⁴.
 சேதோபணிதி⁴ இஜ்ஜதீதி ஸம்பந்தோ⁴. “விஸுத்த⁴த்தா”தி
 ஸீலவிஸுத்த⁴த்தா.

50. ஸங்கா²ர பே⁴த³விசாரணாயங். “ஸங்கா²ர பே⁴தோ³ ந வுத்தோ”தி
 பத²மஜ்ஜா²ன குஸல சித்தங் அஸங்கா²ரிகமேகங்,
 ஸஸங்கா²ரிகமேகந்திஆதி³னா ந வுத்தோதி அதி⁴ப்பாயோ. “ஸோ”தி ஸங்கா²ர
 பே⁴தோ³. “ஸித்த⁴த்தா”தி ஸங்கா²ர பே⁴த³ஸ்ஸ ஸித்த⁴த்தா. கத²ங்
 ஸித்தோ⁴தி ஆஹ “ததா²ஹீ”திஆதி³ங். ஸுகா² படிபதா³ யேஸங் தானி
 ஸுக²ப்படிபதா³னி. தேஸங் பா⁴வோதி விக்³க³ஹோ. “யோ”தி யோகீபுக்³க³லோ.
 “ஆதி³தோ”திஆதி³ம்ஹி. “விக்³க²ம்பெ⁴ந்தோ”தி விமோசெந்தோ வியோக³ங்
 கரொந்தோ. து³க்கே²ன விக்³க²ம்பெ⁴தீதி ஸம்பந்தோ⁴.
 “காமாதீ³னவத³ஸ்ஸனாதி³னா”தி அங்கா³ரகாஸூ
 பமாகாமாப³ஹுது³க்கா³ப³ஹுபாயாஸா, ஆதீனவோ எத்த²பி⁴ய்யோதிஆதி³னா
 காமேஸுஆதீனவங் திஸ்வா. ஆதி³ஸத்தே³ன விதக்காதீ³ஸு
 ஆதீனவத³ஸ்ஸனங் ஸங்க³ய்ஹதி. “தேனேவா”தி காமாதீ³னவத³ஸ்ஸனாதி³னா
 ஏவ. எத்த² அபி⁴ஞ்ஞாபே⁴தே³ன ஸங்கா²ர பே⁴தோ³ ந வத்தப்³போ³, படிபதா³
 பே⁴தே³னேவ வத்தப்³போ³தி த³ஸ்ஸேதுங்
 “கி²ப்பாபி⁴ஞ்ஞஜ்ஜா²னானங்”திஆதி³ வுத்தங். தத்த², அபி⁴ஜானநங்
 அபி⁴ஞ்ஞா. கி²ப்பாஸீகா⁴ அபி⁴ஞ்ஞா யேஸங் தானி கி²ப்பாபி⁴ஞ்ஞானி.
 தந்தா⁴ அஸீகா⁴ அபி⁴ஞ்ஞா யேஸங் தானி தந்தா⁴பி⁴ஞ்ஞானி.
 ஜா²னானி. “யதி³ ஏவ”ந்தி ஏவங் படிபதா³ பே⁴தே³ன ஸங்கா²ர பே⁴தோ³ யதி³
 ஸியாதி அத்தோ². “வளஞ்ஜனகாலே”தி ஸமாபத்தி ஸமாபஜ்ஜனகாலே.
 படிபந்த⁴கா நாம அந்தராயிகா. “ஸன்னிஹிதாஸன்னிஹிதவஸேனா”தி
 ஆஸன்னே ஸண்டி²தாஸண்டி²தவஸேன. ஸுத்த⁴ங் விபஸ்ஸனாயானங்
 யேஸங் தே ஸுத்த⁴விபஸ்ஸனாயானிகா. “ஸுத்த⁴ங்”தி ஸமத²ஜ்ஜா²னேன
 அஸம்மிஸ்ஸங். “ஸுத்தே²ன ஹனித்வா”தி பரே ந ஸுத்தே²ன ஹனந்தோ
 சிந்த³னதோ. “ஸஹஸா”தி ஸீக⁴தரேன. “மரந்தானங் உப்பன்னங்”தி
 மரணாஸன்னகாலே உப்பன்னங் அதி⁴ப்பாயோ. அனாகா³மினோ ஹி
 ஸுத்த⁴ விபஸ்ஸனாயானிகாபி ஸமானா ஸமாதி⁴ஸ்மிங் பரிபூரகாரினோ
 நாம ஹொந்தி. இச்சந்தே ஸுஸதி கிஞ்சி நிமித்தங் ஆரப்³ப⁴மனஸிகார
 மத்தேனபி ஜா²னங் இஜ்ஜதி. தேனாஹ “தங்பி மக்³க³ஸித்த⁴க³திக”ந்தி.
 “ருபீப்³ரஹ்மலோகே”தி இத³ங் அட்ட²ன்னங் ஸமாபத்தீனங்பி தத்த²
 பாகதிகபா⁴வங் ஸந்தா⁴ய வுத்தங். அருபீ ப்³ரஹ்மலோகே பன ஏகா ஏவ
 ஸமாபத்தி பாகதிகாஸம்ப⁴வதி. உபபத்திஸித்த⁴ஜ்ஜா²னானங் ப⁴வந்தரே

ஸன்னிஹித பச்சயபே⁴தே³ன ஸங்கா²ர பே⁴தோ³ வுத்தோ, ஸோ கத²ங் பச்சேதப்³போ³தி ஆஹ “ஏகஸ்மிங் ப⁴வேபி...பே... யுத்தானி ஹோந்தீ”தி. ஏகஸ்மிங் ப⁴வேஸப்³ப்பத²மங் லத்³த⁴காலே ஸங்கா²ர பே⁴த³ஸ்ஸ ஆஸன்னத்தா வளஞ்ஜனகாலேபி ஸோ ஏவ ஸங்கா²ர பே⁴தோ³ ஸியாதி ஆஸங்காஸம்ப⁴வதோ இத³ங் வுத்தங். தேன ப⁴வந்தரே உபபத்தி ஸித்³த⁴ஜ்ஜா²னானங் ஸன்னிஹித பச்சயபே⁴தே³ன ஸங்கா²ரபே⁴தே³ வத்தப்³மேவ நத்தீ²தி த³ஸ்ஸேதி. இதா³னி தானி மக்³க³ ஸித்³த⁴ஜ்ஜா²ன உபபத்தி ஸித்³த⁴ஜ்ஜா²னானி ஸன்னிஹிதபச்சயங் அனபெக்கித்வா மக்³க³க்க³ண உபபத்திக்க²ணேஸு ஸித்³த⁴காலே ஜா²னுப்பத்தி படிபதா³ய ஏவ ஸப்³ஸோ அபா⁴வங் க³ஹெத்வா அபரங் விகப்பங் த³ஸ்ஸேதுங் “ஜா²னுப்பத்தி படிபதா³ ரஹிதத்தா வா”திஆதி³ வுத்தங். ஏவங் மஹக்³தஜா²னானங் அட்ட²கதா²வஸேன ஸித்³த⁴ங் ஸங்கா²ர பே⁴த³ங் வத்வா இதா³னி பாஸிவஸேனாபி ஸோ ஸித்³தோ⁴ யேவாதி த³ஸ்ஸேதுங் “அபிசா”திஆதி³ ஆரத்³த⁴ங். து³க்க²ப்படிபதா³புப்³பகானங் த்³வின்னங் த³ந்தா⁴பி⁴ஞ்ஞகி²ப்பாபி⁴ஞ்ஞஸமாதீ⁴னங். “எத்தாவதா”தி ஏதங் பரிமாணங் அஸ்ஸாதி எத்தாவங். எத்தாவந்தேன. எத்த² ஸியா, கஸ்மா இத⁴ ஸங்கா²ரபே⁴தோ³ ந வுத்தோதிஆதி³னா வசனக்கமேன ஸித்³தோ⁴ ஹோதீதி ஸம்ப³ந்தோ⁴. ஸேஸங் ஸுவிஞ்ஞய்யங்.

51. விபா⁴வனிபாடே². பரிகம்மங் நாம பத²வீ, பத²வீ, ஆபோ, ஆபோ-திஆதி³கங், ரூபங் அனிச்சங், ரூபங் து³க்க²ங், ரூபங் அனத்தா-திஆதி³கஞ்சபா⁴வனாபரிகம்மங் அதி⁴காரோ நாம புப்³ப³ப⁴வேகதபா⁴வனாகம்மங். புப்³ப³ப⁴வேஜா²னமக்³க³ப²லானிபத்தெ²த்வா கதங் தா³னஸீலாதி³ புஞ்ஞகம்மஞ்ச. “இத³ங் தாவனயுஜ்ஜதீ”தி எத்த² தாவஸத்³தோ³ வத்தப்³ந்தராபெக்க²னே நிபாதோ. தேன அபரங்³பி வத்தப்³ங் அத்தீ²தி தீ³பேதி. புப்³பா³பி⁴ஸங்கா²ரோ து³விதோ⁴ பகதி புப்³பா³பி⁴ஸங்கா²ரோ, பயோக³புப்³பா³பி⁴ஸங்கா²ரோதி. தத்த² பரிகம்ம புப்³பா³பி⁴ஸங்கா²ரோ பகதி புப்³பா³பி⁴ஸங்கா²ரோ நாம, அயங் பகதி பச்சயக³ணோ ஏவ. புப்³பே³ வுத்தோ புப்³ப³பயோகோ³ பயோக³புப்³பா³பி⁴ஸங்கா²ரோ நாம . ஸோ ஏவ இதா⁴தி⁴ப்பேதோதி த³ஸ்ஸேதுங் “நஹி”திஆதி³மாஹ. “அந்தமஸோ”தி அந்திம பரிச்சே²தே³ன. “ஆலோபபி⁴க்கா²” நாம ஏகா லோபபி⁴க்கா². ஸோ பரிகம்மஸங்கா²தபுப்³பா³பி⁴ஸங்கா²ரோ. ஜா²னானி ச ஸப்³பா³னி உப்பன்னானி நாம நத்தீ²தி ஸம்ப³ந்தோ⁴. “இதீ”தி தஸ்மா. “ஸோ”தி பா⁴வனாபி⁴ஸங்கா²ரோ. “தேஸங்”தி ஸப்³பே³ஸங்³பி ஜா²னானங். ந ஹி லோகியஜ்ஜா²னானி நாம...பே... அத்தி², இமேஸங் ஸத்தானங் ஸப்³ப³கப்பேஸுபி கப்பவினாஸகாலே ஜா²னானி பா⁴வெத்வா ப்³ரஹ்மலோக பராயனதா ஸப்³பா⁴வாதி அதி⁴ப்பாயோ. “புப்³பே³ ஸமத²கம்மேஸு கதாதி⁴காரஸ்ஸா”தி

ஆஸன்னப⁴வேகதாதி⁴காரங் ஸந்தா⁴ய வுத்தங். தூ³ரப⁴வே பன
 ஸமத²கம்மேஸு அகதாதி⁴காரோ நாம கோசி நத்தீ²தி. “ஏவமேவா”தி ஏவங்
 ஏவ. விபாகஜ்ஜா²னேஸு ஸங்கா²ர பே⁴த³ஸ்ஸ பு³ப³ கம்மவஸேன
 வத்தப்³புத்தா “குஸல க்ரியஜ்ஜா²னேஸு”தி வுத்தங். “அத²வாதிஆதி³கோ பச்சி²ம
 விகப்போ நாம” அத²வா பு³பா³பி⁴ஸங்கா²ரேனேவ உப்பஜ்ஜமானஸ்ஸ
 நகதா³சி அஸங்கா²ரிகபா⁴வோ ஸம்ப⁴வதீதி அஸங்கா²ரிகந்தி ச,
 ப்³யபி⁴சாராபா⁴வதோ ஸஸங்கா²ரிகந்தி ச ந வுத்தந்தி அயங் விகப்போ. தத்த²
 அஸங்கா²ரிகந்தி ச ந வுத்தந்தி ஸம்ப³ந்தோ⁴. “ப்³யபி⁴சாரா பா⁴வதோ”தி
 அஸங்கா²ரிகபா⁴வேன பஸங்கா³பா⁴வதோ. ஸஸங்கா²ரிகந்தி ச ந வுத்தங்.
 யதி³ வுச்செய்ய. நிரத்த² கமேவதங்⁴வெய்ய. கஸ்மா, ஸம்ப⁴வ
 ப்³யபி⁴சாரானங் அபா⁴வதோ. ஸம்ப⁴வே ப்³யபி⁴சாரே ச. விஸேஸனங்
 ஸாத்த²கங் ஸியாதி ஹி வுத்தங். ந ச நிரத்த²கவசனங் பண்டி³தா வத³ந்தி.
 கஸ்மா, அபண்டி³தலக்க²ணத்தா. ஸதி பன ஸம்ப⁴வே ச ப்³யபி⁴சாரே ச, ததா²
 ஸக்கா வத்துங். கஸ்மா, ஸாத்த²கத்தா. ஸாத்த²கமேவ பண்டி³தா வத³ந்தி.
 கஸ்மா, பண்டி³த லக்க²ணத்தாதி அதி⁴ப்பாயோ.

52. படிபதா³ அபி⁴ஞ்ஞாவவத்தா²னே. “நிமித்துப்பாத³தோ”தி
 படிபா⁴க³னிமித்தஸ்ஸ உப்பாத³தோ. ஸுகா²பன படிபதா³, பச்சா²த³ந்த⁴ங் வா
 கி²ப்பங் வா உப்பன்னங் ஜா²னங் ஸுக²ப்படிபத³ங் நாம கரோதீதி யோஜனா.
 “பு³ப³ப⁴வே”தி ஆஸன்னே பு³ப³ப⁴வே. அந்தராயிகத⁴ம்மா நாம
 ‘கிலேஸந்தராயிகோ ச, கம்மந்தராயிகோ ச, விபாகந்தராயிகோ ச, பஞ்ஞத்தி
 வீதிக்கமந்தராயிகோ ச, அரியூபவாத³ந்தராயிகோ ச. தத்த² திஸ்ஸோ
 நியதமிச்சா²தி³ட்டி²யோகிலேஸந்தராயிகோ நாம. பஞ்சானந்தரிய கம்மானி
 கம்மந்தராயிகோ நாம. அஹேதுக த்³விஹேதுகப்படிஸந்தி⁴விபாகா
 விபாகந்தராயிகோ நாம. பி⁴க்கு² பா⁴வேடி²தானங் வினய பஞ்ஞத்திங்
 வீதிக்கமித்வா அகதப்படிகம்மோ வீதிக்கமோ பஞ்ஞத்திவீதிக்கமந்தராயிகோ
 நாம. படிகம்மேபனகதே அந்தராயிகோ ந ஹோதி. அரியபு³க³லானங்
 ஜாதிஆதி³ஹி உபவதி³த்வா அக்கோஸித்வா அகதப்படிகம்மங் அக்கோஸனங்
 அரியூபவாத³ந்தராயிகோ நாம. இத⁴பி படிகம்மே கதே அந்தராயிகோ ந
 ஹோதி. ஸேஸேஸு தீஸு படிகம்மங் நாம நத்தி². இமே த⁴ம்மா இமஸ்மிங்
 ப⁴வே ஜா²னமக்³கா³னங் அந்தராயங் கரொந்தீதி அந்தராயிகா நாம. தேஹி
 விமுத்தோ அந்தராயிக த⁴ம்ம விமுத்தோ நாம. “கல்யாணப்படிபத்தியங்
 டி²தோ”தி ஸீலவிஸுத்³தி⁴ ஆதி³காய கல்யாணப்படிபத்தியங் பரிபூரண
 வஸேன டி²தோ. “சி²ன்னபலிபோ³தோ⁴”தி ஆவாஸபலிபோ³தா⁴தீ³னி
 த³ஸவிதா⁴னி பலிபோ³த⁴கம்மானி சி²ந்தி³த்வா டி²தோ. “பஹிதத்தோ”தி,
 யந்தங் புரிஸதா²மேன புரிஸபரக்கமேன பத்தப்³புங், ந தங் அபத்வா வீரியஸ்ஸ
 ஸண்டா²னங் ப⁴விஸ்ஸதீதி ஏவங் பவத்தேன ஸம்மப்பதா⁴ன வீரியேன
 ஸமன்னாக³தோ. ஸோ ஹி பஹிதோ பேஸிதோ அனபெக்கி²தோ
 அத்தபா⁴வோ அனேனாதி பஹிதத்தோதி வுச்சதி. “நஸம்பஜ்ஜதீதி நத்தி²”. ஸசே

பஞ்சபதா⁴னியங்க³ஸமன்னாக³தோ ஹோதீதி அதி⁴ப்பாயோ.
பஞ்சபதா⁴னியங்கா³னி நாம ஸத்த³தா⁴ஸம்பன்னதா, அஸா²டெ²ய்யங்,
ஆரொக்³யங், அலீனவீரியதா, பஞ்ஞவந்ததா,தி.

52. விபாகஜ்ஜா²னே. “முது³பூ⁴தங்”தி பா⁴வனா ப³லபரித்தத்தாமந்த³பூ⁴தங்.
மந்த³பூ⁴தத்தா ச து³ப்³புலங். “நானா கிச்சட்டா²னேஸு சா”தி
த³ஸ்ஸனஸவனாதீ³ஸு. “ஹீனேஸுபி அத்தபா⁴வேஸு”தி அஹேதுக
த்³விஹேதுகபுக்³க³லேஸுபி. “அஸதி³ஸங்பீ”தி திஹேதுகுக்கட்ட²ங்பி கம்மங்
அஹேதுகவிபாகங்பி ஜனேதீதிஆதி³னா அஸதி³ஸங்பி விபாகங் ஜனேதி.
“ப⁴வங்க³ட்டா²னேஸு யேவா”தி எத்த² ப⁴வங்க³ ஸத்த³தே³ன
படிஸந்தி⁴ட்டா²ன சுதிட்டா²னானிபி ஸங்க³ய்ஹந்தி. “குஸலஸதி³ஸமேவா”தி
பத²மஜ்ஜா²னகுஸலங் பத²மஜ்ஜா²ன விபாகமேவ ஜனேதி, து³தீயஜ்ஜா²ன
குஸலங் து³தீயஜ்ஜா²ன விபாகமேவ ஜனேதீதிஆதி³னா குஸல ஸதி³ஸமேவ
விபாகங் ஜனேதி. “குஸலமேவ...பே... க்ரியஜ்ஜா²னங் நாம ஹோதி” அபே⁴தூ³
பசாரேனாதி அதி⁴ப்பாயோ. பே⁴த³ம்பி அபே⁴த³ங் கத்வா உபசாரோ
வோஹாரோ அபே⁴தூ³ பசாரோ.

54. ஸங்க³ஹகா³தா² வண்ணனாயங். ஜா²னானங் பே⁴தோ³ ஜா²னபே⁴தோ³.
அத்த²தோ பன ஜா²னேஹி ஸம்பயோக³பே⁴தோ³ ஜா²னபே⁴தோ³தி வுத்தோ
ஹோதீதி ஆஹ “ஜா²னேஹி ஸம்பயோக³பே⁴தே³னா”தி. பத²மஜ்ஜா²னிகங்
சித்தந்திஆதி³னா யோஜேதப்³பங். “தமேவா”தி ரூபாவசர மானஸமேவ.
விபா⁴வனியங் பன உபரிஸங்க³ஹகா³தா²யங் ஜா²னங்க³ யோக³பே⁴தே³ன,
கத்வேகேகந்து பஞ்சதா⁴தி வசனங் தி³ஸ்வா இத⁴ ஜா²ன பே⁴தே³னாதி
ஜா²னங்கே³ஹி ஸம்பயோக³பே⁴தே³னாதி வுத்தங். ஏவங் ஸந்தேபி இத⁴
ஜா²னபே⁴த³ஸ்ஸ விஸுங் அதி⁴ப்பேதத்தா “அஞ்ஞோஹி
ஜா²னபே⁴தோ³”திஆதி³ வுத்தங்.

ரூபாவசரசித்ததீ³பனியாஅனுதீ³பனா நிட்டி²தா.

55. அரூபசித்ததீ³பனியங். “பு⁴ஸோ”தி அதிரேகதரங். “ஸரூபதோ”தி பரமத்த²
ஸபா⁴வதோ. நத்தி² ஜடா எத்தா²தி அஜடோ. அஜடோ ஆகாஸோதி
அஜடாகாஸோ. “பரிச்சி²ன்னாகாஸோ”தி த்³வாரச்சி²த்³த³வாதபானச்சி²த்³தா³தி³கோ
ஆகாஸோ, யத்த² ஆகாஸ கஸிண நிமித்தங் உக்³க³ணஹந்தி. கஸிண நிமித்தங்
உக்³கா⁴டெத்வா லத்³தோ⁴ ஆகாஸோ கஸிணுக்³கா⁴டிமாகாஸோ, கஸிணங்
உக்³கா⁴டேன நிப்³புத்தோ கஸிணுக்³கா⁴டிமோதி கத்வா. ரூபகலாபானங்
பரிச்சே²த³மத்தபூ⁴தோ ஆகாஸோ ரூபபரிச்சே²தா³காஸோ. “அனந்தபா⁴வேன
ப²ரீயதீ”தி சதுரங்கு³லமத்தோபிஸோ அனந்த நாமங் கத்வா
பா⁴வனாமனஸிகாரேன ப²ரீயதி. “தே³வானங் அதி⁴ட்டா²னவத்தூ²”தி
மஹித்³தி⁴கானங் கா³மனக்³ர தே³வானங் ப³லிப்படிக்க³ஹண்டட்டா²னங் வுச்சதி,

யத்த² மனுஸ்ஸா ஸமயே குல தே³வதானங் ப³லிங் அபி⁴ஹரந்தி. “ப³லிங்”தி
பூஜனீய வத்து² வுச்சதி. “தஸ்மிங்”தி கஸிணுக்³கா⁴டிமாகாஸே. “ததே³வா”தி
தங் ஆரம்மணமேவ. குஸலஜ்ஜா²னங் ஸமாபன்னஸ்ஸவா, விபாகஜ்ஜா²னேன
உபபன்னஸ்ஸவா, க்ரியஜ்ஜா²னேன தி³ட்ட²த⁴ம்ம ஸுக² விஹாரிஸ்ஸவா,
தியோஜேதப்³பங். அனந்தந்தி வுச்சதி, யதா²பத²வீகஸிணே பவத்தனதோ ஜா²னங்
பத²வீகஸிணந்தி வுச்சதீதி. “ஏகதே³ஸே”தி உப்பாதே³வா டி²தியங் வா
ப⁴ங்கே³வா. அந்தரஹிதத்தா அனந்தந்தி வுச்சதி. “அனந்த ஸஞ்ஞிதே”தி அனந்த
நாமகே. “அனந்தந்தி பா⁴வனாய பவத்தத்தா”தி இத³ங் பத²மா
ருப்பவிஞ்ஞாணங் அனந்தந்தி ஏவங் புப்³பா⁴க³ பா⁴வனாய பவத்தத்தா.
“அத்தனோ ப²ரணாகார வஸேனா”தி புப்³பா⁴க³பா⁴வனங் அனபெக்கி²த்வாதி
அதி⁴ப்பாயோ. “நிருத்தி நயேனா”தி ஸகத்தே² யபச்சயங் கத்வா
நகாரஸ்ஸலோபேன. “பாளியா நஸமேதீ”தி விப⁴ங்க³ பாளியானஸமேதி.
“அனந்தங் ப²ரதீ”தி அனந்தங் அனந்தந்தி ப²ரதி. “பத²மா
ருப்பவிஞ்ஞாணாபா⁴வோ”தி தஸ்ஸ அபா⁴வ பஞ்ஞத்திமத்தங். “நேவத்தீ²”தி
நத்தி². “அஸ்ஸா”தி சதுத்தா² ருப்பஜ்ஜா²னஸ்ஸ. அத²வாதிஆதீ³ஸு “படுஸஞ்ஞா
கிச்சஸ்ஸா”தி ப்³யத்தஸஞ்ஞா கிச்சஸ்ஸ. “ஸங்கா²ராவஸேஸ
ஸுகு²மபா⁴வேன விஜ்ஜமானத்தா”தி இமஸ்ஸ அத்த²ங் விபா⁴வெந்தோ
“எத்த²சா”திஆதி³மாஹ. “முத்³த⁴பூ⁴தங்”தி மத்த²கபத்தங்.
“தே³ஸனாஸீஸமத்தங்”தி ராஜா ஆக³ச்ச²தீதிஆதீ³ஸு விய பதா⁴ன
கதா²மத்தந்தி வுத்தங் ஹோதி. “தஸ்ஸேவா”தி பத²மா
ருப்பவிஞ்ஞாணஸ்ஸேவ. குஸலபூ⁴தங் பத²மா ருப்பவிஞ்ஞாணங்
புது²ஜ்ஜனானஞ்ச ஸெக்கா²னஞ்ச குஸலபூ⁴தஸ்ஸ
து³தீயாருப்பவிஞ்ஞாணஸ்ஸ ஆரம்மணங் ஹோதி. அரஹா பன திவிதோ⁴.
தத்த², ஏகோபத²மா ருப்பேட²த்வா அரஹத்தங் பத்வா பத²மாருப்பங்
அஸமாபஜ்ஜித்வாவ து³தீயா ருப்பங் உப்பாதே³தி. தஸ்ஸ குஸலபூ⁴தங் பத²மா
ருப்பங் க்ரியபூ⁴தஸ்ஸ து³தீயா ருப்பஸ்ஸ ஆரம்மணங். ஏகோபத²மா
ருப்பேட²த்வா அரஹத்தங் பத்வா புன தமேவ பத²மா ருப்பங் ஸமாபஜ்ஜித்வா
து³தீயா ருப்பங் உப்பாதே³தி. ஏகோ து³தீயா ருப்பேட²த்வா அரஹத்தங் க³ச்ச²தி.
தேஸங் த்³வின்னங் க்ரியபூ⁴தங் பத²மா ருப்பவிஞ்ஞாணங் க்ரியபூ⁴தஸ்ஸேவ
து³தீயாருப்பஸ்ஸ ஆரம்மணங். தேனாஹ “விஞ்ஞாணங் நாமா”திஆதி³ங்.

அருபசித்தானுதீ³பனா.

57. லோகுத்தரசித்தே. “ஜலப்பவாஹோ”தி உத³கதா⁴ராஸங்கா⁴டோ.
“பப⁴வதோ”திஆதி³பவத்திட்டா²னதோ. “யதா²ஹா”தி கத²ங் பாளியங் ஆஹ.
“ஸெய்யதி²த³”ந்தி ஸோ கதமோ. “அயங் பீ”தி அயங் அரியமக்³கோ³பி.
ஏகசித்தக்க²ணிகோ அரியமக்³கோ³, கத²ங் யாவ அனுபாதி³ஸேஸ
நிப்³பா³னதா⁴துயாஸவதி ஸந்த³தீதி ஆஹ “ஆனுபா⁴வப்ப²ரணவஸேனா”தி.
பாளியங் க³ங்கா³தீ³னி பஞ்சன்னங் மஹானதீ³னங் நாமானி. “ஸமுத்³த³

நின்னா”தி மஹாஸமுத்³தா³பி⁴முக²ங் நின்னா நமிதா. “போணா”தி அனுபதிதா. “பப்³பா⁴ரா”தி அதோ⁴வாஹிதா. “கிலேஸானங்”தி அனுபக³மனே கம்மபத³ங். பாளியங் “க⁴டோ”தி உத³க புண்ணக⁴டோ. “நிகுஜ்ஜோ”தி அதோ⁴முக²ங் ட²பிதோ. “நோபச்சாவ மதீ”தி புன நோகி³லதி. “ந புனேதீ”தி ந புன ஏதி நுபக³ச்ச²தி அரியஸாவகோ. “ந பச்சேதீ”தி ந படி ஏதி. தத³த்த²ங் வத³தி “ந பச்சாக³ச்ச²தீ”தி. ஏவங் தங் அனிவத்தக³மனங் பாளிஸாத⁴கேஹி தீ³பெத்வா இதா³னி யுத்திஸாத⁴கேஹி பகாஸேதுங் “யதா² சா”திஆதி³மாஹ. “யதோ”தி யங் காரணா. “தே”தி புது²ஜ்ஜனா. “து³ஸ்ஸீலா”தி நிஸ்ஸீலா. “உம்மத்தகா”தி பித்தும்மத்தகா. “கி²த்த சித்தா”தி ச²ட்டிதபகதி சித்தாயக்கு²ம்மத்தகா. “து³ப்பஞ்ஞா”தி நிப்பஞ்ஞா. “ஏளமுகா³”தி து³ப்பஞ்ஞதாய ஏவ பக்³க⁴ரிதலால முக² முகா³. “தஸ்மிங் மக்³கே³ ஏவா”தி அட்ட²ங்கீ³கே அரியமக்³கே³ ஏவ. ஸோ பன மக்³கோ³ பத²ம மக்³கோ³, து³தீய மக்³கோ³, ததீய மக்³கோ³, சதுத்த² மக்³கோ³,தி சதுப்³பி³தோ⁴ ஹோதி. “ஆதி³தோ பஜ்ஜனங்”தி சதுஸு மக்³கே³ஸு ஆதி³ம்ஹி பத²ம மக்³க³ஸோதஸ்ஸ பஜ்ஜனங் க³மனங். படிலாபோ⁴தி வுத்தங் ஹோதி. “ஸோதாபத்தியா”தி ஸோதஸ்ஸ ஆபஜ்ஜனேன. “அதி⁴க³ம்மமானோ”தி படிஸப்³ப⁴மானோ. ஸப்³பே³ போ³தி⁴பக்³கிய த⁴ம்மா அனிவத்த க³தியா பவத்தமானா ஸோதோதி வுச்சந்தீதி ஸம்ப³ந்தோ⁴. ஸம்போ³தி⁴ வுச்சதி சதுஸு மக்³கே³ஸு ஞாணங். உபரிஸம்போ³தி⁴ ஏவ பராயனங் யேஸங் தே உபரிஸம்போ³தி⁴ பராயனா. பராயனந்தி ச படிஸரணங். கத²ங் ஸோதாபத்தி வசனங் மக்³கே³ன ஸமானாதி⁴கரணங் ஹோதீதி வுத்தங் “பத²ம மக்³க³ ஸங்கா²தாய ஸோதாபத்தியா”திஆதி³. “மக்³கே³தீ”தி க³வேஸதி. மாரெந்த க³மனோனிருத்தினயேன மக்³கோ³தி ஸிஜ்ஜ²தீதி வுத்தங் “கிலேஸே மாரெந்தோ க³ச்ச²தீதி மக்³கோ³”தி.

58. ஸகதா³கா³மி மக்³கே³. “ஸகிங் ஆக³ச்ச²தீ”தி இதோக³ந்த்வா புன இத⁴ ஆக³ச்ச²தீதி அத்தோ². “ஸீலேனா”தி பகதிஸபா⁴வேன. காமலோகங் ஆக³ச்ச²ந்தி ஏதேஹிதி காமலோகாக³மனா. கிலேஸா. தேஸங் ஸப்³பா⁴வேன விஜ்ஜமானபா⁴வேன. பாளியங் “ஏகச்சஸ்ஸ புக்³க³லஸ்ஸா”தி கத்து அத்தே²ஸாமிவசனங். ஏகச்சேன புக்³க³லேன அப்பஹீனா நீதி ஸம்ப³ந்தோ⁴. “ஸஹப்³யதங்”தி ஸஹாயபா⁴வங். “ஆகா³மீஹோதீ”தி வத்வா தமேவத்த²ங் வத³தி “ஆக³ந்த்வா இத்த²த்த”ந்தி. ஆக³ச்ச²தி ஸீலேனாதி ஆக³ந்த்வா. இத்த²ங் பா⁴வோ இத்த²த்தங். இமங் காமத்தபா⁴வங் ஆக³ந்த்வா, தஸ்மா ஆகா³மீ நாம ஹோதீதி யோஜனா. “அயஞ்ச அத்தோ²”தி படிஸந்தி⁴வஸேன ஸகிங் இமங் லோகங் ஆக³ச்ச²தீதிஆதி³கோ அத்தோ². “கிலேஸ க³திவஸேனா”தி காமலோகா க³மன கிலேஸ க³திவஸேன. மக்³க³ஸஹாயேன ஜா²னேன விக்க²ம்பி⁴தா கிலேஸா மக்³கே³ன ஸமுச்சி²ன்ன க³திகா ஹோந்தி. அயங் மக்³க³ஸஹாயோஜா²னானுபா⁴வோ நாம. தேனாஹ “ந ஹி”திஆதி³ங். “தே³வலோகதோ”தி எத்த² ப்³ரஹ்மலோகோபி ஸங்க³ஹிதோ. பச்சி²மஸ்மிங் பன அத்தே² ஸதீதி யோஜனா. ஆக³மனஸ்ஸீலோ ஆக³ந்த்வா. ந ஆக³ந்த்வா

அனாக³ந்த்வா. “தேனா”தி அனாக³மனேன. “நானத்தா² ஸம்ப⁴வதோ”தி த³வீஸு
இத்த²த்தஸத்³தே³ஸு ஏகஸ்மிங் இமங் காமாவசர லோகந்தி ஏகஸ்மிங் இமங்
மனுஸ்ஸ லோகந்தி ஏவங் நானத்தா²னங் அஸம்ப⁴வதோ. பானியங் “ஸப்³யா
ப³ஜ்ஜோ²”தி சேதோது³க்க² ஸங்கா²தேன சேதஸிகரோகா³ பா³தே⁴ன ஸஹிதோ.
தேனாஹ “தேஹி படிகா⁴னுஸயஸ்ஸா”திஆதி³ங். தத்த² “தே”தி புது²ஜ்ஜன
ஸோதாபன்ன ஸகதா³கா³மினோ. ஸப்³யா ப³ஜ்ஜா²னாமாதி ஸம்ப³ந்தோ⁴.
“பச்சி³மஸ்ஸ வாக்யஸ்ஸா”தி ஆக³ந்த்வா இத்த²த்தங் ஸோதாபன்ன
ஸகதா³கா³மினோ தேன த³ட்ட²ப்³பா³தி வாக்யஸ்ஸ. “த³வீஸு
ஸகதா³கா³மீஸு”தி ஆக³ந்த்வா இத்த²த்தந்தி வுத்தத்தா தேன அத்தே²ன
ஸகதா³கா³மினாமகேஸு த³வீஸு ஸோதாபன்ன ஸகதா³கா³மீஸு.
“புரிமஸ்ஸா”தி ஸோதாபன்னஸ்ஸ. “அனஞ்ஞ ஸாதா⁴ரணே நேவா”தி து³தீய
ப²லட்டா²தீ³ஹி அஸாமஞ்ஞேனவ. ப்³ரஹ்மலோகேடி²தானங்
ஸோதாபன்னானங் ஸத்தக்க²த்து பரம தாதி³பா⁴வோ நத்தி² விய து³தீய
ப²லட்டா²னங் ஸகதா³கா³மி பா⁴வோபி நத்தி². தேனாஹ “பத²ம து³தீய
ப²லட்டா²பீ”திஆதி³ங். “தஸ்மா”திஆதி³ லத்³த⁴கு³ணவசனங். “இதி கத்வா”தி
இமினா காரணேன. “ஹெட்டு² பருபபத்திவஸேனா”தி உபரிதோ ஆக³ந்த்வா
ஹெட்டு²பபத்தி ச, ஹெட்ட²தோ ஆக³ந்த்வா உபருபபத்தி சாதி ஏவங்
ஹெட்டு²பருபபத்திவஸேன. “ஏவஞ்ச கத்வா”திஆதி³ து³தீய லத்³த⁴
கு³ணவசனங். “பஞ்சன்னங் இத⁴ நிட்டா²”தி பஞ்சன்னங் புக்³கலானங் இத⁴
காமலோகே நிட்டா² அனுபாதி³ஸேஸ நிப்³பா³னபத்தீதி வுத்தங் ஹோதி. “ஸோ
பனா”தி ஸகதா³கா³மி புக்³கலோ பன. யேஸங் பன அட்ட²கதா² சரியானங்
அத்தோ², தேஸங் அத்தே²ஸோ ஸகதா³கா³மி புக்³கலோ பஞ்சவிதோ⁴வ
வுத்தோ, ந ச²ட்டோ² புக்³கலோதி யோஜனா. யேஸங் பன இமங் லோகந்தி
அத்தோ², தேஸங் அத்தே² ச²ட்டோ²பி லப்³ப⁴தீதி த³ஸ்ஸேதுங்
“மஹாபரினிப்³பா³ன...பே... ஆக³தோ யேவா”தி வுத்தங். தத்த² “ஸகிங்
ஆக³மனட்டே²ன ஆக³தோ யேவா”தி ஸகிங் ஆக³மனட்டே²ன ஸகதா³கா³மீஸு
ஆக³தோயேவ. ஸப்³ப³ஞ்ஞு பு³த்தா⁴பி பத²ம ப²லட்ட² பூ⁴தா ஸத்தக்க²த்து
பரமதாயங் ஸண்டி²தா வியாதி யோஜனா. எத்த² ச “ஸத்தக்க²த்துபரமதாயங்”தி
ஸத்தக்க²த்து பரமபா⁴வே. இத³ஞ்ச நித³ஸ்ஸன வசனமத்தங். ஸப்³ப³ஞ்ஞு
பு³த்தா⁴பி து³தீய ப²லட்ட²பூ⁴தா ஸகிங் ஆக³மனப்பகதியங் ஸண்டி²தாயேவ
ஹோந்தி. கஸ்மா, தஸ்மிங் க²ணே தங் ஸபா⁴வானதி வுத்தனதோதி
அதி⁴ப்பாயோ. ஸப்³போ³பி ஸோ ச²ப்³பீ³தோ⁴ புக்³கலோ இத⁴...பே...
த³ட்ட²ப்³போ³. ஏதேன யங் வுத்தங் விபா⁴வனியங் பஞ்சஸு ஸகதா³கா³மீஸு
பஞ்சமகோவ இதா⁴தி⁴ப்பேதோதி. தங் படிக்கி²த்தங் ஹோதி. கஸ்மா,
பஞ்சமகோ ஏவ இத⁴ ஸகதா³கா³மிபதே³ அதி⁴ப்பேதேஸதி இதரே சத்தாரோ
கத்த² அதி⁴ப்பேதா ஸியுந்தி வுத்தப்³ப³த்தா. ஜனகபூ⁴தோ ஸமானோ.
“ஞாயாக³தா ஏவா”தி யுத்திதோ பரம்பரா³தா ஏவ. தேனாஹ “யதா²”திஆதி³ங்.
“அவிருத்தோ⁴”தி ஞாயேன அவிருத்தோ⁴.

59. ஓரம்பா⁴கோ³ நாம ஹெட்டா²பா⁴கோ³ காமலோகோ. ஓரம்பா⁴கா³ய ஸங்வத்தந்தீதி ஓரம்பா⁴கி³யானி காமராக³ ப்³யாபாத³ ஸங்யோஜனாதீ³னி. “ஸோ”தி அனாகா³மி புக்³க³லோ.

60. மஹப்ப²லங் கரொந்தி ஸீலேனாதி மஹப்ப²ல காரினோ. தேஸங் பா⁴வோ “மஹப்ப²ல காரிதா”. ஸீலாதி³ கு³ணோ. “அரஹதீ”தி படிக்³க³ஹிதுங் அரஹதி. “அரஹதோ”தி அரஹந்தஸ்ஸ. “நிப்³ப³சனங்”தி நிருத்தி. விக்³க³ஹ வாக்க்யந்தி வுத்தங் ஹோதி. ஸுத்³தி⁴கஸுஞ்ஞதாய ததா² ந வசித்தானி, ஸுஞ்ஞதப்படிபதா³ய ததா² ந வசித்தானி³ஆதி³னா யோஜேதப்³ப³ங். தத்த² “ஸுத்³தி⁴க ஸுஞ்ஞதாயா”தி ஸுத்³தி⁴கஸுஞ்ஞதவாரே. “ஸுஞ்ஞதப்படிபதா³யா”தி ஸுஞ்ஞதப்படிபதா³வாரே. “ஸச்ச ஸதிபட்டா²ன விப⁴ங்கே³ஸு பனா”தி ஸச்ச விப⁴ங்க³ ஸதிபட்டா²ன விப⁴ங்கே³ஸு பன, ஸப்³ப³ங் சித்த வட்³ட்⁴னங் பாளி அட்ட²கதா²ஸு தே³ஸனாவாரே விசாரெத்வா வேதி³தப்³ப³ங்.

61. ப²லசித்தே . ஸோதாபத்தியா அதி⁴க³தங் ப²லங் ஸோதாபத்தி ப²லங். தத்த² “அதி⁴க³தங்”தி படிலத்³த⁴ங். அட்ட²ங்கீ³க ப²லங் ஸந்தா⁴ய “தேன ஸம்பயுத்த”ந்தி வுத்தங். “நிருத்தீ”தி விக்³க³ஹோ.

62. தனுபூ⁴தேபி காதுங் ந ஸக்கோதி, குதோ ஸமுச்சி²ந்தி³துங். “தானீ”தி இந்த³ரியானி. “படு நீ”திதிக்கா²னி. “ஸோ”தி சதுத்த² மக்³கோ³. “தா சா”தி ரூபராக³, அரூபராக³, மான, உத்³த⁴ச்ச, அவிஜ்ஜாத³யோ ச. “அஞ்ஞே சா”தி தேஹி த³ஸஹி ஸங்யோஜனேஹி அஞ்ஞே அஹிரிகானொத்தப்பாதி³கே, ஸப்³பே³பி பாப த⁴ம்மே ச.

63. கிரிய சித்த விசாரணாயங். ந க³ஹிதங் இதி அயங் புச்சா². அபா⁴வா இதி அயங் விஸஜ்ஜனாதி³ஆதி³னா யோஜேதப்³ப³ங். “அஸ்ஸா”தி கிரியானுத்தரஸ்ஸ. “நிரனுஸயஸந்தானேபீ”தி அனுஸய ரஹிதே அரஹந்த ஸந்தானேபி. “இதீ”தி வாக்க்ய பரிஸமாபனமத்தங். “வுச்சதே”தி விஸஜ்ஜனா கதீ²யதே. புன அனுப்பஜ்ஜனங் அனுப்பாதோ³. அனுப்பாதோ³ த⁴ம்மோ ஸபா⁴வோ யேஸங் தே அனுப்பாத³ த⁴ம்மா. தேஸங் பா⁴வோதி விக்³க³ஹோ. விபாகஞ்ச ஜனேதீதி ஸம்ப³ந்தோ⁴. கத²ங் ஜனேதீதி ஆஹ “குஸல...பே... கத்வா”தி. தத்த², “கத்வா”தி ஸாதெ⁴த்வா. ஸசேபி கரெய்யாதி யோஜனா. “கோசீ”தி அப்³யத்தோ கோசி அரியஸாவகோ. ததா³ ப²ல சித்தமேவ பவத்தெய்யாதி ஸம்ப³ந்தோ⁴. “படிபா³ஹிதுங் அஸக்குணெய்யோ”தி அப்படிபா³ஹியோ ஆனுபா⁴வோ அஸ்ஸாதி ஸமாஸோ.

64. “ஆதி³ அந்த பதே³ஸ்வே வா”திஆதி³ம்ஹி த்³வாத³ஸா குஸலானீதி ச, அந்தே க்ரிய சித்தானி வீஸதீதி ச பதே³ஸு. ரூபே பரியா பன்னானி சித்தானி. அரூபே பரியா பன்னானி சித்தானி. “பத²மாய பூ⁴மியா பத்தியா”தி

பத²மபூ⁴மிங் பாபுணிதுங். “ஸாமஞ்ஞ ப²லங் அதி⁴ப்பேதந்தி வுத்தங்”
அட்ட²ஸாலினியங். அத்த²தோ பன த⁴ம்ம விஸேஸோதி ஸம்ப³ந்தோ⁴.
மக்³க³ ப²ல நிப்³பா³ன ஸங்கா²தோ த⁴ம்ம விஸேஸோ லோகுத்தரபூ⁴மி
நாமாதி யோஜனா. அவத்தா² பூ⁴மி ஏவ நிப்பரியாயபூ⁴மி. கஸ்மா, அவத்தா²
வந்தானங் த⁴ம்மானங் ஸருபதோ லத்³த⁴த்தா. இதரா ஓகாஸபூ⁴மி
நிப்பரியாய பூ⁴மி ந ஹோதி. கஸ்மா, பஞ்ஞத்தியா மிஸ்ஸகத்தா.
“த⁴ம்மானங் தங் தங் அவத்தா² விஸேஸவஸேனேவ ஸித்³தா⁴”தி ஏதேன
அவத்தா² பூ⁴மி ஏவ பதா⁴ன பூ⁴மீதி த³ஸ்ஸேதி. காமதண்ஹாய
விஸயபூ⁴தோ ஓளாரிகாகாரோ காமாவசரதா நாம. ப⁴வதண்ஹாய
விஸயபூ⁴தோ மஜ்ஜி²மாகாரோ ரூபாரூபாவசரதா நாம. தாஸங் தண்ஹானங்
அவிஸயபூ⁴தோ ஸண்ஹ ஸுகு²மாகாரோ லோகுத்தரதா நாம. ஹீனானங்
அகுஸல கம்மானங் வஸேன ஹீனா அபாயபூ⁴மியோ. பணீதானங் குஸல
கம்மானங் வஸேன பணீதா ஸுகு³தி பூ⁴மியோ. தத்த² ச நானா அகுஸல
கம்மானங் வா நானா குஸல கம்மானங் வா ஓளாரிக ஸுகு²மதா வஸேன
நானா துக்³க³தி பூ⁴மியோ நானா ஸுகு³தி பூ⁴மியோ ச ஸித்³தா⁴ ஹோந்தீதி
இமமத்த²ங் த³ஸ்ஸேதுங் “அபி சா”திஆதி³மாஹ.

65. கா³தா²ய புப்³புத்³த⁴ங் நாம-இத்த² மேகூன நவுதி, ப்பபே⁴த³ங் பன
மானஸந்தி பாத³த்³வயங். அபரத்³த⁴ங் நாம ஏகவீஸஸதங்வாத², விப⁴ஜந்தி
விசக்க²ணாதி பாத³த்³வயங். தங் இமினா ந ஸமேதி. கத²ங் ந ஸமேதி. இமினா
வசனேன ஸகலம்பி கா³த²ங் ஏகூன நவுதிப்பபே⁴த³ங் மானஸங் ஏகவீஸ
ஸதங் கத்வா விப⁴ஜந்தீ-தி ஏவங் ஏகவாக்யங் கத்வா யோஜனங் ஞாபேதி.
“பத²மஜ்ஜா²ன ஸதி³ஸட்டே²னா”தி லோகிய பத²மஜ்ஜா²ன ஸதி³ஸட்டே²ன. யங்
சதுரங்கீகங், தங் ஸயமேவ து³தீயஜ்ஜா²னந்தி ஸித்³த⁴ங். யங் தியங்கீகங், தங்
ஸயமேவ ததீயஜ்ஜா²னந்தி ஸித்³த⁴ங். யங் துவங்கீகங், தங் ஸயமேவ
சதுத்த²ஜ்ஜா²னந்தி ஸித்³த⁴ங். யங் புன துவங்கீகங், தங் ஸயமேவ
பஞ்சமஜ்ஜா²னந்தி ஸித்³த⁴ங். “ஏவங் வுத்த”ந்தி விபா⁴வனியங்
ஜா²னங்க³வஸேன பத²மஜ்ஜா²ன ஸதி³ஸத்தா பத²மஜ்ஜா²னஞ்சாதி ஏவங்
வுத்தங். விதக்காதி³ அங்க³பாதுபா⁴வேன பஞ்சதா⁴ விப⁴ஜந்தீதி
ஸம்ப³ந்தோ⁴. ந இதரானி லோகியஜ்ஜா²னானி ஸாதிஸ்ஸயதோ ஜா²னானி
நாம ஸியுங். கஸ்மாதி ஆஹ “தானி ஹீ”திஆதி³ங். தத்த² “தானீ”தி
லோகியஜ்ஜா²னானி. “உபேச்சா”தி உபக³ந்த்வா. “ஜா²பெந்தீ”தி த³ஹந்தி. பகதியா
ஏவ ஸித்³தோ⁴ ஹோதி, ந பாத³கஜ்ஜா²னாதி³வஸேன ஸித்³தோ⁴. “கிச்ச”ந்தி
பஞ்சங்கீக பா⁴வத்தா²ய கத்தப்³ப³ கிச்சங். “தேன பச்சய விஸேஸேனா”தி
பாத³கஜ்ஜா²னாதி³னா பச்சய விஸேஸேன. “தஸ்மிங்”தி பச்சய விஸேஸே.
யதா²லோகியஜ்ஜா²னேஸு உபசாரபூ⁴தா பா⁴வனா காசி விதக்க விராக³
பா⁴வனா நாம ஹோதி...பே... காசி ரூப விராக³ பா⁴வனா நாம. அஸஞ்ஞி
கா³மீனங் பன ஸஞ்ஞா விராக³ பா⁴வனா நாம ஹோதி. ஏவமேவந்தி

யோஜனா. “ஸா”தி உபசார பா⁴வனா .“உபெக்கா² ஸஹக³தங் வா”தி எத்த² வா ஸத்³தே³ன ரூபஸமதிக்கமங் வா ஸஞ்ஞா ஸமதிக்கமங் வாதி அவுத்தங் விகப்பேதி. ஆதி³கம்மிககாலே ஏவங் ஹோது, வஸிபு⁴தகாலே பன கத²ந்தி ஆஹ “ஜா²னேஸு”திஆதி³ங். நானாஸத்தியுத்தா ஹோதீதி வத்வா நானாஸத்தியோ த³ஸ்ஸேதி “காசீ”திஆதி³னா. யா உபசார பா⁴வனா. “விதக்கங் விராஜேதுங்”தி விதக்கங் விக³மேதுங். அத்தனோ ஜா²னங் அவிதக்கங் காதுந்தி வுத்தங் ஹோதி. தேனாஹ “அதிக்காமேதுங்”தி. ஸா உபசார பா⁴வனா. ஸேஸாஸுபி உபசார பா⁴வனாஸு.

66. (க) “ஸா விபஸ்ஸனா”தி வுட்டா²னகா³மினி விபஸ்ஸனா. “விபஸ்ஸனா பாகதிகா ஏவா”திகாசி விராக³ பா⁴வனா நாம ந ஹோதீதி அதி⁴ப்பாயோ. “நியாமேதுங்”தி அவிதக்கமேவ ஹோதுதி வத³மானா விய வவத்த²பேதுங். “அதி⁴ப்பாயோ”தி பாத³கவாதி³த்தே²ரஸ்ஸ அதி⁴ப்பாயோ. “ஸம்மஸீயதீ”தி இத³ங் ஜா²னங் அனிச்சங் க²யட்டே²ன, து³க்க²ங் ப⁴யட்டே²ன, அனத்தா அஸாரகட்டே²னாதி ஸம்மஸீயதி ஸமனுபஸ்ஸீயதி. தங் அட்ட²கதா²ய ந ஸமேதி. வுத்தஞ்ஹி தத்த². யதோ யதோ ஸமாபத்திதோ வுட்டா²ய யே யே ஸமாபத்தி த⁴ம்மே ஸம்மஸித்வா மக்³கோ³ நிப்³புத்திதோ ஹோதி. தங் தங் ஸமாபத்தி ஸதி³ஸோவ ஹோதி. ஸம்மஸிதஸமாபத்தி ஸதி³ஸோதி அத்தோ²தி. எத்த² ஹி “யதோ யதோ ஸமாபத்திதோ வுட்டா²யா”தி ஏதேன பாத³கஜ்ஜா²னங் கதி²தங் ஹோதி. “பாத³கஜ்ஜா²னே ஸதீ”தி ஏதேன அயங் வாதோ³பி பாத³கஜ்ஜா²னேன வினா நஸிஜ்ஜ²தீதி த³ஸ்ஸேதி. “விபஸ்ஸனாபி... பே... பத்தா ஹோதீ”தி ஏதேன இமஸ்மிங் வாதே³பி விபஸ்ஸனா நியாமோ இச்சி²தப்³போ³தி த³ஸ்ஸேதி. தேனாஹ “யதா²லோகியஜ்ஜா²னேஸு”திஆதி³ங். காமஞ்செத்த²...பே... அவிரோதோ⁴ வுத்தோ விய தி³ஸ்ஸதி. கத²ங். பஞ்சமஜ்ஜா²னதோ வுட்டா²ய ஹி பத²மஜ்ஜா²னாதீ³னி ஸம்மஸதோ உப்பன்னமக்³கோ³ பத²மத்தே²ரவாதே³ன பஞ்சமஜ்ஜா²னிகோ, து³தீய வாதே³ன பத²மாதி³ஜ்ஜா²னிகோ ஆபஜ்ஜதீதி த³வேபி வாதா³ விருஜ்ஜ²ந்தி. ததீய வாதே³ன பனெத்த² யங் இச்ச²தி, தங் ஜா²னிகோ ஹோதீதி தே ச வாதா³ ந விருஜ்ஜ²ந்தி, அஜ்ஜா²ஸயோ ச ஸாத்த²கோ ஹோதீதி ஏவங் அவிருத்³தோ⁴ வுத்தோ ஹோதீதி. எத்த² பன யங் இச்ச²தி, தங் ஜா²னிகோ ஹோதி. இச்சா²ய பன அஸதி, விரோதோ⁴யேவ. தேனாஹ “இமே பன வாதா³. ...பே... . விரோதோ⁴ பரிஹரிதுங்”தி. பானியங் “அஜ்ஜத்தங் ஸுஞ்ஞுதங் மனஸி கரோதீ”தி அஜ்ஜத்தஸந்தானேதங் தங் ஜா²னஞ்ச ஜா²னஸஹக³தஞ்ச க²ந்த⁴ பஞ்சகங் நிச்ச ஸுக² அத்த ஜீவதோ ஸுஞ்ஞுதங் மனஸி கரோதி. “ந பக்க²ந்த³தீ”தி ந பவிஸதி. “ஸன்னிஸாதே³தப்³புங்”தி ஸன்னிஸின்னங் காதப்³புங். “ஏகோதி³காதப்³புங்”தி ஏகமுக²ங் காதப்³புங். “ஸமாத³ஹாதப்³புங்”தி ஸுட்டு² ட²பேதப்³புங். “நிஸ்ஸாயா”தி பாத³கங் கத்வாதி அதி⁴ப்பாயோ.

67. (க) வாத்விசாரணாயங். உபசார பா⁴வனா ஏவ உபரிஜ்ஜா²னே ஜா²னங்க³ங் நியாமேதீதி வுத்தங். ஹெட்டா² பன அஜ்ஜா²ஸயோ ஏவ உபரிஜ்ஜா²னே ஜா²னங்க³ங் நியாமேதீதி வுத்தங். தத்த² “அஜ்ஜா²ஸயோ ஏவா”தி ஏவ ஸத்³தே³ன பாத³கஜ்ஜா²னங் நிவத்தேதி. “இத⁴ உபசார பா⁴வனா ஏவா”தி ஏவ ஸத்³தே³ன அஜ்ஜா²ஸயங் நிவத்தேதி. ஏதேஸு ஹி த்³வீஸு ஸஹ பா⁴வீஸு உபசார பா⁴வனா ஏவ பதா⁴னங் ஹோதி. அஜ்ஜா²ஸயோ பன தஸ்ஸ நானா ஸத்தியோக³ங் ஸாதே⁴தி. “அஜ்ஜா²ஸய ஸாமஞ்ஞங் ஸண்டா²தீ”தி மக்³கே³ யங் லத்³த⁴ப³ப³ங் ஹோதி, தங் லப்³ப⁴து, மய்ஹங் விஸேஸோ நத்தீ²தி ஏவங் அஜ்ஜா²ஸய ஸாமஞ்ஞங் ஸண்டா²தி. “தஸ்மி”ந்தி அஜ்ஜா²ஸய விஸேஸே. “ஸோ”தி அஜ்ஜா²ஸய விஸேஸோ. கஸ்மா யுத்தந்தி ஆஹ “இச்சி² திச்சி²த...பே... நிப்³ப³த்தனங்”தி. “ஸப்³ப³ஜ்ஜா²னேஸு சிண்ணவஸிபு⁴தானங்”தி இத³ங் ஸமாபஜ்ஜனந்தி ச நிப்³ப³த்தனந்தி ச பத³ த்³வயே ஸம்ப³ந்த⁴ வசனங். “விபஸ்ஸனா விஸேஸத்தா²ய ஏவா”தி வுட்டா²ன கா³மினி விபஸ்ஸனா விஸேஸத்தா²ய ஏவ. யஸ்மா பன அட்ட²ஸு ஸமாபத்தீஸு ஏகேகாய ஸமாபத்தியா வுட்டா²ய வுட்டி²த ஸமாபத்தி த⁴ம்ம ஸம்மஸனங் ஆக³தங், ந பன அஞ்ஞஜ்ஜா²ன ஸம்மஸனங். தஸ்மா பாத³கஜ்ஜா²னமேவ பமாணந்தி யோஜனா. பாளிபதே³ஸு “கஹபதீ”தி ஆலபன வசனங். “விவிச்சேவா”தி விவிச்சித்வா ஏவ. விவித்தோ விக³தோ ஹுத்வா ஏவ. “உபஸம்பஜ்ஜா”தி ஸுட்டு² ஸம்பாபுணித்வா. “இதி படிஸஞ்சிக்க²தீ”தி ஏவங் பச்சவெக்க²தி. “அபி⁴ஸஞ்சேதயித”ந்தி ஸுஸங் ஸம்பிண்டி³தங், ஸங்வித³ஹிதங். “தத்த² டி²தோ”தி தஸ்மிங் பத²மஜ்ஜா²னே அபரிஹீனோ ஹுத்வா டி²தோ. “மெத்தாசேதோ விமுத்தீ”தி மெத்தாஜா²னஸங்கா²தா சேதோவிமுத்தி, அஞ்ஞத்த² அலக்³க³னவஸேன சித்தஸ்ஸ பவத்தி. ததா² கருணா சேதோவிமுத்தி. முதி³தா சேதோவிமுத்தி. “விவேகஜ”ந்தி காயவிவேக சித்தவிவேகானங் வஸேன ஜாதங். “பீதி ஸுக²ங்”தி பீதியா ச ஸுகே²ன ச ஸம்பன்னங். அத²வா, விவேகேஹி ஜாதானி பீதி ஸுகா²னி அஸ்ஸாதி விவேகஜங் பீதி ஸுக²ங். மஜ்ஜே² நிக்³க³ஹிதாக³மோ. ரூபமேவ ரூபக³தங், வேத³னா ஏவ வேத³னா க³தந்திஆதி³னா ஸமாஸோ. க³தஸத்³தோ³ ச பத³பூரணமத்தே த³ட்ட²ப³போ³. “தேனேவ த⁴ம்ம ராகே³ன தாயத⁴ம்மனந்தி³யா”தி விபஸ்ஸனானி கந்திமாஹ. ஸஹத்தே² ச கரண வசனங். ஓபபாதிகோ ஹோதீதி ஸம்ப³ந்தோ⁴. “தத்த² பரினிப்³பா³யீ”தி ப்³ரஹ்மலோகே அவஸ்ஸங் பரினிப்³பா³ய ந த⁴ம்மோ. தேனாஹ “அனாவத்தி த⁴ம்மோ தஸ்மா லோகா”தி. “பாத³கஜ்ஜா²னமேவ பமாண”ந்தி பாத³கஜ்ஜா²னமேவ மக்³கே³ஜா²னங்க³ங் நியாமெஸ்ஸதி, ந ஸம்மஸிதஜ்ஜா²னந்தி அதி⁴ப்பாயோ. “பாத³கங் அகத்வா”தி ஆஸன்னே அஸமாபஜ்ஜித்வாதி வுத்தங் ஹோதி. “யங் யங் ஜா²னங் இச்ச²ந்தீ”தி மக்³கே³ இச்ச²ந்தி.

66. (க²) “ததா² விதோ⁴”தி ததா² பகாரோ. ஆஸன்னே வுட்டி²தஸ்ஸேவ ஜா²னஸ்ஸ. “சித்தஸந்தானங் விஸேஸேதுங்”தி ஸசே பாத³கஜ்ஜா²னங் பத²மஜ்ஜா²னங் ஹோதி, ததோ பரங் பவத்தங் சித்தஸந்தானங் விதக்கே நின்னங் ஹோதி, விதக்கே பக்க²ந்த³தி. அத² பாத³கஜ்ஜா²னங் து³தீயஜ்ஜா²னங் ஹோதி. ததோ பரங் பவத்தங் சித்தஸந்தானங் விசாரே நின்னங் ஹோதி, விசாரே பக்க²ந்த³தீதிஆதி³னா நயேன சித்தஸந்தானங் விஸேஸேதுங். “யங் தத்த² வுத்தங்” தியங் விபா⁴வனியங் வுத்தங்.

வேத³னா விசாரணாயங். “ந ஸித்³தோ⁴”தி ஸித்³தோ⁴ ந ஹோதி. “அஞ்ஞதா²”தி அஞ்ஞேன பகாரேன. க³ஹிதே ஸதீதி யோஜனா. பாத³கஜ்ஜா²னாதீ³னங் வஸேன ஸித்³தோ⁴தி க³ஹிதே ஸதீதி வுத்தங் ஹோதி. “யாய காய சி வேத³னாய யுத்தா ஹுத்வா”தி ஸோமனஸ்ஸ வேத³னாய வாயுத்தா ஹுத்வா உபெக்கா² வேத³னாய வா யுத்தா ஹுத்வா. “தேஹி நியமிதாய ஏகேகாய மக்³க³ வேத³னாயா”தி பாத³கஜ்ஜா²னாதீ³ஹி நியமிதாய மக்³கே³ ஸோமனஸ்ஸ வேத³னாய ஏவ வாஸத்தி⁴ங் க⁴⁴டியெய்ய மக்³கே³ உபெக்கா² வேத³னாய ஏவ வாதி அத்தோ². வேத³னா நாம ஏகங் ஜா²னங்க³ங் ஹோதி. தஸ்மா மக்³கே³ஜா²னங்க³ நியமே ஸித்³தோ⁴ மக்³கே³ வேத³னா நியமோபி ஸித்³தோ⁴. தானி பன பாத³கஜ்ஜா²னாதீ³னி மஜ்ஜே² வுட்டா²ன கா³மினி விபஸ்ஸனாயங் நகிஞ்சினியாமெந்தி. ஏவஞ்ச ஸதி, பாத³கஜ்ஜா²னாதீ³ஹி நியமிதாய மக்³கே³ ஏகேகாய வேத³னாய ஸத்தி⁴ங் த்³வே த்³வே விபஸ்ஸனா வேத³னாயோ க⁴⁴டியெய்யுங். மக்³கே³ ஸோமனஸ்ஸ வேத³னாய வா ஸத்தி⁴ங் த்³வே விபஸ்ஸனா வேத³னாயோ க⁴⁴டியெய்யுங். மக்³கே³ உபெக்கா² வேத³னாய வா ஸத்தி⁴ங் த்³வே விபஸ்ஸனா வேத³னாயோ க⁴⁴டியெய்யுங்தி வுத்தங் ஹோதி. ஏவஞ்சஸதி ஏகவீதி²யங் ஜவனானி பி⁴ன்ன வேத³னானி ஸியுங். தஞ்ச ந யுஜ்ஜதி. தஸ்மா மக்³கே³ வேத³னா நியமோ பாத³கஜ்ஜா²னாதீ³ நியமேன ஸித்³தோ⁴ ந ஹோதி, விபஸ்ஸனா நியமேனேவ ஸித்³தோ⁴தி அதி⁴ப்பாயோ. தானி பன பாத³கஜ்ஜா²னாதீ³னி மஜ்ஜே² வுட்டா²ன கா³மினி விபஸ்ஸனாயங் ந கிஞ்சி ந நியாமெந்தி. வேத³னங் நியாமெந்தி யேவாதி த³ஸ்ஸேதுங் “தங்பி ந யுஜ்ஜதீ”தி வத்வா “பாத³கஜ்ஜா²னாதீ³னங் வஸேனேவா”திஆதி³மாஹ. “ச² நெக்க²ம்மஸ்ஸிதா உபெக்கா²”தி ஏகாவ சதுத்த²ஜ்ஜா²னு பெக்கா² ச²ஸு ஆரம்மணேஸு ஸோமனஸ்ஸானி பஜஹித்வா பவத்தத்தா ச² நெக்க²ம்மஸ்ஸிதா உபெக்கா² நாம ஹோதி. “ச² நெக்க²ம்மஸ்ஸிதானி ஸோமனஸ்ஸானி”தி ஏகங் வபத²மஜ்ஜா²ன ஸோமனஸ்ஸங் ச²ஸு ஆரம்மணேஸு ச² கே³ஹஸ்ஸிதானி பஜஹித்வா பவத்தத்தா ச² நெக்க²ம்மஸ்ஸிதானி ஸோமனஸ்ஸானி நாம ஹொந்தி. அட்ட²கதா²யஞ்ச வுத்தந்தி ஸம்ப³ந்தோ⁴. “பத²மாதீ³னி ச தீணி ஜா²னானி”தி சதுக்கனயே தீணி ஸோமனஸ்ஸ ஜா²னானி பாத³கானி கத்வா. “ஸுத்³த⁴ஸங்கா²ரே ச பாத³கேகத்வா”தி ஆரம்மண பா⁴வேன பாத³கேகத்வாதி அதி⁴ப்பாயோ. அயஞ்ச

பாத³கஜ்ஜா²னாதீ³னங் வஸேன வுட்டா²ன கா³மினி விபஸ்ஸனாயஞ்ச மக்³கே³ ச வேத³னா பரிணாமோ அட்ட²ஸாலினியங்பி வித்தா²ரதோ வுத்தோ. “அமானுஸ் ரதீ ஹோதீ”தி மனுஸ்ஸானங் கே³ஹஸ்ஸிதரதிங் அதிகம்ம டி²தத்தா அமானுஸ் நாம ரதி ஹோதி. “ஸம்மத⁴ம்மங் விபஸ்ஸதோ”தி ஸம்மா அனிச்ச லக்க²ண த⁴ம்மங் பஸ்ஸந்தஸ்ஸ பி⁴க்கு²னோதி ஸம்ப³ந்தோ⁴.

67. (க²) “ஜா²னங்க³யோக³பே⁴தே³னா”தி வுத்தங், ஜா²னயோக³பே⁴தோ³ பன அதி⁴ப்பேதோ. “பஞ்ச விதே⁴ஜா²ன கொட்டா²ஸே”தி பஞ்சக நயவஸேன வுத்தங். இத⁴ சித்த பே⁴த³ஸ்ஸ அதி⁴ப்பேதத்தா ஜா²னபே⁴தே³தி ச ஜா²னந்தி ச வுத்தேபி சித்தமேவ அதி⁴ப்பேதந்தி த³ட்ட²ப³பங்.

கா³தா²யோஜனாஸு. “அபராபி யோஜனா வுத்தா”தி அத²வா ரூபாவசரங் சித்தங் அனுத்தரஞ்ச பத²மாதி³ஜ்ஜா²ன பே⁴தே³ன யதா² க³ய்ஹதி, ததா² ஆருப்பஞ்சாபி பஞ்சமேஜா²னே க³ய்ஹதீதி ஏவங் அபராபி யோஜனா வுத்தா. “படி²தத்தா”தி உச்சாரிதத்தா. அந்திமகா³தா² வண்ணனாயங். “யதா²”தி யேன பகாரேன. “தங் ஸங்க³ஹங்”தி ஏக வீஸஸதஸங்க³ஹங் . பு³ஜ்ஜ²ந்தீதி பு³தா⁴. “ஆஹா”தி ச “ஆஹு”தி ச வத்தமானகாலேபி இச்ச²ந்தி ஸத்³த³விதூ³தி வுத்தங் “கதெ²ந்தி வா”தி. இத³ஞ்ச வசனங் பு³பே³ “இத்த²மேகூன நவுதி...பே... விப⁴ஜந்தி விசக்க²ணா”தி கா³தா²ய நிக³மனந்தி ஞாபனத்த²ங் “விப⁴ஜந்தி விசக்க²ணா”தி வுத்தங் ஹோதீ”தி வுத்தங்.

இதிபரமத்த²தீ³பனியானாமடிகாயஅனுதீ³பனியங்

சித்தஸங்க³ஹஸ்ஸஅனுதீ³பனா நி²டி²தா.

2. சேதஸிகஸங்க்ஹஅனுதீபனா

68. ஏவங் சித்த ஸங்க்ஹஸ்ஸ தீபனிங் கத்வா சேதஸிக ஸங்க்ஹஸ்ஸ தீபனிங் கரொந்தோ பதம் புப்பாபரானு ஸந்திஞ்ச ஆதிக்காதாய பயோஜன ஸம்பந்தஞ்ச தஸ்ஸேதுங் “ஏவங்”திஆதி மாரத்தோ. தத்த “அனுபத்த”ந்திஆதிம்ஹி சித்தங் சேதஸிகங் ரூபங், நிப்பாநமிதிஸப்பதாதி ஏவங் அனுக்கமோ வுத்தோ. தேன அனுக்கமேன அனுபத்தங். ஹேது விஸேஸனஞ்சேதங். யஸ்மா சித்தஸங்க்ஹானந்தரங் சேதஸிக ஸங்க்ஹோ அனுபத்தோ, தஸ்மா இதாநி தங் ஸங்க்ஹங் கரோதீதி தீபேதி. சத்தாரி ஸம்பயோக லக்கணானி ‘ஏகுப்பாதா, ஏக நிரோதாதா, ஏகா ரம்மணதா, ஏக வத்துக்கதா,தி. “சேதஸி யுத்தா”தி சித்தஸ்மிங் நியுத்தா. சித்தங் நிஸ்ஸாய அத்தனோ அத்தனோ கிச்சேஸு உஸ்ஸுக்கங் ஆபன்னாதி அத்தோ. “சேதஸா வாயுத்தா”தி சித்தேன வா ஸம்பயுத்தா. சித்தேன ஸஹ ஏகீபாவங் கதாதி அத்தோ. “ஸரூபதஸ்ஸன”ந்தி ஸங்க்யாஸரூபதஸ்ஸனங். ஸித்தபதங் நாம பகதி பச்சயேஹி நிப்பன்ன பதங். “புப்பந்ததோ”தி ஏகஸ்ஸஸங்க்த தம்மஸ்ஸ பதம் பாக்கதோ. உத்தங் பஜ்ஜனங் நாம கதமந்தி ஆஹ “ஸரூபதோ பாதுபாவன”ந்தி. தாது பாடேஸு-ஜனிபாதுபாவே-தி வுத்தத்தா ஆஹ “ஜாதீதி வுத்தங் ஹோதீ”தி. “ஸரூப வினாஸோ”தி ஸரூபதோ பாதுபாவந்தஸ்ஸ பாாவஸ்ஸ வினாஸோ அந்தரதாநங். “ஏவங் பரத்த பீ”தி பரஸ்மிங் ஏகாலம்பணவத்துக்காதிபதேபி. “ஏக சித்தஸ்ஸபி பஹுதேவா”தி சக்கு விஞ்ஞாணங் ரூபங் பஸ்ஸந்தங் ஏகமேவ ரூபங் பஸ்ஸதீதி நத்தி. அனேகானி ஏவரூபானி ஏகதோ கத்வா பஸ்ஸதி. ஸோதவிஞ்ஞாணாதீஸுபி ஏஸேவ நயோ. ஏவஞ்ச கத்வா பானியங். சக்குஞ்ச படிச்ச ரூபே ச உப்பஜ்ஜதி சக்கு விஞ்ஞாணங். ஸோதஞ்ச படிச்ச ஸத்தே ச உப்பஜ்ஜதி ஸோதவிஞ்ஞாணந்திஆதினா வத்துத்வாரேஸு ஏகவசனங் வத்வா ஆரம்மணேஸு பஹுவசனங் கதந்தி. “ஏகத்தங் உபனெத்வா”தி சக்கு விஞ்ஞாணே பஹுனிபி ரூபாரம்மணானி ரூபதா ஸமஞ்ஞேன ஏகீபாவங் கத்வா ஏகங் ஆரம்மணந்தவேவ வுத்தந்தி அதிப்பாயோ. ஸத்தாரம்மணாதீஸுபி ஏஸேவ நயோ. தங் ந ஸுந்தரங். கஸ்மா. அத்த விஸேஸஸ்ஸ அவிஞ்ஞாபனதோ. கோபனாயங் அத்த விஸேஸோதி. யாசித்தஸ்ஸ ஜாதி, ஸாயேவ பஸ்ஸாதீனந்திஆதிக்கோ அத்தோ. தேனாஹ “அத கோ”திஆதிங். அதிப்பேதா ஏகுப்பாதா. ஏஸ நயோ ஏக நிரோதாதாதீஸு. “மூலடிகாய”ந்தி ரூபகண்டமூலடிகாயங். “ஸஹேவா”தி ஏகதோ ஏவ. “உப்பாதாதிப்பவத்திதோ”தி உப்பாதஸ்ஸ ச ஜீரணஸ்ஸ ச நிரோதஸ்ஸ ச பவத்திதோ. “உப்பாதாத்யோ”தி உப்பாத ஜீரண நிரோதா. ஜாதிஜராமரணானீதி வுத்தங் ஹோதி. “சேதஸிகாமதா”தி சேதஸிகா இதி விஞ்ஞாதா. “பாவப்பதாநங்”தி ஏகுப்பாத பாாவோ ஏகுப்பாதோதி வுத்தோ. ததா ஏக நிரோதாதீஸு. யதா இதங்ஹி ஸங்கேரதனங் பணீந்திஆதிஸு

அயங் ரதன பா⁴வோ பணிதோதி ஹெத்த² அத்தோ². “யே”தி யே த⁴ம்மா. “ஸஹஜாத பச்சயுப்பன்ன ரூபானி பீ”தி ஸஹஜாதபச்சயதோ உப்பன்னானி ரூபானிபி. சேதஸிகானி நாம ஸியுந்தி ஸம்ப³ந்தோ⁴. “ததா³ யத்த வுத்திதாயா”தி சித்தாயத்தவுத்தியாய. “சேதோயுத்தானி”தி ஹேது விஸேஸனங். ததே³வ ஹேதுமந்த விஸேஸனந்தி ச ஹேது அந்தோ நீதவிஸேஸனந்தி ச ஹேது அந்தோ க³த⁴விஸேஸனந்தி ச வத³ந்தி. “தேஸ”ந்தி சித்தஸ்ஸ ஸஹஜாதபச்சயுப்பன்னரூபானங். “நானுபொ⁴ந்தீ”தி நபாபுணந்தி. “ந ஹி ஸக்கா ஜானிதுங்”தி ஏதேன பூ⁴தகத²ன விஸேஸனானி ஏதானிதி தீ³பேதி. பூ⁴தகத²னங் பி ஸமானங் வத்திச்சா²வஸேன ப்³யவச்சே²த³கங் பி ஸம்ப⁴வதி. “வயோபஞ்ஞாயதீ”தி வினாஸோ பகாஸதி. “டி²தாயா”தி திட்ட² மானாய வேத³னாய. அஞ்ஞோ பகாரோ அஞ்ஞதா². அஞ்ஞதா² பா⁴வோ அஞ்ஞத²த்தங். ஜராவஸேன பரிணாமோதி வுத்தங் ஹோதி. யோ பத²வீதா⁴துயா உப்பாதோ³, யா டி²தி, யா அபி⁴னிப்³ப்த்தி, யோ பாதுபா⁴வோ. ஏஸோ து³க்க²ஸ்ஸ உப்பாதோ³, ஏஸா ரோகா³னங் டி²தி, ஏஸோ ஜராமரணஸ்ஸ பாதுபா⁴வோதி யோஜனா. “இதரதா²”தி இதோ அஞ்ஞதா² க³ஹிதே ஸதீதி அத்தோ². ஏகஸ்மிங் ரூபாரூபகலாபே நானா த⁴ம்மானங் வஸேன ப்³ஹுஸு உப்பாதே³ஸு ச நிரோதே⁴ஸு ச க³ஹிதேஸுதி வுத்தங் ஹோதி. “விகாரரூபானங்”தி விஞ்ஞத்தி த்³வய லஹுதாதீ³த்தயானங். ஸப்³பா³னிபி உபாதா³ரூபானி சதுன்னங் மஹாபூ⁴தானங் உபாதா³ய பவத்தத்தா மஹாபூ⁴த க³ணனாய சத்தாரி சத்தாரி ஸியுங்தி இமினா அதி⁴ப்பாயேன “ஸப்³பே³ஸம்பி வா”திஆதி³வுத்தங். ஸப்³பே³ஸம்பி வா சக்கா²தீ³னங் உபாதா³ரூபானங் ஏகேகஸ்மிங் கலாபே ப்³ஹுபா⁴வோ வத்தப்³போ³ ஸியாதி யோஜனா. கஸ்மா ப்³ஹுபா⁴வோ வத்தப்³போ³தி ஆஹ “சதுன்னங் மஹாபூ⁴தான”ந்திஆதி³ங்.

யதி³ ஏவங், ஏகஸ்மிங் சித்துப்பாதே³ லஹுதாதீ³னிபி ஏகேகானி ஏவ ஸியுங், அத² கிமத்த²ங் த்³வே த்³வே கத்வா வுத்தானிதி ஆஹ “காயலஹுதா சித்த லஹுதாதீ³யோபனா”திஆதி³ங். “இமமத்த²ங் அஸல்லக்கெ²த்வா”தி ஈதி³ஸங் வினிச்ச²யத்தங் அசிந்தெத்வாதி அதி⁴ப்பாயோ. விபா⁴வனிபாடே² “சித்தானுபரிவத்தினோ”தி ஏதேன சித்தேன உப்பஜ்ஜித்வா தேனேவ சித்தேன ஸஹனிருஜ்ஜ²னவஸேன சித்தங் அனுபரிவத்திஸ்ஸ. “பஸங்கா³”தி சேதஸிகதா பஸங்கோ³. “புரேதரமுப்பஜ்ஜித்வா”தி புரேதரங் ஏகேன சித்தேன ஸஹ உப்பஜ்ஜித்வாதி அதி⁴ப்பாயோ. “சித்தஸ்ஸப⁴ங்க³க்க²ணே”தி அஞ்ஞஸ்ஸ ஸத்தர ஸம சித்தஸ்ஸ ப⁴ங்க³க்க²ணே. ததா² ரூபத⁴ம்மானங் பஸங்கோ³ ந ஸக்கா நீவாரேதுங் தியோஜனா. “பஸங்கோ³”தி சேதஸிகதா பஸங்கோ³. “அலமதி பபஞ்சேனா”தி அபி⁴த⁴ம்மே வேத³னாத்திகே²காஸு விய அதி வித்தா²ரேன நிரத்த²கங் ஹோதீதி அத்தோ². “நிரத்த²கங்”தி விபா⁴வனியங் பபஞ்சோ நிரத்த²கோ ஏவாதி அதி⁴ப்பாயோ.

69. ப²ஸ்ஸவசனத்தே². “ப²ஸ்தீ”தி ஆரம்மணங் ஆஹனதி, ஸங்க்⁴ட்டேதி. தஞ்ச ஸங்க்⁴ட்ட நங் நதோ³ஸபடிக்⁴ஸ்ஸ விய ஆரம்மணஸ்ஸ விபா³த⁴னங் ஹோதி, அத² கோ² ப்⁴மரஸ்ஸ பது³ம புப்பே²ஸு புப்ப²ர ஸக்³ஹணங் விய விஜானந மத்தே அட²த்வா ஆரம்மண ரஸபாதுபா⁴வத்த²ங் யதா²ரம்மணங் ஸங்ஹனந மேவாதி த³ஸ்ஸேதுங் “ப²ஸனஞ்செத்தா²”திஆதி³மாஹ. “ஆஹச்சா”தி ஆஹனித்வா ஸம்பாபுணித்வா. “உபஹச்சா”தி தஸ்ஸேவ வேவசனங். அயமத்தோ² கத²ங் பாகடோதி ஆஹ “யதோ”திஆதி³ங். தத்த² “யதோ”தி யங் காரணா. “தத³னுப⁴வந்தீ”தி தங் ஆரம்மண ரஸங் அனுப⁴வந்தீ, வேத³னா பாதுப⁴வதி, வேத³னா பாதுபா⁴வங் தி³ஸ்வா ஆரம்மணப்²ஸனங் ஞானே பாகடங் ஹோதீதி அதி⁴ப்பாயோ. ஸ்வாயங் பு²ஸன லக்க²ணோ, ஸங்க்⁴ட்டனரஸோ, ஸன்னிபாதபச்சபட்டா²னோ, ஆபாதா க³தவிஸய பத³ட்டா²னோ. தத்த² ஸன்னிபாதோ நாம திண்ணங் திண்ணங் த³வாரா ரம்மண விஞ்ஞாணானங் ஸங்க³தி ஸமாக³மோ ஸமோதா⁴னங். ததா²ஹி வுத்தங். சக்கு²ஞ்ச படிச்ச ரூபே ச உப்பஜ்ஜதி சக்கு² விஞ்ஞாணங், திண்ணங் ஸங்க³தி ப²ஸ்ஸோ திஆதி³. “ஸங்க்⁴ட்டனரஸோ”தி ஆரம்மணே ஸம்மதே³வ க்⁴ட்டன கிச்சோ. ஸங்க்⁴ட்டன கிச்சத்தா ஏவ திண்ணங் ஸன்னிபாதோ ஹுத்வா த்⁴ம்ம சிந்தாஞாணஸ்ஸ படிமுக²ங் உபட்டா²தி பகாஸதீதி. “ஸன்னிபாத பச்சபட்டா²னோ”. பச்சபட்டா²னந்தி வா பஞ்ஞாணங் வுச்சதி த்⁴ஜோரத²ஸ்ஸ பஞ்ஞாணந்தி எத்த² விய. ஸன்னிபாதாகாரோ பச்சபட்டா²னங் யஸ்ஸாதி ஸன்னிபாதபச்சபட்டா²னோ. வேத³னாபச்ச பட்டா²னோ வா. தூ⁴மோவிய அக்³கி³ஸ்ஸ. வேத³னாப²லங் பச்சபட்டா²னங் யஸ்ஸாதி விக்³க³ஹோ. அட்ட²ஸாலினியங் பன கஸ்மா பனெத்த² ப²ஸ்ஸோ பத²மங் வுத்தோ திபுச்சி²த்வா மஹாஅட்ட²கதா² வாதோ³தாவ த³ஸ்ஸிதோ. சித்தஸ்ஸ பத²மாபி⁴னிபாதத்தா. ஆரம்மணஸ்மிஞ்ஹி சித்தஸ்ஸ பத²மாபி⁴னிபாதோ ஹுத்வா ப²ஸ்ஸோ ஆரம்மணங் பு²ஸமானோ உப்பஜ்ஜதி. தஸ்மா பத²மங் வுத்தோ. ப²ஸ்ஸேன பு²ஸ்ஸித்வா வேத³னாய வேத³யதி. ஸஞ்ஞாய ஸஞ்ஜானாதி. சேதனாய சேததி. தேன வுத்தங் புட்டோ² பி⁴க்க²வே வேதே³தி, புட்டோ² ஸஞ்ஜானாதி, புட்டோ² சேதேதீதி. அபி ச அயங் ப²ஸ்ஸோ நாம யதா²பாஸாத³ங் பத்வா த²ம்போ⁴ நாம ஸேஸத³ப்³ ஸம்பா⁴ரானங் ப³லவபச்சயோ. ஏவமேவ ஸஹஜாத ஸம்பயுத்த த்⁴ம்மானங் ப³லவ பச்சயோ ஹோதி. தஸ்மா பத²மங் வுத்தோதி. ஸங்க³ஹகாரேன பன இத³ங் பன அகாரணங், ஏகக்க³ணஸ்மிஞ்ஹி உப்பன்ன த்⁴ம்மானங் அயங் பத²மங் உப்பன்னோ அயங் பச்சா²தி இத³ங் வத்துங் ந லப்³பா⁴. ப³லவபச்சயபா⁴வேபி ப²ஸ்ஸஸ்ஸகாரணங் ந தி³ஸ்ஸதீதி ஏவங் தங் வாத³ங் படிக்கி²பெத்வா இத³ங் வுத்தங் தே³ஸனா வாரேனேவ ப²ஸ்ஸோ பத²மங் வுத்தோதி. தத்த² “தே³ஸனாவாரே நேவா”தி தே³ஸனக்கமேனேவ, ததோ அஞ்ஞங் காரணங் நத்தீ²தி அதி⁴ப்பாயோ. தேஸு பன த்³வீஸு வாதே³ஸு மஹாஅட்ட²கதா²

வாதோ³ ஏவ யுத்தோ. யஞ்ஹி தத்த² வுத்தங் சித்தஸ்ஸ பத²மாபி⁴னிபாதோ ஹுத்வாதி. தத்த² பத²மாபி⁴னிபாதோதி இத³ங் கிச்சப்பதா⁴னத்தா வுத்தங். ந பனஞ்ஞேஹி சேதஸிகேஹி வினா விஸுங் பத²மங் உப்பன்னத்தா. யதா² தங் யே கேசி பி⁴க்க²வே த⁴ம்மா அகுஸலா அகுஸலபா⁴கியா அகுஸலபக்கி²கா. ஸப்³பே³ தே மனோபுப்³பங்க³மா, மனோ தேஸங் த⁴ம்மானங் பத²மங் உப்பஜ்ஜதீதி இமஸ்மிங் ஸுத்தே கிச்சப்பதா⁴னத்தா மனோ தேஸங் த⁴ம்மானங் பத²மங் உப்பஜ்ஜதீதி வுத்தங். ந பன ஸப்³பே³சேதஸிகேஹி வினா விஸுங் பத²மங் உப்பன்னத்தாதி த³ட்ட²ப³பங். ப³லவபச்சய பா⁴வேபி ப²ஸ்ஸஸ்ஸகாரணங் தி³ஸ்ஸதியேவ. ப²ஸ்ஸோஹேது ப²ஸ்ஸோ பச்சயோ வேத³னாக்க²ந்த⁴ஸ்ஸ பஞ்ஞா பனாய. ப²ஸ்ஸோ ஹேது ப²ஸ்ஸோ பச்சயோ ஸஞ்ஞாக்க²ந்த⁴ஸ்ஸ பஞ்ஞா நாய. ப²ஸ்ஸோ ஹேது ப²ஸ்ஸோ பச்சயோ ஸங்கா²ரக்க²ந்த⁴ஸ்ஸ பஞ்ஞாபனாயாதி ஹி வுத்தங். தஸ்மா ஸப்³பே³ஸங் சேதஸிகானங் த⁴ம்மானங் ப²ஸ்ஸப்பதா⁴னத்தா ஏவ ப²ஸ்ஸ ப³லவபச்சயத்தா ஏவ ச ப²ஸ்ஸோ பத²மங் வுத்தோதி த³ட்ட²ப³பங். எத்த² ச சித்தங் ஆரம்மண விஜானந்த²ன ப²ஸ்ஸாதீ³னங் ஸப்³பே³சேதஸிக த⁴ம்மானங் புப்³பங்க³மங் ஹோதி, பதா⁴னங், ஜெட்ட²கங். ப²ஸ்ஸோ பன ஆரம்மண ஸங்க⁴ட்டன²ன²ன ஸப்³பே³ஸங் சேதஸிக த⁴ம்மானங் புப்³பங்க³மோ ஹோதி, பதா⁴னோ, ஜெட்ட²கோதி அயங் த³வின்னங் விஸேஸோதி. எத்த² சோத³கோ பு²ஸனங் நாம ஸப்படிக⁴ருபானங் ஏவ கிச்சந்தி மஞ்ஞமானோ “நனுசா”திஆதி³னா சோதே³தி. “நனுசா”தி சோதே³தீ⁴தி தீ³பேதி. “அப்படிக⁴ஸபா⁴வா”தி ஹேதுவிஸேஸனங். “கிஞ்சீ”தி கிஞ்சிவத்து²ங். அயங் பன ப²ஸ்ஸோ. “சித்தஸ்ஸ விகாரா பத்திங்”தி சலன கம்பன த²ம்ப⁴ன ஜேகுச்ச² ப⁴ய தாஸ ச²ம்பி⁴தத்தா தி³வஸேன விகாரா பஜ்ஜனங். “வேத³னா விஸேஸுப்பத்திங்”தி ஸுக²வேத³னீயங் ப²ஸ்ஸங் படிச்ச ஸுக²வேத³னா, து³க்க²வேத³னீயங் ப²ஸ்ஸங் படிச்ச து³க்க² வேத³னாதிஆதி³னா நயேன ப²ஸ்ஸ விஸேஸானுருபங் வேத³னா விஸேஸுப்பத்திங் ஸாதே⁴தி. எத்த² ச பு²ஸனங் நாம து³வித⁴ங் ரூபப்பு²ஸனங், நாமப்பு²ஸன, ந்தி. தத்த² ரூபப்பு²ஸனங் நாம பொ²ட்ட²ப³ப தா⁴தூனங் கிச்சங். நாமப்பு²ஸனங் து³வித⁴ங் ப²ஸ்ஸப்பு²ஸனங், ஞாணப்பு²ஸன, ந்தி. தத்த² ஞாணப்பு²ஸனங் நாம ஞாணப்படிவேதோ⁴. அபி ச ஜா²னமக்க³ ப²ல நிப்³பா³னானங் படிலாபோ⁴பி பு²ஸனந்தி வுச்சதி. பு²ஸந்தி தீ⁴ரா நிப்³பா³னங். யோக³க்கே²மங் அனுத்தரங். பு²ஸாமி நெக்க²மங் ஸுக²ங். அபுது²ஜ்ஜன ஸேவிதந்தி-ஆதீ³ஸு. இத³ங் உபமா மத்தங் ஸியா, கஸ்ஸசி மந்த³ பஞ்ஞஸ்ஸாதி அதி⁴ப்பாயோ. “இத³”ந்தி கே²ருப்பாத³ வசனங். விஞ்ஞஸ்ஸ பன அதிபாகட ப²ஸ்ஸ நித³ஸ்ஸனேன அப்பாகட ப²ஸ்ஸ விபா⁴வனங் யுத்தமேவ. தேனாஹ “அதிபாகடாய பனா”திஆதி³ங்.

70. வேத³னாவசனத்தே². “தங்ஸமங்கீ³புக்க³லானங் வா”தி வேத³னா ஸமங்கீ³புக்க³லானங் வா. “ஸாதங் வா”தி ஸாது⁴ரஸங் வா. “அஸ்ஸாதங் வா”தி அஸாது⁴ரஸங் வா. “கிங் வேத³யதீ”தி கதமங் வேத³யதி. “ஸுக²ம்பி

வேத³யதீ²தி ஸுக²ம்பி வேத³னங் வேத³யதி. அத²வா “கிஞ்சவேத³யதீ²தி கத²ஞ்சவேத³யதி. “ஸுக²ம்பி வேத³யதீ²தி ஸுக²ங் ஹுத்வாபி வேத³யதி. ஸுக² பா⁴வேன வேத³யதீ²தி வுத்தங் ஹோதி. ஏவங் ஸேஸபதே³ஸுபி. “கிச்சந்தரப்³யாவடா²தி அஞ்சுகிச்சப்³யாவடா. அதி⁴பதி பா⁴வோ ஆதி⁴பச்சங். இந்த³ரிய கிச்சங். “ஏவஞ்ச கத்வா²தி லத்³த⁴கு³ணவசனங். ராஜாரஹ போ⁴ஜனங் ராஜக்³போ⁴ஜனங். “ஸுத³ஸதி³ஸதா²தி ரஞ்ஞோப⁴த்தகாரஸதி³ஸதா. தத்த² ஸுதோ³ ரஞ்ஞோப⁴த்தங் பசந்தோ ரஸஜானந்தத்²ங் தோ²கங் க³ஹெத்வா ஜிவ்ஹக்³கே³ ட²பெத்வா ரஸங் வீமங்ஸதி. யதி²ச்சி²தங் பன பு⁴ஞ்ஜிதுங் அனிஸ்ஸரோ. ராஜா ஏவ யதி²ச்சி²தங் பு⁴ஞ்ஜிதுங் இஸ்ஸரோ. ராஜா விய வேத³னா. ஸுதோ³ விய ஸேஸசேதஸிக த⁴ம்மா.

71. ஸஞ்ஞாவசனத்தே². “ஸஞ்ஞானாதீ²தி ஸுட்டு² ஜானாதி. ஸுட்டு²ஜானநஞ்ச நாம ந விஞ்ஞாணஸ்ஸ விய விவித⁴ஜானநங் ஹோதி. ந ச பஞ்ஞாய விய யதா²பூ⁴தஜானநங் ஹோதி. அத² கோ² பூ⁴தங் வா ஹோது, அபூ⁴தங் வா. யங் யங் ச² ஹி விஞ்ஞாணேஹி விஜானாதி, பஞ்ஞாய வா பஜானாதி. தஸ்ஸ தஸ்ஸ பச்சா² அப்பமுஸ்ஸகரண மேவாதி வுத்தங் “புனஜானந்தத்²ங் ஸஞ்ஞாணங் கரோதீ²தி. தத்த² “ஸஞ்ஞாண²ந்தி நிமித்த கரணங். ப⁴வந்தரங் பத்வாபி அப்பமுட்ட²பா⁴வங் ஸாதே⁴தி ஓபபாதிக புக்³லானந்தி அதி⁴ப்பாயோ. தேஹி புரிமங் அத்தனோ ப⁴வங் ஜானந்தி. க³ப்⁴ஸெய்யகாபி கேசி புரிமங் ப⁴வங் ஜானந்தி, யேஜாதிஸ்ஸர புக்³லாதி வுச்சந்தி. தத்த² “அப்பமுட்ட²பா⁴வ²ந்தி அனட்ட²பா⁴வங். மிச்சா²பி⁴னிவேஸ ஸஞ்ஞா நாம அனிச்சே நிச்சந்திஆதி³ப்பவத்தா ஸஞ்ஞா. “போ³தே⁴து²ந்தி புஜ்ஜா²பேதுங். “தா³ருதச்ச²கஸதி³ஸாதி ச வுத்தா²தி தா³ருதச்ச²கோ நாம கட்ட²வட்³ட⁴கீ. ஸோ கட்ட²க்க²ந்தே⁴ஸு நிமித்தகாரீ²ஹோதி. ஸுதச்சி²தசி²ந்தி²தேஸு கட்டே²ஸு நிமித்தானி கத்வா ட²பேதி. பச்சா²தானி ஒலோகெத்வா கட்டா²னி கம்மே உபனேதி. “ஹத்தி² த³ஸ்ஸக அந்த⁴ஸதி³ஸா²தி எத்த² ஏகோ கிர ராஜா கேளிப்பஸுதோ ஹோதி. ஸோ ஜச்சந்தா⁴னங்²டா²னே ஏகங் ஹத்தி²ங் ஆனெத்வா²பெந்தோ ஜச்சந்தே⁴ ஆஹ ஜானாத² போ⁴ தும்ஹே ஹத்தி²ந்தி. தே ஹத்தி²ங் ஜானிஸ்ஸாமாதி பராமஸித்வா அத்தனோ பராமஸிதங் தங் தங் அங்க³மவஹத்தீ²தி அபி⁴னிவிஸந்தி. த³ள்ஹங் ஸல்லக்கெ²ந்தி. புன ராஜா தே புச்சி² கீதி³ஸோ போ⁴ ஹத்தீ²தி. தே ரஞ்ஞோ ஹத்தி²ஸண்டா²னங் ஆசிக்க²ந்தா விவாத³ங் ஆபஜ்ஜந்தி. ஆசிக்க²னமேவ ரஞ்ஞோஹத்தி²த³ஸ்ஸனந்தி கத்வா தே ஹத்தி²த³ஸ்ஸக அந்தா⁴தி வுச்சந்தி. “உபட்டி²தவிஸயக்³ஹணே²தி ரத்தியங் அந்த⁴காரே ரஜ்ஜுக்க²ண்ட³ங் பஸ்ஸந்தஸ்ஸ ஸப்பஸண்டா²னங் உபட்டா²தி. ஸோ உபட்டி²தங் ஸண்டா²னமத்தங் ஸப்போதி க³ண்ஹாதி. ஏவங் உபட்டி²தவிஸயக்³ஹணங் ஹோதி. மிக³போதகானஞ்ச அரஞ்ஞெக²த்தமஜ்ஜே²புரிஸஸண்டா²னங் திண ரூபங் பஸ்ஸந்தானங்

புரிஸஸண்டா² நங் உபட்டா²தி. தே உபட்டி²தங் ஸண்டா²னமத்தங் புரிஸோதி
க³ண்ஹித்வா ஸோ அம்ஹே பஹரெய்யாதி பலாயந்தி. வுத்தா
அட்ட²ஸாலினியங்.

72. சேதனாவசனத்தே². சேதேதீதி சேதனா. சேதனஞ்செத்த²
அபி⁴ஸந்தா⁴னங் வா வுச்சதி பகப்பனங் வா ஆயுஹனங் வாதி ஏவங் திதா⁴
அத்த²விகப்பங் த³ஸ்ஸேதுங் “ஸம்பயுத்த த⁴ம்மே”திஆதி³மாஹ. தத்த²
“அபி⁴ஸந்த³ஹதீ”தி அபி⁴முக²ங் ஸந்த³ஹதி, ஸங்யோக³ங் கரோதி.
தேனாஹ “புனப்புனங் க⁴டேதீ”தி. “க⁴டேதீ”தி ஸம்ப³ந்த⁴தி. “பகப்பேதி
வாதே”தி அத²வா தே ஸம்பயுத்த த⁴ம்மே பகாரதோ கப்பேதி, ஸஜ்ஜேதி.
தேனாஹ “ஸங்வித³ஹதீ”தி. “ஸங்வித³ஹதீ”தி த்வங் பு²ஸனகிச்சங் கரோஹி,
த்வங் வேத³யித கிச்சங் கரோஹி, த்வங் ஸஞ்ஜானநகிச்சங் கரோஹீதிஆதி³னா
வத³மானா விய ஸங்வித³ஹதி. “ஆயுஹதிவாதே”தி அத²வா தேஸம்பயுத்த
த⁴ம்மே பு⁴ஸோ ப்யுஹயதி, ராஸிங் கரோதி. தேனாஹ “ஆரம்மணே
ஸம்பிண்டே³தீ”தி. “ஸமோஸரந்தே”தி ஏகதோ ஓஸரந்தே. ஸங்க³மந்தே.
“ஸா”தி சேதனா. “தாயா”தி சேதனாய. “தஸ்மிங்”தி ரூபாதி³கேவா ஆரம்மணே.
புஞ்ஞாபுஞ்ஞ கிச்சேவா. பவத்தமானாய ஸதியா. ஜெட்ட²ஸிஸ்ஸோ நாம
ப³ஹஸு ஸிஸ்ஸேஸு ஜெட்ட²பூ⁴தோ ஸிஸ்ஸோ. தஸ்மிங் ஸஜ்ஜா²யந்தே
ஸேஸா ஸப்³பே³ ஸஜ்ஜா²யந்தியேவ. தேன ஸோ உப⁴யகிச்ச ஸாத⁴கோ
ஹோதி. ஏவங் மஹாவட்³ட⁴கீபி.

73. ஏகக்³தாவசனத்தே². ஏகத்தாரம்மணங் நாம ஏகாரம்மணஸ்ஸபி
ப³ஹஸு ஸபா⁴வேஸு ஏகஸபா⁴வஸங்கா²தங் ஆரம்மணங். “தஸ்மிங்”
சித்தஸ்மிங். “நிவாதே”தி வாதரஹிதே பதே³ஸே. “தீ³பச்சீனங்”தி தீ³பஜாலானங்.

74. ஜீவிதிந்த³ரியவசனத்தே². “இஸ்ஸரபா⁴வோ வுச்சதி” பா⁴வப்பதா⁴ன
நயேனாதி அதி⁴ப்பாயோ. “அபி⁴ப⁴வித்வா”தி ஜீவன கிச்சே அத்தனோ வஸங்
வத்தாபெத்வாதி வுத்தங் ஹோதி. சித்த ஸந்தானங் ஜீவந்தங் ஹுத்வாதி
ஸம்ப³ந்தோ⁴.

75. மனஸீகாரவசனத்தே². ஸமாஸமஜ்ஜே² ஸகாராக³மோ. கரதா⁴துயோகே³
ஈகாராக³மோ ச த³ட்ட²ப்³போ³. அலுத்த ஸத்தமீ பத³ந்தி² கேசி. ஏவங் ஸதி
ஈதீ³க⁴த்தங் நஸிஜ்ஜ²தி. “அஸுஞ்ஞங்”தி அரித்தங். “படிபாதே³தீ”தி படிபஜ்ஜனங்
கிச்சஸாத⁴னங் காராபேதி. அத்த²தோ நியோஜேதி நாமாதி ஆஹ “யோஜேதீ”தி.
“இத³மேவ த்³வயங்”தி ஆவஜ்ஜன த்³வயங். “தங்”தி தங் த்³வயங்.
உபத்த²ம்பி⁴தங் ஹுத்வா ஆரம்மணே நின்னங் கரோதீதி ஸம்ப³ந்தோ⁴.
“யோனிஸோ”தி உபாயேன ஹிதஸுக² மக்³கே³ன. “அயோனிஸோ”தி
அனுபாயேன அஹித அஸுக² மக்³கே³ன.
“ஸமுதா³சிண்ணனின்னநியாமிதாதீ³ஹி”தி எத்த² ஸமுதா³சிண்ணங் நாம

ஆசின்ன கம்மவஸேன ஸுட்டு² புனப்புனங் ஆசரிதங். நின்னங் நாம இத³ங் நாம பஸ்ஸாமி, இத³ங் நாம கரிஸ்ஸாமீதி புப்³பே³ ஏவ அஜ்ஜா²ஸயேன நின்னங். நியாமிதங் நாம இத³ங் நாம கத்தப்³பங், இத³ங் நாம ந கத்தப்³பங், கத்தப்³பங் கரோமி, அகத்தப்³பங் நகரோமீதி ஏவங் நியாமிதங். “அஸதி காரண விஸேஸே”தி ப⁴வங்க³ சித்தங் வீதி²சித்துப்பத்தியா அஸதி, வீதி²சித்தானி ச காயசித்தானங் அகல்லாதி³கேவா அதி⁴மத்தஸ்ஸ ஆரம்மணந்தரஸ்ஸ உபட்டா²னேவா அஸதி. “ஸாதா⁴ரணா”தி எத்த² ஸங்ஸத்³தே³ பி³ந்து³ லோபோ, தீ³க⁴த்தஞ்சாதி ஆஹ “ஸமங் தா⁴ரெந்தீதி ஸாதா⁴ரணா”தி.

76. விதக்கவசனத்தே². “ததா² ததா² ஸங்கப்பெத்வா”தி காமஸங்கப்பாதி³னங் நெக்க²ம்மஸங்கப்பாதி³னஞ்சவஸேன தேன தேன பகாரேன ஸுட்டு² சிந்தெத்வா. “தங்”தி ஆரம்மணங். “தே”தி ஸம்பயுத்த த⁴ம்மே. “அவிதக்கம்பி சித்தங்”தி பஞ்சவிஞ்ஞாண சித்தஞ்ச து³தீயா தி³ஜ்ஜா²ன சித்தஞ்ச. “அபிசா”தி கிஞ்சி வத்தப்³பங் அத்தீ²தி அத்தோ². “து³தீயஜ்ஜா²னாதி³னி சா”தி து³தீயஜ்ஜா²ன சித்தாதி³னி ச. “உபசார பா⁴வனா வஸேனா”தி ஸமுதா³சிண்ண வஸிபூ⁴தாய உபசார பா⁴வனாய வஸேன. “கிங் வா ஏதாயயுத்தியா”தி ஸவிதக்க சித்தஸந்தானேதிஆதி³காய யுத்தியா கிங் பயோஜனங் அத்தீ²தி அத்தோ². கிஞ்சி பயோஜனங் நத்தீ²தி அதி⁴ப்பாயோ. ஆரம்மணங் ஆரோஹதியேவ ஆரம்மணேன அவினாபா⁴வவுத்திகத்தா. “தங்”தி சித்தங். நியாமகோ நாம நாவங் இச்சி²த தி³ஸாதே³ஸனியோஜகோ. “அகுஸலங் பத்வா”தி வுத்தங். குஸலங் பத்வா பன கத²ங்தி. குஸலங் பத்வாபி பதிருபதே³ஸாவாஸாதி³வஸேன ஸமுதா³ சிண்ண நின்னாதி³வஸேன ச லத்³த⁴ பச்சயே ஸதி சித்தம்பி ஸத்³தா⁴ஸதி ஆத³யோபி ஆரம்மண ரூஹனே தா²மக³தா ஏவ. அலத்³த⁴ பச்சயே பன ஸதி அகுஸல பா⁴வே ட²த்வா தா²மக³தங் ஹோதி. “மனஸிகார வீரிய ஸதீனங்”தி பா⁴வனா ப³லபத்தா நந்தி அதி⁴ப்பாயோ . ஏவங் பன ஸதி, விதக்கஸ்ஸ ஓகாஸோ நத்தீ²தி. அத்தி². ஸங்கப்பன கிச்ச விஸேஸத்தா. தஞ்ஹி கிச்சங் அஞ்ஞேஸங் அஸாதா⁴ரணங், விதக்கஸ்ஸேவ கிச்சந்தி த³ஸ்ஸெந்தோ “விதக்கோபனா”திஆதி³மாஹ. “ஸாரம்மண ஸபா⁴வா”தி ஹேது விஸேஸனமேதங். “ததா² வுத்தோ”தி விதக்கோதி வுத்தோ.

77. விசாரவசனத்தே². “விசரதீ”தி ஏகமேகஸ்மிங் ஏவ ஆரம்மணே விவிதே⁴ன சரதி, பவத்ததி. ஸபா⁴வாகாரோ நாம நீலபீதாதி³கோ அக³ம்பீ⁴ரோ ஆரம்மண ஸபா⁴வோ ச ஆரம்மணஸ்ஸ நானா பவத்தாகாரோ ச. “அனுமஜ்ஜனவஸேனா”தி புனப்புனங் மஜ்ஜனவஸேன ஸோத⁴னவஸேன. விதக்கோ ஓளாரிகோ ச ஹோதீதிஆதி³னா யோஜேதப்³பங். “ஓளாரிகோ”தி விசாரதோ ஓளாரிகோ. ஏவங் ஸேஸபதே³ஸு. “க⁴ண்டா³பி⁴கா⁴தோ வியா”தி க⁴ண்டா³பி⁴கா⁴தேன பத²முப்பன்னஸத்³தோ³ வியாதி வத³ந்தி. ததா²ஹி விசாரோ க⁴ண்ட³ஸ்ஸ அனுரவோ விய வுத்தோதி. த³ண்ட³கேன

க⁴ண்ட³ஸ்ஸ அபி⁴கா⁴த கிரியா வா க⁴ண்டா³பி⁴கா⁴தோ. ததா²ஹி ஆரம்மணே சேதஸோ பத²மாபி⁴ நிபாதோ விதக்கோதி ச, ஆஹனந பரியாஹனந ரஸோதி ச வுத்தங். “க⁴ண்டா³னுரவோ வியா”தி க⁴ண்ட³ஸ்ஸ அனுரவஸத்³தோ³ விய.

78. அதி⁴மொக்க²வசனத்தே². “ஸங்ஸப்பனங்”தி அனவத்தா²னங். “பக்க²தோ முச்சனவஸேனா”தி ஏவங் நு கோ²தி ஏகோ பக்கோ², நோனு கோ²தி து³தீயோ பக்கோ². தாதி³ஸம்ஹா பக்க²தோ முச்சனவஸேன.

79. வீரியவசனத்தே². “வீரஸ்ஸா”தி விஸ்ஸட்ட²ஸ்ஸ. ஸோ ச காயவசீமனோ கம்மேஸு பச்சு பட்டி²தேஸு ஸீதுண்ஹாதி³ து³க்க² ப⁴யதோ அலீன வுத்திவஸேன பவத்தோதி ஆஹ “கம்மஸுரஸ்ஸா”தி. ஏதேன அனொத்தப்பிங் நிவத்தேதி. அனொத்தவ்ஹி பாபஸுரோ, அயங் கம்ம ஸுரோதி. “மஹந்தங் பிகம்ம”ந்தி குஸீதஸ்ஸ மஹந்தந்தி மஞ்ஞிதங் கம்மங். ஏவங் ஸேஸேஸு. “அப்பகதோ க³ண்ஹாதீ”தி அப்பகபா⁴வேன க³ண்ஹாதி. அப்பகமேவித³ந்தி மஞ்ஞதீதி வுத்தங் ஹோதி. “அத்த கிலமத²ங்”தி காயசித்தக்கே²த³ங். “தங்”தி வீரியங். “ததா²பவத்தியா”தி கம்மஸுரபா⁴வேன பவத்தியா. “ஹேதுசே வா”தி ஏதேன பா⁴வஸத்³த³ஸ்ஸ அத்த²ங் வத³தி. “காயசித்த கிரியாபூ⁴தங்”தி ஏதேன கம்மஸத்³த³ஸ்ஸ அத்த²ங். “விதி⁴னா”தி தஸ்ஸ பவத்தியா பு³பா³பி⁴ஸங்கா²ர விதா⁴னேன. தமேவ விதா⁴னங் கம்மேஸு நேதப்³புத்தா நயோதி ச, உபேதப்³புத்தா உபாயோதி ச வுச்சதீதி ஆஹ “நயேன உபாயேனா”தி. தமேவ விதா⁴னங் த³ஸ்ஸேதி “வீரியவதோ”திஆதி³னா. “ஈரந்தீ”தி ஏரயந்தி. “கிச்ச ஸம்பத்தியா”தி ஆரம்மண விஜானந பு²ஸனாதி³ கிச்ச ஸம்பத்தி அத்தா²ய. ப்³யாவடானி காயசித்தானி யேஸந்தி விக்³க³ஹோ. “ப்³யாவடானீ”தி உஸ்ஸாஹிதானி. “தூ²ணாபத்த²ம்ப⁴ன ஸதி³ஸங்”தி ஜிண்ணஸ்ஸ கே³ஹஸ்ஸ அபதனத்தா²ய ஸாரத்த²ம்பே⁴ன உபத்த²ம்ப⁴னஸதி³ஸங். உபத்த²ம்ப⁴கத்த²ம்ப⁴ஸதி³ஸந்திபி வத³ந்தி. “ஸப்³பு ஸம்பத்தீனங் மூலங்”தி ஸப்³பா³ஸங் லோகிய ஸம்பத்தீனங் லோகுத்தர ஸம்பத்தீ நஞ்ச மூலங். கஸ்மா, புஞ்ஞுகம்ம ஸம்பத்தியா ச பாரமி புஞ்ஞுஸம்பத்தியா ச பதிட்டா²னத்தா. ஸதிஹி புஞ்ஞுகம்மஸம்பத்தியா ஸப்³பா³ லோகிய ஸம்பத்தி ஸிஜ்ஜ²தி. ஸதி ச பாரமி புஞ்ஞு ஸம்பத்தியா ஸப்³பா³லோகுத்தர ஸம்பத்தி ஸிஜ்ஜ²தீதி. ஏதேன ஹீன வீரியோ நாம ஸப்³பு ஸம்பத்திதோ பரிபா³ஹியோதி தீ³பேதி.

80. பீதிவசனத்தே². “பினயதீ”தி பினேதி, பினங் கரோதீதி ஆஹ “தப்பேதீ”தி. தோஸேதீதி அத்தோ². “துட்டி²ங்”தி துஸிதங், பஹட்ட²ங். “ஸுஹிதங்”தி ஸுதா⁴தங், ஸுபுண்ணங், வத்³தி⁴தங். அனேகத்த²த்தா தா⁴தூனங் “வட்³டே⁴தீ”தி வுத்தங். “பினந்தீ”தி தப்பந்தி, ஜோதந்தி, விரோசந்தி, தி³வா தப்பதிஆதி³ச்சோதிஆதீ³ஸு விய. கு²த்³தி³கா பீதி நாம லோமஹங்ஸ ந

மத்தகாரிகா பீதி. க²ணிகா பீதி நாம க²ணே க²ணே விஜ்ஜுப்பாத³ஸதி³ஸா பீதி. ஓக்கந்திகா பீதி நாம ஸரீரங் ஒக்கமித்வா ஒக்கமித்வாபி⁴ஜ்ஜந்தீ பீதி. உப்³பே³கா³பீதி நாம காயங் உத³க்³க³ங் கத்வா ஆகாஸே உல்லங்கா⁴பெந்தீ பீதி. ப²ரணா பீதி நாம கப்பாஸவத்தியங் ப²ரணகதேலங் விய ஸகலகாயங் ப²ரணவஸேன பவத்தா பீதி.

81. ச²ந்த³வசனத்தே². “அபி⁴ஸந்தீ⁴”தி அபி⁴லாஸோ, அபி⁴கங்க²னங். “கத்துஸத்³தோ³”தி கரதா⁴து வஸேன வுத்தங். “ஸப்³ப³கிரியா பதா³னீ”தி ஸப்³பா³னி துமிச்ச²த்த² கிரியா பதா³னி. “அத்தி²கோ”தி அஸித்³தோ⁴ ஹுத்வா ஸாதே⁴துங் இச்சி²தோ அத்தோ² அஸ்ஸாதி அத்தி²கோ. இச்ச²ந்தோதிபி வத³ந்தி. “ஆராதே⁴துகாமதா வஸேனா”தி ஸாதே⁴து காமதாவஸேன, ஸம்பாதே³து காமதா வஸேன. உஸுங் ஸரங் அ ஸந்தி கி²பந்தீதி இஸ்ஸாஸா. இகாரஸ்ஸ உகாரோ. த⁴னுக்³ஹா. “யஸேன வா”தி பரிவாரேன வா, கித்தி ஸத்³தே³ன வா. “ஸரே”தி கண்டே³. விபா⁴வனிபாடே² நானாவாத³ ஸோத⁴னத்த²ங் அயஞ்சாதிஆதி³வுத்தங். “யத³க்³கே³னா”தி யேன காரண கொட்டா²ஸேன. ஸங்க³ஹிதாதி ஸம்ப³ந்தோ⁴. “விஸ்ஸஜ்ஜிதப்³ப³ யுத்தகேனா”தி விஸ்ஸஜ்ஜிதப்³ப³ யொக்³யேன. “தேன அத்தி²கோ யேவா”தி பது³த்தா⁴ரோ. “ஸோ ந யுஜ்ஜதீ”தி ஸோ அத்தோ² ந யுஜ்ஜதி. “கி²பித உஸுனங்”தி புப்³பா⁴கே³ கி²பித உஸுனங். “அத்த²தோ பனா”தி அதி⁴ப்பாயத்த²தோ பன. “ஹத்த²ப்பஸாரணங் வியா”தி லோகே கிஞ்சி இச்ச²ந்தஸ்ஸ ஜனஸ்ஸ ஹத்த²ப்பஸாரணங் வியாதி அதி⁴ப்பாயோ. “தா²மபத்தோ”தி அதி⁴பதி பா⁴வ பத்தோதி வுத்தங் ஹோதி. தேனாஹ “ததா²ஹேஸா”திஆதி³ங். “தண்ஹாய ஹத்தே² டி²தா”தி உபசார வசனமேதங். தண்ஹாய பரிக்³ஹிதாதி வுத்தங் ஹோதி. நஸக்கி²ஸ்ஸந்தியேவ, நோ நஸக்கி²ஸ்ஸந்தி. தஸ்மா வேதி³தப்³ப³மேதங் ச²ந்தோ³யேவ தண்ஹாய ப³லவதரோதி. கஸ்மா ப³லவதரோதி. ஆதீ³னவானிஸங்ஸ த³ஸ்ஸனஞ்ஞாணேன யுத்தத்தாதி.

82. “பகிரந்தீ”தி பத்த²ரந்தி. “ஸமானா”தி ஸாவஜ்ஜேஹி யுத்தா ஸாவஜ்ஜா, அனவஜ்ஜேஹி யுத்தா அனவஜ்ஜாதி ஏவங் ஸதி³ஸா, ஸாதா⁴ரணா.

அஞ்ஞஸமானராஸிம்ஹிஅனுதீ³பனா நி²டி²தா.

83. அகுஸலராஸிம்ஹி. “முய்ஹதீ”தி ஞாதப்³ப³ஸ்ஸஞெய்ய த⁴ம்மஸ்ஸ அஞ்ஞாண வஸேன ஸம்முய்ஹதி, சித்தஸ்ஸ அந்த⁴பா⁴வோ ஹோதி. சதுரங்க³தமோ நாம ‘காளபக்க² சாதுத்³த³ஸி தி³வஸோ, அட்³ட⁴ரத்தி ஸமயோ, திப்³ப³வனஸண்டோ³, ப³ஹலமேக⁴ச்ச²ன்னோ,தி அயங் சதுரங்க³தமோ. ஸோ சக்கு²ஸ்ஸ அந்த⁴பா⁴வங் கரோதி. ஏவங் தஸ்ஸ தமஸ்ஸ சக்கு²ஸ்ஸ அந்த⁴பா⁴வகரணங் விய. ஞாணக³திகோ ஹோதீதி த³ட்ட²ப்³போ³ அட்ட²கதா²

நயேன. தமேவ அட்ட²கதா² நயங் த³ஸ்ஸேதுங் “ததா² ஹேஸா”திஆதி³ வுத்தங். அபி⁴த⁴ம்மடிகாயங் பன மிச்சா² ஞாணந்தி மிச்சா² விதக்கோ அதி⁴ப்பேதோ. ஸோ ஹி மிச்சா² ஸங்கப்போ ஹுத்வா நானப்பகார சிந்தா பவத்தி வஸேன ஞாணக³திகோ ஹோதி. மோஹோ பன சித்தஸ்ஸ அந்தீ⁴ பூ⁴தோ , நானாசிந்தன கிச்ச ரஹிதோ, கத²ங் ஞாணக³திகோ ப⁴வெய்யாதி தஸ்ஸ அதி⁴ப்பாயோ. “பாப கிரியாஸு”தி து³ச்சரித கம்மேஸு. “உபாய சிந்தாவஸேனா”தி கதகம்மஸ்ஸ ஸித்த³த⁴த்தா²ய ஸத்தா²வுதா⁴தி³விதா⁴னேஸு நானாஉபாய சிந்தாவஸேன. அப்படி பஜ்ஜனங் அப்படி பத்தி. ஞாண க³திங் அக³மனந்தி அத்தோ². தேனாஹ “அஞ்ஞாணமேவ வுச்சதீ”தி. “ஞாணக³திகா”தி ஞாணப்பவத்தியா ஸமானப்பவத்திகா. லோபோ⁴ ஞாண க³திகோ மாயாஸாடெ²ய்ய கம்மேஸு விசித்தப்பவத்திகத்தா. விசாரோ ஞாண க³திகோ. ததா²ஹி ஸோ ஜா²னங்கே³ஸு விசிகிச்சா²ய படிபக்கோ²தி வுத்தோ. சித்தஸ்ஸ ஞாண க³தி கதா விசித்தத்த²வாசகேன சித்தஸத்³தே³ன ஸித்த³தோ⁴. தே ச த⁴ம்மா ஸப்³ப³ ஸத்தேஸு ஞாண க³திகா ந ஹொந்தி. ஞாணாபனிஸ்ஸயங் லபி⁴த்வா ஏவ ஹொந்தீதி த³ஸ்ஸேதுங் “தேஹீ”திஆதி³மாஹ. தே ஸாதெ⁴ந்தீதி ஸம்ப³ந்தோ⁴. பகதியா விஞ்ஞஜாதிகா நாம திஹேதுகப்படி ஸந்தி⁴கா. அஞ்ஞப்படி ஸந்தி⁴காபி போ³தி⁴ஸத்த பூ⁴மியங் டி²தா வா பஞ்ஞாபஸுத ப⁴வதோ ஆக³தா வா. ஸுதபரியத்தி ஸம்பன்னா நாம த்³விஹேதுகப்படி ஸந்தி⁴காபி இமஸ்மிங் ப⁴வே ப³ஹுஸ்ஸுத ஸம்பன்னா ச பரியத்தி கம்ம ஸம்பன்னா ச.

84. அஹிரிகவசனத்தே². “ந ஹிரீயதீ”தி நாம தா⁴து பத³மேதங். ஹராயதி லஜ்ஜதீதி ஹிரீ. ஹரே லஜ்ஜாயங்தி தா⁴து. ந ஹிரீ அஹிரீதி வசனத்தோ². “ருசிங் உப்பாதெ³த்வா”தி கா³மஸு கரஸ்ஸ கூ³த²ராஸி த³ஸ்ஸனே விய சித்தரோசன சித்த க²மனங் உப்பாதெ³த்வா. அத்தானங் பாபகம்ம லிம்பதோ சித்தஸ்ஸ அலீனதா அஜிகு³ச்ச²னங் நாம. அத்தானங் அஸப்புரிஸ பா⁴வபத்திதோ சித்தஸ்ஸ அலீனதா அலஜ்ஜா நாம.

85. அனொத்தப்பவசனத்தே². “ந பா⁴யதீ”தி பாபகம்மங் ப⁴யதோ ந உபட்டா²தி. “ந உத்ரஸதீ”தி பாபகம்ம ஹேது ந கம்பதி. “தாஸு”தி பாபகிரியாஸு. “அஸாரஜ்ஜமானங் கத்வா”தி ஸுரங் விஸ்ஸட்ட²ங் கத்வா. அஸாரஜ்ஜங் நாம ஸுரபா⁴வோ. அனுத்தாஸோ நாம பாபகம்ம ஹேது சித்தஸ்ஸ அகம்பனங். கா³தா²யங். அஜிகு³ச்ச²னஸ்ஸீலோ புக³க³லோ அஜேகு³ச்சீ². “பாபா”தி பாபகம்மதோ. “ஸுகரோ”தி கா³மஸுகரோ. ஸோ கூ³த²தோ அஜேகு³ச்சீ². அஹிரிகோ பாபதோ அஜேகு³ச்சீ²தி யோஜனா. அபா⁴யனஸ்ஸீலோ அபீ⁴ரு. “ஸலபோ⁴”தி படங்கோ³. “பாவகா”தி தீ³பஜாலம்ஹா. ஸலபோ⁴ பாவகம்ஹா அபீ⁴ரு விய அனொத்தவ்வீ பாபதோ அபீ⁴ருதி யோஜனா.

86. உத்³த⁴ச்சவசனத்தே². “உத்³த⁴ரதீ”தி உக்கி²பதி. ஆரம்மணஸ்மிங் ந ஸன்னி ஸீத³தி. விக்கி²பதீதி வுத்தங் ஹோதி. “வட்டெத்வா”தி ஆவட்டெத்வா. “விஸ்ஸட்ட²கெ³ண்ணு³கோ வியா”தி விஸ்ஸஜ்ஜிதோ ஸாரகெ³ண்ணு³கோ விய. “த⁴ஜபடாகா வியா”தி வாதேரிதா த⁴ஜபடாகா விய.

87. லோப⁴வசனத்தே². “லுப்³ப⁴தீ”தி கி³ஜ்ஜ²தி, அபி⁴கங்க²தி. அபி⁴ஸஜ்ஜனங் அபி⁴லக்³க³னங். மக்கடங் ஆலிம்பதி ப³ந்த⁴தி ஏதேனாதி மக்கடா லேபோ. “தத்த கபாலே”தி அக்³கி³னாஸந்தத்தே க⁴ட கபாலே. தேலஸ்ஸ வத்த²ம்ஹி அஞ்ஜனங் அபி⁴லக்³க³னங் தேலஞ்ஜனங். ரஜ்ஜனங் படிஸஜ்ஜனங் ராகோ³. தேலஞ்ஜன பூ⁴தோ ராகோ³ தேலஞ்ஜன ராகோ³. ந கிலேஸராகோ³. ரத்தி தி³வங் பவத்தனட்டே²ன தண்ஹா ஏவ நதீ³ஸோதஸதி³ஸத்தா தண்ஹா நதீ³. “ஸத்தானங்”தி புது²ஜ்ஜன ஸத்தானங். “ஸுக்க²கட்ட²ஸாகா²பலாஸதிணகஸடானீ”தி ஸுக்க² கட்ட²கஸடானி, ஸுக்க² ஸாகா² கஸடானீதிஆதி³னா யோஜேதப்³பங். கஸட ஸத்³தே³ன அஸாரபா⁴வங் தீ³பேதி. “நதீ³ வியா”தி பப்³ப³தெய்யா நதீ³ விய.

88. தி³ட்டி²வசனத்தே². “த³ஸ்ஸனங்”தி பரிகப்பனா ஸித்³தே⁴ஸு மிச்சா² ஸபா⁴வேஸு விபரீத த³ஸ்ஸனங். தேனாஹ “த⁴ம்மானங்”திஆதி³ங். தத்த² “த⁴ம்மானங்”தி ரூபாரூப த⁴ம்மானங், அனிச்சதாதி³ த⁴ம்மானஞ்ச. “யாதா²வ ஸபா⁴வேஸு”தி பூ⁴தஸபா⁴வேஸு. பூ⁴தஸபா⁴வோ ஹி யதா² த⁴ம்மங் அவதி ரக்க²தீதி அத்தே²ன யாதா²வோதி வுச்சதி. அத்தானங் பண்டி³தங் மஞ்ஞந்தீதி பண்டி³த மானினோ. படிவேத⁴ஞ்ஞாணங் நாம அரிய மக்³க³ஞ்ஞாணங். பரமங் வஜ்ஜந்தி த³ட்ட²ப்³பா³ லோகே மஹாஸாவஜ்ஜட்டே²ன தங் ஸதி³ஸஸ்ஸ அஞ்ஞஸ்ஸ வஜ்ஜஸ்ஸ அபா⁴வதோதி அதி⁴ப்பாயோ.

89. மானவசனத்தே². “மஞ்ஞதீ”தி பூ⁴தஸபா⁴வங் அதிக்கம்ம அதி⁴கங் கத்வா அஹமஸ்மீதிஆதி³னா தேன தேன அபூ⁴தாகாரேன மஞ்ஞதி. தேனாஹ “அஹங் லோகே”திஆதி³ங். தத்த² “கட்ட²கதி²ங்க³ரோ வியா”தி ஸுக்க²தா³ருக்க²ந்தோ⁴ விய. ஸோ பன உபத்த²ம்பி⁴தோ மஞ்ஞதீதி ஸம்ப³ந்தோ⁴. “அத்தானங் அச்சக்³க³தங் மஞ்ஞதீ”தி புக்³க³லங் மானேன அபி⁴ன்னங் கத்வா வுத்தங். “உன்னதி லக்க²ணோ”தி உன்னமன ஸபா⁴வோ.

90. தோ³ஸவசனத்தே². சண்டே³ன காயவசீ மனோகம்மேன ஸமன்னாக³தோ சண்டி³கோ. சண்டி³கஸ்ஸ பா⁴வோ சண்டி³க்கங். “பஹதாஸீவிஸோ வியா”தி த³ண்டே³ன பஹதோ ஆஸீவிஸோ விய. “விஸப்பனட்டே²னா”தி ஸகலகாயே விவிதே⁴ன ஸப்பனட்டே²ன, ப²ரணட்டே²ன. இத³ஞ்ச தங் ஸமுட்டா²ன ரூபானங் ப²ரண வஸேன வுத்தங். “அஸனிபாதோ வியா”தி ஸுக்கா² ஸனிபதனங் விய. “தா³வக்³கி³வியா”தி அரஞ்ஞக்³கி³ விய. “ஸபத்தோ வியா”தி து³ட்ட²வேரீ விய.

“விஸஸங்ஸட்ட²பூதிமுத்தங் வியா”தி யதா² முத்தங் நாம பகதியா ஏவ து³க்³ந்த⁴த்தா படிசுலத்தா து³ரே ச²ட்டனீயந்தி அஹிதமேவ ஹோதி. புன பூதிபா⁴வே ஸதி, து³ரதரே ச²ட்டேதப்³பங். விஸஸங்ஸட்டே²பன வத்தப்³மேவனத்தி². ஸப்³பு³ஸோ அஹிதராஸி ஹோதி. ஏவங் தோ³ஸோபி தங் ஸமங்கீ⁴னோ தஸ்மிங் க²ணே பரேஸங் அமனாபியதங் ஆபாதே³தி. அத்தஹித பரஹித வினாஸஞ்ச காரேதி, பரம்மரணா அபாயஞ்ச பாபேதீதி ஸப்³பு³ஸோ அஹிதராஸி ஹோதி. தேன வுத்தங் “விஸஸங்ஸட்ட²பூதி முத்தங் விய த³ட்ட²ப்³போ³”தி.

91. இஸ்ஸாவசனத்தே². து³விதா⁴ இஸ்ஸாலத்³த⁴ஸம்பத்தி விஸயா சலபி⁴தப்³பு³ ஸம்பத்தி விஸயா ச. தத்த² லத்³த⁴ ஸம்பத்தி விஸயங் தாவத³ஸ்ஸேதி “பரேஸங் பகதியா”திஆதி³னா. லத்³த⁴ ஸம்பத்திக்³ஹணேன அதீத ஸம்பத்திபி ஸங்க³ஹிதாதி த³ட்ட²ப்³பா³. இஸ்ஸாபகதிகாஹி கேசி அஸுகோ நாம பு³பே³ ஏவங் ஸம்பத்திகோ அஹோஸீதி வா, அஹங் பு³பே³ ஏவங் ஸம்பத்திகோ அஹோஸிந்தி வா ஸுத்வா நஸஹந்தியேவ. தங் வசனங் ஸோதுங்பி ந இச்ச²ந்தீதி. அஸுகோதிஆதி³னா லபி⁴தப்³பு³ஸம்பத்தி விஸயங் த³ஸ்ஸேதி.

92. மச்ச²ரியவசனத்தே². “மம ஏவா”தி மமபக்கே² ஏவாதி அதி⁴ப்பாயோ. “கு³ணஜாதங்”வாதி அத்தனிவிஜ்ஜமானங் ஸிப்பவிஜ்ஜாதி³ ஸம்பத்தி கு³ணஜாதங் வா. “வத்து² வா”தி த⁴னத⁴ஞ்ஞாதி³வத்து² வா. “அவிப்பா²ரிகதாவஸேனா”தி அஞ்ஞேன தங் ஸிப்பவிஜ்ஜாதி³கங் வா த⁴னத⁴ஞ்ஞாதி³கங் வா மய்ஹங் தே³ஹீதி வுத்தே பரஹிதத்தா²ய தா³தப்³பு³ யுத்தகங் த³ஸ்ஸாமீதி ஏவங் சித்தேஸதி, பரஹிதப்ப²ரணாவஸேன தங் சித்தங் விப்பா²ரிகங் நாம ஹோதி. தே³ஹீதி வசனம்பி ஸோதுங் அனிச்ச²ந்தோ பரஹிதத்தா²ய அவிப்பா²ரிக சித்தோ நாம ஹோதி. ஏவங் அவிப்பா²ரிகதாவஸேன சரதி பவத்ததீதி மச்ச²ரஞ்ச காரஸ்ஸ ச² காரங் கத்வா. ததா² பவத்தங் சித்தங். புக்³க³லோ பன மச்ச²ரீதி வுச்சதி. “தங்”தி லத்³த⁴ஸம்பத்திங். “பரேஹி ஸாதா⁴ரணங் தி³ஸ்வா”திஆதி³னா யோஜேதப்³பங். ஸாதா⁴ரணந்தி ச த³விஸந்தகங் வாதி ஸந்தகங் வா ப⁴விஸ்ஸமானங், பரேஹி வா பரிபு⁴ஞ்ஜியமானங். “நிக்³கு³ஹனலக்க²ணங்”தி ரக்கா²வரணகு³த்தீஹிஸங்கோ³பன ஸபா⁴வங். அத்தனா லத்³த⁴ ஸம்பத்தி நாம இஸ்ஸாய அவிஸயோ. லபி⁴தப்³பு³ஸம்பத்தி பன உப⁴ய ஸாதா⁴ரணங். தஸ்மா தத்த² உபி⁴ன்னங் விஸேஸோ வத்தப்³போ³தி தங் த³ஸ்ஸேதுங் “எத்த² சா”திஆதி³மாஹ. “யஸ்ஸ லாப⁴ங் ந இச்ச²தீ”தி அத்தனா லப⁴து வா மாவா, கேவலங் பர ஸம்பத்திங் அஸஹந்தோ யஸ்ஸ பரஸ்ஸ லாப⁴ங் ந இச்ச²தி. “சித்த விகா⁴தோ”தி சித்த விஹஞ்ஞனங். “அத்தனா லத்³து⁴ங் இச்ச²தீ”தி பரோ ஸம்பஜ்ஜது வா மாவா, யத்த² பரலாபே⁴ஸதி, அத்தனா ந லபி⁴ஸ்ஸதி, தத்த² அத்தனாவ லத்³து⁴ங் இச்ச²தி. யத்த² அத்தனா ச லப⁴தி, பரோ ச லப⁴தி, தத்த² விகா⁴தோ நத்தீதி

அதி⁴ப்பாயோ. “அலப்³ப⁴மானகங் சிந்தெத்வா”தி அத்தனா
அலபி⁴ஸ்ஸமானங் ஸல்லக்கெ²த்வா.

93. குக்குச்சவசனத்தே². “கிரியா கதங்”தி கத ஸத்³த³ஸ்ஸபா⁴வ
ஸாத⁴னமாஹ. ஏவங் வசனத்த²ங் த³ஸ்ஸெத்வா அபி⁴தெ⁴ய்யத்த²ங்
த³ஸ்ஸெந்தோ “அத்த²தோ பனா”திஆதி³மாஹ. “அனுஸோசன வஸேனா”தி
பச்சா² புனப்புனங் சித்தஸந்தாபவஸேன. ஸோ குகதந்தி வுச்சதீதி
ஸம்ப³ந்தோ⁴. “குஸல த⁴ம்மேஸு”தி புஞ்ஞ கிரியவத்து² த⁴ம்மேஸு சித்த
பரியாதா³னாய ஏவ ஸங்வத்ததி. குக்குச்ச ஸமங்கீ³ பக்³க³லோ புஞ்ஞகம்மங்
கரொந்தோபி சித்த ஸுக²ங் ந லப⁴தி. ப³ஹுஜன மஜ்ஜே² வஸித்வா
நானாகிச்சானி கரொந்தோ நானா திரச்சா²ன கத²ங் கதெ²ந்தோ சித்த ஸுக²ங்
லப⁴தி. ததா³ தஸ்ஸ புஞ்ஞகம்ம கரணத்தா²ய சித்தங் பரியாதீயதி,
பரிக்கி²ய்யதி. சித்தவஸங் க³ச்ச²ந்தோ விசரதி. ஏவங் சித்த பரியாதா³னாய ஏவ
ஸங்வத்ததி. “அட்ட²கதா²யங்”தி அட்ட²ஸாலினியங். “கதா கதஸ்ஸ
ஸாவஜ்ஜானவஜ்ஜஸ்ஸா”தி புப்³பே³ கதஸ்ஸ ஸாவஜ்ஜகம்மஸ்ஸ, அகதஸ்ஸ
அனவஜ்ஜ கம்மஸ்ஸ. கம்மத்தே²ஸாமிவசனங். “அபி⁴முக²க³மனங்”தி
ஆரம்மண கரணவஸேன சித்தஸ்ஸ அபி⁴முக²ப்பவத்தனங். ஏதேன படிமுக²ங்
ஸரணங் சிந்தனங் படிஸாரோதி த³ஸ்ஸேதி. “அகதங் ந கரோதீ”தி அகதங்
காதுங் ந ஸக்கோதீதி அதி⁴ப்பாயோ. ஏவங் கதங் ந கரோதீதி எத்த²பி.
“விருபோ”தி விப்⁴ச்சோ² அஸோப⁴ணோ. “குச்சி²தோ”தி க³ரஹிதப்³போ³. நனு
புப்³பே³ சித்துப்பாதோ³ குச்சி²தோதி வுத்தோ. அட்ட²கதா²யங் பன விப்படிஸாரோ
குச்சி²தோதி வுத்தோ. உப⁴யமேதங் ந ஸமேதீதி. நோ ந ஸமேதி, அஞ்ஞதா²னு
பபத்திதோதி த³ஸ்ஸேதுங் “எத்த² சா”திஆதி³மாஹ. “யேன ச காரணேனா”தி
கதாகதங் படிச்ச நிரத்த²க சித்தப்பவத்தி காரணேன. ஸோ சித்துப்பாதோ³வ
குகதபதே³ க³ஹேதுங் யுத்தோ, நவிபா⁴வனியங் விய கதாகத து³ச்சரித
ஸுசரிதந்தி அதி⁴ப்பாயோ. நனு விபா⁴வனியம்பி ஸோ சித்துப்பாதோ³வ
உபசார நயேன க³ஹிதோதி சே. யுத்தி வஸேன ச அட்ட²கதா²க³மேன ச
முக²யதோ ஸித்³தே⁴ ஸதி, கிங் உபசார நயேன. தேனாஹ “விபா⁴வனியங்
பனா”திஆதி³ங். குகதஸ்ஸபா⁴வோ குக்குச்சங், அகாரஸ்ஸ உகாரங் கத்வாதி
அயங் அட்ட²கதா²னயோ. இதா³னி ஸத்³த³ஸத்த²னயேன அபரங் வசனத்த²ஞ்ச
அதி⁴ப்பாயத்த²ஞ்ச த³ஸ்ஸேதுங் “அபி சா”திஆதி³ ஆரத்³த⁴ங். தத்த²
“தா⁴துபாடே²ஸு”தி அக்க²ரதா⁴துப்பகாஸனேஸு நிருத்தி பாடே²ஸு.
பட²ந்தியேவ, நோ ந பட²ந்தி. தே ச அத்தா² சேதஸோ விப்படிஸாரோ மனோ
விலேகோ²தி ஏவங் பாளியங் வுத்தேஹி குக்குச்சபரியாயேஹி ஸமெந்தியேவ.
தஸ்மா அயங் அபரோனயோ இத⁴ அவஸ்ஸங் வத்தப்³போ³ யேவாதி தீ³பேதி.
விப்படி ஸாரிபுக்³லோ ச தங் தங் புஞ்ஞகம்மங் கரொந்தோபி விப்படி
ஸாரக்³கி³னா த³ய்ஹமான சித்தோ புஞ்ஞகம்மே சித்தப்பஸாத³ங் நலப⁴தி.
சித்த ஸுக²ங் ந விந்த³தி. கிங் இமினா கம்மேனாதி தங் பஹாய யத்த² சித்த
ஸுக²ங் விந்த³தி, தத்த² விசரதி. ஏவங் விப்படிஸாரோ புஞ்ஞகம்மதோ

ஸங்கோசனங் நாம ஹோதீதி. கிலேஸஸல்லிக²னங் நாம ஸந்துட்டி²
 ஸல்லேக²ப்படிபத்தியங் டி²தஸ்ஸ தத³ங்க³ப்பஹானாதி³வஸேன தங் தங்
 கிலேஸப்பஹானங் வுச்சதி. “அனுத்து²னநாகாரேனா”தி புனப்புனங்
 விலபனாகாரேன. ஸங்கோசதீதி வத்வா தஸ்ஸ உப⁴யங் அத்த²ங்
 த³ஸ்ஸெந்தோ “குஸலகம்ம ஸமாதா³னே”திஆதி³மாஹ. நமிதும்பி ந தே³தி.
 குதோ ஸமாதா³துங் வா வட்³டே⁴துங் வா த³ஸ்ஸதீதி அதி⁴ப்பாயோ.
 “தனுக்ரணேனா”தி து³ப³ப³லக்ரணேன. விலேஸஸனட்டே²க்ரண வசனங். “ஸோ”தி
 த⁴ம்மஸமுஹோ. தங் பன குக்குச்சங். கேசி பன குக்குச்சங் பச்சப்பன்ன
 ஸுசரித து³ச்சரிதா ரம்மணம்பி அனாக³த ஸுசரித து³ச்சரிதா ரம்மணம்பி
 கப்பெந்தி. தங் படிக்கி²பந்தோ “தேனா”திஆதி³மாஹ . மஹானித்³தே³ஸபாடே²
 த்³வீஹாகாரேஹி உப்பஜ்ஜதி குக்குச்சங் சேதஸோ விப்படிஸாரோ
 மனோவிலேகோ²தி பாடோ². “கதத்தா சா”தி அகத்தப்³ப³ஸ்ஸ கதத்தா ச.
 “அகதத்தா சா”தி கத்தப்³ப³ஸ்ஸ அகதத்தா ச. கேசி பன அயங் விப்படிஸாரோ
 நாம கதா³சி கஸ்ஸசி கேனசி காரணேன பு³பே³கத ஸுசரிதம்பி அகத
 து³ச்சரிதம்பி ஆரப்³ப⁴ உப்பஜ்ஜதி. உம்மத்தகஸதி³ஸஞ்ஹி புது²ஜ்ஜன சித்தந்தி
 வத³ந்தி. தங் படிக்கி²பந்தோ “ஏதேனா”திஆதி³மாஹ. ஸோ பன கேஸஞ்சி
 வாதே³ விப்படிஸாரோ நாம தோ³மனஸ்ஸங் ஹோதி, ந குக்குச்சந்தி
 அதி⁴ப்பாயோ. ஸோச கோ² த்³விதா⁴ பா⁴வோ. அபாயப⁴யேன தஜ்ஜீயந்தி
 தாஸீயந்தீதி அபாயப⁴ய தஜ்ஜிதா. “ந அஞ்ஞேஸங்”தி ஸுசரித து³ச்சரிதங்
 அஜானந்தானங் அமனஸிகரொந்தானஞ்ச ந ஹோதி. கத²ங் விஞ்ஞாயதீதி சே.
 ஸுசரிதது³ச்சரித நாமேன அனுஸோசனாகாரஸ்ஸ த³ஸ்ஸிதத்தாதி வுத்தங்
 “அகதங் மே”திஆதி³. யாதா²வமானோ நாம ஸெய்யஸ்ஸ ஸெய்யோ
 ஹமஸ்மீதி ஸதி³ஸஸ்ஸ ஸதி³ஸோஹமஸ்மீதி ஹீனஸ்ஸ
 ஹீனோஹமஸ்மீதிஆதி³னா பவத்தோ பூ⁴தமானோ. யஞ்சகுக்குச்சங்
 உப்பஜ்ஜதீதி ஸம்ப³ந்தோ⁴. “அகத்வா”தி தங் கல்யாண கம்மங் அகத்வா.
 “கத்வா”தி தங் பாபகம்மங் கத்வா. இத³ங் பன பு³பே³கதா கதகாலே ஏவ
 அயாதா²வங் ஹோதி. அனுஸோசன காலேபன யாதா²வமேவ. “ஹத்த²
 குக்குச்சங்”தி எத்த² ஸங்கோசனத்தோ² ந லப்³ப⁴தி. குச்சி²த கிரியத்தோ² ஏவ
 லப்³ப⁴தி. ஹத்த²லோலதாஹி ஹத்த² குக்குச்சந்தி வுச்சதி. பாத³லோலதா ச
 பாத³குக்குச்சங். தேனாஹ “அஸங்யத குக்குச்சங் நாமா”தி. யங் பன குக்குச்சங்.
 “தங்”தி தங் வத்து²ங். குக்குச்சங் கரொந்தீதி குக்குச்சாயந்தா. நாமதா⁴து
 பத³ஞ்ஹேதங். கப்பதி நு கோ², ந நு கோ² கப்பதீதி ஏவங் வினய ஸங்ஸயங்
 உப்பாதெ³ந்தாதி அத்தோ². “குக்குச்சப்பகததாயா”தி குக்குச்சேன அபகததாய
 அபி⁴பூ⁴ததாய. “அத்தனோ அவிஸயே”தி ஆணாசக்கடா²னே. ஆணாசக்க
 ஸாமினோ பு³த்³த⁴ஸ்ஸவிஸயத்தா அத்தனோ ஸாவக பூ⁴தஸ்ஸ
 அவிஸயேதி அத்தோ². யே பன கரொந்தியேவ குக்குச்சாயந்தா பீதி
 அதி⁴ப்பாயோ. “ஆபத்திங்”தி து³க்கடாபத்திங்.

94-95. தி²னமித்³த⁴வசனத்தே²ஸு. “சித்தங் மந்த³மந்த³ங் கத்வா”தி சிந்தன கிச்சே அதிமந்த³ங் பரிது³ப³லங் கத்வா. சித்தங் கி³லானங் மிலாதங் கத்வாதி வுத்தங் ஹோதி. “அஜ்ஜொ²த்த²ரதீ”தி அபி⁴ப⁴வதி. ஆரம்மண விஜானநே வா ஜவனகிச்சே வா பரிஹீனதா²மப³லங் கரோதி. “தி²யதீ”தி பத³ங் பாளிவஸேன ஸித்³த⁴ந்தி ஆஹ “தி²னங் தி²யனா”திஆதி³ங். “அகம்மஞ்ஞபூ⁴தே கத்வா”தி காயகம்மாதீ³ஸு அகம்மக்க²மே பரிது³ப³லே கத்வா. [முக்³க³ரேன போதெ²த்வா வியாதி வுத்தங் ஹோதி]. “தே”தி சித்த சேதஸிகே ஸம்பயுத்த த⁴ம்மே. “ஓலீயாபெத்வா”தி அவலீனே அவஸீத³ந்தே கத்வா. தேனாஹ “இரியா பத²ங் பீ”திஆதி³ங். தி²னங் சித்தங் அபி⁴ப⁴வதி, விஜானந கிச்சஸ்ஸ கே³லஞ்ஞத்தா தி²னஸ்ஸ. மித்³த⁴ங் சேதஸிகே அபி⁴ப⁴வதி, பு²ஸனாதி³ கிச்சஸ்ஸ கே³லஞ்ஞத்தா மித்³த⁴ஸ்ஸாதி அதி⁴ப்பாயோ.

96. விசிகிச்சா²வசனத்தே². “சிகிச்ச²னங்”தி ரோகா³பனய நத்தே² கிததா⁴துவஸேன ஸித்³த⁴ங் ஸங்க²த கிரியா பத³ந்தி ஆஹ “ஞாணப்படிகாரோதி அத்தோ²”தி. “படிகாரோ”தி ச ரோக³ஸ்ஸ படிபக்க² கம்மங். “ஏதாயா”தி நிஸ்ஸக்கவசனங். விசினந்தி த⁴ம்மங் விசினந்தீதி விசினோ. த⁴ம்ம வீமங்ஸகா. கிச்ச²தி கிலமதி ஏதாயாதி கிச்சா². விசினங் கிச்சா²தி விசிகிச்சா²தி இமமத்த²ங் த³ஸ்ஸெந்தோ “ஸபா⁴வங்”திஆதி³மாஹ. “விசிகிச்ச²தீ”தி ஸங்க²ததா⁴துபத³ங். தஞ்ச கங்கா²யங் வத்ததீதி த³ஸ்ஸேதுங் “விசிகிச்ச²தி வா”திஆதி³ வுத்தங். த்³விதா⁴ ஏளயதி கம்பதீதி த்³வேளகங். ததா² பவத்தங் சித்தங். த்³வேளகஸ்ஸ பா⁴வோதி விக்³க³ஹோ. “பு³த்தா⁴தீ³ஸு அட்ட²ஸு”தி பு³த்தே⁴ கங்க²தி, த⁴ம்மே கங்க²தி, ஸங்கே⁴ கங்க²தி, ஸிக்கா²ய கங்க²தி, பு³ப³ந்தே கங்க²தி, அபரந்தே கங்க²தி, பு³ப³ந்தா பரந்தே கங்க²தி, இத³ப்பச்சயதா படிச்ச ஸமுப்பன்னேஸு த⁴ம்மேஸு கங்க²தீதி ஏவங் வத்தேஸு அட்ட²ஸு ஸத்³தெ⁴ய்ய வத்தூ²ஸு. தத்த² “பு³த்தே⁴ கங்க²தீ”தி இதிபி ஸோ ப⁴க³வா அரஹந்திஆதி³னா வத்தேஸு பு³த்த⁴கு³ணேஸு அஸத்³த³ஹந்தோ பு³த்தே⁴ கங்க²தி நாம. ஸ்வாக்கா²தோ ப⁴க³வதா த⁴ம்மோதிஆதி³னா வத்தேஸு த⁴ம்ம கு³ணேஸு அஸத்³த³ஹந்தோ த⁴ம்மே கங்க²தி நாம. ஸுப்படிபன்னோ ப⁴க³வதோ ஸாவகஸங்கோ⁴திஆதி³னா வத்தேஸு ஸங்க⁴கு³ணேஸு அஸத்³த³ஹந்தோ ஸங்கே⁴ கங்க²தி நாம. திஸ்ஸன்னங் ஸிக்கா²னங் வட்ட து³க்க²தோ நிய்யானட்டே²ஸு அஸத்³த³ஹந்தோ ஸிக்கா²ய கங்க²தி நாம. அத்தனோ அதீத ப⁴வஸ்ஸ அத்தி² நத்தி²பா⁴வே கங்க²ந்தோ பு³ப³ந்தே கங்க²தி நாம. அத்தனோ பரம்மரணா அனாக³த ப⁴வஸ்ஸ அத்தி² நத்தி²பா⁴வே கங்க²ந்தோ அபரந்தே கங்க²தி நாம. தது³ப⁴யஸ்ஸ அத்தி² நத்தி² பா⁴வே கங்க²ந்தோ பு³ப³ந்தா பரந்தே கங்க²தி நாம. இமஸ்மிங் ப⁴வே அத்தனோ க²ந்தா⁴னங் படிச்ச ஸமுப்பாதே³ ச படிச்ச ஸமுப்பன்னபா⁴வே ச கங்க²ந்தோ இத³ப்பச்சயதா படிச்ச ஸமுப்பன்னேஸு த⁴ம்மேஸு கங்க²தி நாம. “விமதி வஸேனா”தி வேமதிகபா⁴வேன. பவத்தமானா விசிகிச்சா². விசிகிச்சா² படிருபகா நாம ஸப்³ப³ த⁴ம்மேஸு

அப்படிஹதபுத்தீனங் ஸப்புஞ்ஞு புத்தாநங் ஏவ நத்தீதி வுத்தங்
“அஸப்புஞ்ஞானங்”திஆதி³.

அகுஸலராஸிம்ஹிஅனுதீபனா நிட்டி²தா.

97. ஸத்தா⁴வசனத்தே². “ஸன்னிஸின்னங்”தி அசலிதங். “ஸுட்டு²”தி
அனஸ்ஸந்தங் அசலந்தஞ்ச கத்வா. “தா⁴ரேதீ”தி ஏவமேவ ஹோதீதி
ஸல்லக்க²ணவஸேன தா⁴ரேதி. ததா² ட²பேதீதி. ஸத்த³ஹந்தி வா ஸத்தா⁴
ஸம்பன்னா ஸத்தா. ஸத்தா⁴துங் அரஹந்தீதி ஸத்தெ⁴ய்யானி.
அகாலுஸ்ஸங் வுச்சதி அனாவிலங் சித்தங். அகாலுஸ்ஸங் ஏவ
அகாலுஸ்ஸியங். தஸ்ஸ பா⁴வோதி விக்³க³ஹோ. “ஓகப்பனா”தி
அஹோஸாது⁴ அஹோஸுட்டு²தி அதி⁴முச்சனவஸேன சிந்தனா.
“மிச்சா²தி⁴மொக்கோ² யேவா”தி தி³ட்டி²ஸம்பயுத்தோ அதி⁴மொக்கோ²யேவ.
“வித்தே அஸதீ”தி த⁴னே அஸதி. த⁴னஞ்ஹி வித்தந்தி வுச்சதி. யங் யங்
இச்ச²தி, தங் தங் விந்த³ந்தி ஏதேனாதி கத்வா. “தேஸங்”தி மனுஸ்ஸானங்.

98. ஸதிவசனத்தே². “ஸரதீ”தி அனுஸ்ஸரதி. “கதானீ”தி புப்பே³கதானி.
“கத்தப்பா³னீ”தி இதா³னி வா பச்சா² வா கத்தப்பா³னி. கல்யாண கம்மங்
நாமபகதியா சித்தஸ்ஸ ரதிட்டா²னங் ந ஹோதி. பாப கம்மமேவ சித்தஸ்ஸ
ரதிட்டா²னங் ஹோதி. தஸ்மா கல்யாண கம்மே ஏவ அப்பமஜ்ஜிதுங் விஸுங்
ஸதினாம இச்சி²தப்பா³. பாபகம்மே பன விஸுங் ஸதியா கிச்சங் நத்தி².
ஸப்பே³பி சித்தசேதஸிகா த⁴ம்மா அபமத்த ரூபா ஹொந்தி. தேனாஹ
“இதராபனா”திஆதி³ங். “ஸதியேவ ந ஹோதீ”தி விஸுங் ஸதி நாமகோ ஏகோ
சேதஸிகோயேவ ந ஹோதி. கதமா பன ஸா ஹோதீதி ஆஹ
“கதஸ்ஸா”திஆதி³ங். தத்த² கதஸ்ஸ அப்பமஜ்ஜனங் நாம கேஸஞ்சி
அனுமோத³னவஸேன கேஸஞ்சி அனுஸோசனவஸேன அப்பமஜ்ஜனங்.
கத்தப்ப³ஸ்ஸ அப்பமஜ்ஜனங் நாம நிச்சகாலம்பி காதுங் அபி⁴முக²தா.
“கதஸ்ஸா”தி வா பு⁴ம்மத்தே² ஸாமிவசனங். ததா² ஸேஸேஸு த்³வீஸு
பதே³ஸு. ஸப்பே³ஸு ராஜகம்மேஸு நியுத்தோ ஸப்ப³கம்மிகோ. “நியுத்தோ”தி
அப்பமத்தோ ஹுத்வா ப்யாவடகாய சித்தோ. ஸப்பே³ஸு டா²னேஸு
இச்சி²தப்பா³தி ஸப்ப³த்தி²கா. ஸா ஹி ச²ஸு த்³வாரேஸு சித்தஸ்ஸ ஆரக்க²
கிச்சா ஹோதி இந்த³ரிய ஸங்வரண த⁴ம்மத்தா. தஸ்மா ச²ஸு த்³வாரேஸு
இட்டா²ரம்மணே லோப⁴மூலசித்தஸ்ஸ அனுப்பஜ்ஜனத்தா²ய ஸா இச்சி²தப்பா³,
அனிட்டா² ரம்மணே தோ³ஸமூல சித்தஸ்ஸ, மஜ்ஜ²த்தாரம்மணே மோஹமூல
சித்தஸ்ஸாதி. அபி ச, பொ³ஜ்ஜ²ங்க³ பா⁴வனா டா²னேஸு இத³ங் ஸுத்த பத³ங்
வுத்தங். தஸ்மா பா⁴வனா சித்தஸ்ஸ லீனட்டா²னேபி ஸா இச்சி²தப்பா³
லீனபக்க²தோ சித்தஸ்ஸ நீவாரணத்தா²யாதிஆதி³னா யோஜேதப்பா³.

99-100. ஹிரிஒத்தப்பவசனத்தே²ஸு. “காயது³ச்சரிதாதீ³ஹி லஜ்ஜதீ”தி தானிகாதுங் லஜ்ஜதி. தானி ஹீனகம்மானி லாமககம்மானீதி ஹீளெத்வா ததோ அத்தானங் ரக்கி²துங் இச்ச²தி. தேனாஹ “ஜிகு³ச்ச²தீ”தி. “உக்கண்ட²தீ”தி விருஜ்ஜதி, வியோக³ங் இச்ச²தி. “தேஹி யேவா”தி காய து³ச்சரிதாதீ³ஹியேவ. “உப்³பிஜ்ஜதீ”தி உத்தஸதி, ப⁴யதோ உபட்டா²தி. கா³தா²ஸு. “அலஜ்ஜியேஸு”தி அலஜ்ஜிதப்³பே³ஸு கல்யாண கம்மேஸு. “லஜ்ஜரே”தி லஜ்ஜந்தி. “அப⁴யே”தி அபா⁴யிதப்³பே³ கல்யாணகம்மே. யஸ்மா பன ஸப்புரிஸா அத்தானங் பரிஹரந்தீதி ஸம்ப³ந்தோ⁴. “ஹிரியா அத்தனி கா³ரவங் உப்பாதெ³த்வா”தி அத்தனோ ஜாதிகு³ணாதி³கங் வா ஸீல கு³ணாதி³கங் வா க³ருங் கத்வா மாதி³ஸஸ்ஸ ஏவ ரூபங் பாபகம்மங் அயுத்தங் காதுங். யதி³ கரெய்யங், பச்சா² அத்தானங் அஸுத்³த⁴ங் குத்வா து³க்கீது³ம்மனோ ப⁴வெய்யந்தி ஏவங் ஹிரியா அத்தனி கா³ரவங் உப்பாதெ³த்வா. “ஒத்தப்பேன பரேஸு கா³ரவங் உப்பாதெ³த்வா”தி பரானுவாத³ப⁴யங் பா⁴யித்வாதி அதி⁴ப்பாயோ. தத்த² பரானுவாத³ப⁴யங் நாம பரேஸங் ஸாது⁴ ஜனானங் க³ரஹா ப⁴யங். அஞ்ஞம்பி அபாயப⁴யங் ஸங்ஸார வட்டப⁴யஞ்ச எத்த² ஸங்க³ய்ஹதியேவ. லோகங்பாலெந்தீதி லோகபாலா. “லோகங்”தி ஸத்தலோகங். “பாலெந்தீ”தி அபாய ப⁴யதோ ரக்க²ந்தி.

101. அலோப⁴வசனத்தே². அகாரோ விருத்³த⁴த்தோ²திஆஹ “லோப⁴ப்படிபக்கோ²”தி. லோப⁴ஸ்ஸ படிவிருத்³தோ⁴தி அத்தோ². படிவிருத்³த⁴தா ச பஹாயக பஹாதப்³பா⁴வேன வேதி³தப்³பா⁴தி த³ஸ்ஸேதுங் “ஸோஹீ”திஆதி³மாஹ . தத்த² ஸோ நெக்க²ம்மதா⁴துவஸேன ஹுத்வா பவத்ததீதி ஸம்ப³ந்தோ⁴. “ஹித ஸஞ்ஞிதேஸு”தி இத³ங் மே அத்தா²ய ஹிதாய ஸுகா²யாதி ஏவங் ஸஞ்ஞிதேஸு. “லக்³க³னவஸேனா”தி அமுஞ்சிதுகாமதாவஸேன. தெஸ்வேவ பவத்ததீதி ஸம்ப³ந்தோ⁴. “ப⁴வபோ⁴க³ ஸம்பத்தியோ கூ³த²ராஸிங் விய ஹீளெத்வா”தி இத³ங் போ³தி⁴ஸத்தானங் வஸேன நித³ஸ்ஸன வசனங். தத்த² “ஹீளெத்வா”தி க³ரஹித்வா. நிக்க²மந்தி ஏதேனாதி நெக்க²ம்மோ. ஸோ ஏவ தா⁴துதி நெக்க²ம்மதா⁴து.

102. அயங் நயோ தோ³ஸப்படிபக்கோ², மோஹப்படிபக்கோ²திஆதீ³ஸுபி நேதப்³போ³.

103. தத்ர மஜ்ஜ²த்ததாயங். “லீனுத்³த⁴ச்சானங்”தி சித்தஸ்ஸ லீனதா ஏகோ விஸமபக்கோ². உத்³த⁴தா து³தீயோ விஸமபக்கோ². லீனங் சித்தங் கோஸஜ்ஜே விஸமபக்கே² பததி. உத்³த⁴தங் சித்தங் உத்³த⁴ச்சே விஸமபக்கே² பததி. தது³ப⁴யம்பி அகுஸல பக்கி²கங் ஹோதி. ததா² சித்தஸ்ஸ அதி லூக²தா ஏகோ விஸம பக்கோ². அதிபஹட்ட²தா ஏகோதிஆதி³னா ஸப்³பங் பொ³ஜ்ஜ²ங்க³விதா⁴னங் வித்தா²ரேதப்³பங். தத்ர மஜ்ஜ²த்ததா பன ஸம்பயுத்த

த⁴ம்மே உபோ⁴ஸு அந்தேஸு பாதேதுங் அத³த்வா ஸயங்
மஜ்ஜி²மப்படிபதா³யங் த³ள்ஹங் திட்ட²தி.

104. பஸ்ஸத்தா⁴தீ³ஸு. “தத்த² தங் வீந்த³ந்தீ”தி தேஸு புஞ்ஞ கம்மேஸு
தங் சித்த ஸுக²ங் படிப⁴ந்தி.

105. லஹுதா த்³வயே. “தத்தபாஸாணே”தி ஸந்தத்தே பாஸாணபிட்டே².
“தத்தா²”தி புஞ்ஞகம்மேஸு.

106-110. முது³தா த்³வயாதீ³ஸு ஸப்³பங் ஸுவிஞ்ஞய்யங்.

111. விரதித்தயே. “கதா², சேதனா, விரதி, வஸேனா”தி ‘கதா²ஸம்மாவாசா,
சேதனா ஸம்மாவாசா, விரதி ஸம்மாவாசா, வஸேன. தங் கதா²வாசங்
ஸமுட்டா²பேதீதி தங் ஸமுட்டா²பிகா. யா பன பாப விரமணாகாரேன
சித்தஸ்ஸ பவத்தீதி யோஜனா. “ஸமாதி³யந்தஸ்ஸ வா”தி முஸாவாதா³
விரமாமீதிஆதி³னா வசீபே⁴த³ங் கத்வா ஸமாதி³யந்தஸ்ஸ வா.
“அதி⁴ட்ட²ஹந்தஸ்ஸ வா”தி வசீபே⁴த³ங் அகத்வா சித்தேனேவ ததா²
அதி⁴ட்ட²ஹந்தஸ்ஸ வா. இமேஹி த்³வீஹி பதே³ஹி ஸமாதா³ன
விரதிப்பவத்திங் வத³தி. “அவீதிக்கமந்தஸ்ஸ வா”தி ஏதேன ஸம்பத்த
விரதிப்பவத்திங் வத³தி. “ஏதாயா”தி ஸம்மாவாசா விரதியா. ஸா பன கத்துனா
ச க்ரியாய ச ஸஹபா⁴வினீ ஹுத்வா ஸமாதா³ன க்ரியங் ஸுட்டு²தரங்
ஸாதே⁴தி. தஸ்மா ஸா கரண ஸாத⁴னங் நாம ஹோதி. தேனாஹ
“கரணத்தே²வாகரண வசன”ந்தி. ப்³ஹுஸுஜவனவாரேஸு பவத்தமானேஸு
புரிம புரிம ஜவனவாரபரியாபன்னா ஸம்மாவாசா பச்சி²ம பச்சி²ம
ஜவனவாரஸமுட்டி²தாய ஸமாதா³ன க்ரியாய பச்சயோ ஹோதி. ஸா பன தாய
க்ரியாய அஸஹபா⁴வித்தா கரணலக்க²ணங் ந ஸம்பஜ்ஜதி. ஹேது லக்க²ணே
திட்ட²தி. தேனாஹ “ஹேது அத்தே²வா கரணவசன”ந்தி. இத³ஞ்ச அத்த²தோ
லப்³ப⁴மானத்தா வுத்தங். ஸம்மாவாசாதி பத³ங் பன கிதஸாத⁴ன
பத³த்தாகரணத்தே² ஏவஸித்த⁴ங். ந ஹி அகாரக பூ⁴தோ ஹேது அத்தோ²
ஸாத⁴னங் நாம ஸம்ப⁴வதி. “ஸமாதா³ன வசனானீ”தி ஸம்மாவாசா
ஸமுட்டி²தானி ஸமாதா³ன வசனானி. “ததோ”தி ததோபரங். “தேஸங்”தி தே
ஸங்வத³மானானங். இத³ஞ்ச ஸப்³பங் ஸம்மாவாசாதி வசனே
வசீபே⁴த³வாசங் பதா⁴னங் கத்வா வுத்தங். ஸம்பத்தவிரதி ஸமுச்சே²த³
விரதிபூ⁴தாய பன ஸம்மாவாசாய வசீபே⁴தே³ன கிச்சங் நத்தி². விரதி கிச்ச
மேவபதா⁴னந்தி த³ஸ்ஸேதுங் “அபிசா”திஆதி³ வுத்தங். “பவத்தமானா”தி
பவத்தமானத்தா. விலேஸஸன ஹேது பத³மேதங்.

112-113. ஸம்மாகம்மந்தேபி ஸம்மாஆஜீவேபி வத்தப்³பங் நத்தி².

114. “ஸம்பத்தங் வத்து²ங்”தி பாணாதி பாதாதி³கம்மஸ்ஸ வத்து²ங். ஸாபச்சுப்பன்னாரம்மணாயேவ. கஸ்மா, அத்தனோ பச்சக்கே² ஸம்பத்த வஸேனவத்து²ஸ்ஸத⁴ரமானத்தா. “ஸமாதி³யந்தஸ்ஸ வா உப்பன்னா”தி பாணாதி பாதாபடிவிரமாதீ⁴திஆதி³னா ஸமாதி³யந்தஸ்ஸயா ஸமாதா³னக்க²ணே உப்பன்னா விரதி. “ஸா பன பச்சுப்பன்னாரம்மணா ஹோதீ”தி எத்த² கத²ங் பச்சுப்பன்னா ரம்மணா ஹோதீதி. பாணாதி பாதாபடிவிரமாதீ⁴தி வத³ந்தஸ்ஸ சித்தங் அனுக்கமேன பாணஸத்த³தா³தீ³னங் அத்த²ங் ஆரம்மணங் கத்வா பவத்ததி. தத்த² “பாணோ”தி வோஹாரதோ ஸத்தோ. பரமத்த²தோ ஜீவிதிந்த³ரியங். ஸோ ச ஸத்தோ தஞ்சஜீவிதிந்த³ரியங் லோகே ஸப்³பகாலம்பி ஸங்விஜ்ஜதியேவ. ஏவருபங் ஜீவிதிந்த³ரிய ஸாமஞ்ஞங் ஸந்தா⁴ய பச்சுப்பன்னாரம்மணாதி வுத்தங். அதி³ன்னாதா³னா படிவிரமாதீ⁴திஆதீ³ஸுபி ஏஸேவ நயோ. “அனாக³தா ரம்மணாவா”தி எத்த² ஏகதி³வஸங் நியமெத்வா ஸமாதி³யந்தஸ்ஸ தஸ்மிங் தி³வஸே த⁴ரமான ஸத்தாபி அத்தி². உப்பஜ்ஜிஸ்ஸமானஸத்தாபி அத்தி². தது³ப⁴யம்பி பாணவசனே ஸங்க³ஹிதமேவ. பாணுபேதங் கத்வா ஸமாதி³யந்தஸ்ஸ வத்தப்³பமேவ நத்தி². அபி ச அனாக³தகாலிகம்பி ஸமாதா³னங் அத்தி²யேவ. அஹங் அஸுகதி³வஸதோ பட்டா²ய யாவஜீவம்பி பாணாதிபாதா விரமாதீ⁴திஆதி³. ஏவங் ஸமாதா³ன விரதி அனாக³தா ரம்மணாபி ஹோதீதி. “பச்சயஸமுச்சே²த³வஸேனா”தி தங் தங் கிலேஸானுஸய ஸங்கா²தஸ்ஸ பச்சயஸ்ஸ ஸமுச்சே²த³வஸேன. ஸேஸமெத்த² ஸுவிஞ்ஞெய்யங்.

115-116. அப்பமஞ்ஞாத்³வயே. அபிசாதிஆதீ³ஸு. “கலிஸம்ப⁴வேப⁴வே”தி து³க்கு²ப்பத்திபச்சயபூ⁴தே ஸங்ஸாரப⁴வே. “பாபேகலி பராஜயே”தி கலிஸத்தோ³ பாபே ச பராஜயே ச வத்ததீதி அத்தோ². ஸத்தேஹி கலிங் அவந்தி ரக்க²ந்தி ஏதாயாதி கருணா. ஸத்தேஹீதி ச ரக்க²ணத்த²யோகே³ இச்சி²தஸ்மிங் அத்தே² அபாதா³ன வசனங். யதா²-காகே ரக்க²ந்தி தண்டு³லா-தி. ஸத்தேவா கலிதோ அவந்தி ரக்க²ந்தி ஏதாயாதி கருணா. கலிதோதி ச ரக்க²ணத்த² யோகே³ அனிச்சி²தஸ்மிம்பி அபாதா³னவசனங். யதா²-பாபாசித்தங் நிவாரயேதி. ஏகஸ்மிங் ஸத்தே பவத்தாபி அப்பமஞ்ஞா ஏவ நாம ஹொந்தி. யதா² தங் ஸப்³ப³ஞ்ஞுதஞ்ஞாணங் ஏகஸ்மிங் ஆரம்மணே பவத்தம்பி ஸப்³ப³ஞ்ஞுதஞ்ஞாணமேவ ஹோதீதி.

117. பஞ்ஞிந்த³ரியே வத்தப்³பங் நத்தி².

ஸோப⁴ணராஸிம்ஹிஅனுதீ³பனா நிட்டி²தா.

118. ஏதங் பரிமாணங் அஸ்ஸாதி எத்தாவங். “எத்தாவதா”தி எத்தாவந்தேன-ப²ஸ்ஸோ, வேத³னா, ஸஞ்ஞாதிஆதி³வசனக்கமேன. “சித்துப்பாதே³ஸு”தி எத்த²-கதமே த⁴ம்மா த³ஸ்ஸனேன பஹாதப்³பா³. சத்தாரோ

திட்டி²க³தஸம்பயுத்த சித்துப்பாதா³-திஆதீ³ஸு சித்தசேதஸிக ஸமுஹோ சித்துப்பாதோ³தி வச்சதி. இத⁴ பன சித்தானி ஏவ சித்துப்பாதா³தி வச்சந்தீதி ஆஹ “சித்துப்பாதே³ஸுதி சித்தேஸு இச்சேவ அத்தோ²”தி. “ஸப்³பு³து³பு³லத்தா”தி ஸப்³பு³சித்தேஹி து³பு³லதரத்தா. “பா⁴வனா ப³லேனா”தி விதக்க விராக³ஸத்தி யுத்தேன உபசார பா⁴வனா ப³லேன, வுட்டா²ன கா³மினி விபஸ்ஸனா பா⁴வனா ப³லேன ச. “ப³லனாயகத்தா”தி ப³ல த⁴ம்மானங் நாயகத்தா, ஜெட்ட²கத்தா.

119. அகுஸல சேதஸிகேஸு. “பச்சி²மங்”தி ஸப்³பே³ஸுபி த்³வாத³ஸா குஸல சித்தேஸுதி வசனங். “புரிமஸ்ஸா”தி ஸப்³பா³ குஸல ஸாதா⁴ரணா நாமாதி வசனஸ்ஸ. “ஸமத்தன வசனங்”தி-கஸ்மா ஸப்³பா³குஸல ஸாதா⁴ரணா நாமாதி. யஸ்மா ஸப்³பே³ஸுபி. ல. சித்தேஸு லப்³ப⁴ந்தி, தஸ்மா ஸப்³பா³ குஸல ஸாதா⁴ரணா நாமா-தி ஏவங் ஸாத⁴ன வசனங். யஸ்மா பன இமேஹி சதூஹி வினானுப்பஜ்ஜந்தி, தஸ்மா தே ஸப்³பே³ஸு தேஸு லப்³ப⁴ந்தீதி யோஜனா. கஸ்மா வினா நுப்பஜ்ஜந்தீதி ஆஹ “ந ஹிதானீ”திஆதி³ங். “தேஹீ”தி பாபேஹி. ஸப்³பு³ பாப த⁴ம்மதோதி அத்தோ². “ததா² ததா² ஆமஸித்வா”தி தி³ட்டி² க²ந்தே⁴ஸு நிச்சோ து⁴வோ ஸஸ்ஸதோதிஆதி³னா ஆமஸதி. மானோ அஹந்தி வா ஸெய்யோ ஸதி³ஸோதிஆதி³னா வா ஆமஸதி. ஏவங் ததா² ததா² ஆமஸித்வா. “தேஸு”தி தி³ட்டி²மானேஸு. நித்தா⁴ரணே பு⁴ம்மங். தி³ட்டி² பராமஸந்தீ பவத்தீதி யோஜனா. “தங் க³ஹிதாகார”ந்தி தங் அஹந்தி க³ஹிதங் நிமித்தாகாரங். ஸக்காய தி³ட்டி² ஏவ க³தி யேஸங் தே தி³ட்டி² க³திகா. அவிக்க²ம்பி⁴த ஸக்காய தி³ட்டி²கா. “அஹந்தி க³ண்ஹந்தீ”தி மானேன க³ண்ஹந்தி. “ந ஹி மானஸ்ஸ வியா”தி யதா² மானஸ்ஸ அத்தஸம்பக்³க³ஹணே ப்³யாபாரோ அத்தி², ந ததா² தி³ட்டி²யா அத்தஸம்பக்³க³ஹணே ப்³யாபாரோ அத்தீ²தி யோஜனா. எத்த² ச அத்தஸம்பக்³க³ஹணங் நாம பரேஹி ஸத்³தி⁴ங் அத்தானங் ஸெய்யாதி³வஸேன ஸுட்டு²பக்³க³ஹணங். “ந ச தி³ட்டி²யா வியா”தி யதா² தி³ட்டி²யா த⁴ம்மானங் அயாதா²வபக்க²பரிகப்பனே ப்³யாபாரோ அத்தீ²தி யோஜனா. தத்த² அயாதா²வபக்கோ² நாம அத்தா ஸஸ்ஸதோ உச்சி²ன்னோதிஆதி³. மச்ச²ரியங் அத்தஸம்பத்தீஸு லக்³க³னலோப⁴ஸமுட்டி²தத்தா லோப⁴ஸம்பயுத்தமேவ ஸியாதி சோத³னங் பரிஹரந்தோ “மச்ச²ரியங் பனா”திஆதி³மாஹ. தத்த² “தாஸங்”தி அத்தஸம்பத்தீனங். ஸேஸமெத்த² ஸுவிஞ்ஞெய்யங்.

120. ஸோப⁴ணசேதஸிகேஸு. “தீஸு க²ந்தே⁴ஸு”தி ஸீலக்க²ந்த⁴ ஸமாதி⁴க்க²ந்த⁴ பஞ்ஞாக்க²ந்தே⁴ஸு ச. “ஸம்மாதி³ட்டி² பச்சி²மகோ”தி ஸம்மாதி³ட்டி²யா பச்ச²தோ அனுபந்த⁴கோதி அத்தோ². ஸம்மாதி³ட்டி²யா பரிவா ரமத்தோதி வுத்தங் ஹோதி. “தஸ்மிங் அஸதி பீ”தி து³தீயஜ்ஜா²னிக மக்கா³தீஸு தஸ்மிங் ஸம்மாஸங்கப்பே அஸந்தேபி. “ஸீலஸமாதி⁴க்க²ந்த⁴

த⁴ம்மேஸு பனா²தி 'ஸம்மாவாசா, ஸம்மாகம்மந்தோ, ஸம்மாஆஜீவோ,தி இமே தயோ த⁴ம்மா ஸீலக்க²ந்த⁴ த⁴ம்மா நாம. ஸம்மா வாயாமோ, ஸம்மாஸதி, ஸம்மாஸமாதீ⁴,தி இமே தயோ த⁴ம்மா ஸமாதி⁴க்க²ந்தா⁴ நாம. இமேஸு ஸீலக்க²ந்த⁴ ஸமாதி⁴க்க²ந்தே⁴ஸு. "ஏகோ ஏகஸ்ஸ கிச்சங் ந ஸாதே⁴தீ²"தி தேஸு ஸம்மாவாசா ஸம்மாகம்மந்தஸ்ஸ கிச்சங் ந ஸாதே⁴தி. ஸம்மா ஆஜீவஸ்ஸ கிச்சங் ந ஸாதே⁴தி. ஸம்மாகம்மந்தோ ச ஸம்மாவாசாய கிச்சங் ந ஸாதே⁴தீதிஆதி³னா ஸப்³பங் வத்தப்³பங். "ஸீலேஸு பரிபூரகாரிதா வஸேனா²தி ஸீலப்படிபக்க² த⁴ம்மானங் ஸமுச்சி²ந்த³காரிதா வஸேனாதி அதி⁴ப்பாயோ. முஸாவாத³ விரதி முஸாவாத³மேவ பஜஹிதுங் ஸக்கோதி. ந இதரானி பிஸுணவாசாதீ³னீதி யோஜனா. எத்த² ஸியா. முஸாவாத³விரதி நாம குஸல த⁴ம்மோ ஹோதி. குஸல த⁴ம்மோ ச நாம ஸப்³பஸ்ஸ அகுஸல த⁴ம்மஸ்ஸ படிபக்கோ². ஏகஸ்மிம்பி குஸல த⁴ம்மே உப்பஜ்ஜமானே தஸ்மிங் ஸந்தானே ஸப்³பா³னி அகுஸலானி பஜஹிதுங் ஸக்கொந்தீதி வத்தப்³பா³னி. அத² ச பன முஸாவாத³ விரதி முஸாவாத³மேவ பஜஹிதுங் ஸக்கோதி, ந இதரானீதி வுத்தங். கத²மித³ங் த³ட்ட²ப³பந்தி. வச்சதே. பஜஹிதுங் ஸக்கோதீதி இத³ங் பஞ்சஸு பஹானேஸு தத³ங்க³ப்பஹான வசனங். தத³ங்க³ப்பஹானந்தி ச தேன தேன குஸலங்கே³ன தஸ்ஸ தஸ்ஸ அகுஸலங்க³ஸ்ஸ பஹானங் தத³ங்க³ப்பஹானங் நாம. இத³ங் வுத்தங் ஹோதி, இத⁴ ஸப்புரிஸோ பாணாதிபாதா படிவிரமாமீதிஆதி³னா விஸுங் விஸுங் ஸிக்கா²பதா³னி ஸமாதி³யித்வா பாணாதி பாதவிரதி ஸங்கா²தேன குஸலங்கே³ன பாணாதிபாத ஸங்கா²தங் அகுஸலங்க³ங் பஜஹதி. அதி³ன்னாதா³ன விரதி ஸங்கா²தேன குஸலங்கே³ன அதி³ன்னாதா³ன ஸங்கா²தங் அகுஸலங்க³ங் பஜஹதீதிஆதி³னா வித்தா²ரேதப்³பங். ஏகஸ்மிம்பி குஸல த⁴ம்மே உப்பஜ்ஜமானே தஸ்மிங் ஸந்தானே ஸப்³பா³னி அகுஸலானி ந உப்பஜ்ஜந்தீதி எத்த² பன அனோகாஸத்தா ஏவ ந உப்பஜ்ஜந்தி, ந பஹானத்தா. ந ஹி தஸ்மிங் ஸந்தானே தஸ்மிங் க²ணே தானி அகுஸலானி ஏவ ந உப்பஜ்ஜந்தி. அத²கோ² ஸப்³பா³னி அஞ்ஞானி குஸல சித்தானி ச ந உப்பஜ்ஜந்தி. ஸப்³பா³னி அப்³யாகத சித்தானி ச ந உப்பஜ்ஜந்தி. தானி அனோகா ஸத்தா ஏவ ந உப்பஜ்ஜந்தி. ந பஹானத்தா ந உப்பஜ்ஜந்தி. தத³ங்க³ப்பஹானாதி³ வஸேன பன பஹானங் ஸந்தா⁴ய இத⁴ பஜஹிதுங் ஸக்கோதி-ந ஸக்கோதீதி வுத்தங். எத்தாவதா தத³ங்க³ப்பஹானங் நாம ஸுபாகடங் ஹோதி. முஸாவாத³ விரதி முஸாவாத³மேவ பஜஹிதுங் ஸக்கோதி. ந இதரானீதி இத³ஞ்ச ஸுட்டு² உபபன்னங் ஹோதீதி. "எத்த² சா²"திஆதி³ஸு காயங்க³சோபனத்தா²ய வாசங்க³சோபனத்தா²ய ச பவத்தானி காயவசீசோ பன பா⁴கி³யானி நாம. காமாவசர குஸலெஸ்வேவ விரதியோ ஸந்தி³ஸ்ஸந்தி. "காமாவசர குஸலேஸு பீ²தி நித்தா⁴ரணே பு⁴ம்மவசனங். காமபு⁴மியங் உப்பன்னேஸு ஏவ காமாவசர குஸலேஸு ஸந்தி³ஸ்ஸந்தி. திவித⁴ குஹனவத்து²னி ச விரமிதப்³வத்து²ட்டா²னேடி²தானி. எத்த² ச குஹனங் நாம விம்ஹாபனங்

லாபு⁴ஸக்கார ஸிலோகத்தா²ய மனுஸ்ஸானங் நானாமாயாஸா²ய்ய கம்மானி கத்வா அச்சு²ரியப்பு⁴த பா⁴வகரணந்தி வுத்தங் ஹோதி. தங் பன திவித⁴ங் 'பச்சயப்படிஸேவனகுஹனஞ்ச, ஸாமந்தஜப்பன குஹனஞ்ச, இரியா பத²ஸண்டா² பன குஹனஞ்ச. தத்த² மஹிச்சோ²யேவ ஸமானோ அப்பிச்சா²காரங் து³ஸ்ஸெத்வா ஆதி³தோ ஆக³தா க³தே சதுபச்சயே படிக்கி²பித்வா பச்சா² ப³ஹுங் ப³ஹுங் ஆக³தே பச்சயே படிக்க³ண்ணாதி. இத³ங் பச்சயப்படிஸேவன குஹனங் நாம. பாபிச்சோ²யேவ ஸமானோ அயங் ஜா²னலாபீ⁴தி வா அபி⁴ஞ்ஞாலாபீ⁴தி வா அரஹாதி வா ஜனோ மங் ஸம்பா⁴வேதுதி ஸம்பா⁴வனங் இச்ச²ந்தோ அத்தானங் உத்தரி மனுஸ்ஸ த⁴ம்மானங் ஸந்திகே தே வா அத்தனோ ஸந்திகே கத்வா வஞ்சேதி. இத³ங் ஸாமந்தஜப்பன குஹனங் நாம. பாபிச்சோ²யேவ ஸமானோ அயங் ஸந்தவுத்தி ஸமாஹிதோ ஆரத்³த⁴வீரியோதி ஜனோ மங் ஸம்பா⁴வேதுதி ஸம்பா⁴வனங் இச்ச²ந்தோ இரியா பத² நிஸ்ஸிதங் நானாவஞ்சனங் கரோதி. இத³ங் இரியா பத² ஸண்டா²பன குஹனங் நாம. “ஸிக்கா²பத³ஸ்ஸ வத்து²னீ”தி ஸுரா பான விகால போ⁴ஜன நச்சகீதவாதி³த த³ஸ்ஸன ஸவனாதீ³னி. ஸுராமேரயபானா விரமாதீ⁴தி ஸமாதியந்தஸ்ஸ ஸுராமேரயபான சேதனா விரமிதப்³ப³ வத்து² நாம. விகால போ⁴ஜனா விரமாமீதி ஸமாதியந்தஸ்ஸ விகாலே யாவகாலிக வத்து²ஸ்ஸ பரிபு⁴ஞ்ஜன சேதனா விரமிதப்³ப³ வத்து² நாம. ஸேஸேஸுபி ஏஸேவ நயோ. லோகுத்தர சித்தேஸு. ‘ஸப்³ப³தா²பீ’தி ச ‘நியதா’தி ச ‘ஏகதோ வா’தி ச தீணி விஸேஸனானி. லோகியேஸு பன ‘கதா³சீ’தி ச ‘விஸுங் விஸுங்’தி ச த்³வே த்³வே விஸேஸனானி. தத்த² லோகுத்தரேஸு ‘ஸப்³ப³தா²பீ’தி இத³ங் ஸமுச்சே²த³ப்பஹான த³ஸ்ஸனங் லோகியேஸுபி தப்³பி³பரீதங் தத³ங்க³ப்பஹான த³ஸ்ஸனங் அதி⁴ப்பேதந்தி கத்வா “ஏகேக து³ச்சரிதப்பஹானவஸேனே வா”தி வுத்தங்.

121. அப்பமஞ்ஞாஸு. “விப⁴ங்கே³”தி அப்பமஞ்ஞா விப⁴ங்கே³. “காருஞ்ஞப்பகதிகஸ்ஸா”தி காருஞ்ஞஸபா⁴வஸ்ஸ. “அனிஸ்ஸுகினோ”தி இஸ்ஸாத⁴ம்மரஹிதஸ்ஸ. தா²மக³தா கருணா தோ³ஸ ஸமுட்டி²தங் விஹிங்ஸங் பஜஹதி. தா²மக³தா முதி³தா தோ³ஸஸமுட்டி²தங் அரதிங் பஜஹதீதி வுத்தங் “விஹிங்ஸா அரதீனங் நிஸ்ஸரண பூ⁴தா”தி. எத்த² ச அரதி நாம ஸுஞ்ஞாகா³ரேஸு ச பா⁴வனா கம்மேஸு ச நிப்³பி³தா³. தோ³ஸ நிஸ்ஸரணே ஸதி தோ³மனஸ்ஸனிஸ்ஸரணம்பி ஸித்³த⁴மேவ. நிஸ்ஸரணஞ்ச நாம படிபக்க² த⁴ம்ம ஸண்டா²னேன ஹோதி. தஸ்மா புப்³பா⁴கே³பி அப்பமஞ்ஞாஸு நிச்சங் ஸோமனஸ்ஸ ஸண்டா²னங் வேதி³தப்³ப³ந்தி அதி⁴ப்பாயேன “தோ³மனஸ்ஸப்படிபக்க²ஞ்சா”திஆதி³மாஹ. “அட்ட²கதா²யபி ஸஹ விருத்³தோ⁴”தி அட்ட²ஸாலினியங் உபெக்கா² ஸஹக³த காமாவசர குஸல சித்தேஸு கருணா முதி³தா பரிகம்மகாலேபி ஹி இமேஸங் உப்பத்தி மஹாஅட்ட²கதா²யங் அனுஞ்ஞாதா ஏவா-தி வுத்தங். தாய அட்ட²கதா²யபி ஸஹ விருத்³தோ⁴. ஸேஸமெத்த² ஸுவிஞ்ஞய்யங்.

“படிகூலா ரம்மணேஸு பன...பே... வத்தப்³ப³மேவ நத்தீ²”தி படிகூலா ரம்மணானி நாம ஸோமனஸ்ஸேன தூ³ரே ஹொந்தி, ததா² து³க்கி²த ஸத்தா ச, தஸ்மா ததா³ ரம்மணானி அஸுப⁴ பா⁴வனா சித்தானி ச கருணா பா⁴வனா சித்தானி ச ஆதி³தோ உபெக்கா² ஸஹக³தா நேவாதி வத்தப்³ப³மேவ நத்தி².

“ஸாஹிவேத³னுபெக்கா² நாமா”தி காமாவசர வேத³னுபெக்கா² வுத்தா. விபா⁴வனிபாடே², “அஞ்ஞவிஹிதஸ்ஸ பீ”தி அஞ்ஞங் ஆரம்மணங் மனஸிகரொந்தஸ்ஸபி. ஸஜ்ஜா²யனங் ஸம்பஜ்ஜதி, ஸம்மஸனங் ஸம்பஜ்ஜதீதி பாட²ஸேஸோ. இதி தஸ்மா. எத்த² ஸியா “தங் படிக்கி²த்தங் ஹொதீ”தி கஸ்மா வுத்தங். ந நு தம்பி உபெக்கா² ஸஹக³த சித்தேஸு கருணா முதி³தானங் ஸம்ப⁴வங் ஸாதே⁴தி யேவாதி. ஸச்சங் ஸாதே⁴தியேவ. தேன பன பரிசய வஸேன தேஸு தாஸங் ஸம்ப⁴வங் தீ³பேதி. இத⁴ பன “எத்த² சா”திஆதி³னா “படிகூலா ரம்மணேஸு”திஆதி³னா ச பரிசயேன வினா பகதியா தாஸங் உபெக்கா² வேத³னாய ஏவ ஸஹ பவத்தி ப³ஹுலதா வுத்தாதி. “யோக³கம்ம ப³லேனா”தி யுஞ்ஜன விரிய கம்ம ப³லேன.

122. சேதோ யுத்தானங் சித்த சேதஸிகானங். “எத்த² சா”திஆதி³ஸு. ஹொட்டா² ச வுத்தோ ‘கதா³சி ஸந்தி³ஸ்ஸந்தி விஸுங் விஸுங், கதா³சி நானா ஹுத்வா ஜாயந்தீ’தி. உபரி ச வக்க²தி ‘அப்பமஞ்ஞா விரதியோ பனெத்த² பஞ்சபி பச்சேகமேவ யோஜேதப்³பா³’தி. இஸ்ஸாதீ³னஞ்ச நானா கதா³சி யோகோ³ உபரி ‘இஸ்ஸாமச்சே²ர குக்குச்சானி பனெத்த² பச்சேகமேவ யோஜேதப்³பா³’னீதி வக்க²தி. மானதி²ன மித்தா⁴னங் பன நானா கதா³சி யோகோ³ இத⁴ வத்தப்³போ³. “கதா³சீ”தி வத்வா தத³த்த²ங் விவரதி “தேஸங்”திஆதி³னா. “தேஸங்”தி தி³ட்டி² விப்பயுத்தானங். “நித்தா³பி⁴பூ⁴த வஸேனா”தி நித³ஸ்ஸன வசனமேதங். தேன கோஸஜ்ஜாதீ³னம்பி க³ஹணங் வேதி³தப்³பங். “அகம்மஞ்ஞதாயா”தி அகம்மஞ்ஞபா⁴வேன. தேஹி இஸ்ஸாமச்ச²ரிய குக்குச்சேஹி. தேன ச மானேன. கிச்ச விரோதே⁴ வா ஆரம்மண விரோதே⁴ வா நானாபா⁴வோ. அவிரோதே⁴ ஸஹபா⁴வோ.

123. “யோக³ட்டா²னபரிச்சி²ந்த³ன வஸேனா”தி ஸப்³ப³சித்த ஸாதா⁴ரணா தாவ ஸப்³பே³ஸுபி ஏகூனநவுதிசித்துப்பாதே³ஸு, விதக்கோ பஞ்சபஞ்ஞா ஸசித்தேஸுதிஆதி³னா யுத்தட்டா²ன பூ⁴தானங் சித்தானங் க³ணனஸங்க²யாபரிச்சே²த³வஸேன. “யுத்த த⁴ம்மராஸி பரிச்சி²ந்த³ன வஸேனா”தி அனுத்தரே ச²த்திங்ஸ, மஹக்க³தே பஞ்சதிங்ஸாதிஆதி³னா யுத்த த⁴ம்மராஸீனங் க³ணன ஸங்க²யா பரிச்சே²த³ வஸேன. ஸேஸங் ஸுவிஞ்ஞெய்யங். “பாளியங்”தி த⁴ம்மஸங்க³ணி பாளியங். “தேஸங் நயானங்”தி சதுக்க பஞ்சக நயானங்.

124. “காயவசீ விஸோத⁴ன கிச்சா”தி காயத்³வாரவசீத்³வார ஸோத⁴ன கிச்சா.

125. லோகுத்தர விரதீனங் லோகுத்தர விபாகேஸுபி உப்பஜ்ஜனதோ
 “இத³ஞ்ச...பே... த³ட்ட²ப³”ந்தி. தாஸங் அப்பமஞ்ஞானங். தேஸு
 மஹாவிபாகேஸு. ஸத்தபஞ்ஞத்தாதீ³னி ஆரம்மணானி யஸ்ஸாதி
 விக்³க³ஹோ. “தேனா”தி குஸலேன. “விகப்ப ரஹிதத்தா”தி விவிதா⁴கார
 சிந்தன ரஹிதத்தா. அப்பனாபத்த கம்ம விஸேஸேஹி நிப்³ப³த்தா
 அப்பனாபத்தகம்ம விஸேஸ நிப்³ப³த்தா. பஞ்ஞத்தி விஸேஸானி நாம
 பத²வீகஸிண நிமித்தாதீ³னி. “அபி சா”திஆதீ³ஸு. ந பஞ்ஞத்தி த⁴ம்மேஹி
 அத்தி². ஏவஞ்ச ஸதி, காமவிபாகானி காமதண்ஹாய ஆரம்மணபூ⁴தா
 பஞ்ஞத்தியோபி ஆலம்பெ³ய்யுந்தி. “ஸங்க³ஹனயபே⁴த³காரகா”தி பத²
 மஜ்ஜா²னிக சித்தேஸு ச²த்திங்ஸ. து³தீயஜ்ஜா²னிக சித்தேஸு
 பஞ்சதிங்ஸாதிஆதி³னா ஸங்க³ஹனயபே⁴த³ஸ்ஸ காரகா.

126. “எத்த² சா”திஆதீ³ஸு. “பஞ்சஸு அஸங்கா²ரிகேஸு”தி நித்³தா⁴ரணே
 பு⁴ம்மவசனங். ததா² பஞ்சஸு ஸஸங்கா²ரிகேஸுதி. ஸேஸமெத்த²
 ஸுவிஞ்ஞெய்யங்.

128. “பூ⁴மி ஜாதி ஸம்பயோகா³தி³பே⁴தே³னா”தி ப²ஸ்ஸோதாவ
 சதுப்³பி³தோ⁴ ஹோதி காமாவசரோ, ரூபாவசரோ, அரூபாவசரோ சாதி. அயங்
 பூ⁴மிபே⁴தோ³.

த³வாத³ஸாகுஸலா ப²ஸ்ஸா, குஸலா ஏகவீஸதி;
 ச²த்திங்ஸேவ விபாகா ச, வீஸதி க்ரியா மதா.

இதி அயங் ஜாதிபே⁴தோ³. ஸோமனஸ்ஸ ஸஹக³தோ, தி³ட்டி²க³த
 ஸம்பயுத்தோ, அஸங்கா²ரிகோ ச, ஸஸங்கா²ரிகோ சாதிஆதி³னா
 ஸம்பயோகா³தி³பே⁴தோ³ வத்தப்³போ³. “சித்தேன ஸமங் பே⁴த³”ந்தி அத்தனா
 வா ஸம்பயுத்தேன சித்தபே⁴தே³ன ஸமங் பே⁴த³ங். ஏகூனந வுதியா
 சித்தேஸு வா. எத்த² ச விசிகிச்சா² சேதஸிகங் ஏகஸ்மிங் சித்தே யுத்தந்தி
 ஏகமேவ ஹோதி. தோ³ஸோ, இஸ்ஸா, மச்ச²ரியங், குக்குச்சந்தி இமே
 சத்தாரோ த³வீஸு சித்தேஸு யுத்தாதி விஸுங் விஸுங் த³வே த³வே
 ஹொந்தி. ததா² தி³ட்டி²மானா பச்சேகங் சத்தாரோ. தி²னமித்³த⁴ங் பச்சேகங்
 பஞ்சாதிஆதி³னா ஸப்³ப³ங் வத்தப்³ப³ந்தி.

சேதஸிகஸங்க³ஹதீ³பனியாஅனுதீ³பனா நிட்டி²தா.

3. பகிண்ணகஸங்க³ஹ அனுதீ³பனா

129. பகிண்ணகஸங்க³ஹே . உபி⁴ன்னங் சித்த சேதஸிகானங்.

“தேபஞ்ஞாஸா”தி தேபஞ்ஞாஸவிதா⁴. “பா⁴வோ”தி விஜ்ஜமானகிரியா. யோ
லக்க²ண ரஸாதீ³ஸு லக்க²ணந்தி வுச்சதி. தேனாஹ “த⁴ம்மானங்”திஆதி³ங்.
பவத்தோதி பாட²ஸேஸ பத³ங். ஏதேன வேத³னா பே⁴தே³ன
சித்தசேதஸிகானங் ஸங்க³ஹோதிஆதி³ஸுபி வேத³னா பே⁴தே³ன பவத்தோ
சித்தசேதஸிகானங் ஸங்க³ஹோதிஆதி³னா ஸம்ப³ந்த⁴ங் த³ஸ்ஸேதி.
“வசனத்தோ² த³ஸ்ஸிதோ”தி, கத²ங் த³ஸ்ஸிதோதி ஆஹ “வேத³னா பே⁴தே³ன
சித்தசேதஸிகானங் ஸங்க³ஹோ”திஆதி³. “தேஸங் தா³னி யதா²ரஹங்”தி எத்த²
“தேஸங்”தி சித்தசேதஸிகானங், ஸங்க³ஹோ நாமாதி ஸம்ப³ந்தோ⁴. ஏதேன
அயங் ஸங்க³ஹோ சித்த சேதஸிகானங் ஏவ ஸங்க³ஹோதி ஸித்³த⁴ங்
ஹோதி. வேத³னா ஹேதுதோ. ல. லம்ப³ணவத்து²தோ ஸங்க³ஹோ நாமாதி
ஸம்ப³ந்தோ⁴. ஏதேன உபரி வேத³னா ஸங்க³ஹோதிஆதி³ஸு வேத³னாதோ
ஸங்க³ஹோ வேத³னா ஸங்க³ஹோ. ல. வத்து²தோ ஸங்க³ஹோ வத்து²
ஸங்க³ஹோதி ஸித்³த⁴ங் ஹோதி, வேத³னாதோதிஆதி³ஸு ச வேத³னா
பே⁴த³தோதிஆதி³ அத்த²தோ ஸித்³த⁴ங் ஹோதி. ஏவங் ச²ன்னங்
பகிண்ணகஸங்க³ஹானங் வசனத்தோ² த³ஸ்ஸிதோ. தேனாஹ “வேத³னா
பே⁴தே³னா”திஆதி³ங். ஆதி³னா த³ஸ்ஸிதோதி ஸம்ப³ந்தோ⁴. “ஸங்க³ஹோ
நாம நிய்யதே”தி வுத்தத்தா “நீதோ நாம அத்தீ²”தி வுத்தங். “நிய்யதே”தி ச
பவத்தீயதேதி அத்தோ². நனு தேஸங் “ஸங்க³ஹோ நாம நிய்யதே”தி வுத்தத்தா
த³வீஹி சித்த சேதஸிகேஹி ஏவ அயங் ஸங்க³ஹோ நேதப்³போ³தி. ந.
சித்தேன நீதே சேதஸிகேஹி விஸுங் நேதப்³ப³ கிச்சஸ்ஸ அபா⁴வதோதி
த³ஸ்ஸேதுங் “சித்தே பன ஸித்³தே⁴”திஆதி³ வுத்தங்.

130. வேத³னா ஸங்க³ஹே. வேத³னா பே⁴த³ங் நிஸ்ஸாய இமஸ்ஸ
ஸங்க³ஹஸ்ஸ பவத்தத்தா “நிஸ்ஸய த⁴ம்ம பரிக்க³ஹத்த²”ந்தி வுத்தங்.
“ஸங்யுத்தகே”தி வேத³னா ஸங்யுத்தகே. “ஆரம்மணங் அனுபொ⁴ந்தீ”தி
ஆரம்மண ரஸங் அனுபொ⁴ந்தி. “தே”தி தேஜனா. “தங்”தி தங் ஆரம்மணங்.
“ஸாததோ”தி ஸுகா²காரதோ. “அஸ்ஸாததோ”தி து³க்கா² காரதோ . ததோ
அஞ்ஞோபகாரோ நத்தி², தஸ்மா வேத³னா அனுப⁴வன லக்க²ணேன திவிதா⁴
ஏவ ஹோதீதி யோஜனா. “த³வே”தி த³வே வேத³னாயோ. உபெக்க²ங் ஸுகே²
ஸங்க³ஹேத்வா ஸுக²து³க்க²வஸேன வா த³வே வேத³னா வுத்தாதி யோஜனா.
“ஸந்தஸ்மிங் ஏஸா பணீதே ஸுகே²”தி ஜா²னஸம்பயுத்தங் அது³க்க²ம ஸுக²ங்
ஸந்தா⁴ய வுத்தங். பஞ்ச பே⁴தா³தீ³ஸு வித்தா²ரோ வேத³னா ஸங்யுத்தே
க³ஹேதப்³போ³. வேத³யிதந்தி ச வேத³னாதி ச அத்த²தோ ஏகங். “ஸப்³ப³ங் தங்
து³க்க²ஸ்மிங்”தி ஸப்³ப³ங் தங் வேத³யிதங் து³க்க²ஸ்மிங் ஏவ பவிட்ட²ங்
ஹோதி. ஸங்கா²ர து³க்க²தங் ஆனந்த³ மயா ஸந்தா⁴ய பா⁴ஸிதங் ஸங்கா²ர

விபரிணாமதஞ்ச, யங் கிஞ்சி வேத³யிதங், ஸப்³பங் தங் து³க்க²ஸ்மிங்தி பானி.
 “இந்த்³ரியபே⁴த³வஸேனா”தி ஸோமனஸ்ஸ ஸஹக³தங்,
 உபெக்கா²ஸஹக³தங், தோ³மனஸ்ஸ ஸஹக³தங், ஸுக²ஸஹக³தங், து³க்க²
 ஸஹக³தந்தி ஏவங் இந்த்³ரிய பே⁴த³வஸேன. “யேஸு த⁴ம்மேஸு”தி
 ஸம்பயுத்த த⁴ம்மேஸு. “தேஸங்”தி ஸம்பயுத்த த⁴ம்மானங். தத்த²
 ஸுக²ஸம்பயுத்தா த⁴ம்மா காயிக ஸுக² ஸம்பயுத்த சேதஸிக ஸுக²
 ஸம்பயுத்த வஸேன து³விதா⁴. ஏவங் இஸ்ஸரட்டா²னபூ⁴தானங் ஸம்பயுத்த
 த⁴ம்மானங் து³வித⁴த்தா அனுப⁴வன பே⁴தே³ தீஸு வேத³னாஸு ஏகங்
 ஸுக² வேத³னங் த்³விதா⁴ பி⁴ந்தி³த்வா ஸுகி²ந்த்³ரியங்
 ஸோமனஸ்ஸிந்த்³ரியந்தி வுத்தங். து³க்க²ஸம்பயுத்த த⁴ம்மேஸுபி
 ஏஸேவனயோ. “அபி சா”தி கிஞ்சி வத்தப்³பங் அத்தீ²தி அத்தோ². “தேபீ”தி
 உபெக்கா² ஸம்பயுத்தாபி த⁴ம்மா. சக்கா²தி³ பஸாத³காயா நாம சக்கு² ஸோத
 கா⁴ன ஜிவ்ஹா பஸாத³காயா. தேஸு நிஸ்ஸிதா நாம சக்கு² விஞ்ஞாண
 சித்துப்பாத³த³யோ. “ஸப்³பா⁴வா”தி ஸந்தபா⁴வதோ ஸங்விஜ்ஜமான
 பா⁴வதோ து³விதா⁴ ஹொந்தீதி யோஜனா. “ஏக ரஸத்தா”தி
 மஜ்ஜத்தபா⁴வேன ஏகரஸத்தா. “இதரானீ”தி ஸோமனஸ்ஸ தோ³மனஸ்ஸ
 உபெக்கி²ந்த்³ரியானி. ஸேஸமெத்த² ஸுவிஞ்ஞெய்யங்.

131. ஹேதுஸங்க³ஹே. “ஸுப்பதிட்டி²தபா⁴வஸாத⁴னங்”தி ஸுட்டு²
 பதிட்ட²ஹந்தீதி ஸுப்பதிட்டி²தா. ஸுப்பதிட்டி²த பா⁴வஸாத⁴னங் ஹேது
 கிச்சங் நாமாதி யோஜனா. “இமேபி த⁴ம்மா”தி இமேபி ச² ஹேது த⁴ம்மா.
 “தத்தா²”தி தேஸு ஆரம்மணேஸு, ஸாதெ⁴ந்தி. தஸ்மா ஸுப்பதிட்டி²த
 பா⁴வஸாத⁴னங் ஹேதுகிச்சங் நாமாதி வுத்தங். “அபரே பனா”தி பட்டா²னட்ட²
 கதா²யங் ஆக³தோ ரேவதத்தே²ர வாதோ³. “த⁴ம்மானங் குஸலாதி³
 பா⁴வஸாத⁴னங்”தி ஸஹஜாதத⁴ம்மானங் குஸலபா⁴வஸாத⁴னங்
 அகுஸலபா⁴வஸாத⁴னங் அப்யாகதபா⁴வஸாத⁴னங். “ஏவங்
 ஸந்தே”திஆதி³ தங் வாத³ங் படிக்கி²பந்தானங் படிக்கே²பவசனங். “யேஸு”ந்தி
 மோஹமூல சித்த த்³வயே மோஹோ ச அஹேதுக சித்துப்பாத³ ரூப
 நிப்³பா³னானி ச. “ந ஸம்பஜ்ஜெய்யா”தி ஸஹஜாத ஹேதுனோ அபா⁴வா
 தஸ்ஸ மோஹஸ்ஸ அகுஸல பா⁴வோ, இதரே ஸஞ்ச அப்யாகத பா⁴வோ
 ந ஸம்பஜ்ஜெய்ய. இத³ங் வுத்தங் ஹொதி. ஹேது நாம ஸஹஜாத த⁴ம்மானங்
 குஸலாதி³பா⁴வங் ஸாதே⁴தீதி வுத்தங். ஏவங் ஸதி, ஸோ மோஹோ
 ஸம்பயுத்த த⁴ம்மானங் அகுஸல பா⁴வங் ஸாதெ⁴ய்ய. அத்தனோ பன
 அகுஸல பா⁴வங் ஸாதெ⁴ந்தோ ஸஹஜாதோ அஞ்ஞோ ஹேது நத்தி².
 தஸ்மா தஸ்ஸ அகுஸலபா⁴வோ ந ஸம்பஜ்ஜெய்ய. ததா² அஹேதுக
 சித்துப்பாத³ ரூப நிப்³பா³னானஞ்ச அப்யாகதபா⁴வங் ஸாதெ⁴ந்தோ கோசி
 ஸஹஜாதோ ஹேது நாம நத்தீ²தி தேஸம்பி அப்யாகத பா⁴வோ ந
 ஸம்பஜ்ஜெய்ய. ந ச ந ஸம்பஜ்ஜிதி. தஸ்மா ஸோ தே²ரவாதோ³ ந யுத்தோதி.
 எத்த² ஸியா. ஸோச மோஹோ அத்தனோ த⁴ம்மதாய அகுஸலோ ஹொதி.

தானி ச அஹேதுக சித்துப்பாத³ரூப நிப்³பா³னானி அத்தனோ த⁴ம்மதாய
 அப்³யாகதானி ஹொந்தீதி. ஏவங் ஸந்தே, யதா² தே த⁴ம்மா. ததா² அஞ்ஞேபி
 த⁴ம்மா அத்தனோ த⁴ம்மதாய ஏவ குஸலா குஸலா ப்³யாகதா
 ப்⁴விஸ்ஸந்தி. ந செத்த² காரணங் அத்தி², யேனகாரணேன தே ஏவ த⁴ம்மா
 அத்தனோ த⁴ம்மதாய அகுஸலா ப்³யாகதா ஹொந்தி. அஞ்ஞே பன த⁴ம்மா
 அத்தனோ த⁴ம்மதாய குஸலா குஸலா ப்³யாகதா ந ஹொந்தி, ஹேதுாஹி
 ஏவ ஹொந்தீதி. தஸ்மா தேஸங் ஸப்³பே³ஸம்பி குஸலாதி³ பா⁴வத்தா²ய
 ஹேதுாஹி பயோஜனங் நத்தி². தஸ்மா ஸோ தே²ரவாதோ³ ந யுத்தோ யேவாதி.
 ந கேவலஞ்ச தஸ்மிங் தே²ரவாதே³ எத்தகோ தோ³ஸோ அத்தி². அத² கோ²
 அஞ்ஞேபி தோ³ஸோ அத்தீ²தி த்³ஸ்ஸேதுங் “யானி சா”திஆதி³மாஹ.
 தத்தா²யங் அதி⁴ப்பாயோ. ஸசே த⁴ம்மானங் குஸலாதி³ பா⁴வோ ஸஹஜாத
 ஹேதுப்படிபு³த்தோ⁴ ஸியா. ஏவங் ஸதி, ஹேது பச்சயே குஸல ஹேதுதோ
 லத்³த⁴ பச்சயானி ரூபானி குஸலானி ப்⁴வெய்யுங். அகுஸல ஹேதுதோ
 லத்³த⁴ பச்சயானி ரூபானி அகுஸலானி ப்⁴வெய்யுங் . ந ச ப்⁴வந்தி. தஸ்மா
 ஸோ வாதோ³ அயுத்தோ யேவாதி. இதா³னி புன தங் தே²ரவாத³ங்
 பக்³க³ஹேதுங் “யதா²பனா”திஆதி³மாஹ. “த⁴ம்மேஸு”தி சதுஸ்ஸச்ச
 த⁴ம்மேஸு. முய்ஹனகிரியா நாம அந்த⁴கார கிரியா. த⁴ம்மச்சந்தோ³ நாம
 தா³னங் தா³துகாமோ, ஸீலங் பூரேதுகாமோ, பா⁴வனங் பா⁴வேதுகாமோ
 இச்சாதி³னா பவத்தோ சந்தோ³. “அக்க²ந்தீ”தி அக்க²மனங், அரோசனங்,
 அமனாபோ. பாப த⁴ம்ம பாபா ரம்மண விரோதோ⁴ நாம
 காமராக³ட்டா²னீயேஹி ஸத்தவித⁴ மேது²ன த⁴ம்மாதீ³ஹி பாப த⁴ம்மேஹி
 சேவ பஞ்சகாமகு³ணா ரம்மணே ஹி ச சித்தஸ்ஸ விரோதோ⁴, ஜேகு³ச்சோ²
 படிகூலோ. முய்ஹனகிரியா பன ஏகந்த அகுஸல ஜாதிகா ஏவ ஹொதி.
 எத்தாவதா மோஹமூல சித்த த்³வயே மோஹொ அத்தனோ த⁴ம்மதாய
 அகுஸலோ ஹொதீதி இமமத்த²ங் பதிட்டா²பேதி. “ஏவங் ஸந்தே”திஆதி³கங்
 தத்த² தோ³ஸாரோபனங் வித⁴மதி. இதா³னி அஹேதுக சித்துப்பாத³ ரூப
 நிப்³பா³னானி அத்தனோ த⁴ம்மதாய அப்³யாகதானி ஹொந்தீதி இமமத்த²ங்
 பதிட்டா²பேதுங் “யோச த⁴ம்மோ”திஆதி³மாஹ. “எத்தகமேவா”தி அஞ்ஞங்
 துக்கர காரணங் நத்தீ²தி அதி⁴ப்பாயோ. “அஹேதுக சித்தானங்”தி அஹேதுக
 சித்துப்பாதா³னங். அத்தனோ த⁴ம்மதாய ஏவ ஸித்³தோ⁴. எத்தாவதா-
 அஹேதுக. ல. நிப்³பா³னானி அத்தனோ த⁴ம்மதாய அப்³யாகதானி ஹொந்தீ-தி
 இமமத்த²ங் பதிட்டா²பேதி. “ஏவங் ஸந்தே”திஆதி³ தத்த² தோ³ஸாரோபனங்
 அபனேதி. இதா³னி ஸப்³பே³பி மோஹொ அத்தனோ த⁴ம்மதாய அகுஸல
 பா⁴வேட²த்வா அஞ்ஞேஸங் இச்சா² நாம அத்தி², அக்க²ந்தி நாம அத்தீ²தி ஏவங்
 வத்தானங் இச்சா² அக்க²ந்தி த⁴ம்மானம்பி அகுஸல பா⁴வங் ஸாதே⁴தீதி
 த்³ஸ்ஸேதுங் “தத்த² மோஹொ”திஆதி³மாஹ. “முய்ஹன நிஸ்ஸந்தா³னி
 ஏவா”தி முய்ஹனகிரியாய நிஸ்ஸந்த³ப்ப²லானி ஏவ. ந கேவலங் ஸோ
 லோபா⁴தீ³னங் அகுஸலபா⁴வங் ஸாதே⁴தி, அத² கோ² அலோபா⁴தீ³னம்பி

குஸலபா⁴வங் ஸோ ஏவ ஸாதே⁴தீதி த³ஸ்ஸேதுங்

“அலோபா⁴தீ³னஞ்சா”திஆதி³ வுத்தங். “அவிஜ்ஜானுஸயேன ஸஹேவ ஸித்³தோ⁴”தி தானி ஸத்தஸந்தானே அவிஜ்ஜானுஸயே அப்பஹீனே குஸலானி ஹொந்தி. பஹீனே கிரியானி ஹொந்தீதி அதி⁴ப்பாயோ. இதா³னி லோப⁴ தோ³ஸானங் அலோபா⁴தீ³னஞ்ச ஹேது கிச்சங் த³ஸ்ஸேதுங் “தானி பன லோபா⁴தீ³னீ”திஆதி³ வுத்தங். ரஜ்ஜன து³ஸ்ஸனானங் நிஸ்ஸந்தா³னி ரஜ்ஜனாதி³னிஸ்ஸந்தா³னி. “தி³ட்டி² மானாதீ³னீ”தி தி³ட்டி² மான இஸ்ஸா மச்ச²ரியாதீ³னி. அரஜ்ஜன அது³ஸ்ஸன அமுய்ஹனானங் நிஸ்ஸந்தா³னி அரஜ்ஜனாதி³ நிஸ்ஸந்தா³னி. “ஸத்³தா⁴தீ³னீ”தி ஸத்³தா⁴ ஸதி ஹிரி ஒத்தப்பாதீ³னி. “ஹேதுமுகே²னபீ”தி அஹேதுக சித்துப்பாத³ ரூப நிப்³பா³னானங் அப்யாகதபா⁴வோ அத்தனோ த⁴ம்மதாய ஸித்³தோ⁴தி வுத்தோ. ஸஹேதுக விபாக க்ரியானங் அப்யாகத பா⁴வோ பன அத்தனோ த⁴ம்மதாய ஸித்³தோ⁴திபி ஸஹஜாத ஹேதுனங் ஹேது கிச்சேன ஸித்³தோ⁴திபி வத்துங் வட்டதீதி அதி⁴ப்பாயோ. விபா⁴வ நிபாடே². “மக்³கி³தப்³போ³”தி க³வேஸிதப்³போ³. அத² தேஸங் குஸலாதி³ பா⁴வோ ஸேஸஸம்பயுத்த ஹேதுப்படி ப³த்³தோ⁴ ஸியாதி யோஜனா. “அப்படி ப³த்³தோ⁴”தி ஹேதுனா அப்படி ப³த்³தோ⁴. “குஸலாதி³பா⁴வோ”தி குஸலாதி³பா⁴வோ ஸியா. “ஸோ”தி குஸலாதி³பா⁴வோ. “அஹேதுகானங்”தி அஹேதுக சித்துப்பாத³ ரூப நிப்³பா³னானங். இதா³னி ‘யானி ச லத்³த⁴ஹேது பச்சயானீதிஆதி³ வசனங் படிக்கி²பந்தோ “யதா²சா”திஆதி³மாஹ. “ரூபாரூப த⁴ம்மேஸு”தி நித்³தா⁴ரணே பு⁴ம்ம வசனங். “அரூப த⁴ம்மேஸு ஏவா”தி நித்³தா⁴ரணீயங். ந ரூப த⁴ம்மேஸு ப²ரந்தி. ஏவங் ஸதி, கஸ்மா தே ரூப த⁴ம்மா ஜா²னபச்சயுப்பன்னேஸு வுத்தாதி ஆஹ “தே பனா”திஆதி³ங். ஸேஸமெத்த² ஸுவிஞ்ஞெய்யங். “தங் பன தேஸங்”தி தேஸங் ஹங்ஸாதீ³னங் தங் வண்ணவிஸேஸங். “யோனியோ”தி மாதாபிது ஜாதியோ. “அப்யாகதானங் பனாதி ஸப்³பங்”தி அப்யாகதானங் பன அப்யாகதபா⁴வோ நிரனுஸய ஸந்தானப்படி ப³த்³தோ⁴, கம்மப்படி ப³த்³தோ⁴, அவிபாகபா⁴வப்படி ப³த்³தோ⁴ சாதி த³ட்ட²ப³பந்தி இதங் ஸப்³பங். “வுத்த பக்கே²பததி யேவா”தி தஸ்மிங் பக்கே² அந்தோக³த⁴மேவாதி அதி⁴ப்பாயோ.

132. கிச்சஸங்க³ஹே. தஸ்மிங் பரிக்²ணேதி ஸம்ப³ந்தோ⁴. “கம்மஸ்ஸா”தி கம்மந்தரஸ்ஸ. சுதஸ்ஸ ஸத்தஸ்ஸ அபி⁴னிப்³புத்தீதி ஸம்ப³ந்தோ⁴. “ப⁴வந்தராதி³ப்படி ஸந்தா⁴ன வஸேனா”தி ப⁴வந்தரஸ்ஸ ஆதி³கோடியா படிஸந்தா⁴ன வஸேன. ப⁴வஸந்தானஸ்ஸ பவத்தீதி ஸம்ப³ந்தோ⁴. கத²ங் பவத்தீதி ஆஹ “யாவ தங் கம்மங்”திஆதி³ங். “அவிச்சே²த³ப்பவத்தி பச்சயங்க³பா⁴வேனா”தி அவிச்சே²த³ப்பவத்தியா பதா⁴ன பச்சய ஸங்கா²தேன அங்க³பா⁴வேன. ஏதேன ப⁴வங்க³பதே³ அங்க³ஸத்³த³ஸ்ஸ அத்த²ங் வத³தி . தேனாஹ “தஸ்ஸஹீ”திஆதி³ங். “தஸ்ஸா”தி ப⁴வங்க³ஸ்ஸ. ஆவஜ்ஜனங் ஆவட்டனந்தி ஏகோ வசனத்தோ². தங் வா ஆவஜ்ஜேதீதி ஏகோ. “தங்”தி சித்த

ஸந்தானங். ஆவட்டதி வா தங் எத்தா²தி ஏகோ. ஆவட்டதி வா தங் ஏதேனாதி ஏகோ. “தங்”தி சித்த ஸந்தானங். ஆவஜ்ஜேதி வாதி ஏகோ. “வொட்ட²பு³பு³னங்”தி வி-அவ-ட²பனங்தி பத³ச்சே²தோ³. விபா⁴வனி விசாரணாயங். “ஏகாவஜ்ஜன பரிகம்ம சித்ததோ”தி மக்³கே³ன வா அபி⁴ஞ்ஞாய வா ஏகங் ஸமானங் ஆவஜ்ஜனங் அஸ்ஸாதி விக்³க³ஹோ. தஸ்ஸங் வீதி²யங் ‘ஆவஜ்ஜனங், பரிகம்மங், உபசாரோ, அனுலோமங், கொ³த்ரபு⁴,தி எத்த² பரிகம்ம ஜவனசித்தங் இத⁴ பரிகம்ம சித்தந்தி வுத்தங். “தானீ”தி மக்³கா³ பி⁴ஞ்ஞாஜவனானி. “தத்தா²”தி தஸ்மிங் விபா⁴வனி பாடே². “தீ³க⁴ங் அத்³தா⁴னங்”தி ஸகலரத்தியங் வா ஸகல தி³வஸங் வா நித்³தோ³க்கமன வஸேன தீ³க⁴ங் காலங். ஸேஸமெத்த² ஸுவிஞ்ஞெய்யங். “படிஸந்தி⁴யாடா²னங்”தி படிஸந்தி⁴கிச்சஸ்ஸ டா²னங். காலோஹி நாம விஸுங் சித்தஸ்ஸ ஆரம்மண பூ⁴தோ ஏகோ பஞ்ஞத்தி த⁴ம்மோதி ஏதேன காலோ நாம ஸபா⁴வதோ அவிஜ்ஜமானத்தா கத²ங் கிச்சானங் பவத்திட்டா²னங் நாம ஸக்கா ப⁴விதுந்தி இமங் ஆஸங்கங் விஸோதே⁴தி. “இதரதா²”தி ததா² அக்³க³ஹெத்வா அஞ்ஞதா² கிச்சட்டா²னானங் அபே⁴தே³ க³ஹிதே ஸதீதி அத்தோ². “ஸயங் ஸோமனஸ்ஸ யுத்தங்பீ”தி கதா³சி ஸயங் ஸோமனஸ்ஸ யுத்தங்பி. “தங்”தி ஸோமனஸ்ஸ ஸந்தீரணங். “லத்³த⁴பச்சய பா⁴வேனா”தி லத்³த⁴அனந்தர பச்சயபா⁴வேன. “ஆஸேவன பா⁴வ ரஹிதங் பீ”தி ஆஸேவன கு³ண ரஹிதம்பி. தஞ்ஹி ஆஸேவன பச்சயே பச்சயோபி ந ஹோதி, பச்சயுப்பன்னம்பி ந ஹோதீதி. “பரிகம்ம பா⁴வனா ப³லேன ச பவத்தத்தா”தி இத³ங் ப²லஸமாபத்தி வீதி²யங் ப²லஜவனேஸு பாகடங். ஸேஸமெத்த²ஸுபோ³த⁴மேவ.

133. த்³வாரஸங்க³ஹே. “ஆதா³ஸபட்டமயோ”தி ஆதா³ஸபட்டேன பகதோ. “த்³வே ஏவா”தி த்³வே ஏவ த்³வாரானி. “த்³வார ஸதி³ஸத்தா”தி நக³ர த்³வார ஸதி³ஸத்தா. “கம்மவிஸேஸ மஹாபூ⁴த விஸேஸ ஸித்³தோ⁴னா”தி எத்த² கம்மவிஸேஸேன ச மஹாபூ⁴த விஸேஸேன ச ஸித்³தோ⁴தி விக்³க³ஹோ. ஆவஜ்ஜனாதீ³னி ச வீதி² சித்தானி க³ண்ஹந்தி. “யம்ஹீ”தி யஸ்மிங் சக்கு²ம்ஹி. ததே³வ சக்கு² சக்கு²த்³வாரங் நாமாதி ஸம்ப³ந்தோ⁴. “தேஸங் த்³வின்னங்”தி ரூப நிமித்தானஞ்ச ஆவஜ்ஜனாதி³ வீதி²சித்தானஞ்ச. “விஸய விஸயீ பா⁴வூபக³மனஸ்ஸா”தி எத்த² ரூப நிமித்தானங் விஸயபா⁴வஸ்ஸ உபக³மனங் நாம சக்கு² மண்டே³ ஆபாதாக³மனங் வுச்சதி. ஆவஜ்ஜனாதீ³னங் விஸயீ பா⁴வஸ்ஸ உபக³மனங் நாம தேஸங் நிமித்தானங் ஆரம்மண கரணங் வுச்சதி. “முக²ப்பத³பூ⁴தத்தா”தி முக²மக்³க³பூ⁴தத்தா. ஏவங் த்³வார ஸத்³த³ஸ்ஸ கரண ஸாத⁴னயுத்திங் த³ஸ்ஸெத்வா இதா³னி அதி⁴கரண ஸாத⁴ன யுத்திங் த³ஸ்ஸேதி “அத²வா”திஆதி³னா. “ரூபானங்”தி ரூப நிமித்தானங். “சக்கு²மேவ சக்கு² த்³வார”ந்தி ஏதேன சக்கு²மேவ த்³வாரங் சக்கு² த்³வாரந்தி அவதா⁴ரண ஸமாஸங் த³ஸ்ஸேதி. “காரணங் வுத்தமேவா”தி ஹெட்டா² சித்தஸங்க³ஹே மனொத்³வாராவஜ்ஜனபதே³ வுத்தமேவ. ஸப்³புங் ஏகூன நவுதிவித⁴ங் சித்தங் மனொத்³வாரமேவ நாம ஹோதி. ததா²ஹி வுத்தங்

அட்டஸாலினியங் அயங் நாமமனோ மனொத்வாரங் நாம ந ஹோதீதி ந வத்தப்போதி. “உபபத்தி த்வாரமேவா”தி உபபத்திபவ பரியாபன்னங் கம்மஜத்வாரமேவ. “இத சா”தி இமஸ்மிங் ஸங்கஹகந்தே ச. யஞ்ச ஸாதக வசனந்தி ஸம்பந்தோ. “தத்தா”தி விபாவனியங். “தத்தேவ தங் யுத்தங்”தி தஸ்மிங் பாளிப்பதேஸே ஏவ தங் ஸாதக வசனங் யுத்தங். இதரே த்வே பச்சயாதி ஸம்பந்தோ. “மனஞ்சாதி எத்தா”தி மனஞ்ச படிச்ச தம்மே ச உப்பஜ்ஜதி மனோவிஞ்ஞாணங்தி வாக்கே மனஞ்சாதிபதே. தத்த பன ஜவன மனோவிஞ்ஞாணஸ்ஸ உப்பத்தியா சதூஸு பச்சயேஸு மனஞ்சாதி எத்த த்வாரபூதங் பவங்கமனோ ச ஆவஜ்ஜன மனோ சாதி த்வே பச்சயா லப்பந்தி. தம்மே சாதி பதே தம்மாரம்மண ஸங்காதோ ஏகோ பச்சயோ லப்பதி. ச ஸத்தேன மனோவிஞ்ஞாண ஸம்பயுத்தக்கந்தா கய்ஹந்தி. ஏவங் சத்தாரோ பச்சயா ஹொந்தி. “எத்த சா”தி இமஸ்மிங் அட்டகதா வசனே. “ஸன்னிஹித பச்சயானங் ஏவ தத்த அதிப்பேதத்தா”தி படிச்ச ஸத்தஸாமத்தியேன ஆஸன்னே த்ரமானபச்சயானங் ஏவ தஸ்மிங் பாளிவாக்யே அதிப்பேதத்தா. “த்வாரபாவாரஹஸ்ஸா”தி விஸய விஸயீனங் வுத்த நயேன பவத்தி முகப்பாவாரஹஸ்ஸ. ஏதேன ஆரம்மணானி ஆபாதங் ஆகச்சந்து வா, மாவா, வீதி சித்தானி பவத்தந்துவா, மாவா, அப்பமாணங். பபஸ்ஸரப்பஸன்னபாவேன த்வாரபாவா ரஹதா ஏவ பமாணந்தி தீபேதி. “நிட்டமெத்த கந்தப்பங்”தி ஸன்னிட்டானங் எத்த கந்தப்பங். த்வாரவிகார மூலகானி தாதிஸானி கிச்சானி யேஸங் தானி தங் கிச்சவந்தானி. “கம்மவஸேன ஸிஜ்ஜந்தீ”தி ஸத்தஸந்தானே பவத்தந்தீதி அதிப்பாயோ. தங் கிச்சவந்தானி சித்தானி. விபாவனி பாடே “மனொத்வார ஸங்காத பவங்கதோ”தி மனொத்வார ஸங்காத பவங்க பாவதோ ச. “ஆரம்மணந்தரக்கஹணவஸேன அப்பவத்திதோ”தி படிஸந்தி சித்தேன யதா கஹிதங் கம்மகம்மனிமித்தாதிக்கங் ஆரம்மணங் முஞ்சித்வா பவத்திகாலே சஸு த்வாரேஸு ஆபாதாகதஸ்ஸ ஆரம்மணந்தரஸ்ஸ கஹண வஸேன அப்பவத்திதோ ச. ஹெட்டாபி பஞ்சத்வாரா வஜ்ஜன சக்கு விஞ்ஞாண ஸம்படிச்சன ஸந்தீரண வொட்டப்பன காமாவசரஜவன ததா ரம்மண வஸேனாதிஆதினா கிச்சஸீஸேனேவ. ல. வுத்தோ. எத்தஹி ஆவஜ்ஜன ஸம்படிச்சனாதீனி கிச்ச விஸேஸானங் நாமானி ஹொந்தி. “சே”தி சே வதேய்ய. “நா”தி ந வத்தப்பங். “ததா அஸ்ஸுதத்தா”தி ஏகன வீஸதி த்வார விமுத்தானீதி ச, ச த்வாரிகானி சேவ த்வார விமுத்தானீதி ச, மஹக்கத விபாகானி த்வார விமுத்தானே வாதி ச, ஸுதங். ந பன த்வாரிக விமுத்தானீதி ஸுதங்.

134. ஆரம்மண ஸங்கஹே. “துப்பபுல புரிஸேனா”தி கேலஞ்ஞாபிபூதத்தா வா ஜராபிபூதத்தா வா தண்டேன வா ரஜ்ஜுகேன வா வினா உட்டாதும்பி பதிட்டாதும்பி அபராபரங் கந்தும்பி அஸக்கொந்தேன துப்பபுல புரிஸேன தண்டுகங் வா ரஜ்ஜுகங் வா ஆலம்பியதி. ஆலம்பித்வா

உட்டா²தி. பதிட்டா²தி. அபராபரங் க³ச்ச²தி. ஏவமேவ. அமுஞ்ச மாணேஹி
ஹுத்வாதி பாட²ஸேஸோ. “ஆக³ந்த்வா”தி ஆரம்மண கரண வஸேன ததோ
ததோ ஆக³ந்த்வா. “விஸுங் ஸித்³தா⁴னி”தி ஆலம்பி³யதீதி ஏதஸ்மிங் அத்தே²
ஸதி, ஆலம்ப³ணந்தி ஸிஜ்ஜ²தி. ஆரம்மணந்தி ந ஸிஜ்ஜ²தி. தானி எத்த²
ஆக³ந்த்வா ரமந்தீதி ஏதஸ்மிங் அத்தே² ஸதி, ஆரம்மணந்தி ஸிஜ்ஜ²தி.
ஆலம்ப³ணந்தி ந ஸிஜ்ஜ²தி. ஏவஞ்ச ஸதி ஏகங் பத³ங் த்³வீஹிவாக்யேஹி
த³ஸ்ஸனங் ந ஸுந்த³ரந்தி. “அஞ்ஞானி ஆரம்மணானி”தி ரூபாரம்மணதோ
அஞ்ஞானி ஸத்த³தா³ரம்மணாதீ³னி. “ஆக³ச்ச²தி”தி ஆவிபா⁴வங் க³ச்ச²தி,
உப்பாத³ப்பவத்தி வஸேன பச்சக்க²பா⁴வங் பாபுணாதி. “ஆக³ச்சி²த்தா²”தி
ஆவிபா⁴வங் க³ச்சி²த்த², உப்பாத³ப்பவத்தி வஸேன பச்சக்க²பா⁴வங்
பாபுணித்த². “அனாக³தங்”தி எத்த² ந காரோ அவத்தா² வஸேன படிஸேதோ⁴.
யோ த⁴ம்மோ பச்சய ஸாமக்³கியங் ஸதி ஆக³மன ஜாதிகோ உப்பஜ்ஜன
ஸீலோ. ஸோ ஏவ இதா³னி ஆக³ச்ச²தி, இதா³னி ஆக³ச்சி²த்த², இதா³னி ஆக³மன
ஜாதியங் டி²தோ, நாக³ச்ச²தி நாக³ச்சி²த்தா²தி இமினா அத்தே²ன ஸோ
அனாக³தோ நாம. நிப்³பா³ன பஞ்ஞத்தியோ பன ஆக³மன ஜாதிகா ந ஹொந்தி.
தஸ்மா ஆக³மனப்பஸங்கா³பா⁴வதோ அனாக³தாதி ந வச்சந்தீதி. தேனாஹ
“உப்பாத³ ஜாதிகா”திஆதி³ங். “தங் விசாரேதப்³பங்”தி வத்வா விசாரணாகாரங்
த³ஸ்ஸேதி “ஸப்³பே³பிஹி”திஆதி³னா. தே யதா³ வத்தப்³ப பக்கே² திட்ட²ந்தீதி
ஸம்ப³ந்தோ⁴. உப்பாத³ ஜாதிகானஞ்ஞேவ ஸங்க²த த⁴ம்மானங். தாஸங்
நிப்³பா³ன பஞ்ஞத்தீனங். “ந ததா² இமேஸங்”தி இமேஸங் த்³வார விமுத்தானங்
ஆரம்மணங் பன ததா² ந ஹொதீதி யோஜனா. “தத்தா²”தி தஸ்மிங் ப⁴வ
விஸேஸே. விபா⁴வனிபாடே² “ஆவஜ்ஜனஸ்ஸவியா”தி ஆவஜ்ஜனஸ்ஸ
ஆரம்மணங் விய. அக்³க³ஹிதமேவ ஹுத்வா. “ஏகவஜ்ஜன வீதி³யங் அக்³க³ஹித
பா⁴வோ இத⁴ ந பமாண”ந்தி ச² த்³வாரக்³க³ஹிதந்தி இத⁴ அப்பமாணங்.
ப⁴வந்தரே க³ஹிதஸ்ஸ அதி⁴ப்பேதத்தா. “காலவிமுத்த ஸாமஞ்ஞங்”வாதி
யங் கிஞ்சிகால விமுத்தங் வா ந ஹொதீதி அதி⁴ப்பாயோ. ஆக³மஸித்³தி⁴
வோஹாரோ நாம “கம்மந்தி வா, கம்மனிமித்தந்தி வா, க³தி நிமித்தந்தி வா,
பஸித்³தோ⁴ வோஹாரோ வச்சதி. அஜாத ஸத்துராஜா ஸங்கிச்சஜாதகேபி
பிதரங் மாரேதி. தஸ்மா “த்³வீஸுப⁴வேஸு”தி வுத்தங். “ச² ஹி த்³வாரேஹி”தி
கரண பூ⁴தேஹி ச²ஹி சக்கா²தி³ த்³வாரேஹி. “மரணாஸன்ன ஜவனேஹி”தி
கத்து பூ⁴தேஹி மரணாஸன்னே பவத்தேஹி ச² த்³வாரிக ஜவனேஹி.
“அனேகங் ஸபா⁴வங்”தி அனேகந்த பா⁴வங். யஞ்ஹி ஆரம்மணந்தி
ஸம்ப³ந்தோ⁴. “கேனசி த்³வாரேன அக்³க³ஹிதமேவ ஹொதீ”தி எத்த² அஸஞ்ஞீ
ப⁴வதோ சுதானங் ஸத்தானங் காமபடிஸந்தி⁴யா கம்மாதி³ ஆரம்மணங்
ப⁴வந்தரே கேனசி த்³வாரேன அக்³க³ஹிதந்தி யுத்தங். கஸ்மா, தஸ்மிங்
ப⁴வே கஸ்ஸசித்³வாரஸ்ஸேவ அபா⁴வதோ. அருபப⁴வதோ சுதானங் பன
காமபடிஸந்தி⁴யா க³தி நிமித்த ஸம்மதங் ஆரம்மணங் கத²ங் ப⁴வந்தரே
கேனசி த்³வாரேன அக்³க³ஹிதங் ப⁴வெய்ய, மனொத்³வாரக்³க³ஹிதமேவ

ப⁴வெய்யாதி இமங் சோத³னங் விஸோதே⁴துங் “எத்த² ச யஸ்மா
 பட்டா²னே”திஆதி³ வுத்தங். ததோ சுதானங் ஸத்தானங் யா காமபடிஸந்தி⁴,
 தஸ்ஸாகாமபடி ஸந்தி⁴யா. பச்சுப்பன்னங் க³தினிமித்தங் ஆரம்மணங்
 ஏதிஸ்ஸாதி விக்³க³ஹோ. காமபடிஸந்தி⁴. பரேஸங் பயோக³ ப³லேனாபி
 கம்மாதீ³னங் உபட்டா²னங் நாம ஹோதீதிஆதி³னா யோஜேதப்³ப³ங். “ஸுட்டு²
 ஆஸேவிதானங்”தி சிரகாலங் ஸங்க⁴ வத்த சேதியவத்த கரணாதி³வஸேன
 தங் தங் பா⁴வனா கம்மவஸேன ச ஸுட்டு² ஆஸேவிதானங்
 கம்மகம்மனிமித்தானங். “ஹோதி யேவா”தி கம்மாதீ³னங் உபட்டா²னங் நாம
 ஹோதியேவ. “ஆக³ந்த்வா”தி இமங் மனுஸ்ஸ லோகங் ஆக³ந்த்வா
 க³ண்ணந்தியேவ. ததா³பி நிரயபாலேஹி த³ஸ்ஸிதங் தங் தங் க³தி நிமித்தங்
 ஆரம்மணங் கத்வா சவந்தி. “தங்”தி ரேவதிங் நாம இத்தி²ங். நனு நிரயபாலா
 நாம தாவதிங்ஸா ப⁴வனங் க³ந்துங் ந ஸக்குணெய்யுந்தி. நோ
 நஸக்குணெய்யுங். கஸ்மா, மஹித்³தி⁴க யக்க² ஜாதிகத்தாதி த³ஸ்ஸேதுங்
 “தேஹி”திஆதி³ வுத்தங். “வெஸ்ஸவண தூ³தா”தி வெஸ்ஸவணமஹாராஜஸ்ஸ
 தூ³தா. “உபசாரஜ்ஜா²னேட²த்வா”தி அப்பனாஜா²னங் அபத்ததாய
 உபசாரபா⁴வனாபூ⁴தே காமாவசரஜ்ஜா²னேட²த்வா. “தானேவ நிமித்தானி”தி
 பத²விக்ஸிண நிமித்தாதீ³னி படிபா⁴க³ நிமித்தானி. “காமபடிஸந்தி⁴யா
 ஆரம்மணங்”தி தேஹி நிமித்தாரம்மணேஹி அஞ்ஞங் உபசார பா⁴வனா
 கம்மங் வா யங் கிஞ்சி அனுருபங் க³தி நிமித்தங் வா. “தானேவ நிமித்தானி
 க³ஹேத்வா”தி வசனேன தானி நிமித்தானி மரணாஸன்ன ஜவனேஹி
 க³ஹிதானிதி த³ஸ்ஸேதி. தானி ச பஞ்ஞத்தி த⁴ம்மத்தா காமபடிஸந்தி⁴யா
 ஆரம்மணங் ந ஹோந்தீதி. “பச்சுப்பன்னக³தி நிமித்தே ஸித்³தே⁴
 ஸித்³த⁴மேவா”தி தஸ்மிங் ப⁴வே க³தஸ்ஸ தத்த² யாவஜீவம்பி அனு
 ப⁴விதப்³ப³ங் ஆரம்மணங் நாம தஸ்மிங் க²ணே த⁴ரமானங் பச்சுப்பன்னம்பி
 அத்தி². ததோ வட்³ட⁴மானங் அனாக³தம்பி அத்தி². தத்த² பச்சுப்பன்னே
 உபட்ட²ஹந்தே படிஸந்தி⁴யா ஆரம்மணங் ஸம்பஜ்ஜதி. அனாக³தங் பன
 அனுபட்ட²ஹந்தம்பி பச்சுப்பன்னே அந்தோக³த⁴ஸதி³ஸங் ஹோதீதி
 அதி⁴ப்பாயோ. விபா⁴வனி பாடே²ன ச பச்சுப்பன்ன க³தினிமித்தங் விய
 ஆபாதமாக³தங், கஸ்மா, பச்சுப்பன்ன க³தி நிமித்தேனேவ கிச்ச ஸித்³தி⁴தோ-தி
 அதி⁴ப்பாயோ. ஸேஸமெத்த² ஸுபோ³த⁴ங். “தானிஹி”திஆதி³ஸு. கேசி
 வத³ந்தி. அனேஜோஸந்தி மாரப்³ப⁴. யங் காலமகரீமுனீதி வுத்தத்தா
 ஸப்³ப³ஞ்ஞ பு³த்தா⁴தீ³னங் பரினிப்³பா³ன சுதி சித்தங் ஸந்தி லக்க²ணங்
 நிப்³பா³னங் ஆரம்மணங் கரோதீதி. தங் ஸப்³ப³தா²பி காமாவசரா லம்ப³ணா
 நேவாதி இமினா அபனேதப்³ப³ந்தி த³ஸ்ஸேதுங் “தா நிஹி ஸப்³ப³ஞ்ஞ
 பு³த்தா⁴னங் உப்பன்னானி பீ”திஆதி³ வுத்தங். “லோகுத்தர த⁴ம்மா”திஆதி³ஸு.
 “தானி”தி த³வாத³ஸா குஸல சித்தானி அட்ட²ஞாண விப்பயுத்த குஸல க்ரிய
 ஜவனானி ச. அஜ்ஜா²ன லாபி⁴னோ புது²ஜ்ஜனா மஹக்³தஜ்ஜா²னானிபி
 ஆலம்பி³துங் ந ஸக்கொந்தீதி வுத்தங் “பஞ்ஞத்தியா ஸஹ காமாவசரா

ரம்மணானி"தி. "தானே வா"தி ஞாண ஸம்பயுத்த காம குஸலானி ஏவ.
 ஜா²னலாபீ⁴னங் தானேவ ஞாண ஸம்பயுத்தகாம குஸலானி. ஹெட்டி²ம
 ப²லட்டா²னங் தானேவ அத்தனா அதி⁴க³த மக்³க³ப²ல நிப்³பா³னா ரம்மணானி.
 "ஜா²னானி பத்தெ²ந்தீ"தி ஆயதிங் ஜா²னலாபி⁴னோ ப⁴வெய்யாமாதி பத்த²னங்
 கரொந்தி. "தேஸங் பீ"தி தேஸங் புது²ஜ்ஜனானம்பி. "தே"தி தே லோகுத்தர
 த⁴ம்மா. "அனுபொ⁴ந்தீ"தி ஸம்பாபுணந்தி. "நவனிபாதே"தி அங்கு³த்தர நிகாயே
 நவனிபாதே. ஸேஸங் ஸப்³ப³ங் ஸுவிஞ்ஞெய்யமேவ.

135. வத்து²ஸங்க³ஹே. "வத்து²"தி நிஸ்ஸய விஸேஸோ வச்சதி. தானி
 நிஸ்ஸய வத்து²னி யேஸங் தானி தப்³ப³த்து²கானி. "தேஸஞ்ச ஸத்³தோ³ ந
 யுஜ்ஜதீ"தி தேஸங் வாதே³ ச ஸத்³தோ³ ந யுஜ்ஜதி. ந ஹி அலுத்த ச காரங்
 த³வந்த³ பத³ங் நாம அத்தீ²தி. "புப்³ப³பதே³ஸு ஆனேதப்³போ³"தி சக்கு² வத்து² ச
 ஸோதவத்து² சாதிஆதி³னா ஆனேதப்³போ³. ஸமாஸ பத³ங் ந யுஜ்ஜதி. ந ஹி
 ஸமாஸ பத³தோ ஏக தே³ஸங் அஞ்ஞத்த² ஆனேதுங் யுஜ்ஜதீதி. அவிப⁴த்திக
 நித்³தே³ஸோ நாம சக்கு²ங், ஸோதங், கா⁴னங், ஜிவ்ஹா, காயோ, ஹத³யங்,
 வத்து² சாதி வத்தப்³பே³ புப்³ப³பதே³ஸு அவிப⁴த்திக நித்³தே³ஸோ. ஏவஞ்சஸதி
 வத்து² ஸத்³தோ³ ச ஸத்³தோ³ ச புப்³ப³பதே³ஸு ஆனேதுங் லப்³ப⁴ந்தீதி.
 காமதண்ஹாய அதீ⁴னேன ஆயத்தேன காமாவசர கம்மேன நிப்³ப³த்தா
 காமதண்ஹாதீ⁴ன கம்ம நிப்³ப³த்தா. "ரூபாதீ³னங் பரிபோ⁴கோ³"தி ரூபாதீ³னங்
 பஞ்சகாமகு³ணானங் பரிபோ⁴கோ³. "பரித்தகம்மங் பீ"தி ஸப்³ப³ங் காமாவசர
 கம்மம்பி. "பூரயமானங்"தி பரிபூரெந்தங். சக்கு² த³ஸ்ஸனானுத்தரியங் நாம.
 ஸோதங் ஸவனானுத்தரியங் நாம. ஸப்³பே³ஸங் த³ஸ்ஸன கிச்சானங் மஜ்ஜே²
 புத்³த⁴ த³ஸ்ஸனா தி³வஸேன அனுத்தரங் த³ஸ்ஸனங் ஜனேதீதி
 த³ஸ்ஸனானுத்தரியங். ஏவங் ஸவனானுத்தரியேபி சதுஸச்ச
 த⁴ம்மஸ்ஸவனா தி³வஸேனாதி வத்தப்³ப³ங். "அஜ்ஜ²த்த ப³ஹித்³த⁴ ஸந்தா
 நேஸு பீ"தி அஜ்ஜ²த்த ஸந்தானேபி ப³ஹித்³த⁴ ஸந்தானேபி. "ஸுத்³தே⁴"தி
 கேனசி ஆலோகேன ச அந்த⁴காரேன ச விரஹிதே. ஆலோகோ ஹி ஏகோ
 ரூப விஸேஸோ. ததா² அந்த⁴காரோ ச. தே ச தத்த² நத்தி². "இமஸ்மிங்
 ஸங்க³ஹே"தி வத்து² ஸங்க³ஹே. விஸிட்ட²ங் ஜானநங் விஜானநங். தஞ்ச
 விஜானநங் தீஸு மனோதா⁴துஸு நத்தீ²தி வத்தங் "விஜானந
 கிச்சாபா⁴வதோ"தி. ஆவஜ்ஜன கிச்சங் கிமேதந்தி, மனஸிகார மத்தங் ஹோதி.
 ஸம்படிச்ச²ன கிச்சஞ்ச பஞ்சவிஞ்ஞாணேஹி யதா² க³ஹிதானேவ
 பஞ்சாரம்மணானி ஸம்படிச்ச²ன மத்தங் ஹோதி. தேனாஹ "விஸேஸஜானந
 கிச்சானி ந ஹொந்தீ"தி. த³ஸ்ஸனங், ஸவனங், கா⁴யனங், ஸாயனங், பு²ஸன,
 ந்தி இமானி கிச்சானி தோ²கங் விஸேஸ ஜானந கிச்சானி ஹொந்தீதி வத்தங்
 "பச்சக்க²தோ த³ஸ்ஸனா தி³வஸேனா"திஆதி³ங். தோ²கங் விஸேஸ ஜானந
 கிச்சானி ஹொந்தி. தஸ்மா தானி பஞ்சவிஞ்ஞாணானீதி வத்தானி. அவஸேஸா
 பன ஸந்தீரணாத³யோ மனோவிஞ்ஞாணதா⁴துயோ நாமாதி ஸம்ப³ந்தோ⁴.
 நனு மனநட்டே²ன மனோ ச தங் விஜானநட்டே²ன விஞ்ஞாணஞ்சாதி வத்தேபி

பஞ்சவிஞ்ஞாணேஹி விஸேஸோ நத்தீ²தி ஆஹ “அதிஸ்ஸய விஸேஸ
 ஜானந தா⁴துயோதி அத்தோ²”தி. ஏவங் ஸந்தேபி ஸோ அத்தோ²
 ஸத்³த³யுத்தியா ஸித்³தோ⁴ ந ஹோதி. யதி³ச்சா² வஸேன வத்தோ ஹோதீதி
 ஆஹ “பரியாய பதா³னங்”திஆதி³. ஏதேன ஸோ அத்தோ² ஸத்³த³யுத்தியா ஏவ
 ஸித்³தோ⁴. ந யதி³ச்சா²வஸேன வத்தோதி த³ஸ்ஸேதி. “விஸேஸன
 ஸமாலே”தி மனோ ச தங் விஞ்ஞாணஞ்சாதி மனோவிஞ்ஞாணந்தி ஏவருபே
 கம்மதா⁴ரய ஸமாலே. “பத³ட்டா²னங்”தி எத்த² பத³ந்தி ச டா²னந்தி ச
 காரணத்த² வசனானி, தஸ்மா பரியாய ஸத்³தா³ நாம. பத³ஞ்ச தங் டா²னஞ்சாதி
 வத்தே அதிஸ்ஸய காரணந்தி அத்தோ² விஞ்ஞாயதி. ததா² து³க்க² து³க்க²ங், ரூப
 ரூபங், ராஜ ராஜா, தே³வதே³வோதிஆதீ³னி. “கத்த²சி தி³ஸ்ஸதி யுஜ்ஜதி சா”தி ந
 ஹி கத்த²சி தி³ஸ்ஸதி ச. ஸசேபி கத்த²சி தி³ஸ்ஸெய்ய, ந ஹி யுஜ்ஜதி சாதி
 அத்தோ². “மனஸோ விஞ்ஞாணங்”தி எத்த² படிஸந்தி⁴ சித்ததோ பட்டா²ய
 யாவசதி சித்தா அந்தரே ஸப்³பங் சித்த ஸந்தானங் ஸத்த விஞ்ஞாண
 தா⁴தூனங் வஸேன விபா⁴கங் கத்வா அத்தோ² வத்தப்³போ³. பஞ்சத்³வாரா
 வஜ்ஜனஞ்ச ஸம்படிச்ச²ன த்³வயஞ்ச மனோதா⁴து மத்தத்தா மனோ நாம.
 பஞ்சவிஞ்ஞாணானி விஞ்ஞாண மத்தானி நாம. அவஸேஸானி ஸப்³பா³னி
 விஞ்ஞாணானி மனஸ்ஸ விஞ்ஞாணந்தி அத்தே²ன மனோவிஞ்ஞாணானி நாம.
 தத்த² “மனஸ்ஸ விஞ்ஞாணங்”தி அனந்தர பச்சய பூ⁴தஸ்ஸ வா மனஸ்ஸ
 பச்சயுப்பன்ன பூ⁴தங் விஞ்ஞாணங். எத்த² ஸம்படிச்ச²ன த்³வயங் பச்சயமனோ
 நாம. ஸந்தீரணதோ பட்டா²ய யாவ த்³வாரந்தரே பஞ்சத்³வாரா வஜ்ஜனங்
 நாகச்ச²தி, தாவ அந்தரே ஸப்³பங் மனோவிஞ்ஞாண ஸந்தானங் பச்சயுப்பன்ன
 விஞ்ஞாணங் நாம. புன “மனஸ்ஸ விஞ்ஞாண”ந்தி பச்சயுப்பன்ன பூ⁴தஸ்ஸ
 மனஸ்ஸ பச்சய பூ⁴தங் விஞ்ஞாணங். எத்த² பஞ்சத்³வாரா வஜ்ஜனங்
 பச்சயுப்பன்ன மனோ நாம. ததோ புரே ஸப்³பங் மனோவிஞ்ஞாண ஸந்தானங்
 பச்சய மனோ நாம. ஸேஸங் ஸுவிஞ்ஞெய்யங். அவஸேஸாபனாதிஆதீ³ஸு.
 “மனோவிஞ்ஞாணதா⁴து பா⁴வங் ஸம்பா⁴வேதீ”தி அவஸேஸா பன
 த⁴ம்மா மனோவிஞ்ஞாணதா⁴து ச நாம ஹொந்தி, ஹத³ய வத்து²ஞ்ச
 நிஸ்ஸாயயேவ வத்தந்தீதி ஏவங் தேஸங் த⁴ம்மானங்
 மனோவிஞ்ஞாணதா⁴து பா⁴வஞ்ச ஸம்பா⁴வேதி, வண்ணேதி. ஸுட்டு²
 பகாஸேதீதி அத்தோ². எத்த² பனாதிஆதீ³ஸு. “பாளியங்”தி இந்த³ரிய ஸங்யுத்த
 பாளியங். து³தீயஜ்ஜா²னே ஏவ அபரிஸேஸ நிரோத⁴ வசனங் விருத்³த⁴ங்
 ஸியா. கத²ங், ஸசே படிகோ⁴ அனீவரணா வத்தோ² நாம நத்தி².
 பத²மஜ்ஜா²னதோ புப்³பே³ ஏவ ஸோ நிருத்³தோ⁴ ஸியா. அத²
 து³தீயஜ்ஜா²னுபசாரேபி ஸோ உப்பஜ்ஜெய்ய, பத²மஜ்ஜா²னம்பி பரிஹீனங் ஸியா.
 தஸ்மிங் பரிஹீனே ஸதி, து³தீயஜ்ஜா²னம்பி நுப்பஜ்ஜெய்ய. ஏவங் விருத்³த⁴ங்
 ஸியா. “புரிம காரணமேவா”தி அனீவரணா வத்த²ஸ்ஸ படிக⁴ஸ்ஸ
 அபா⁴வதோதி காரணங் ஏவ. பரதோகோ⁴ஸோ நாம ஸாவகானங்
 ஸம்மாதி³ட்டி²ப்படிலாபா⁴ய பதா⁴ன பச்சயோ ஹோதி. ஸோ ச அருபப⁴வே

நத்தி². த⁴ம்மாபி⁴ஸமயோ நாம சதுஸ்ச த⁴ம்மப்படிவேதோ⁴, பு³த்³தா⁴ ச
பச்சேக ஸம்பு³த்³தா⁴ ச ஸயம்பு⁴னோ பரதோ கோ⁴ஸேன வினா த⁴ம்மங்
படிவிஜ்ஜ²ந்தி. தே ச தத்த² நுப்பஜ்ஜந்தி. “ரூபவிராக³ பா⁴வனாயா”தி ரூபவிராக³
பா⁴வனா ப³லேன. தேஸங் ரூபாவசர சித்தானங். “ஸமதிக்கந்தத்தா”தி தேஸு
நிகந்திப்பஹானவஸேன ஸுட்டு² அதிக்கந்தத்தா. ஸேஸங் ஸப்³ப³ங்
ஸுவிஞ்ஞெய்யங்.

பகிண்ணகஸங்க³ஹதீ³பனியா அனுதீ³பனானிட்டி²தா.

4. வீதி²ஸங்க³ஹஅனுதீ³பனா

136. வீதி²ஸங்க³ஹே . “தேஸஞ்ஞே வா”தி சித்த சேதஸிகானங் ஏவ.
“வுத்தப்பகாரேனா”தி தத்த² சித்தங் தாவ சதுப்³பி³த⁴ங் ஹோதி காமாவசரங்
ரூபாவசரங், திஆதி³னா இச்சேவங் வுத்தப்பகாரேன. “புப்³பா³ பரனியாமிதங்”தி
வா த்³வத்திங்ஸ ஸுக² புஞ்ஞும்ஹாதிஆதி³னா நயேன புப்³பா³ பரனியாமிதங்.
“ஆரப்³ப⁴கா³தா²யா”தி.

வீதி² சித்தவஸேனேவங், பவத்திய முதீ³ரிதோ;
பவத்தி ஸங்க³ஹோ நாம, ஸந்தி⁴யங் தா³னி வுச்சதீ.தி

ஏவங் பவத்திகாலே பவத்தி ஸங்க³ஹோ, படிஸந்தி⁴காலே பவத்தி
ஸங்க³ஹோதி ஸித்³தோ⁴ ஹோதி. கேசி வாதே³ “படிஸந்தி⁴ பவத்தியங்”தி
நித்³தா⁴ரணே க³ஹிதே த்³வீஸு படிஸந்தி⁴ ஸங்க³ஹ பவத்தி
ஸங்க³ஹேஸு இதா³னி பவத்தி ஸங்க³ஹங் பவக்கா²மி, பச்சா² படிஸந்தி⁴
ஸங்க³ஹங் பவக்கா²மீதி அத்தோ² ஹோதி. தத்த² “படிஸந்தி⁴ ஸங்க³ஹோ”தி
படிஸந்தி⁴காலே ஸங்க³ஹோ. “பவத்தி ஸங்க³ஹோ”தி பவத்திகாலே
ஸங்க³ஹோ. ஸோ ச உபரிகா³தா²ய ந ஸமேதீதி த³ஸ்ஸேதுங் “ஏவங்
ஸதீ”திஆதி³மாஹ. “தானி தீணி ச²க்கானி நிக்கி²த்தானீ”தி ச²க்கமத்தானி
நிக்கி²த்தானி, ந ஸகலங். வத்து² த்³வாரா லம்ப³ண ஸங்க³ஹோதி
அதி⁴ப்பாயோ. “ஸா பனா”தி ஸாவிஸயப்பவத்தி பன. “காசி ஸீக⁴தமா”தி
காசி அதிரேகதரங் ஸீகா⁴. “த³ந்தா⁴”தி ஸணிகா, சிராயிகா. “அனுபபன்னா”தி
அஸம்பன்னா. அஸம்பன்ன தோ³ஸோ ஆக³ச்ச²தீதி வுத்தங் ஹோதி.
“தா⁴துபே⁴த³ங்”தி ஸத்த விஞ்ஞாண தா⁴துானங் விபா⁴க³ங்.
“தா⁴துனானத்தங்”தி தா⁴ரண கிச்சனானத்தங். இதி தஸ்மா மனோதா⁴து
விஸுங் வுத்தாதி ஸம்ப³ந்தோ⁴. “மனநங்”தி விஜானநபா⁴வங் அபத்தங்.
ஆவஜ்ஜனமத்த ஸம்படிச்ச²னமத்த ஸங்கா²தங் ஜானநமத்தங். “யங் கிஞ்சி
மனநங்”தி அந்தமஸோ ஆவஜ்ஜனமத்த ஸம்படிச்ச²னமத்தங் பீதி
அதி⁴ப்பாயோ. “ஸுத்³தோ⁴ பன மனோவிஞ்ஞாணப்ப³ந்தோ⁴”தி
மனோத்³வார விகாரங் படிச்ச பவத்தோ மனோவிஞ்ஞாணப்ப³ந்தோ⁴. ந
ப⁴வங்க³ மனோவிஞ்ஞாணப்ப³ந்தோ⁴. ஸோ ஹி வீதி²முத்தத்தா இத⁴
அப்பஸங்கோ³தி . மனோத்³வாரே பன த்³விதா⁴தி ஸம்ப³ந்தோ⁴.
பு³த்த⁴ஸ்ஸ ப⁴க³வதோ பத²மாபி⁴னீஹாரகாலோ நாம
ஸுமேத⁴தாபஸகாலே பு³த்த⁴ பா⁴வாய காய சித்தானங்
அபி⁴னீஹாரகாலோ. ஆதி³ஸத்³தே³ன பச்சி²ம ப⁴வே
படிஸந்தி⁴க்³ஹணாதி³ங் ஸங்க³ஹோதி. “ஜாதி ப²லிகக்க²ந்தா⁴ விய
ஸம்பஜ்ஜந்தீ”தி தேன ஓபா⁴ஸேன அஜ்ஜோ²த்த²டத்தா ஜாதிப²லிகக்க²ந்த⁴
ஸதி³ஸா ஹோந்தீதி அதி⁴ப்பாயோ. “உபபத்தி தே³வ ப்³ரஹ்மானங் பனா”தி

உபபத்திப்படிஸந்தி⁴கானங் ஓபபாதிக தே³வ ப்ரஹ்மானங் பன. “பஸாத³ நிஸ்ஸய பூ⁴தானங்”தி சக்கா²தீ³னங் பஸாத³ வத்தூ²னங் நிஸ்ஸய மஹாபூ⁴தானங்.

“யானி பனா”திஆதீ³ஸு. த்³வத்தி சித்தக்க²ணானி அதிக்கம்ம ஆபாதங் ஆக³ச்ச²ந்தீதி யோஜனா. ஏவங் பரத்த²பி. விபூ⁴தஸ்ஸாதி ச அவிபூ⁴தஸ்ஸாதி ச இத³ங் ஆதி³ம்ஹி மனொத்³வாரே பன விபூ⁴தஸ்ஸாதி ச அவிபூ⁴தஸ்ஸாதி ச பதா³னங் உத்³த⁴ரணங். “ரூபா ரூபானங்”தி ரூப த⁴ம்மானஞ்ச அரூப த⁴ம்மானஞ்ச. “தாவா”தி வீதி² சித்தப்பவத்தி த³ஸ்ஸனதோ பத²மதரங் ஏவாதி அத்தோ². “அத்தா⁴ன பரிச்சே²த³ங்”தி க²ணகால பரிச்சே²த³ங். விபா⁴வனிபாடே² “அதிமஹந்தா தி³வஸேன விஸய வவத்தா²னங் ஹோதீ”தி வசனேன ஆதி³ம்ஹி ‘ச²வத்தூ²னி, ச² த்³வாரானி, ச² ஆரம்மணானி, ச² விஞ்ஞாணானி, ச² வீதி²யோ, ச² தா⁴விஸயப்பவத்தீ,தி ஏவங் வுத்தேஸு ச²ஸு ச²க்கேஸு ச²தா⁴விஸயப்பவத்தீதி பத³மத்தங் ஸங்க³ணஹாதி. தங் அனுபபன்னங் ஹோதி. தேனாஹ “ஏவஞ்ஹி ஸதீ”திஆதி³ங். “விஸய வவத்தா²னத்த² மேவா”தி அதிமஹந்தாதி³ விஸய வவத்தா²னத்த²மேவ வுத்தந்தி ந ச ஸக்கா வத்துங். ரூபா ரூப த⁴ம்மானங் அத்³தா⁴ன பரிச்சே²தோ³ நாம அபி⁴த⁴ம்மே ஸப்³புத்த² இச்சி²தப்³போ³. தஸ்மா தஸ்ஸ த³ஸ்ஸனத்த²ம்பி தங் வுத்தந்தி த³ட்ட²ப்³ங். “ஸபா⁴வப்படிஸாபோ⁴”தி சிந்தன பு²ஸனாதீ³னங் பாதுபா⁴வோ வுச்சதி. “அனிவத்தீ”தி அனந்தரதா⁴னங் வுச்சதி. “பரிஹாயித்வா”தி ஜரா கிச்சங் ஆஹ. “அச்ச²ராஸங்கா⁴டக்க²ணஸ்ஸா”தி அங்கு³லீனங் ஸங்க⁴ட்டனக்க²ணஸ்ஸ. ஆசரியானந்த³த்தே²ரோ நாம அபி⁴த⁴ம்ம டகாகாரோ வுச்சதி. “அஸ்ஸா விஜ்ஜயாடி²தி நாம விஸுங் ந பஞ்ஞாயதீ”தி விஜ்ஜுப்பாத³ங் பஸ்ஸந்தானங் ந பஞ்ஞாயதி. ததா² சித்தம்பி வட்³ட⁴னானந்தரமேவ பி⁴ஜ்ஜதீதி யோஜனா. தேனாஹ “தங் பீ”திஆதி³ங். உத³யபா⁴கோ³ நாம வட்³ட⁴னபா⁴கோ³, வயபா⁴கோ³ நாம அந்தரதா⁴னபா⁴கோ³. “ஏவஞ்ச கத்வா”தி லத்³த⁴கு³ண வசனங். “ஏகங்சித்தங் தி³வஸங் திட்ட²தீ”தி புச்சா² வசனங். “ஆமந்தா”தி படிஞ்ஞா வசனங். “வயக்க²ணோ”தி புச்சா². “ந ஹேவங் வத்தப்³பே”தி படிக்கே²போ. பச்சத்த வசனஸ்ஸ ஏகாரத்தங். ஏவங் நவத்தப்³புந்தி அத்தோ². “மஹாதே²ரேனா”தி மொக்³க³லி புத்ததிஸ்ஸ மஹாதே²ரேன. நனு ஸுத்தந்தேஸு வுத்தந்தி ஸம்ப³ந்தோ⁴. “நா”தி ந உபலப்³பு⁴தி. “இமஸ்ஸ வுத்தத்தா”தி இமஸ்ஸ வசனஸ்ஸ வுத்தத்தா. ஸங்க²த லக்க²ணங் விஸயோ யேஸங் தானி ஸங்க²த விஸய லக்க²ணானி. ஸங்க²த த⁴ம்மமேவ ஆஹச்ச திட்ட²தி. அயங் அபி⁴த⁴ம்மே த⁴ம்மதாதி அதி⁴ப்பாயோ. “ஸங்க³ஹ காரேனா”தி ஆசரிய புத்³த⁴கோ⁴ஸத்தே²ரங் வத³தி. “அத்தி²க்க²ணங்”தி க²ணத்³வயமேவ வுச்சதி. இதி வத்வா தமத்த²ங் ஸாதெ⁴ந்தீதி ஸம்ப³ந்தோ⁴. கா³தா²யங். “தஸ்ஸேவா”தி தஸ்ஸா டி²தியா ஏவ பே⁴தோ³. ஸப்³புதா³ ஸப்³புபாணிநங் மரணங் நாம வுச்சதீதி யோஜனா. “தமத்த²ங்”தி தானி அத்தி²க்க²ணங் உபாதா³ய

லப்³ப⁴ந்தீதி அத்த²ங். “அத²வா”தி ஏகோ தே²ரவாதோ³. “ஸந்ததி வஸேன டா²னங்”தி டி²தாய அஞ்ஞத²த்தங் பஞ்ஞாயதீதி எத்த² டி²தபா⁴வஸங்கா²தங் டா²னங் ஸந்ததி டி²திவஸேன வேதி³தப்³ப³ந்தி வத³ந்தி. “இமஸ்மிங் பன ஸுத்தே”தி வேத³னாய உப்பாதோ³ பஞ்ஞாயதி, வயோ பஞ்ஞாயதி, டி²தாய அஞ்ஞத²த்தங் பஞ்ஞாயதீதி இத³ங் ஸுத்தங் வத³தி. “அப்படிபா³ஹெத்வா”தி அனீவாரெத்வா. யாவட்³ட⁴னஸ்ஸ நிவத்தி நாம அத்தி². உத³ய பரியந்த மத்தபூ⁴தா ஸா ஏவ நிவத்தி. “த்³வீஹி க²ந்தே⁴ஹி”தி ரூப ஜரா ரூபக்க²ந்தே⁴ன ஸங்க³ஹிதா. அரூப ஜரா ஸங்கா²ரக்க²ந்தே⁴னாதி ஏவங் த்³வீஹி க²ந்தே⁴ஹி. யஞ்ச தத்த² வுத்தந்தி ஸம்ப³ந்தோ⁴. ரூபஸ்ஸ உப்பாதோ³ த்³விதா⁴பி⁴ந்தி³த்வா தே³ஸிதோ. கத²ங், உபசயோ ஸந்ததீ தியோஜனா. “விபா⁴கா³ ரஹஸ்ஸா”தி உப்பாதோ³ உப்பஜ்ஜ நட்²டே²ன ஏகோ ஸமானோ ரூபானங் வட்³ட⁴ன ஸமயே உப்பாதோ³. உபரி வட்³ட⁴னட்²டே²ன உபசயோதி வுத்தோ. அவட்³டி⁴த்வா டி²த ஸமயே உப்பாதோ³ யதா² டி²த நீஹாரேன சிரகாலங் பவத்தி அத்தே²ன ஸந்ததீதி வுத்தோ. ஏவங் விபா⁴கா³ ரஹஸ்ஸ. “யதா²னுலோம ஸாஸனங்”தி வினேதப்³ப³ புக³க³லானங் அஜ்ஜா²ஸயானுலோம ஸாஸனங்.

“அரூப”ந்திஆதீ³ஸு. “அரூபங்”தி ஸப்³ப³ஸோ ரூபஸண்டா²ன ரஹிதத்தா சித்த சேதஸிகங் நாமங் வுச்சதி. “அரூபி ஸபா⁴வத்தா”தி அரூப த⁴ம்ம ஸபா⁴வத்தா இச்சேவத்தோ². தத்த² அரூப த⁴ம்ம ஸபா⁴வோ நாம ரூப த⁴ம்மதோ ஸதகு³ணேனவாஸஹஸ்ஸகு³ணேனவாஸண்ஹஸுகு²மஸபா⁴வோ . விபா⁴வ நிபாடே². “கா³ஹக க³ஹேதப்³ப³ பா⁴வஸ்ஸ தங் தங் க²ணவஸேன நிப்²ஜ்ஜனதோ”தி எத்த² பஞ்சத்³வார வீதீ²ஸு வீதி² சித்தானஞ்ச ஆரம்மணானஞ்ச விஸயீ விஸயபா⁴வோ கா³ஹக க³ஹேதப்³ப³ பா⁴வோ நாம. “தங் தங் க²ணவஸேன நிப்²ஜ்ஜனதோ”தி வீதி² சித்தானி ச ஏகஸ்மிங் ஆரம்மணேபி ஆவஜ்ஜனாதீ³ஹி நானா கிச்சேஹி க³ண்ஹந்தா ஏவ க³ஹண கிச்சங் ஸம்பா³தெ³ந்தி. நானா கிச்சானி ச நானா சித்தானங் வஸேன ஸம்பஜ்ஜந்தி. ஆரம்மணானி ச புரேஜாதானி ஹுத்வா யாவ தானி கிச்சானி ஸம்பஜ்ஜந்தி, தாவ பச்சப்பன்னபா⁴வேன த⁴ரமானானி ஏவ க³ஹணங் ஸம்பா³தெ³ந்தி. ஏவங் ஸதி, கா³ஹகானங் வீதி² சித்தானஞ்ச க²ணத்தயாயுகத்தா ஏவ கா³ஹக கிச்சங் நிப்²ஜ்ஜதி, ஸிஜ்ஜ²தி. க³ஹேதப்³பா³னங் ஆரம்மணானஞ்ச ஸத்தரஸ சித்தக்க²ணாயுகத்தா ஏவ க³ஹேதப்³ப³ கிச்சங் நிப்²ஜ்ஜதி, ஸிஜ்ஜ²தி. ஏவங் தங் தங் க²ண வஸேன நிப்²ஜ்ஜனதோ. விஞ்ஞத்தி த்³வயங் ஏக சித்தக்க²ணிகங். கஸ்மா, சித்தானு பரிவத்தி த⁴ம்மத்தா. “உப்பாத³மத்தா”தி நிப்²ன்ன ரூபானங் உப்பாத³மத்தா. “ப⁴ங்க³மத்தா”தி தேஸமேவ ப⁴ங்க³மத்தா. “ரூப த⁴ம்மானங்”தி நிப்²ன்ன ரூப த⁴ம்மானங். “உப்பாத³னிரோத⁴ விதா⁴னஸ்ஸா”தி உப்பாத³ நிரோத⁴ விதா⁴னபூ⁴தஸ்ஸ மஹாஅட்ட²கதா²வாத³ஸ்ஸ படிஸித்³த⁴த்தாதி ஸம்ப³ந்தோ⁴. “தங்”தி தங்

மஹாஅட்ட²கதா² வசனங். “தஸ்மிங் வாதே³”தி தஸ்மிங்
மஹாஅட்ட²கதா²வாதே³. “தத்த² ஆக³தா”தி தஸ்மிங் வாதே³ ஆக³தா. யங் பன
விபா⁴வனியங் காரணங் வுத்தந்தி ஸம்ப³ந்தோ⁴. “தங் டிகானயங்”தி தங்
ஸோளஸ சித்தக்க²ணாயுக தீ³பகங் மூலடிகானயங். தத³த்த²ங் ஸாதெ⁴ந்தேன
விபா⁴வனி டிகாசரியேன வுத்தந்தி ஸம்ப³ந்தோ⁴. ஸங்க³ஹகாரஸ்ஸ
அட்ட²கதா² சரியஸ்ஸ. “உபசரீயதீ”தி உபசார வஸேன வோஹரீயதி.
விபா⁴வனிபாடே². “ஏதானீ”தி ஆரம்மணானி. “தங்”தி தங் ஏக சித்தக்க²ணங். “தே
சா”தி ரூப த⁴ம்மா ச. “பரிபுண்ண பச்சயூபலத்தா⁴”தி பரிபுண்ணங் பச்சயங்
உபலத்தா⁴. “ஸோ”தி டிகாகாரோ. “இதரானீ”தி க³ந்த⁴ரஸ பொ²ட்ட²ப³பா³னி.
“கோ³சரபா⁴வங்”தி பஞ்சத்³வாரிக சித்தானங் கோ³சரபா⁴வங். “புரிமானி
த்³வே”தி ரூபஸத்தா³ ரம்மணானி. “நிமித்த வஸேன க⁴ட்டெந்தீ”தி ஆதா³ஸங்
பஸ்ஸந்தஸ்ஸ முக²ஸதி³ஸங் முக²னிமித்தங் முக²ப்படிபி³ம்ப³ங் ஆதா³ஸே
உபட்டா²தி. ஏவங் ரூபாரம்மணங் சக்கு²பஸாதே³ ஸத்³தா³ரம்மணஞ்ச
ஸோதபஸாதே³ தங் ஸதி³ஸ நிமித்த வஸேன க⁴ட்டெந்தி . நவத்து² வஸேன
க⁴ட்டெந்தி. ஸயங் க³ந்த்வா ந க⁴ட்டெந்தீதி அதி⁴ப்பாயோ.
அஸம்பத்தானஞ்ஞேவ ஆரம்மணானங். “நிமித்து பட்டா²ன வஸேனா”தி
நிமித்தஸ்ஸ உபட்டா²னவஸேன. “நிமித்த அப்பனாவஸேனா”தி நிமித்தஸ்ஸ
பவேஸன வஸேன. மனொத்³வாரே பன அஸம்பத்தானியேவ ஹுத்வாதி
பாட²ஸேஸோ. “ஆபாதா க³மனஞ்செத்தா²”திஆதீ³ஸு. “லஞ்ச²கானங்”தி
லஞ்ச²னகாரானங். “லஞ்ச²னக்க²ந்த⁴ங்”தி அயோமயங் லஞ்ச²னக்க²ந்த⁴ங்.
ஸோ ச லஞ்ச²னக்க²ந்தோ⁴ தாலபண்ணே ஆபாதெத்வா அக்க²ரங்
உபட்டா²பேதி. தத்த² “ஆபாதெத்வா”தி அஜ்ஜொ²த்த²ரித்வா. “சக்கா²தி³ப்பதே²”தி
சக்கா²தீ³னங் விஸயக்கெ²த்தே. ந கேவலங் அத்தனோ த்³வாரேஸு ஏவ ஆபாத
மாக³ச்ச²ந்தி. அத² கோ² மனொத்³வாரேபி ஆபாத மாக³ச்ச²ந்தி. ந கேவலங்
ப⁴வங்க³ மனொத்³வாரே ஏவ ஆபாத மாக³ச்ச²ந்தீதி யோஜனா. “தேஸு பனா”தி
தேஸு ஆரம்மணேஸு பன. தானி ஆரம்மணானி யேஸங் தானி ததா³
ரம்மணானி. ந ஏகக்க²ணே பஞ்சஸு ஆரம்மணேஸு வீதி² சித்தானி பவத்தந்தி,
ஏகேகஸ்மிங் ஆரம்மணே ஏவாதி வுத்தத்தா ந த்³வீஸு, ந தீஸு, ந சதுாஸுதிபி
வத்தப்³பங். ப்³ஹுசித்தக்க²ணாதீதானி பஞ்சாரம்மணானி ப்³ஹுசித்தக்க²ணாதீதே
பஞ்சத்³வாரேதி யோஜனா. பஞ்சத்³வாரேதி ச பஞ்சத்³வாரேஸுதி அத்தோ².
“ஏவங் ஸதீ”தி தேஸங் பஸாதா³னங் ஆவஜ்ஜனேன ஸத்³தி⁴ங் உப்பத்தியா
ஸதி. “ஆதி³லக்க²ணங்”தி பஞ்சாரம்மணானங் பஞ்சத்³வாரேஸு ஆபாதா க³மன
ஸங்காதங் விஸயப்பவத்தியா ஆதி³லக்க²ணங். சலனஞ்ச த³ட்ட²ப³ப³ந்தி
ஸம்ப³ந்தோ⁴. “யதா² க³ஹிதங்”தி படிஸந்தி⁴தோ பட்டா²ய க³ஹிதப்பகாரங்.
விபா⁴வனிபாடே² “யொக்³ய தே³ஸாவட்டா²ன வஸேனா”தி ஆபாதங் ஆக³ந்துங்
யுத்தட்டா²னே அவேச்சட்டா²ன வஸேன. யுஜ்ஜனஞ்ச, மந்த²னஞ்ச,
கோ²ப⁴கரணஞ்ச, க⁴ட்டனந்தி ச ஆபாதா க³மனந்தி ச வுச்சதீதி யோஜனா.
ஹெட்டா² வுத்தோயேவ ஆபாதா க³மனஞ்செத்தா²திஆதி³னா. “நானா

டா²னியேஸு^௨”தி நானா டா²னேஸு டி²தேஸு. “ஏகோ த⁴ம்மனியாமோ நாமா”தி யதா² போ³தி⁴ஸத்தே மாதுகுச்சி²ம்ஹி படிஸந்தி⁴ங் க³ண்ஹந்தே த⁴ம்மனியாம வஸேன ஸகலே ஜாதிக்³த்தே பத²விகம்பனங் அஹோஸி. ததா² இத⁴பி பஞ்சத்³வாரேஸு ஏகேகஸ்மிங் த³வாரே ஆரம்மணே க⁴ட்டெந்தே த⁴ம்மனியாம வஸேன ப⁴வங்க³ சலனங் ஹோதி. அயங் த⁴ம்மனியாமோ நாம. “ஸஹேவா”தி ஏகதோயேவ. கத²ங் ஹத³ய வத்து² நிஸ்ஸிதஸ்ஸ ப⁴வங்க³ஸ்ஸ சலனங் ஸியாதி யோஜனா. எத்த² ச பஞ்சவிஞ்ஞாணஸ்ஸ சலனங் ஸியாதி இத³ங் ந வத்தப்³பங். கஸ்மா, ததா³ பஞ்சவிஞ்ஞாணஸ்ஸ அவிஜ்ஜமானத்தா. யதா³ ச தங் விஜ்ஜதி, ததா³ தங் ந சலதீதி ந வத்தப்³பங். ஸப்³பம்பி ஹி வீதி²சித்தங் நாம சலதி யேவாதி. ஸந்ததி நாம புப்³பா³ பரப்பப்³ந்தோ⁴. ஸண்டா²னங் நாம ஸஹப்பவத்தானங் ஏகதோ டி²தி. இத⁴ ஸண்டா²னங் அதி⁴ப்பேதங். பஞ்சனிஸ்ஸய மஹாபூ⁴தேஹி ஸத்³தி⁴ங் ஹத³ய வத்து² நிஸ்ஸயபூ⁴தானங் ஏக ஸண்டா²ன பா⁴வேன ஏகாபத்³த⁴த்தாதி வத்தங் ஹோதி. தேனாஹ “ஸண்டா²ன வஸேனாதி பன வத்தப்³பங்”தி. “தாதி³ஸ்ஸ அனுக்கம சலனஸ்ஸா”தி விபா⁴வனியங் பே⁴ரிஸக்க²ரோபமாய ஸத்³தி⁴ங் ரூபாதி³னா பஸாதே³ க⁴ட்டிதே தன்னிஸ்ஸ யேஸு மஹாபூ⁴தேஸு சலிதேஸு அனுக்கமேன தங் ஸம்ப³ந்தா⁴னங் ஸேஸரூபானம்பி சலனேன ஹத³ய வத்து²ம்ஹி சலிதே தன்னிஸ்ஸிதஸ்ஸ ப⁴வங்க³ஸ்ஸ சலனா காரேன பவத்திதோதீதி ஏவங் வத்தஸ்ஸ அனுக்கம சலனஸ்ஸ. “ப⁴வங்க³ப்பவாஹங்”தி ப⁴வங்க³ ஸந்ததிங். “குருமானங்”தி கரொந்தங். ஸல்லக்க²ந்தங்”தி இத³மேவாதி ஸன்னிட்டா²பெந்தங். “யோனி ஸோமனஸிகாராதி³வஸேனா”தி யோனி ஸோமனஸிகாரோ குஸல ஜவனுப்பத்தியா பச்சயோ. அயோனி ஸோமனஸிகாரோ அகுஸல ஜவனுப்பத்தியா பச்சயோ. நிரனுஸய ஸந்தானதா க்ரியஜவனுப்பத்தியா பச்சயோ. தேஸு ச ஸோமனஸ்ஸ ஜவனாதீ³னங் உப்பத்தி பச்சயோபி ஹெட்டா² சித்த ஸங்க³ஹே வத்தனயேன வேதி³தப்³போ³.

“ப⁴வங்க³பாதோ”திஆதீ³ஸு. “ஆவஜ்ஜனதோ பட்டா²ய உட்டி²தங்”தி கம்ம விபாகஸந்தானதோ ச ததா³ரம்மணதோ ச முஞ்சித்வா விஸுங் க்ரியாமய ப்யாபாரேன ஆரம்மணந்தரங் க³ஹேத்வா உட்டி²தங் ஸமுட்டி²தங். ப⁴வங்க³ சலனம்பி உட்டா²னஸ்ஸ ஆதி³ ஹோதி. தஸ்மா தம்பி உட்டி²தே சித்த ஸந்தானே ஸங்க³ண்ஹந்தோ பத²ம ப⁴வங்க³ சலனதோயேவ வாதி வத்தங். “இமஸ்மிங் டா²னே”தி வீதி² சித்தானங் அனுக்கமேன அத்தனோ கிச்சேஹி ஆரம்மணப்பவத்திட்டா²னே. “தோ³வாரிகோபமா”தி ப³தி⁴ரதோ³வாரிகோபமா. “கா³மில்லோபமா”தி கா³மதா³ரகோபமா. “அம்போ³பமா”தி அம்பப்ப²லோபமா. அஞ்ஞாபி உபமா அத்தி². மக்கடஸுத்தோபமா, உச்சயந்தோபமா, ஜச்சந்தோ⁴பமா. தாஸப்³பா³பி அட்ட²ஸாலினியங் விபாகுத்தா⁴ர கதா²தோ க³ஹேதப்³பா³. “யத்த²ஹி”திஆதீ³ஸு. “கத²ங் ச² ச²க்க யோஜனா ஹோதீ”தி. சக்கு² வத்து² வசனஞ்ச, சக்கு²த்³வார வசனஞ்ச, ரூபா ரம்மண வசனஞ்ச, சக்கு²

விஞ்ஞாண வசனஞ்ச, சக்கு²த்³வார வீதி² சக்கு² விஞ்ஞாண வீதி² வசனஞ்ச,
 அதிமஹந்தா ரம்மண வசனஞ்சா,தி ஏதானி ச²வசனானி. தேஹி ச²ச²க்கேஹி
 ஆஹரித்வா இமிஸ்ஸங் வீதி²யங் த³ஸ்ஸிதானி. ஸேஸவீதி²ஸுபி
 யதா²லாப⁴ங் த³ஸ்ஸிதப்³பா³னி. ஏவங் ச²ச²க்கயோஜனா ஹோதி. “எத்த² ச
 யத்தகானி”திஆதி³ஸு. “ஏகூன பஞ்ஞாஸ பரிமானேஸு”தி ஏகஸ்ஸனிப்ப²ன்ன
 ரூபத⁴ம்மஸ்ஸ ஏகபஞ்ஞாஸ மத்தேஸு கு²த்³த³கக்க²ணேஸு
 உப்பாத³க்க²ணஞ்ச ப⁴ங்க³க்க²ணஞ்ச ட²பெத்வா மஜ்ஜே² ஏகூன பஞ்ஞாஸ
 மத்தானி டி²திக்க²ணானி ஸந்தி. தேஸு க²ணேஸு அனுக்கமேன உப்பன்னா
 ஏகூன பஞ்ஞாஸ சக்கு² பஸாதா³ ச ஸந்தி. “கிஸ்மிஞ்சீ”தி தேஸு கதரஸ்மிங்
 நாம சக்கு² பஸாதே³ ந க⁴ட்டெந்தீதி ந வத்தப்³பா³னி. “தேஸு பனா”தி
 நித்தா⁴ரணே பு⁴ம்மவசனங். “யதே³வ ஏகங் சக்க²”தி நித்தா⁴ரணியங். தங்
 பன கதமந்தி. அதீத ப⁴வங்கே³ன ஸத்³தி⁴ங் உப்பஜ்ஜித்வா தங் அதிகம்ம
 ப⁴வங்க³ சலனக்க²ணே லத்³த⁴க⁴டனங் ஏகங் சக்கு². தங் பன சக்கு²
 விஞ்ஞாணஸ்ஸ வத்து² பா⁴வஞ்ச த்³வாரபா⁴வஞ்ச ஸாதே⁴தி.
 ஸேஸவிஞ்ஞாணானங் த்³வாரபா⁴வங் ஸாதே⁴தீதி. தேனாஹ
 “யதா²ரஹங்”தி. ஏததே³வ ஏதங் ஏவ சக்கு² கிச்ச ஸாத⁴னங் நாம ஹோதி வீதி²
 சித்துப்பத்தியா வத்து² கிச்சத்³வார கிச்சானங் ஸாத⁴னதோ. “யங்
 மஜ்ஜி²மாயுகங்”தி மந்தா³யுக அமந்தா³யுகானங் மஜ்ஜே² பவத்தத்தா யங்
 மஜ்ஜி²மாயுகந்தி வத³ந்தி. தங் கிச்ச ஸாத⁴னங் நாமாதி யோஜனா. “இதரானி
 பனா”தி ஏகூன பஞ்ஞாஸ பரிமானேஸு சக்கு² பஸாதே³ஸுதி வுத்தானி,
 தேஸு ஏகங் கிச்ச ஸாத⁴னங் ட²பெத்வா ஸேஸானி இதரானி அட்ட²
 சத்தாலீஸ சக்க²னி மோக⁴வத்து²னி நாம ஹோந்தி. ரூபா ரம்மணேஹி
 ஸத்³தி⁴ங் லத்³த⁴ க⁴ட்டனானம்பி ஸதங் வீதி² சித்துப்பத்தியா வத்து²
 கிச்சத்³வார கிச்சரஹித்தா. தேஸு கதமானி மந்தா³யுகானி நாமாதி ஆஹ
 “தானி பனா”திஆதி³ங். கிச்ச ஸாத⁴னதோ புரிமானி நாம அதீத ப⁴வங்க³தோ
 புரே தேரஸஸு ப⁴வங்கே³ஸு ஆதி³ ப⁴வங்க³ஸ்ஸ ப⁴ங்க³க்க²ணதோ
 பட்டா²ய க²ணே க²ணே உப்பன்னா ஸத்ததிங்ஸ சக்கு² பஸாதா³. தானி
 மந்தா³யுகானிதி வத³ந்தி. கஸ்மா, கிச்ச ஸாத⁴னதோ அப்பதராயுகத்தா. கிச்ச
 ஸாத⁴னதோ பச்சி²மானி நாம அதீத ப⁴வங்க³ஸ்ஸ டி²திக்க²ணதோ பட்டா²ய
 க²ணே க²ணே உப்பன்னா ஏகாத³ஸ சக்கு² பஸாதா³, தானி அமந்தா³யுகானிதி
 வத³ந்தி. கஸ்மா, கிச்ச ஸாத⁴னதோ ப³ஹுதராயுகத்தா. தது³ப⁴யானிபி அட்ட²
 சத்தாலீஸ மத்தானி வேதி³தப்³பா³னிதி ஸம்ப³ந்தோ⁴. “ததோ”தி தேஹி
 அட்ட²சத்தாலீஸ மத்தேஹி. “புரிமதரானி”தி ஸத்ததிங்ஸ மந்தா³யுகேஹி
 புரிமதரானி. தானி ஹி சக்கு² விஞ்ஞாணஸ்ஸ உப்பாத³க்க²ணே டி²தி பா⁴வேன
 அனுபலத்³த⁴த்தா இத⁴ ந க³ஹிதானி. “பச்சி²மதரானி”தி ஏகாத³ஸ
 அமந்தா³யுகேஹி பச்சி²மதரானி. தானி ச சக்கு² விஞ்ஞாணஸ்ஸ
 உப்பாத³க்க²ணே உப்பன்னானிபி தஸ்மிங் க²ணே டி²தி பா⁴வேன
 அனுபலத்³த⁴த்தா இத⁴ ந க³ஹிதானி. கஸ்மா பன சக்கு²விஞ்ஞாணஸ்ஸ

உப்பாத³க்க²ணே டி²தி பா⁴வேன அனுபலத்³தா⁴னி தது³ப⁴யானி இத⁴ ந
க³ஹிதானீதி. சக்கு² விஞ்ஞாணஸ்ஸ உப்பாத³க்க²ணே டி²தி பா⁴வேன
த⁴ரமானானங் அட்ட²சத்தாலீஸ மத்தானங் சக்க²னங் மஜ்ஜே² ஏவ கதமங்
சக்கு² சக்கு² விஞ்ஞாணஸ்ஸ வத்து² கிச்ச த்வார கிச்சங் ஸாதே⁴தீதி
ஆஸங்கிதப்³ப³ங் ஹோதி. எத்த² ச பஞ்ச வத்து²னி நாம அத்தனோ டி²திக்க²ணே
ஏவ பஞ்சவிஞ்ஞாணானங் வத்து²த்³வார கிச்ச ஸாத⁴கத்தா சக்கு²
விஞ்ஞாணஸ்ஸ உப்பாத³க்க²ணே டி²தி பா⁴வேன அனுபலத்³த⁴த்தா இத⁴ ந
க³ஹிதானீதி ச, சக்கு² விஞ்ஞாணஸ்ஸ உப்பாத³க்க²ணே டி²தி பா⁴வேன
த⁴ரமானானந்தி ச, வுத்தந்தி த³ட்ட²ப்³ப³ங்.

“எத்த² ஸியா”திஆதீ³ஸு. “இமாய வீதி²யா”தி இமாய அதிமஹந்தா ரம்மண
வீதி²யா. “ஸமுதா³யக்³கா³ஹிகா”தி ரூபா ரம்மணானங் ஸமுஹக்³கா³ஹிகா.
“வண்ணஸல்லக்க²ணா”தி வண்ணவவத்தா²னிகா. “வத்து²க்³கா³ஹிகா”தி த³ப்³ப³
ஸண்டா²னக்³கா³ஹிகா. “நாமக்³கா³ஹிகா”தி நாம பஞ்ஞத்திக்³கா³ஹிகா.
“அலாதசக்கஸ்ஸ கா³ஹிகா வியா”தி ரத்தந்த⁴காரே ஏகோ அலாதங்
க³ஹெத்வா பரிப்³ப⁴மதி. அஞ்ஞோ தங் பஸ்ஸந்தோ சக்கங் விய மஞ்ஞதி.
தத்த² அலாதஸ்ஸ க³தக³தட்டா²னே பச்சப்பன்னங் ரூபங் ஆரப்³ப⁴ சக்கு²த்³வார
வீதி²யோ உப்பஜ்ஜந்தி. மனொத்³வார வீதி²யோ பன புரிம புரிமாஹி சக்கு²த்³வார
வீதி²ஹி க³ஹிதானி அதீத ரூபானி அமுஞ்சித்வா ஏகதோ ஸண்டா²னஞ்ச
ஸந்ததிஞ்ச கத்வா க³ண்ஹந்தி. ததா³ பஸ்ஸந்தஸ்ஸ சக்கங் விய உபட்டா²தி.
ஏவங் அயங் ஸமுதா³யக்³கா³ஹிகா த³ட்ட²ப்³பா³. “நத்தி²
ததா³ரம்மணுப்பாதோ”திஆதீ³ஸு. “யஸ்ஸா”தி யஸ்ஸ ஆரம்மணஸ்ஸ.
சித்தானீதி ச நானாரம்மணானீதி ச கம்மபதா³னி. அவஸேஸே தஸ்மிங்
ஆரம்மணே. “ஸங்க³ஹ காரேனா”தி போராண அட்ட²கதா²யோ ஏகதோ
ஸங்க³ஹெத்வா கதத்தா புத்³த⁴கோ⁴ஸத்தே²ரேன கதா ஸப்³பா³
அட்ட²கதா²யோ ஸங்க³ஹட்ட²கதா² நாம. ஸோ ச ஸங்க³ஹ காரோதி வுச்சதி.
“இத⁴ பீ”தி இமஸ்மிங் அபி⁴த⁴ம்மத்த² ஸங்க³ஹேபி. “தே²ரேனா”தி
அனுருத்³த⁴த்தே²ரேன. “ஏகம்பி இச்ச²தி யேவா”தி. “யஸ்ஸ ஹி
சத்தாரீ”திஆதீ³ஸு யஸ்ஸ ஆரம்மணஸ்ஸ சத்தாரி வா பஞ்சவா
ச²வாதிஆதி³னா யோஜேதப்³ப³ங். “ஜவனம்பி அனுப்பஜ்ஜித்வா”திஆதீ³ஸு.
“அத்தனோ பதா⁴ன க்ரியாயா”தி அனுப்பஜ்ஜித்வாதி பத³ஸ்ஸ பரதோ ‘யங்
பவத்ததீ’தி அத்தனோ பதா⁴ன க்ரியாபத³ங் அத்தி². தேன அத்தனோ
க்ரியாபதே³ன ஸத்³தி⁴ந்தி அத்தோ². “கத்த²சி வுத்தா”தி கத்த²சி
ஸத்³த³க³ந்தே²ஸு வுத்தா. அபி ச, ஹேதும்ஹி த்வாபச்சயோ லக்க²ணே
ஹேதும்ஹி ச மானந்த பச்சயா ஜோதனீயட்டே²ன வுத்தா, ந வசனீயட்டே²னாதி
த³ட்ட²ப்³பா³. “பகதி நியாமேனா”தி ஏதேன பச்சய விஸேஸேஸதி, சத்தாரி வா
பஞ்சவா ச²வா ஜவனானி உப்பஜ்ஜந்தீதி தீ³பேதி. தேனாஹ “எத்த²பனா”திஆதி³ங்.
“த்³வத்திக்க²த்துங்”தி வாஸத்³த³த்தே² அஞ்ஞபத³த்த² ஸமாஸபத³ந்தி வுத்தங்
“த்³விக்க²த்துங் வா திக்க²த்துங் வா”தி. “வொட்ட²ப்³ப³னஸ்ஸ ஆஸேவனதா”தி

ஆஸேவன பச்சயதாவா பச்சயப்பன்னதாவா. “ஆவஜ்ஜனாயா”தி எத்த² வொட்ட²பு³பு³ன கிச்சங் ஆவஜ்ஜனம்பி ஸங்குண்ணஹாதி. இத⁴பி ஆரம்மண து³பு³பு³லதாய சதுப்பஞ்ச ஜவனுப்பத்தி இச்சி² த³பு³பா³தி யோஜனா. தத்த² “இத⁴ பீ”தி இமஸ்மிங் பரித்தா ரம்மண வாரேபி. திவொட்ட²பு³பு³னிகா பஞ்ச பரித்தா ரம்மண வீதி²யோதி யோஜனா. “இதரானீ”தி பரித்த மஹந்தாதி மஹந்தா ரம்மணானி. “உப⁴யதா²பீ”தி ஆபாதா க³மன வஸேனபி ஆரம்மண கரண வஸேனபி. இமஸ்ஸ பத³ஸ்ஸ.

137. “மனொத்³வாரே பனா”திஆதீ³ஸு. “பரித்தக்க²ணா பீ”தி சித்த ப²ஸ்ஸாத³யோ அப்பதரக்க²ணாபி. “அதீதானாக³தா பீ”தி அதீதானாக³த த⁴ம்மாபி. “க⁴ட்டனேனா”தி ரூபாதீ³னங் க⁴ட்டனேன. “யத்தா²”தி யஸ்மிங் ப⁴வங்கே³. “பஞ்சத்³வாரானு பந்த⁴கங்”தி பஞ்சத்³வார வீதி² அனுக்க³தங். அதீதங் ஆலம்ப³ணங் பவத்தேதி யேவாதி ஸம்பந்தோ⁴. “யதா²பாதா க³தமேவா”தி பகதியா ஆபாதா க³தப்பகாரமேவ. “ததா² ததா²”தி தி³ட்ட² ஸம்பந்தா⁴தி³னா தேன தேன பகாரேன. “கிஞ்சீ”தி கிஞ்சி ஆரம்மணங். “தி³ஸ்வா”தி பச்சக்க²ங் கத்வா. பஞ்சத்³வாரக்³ஹிதஞ்ஹி ஆரம்மணங் பச்சக்க²கதட்டே²ன தி³ட்ட²ந்தி வச்சதி. யங் கிஞ்சி ஆரம்மணங். “அனுமானெந்தஸ்ஸா”தி ஏவமேவ ப⁴வித்த², ப⁴விஸ்ஸதி, ப⁴வதீதி அனுமானஞ்ஞானேன சிந்தெந்தஸ்ஸ. தங் ஸதி³ஸங் ஆரம்மணங். “பரஸ்ஸ ஸத்³தஹனா”தி பரவசனங் ஸுத்வா யதா² அயங் வத³தி, ததே² வேதந்தி ஸத்³தஹனா. “தி³ட்டி²” வச்சதி ஞாணங் வா லத்³தி⁴ வா. “நிஜ்ஜா²னங்”தி ஸுட்டு² ஓலோகனங். “க²ந்தீ”தி க²மனங் ஸஹனங். அஞ்ஞத²த்தங் அக³மனங். தி³ட்டி²யா நிஜ்ஜா²னங் தி³ட்டி²னிஜ்ஜா²னங். தி³ட்டி²னிஜ்ஜா²னஸ்ஸ க²ந்தி தி³ட்டி²னிஜ்ஜா²னக்க²ந்தி. “ஸேஸங்”தி நானாகம்ம ப³லேனாதிஆதி³கங். “தே³வதோ பஸங்ஹாரவஸேனா”தி தே³வதா கதா³சி கேஸஞ்சி ஸுபினந்தே நானாரம்மணானி உபஸங்ஹரித்வா த³ஸ்ஸெந்தி. ஏவங் தே³வதோ பஸங்ஹார வஸேனாபி. அனுபோ³தோ⁴ நாம லோகியஞ்ஞாண வஸேன சதுஸ்ஸச்ச த⁴ம்மானங் அனுபு³ஜ்ஜ²னங். படிவேதோ⁴ நாம லோகுத்தரஞ்ஞாண கிச்சங். அனந்த ரூப நிஸ்ஸய பச்சயக்³ஹணேன பகதூ பனிஸ்ஸய பச்சயம்பி உபலக்கே³தி. சித்த ஸந்தானஸ்ஸ அனந்தரூபனிஸ்ஸய பச்சயபா⁴வோ நாமாதி ஸம்பந்தோ⁴. அனந்த ரூப நிஸ்ஸய பச்சயஸத்தி நாம அனந்தர பரம்பர விப்ப²ரணவஸேன மஹாக³திகா ஹோதீதி வுத்தங் ஹோதி. அனந்த ரூப நிஸ்ஸய பச்சயானு பா⁴வோதிபி யுஜ்ஜதி. கத²ங் மஹாவிப்பா²ரோதி ஆஹ “ஸகிங் பீ”திஆதி³ங். “ஸுட்டு² ஆஸேவித்வா”தி எத்த² பச்சா² அப்பமுஸ்ஸமானங் கத்வா புனப்புனங் ஸேவனங் ஸுட்டு² ஆஸேவனங் நாம. ந கேவலங் புரிம சித்த ஸந்தானஸ்ஸ ஸோ உபனிஸ்ஸய பச்சயானுபா⁴வோ ஏவ மஹாவிப்பா²ரோ ஹோதி. பகதியா சித்தஸ்ஸ விசித்த பா⁴வ ஸங்கா²தங் சிந்தனா கிச்சம்பி மஹாவிப்பா²ரங் ஹோதீதி த³ஸ்ஸேதுங் “சித்தஞ்ச நாமா”திஆதி³வுத்தங். கத²ங் மஹாவிப்பா²ரங் ஹோதீதி ஆஹ “கிஞ்சி

நிமித்தங்”திஆதி³ங். “கிஞ்சி நிமித்தங்”தி தி³ட்டா²தீ³ஸு நானா ரம்மணேஸு
 கிஞ்சி அப்பமத்தகங் தி³ட்டா²தி³கங் ஆரம்மண நிமித்தங். “தேஹி சகாரணேஹி”தி
 தேஹி கத்துபு⁴தேஹி தி³ட்டா²தீ³ஹி காரணேஹி. “சோதீ³யமானங்”தி
 பயோஜீயமானங். “அஜ்ஜா²ஸய யுத்தங்”தி அஜ்ஜா²ஸயேன ஸங்யுத்தங்.
 ப⁴வங்க³ சித்தஸ்ஸ ஆரம்மணங் நாம அவிபு⁴தங் ஹோதி. ப⁴வங்க³ங்
 சாலெத்வா ஆவஜ்ஜனங் நியோஜேதீதி ஸம்ப³ந்தோ⁴. “லத்³த⁴ பச்சயேஸு”தி
 ஆலோகாதி³வஸேன வா தி³ட்டா²தி³வஸேன வா லத்³த⁴ பச்சயவந்தேஸு.
 தத³பி⁴னின்னாகாரோ நாம நிச்சகாலம்பி தேஸு ஆரம்மணேஸு அபி⁴முக²ங்
 நின்னாகாரோ. தேன ஆகாரேன பவத்தோ மனஸிகாரோ. தேன
 ஸம்பயுத்தஸ்ஸ. ஏதேஹி வசனேஹி ஸுத்³த⁴மனொத்³வாரே ஆரம்மணானங்
 அபாதாக³மனஞ்ச ப⁴வங்க³ சலனஞ்ச ந கேவலங் லத்³த⁴ பச்சயானங்
 ஆரம்மணானங் வஸேனேவ ஹோதி. தாதி³ஸேன பன மனஸிகாரேன
 யுத்தஸ்ஸ ஸயஞ்ச வீதி² சித்த சிந்தனா கிச்சஸ்ஸ சித்தஸ்ஸ வஸேனாபி
 ஹோதீதி ஸித்³த⁴ங் ஹோதி. ந ஹி ஆரம்மணந்தரே அபி⁴னின்னாகாரோ
 நாம நத்தீ²தி ஸக்கா வத்துங். கஸ்மா, அபா⁴வித சித்தானங் பமாத³
 ப³ஹுலானங் ஜனானங் கதா³சி கரஹசி பா⁴வனா மனஸிகாரே கரீயமானேபி
 வீதி² சித்த ஸந்தானஸ்ஸ ப³ஹித்³தா⁴ நானாரம்மணேஸு
 அபி⁴னின்னாகாரஸ்ஸ ஸந்தி³ஸ்ஸனதோதி. “யதா² செத்தா²”தி யதா² எத்த²
 மனொத்³வாரே ரூபாரூப ஸத்தானங் விபு⁴தா ரம்மணேபி ததா³
 ரம்மணுப்பாதோ³ நத்தி², ஏவந்தி யோஜனா. ஞாணவிப⁴ங்க³ட்ட²கதா²யங் பன
 வொட்ட²ப³ப³னவாரோபி ஆக³தோ. யதா²ஹ ஸுபினேனேவ தி³ட்ட²ங் விய மே,
 ஸுதங் விய மேதி கத²னகாலேபி அப்யாகதோ யேவாதி. தத்த² ஹி
 “அப்யாகதோ யேவா”தி ஸுபினந்தே மனொத்³வாரே த்வத்திக்க²த்துங்
 உப்பன்னஸ்ஸ ஆவஜ்ஜனஸ்ஸ வஸேன அப்யாகதோயேவ. ததோ பரங்
 ப⁴வங்க³பாதோ. அட்ட²ஸாலினியம்பி வுத்தங் அயங் பன வாரோ தி³ட்ட²ங்
 விய மே, ஸுதங் விய மே திஆதீ³னி வத³னகாலே லப்³ப⁴தீதி. தங் பன பஞ்ச
 த்வாரே பரித்தாரம்மணே த்வத்திக்க²த்துங் உப்பன்னஸ்ஸ வொட்ட²ப³ப³னஸ்ஸ
 வஸேன வுத்தங். “ஸோபி இத⁴ லத்³து⁴ங் வட்டதி யேவா”தி ஸோபி வாரோ
 இமஸ்மிங் மனொத்³வாரே லத்³து⁴ங் வட்டதியேவ. “ப⁴வங்கே³ சலிதே
 நிவத்தனகவாரானங்”தி த்விக்க²த்துங் ப⁴வங்க³ சலனமத்தே ட²த்வா வீதி²
 சித்தானி அனுப்பஜ்ஜித்வா ப⁴வங்க³பாதவஸேன நிவத்தனகானங்
 மோக⁴வாரானங் மனொத்³வாரேபி பமாணங் ந ப⁴விஸ்ஸதியேவ. அத²
 இமஸ்மிங்வாரே வீதி² சித்தப்பவத்தி நத்தி². ஏவங் ஸதி, இமஸ்மிங் வீதி²
 ஸங்க³ஹே ஸோ வாரோ ந வத்தப்³போ³தி சே. வத்தப்³போ³யேவ. கஸ்மா,
 ச²தா⁴ விஸயப்பவத்தீதி இமஸ்மிங் ச²க்கே ஸங்க³ஹிதத்தாதி த்ஸ்ஸேதுங்
 “விஸயே ச ஆபாதாக³தே”திஆதி³ வுத்தங். ஆரம்மணபு⁴தா விஸயப்பவத்தி.
 ஏகேகஸ்மிங் அனுபந்த⁴கவாரே. “ததா³ரம்மண வாராத³யோ”தி ததா³ரம்மண
 வாரோ ஜவனவாரோ வொட்ட²ப³ப³ன வாரோ மோக⁴வாரோ. தேஸு பன ததா³

ரம்மணவாரோ வத்து²க்³ஹ்ணே ச நாமக்³ஹ்ணே ச ந லப்³ப⁴தி. “வத்தா²”தி ஹி ஸண்டா²ன பஞ்ஞத்தி. “நாமங்”தி நாம பஞ்ஞத்தி. ந ச ததா³ ரம்மணங் பஞ்ஞத்தா ரம்மணங் ஹோதீதி. தேன வுத்தங் “யதா²ரஹங்”தி. “தத்தா²”தி தேஸு தி³ட்ட²வாராதீஸு ச²ஸு வாரேஸு. ஏதரஹி பன கேசி ஆசரியாதி பாட²ஸேஸோ. “அதீத ப⁴வங்க³ வஸேனா”தி ஏகங் ப⁴வங்க³ங் அதிகம்ம ஆபாதா க³தே ஆரம்மணே ஏகோ வாரோ, த்³வே ப⁴வங்கா³னி அதிகம்ம ஆபாதா க³தே ஏகோதிஆதி³னா அதீத ப⁴வங்க³ பே⁴த³வஸேன. “ததா³ ரம்மண வஸேனா”தி ததா³ ரம்மணஸ்ஸ உப்பன்னவாரோ அனுப்பன்ன வாரோதி ஏவங் ததா³ ரம்மண வஸேன. கப்பெந்தி சிந்தெந்தி, வித³ஹந்தி வா. “க²ண வஸேன ப³லவது³ப்³லதா ஸம்ப⁴வோ”தி யதா² பஞ்சத்³வாரே அதிமஹந்தா ரம்மணேஸுபி ஆரம்மண த⁴ம்மா உப்பாத³ங் பத்வா ஆதி³தோ ஏகசித்தக்க²ணமத்தே து³ப்³லா ஹொந்தி. அத்தனோ த்³வாரேஸு ஆபாதங் ஆக³ந்துங் ந ஸக்கொந்தி. ஏக சித்தக்க²ணங் பன அதிகம்ம ப³லவந்தா ஹொந்தி. அத்தனோ த்³வாரேஸு ஆபாதங் க³ந்துங் ஸக்கொந்தி. மஹந்தா ரம்மணாதீஸு பன த்³வி சித்தக்க²ணிகமத்தே து³ப்³லா ஹொந்தீதிஆதி³னா வத்தப்³பா³. ந ததா² மனொத்³வாரே ஆரம்மணானங் க²ண வஸேன ப³லவது³ப்³லதா ஸம்ப⁴வோ அத்தி². கஸ்மா நத்தீ²தி ஆஹ “ததா³”திஆதி³ங். தத்த² “ததா³”தி தஸ்மிங் வீதி² சித்தப்பவத்திகாலே. “தத்தா²”தி மனொத்³வாரே.

“எத்த² ஸியா”திஆதீ³ஸு. “ஸியா”தி கேஸஞ்சி விசாரணா ஸியா. ஏகங் ஆவஜ்ஜனங் அஸ்ஸாதி ஏகாவஜ்ஜனா. “வீதி²”தி வீதி²சித்தப்ப³ந்தோ⁴. ஏகாவஜ்ஜனா ச ஸா வீதி² சாதி விக்³க³ஹோ. “ஆவஜ்ஜனங்”தி ஆவஜ்ஜன சித்தங். தங் வா ஆவஜ்ஜதீதி ஸம்ப³ந்தோ⁴. “தங் தங் ஜவனேனா”தி தேன தேன ஜவனேன ஸஹுப்பன்னங் வா பரஸ்ஸ சித்தங் ஆவஜ்ஜதி கிந்தி யோஜனா. “கிஞ்செத்தா²”தி எத்த² வசனே கிஞ்சி வத்தப்³பங் அத்தீ²தி அத்தோ². யதி³ தாவ ஆவஜ்ஜனஞ்ச ஜவனானி சாதி அதி⁴காரோ. “தஞ்ஹி சித்தங்”தி பரஸ்ஸ சித்தங். “ஏவம்பி பி⁴ன்னமேவா”தி ஜவனானங் த⁴ம்மதோ பி⁴ன்னமேவ. எத்த² அட்ட²கதா²யங் வினிச்சி²தந்தி ஸம்ப³ந்தோ⁴. தங் சித்தங் நிருத்த⁴ம்பி ஜவனானம்பி பச்சுப்பன்னமேவ ஹோதீதி யோஜனா. “அத்³தா⁴வஸேன க³ஹிதங்”தி அத்³தா⁴ பச்சுப்பன்ன வஸேன க³ஹிதங். “ஸந்ததிவஸேன க³ஹிதங்”தி ஸந்ததி பச்சுப்பன்னவஸேன க³ஹிதங். ஆசரியானந்த³மதே. ஸப்³பே³ஸம்பி ஆவஜ்ஜன ஜவனானங். சித்தமேவ ஹொதி, தஸ்மா த⁴ம்மதோ அபி⁴ன்னங். பச்சுப்பன்னஞ்ச ஹொதி, தஸ்மா காலதோ அபி⁴ன்னந்தி வுத்தங் ஹொதி. அனந்தரபச்சயே அதீதோ ச பச்சுப்பன்னோ ச க²ண வஸேன யுஜ்ஜதி. யதி³ அத்³தா⁴ஸந்ததி வஸேன யுஜ்ஜெய்ய, பச்சுப்பன்னோ த⁴ம்மோ பச்சுப்பன்னஸ்ஸ த⁴ம்மஸ்ஸ அனந்தர பச்சயேன பச்சயோதி வுத்தோ ப⁴வெய்ய. கஸ்மா, ஏகாவஜ்ஜன வீதி²யஞ்ஹி ஸப்³பா³னி சித்தானி அத்³தா⁴ஸந்ததி வஸேன பச்சுப்பன்னானி ஏவ ஹொந்தீதி.

138. அப்பனாவாரே. “அப்பனா ஜவனங்”தி கம்மபதங். “ததா³ ரம்மணங்”தி கத்துபதங். “இந்த்³ரிய ஸமதாதீ³ஹி”தி ஸத்தா⁴தீ³னங் பஞ்சன்னங் இந்த்³ரியானங் அஞ்ஞமஞ்ஞங் அனதி வத்தனவஸேன ஸமதாதீ³ஹி. “பரிதோ”தி ஸமந்ததோ. “உபேச்சா”தி உபகந்த்வா. அப்பனங் வஹிதுங் ஜனேதுங் ஸமத்த² பா⁴வோ அப்பனாவஹஸமத்த²பா⁴வோ. “யஸ்ஸ பவத்தியா”தி யஸ்ஸ உபசார ஜவனஸ்ஸ பவத்திதோ. “அசிரங் காலங்”தி அசிரேகாலே. பரித்த ஜாதிகா நாம காமாவசரஜாதி. “கொத்தங்”தி கம்மகத்து பதங். “அபி⁴பு⁴ய்யதீ”தி பா⁴வனா ப³லேன அபி⁴பு⁴ய்யமானங் ஹோதி. அபி⁴மத்தீ³யமானங் ஹோதீதி அத்தோ². “சிஜ்ஜதீ”தி இதங் பன அபி⁴ப⁴வனஸ்ஸ ஸிகா²பத்த த³ஸ்ஸனங். யாவ தங் கொத்தங் சே²தங் பாபுணாதி, தாவ அபி⁴பு⁴ய்யதி, மத்தீ³யதீதி வத்தங் ஹோதி. கொத்தங் அபி⁴ப⁴வதீதி கொத்ரபு⁴திபி யுஜ்ஜதி. “பஞ்சமங்”தி பஞ்சமே சித்தவாரே. “ததா³ஹி ஜவனங் பதிதங் நாம ஹோதீ”தி பகதியா ஜவனப்பவத்தினாம ஸத்தக்கத்து பரமோ ஹோதி. சதுத்த²ஞ்ச முத்த⁴பத்தங். பஞ்சமதோ பட்டா²ய பதிதங். தஸ்மா தஸ்மிங் பஞ்சமவாரே ஜவனங் பதிதங் நாம ஹோதி. “து³தீயேனா”தி து³தீயேன ஏவ ஸத்தே³ன. “து³தீயங்”தி து³தீயே சித்தவாரே. ததா³ அனுலோமங் பத²மஜவனங் ஹோதீதி வத்தங் “அலத்தா⁴ ஸேவனங் அனுலோம”ந்தி. “ஏதேனேவா”தி ஏதேன ஏவ ஸத்த³ த³வயே நேவ. அட்ட²ஸாலினியங் பன அனுஞ்ஞாதா விய தி³ஸ்ஸதி. வத்தஞ்ஹி தத்த². மந்த³பஞ்ஞஸ்ஸ சத்தாரி அனுலோமானி ஹோந்தி, பஞ்சமங் கொத்ரபு⁴, சட்ட²ங் மக்க³சித்தங், ஸத்தமங் ப²லந்தி. “இதரட்ட²கதா²ஸு”தி வினயட்ட² கதா²தீ³ஸு. “படிஸித்த⁴த்தா”தி பஞ்சமங் கொத்ர பு⁴ப்பவத்தியா படிஸித்த⁴த்தா ஆதி³ம்ஹி அட்ட²ன்னங் அஞ்ஞத்ரஸ்மிங்தி வத்தத்தா இத⁴ நிருத்தே⁴தி பதங் அவஸ்ஸங் இச்சி²தப்³மேவாதி வத்தங் “நிருத்தே⁴ அனந்தரமேவாதி பத³ச்சே²தோ”தி. அனந்தர ஸத்த³ஸ்ஸ ச நிச்சங் ஸம்பந்தா⁴பெக்கத்தா தமேவபதங் விப⁴த்தி பரிணாமேன அதி⁴கதந்தி ஆஹ “நிருத்த⁴ஸ்ஸாதி அத்த²தோ லத்த⁴மேவா”தி. “வஸிபு⁴தாபீ”தி வஸிபு⁴தாபி ஸமானா. “ஏகவாரங் ஜவித்வா”தி இதங் லோகியப்பனாவஸேன வத்தங். லோகுத்தர அப்பனாபன ஸத்தமம்பி உப்பஜ்ஜதியேவ. மூலகா பாடே² “பு⁴மந்தரபத்தியா”தி கொத்ரபு⁴ சித்தங் காமபு⁴மி ஹோதி. அப்பனாபன மஹக்க³தபு⁴மி வா லோகுத்தரபு⁴மி வா ஹோதி. ஏவங் பு⁴மந்தரபத்தியா. “ஆரம்மணந்தர லத்தி⁴யா”தி ப²லஸமாபத்தி வீதி²யங் ப²லஜவனங் ஸந்தா⁴ய வத்தங். தத்த²ஹி புரிமானி அனுலோம ஜவனானி ஸங்கா²ரா ரம்மணானி ஹோந்தி. ப²லஜவனங் நிப்பா³னாரம்மணங். இத³ஞ்ச காரணமத்தமேவ. யதா²வத்த லெட்³பமா ஏவ இத⁴ யுத்தருபாதி தட்ட²ப்³பங். “ந கோ² பனேதங் ஏவங் தட்ட²ப்³ப”ந்தி ஏதங் அத்த²ஜாதங் ந கோ² ஏவங் தட்ட²ப்³பங். “அனத்த⁴னீயா”தி அத்தா⁴னங் தீ³க⁴காலங் நக² மந்தீதி அனத்த⁴னீயா. அஸாரா. அஸாரத்தா ஏவ ஸீக⁴தரங் ருஹந்தி. ஸீக⁴தரங் வத்தி⁴ங்

விருள்ஹிங் ஆபஜ்ஜந்தி. ஸாரவந்தா பன ஸாரேன ஸஹ வட்³ட்⁴மானத்தா ஸீக்⁴தரங் நருஹந்தி. ஸீக்⁴தரங் வுத்³தி⁴ங் விருள்ஹிங் நா பஜ்ஜந்தி. தேனாஹ “ஏகவஸ்ஸஜீவினோ”திஆதி³ங். “ஏவமேவா”திஆதி³ஸு. “பதிதஜவனேஸு”தி பஞ்சம ச²ட்² ஸத்தம ஜவனேஸு. “எத்த² சா”திஆதி³ஸு. “ஸுபக்கஸாலிப⁴த்த ஸதி³ஸானீ”தி யதா² ஸாலிப⁴த்தானி ஸுபக்கத்தா ஏவ முது³தரானி ஹுத்வா து³ப்³லானி அசிரட்டி²திகானி. தஸ்மிங் தி³வஸேபி பூதிபா⁴வங் க³ச்ச²ந்தி. ஏவங் அப்பனா ஜவனானி. “யஸ்மா சா”திஆதி³ஸு. “து³வித⁴ஸ்ஸ நியமஸ்ஸா”தி ஜவனநியமஸ்ஸ ச காலநியமஸ்ஸ ச. “படிஸந்தி⁴யா அனந்தர பச்சய பா⁴வினோ”தி ஸத்தம ஜவன சேதனா அனந்தர பச்சயோ, தத³னந்தரே பவத்தங் விபாக ஸந்தானங் பச்சயுப்பன்னோ, தமேவ ச அவஸானே சுதி சித்தங் ஹுத்வா ப⁴வந்தரே படிஸந்தி⁴ சித்தஸ்ஸ அனந்தர பச்சயோ. ஏவங் படிஸந்தி⁴ சித்தஸ்ஸ அனந்தர பச்சய பா⁴வேன அவஸ்ஸங் ப⁴விஸ்ஸமானஸ்ஸாதி அத்தோ². இத³ஞ்ச காரண மத்தமேவ. மஹாடிகாவசனங் பன கிஞ்சி வத்தப்³ ரூபந்தி ந படிக்கி²த்தங். “நிரந்தரப்பவத்தானங்”தி ஆதி³ஸு. பி⁴ன்னா அஸதி³ஸா வேத³னா யேஸங் தானி பி⁴ன்னவேத³னானி. “ஆஸேவன பச்சனீகானங்”தி ஆஸேவன பச்சயப்படி பக்கா²னங். அபி⁴ன்னா வேத³னா யேஸந்தி விக்³க³ஹோ. க்ரியஜவனானந்தரங் அரஹத்தப²லங் ப²லஸமாபத்தி வீதி²யங் த³ட்²ப்³ங். ஸேஸமெத்த²ஸுவிஞ்ஞய்யங்.

139. “ஸப்³தா² பீ”திஆதி³ஸு. லோகே மஜ்ஜி²மகே ஹி மஹாஜனேஹி இச்சி²தம்பி கிஞ்சி ஆரம்மணங் அதிஉக்கட்²ஹி மந்தா⁴து ராஜாதீ³ஹி இச்சி²தங் ந ஹோதி. ததா² தேஹி மஹாஜனேஹி அனிச்சி²தம்பி கிஞ்சி ஆரம்மணங் அதிது³க்³தேஹி பச்சந்த வாஸ்ஹி இச்சி²தங் ஹோதி. தஸ்மா ஆரம்மணானங் இட்டா²னிட்ட² வவத்தா²னங் பத்வா அதிஉக்கட்²ஹி ச அதிது³க்³தேஹி ச வவத்தா²னங் ந க³ச்ச²தி, மஜ்ஜி²மகேஹி ஏவ வவத்தா²னங் க³ச்ச²தி. தேனாஹ “தத்த² சா”திஆதி³ங். “ஆரம்மணங்”தி கத்துபத³ங். “விபாகசித்தங்”தி கம்மபத³ங். “கிஞ்சீ”தி கிஞ்சி ரூபங். “கிஸ்மிஞ்சீ”தி கஸ்மிங்சி ஏகஸ்மிங் புப்பே². “தேன வா”தி தேன வா ஸுக²ஸம்ப²ஸ்ஸேன வத்தே²ன. ஸேஸமெத்த²ஸுவிஞ்ஞய்யங்.

“வேத³னானியமோபனா”திஆதி³ஸு. “ஆதா³ஸே முக²னிமித்தஸ்ஸ வியா”தி யதா² ஆதா³ஸே முக² நிமித்தஸ்ஸ சலன சவனாதி³யோகோ³ நானாவண்ணயோகோ³ ச யதா²முக²மேவ ஸித்³தோ⁴. ததா² விபாகானங். வேத³னா யோகோ³ பன யதா²ரம்மணமேவ ஸித்³தோ⁴தி யோஜனா. தத்த² “வேத³னாயோகோ³”தி நானாவேத³னாயோகோ³. “கப்பெத்வா”தி சிந்தெத்வா. “பகப்பெத்வா”தி நானப்பகாரதோ சிந்தெத்வா. ந கேவலஞ்ச விபாகானங் ஏவ யதா²ரம்மணங் வேத³னா யோகோ³ ஹோதீதி யோஜனா.

“அயஞ்சா”திஆதி³ஸு. “அட்ட²கதா²யங் பீ”தி பட்டா²ன அட்ட²கதா²யம்பி.
 “ததா³ரம்மண வஸேனா”தி ததா³ரம்மணவஸேன பவத்தானந்தி பாட²ஸேஸோ.
 “பஞ்சன்னங்”தி ஸோமனஸ்ஸ ஸந்தீரணேன ஸத்³தி⁴ங் சத்தாரி மஹாவிபாக
 ஸோமனஸ்ஸானி ஸந்தா⁴ய வுத்தங். “பகதி நீஹாரேனா”தி பகதியா
 நிச்சகாலங் பவத்தப்பகாரேன. பாளிபாடே². பா⁴விதானி இந்த³ரியானி யேனாதி
 பா⁴விதிந்த³ரியோ. “மனாபங்”தி மனோரம்மங். “அமனாபங்”தி அமனோரம்மங்.
 விஹரெய்யந்தி ஸசே கங்க²தீதி ஸம்ப³ந்தோ⁴. “படிகூலே”தி அமனாபே.
 “அப்படிகூல ஸஞ்ஞீ”தி மனாபஸஞ்ஞீ. ஏவங் ஸேஸேஸு. “தேஸங்”தி
 கீணாஸவானங். பாளிபாடே². “ஸுமனோ”தி ஸோமனஸ்ஸிதோ. “து³ம்மனோ”தி
 தோ³மனஸ்ஸிதோ. பாளிபாடே². “மெத்தாயவா ப²ரதீ”தி அயங் ஸத்தோ
 அவேரோஹோதூதிஆதி³னா மெத்தாசித்தேன வா ப²ரதி. “தா⁴துஸோ
 உபஸங்ஹரதீ”தி யதா² ம ம காயோபி சதுதா⁴து ஸமுஸ்ஸயோ ஹோதி.
 தத்த² ஏகாபி தா⁴து நாம படிகூலா வா அப்படிகூலா வா ந ஹோதி. கேவலங்
 துச்ச² ஸுஞ்ஞு ஸபா⁴வமத்தா ஹோதி. ஏவமேவ இமஸ்ஸ ஸத்தஸ்ஸ
 காயோபீதிஆதி³னா தா⁴து ஸோ உபஸங்ஹரதி. “அஸுபா⁴ய வா”தி
 அஸுப⁴ பா⁴வனாய வா. அஸுப⁴ பா⁴வனா சித்தேன வாதி வுத்தங்
 ஹோதி. “அஸுபா⁴யா”தி வா தஸ்ஸ அஸுப⁴பா⁴வத்தா²ய. தே³வனாடகா
 தே³வச்ச²ரா நாம. குதி²தானி குட்டா²னி யேஸங் தானி குதி²த குட்டா²னி.
 “ஸரீரானீ”தி காயங்கா³னி. குதி²த குட்டா²னி ஸரீரானி யஸ்ஸ ஸோ
 குதி²தகுட்ட²ஸரீரோ. “குதி²தானீ”தி அப³பு⁴க்கிரணானி. வேத³னா யுத்தானி
 ஹோந்தி இதி அபரே வத³ந்தீதி யோஜனா. தஸ்மா பச்சயோ ஹோதீதி
 ஸம்ப³ந்தோ⁴. கத²ங் பச்சயோ ஹோதீதி ஆஹ “யதா² ஆனிஸங்ஸ
 தஸ்ஸனேனா”திஆதி³ங். தத்த² “அட்ட²கதா²யங்”தி விஸுத்³தி⁴
 மக்³கட்ட²கதா²யங். “பு³த்³த⁴ஸுபு³த்³த⁴தா தஸ்ஸனேனா”தி அத்தனோ
 ஸத்து²பு⁴தஸ்ஸ பு³த்³த⁴ஸ்ஸ ஸுபு³த்³த⁴தா தஸ்ஸனேன. “அத்தஸம்பத்தி
 தஸ்ஸனேனா”தி மயங் பன ஏவருபா து³க்கா² முத்தாம்ஹாதி ஏவங் அத்தனோ
 ஸம்பத்தி தஸ்ஸனேன. “அட்ட²கங்கலிகபேதருபே”தி நிம்மங் ஸலோஹிதே
 அட்ட²புஞ்ஜபேதஸரீரே. “குட்ட²னோ”தி குட்ட²ஸரீரஸ்ஸ. “அட்ட²கதா²யங்”தி
 த⁴ம்மபத³ அட்ட²கதா²யங். அதி இட்டே² தே³வச்ச²ர வண்ணாதி³கே. அதி
 அனிட்டே² குதி²தகுட்ட²ஸரீராதி³கே. “வத்து² பூ⁴தோ”தி உப்பத்திட்டா²ன
 பூ⁴தோ. “தேஸங் தேஸங் ஸத்தானங்”தி கத்து அத்தே²ஸாமிவசனங்.
 “தது³ப⁴யங் பீ”தி உப⁴யங் தங் க³ஹணங். “தேஸங்”தி தேஸங் லோகிய
 மஹாஜனானங். “விபல்லாஸவஸேனேவ ஹோதீ”தி தே³வச்ச²ரவண்ணாதீ³ஸு
 அதிஇட்டே²ஸு அதிஇட்டா²காரதோ க³ஹணம்பி விபல்லாஸ வஸேனேவ
 ஹோதி. கஸ்மா, தே³வச்ச²ர வண்ணாதீ³ஸு அதி இட்ட² ஸஞ்ஞாய விபல்லாஸ
 ஸஞ்ஞாபா⁴வதோ.

விபா⁴வனிபாடே² . “பவத்தியா”தி பவத்தனதோ. அட்ட²கதா²தி⁴ப்பாயே
 ட²த்வா வுத்தத்தா அட்ட²கதா²கா³ரவேன”தங் விசாரேதப்³ப³ மேவா”தி வுத்தங்.

அத்த²தோ பன அயுத்தமேவாதி வுத்தங் ஹோதி. ஏஸனயோ அஞ்ஞத்த²பி.
“த⁴ம்ம சக்கு²ரஹிதா”தி த⁴ம்ம வவத்தா²னஞ்ஞாண சக்கு² ரஹிதா.
“குஸலாகுஸலானி யேவா”தி தேஸங் த⁴ம்ம சக்கு² ரஹிதானங் உப்பன்னானி
குஸலாகுஸலானியேவ. கா³தா²யங். “ரூபா”தி ரூபதோ நப்பவேத⁴ந்தீதி
ஸம்ப³ந்தோ⁴. “ஸத்தா³”திஆதீ³ஸுபி ஏஸேவனயோ. நப்பவேத⁴ந்தீதி ச ந
சலந்தி, ந கம்பந்தி, சித்தஞ்ஞத்த²தங் ந க³ச்ச²ந்தி. ததா² உபெக்கா²
க்ரியஜவனானந்தரம்பி ததா³ரம்மணானி ஸோமனஸ்ஸு பெக்கா²வேத³னா
யுத்தானி ஏவ ஸியுந்தி யோஜனா. மூலடிகாபாடே². “ததா³ரம்மணதா”தி
ததா³ரம்மணதாய ததா³ரம்மணபா⁴வேன. “கத்த²சீ”தி கத்த²சி அபி⁴த⁴ம்ம
பாளியங். “விஜ்ஜமானே ச தஸ்மிங்”தி தஸ்மிங் க்ரியஜவனானு ப³ந்த⁴கே ததா³
ரம்மணே விஜ்ஜமானே ஸதி. ஏதங் ப⁴வங்க³ஞ்ச நாம அனுப³ந்த⁴தீதி
ஸம்ப³ந்தோ⁴. நதீ³ஸோதோ படிஸோதகா³மினாவங் அனுப³ந்த⁴தி வியாதி
யோஜனா. “ஸவிப்பா²ரிகங் ஏவஜவனங்”தி கிலேஸ த⁴ம்மானங் விபல்லாஸ
த⁴ம்மானஞ்ச வஸேன க²ணமத்தேபி அனேகஸதேஸு ஆரம்மணேஸு
விவிதா⁴காரேன ப²ரணவேக³ஸஹிதங் குஸலாகுஸல ஜவனமேவ
அனுப³ந்த⁴தீதி யுத்தங். ந பன க்ரியஜவனங் அனுப³ந்த⁴தீதி யுத்தந்தி
யோஜனா. “ச²ளங்க³ பெக்கா²வதோ”தி சக்கு²னா ரூபங் தி³ஸ்வா நேவ
ஸுமனோ ஹோதி, ந து³ம்மனோ, உபெக்க²கோ விஹரதீ-திஆதி³னா வுத்தாய ச²
த்³வாரிகவஸேன ச²ளங்க³ ஸமன்னாக³தாய உபெக்கா²ய ஸம்பன்னஸ்ஸ.
வத்தனங் வுத்தி. ஸந்தா வுத்தி அஸ்ஸாதி ஸந்த வுத்தி. தங் விசாரெந்தோ
“பட்டா²னே பனா”திஆதி³மாஹ. “யதி³ சேதங் வுச்செய்யா”தி எத்த² “ஏதங்”தி
க்ரியா ப³யாகதேதிஆதி³கங் ஏதங் வசனங். “தஸ்மிங்”தி தஸ்மிங் வசனே.
“ஏவமாதி³னா”தி ஏவமாதி³னா நயேன. விபா⁴வனிபாடே². “உத்தரங்”தி
பரிஹாரங். “விபஸ்ஸனாசார வஸேனா”தி விபஸ்ஸனா பவத்தி வஸேன.
“தேஸங்”தி ஸோமனஸ்ஸ தோ³மனஸ்ஸானங். “இதரீதரானந்தர பச்சயதா”தி
அஞ்ஞமஞ்ஞானந்தர பச்சயதாதி அத்தோ². “தே²ரேனா”தி அனுருத்³த⁴த்தே²ரேன.
ஸப்³பா³னி ததா³ ரம்மணானி, ஸப்³பா³னி ப⁴வங்கா³னி ச. “ஸமுதா³ சரந்தீ”தி
சிரகாலங் ஸஞ்சரந்தி . “ஏதானிஹீ”திஆதி³னா தேஸங் அட்டா²ரஸன்னங்
ஜவனானங் அனந்தரங் ததா³ரம்மணானங் அனியமதோ பவத்தியா காரணயுத்திங்
த³ஸ்ஸேதி. ஸம்ப⁴வதி உப்பஜ்ஜதி ஏதேனாதி ஸம்ப⁴வோ. ததா³
ரம்மணஸ்ஸ ஸம்ப⁴வோ ததா³ ரம்மண ஸம்ப⁴வோ. அத²வா, ஸம்ப⁴வனங்
உப்பஜ்ஜனங் ஸம்ப⁴வோதி இமே த³வே அத்²தே² த³ஸ்ஸேதுங் “ததா³ ரம்மண
ஸம்ப⁴வோ”திஆதி³ வுத்தங். “யேஸங் பனா”திஆதீ³ஸு. “யேஸங்”தி யேஸங்
புக்³கலானங். “இதரானீ”தி உபெக்கா² ஸந்தீரண த³வயதோ அஞ்ஞானி. “ந
ஹோந்தீதி ந வத்தப்³பா³னீ”தி வுத்தங். ஏவங்ஸதி, கஸ்மா தே²ரேன இத⁴ ந
வுத்தானீதி. அட்ட²ஸாலினியங் அவுத்தத்தா இத⁴ ந வுத்தானீதி.
அட்ட²ஸாலினியங் பன கஸ்மா ந வுத்தானி. யேபு⁴ய்ய நியமஸோதே
பதித்தா ந வுத்தானி. ந பன அலப்³ப⁴மானத்தா ந வுத்தானீதி இமமத்த²ங்

த³ஸ்ஸெந்தோ “அட்ட²கதா²யங் பனா”திஆதி³மாஹ. “உபெக்கா²ஸஹக³த
 ஸந்தீரண த்³வயமேவ வுத்தங்”தி ஆக³ந்துக ப⁴வங்க³பா⁴வேன வுத்தங்.
 யதா²ஹ அத²ஸ்ஸ யதா³ ஸோமனஸ்ஸ ஸஹக³தப்படிஸந்தி⁴கஸ்ஸ
 பவத்தே ஜா²னங் நிப்³புத்தெத்வா பமாதே³ன பரிஹீனஜ்ஜா²னஸ்ஸ பணீத
 த⁴ம்மோ மே நட்²டோ²தி பச்சவெக்க²தோ விப்படிஸாரி வஸேன
 தோ³மனஸ்ஸங் உப்பஜ்ஜதி, ததா³ கிங் உப்பஜ்ஜதி. ஸோமனஸ்ஸானந்தரஞ்ஹி
 தோ³மனஸ்ஸங், தோ³மனஸ்ஸானந்தரஞ்ச ஸோமனஸ்ஸங் பட்டா²னே
 படிஸித்³த⁴ங். மஹக்³த த⁴ம்மங் ஆரப்³ப⁴ ஜவனே ஜவிதே ததா³
 ரம்மணம்பி தத்தே²வ படிஸித்³த⁴ந்தி. குஸல விபாகாவா அகுஸலவிபாகாவா
 உபெக்கா² ஸஹக³தா ஹேதுகமனோவிஞ்ஞாண தா⁴து உப்பஜ்ஜதி. கிமஸ்ஸா
 ரம்மணந்தி. ரூபாதீ³ஸு பரித்த த⁴ம்மேஸு அஞ்ஞதரங். ஏதேஸு ஹி யதே³வ
 தஸ்மிங் ஸமயே ஆபாதமாக³தங் ஹோதி. தங் ஆரப்³ப⁴ ஏதங் சித்தங்
 உப்பஜ்ஜதீதி வேதி³தப்³பங்-தி. ஏவங் தோ³மனஸ்ஸஸஹக³த ஜவனானுரூபங்
 உபெக்கா²ஸஹக³த ஸந்தீரண த்³வயமேவ ஆக³ந்துக ப⁴வங்க³பா⁴வேன
 அட்ட²கதா²யங் வுத்தந்தி. “ஏதம்பி யுஜ்ஜதி யேவா”தி அகுஸல ஜவனாவஸானே
 ஏதங் ஸஹேதுகங் ஆக³ந்துக ப⁴வங்க³ங்பி யுஜ்ஜதியேவ. “தோ³மனஸ்ஸ
 ஜவனானந்தரங் ப⁴வங்க³ பாதோவ ஹோதீ”தி உபெக்கா² ஸஹக³த
 மூலப⁴வங்க³ பாதோவ ஹோதி. ஆக³ந்துக ப⁴வங்கே³ன கிச்சங் நத்தி².
 கஸ்மா, உபெக்கா² படிஸந்தி⁴கத்தா. நேவததா³ரம்மண ஸம்ப⁴வோ அத்தி².
 கஸ்மா, தேஸு ஆரம்மணேஸு ததா³ரம்மணவாரஸ்ஸ அஸம்ப⁴வதோ. ந ஹி
 மஹந்தாரம்மணேஸு ச அவிபு⁴தாரம்மணேஸு ச ததா³ரம்மணவாரோ
 ஸம்ப⁴வதி. ந ச மூலப⁴வங்க³ ஸம்ப⁴வோ அத்தி². கஸ்மா,
 மூலப⁴வங்க³பூ⁴ தஸ்ஸ ஸோமனஸ்ஸ ப⁴வங்க³ஸ்ஸ தோ³மனஸ்ஸ
 ஜவனேன ஸஹ விருத்³த⁴த்தா. “இதி கத்வா”தி இமினா காரணேன. “ஏகங்”தி
 ஏகங் உபெக்கா²ஸஹக³த விபாகங். ததா² தஸ்ஸேவ தோ³மனஸ்ஸங்
 உப்பாதே³ந்தஸ்ஸ நேவ ததா³ரம்மண ஸம்ப⁴வோ அத்தி². ந ச மூலப⁴வங்க³
 ஸம்ப⁴வோதி கத்வா தோ³மனஸ்ஸானந்தரங் ச²ஸு...பே... பவத்ததீதி
 யோஜனா. தத்த² “தஸ்ஸேவா”தி ஸோமனஸ்ஸப்படிஸந்தி⁴கஸ்ஸேவ.
 நேவததா³ரம்மண ஸம்ப⁴வோ அத்தி². கஸ்மா, ஆரம்மணானங்
 அதிமஹந்தத்தேபி அதிவிபு⁴தத்தேபி ஸதி ஸோமனஸ்ஸ ததா³ரம்மணஸ்ஸ
 ஜவனேன ஸஹ விருத்³த⁴த்தா. உபெக்கா² ததா³ ரம்மணஸ்ஸ ச
 ஆரம்மணேன ஸஹ விருத்³த⁴த்தா. ந ஹி அதி இட்டா²ரம்மணே உபெக்கா²
 ததா³ரம்மணங் பவத்ததி. மஹக்³த பஞ்ஞத்தா ரம்மணேஸு பன உப⁴யம்பி
 ததா³ரம்மணங் நுப்பஜ்ஜதியேவ. ந ச மூலப⁴வங்க³ ஸம்ப⁴வோ அத்தி².
 கஸ்மா, ஜவனேன ஸஹ விருத்³த⁴த்தாதி.

“எத்த² சா”திஆதீ³ஸு. “ஸப்³ப³ த⁴ம்மேஸு”தி ஸப்³பே³ஸு ஆரம்மண
 த⁴ம்மேஸு. “பத²ம ஸமன்னாஹாரோ”தி ஆவஜ்ஜன கிச்சங் ஆஹ. ஸுத்தந்த

பாடே². “தஜ்ஜோ”தி தேன ஆரம்மணானங் ஆபாதா க³மனேன ஜாதோ.
“தஜ்ஜோ”தி வா தத³னுருபோதிபி வத³ந்தி. “விஞ்ஞாணபா⁴க³ஸ்ஸா”தி சக்கு²
த³வாரிக விஞ்ஞாண கொட்டா²ஸ்ஸ. “யதோ”தி யஸ்மிங் காலே. கத³ங்
ஆவஜ்ஜனேன வினா நுப்பஜ்ஜதீதி ஆஹ “ஸசே ஆவஜ்ஜனேனா”திஆதி³ங்.
“எத்த² ஸியா”திஆதீ³ஸு. யதா² பன நிராவஜ்ஜனங் ஹோதி பி⁴ன்னா
ரம்மணஞ்ச, ஏவங் ததா²தி யோஜனா. “ஏகஸ்ஸபீ”தி ஏகஸ்ஸ ஆக³ந்துக
ப⁴வங்க³ஸ்ஸபி நத்தி² தோ³ஸோ. மஹாஅட்ட²கதா²யஞ்ச நத்தி².
அட்ட²ஸாலினியங் பன அத்தி²யேவ. “ஸவிப்ப²ந்த³னத்தா”தி எத்த² அத்தோ²
ஸவிப்பா²ரிகந்தி பதே³ வுத்தனயேன வேதி³தப்³போ³. “இதரே ஸஞ்சா”தி
மஹக்³தலோகுத்தர ஜவனானஞ்ச. கானி சி பரித்தாரம்மணானிபி ஸமானானி.
யதி³ ததா³ரம்மணா பனிஸ்ஸ யஸ்ஸ காமப⁴வங்க³ஸ்ஸ அபா⁴வதோ
ததா³ரம்மணானி ரூபாரூப ப்³ரஹ்மானங் நுப்பஜ்ஜந்தி. ஏவங் ஸதி, சக்கு²ஸோத
த³வாரிக சித்தானிபி ரூப ப்³ரஹ்மானங் நுப்பஜ்ஜெய்யந்தி ஆஹ “சக்கு²
ஸோதவிஞ்ஞாணானி பனா”திஆதி³ங். “இந்த³ரியப்பவத்தி ஆனுபா⁴வதோ”தி
சக்கு² வத்து² ஸோதவத்து² ஸங்கா²தானங் இந்த³ரிய வத்து²னங் ரூப ப்³ரஹ்ம
ஸந்தானே பவத்தத்தா தேஸங் பவத்தி ஆனுபா⁴வதோ சக்கு²
ஸோதவிஞ்ஞாணானி ரூபப்³ரஹ்மானங் பவத்தந்தியே வாதி த³ஸ்ஸேதுங்
“ஸம்படிச்ச²ன ஸந்தீரணானீ”திஆதி³ வுத்தங். “விகப்ப³லேவா”தி காமகுஸலா
குஸலானங் விய விவிதே⁴ன ஆகாரேன கப்பெத்வா பகப்பெத்வா
ஆரம்மணக்³ஹஸாமத்தி²யேவாஸதி. “அப்பனாபத்த பா⁴வனா
கம்மவிஸேஸே வா”தி எத்த² அபி⁴ஞ்ஞா ஜவனானி விய மஹக்³த விபாக
லோகுத்தர விபாகானி விய சாதி வத்தப்³பங். “அட்ட²கதா²யங்”தி படிச்ச
ஸமுப்பாத³ விபா⁴ங்க³ட்ட²கதா²யங். “விபா⁴வனியங் வுத்த காரணானீ”தி
அட்ட²கதா²தோ ஆஹரித்வா விபா⁴வனியங் வுத்தானி ‘அஜனகத்தா ஜனக
ஸமானத்தா பா⁴வதோ”திஆதீ³னி காரணானி.

140. ஜவன நியமே. அட்ட²கதா²யம்பி ச²க்க²த்துங் பவத்தி வுத்தா. யதா²ஹ
ஸசே பன ப³லவா ரம்மணங் ஆபாதாக³தங் ஹோதி. க்ரியமனோதா⁴துயா
ப⁴வங்கே³ ஆவட்டிதே சக்கு²விஞ்ஞாணாதீ³னி உப்பஜ்ஜந்தி. ஜவனட்டா²னே பன
பத²மகாமாவசர குஸல சித்தங் ஜவனங் ஹுத்வா ச²ஸத்தவாரே ஜவித்வா
ததா³ரம்மணஸ்ஸ வாரங் தே³தீதி. “முது³தர பா⁴வேனா”தி மாதுகுச்சி²ம்ஹி
டி²தகாலேவா ஸம்பதி ஜாதகாலே வா வத்து²ஸ்ஸ அதிமுது³பா⁴வேன.
“கேனசிஉபத்³து³த பா⁴வேனா”தி பா³ள்ஹகே³லஞ்ஞஜாதகாலே கேனசி
வாதபித்தஸெம்ஹாதி³னா உபத்³து³த பா⁴வேன. “அஜ்ஜொத்த²ட பா⁴வேனா”தி
தஸ்ஸ வேவசனமத்தங். மந்தீ³பூ⁴தோ வேகோ³ யேஸங் தானி மந்தீ³பூ⁴த
வேகா³னி. “அஸய்ஹ ரூபேஹீ”தி து³க்க²மஸபா⁴வேஹி. அபி⁴பூ⁴தானங்
ஸத்தானங். தஞ்ச கோ² வசனங் பாகதிக ஸத்தானங் வஸேனேவ வுத்தங். ந
ஸத்தவிஸேஸானங் வஸேன. ஏவங் ஸதி, ஸத்தவிஸேஸானங் வஸேன
கத³ங் த³ட்ட²ப்³ந்தி ஆஹ “யே பனா”திஆதி³ங். “உபரீ”தி மரணுப்பத்திட்டா²னே.

“வுத்தஞ்ஹி”தி விஸுத்தி⁴ மக்கே³ வுத்தமேவ. “யமகப்பாடிஹாரியங்”தி யுகளவத்தூ²னங் ஏகதோ பவத்த அச்ச²ரிய கம்மங். “த்வே ஜா²னங்கா³னி”தி உபெக்கே²கக்க³தா ஜா²னங்கா³னி.

“யோக³கம்மஸித்தி⁴யா”தி பா⁴வனா²னு யோக³கம்மஸித்தி⁴ஸ்ஸ. இத்தி⁴ விசுப்ப³னங் நாம இத்தி⁴யா நானாகம்மகரணங். “ஸித்தி⁴யா ஏவா”தி ஸிஜ்ஜ² நத்தா²ய ஏவ . அத்தனோ அனந்தரே ஏவ உப்பன்னங் ப²லங் ஏதிஸ்ஸாதி ஆனந்தரிகப்ப²லா. மக்க³சேதனா. “இதீ”தி தஸ்மா. “மந்த³ஸ்ஸா”தி மந்த³ புக³லஸ்ஸ. “திக்க²ஸ்ஸா”தி திக்க² புக³லஸ்ஸ. தீணி ப²லசித்தானி. “பயோகா³பி⁴ஸங்கா²ரஸ்ஸா”தி பத²மஜ்ஜா²னதோ பட்டா²ய ஸமத² விபஸ்ஸனாயுக³னந்த⁴ப்பவத்தி ஸங்கா²தஸ்ஸ புப்ப³ப்பயோகா³பி⁴ஸங்கா²ரஸ்ஸ. “அகதாதி⁴காரஸ்ஸா”தி ஆஸன்னே புரிமப⁴வே அகத ஜா²னபரிகம்மஸ்ஸ புக³லஸ்ஸ. ஸப்பே³ஸம்பி ப²லட்டா²னங் சிண்ணவஸிபா⁴வானேவ ஹொந்தீதி யோஜனா.

ஜவனநியமோனிட்டி²தோ.

141. து³ஹேதுகாதீ³ஸு. ஜாதி த்விஹேதுகாதீ³யோ ஏவ அதி⁴ப்பேதாதி வுத்தங் “படிஸந்தி⁴விஞ்ஞாண ஸஹக³தா”திஆதி³ங். “தேஸங் த்வின்னங் பீ”தி த்விஹேதுகானம்பி அஹேதுகானம்பி. பு⁴ஸோஜா²ன மக்க³ப²லானி வாரெந்தி நீவாரெந்தீதி ஆவரணானி. விபாகானி ச தானி ஆவரணானி சாதி விக்³க³ஹோ. “விபாகானீ”தி அஹேதுக த்விஹேதுக விபாகானி. தேஹி க³ஹிதப்படிஸந்தி⁴கானங் இமஸ்மிங் ப⁴வேஜா²ன மக்க³ப²லப்படிஸாபோ⁴ நாம நத்தி². தேனாஹ “விபாகாவரண ஸப்பா⁴வதோ”திஆதி³ங். “தேஸங்”தி து³க்க³தி அஹேதுக புக³லானங். புக³லானந்தி வுத்தங் ஹோதி. ந லப்ப⁴ந்தீதி ஸம்ப³ந்தோ⁴. “இதரேஸங்”தி ததோ அஞ்ஞேஸங் ஸுக³தி அஹேதுக புக³லானங்.

“எத்த² ஸியா”திஆதி³ஸு. து³க்க³தி பரியாபன்னானஞ்ச அஹேதுகானங். “மூலப⁴வங்கே³”திஆதி³ம்ஹி படிஸந்தி⁴ சித்தங் ஹுத்வா ஆக³தே மூலப⁴வங்கே³. “யங் கிஞ்சீ”தி யங் கிஞ்சி ப⁴வங்க³ங். “வுச்சதே”தி விஸஜ்ஜனா வுச்சதே. “ஸப்ப³ அட்ட²கதா²ஸு படிக்கி²த்தோ”தி அட்ட²ஸாலினியங் தாவ விபாகுத்தா⁴ரகதா²யங் ஸோளஸஸு காமாவசர குஸல விபாகேஸு அட்ட²ன்னங் அஹேதுக விபாகானங் ஏவ ஆபாயிகேஸு ஸத்தேஸு உப்பத்திங் த்ஸ்ஸேதி. ந அட்ட²ன்னங் ஸஹேதுக விபாகானங். ததா² படிச்ச ஸமுப்பாத³ட்ட² கதா²ஸு ச விஞ்ஞாண பத³வண்ணனாஸு அஞ்ஞாஸு ச அபி⁴த⁴ம்மாவதாராதீ³ஸுதி ஏவங் ஸப்ப³ட்ட²கதா²ஸு படிக்கி²த்தா நாம ஹோதி. “யோக³ஸா த⁴னீயத்தா”தி பயோகே³ன ஸாதே⁴தப்ப³த்தா. குஸலாகுஸலானி ஹி வட்டே⁴துங் வா ஹாபேதுங் வா

பயோகே³ கதே வட்³ட⁴ந்தி சேவ ஹாயந்தி ச. ஞாணவிப்பயுத்தபு⁴தங்
க³ஹேதுங் யுத்தங். கஸ்மா, அஹேதுகஸ்ஸ ப⁴வங்க³ஸ்ஸாதி வுத்தஸ்ஸ
மூலப⁴வங்க³ஸ்ஸ அஹேதுகத்தா. “த்³வின்னம்பி அஹேதுகானங்”தி து³க்³தி
அஹேதுகானஞ்ச ஸுக³தி அஹேதுகானஞ்ச. “அபரேபனா”திஆதி³
விபா⁴வனியங் ஆக³தோ அபரே வாதோ³. வுத்தஞ்ஹி தத்த² ‘அபரேபன யதா²
அஹேதுகானங் ஸஹேதுக ததா³ரம்மணங் ஹோதி, ஏவங் த்³விஹேதுகானங்
திஹேதுக ததா³ரம்மணங்’தி வண்ணெந்தி. தேஸங்மதானுரோதே⁴ன ச
இத⁴பி ஞாணஸம்பயுத்த விபாகப்படிக்கே²போ அஹேதுகேயேவ ஸந்தா⁴யாதி
வத³ந்தீதி. தங் பன விபாகுத்³தா⁴ரகதா²யங் ‘எத்தே²வ த்³வாத³ஸ கமக்³கோ³பீ’தி
ச, எத்தே²வ த்³ஸகமக்³கோ³பீ’தி ச ஆக³தேஹி ந ஸமேதி. தத்த² ஹி
ஸோளஸஸுகுஸலவிபாகேஸு த்³விஹேதுக கம்மனிப்³புத்தானங் த்³வின்னங்
த்³விஹேதுகாஹேதுக புக்³லானங் சத்தாரி ஞாணஸம்பயுத்த விபாகானி
வஜ்ஜெத்வா த்³வாத³ஸ கமக்³கோ³ நாம ஹோதி. புன ஸேஸேஸு த்³வாத³ஸ
விபாகேஸுபி அஸங்கா²ரிக கம்மனிப்³புத்தானங் த்³வே ஞாணவிப்பயுத்த
ஸஸங்கா²ரிக விபாகானி, ஸஸங்கா²ரிக கம்மனிப்³புத்தானஞ்ச த்³வே
ஞாணவிப்பயுத்த அஸங்கா²ரிக விபாகானி வஜ்ஜெத்வா து³தியத்தே²ர வாதே³
த்³ஸகமக்³கோ³ நாம ஹோதீதி. எத்த² பன த்³வி ஹேதுகோபி புக்³லோ
அதி⁴கேன ச²ந்தே³ன வா வீரியேன வா சித்தேன வா யுத்தோ பரியத்தி
த⁴ம்மங் வா நானாவிஜ்ஜாஸிப்பானி வா ப³ஹுங் க³ண்ஹெய்ய, ஸுண்ணெய்ய,
தா⁴ரெய்ய, வாசெய்ய, சிந்தெய்ய. அத²ஸ்ஸ ஞாணஸம்பயுத்த ஜவனங்
ப³ஹுலங் ஸமுதா³ சரெய்ய. ததா³ தஸ்ஸ நானாகம்மேன ஜவனானு ரூபங்
ஞாணஸம்பயுத்த ததா³ரம்மணங் ந ந ஸம்ப⁴வதீதி வுத்தங். தங் யுத்தங் விய
தி³ஸ்ஸதீதி. “அட்ட²கதா²யங் பிஹி. ல. வுத்தா”தி கத²ங் வுத்தா. ஏதானி ஹி
மனுஸ்ஸேஸு ச காமாவசர தே³வேஸு ச புஞ்ஞவந்தானங் த்³விஹேதுகதி
ஹேதுகானங் படிஸந்தி⁴காலே படிஸந்தி⁴ ஹுத்வா விபச்சந்தீதிஆதி³னா
வுத்தாதி. தே பன திவிதா⁴, நவவிதா⁴தி ஸம்ப³ந்தோ⁴. “தேஸங்
தப்³பா⁴வோ”தி குஸலானங் குஸலபா⁴வோ, அகுஸலானங்
அகுஸலபா⁴வோ. “ஸிக்க²ன த⁴ம்மயுத்தா”தி தீஹி ஸிக்கா²ஹி
பஹாதப்³பா³னங் கிலேஸானங் அத்தி²தாய ஸிக்கி²தப்³புதா பகதியங் டி²தாதி
அதி⁴ப்பாயோ .“ஹெட்டி²மானஞ்சா”தி ஹெட்டி²ம ப²லானஞ்ச.
யானியானிஸகானி யதா²ஸகங். “உபரிமானங்”தி உபரிமானங் புக்³லானங்.
“பரினிட்²த ஸிக்கா² கிச்சத்தா”தி ஸிக்கா² கிச்சங் நாம கிலேஸ த⁴ம்மானங்
பஹானத்தா²ய ஏவ ஹோதீதி தேஸு ஸப்³புஸோ பஹீனேஸு ஸிக்கா² கிச்சங்
பரினிட்²தங் ஹோதி. ஏவங் பரினிட்²த ஸிக்கா² கிச்சத்தா. ஸுட்டு²
ப⁴ப்³போ³தி ஸம்ப⁴வோ. ஸம்ப⁴வோதி விஸேஸன பத³மேதந்தி ஆஹ
“யதா² ஸம்ப⁴வங்”தி.

142. “எத்தே²வா”தி ஏதஸ்மிங் காமலோகே ஏவ. “தங் தங்
பஸாத³ரஹிதானங்”தி தேனதேன பஸாதே³ன ரஹிதானங். தஸ்மிங் தஸ்மிங்

த்³வாரே உப்பன்னானி தங் தங் த்³வாரிகானி. சதுஸ்ட்டி²வீதி² சித்தானி. த்³வே சத்தாலீஸ வீதி² சித்தானி. “ப்³ரஹ்மலோகே வா”திஆதீ³ஸு. இத³ங் அட்ட²கதா² வசனங். யதா²ஹ ரூபப⁴வே சதுன்னங் விஞ்ஞாணானங், ததே²வ பச்சயோ. பவத்தே, நோபடிஸந்தி⁴யங். ஸோச கோ² காமாவசரே அனிட்ட² ரூபத³ஸ்ஸன ஸத்³த³ஸ்ஸவனவஸேன, ப்³ரஹ்மலோகே பன அனிட்டா² ரூபாத³யோ நாம நத்தி². ததா² காமாவசர தே³வலோகே பீதி. தானி சத்தாரி சித்தானி. “தத்தா²”தி தஸ்மிங் ரூபலோகே. விபா⁴வனிபாடே². “இதா⁴”தி இமஸ்மிங் வசனே. “தங் தங் பூ⁴மி பரியாபன்னே”தி திஸ்ஸங் திஸ்ஸங் பூ⁴மியங் பரியாபன்னே. ஸேஸமெத்த² ஸுவிஞ்ஞெய்யங்.

வீதி²ஸங்க³ஹதீ³பனியாஅனுதீ³பனா நிட்டி²தா.

5. வீதி²முத்தஸங்க³ஹஅனுதீ³பனா

143. வீதி²முத்தஸங்க³ஹே . “பவத்திஸங்க³ஹங்”தி சித்துப்பாதா³னங் பவத்தாகாரகத²னஸங்க³ஹங். “படிஸந்தி⁴யங்”தி படிஸந்தி⁴காலே. “தேஸங்”தி சித்த சேதஸிகானங். விபா⁴வனிபாடே². “ததா³ஸன்னதாயா”தி தாயபடிஸந்தி⁴யா ஆஸன்னதாய. “தங் க³ஹணேனே வா”தி ஸந்தி⁴க்³ஹணேன ஏவ ஸந்தி⁴வசனேன ஏவ. “விஸயப்பவத்தி நாமா”தி கம்ம கம்மனிமித்தாதீ³னங் விஸயானங் த³வாரேஸு ஆபாதா க³மன வஸேன பவத்தி நாம. “மரணுப்பத்தியங் ஏவ ஸித்தா⁴”தி மரணுப்பத்தியங் ஜவனேஸு ஏவ ஸித்தா⁴. ஏதேன மரணுப்பத்தி விதா⁴னங் ஜவனப்பதா⁴னங் ஹோதி, ந சுதிப்பதா⁴னந்தி தீ³பேதி. ந ஹி தஸ்மிங் விதா⁴னே தஸ்ஸங் சுதியங் விஸயப்பவத்தி வசனங் நாம அத்தி². ஜவனேஸு ஏவ அத்தி². ஸா பன சுதி தஸ்மிங் ப⁴வே ஆதி³ம்ஹி படிஸந்தி⁴ பவத்தியா ஸித்தா⁴ய ஸிஜ்ஜ²தி யேவாதி. “தேஸங்”தி வீதி²முத்தானங். “ப⁴வந்தீ”தி பாதுப்ப⁴வந்தி. “ததோ”தி அயதோ. “க³ந்தப்பா³”தி படிஸந்தி⁴க்³ஹணவஸேன உபபஜ்ஜிதப்பா³. “க³ச்சந்தீ”தி பவத்தந்தி. “திரோ”தி திரியதோ. “அஞ்சி²தா”தி க³தா பவத்தா, ஆயதா வா. “ஸமானஜாதிதாயா”தி திரச்சா²ன க³தஜாதி வஸேன ஸமானஜாதி பா⁴வேன. “யுவந்தீ”தி மிஸ்ஸீ ப⁴வந்தி. “ஸுக²ஸமுஸ்ஸயதோ”தி ஸுக²ஸமுதா³யதோ. “தி³ப்ப³ந்தீ”தி விஜ்ஜோதந்தி. “இதி கத்வா”தி இதி வசனத்த²ங் கத்வா உபரிதே³வா ஸுராதி வச்சந்தீதி யோஜனா. “வேபசித்திபஹாராதா³த³யோ”தி வேபசித்தி அஸுரிந்த³ பஹாராத³அஸுரிந்தா³தி³கே தே³வாஸுரே. “ஸுரப்படி பக்கா²”தி தாவதிங்ஸாதே³வப்படிபக்கா². “ஸுரஸதி³ஸா”தி தாவதிங்ஸாதே³வ ஸதி³ஸா. “வேமானிகபேதே”தி வேமானிக நாமகே பேதே. “வினிபாதிகே”தி வினிபாதிக நாமகே து³க்³த தே³வஜாதிகே. தேஸங் பவத்தி உபரி ‘வினிபாதிகாஸுரானஞ்சா’தி பதே³ ஆவி ப⁴விஸ்ஸதி. “தேபீ”தி லோகந்தரிக நேரயிக ஸத்தாபி. “காலகஞ்சிகபேதே”தி காலகஞ்சிக நாமகே பேதே. ஏவங் கதா²வத்து² பாளியங் ஆக³தா வெஸ்ஸபு⁴ ஆத³யோ யமராஜானோபனாதி ஸம்ப³ந்தோ⁴. வெஸ்ஸபு⁴ ச நொத்தி ச ஸோமோ ச யமோ ச வெஸ்ஸவணோ ச இதி இமே பெத்தி ராஜானோ. “ரஜ்ஜ”ந்தி ராஜபா⁴வங் ராஜகிச்சங். யே ச யக்க²ரக்க²ஸா நாம கரொந்தா விசரந்தீதி ஸம்ப³ந்தோ⁴. “குருரகம்மகாரினோ”தி லுத்த³கம்மகாரினோ. “ரேவதி விமானே”தி ரேவதி விமான வத்து²ம்ஹி. “இதோ”தி மனுஸ்ஸ லோகதோ, ஸுக³திப⁴வதோ வா. தேஹி யக்க² ரக்க²ஸா நாம பூ⁴மட்ட²காபி ஸந்தி, ஆகாஸட்ட²காபி. “நானாகம்மகாரணாயோ”தி த³வத்திங்ஸ விதா⁴னி கம்மகரண கிச்சானி. தேஸம்பி நிரயபாலானந்தி ஸம்ப³ந்தோ⁴. “திஸ்ஸன்னங்”தி திஸ்ஸன்னங் அபாயபூ⁴மீனங். அபாயபூ⁴மி.

உஸ்ஸிதோ மனோ ஏதேஸந்தி வா, உஸ்ஸன்னோ மனோ ஏதேஸந்தி வா, த்விதா⁴விக்³க³ஹோ. “உஸ்ஸிதோ”தி உக்³க³தோ. “உஸ்ஸன்னோ”தி விபுலோ. கஸ்மா திக்²தர சித்தா ஹொந்தீதி வுத்தந்தி ஆஹ “பரிபுண்ணானங்”திஆதி³ங். புப்³புவாக்யே அனந்த சக்கவாளஸாதா⁴ரண வஸேன வுத்தத்தா புன “இமஸ்மிங்”திஆதி³ வுத்தங். வுத்தப்³பங் நத்தி². இதே⁴வ ஸப்³ப³ஞ்ஞ புத்³தா⁴தீ³னங் உப்பன்னதோதி அதி⁴ப்பாயோ. “அதி⁴க்³க³ணஹந்தீ”தி அதி⁴கங் கத்வா க்³ணஹந்தி. “ஸூரா”தி பாபகல்யாண கம்மேஸு ஸூரசித்தா. “ஸதிமந்தோ”தி விபுலஸ்ஸதிகா. “இத⁴ ப்³ரஹ்மசரியவாஸோ”தி இதே⁴வ ஸிக்க²த்தயபூரண ஸங்கா²தஸ்ஸ ப்³ரஹ்மசரியவாஸஸ்ஸ அத்தி²தா. “மரியாத³த⁴ம்மேஸு”தி லோகசாரித்த த⁴ம்மேஸு. “த⁴தரட்டோ²”தி த⁴தரட்டோ² மஹாராஜா. ஏவங் விருஹ்ஹகோதிஆதி³ஸு. “க³ந்த⁴ருக்கா²தி⁴ வத்தா²”தி க³ந்த⁴ருக்கே²ஸு அஜ்ஜா²வுத்தா². “கும்ப⁴ண்டா³”தி குவுச்சதி பத²வீ. பத²வி க³தானி ரதனப⁴ண்டா³னி யேஸங் தேதி விக்³க³ஹோ. “தா³னவரக்க²ஸா”தி த³னுனாமதே³வதீ⁴தாய அபச்சந்தி அத்தே²ன தா³னவ நாமகா ரக்க²ஸா. அவருஜ்ஜ²ந்தி அந்தராயங் கரொந்தீதி அவருத்³த⁴கா. “விக்³ச்ச²ருபோ”தி விபன்னவண்ணோ. “நிஹீனகம்மகதா”தி நிஹீனானிபாபகம்மானி கத்வா ஆக³தா. காசிக³ந்த⁴ப்பியோ ஜாயந்தீதி ஸம்ப³ந்தோ⁴. யாக³ந்த⁴ப்பியோ ஜோகி³னீதி ச வுச்சந்தி, ஜுண்ஹாதி ச வுச்சந்தீதி ஸம்ப³ந்தோ⁴. “அபி⁴லக்கி²தரத்தீஸு”தி அபி⁴ஞ்ஞாதரத்தீஸு. உபோஸத²ரத்தீஸுதி வுத்தங் ஹோதி. “கோ³சரப்பஸுதகாலே”தி கோ³சரத்தா²ய விசரிதகாலே. “ஜுதிஅத்தே²னா”தி விஜ்ஜோதனட்டே²ன. வஸூனி த⁴னானி தா⁴ரெந்தீதி வஸுந்த⁴ரா. வஸுந்த⁴ரா ச தே தே³வ யக்கா² சாதி விக்³க³ஹோ. “நாகா³த்வேவ வுச்சந்தீ”தி பானியங் நாகே³ஸு ஸங்க³ய்ஹந்தீதி அதி⁴ப்பாயோ. “யா”தி யா பு⁴ம்மதே³வயக்க² ஜாதியோ. “யாஸங்”தி யாஸங் பு⁴ம்மதே³வ யக்க²ஜாதீனங். “கீளாபஸுதவஸேனா”தி போ³தி⁴ஸத்தானஞ்ச புத்³தா⁴னஞ்ச அச்ச²ரிய த⁴ம்மஜாதகாலே உக்³கோ⁴ஸன கீளாகம்மவட்³ட⁴னவஸேன. “யாஸஞ்ச மந்தபதா³னீ”தி யாஸங் நிக்³க³ஹ பக்³ஹபூஜனாதி³ வஸேன பவத்தானி மந்தபதா³னி. “தேஸு”தி + தேஸு சதூஸு அவருத்³த⁴கேஸு. “கீளாஸொண்ட³வஸேனா”தி கீளாது⁴த்தவஸேன. “கா⁴ஸொண்ட³வஸேனா”தி கா²த³னபு⁴ஞ்ஜன து⁴த்தவஸேன. ஸோணோ வுச்சதி ஸுனகோ². “ஸத்தே” நேரயிகே வா பேதேவா. “காமஞ்ச ஹோதீ”தி கிஞ்சாபி ஹோதீதி அத்தோ². “நிப³ந்த⁴னோகாஸோ”தி நிச்சஸம்ப³ந்த⁴னோகாஸோ. “ஸமுதா³க³தேஸு”தி பரம்பரதோ ஆக³தேஸு. “தே³வராஜட்டா²னேஸு”தி இமஸ்மிங் சக்கவாளே தாவதிங்ஸாப⁴வனே தே³வராஜட்டா²னேஸுதி அதி⁴ப்பாயோ. “பானியங் ஏவா”தி தீ³க⁴னிகாயே ஜனவஸப⁴ஸுத்தபானியங் ஏவ. யச்ச²ந்தி நியச்ச²ந்தி எத்தா²தி யாமோ. “நியச்ச²ந்தீ”தி அஞ்ஞமஞ்ஞங் இஸ்ஸாமச்ச²ரிய மூலகேஹி கலஹப⁴ண்ட³னாதீ³ஹி விக்³ச்ச²ந்தீதி அத்தோ². “தங் ஸஹசரித்தா”தி தேன

யாம நாமகேன இஸ்ஸரதே³வகுலேன நிச்சகாலங் ஸஹ பவத்தத்தா. “வஸங் வத்தெந்தீ”தி இச்சங் பூரெந்தீதி வத்தங் ஹோதி.

“புரே”தி ஸம்முக²ட்டா²னே. தங் பன டா²னங் உச்சட்டா²னங் நாம ஹோதீதி ஆஹ “உச்சேடா²னே”தி. “ஸஹஸ்ஸோ ப்³ரஹ்மா”திஆதீ³ஸு அத்தனோ ஸரீரோபா⁴ஸேன ஸஹஸ்ஸங் சக்கவாள லோகங் ப்³ரந்தோ ஸஹஸ்ஸோனாமாதி அட்ட²கதா²யங் அதி⁴ப்பேதங். குலதே³வதாயோ நாம குல பரம்பர பூஜித தே³வதாயோ நாம. “உபட்ட²ஹந்தீ”தி யுத்தட்டா²னே தே³வவத்து² தே³வமாலகானி கத்வா ஸமயே ஸமயே தத்த² க³ந்த்வா க³ந்த⁴மாலாதீ³ஹி பூஜெந்தி, வந்த³ந்தி, தோ²மெந்தி, வரங் பத்தெ²ந்தீதி அத்தோ². “உபட்ட²கா ஏவஸம்பஜ்ஜந்தீ”தி உபட்ட²கமத்தாவஹாந்தீதி அதி⁴ப்பாயோ. “கஸ்ஸசீ”தி கஸ்ஸசி ஹெட்டி²மஸ்ஸ. “தத்தா²”தி தாஸு ப்³ரஹ்மபூ⁴மீஸு. புன “தத்தா²”தி தஸ்மிங் து³தீயதலே. “ஆபா⁴”தி ஸரீரோபா⁴. நிச்ச³ரந்தி அங்க³பச்சங்கே³ஹி நிக்³கச்சந்தி. “அசல ஸண்டி²தா”தி து³தீய தலே விய சலிதா ந ஹோதி. அத² கோ² அசல ஸண்டி²தா. “தேஸங்”தி தேஸங்வாதீ³னங் பாடே². ப்³ரஹ்மபாரிஸஜ்ஜாதிஆதி³கங் நாமங் நஸித்த⁴ங்தி யோஜனா. “இஞ்ஜனஜாதிகேஹீ”தி சலனஜாதிகேஹி. “ஹெட்டி²மதலானங் இஞ்ஜிதங் புஞ்ஞப்ப்²லங் அத்தீ²தி ஸம்ப³ந்தோ⁴. “ஆனேஞ்ஜ ஜாதிகேனா”தி அசலனஜாதிகேன உபெக்கா²ஜா²னேன நிப்³ப்த்தானங் சதுத்த²தலானங். “கேனசி அந்தராயேனா”தி தேஜோஸங்வட்டாதி³கேன அந்தராயேன. “எத்த²பீ”தி ஏதஸ்மிங் சதுத்த²தலேபி. “ஆயு வேமத்ததாயா”தி ஆயுப்பமாணனானத்தஸ்ஸ. “ஔாரிகானங்”தி இத³ங் பகதியா ஔாரிக ஸபா⁴வதாய வத்தங். ந ஸுகு²மானங் அத்தி²தாய. நத்தி² விஹஞ்ஞனங் ஏதேஸந்தி அவிஹா. கிங் விஹஞ்ஞனங் நாமாதி ஆஹ “ஸமத²விபஸ்ஸனா கம்மேஸு அவிப்பா²ரிகதா பத்தீ”தி. சித்தஸ்ஸ அவிப்பா²ரதா பஜ்ஜனங் நாம நத்தீ²தி வத்தங் ஹோதி. “பஸாத³ தி³ப்³ப³ த⁴ம்ம பஞ்ஞா சக்க²ஹீ”தி ‘பஸாத³ சக்கு², தி³ப்³ப³சக்கு², த⁴ம்மசக்கு², பஞ்ஞா சக்க², ஹி. தத்த² பஸாத³சக்கு² ஏவ இத⁴ தி³ப்³ப³சக்க²திபி வச்சதி. “த⁴ம்ம சக்க²”தி ஹெட்டி²மமக்³ஞ்ஞாணங். “பஞ்ஞா சக்க²”தி விபஸ்ஸனா ஞாணபச்சவெக்க²னாஞாணேஹி ஸத்தி³தி⁴ங் அவஸேஸங் ஸப்³ப³ஞ்ஞாணங். “ருபீனங் ஸத்தானங்”தி ரூபகாயவந்தானங் ஸத்தானங். “கனிட்ட²பா⁴வோ”தி அப்பதரபா⁴வோ. “அனாகா³மிமக்³ட்ட²ஸ்ஸபி படிக்கே²போ”தி ஸகதா³கா³மிபா⁴வேட²த்வா பா⁴வேந்தஸ்ஸேவ அனாகா³மிமக்³கோ³ உப்பஜ்ஜதி. நோ அஞ்ஞதா²தி ஆஹ “ஸகதா³கா³மீனங் படிக்கே²பேனா”திஆதி³ங்.

பூ⁴மிசதுக்கங் நிட்டி²தங்.

144. ப⁴வந்தரே ஓக்கமந்தி ஏதாயாதி ஓக்கந்தீதி பியுஜ்ஜதி.
“ஸோதரஹிதோ”தி பஸாத³ஸோதரஹிதோ. ஏவங் ஸேஸேஸுபி.

“ஆஸித்தகாதி³பா⁴வேனா”தி ஆஸித்தகபண்ட³காதி³ பா⁴வேன. “த்³வீஹி
ப்³யஞ்ஜனேஹி”தி த்³வீஹி நிமித்தேஹி. “விப³ச்ச²வசனோ”தி விபன்னவசனோ.
“வத்து² விபன்னஸ்ஸா”தி எத்த² “வத்து²”தி ஸம்பா⁴ர சக்கு² வச்சதி. தஸ்ஸ
ஆதி³தோ பட்டா²ய விபன்னத்தா தேன ஸமன்னாக³தோ புக³க³லோ
வத்து²விபன்னோதி வச்சதி. “தஸ்ஸ தஸ்ஸா”தி சக்கு²ஸோ தாதி³கஸ்ஸ
“பஸூதியங் யேவா”தி விஜாயமானகாலேயேவ.

“பஞ்ஞாவெய்யத்தியபா⁴வஸ்ஸா”தி எத்த² ப்³யத்தஸ்ஸ பா⁴வோ
வெய்யத்தியங். “ப்³யத்தஸ்ஸா”தி ப²ரணஞ்ஞாணஸ்ஸ புக³க³லஸ்ஸ. பஞ்ஞா
ஸங்கா²தங் வெய்யத்தியங் அஸ்ஸாதி விக³க³ஹோ. த்³விஹேதுக
திஹேதுகானங்³பி ந ஸக்கா நியமேதுந்தி ஸம்ப³ந்தோ⁴. கத²ங் ந ஸக்காதி
ஆஹ “மாதுகுச்சி²ம்ஹி விபத்தி நாம நத்தீ²”தி. கதமேஸங் விபத்தீதி.
உப்பன்னானம்பி சக்கு² ஸோதானங் விபத்தி. கேனகாரணேன விபத்தீதி.
பருபக்கமேனவா மாதுயா விஸம பயோகே³ன வா நானாபா³தே⁴ன வா
விபத்தீதி யோஜனா. தா⁴துபாடே² யக்க² பூஜாயங்³தி படி²தத்தா
“பூஜனீயட்டே²னா”தி வுத்தங். ஏதேன யக்கி²தப்³பா³ பூஜிதப்³பா³ யக்கா²தி
தஸ்ஸேதி. யே பன கிச்ச²ஜீவிகபத்தா விசரந்தி, தே பூ⁴மஸ்ஸிதா நாம
ஹாந்தீதி யோஜனா. “பூ⁴மிஸ்ஸிதா”தி பாடே² பூ⁴மியங் ஸிதா நிஸ்ஸிதாதி
இமமத்த²ங் தஸ்ஸேதுங் “புஞ்ஞனிப்³புத்தஸ்ஸா”திஆதி³ வுத்தங். “விருபா
ஹுத்வா”தி தே வண்ணதோபி து³ப்³புண்ணா ஹாந்தி. ஸண்டா²னதோபி
து³ஸ்ஸண்டா²னா. ஜீவிகதோபி கிச்ச²ஜீவிகாதிஆதி³னா விபன்னருபா ஹுத்வா.
‘விவஸா ஹுத்வா நிபதந்தீ’தி வினிபாதிகாதிபி வத³ந்தி. விவஸாதி ச
அத்தனோ வஸேன இச்சா²ய வினாதி அத்தோ². “விவித்தட்டா²னேஸூ”தி
ஜனவிவித்தேஸூ டா²னேஸூ. பரியேஸித்வா வா ஜீவிதங் கப்பெந்தி. பீளெத்வா
வா ஜீவிதங் கப்பெந்தி. தாஸெத்வா பீளெத்வா வா ஜீவிதங் கப்பெந்தீதி
யோஜனா. “வேமானிகபேதாபீ”தி அத்தனோ புஞ்ஞனிப்³புத்தங் தி³ப்³புவிமானங்
யேஸங் அத்தி², தே வேமானிகா. தே பன புஞ்ஞாபுஞ்ஞமிஸ்ஸக கம்மேன
நிப்³புத்தத்தா கேசி தி³வா தி³ப்³புஸுக²ங் அனுப⁴வந்தி, ரத்திங் பேதது³க்க²ங்.
கேசி ரத்திங் தி³ப்³புஸுக²ங் அனுப⁴வந்தி, தி³வா பேதது³க்க²ந்தி. பரேஹி
தத்தங் தி³ன்னங் புஞ்ஞப்ப²லங் உபனிஸ்ஸாய ஜீவந்தீதி பரத³த்தாபஜீவினோ.
“பரேஹி தி³ன்னங் புஞ்ஞப்ப²லங்”தி ஞாதகேஹி புஞ்ஞங் கத்வா இத³ங் மே
புஞ்ஞங் பேதானங் காலங்கதானங் ஞாதீனங் தே³தீ⁴தி ஏவங் தி³ன்னங்
புஞ்ஞப்ப²லங். “ஸகலசக்கவாளபரியாபன்னா ஏகபூ⁴மகா”தி யதா²
தாவதிங்ஸாபூ⁴மி நாம ஸப்³பு சக்கவாளேஸூபி அத்தி². ஸப்³பா³பி தி³ப்³பேன
வஸ்ஸஸஹஸ்ஸேன ஏகஆயு பரிச்சே²தோ³ ஹோதி. இமஸ்மிங் சக்கவாளே
வத்தப்³புங் நத்தி². ந ததா² நிரயேஸூ வா திரச்சா²ன யோனியங் வா
பெத்திவிஸயேவா அஸூரகாயேவா மனுஸ்ஸேஸுவா பு⁴ம்மதே³வேஸூ வா
ஏகபரிச்சே²தோ³ நாம அத்தி². சதுன்னங் அபாயானங் ஆயுப்பமாண க³ணனாய
நியமோ நத்தீ²தி வுத்தங், ந நு ப்³ரஹ்ம ஸங்யுத்தே கோகாலிகங் பி⁴க்கு²ங்

ஆரப்³ப⁴ ப⁴க³வதா வுத்தோ த³ஸன்னங் நிரயானங் விஸுங் விஸுங் அத்தீ²தி. ஸச்சங் அத்தி². தே பன த³ஸனிரயா அவீசினிரயே பரியாபன்னா ஹுத்வா தஸ்ஸ பதே³ஸமத்தா ஹொந்தி. ந தேஹி பதே³ ஸமத்தேஹி ஸகலோ அவீசினிரயோ நியதாயு பரிமாணோதி ஸக்கா வத்துங். அபி ச ஸோபி தேஸங் ஆயுபரிச்சே²தோ³ அவீசிபு⁴மியா நியாமேன ஸித்³தோ⁴ ந ஹொதி. தேன தேன கம்மவிஸேஸேனேவ ஸித்³தோ⁴. தஸ்மா யங் வுத்தங் “தத்த² யேபு⁴ய்யேன கம்மப்பமாணத்தா”தி, தங் ஸு வுத்தங் ஹொதி. தேனாஹ “தத்த² நிரயேஸு”திஆதி³ங். “ஏவங் ஸந்தே”தி ந இதர தீ³பவாஸீனங் ஆயுகப்பஸ்ஸ ஆரோஹணஞ்ச ஓரோஹணஞ்ச அத்தீ²தி வுத்தே ஸதீதி அத்தோ². ஸமாசாரோ நாம த³ஸஸுசரிதானி. விஸமாசாரோ நாம த³ஸது³ச்சரிதானி. தேஸங் நிஸ்ஸந்த³பு⁴தா ஸம்பத்திவிபத்தியோதி ஸம்ப³ந்தோ⁴. “தேஸங் பீ”தி இதர தீ³பவாஸீனங். ஸோ ஏவபரிச்சே²தோ³தி ஆபஜ்ஜதி. ந ச ஸக்கா ததா² ப⁴விதுங். ஆதி³கப்பகாலே ஸப்³பேஸம்பி சதுதீ³ப வாஸீனங் அஸங்க²யெய்யாயுகதா ஸம்ப⁴வதோதி. அத² இதரதீ³பவாஸீனம்பி ஆயுகப்பஸ்ஸ ஆரோஹணங் ஓரோஹணஞ்ச அத்தி². ஏவங் ஸதி, ஏதரஹிபி தேஸங் ஆயுகப்போ ஜம்பு³தீ³பவாஸீனங் ஆயுகப்பேன ஏகக³திகோ ஸியாதி சோத³னா. நிஸ்ஸந்த³மத்தத்தாதிஆதி³ பரிஹாரோ. நத்தி² இத³ங் மம இத³ங் மமாதி பவத்தா பாடிபுக்³லிகதண்ஹா ஏதேஸந்தி “அமமா”. “அபரிக்³ஹா”தி புத்ததா³ராதி³பரிக்³ஹரஹிதா. “உபரிமே சாதுமஹாராஜிகே”தி ஆகாஸட்ட²கசாதுமஹாராஜிகே. தி³வே தே³வலோகே ஸித்³தா⁴னி தி³ப்பா³னி. “யாவ நிமிராஜகாலா”தி யாவ அம்ஹாகங் போ³தி⁴ஸத்தபு⁴தஸ்ஸ நிமிரஞ்ஞோ உப்பன்னகாலா. கஸ்ஸ பபு³த்³தோ⁴ புரிமே அந்தரகப்பே உப்பன்னோ. நிமிராஜா பன இமஸ்மிங் அந்தர கப்பே உப்பன்னோ. “மனுஸ்ஸ லோகேஹி பஞ்ஞாஸவஸ்ஸானி சாதுமஹாராஜிகே ஏகோதி³ப்ப³ரத்திதி³வோ ஹொதீ”திஆதி³ அபி⁴த⁴ம்மே த⁴ம்ம ஹத³ய விப⁴ங்கே³ ஆக³தனயேன வுத்தோ. சதுக்³குணவசனே. “உபரிமானங்”தி உபரிமானங் தே³வானங். ஏகங் வஸ்ஸஸஹஸ்ஸங் ஆயுப்பமாணங் ஹொதீதி ஸம்ப³ந்தோ⁴. “த்³வே”தி த்³வே வஸ்ஸஸஹஸ்ஸானி. “அட்டா²”தி அட்ட²வஸ்ஸஸஹஸ்ஸானி. “ஹெட்டி²மானங்”தி ஹெட்டி²மானங் தே³வானங். “உபரிமானங்”தி உபரிமானங் தே³வானங். யாமே ஏகோ ரத்திதி³வோதிஆதி³னா யோஜேதப்³பங். “சத்தாரீ”தி மனுஸ்ஸலோகே சத்தாரி வஸ்ஸஸதானி. ஏவங் ஸேஸேஸு. “ஆதி³அந்த த³ஸ்ஸனவஸேனா”தி சாதுமஹாராஜிகே மனுஸ்ஸவஸ்ஸக³ணனா த³ஸ்ஸனங் ஆதி³த³ஸ்ஸனங் நாம. இதா³னி வஸவத்தியங் மனுஸ்ஸவஸ்ஸக³ணனா த³ஸ்ஸனங் அந்த த³ஸ்ஸனங் நாம.

ந அதிது³ப்ப³லங்தி நாதிது³ப்ப³லங். “தங்”தி தங் அவிதக்க அவிசாரமத்தஜா²னங். “பு⁴மந்தரே”தி பத²மஜ்ஜா²னபு⁴மிதோ அஞ்ஞிஸ்ஸங் து³தீயஜ்ஜா²னபு⁴மியங். கப்பவசனே. கப்பீயதி வஸ்ஸ, உது, மாஸ, பக்க², ரத்தி, தி³வா, தி³வஸேன பரிச்சி²ஜ்ஜீயதீதி கப்போ. கப்பீயந்தி வா

நானாத்⁴ம்மப்பவத்தியோ அதீதா தி³வஸேன பரிச்சி²ஜ்ஜீயந்தி ஏதேனாதி
கப்போ. காலோ. மஹந்தோ கப்போதி மஹாகப்போ. வஸ்ஸானங்
ஸதபா⁴கே³ஹிபி ஸஹஸ்ஸபா⁴கே³ஹிபி ஸதஸஹஸ்ஸபா⁴கே³ஹிபி
ஸங்கா²துங் அஸக்குணெய்யோதி அஸங்க²யெய்யோ. ஏகஸ்ஸ
அஸங்க²யெய்யஸ்ஸ அந்தரே தி³ஸ்ஸமானோ கப்போ அந்தரகப்போ.
ஸத்தானங் நானாஆயுபரிச்சே²தோ³ ஆயுகப்போ. ஸோ பன மனுஸ்ஸானங்
த³ஸவஸ்ஸாயுககாலே த³ஸவஸ்ஸேன பரிச்சி²ன்னோ. நேவஸஞ்ஞா
தே³வானங் நிச்சகாலங் சதுராஸீதி கப்பஸஹஸ்ஸேஹி பரிச்சி²ன்னோ.
அந்தரகப்போ நாம துளகப்பா வச்சந்தீதி ஸம்ப³ந்தோ⁴. வீஸதிப்பபே⁴தா³
துளகப்பா வச்சந்தீதி கேசி வத³ந்தீதிஆதி³னா யோஜனா. “யே”தி யே
சதுஸட்டி²யாதி³பே⁴தா³ அந்தரகப்பா. “யதா²வினட்ட²ங்”தி வினட்ட²ப்பகாரேன
வினட்ட²ப்பகதியா. வட்³ட்⁴மானோ கப்போ விவட்டோ. “யதா²விவட்டங்”தி
விவட்டப்பகாரேன விவட்டப்பகதியா. அச்சயேன அதிகமனேன. ஹரணேன
அபனயனேன. “தத்தா²”தி தஸ்மிங் கப்பவசனே. அட்ட²கதா²யங் வுத்தத்தாதி
ஸம்ப³ந்தோ⁴. “தேஜேனா”தி அக்³கி³னா. “ஸங்வட்டீ”தி வினஸ்ஸதி ததா³.
“ஹெட்டா²”தி ஹெட்டா²லோகோ. “சதுஸட்டி²வாரேஸு”தி நித்³தா⁴ரணே
பு⁴ம்மவசனங்.

கா³தா²ஸு. “ஸத்தஸத்தக்³கி³னாவாரா”தி ஸத்தஸத்தவாரா அக்³கி³னா
வினஸ்ஸந்தி. அத²வா, பு⁴ம்மத்தே² பச்சத்தவசனங்.
ஸத்தஸுஸத்தஸுவாரேஸு லோகோ அக்³கி³னா வினஸ்ஸதீதி யோஜனா.
தேனாஹ “அட்ட²மே அட்ட²மே”தி. “த³கா”தி உத³கேன. அட்ட²மே அட்ட²மேவாரே
லோகோ த³கேன வினஸ்ஸதீதி யோஜனா. யதா³ சதுஸட்டி²வாரா புண்ணா,
ததா³ ஏகோ வாயுவாரோ ஸியா. தத்த² “ததா³”தி தஸ்மிங் சதுஸட்டி²வாரே.
“விவட்டமானங்”தி ஸண்ட²ஹமானங். “விவட்டீ”தி ஸண்ட²ஹதி.
“ஸங்வட்டமானங்”தி வினஸ்ஸமானங். “ஸங்வட்டீ”தி வினஸ்ஸதி. “த்³வே
அஸங்க²யெய்யானீ”தி அட்³ட்⁴த்³வயங் ஏகங் அஸங்க²யெய்யந்தி கத்வா
உபசாரேன வுத்தங். யதா²தங்-ஆப⁴ஸ்ஸரானங் அட்ட²கப்பானீதி.
“உபட்³டே⁴னா”தி உத³கவாரே ஹெட்டி²மபு⁴மீஸு உத³கேன
வினஸ்ஸமானாஸு து³தீயஜ்ஜா²னபு⁴மி ந தாவ வினஸ்ஸதி.
ஸங்வட்டகப்பேபி சிரகாலங் திட்ட²தேயேவ. இத³ங் ஸந்தா⁴ய வுத்தங்.
ஸப்³புஞ்சேதங் லப்³ப⁴மானத்தா வுத்தங். அஸங்க²யெய்யகப்பங் ஸந்தா⁴ய
வுத்தந்தி. இத³மேவ பமாணந்தி.

படிஸந்தி⁴சதுக்கங் நிட்டி²தங்.

145. கம்மசதுக்கே. “ஜனேதீ”தி அஜனிதங் ஜனேதி. பாதுபா⁴வேதி.
“உபத்த²ம்ப⁴தீ”தி ஜனிதங் உபத்த²ம்ப⁴தி. சிரட்டி²திகங் கரோதி. “உபபீளேதீ”தி
ஜனிதங் உபபீளேதி, பரிஹாபேதி. “உபகா⁴தேதீ”தி உபச்சி²ந்த³தி. “கடத்தா

ரூபானங்”தி கடத்தானாமகானங் கம்மஜரூபானங். “கம்மபத²பத்தாவா”தி எத்த²
 படிஸந்தி⁴ஜனேன ஸதி, ஸப்³பும்பி கம்மங் கம்மபத²பத்தங் நாம ஹோதீதி
 த³ட்ட²ப³பங். விபச்சித்தா²தி விபக்கங். விபக்கங் விபாகங் யேஸந்தி விபக்க
 விபாகா. உபத்த²ம்ப⁴மானா பவத்ததி. ஸயங்பி பச்சயலாபே⁴ ஸதீதி
 அதி⁴ப்பாயோ. “அலத்³தோ⁴காஸஸ்ஸா”தி இத³ங் நித³ஸ்ஸன மத்தங்.
 லத்³தோ⁴காஸஸ்ஸபி உபத்த²ம்ப⁴னங் நாம இச்சி²தப்³பமேவ. அஞ்ஞங்
 அகுஸலகம்மங் ஓகாஸங் லப⁴தீதி யோஜனா. “சாயங்”தி சே அயங்.
 “காலங்கரியா”தி காலங்கரெய்ய. “அஸ்ஸா”தி இமஸ்ஸ புக்³க³லஸ்ஸ.
 “பஸாதி³தங்”தி பஸன்னங். “பது³ஸிதங்”தி பது³ட்ட²ங். புப்³பே³ ‘மரணாஸன்ன
 காலே’தி வுத்தத்தா இத⁴ ‘பவத்திகாலேபீ’தி வுத்தங். “ஏதங்”தி கம்மந்தரஸ்ஸ
 உபத்த²ம்ப⁴னங். “ஜீவிதபரிக்கா²ரே”தி ஜீவிதபரிவாரே பச்சயே.
 “ஸமுதா³னெத்வா”தி ஸமாஹ ரித்வா. “எத்தா²”தி உபத்த²ம்ப⁴க கம்மட்டா²னே.
 க²ந்த⁴ஸந்தானஸ்ஸ உபப்³ருஹனந்தி ஸம்ப³ந்தோ⁴. “வுத்தனயேனா”தி
 ‘ஜீவிதந்தராயே அபனெத்வா’திஆதி³னா வுத்தனயேன. க²ந்த⁴ஸந்தானஸ்ஸ
 சிரதரப்பவத்திந்தி ஸம்ப³ந்தோ⁴. “வுத்தப்பகாரா”தி ‘விபச்சிதுங்
 அலத்³தோ⁴காஸாவா விபக்க விபாகா வா ஸப்³பா³பி குஸலா குஸல
 சேதனா’தி ஏவங் வுத்தப்பகாரா. “துப்³ப³லதரங் கத்வா வா விபா³த⁴மானா”தி
 உபபீளக கம்மகிச்சங் வுத்தங். “ஜனக கம்மஸ்ஸ துப்³ப³ல ஆயுஹனகாலே”தி
 ஸமுச்சயனகாலே. “விஹத ஸாமத்தி²யங்”தி வினாஸிதஸத்திகங்.
 “மஹேஸக்கே²ஸு”தி மஹானுபா⁴வேஸு. “உபத்த²ம்ப⁴கம்பி
 தப்³பி³பரியாயேன வேதி³தப்³பங்”தி உபபீளக கம்மதோ விபரியாயேன
 வேதி³தப்³பங். ‘உபரிபூ⁴மி நிப்³பத்தகம்பி ஸமானங் ஹெட்டா²பூ⁴மியங்
 நிப்³பத்தேதீ’திஆதி³ஸு ‘ஹெட்டா²பூ⁴மி நிப்³பத்தகம்பி ஸமானங்
 உபரிபூ⁴மியங் நிப்³பத்தேதீ’திஆதி³னா வுத்தப்³பந்தி அதி⁴ப்பாயோ.
 அஜாதஸத்துராஜவத்து²ம்ஹி தஸ்ஸ ரஞ்ஞோ பிதுகா⁴தகம்மங்
 மஹாஅவீசினிரயே நிப்³பத்தனகம்பி ஸமானங் பச்சா² புத்³து⁴ பட்டா²ன
 கம்மேன பா³தீ⁴யமானங் விஹதஸாமத்தி²யங் ஹுத்வா தங் உஸ்ஸத³னிரயே
 நிப்³பத்தேதி. க²ந்த⁴ஸந்தானஸ்ஸ விபா³த⁴னங் நாம ஸத்தஸ்ஸ
 துக்கு²ப்பத்தி கரணந்தி ஸம்ப³ந்தோ⁴. கத²ங் கோ³மஹிங்ஸாதீ³னங்
 புத்ததா³ரஞாதிமித்தானஞ்ச விபத்திகரணங் தஸ்ஸ ஸத்தஸ்ஸ உபபீளக
 கம்மகிச்சங் ப⁴வெய்ய. அஞ்ஞோஹி ஸோ புக்³க³லோ, அஞ்ஞோ
 கோ³மஹிங்ஸாதீ³யோ. ந ச அஞ்ஞோன கதங் கம்மங் அஞ்ஞோஸங் ஸத்தானங்
 துக்கு²ப்பத்திங் வா ஸு²கு²ப்பத்திங் வா கரெய்யாதி சோத³னா.
 து³வித⁴ந்திஆதி³னா தங் விஸ்ஸஜ்ஜேதி. ஆனந்த³ ஸெட்டி²வத்து²ம்ஹி.
 ஸோஸெட்டி² மஹாமச்ச²ரியோ அஹோஸி. அஞ்ஞோபி தா³னங் தெ³ந்தே
 நீவாரேஸி. ஸோ ததோ சவித்வா ஏகஸ்மிங் கா³மகே ஏகிஸ்ஸா
 இத்தி²யாகுச்சி²ம்ஹி ஜாதோ. தஸ்ஸ ஜாதகாலதோ பட்டா²ய தஸ்ஸ
 பாபகம்மேன மாதரங் ஆதி³ங் கத்வா ஸகலகா³மிகானங் ஜனானங் துக்கு²ப்பத்தி

ஹோதீதி த⁴ம்மபத³ அட்ட²கதா²யங் வுத்தங். தஸ்மா நிஸ்ஸந்த³ப²லவஸேன
 அஞ்ஞேன கதங் கம்மங் அஞ்ஞேஸங் ஸத்தானங் து³க்கு²ப்பத்திங் வா
 ஸுகு²ப்பத்திங் வா கரோதி யேவாதி த³ட்ட²ப³ப³ங். [“கம்மஜஸந்ததி
 ஸீஸேஸு”தி படிஸந்தி⁴காலதோ பட்டா²ய உப்பன்னா ஏகேகா
 கம்மஜருபஸந்ததி நாம அத்தி². ஸா பச்சா² அபராபரங் தாதி³ஸாய
 கம்மஜருபஸந்ததியா பவத்தத்தா²ய ஸீஸபூ⁴தத்தா ஸந்ததி ஸீஸந்தி வுச்சதி.
 யங் கிஞ்சி ஏகங் வாகம்மஜஸந்ததி ஸீஸங். த்³வே வாகம்மஜஸந்ததி ஸீஸானி
]. விஸுத்³தி⁴மக்³க³பாடே². “ததே³வா”தி தங் உபகா⁴தக கம்மமேவ. “இத⁴
 சா”தி இமஸ்மிங் அபி⁴த⁴ம்மத்த²ஸங்க³ஹே. “இமஸ்ஸ பீ”தி இமஸ்ஸ
 உபகா⁴தக கம்மஸ்ஸபி. து³ட்ட²கா³மணி ரஞ்ஞோ வத்து²ம்ஹி ச
 ஸோணத்தே²ர பிதுனோ வத்து²ம்ஹி ச தேஸங் மரணாஸன்னகாலே பத²மங்
 து³க்³தி நிமித்தானி உபட்ட²ஹந்தி. பச்சா² ரஞ்ஞோ ஏகங் பு³ப³கதங் கல்யாண
 கம்மங் அனுஸ்ஸரந்தஸ்ஸ தே²ரபிது ச தங்க²ணே ஏவ ஏகங் கல்யாண கம்மங்
 கரொந்தஸ்ஸ தானி து³க்³தி நிமித்தானி அந்தரதா⁴யந்தி. ஸக்³க³னிமித்தானி
 பாதுப³ப⁴வந்தி. உபோ⁴பி சவித்வா ஸக்³கே³ நி³ப³த்தந்தீதி. குஸலா குஸல
 கம்மானங் க²யங் கரோதீதி குஸலா குஸல கம்மக்க²யகரோ. “ஆயு கம்மேஸு
 விஜ்ஜமானேஸு”தி தஸ்ஸ ஸத்தஸ்ஸ ஆயு பரிச்சே²தோ³ ச பரியந்த க³தோ
 ந ஹோதி, கம்மானுபா⁴வோ ச பரிக்³ணோ ந ஹோதி. ஏவங் ஆயு கம்மேஸு
 விஜ்ஜமானேஸு. “அபராத⁴ கம்மஸ்ஸா”தி மாதாபிதுஸுவா த⁴ம்மிகஸமண
 ப்³ராஹ்மணேஸு வா அபரஜ்ஜ²னவஸேன கதஸ்ஸ அபராத⁴கம்மஸ்ஸ.
 “ஸோ பனா”தி மஜ்ஜி²மட்ட²கதா²வாதோ³ பன. “அருச்சமானோ வியா”தி
 அனிச்சி²யமானோவிய. “ஸோ”தி மஜ்ஜி²மட்ட²கதா² வாதோ³. “தத்த² பனா”தி
 மஜ்ஜி²மட்ட²கதா²யங் பன. “ஸப³ப³ஞ்சேதங்”தி ஸப³ப³ஞ்ச ஏதங் ஸுத்தவசனங்,
 வஸேன வுத்தந்தி ஸம்ப³ந்தோ⁴. அனிச்ச²ந்தேஹி டகா சரியேஹி. “விபாகங்
 படிஇச்சி²தப³போ”தி விபாகங் படிச்ச இச்சி² தப³போ³. எத்த² “விபாகங்”தி
 கம்மனிப³ப³த்தக்க²ந்த⁴ ஸந்தானங் வுச்சதி. தஸ்ஸ ஜனகங் கம்மங் ஜனக
 கம்மந்தி வுச்சதி. தஸ்ஸேவ க²ந்த⁴ஸந்தானஸ்ஸ உபத்த²ம்ப⁴கங் தஸ்ஸேவ
 உபபீளகங் தஸ்ஸேவ உபகா⁴தகங் கம்மங் உபகா⁴தக கம்மந்தி வுச்சதீதி
 அதி⁴ப்பாயோ. “ஸாகேத பஞ்ஹே”தி விபாகுத்தா⁴ரே ஆக³தே ஸாகேத
 பஞ்ஹே. த⁴ம்மதி³ன்னாய நாம உக்³க³ஸேன ரஞ்ஞோ தே³வியா வத்து²ம்ஹி
 ஸாதே³வீ பு³பே³ ஏகங் அஜங் கா⁴தேஸி, தேன கம்மேன அபாயேஸு பதித்வா
 பச்சா² பவத்தி விபாகவஸேன ப்³ஹுஸு ப⁴வேஸு அஜஸரீரே
 லோமக³ணனாமத்தங் அத்தனோ ஸீஸச்சே²த³ன து³க்க²ங் அனுபோ⁴ஸீதி. “ஸா
 பனா”தி ஸா ஏகா பாணாதிபாத சேதனா பன. மஹாமொக்³க³லான வத்து² நாம
 பஞ்சஸத சோரானங் தே²ரஸ்ஸ கா⁴த ந வத்து². தே²ரோஹி அத்தனா
 பு³ப³கதேன உபச்சே²த³க கம்மேன சோரகா⁴தனங் லபி⁴த்வா பரினிப³பு³தோ.
 ஸாமாவதிதே³வீ ச வக்³கு³முதா³னதி³தீரவாஸினோ பஞ்சஸத பி⁴க்க² ச
 அத்தனோ பு³ப³கதேஹி உபச்சே²த³க கம்மேஹி தாதி³ஸங் பருபக்கமங்

லபி⁴த்வா ஸக்³கே³ஸு நிப்³புத்தா. து³ஸ்ஸிமாரோ நாம ககுஸந்த⁴
 புத்³த⁴காலே மாரதே³வ புத்தோ வுச்சதி. கலாபு³ராஜானாம க²ந்தி வாதி³தா
 பஸஸ்ஸ கா⁴தகோ வுச்சதி. தே பன தங்க²ணே அத்தனா கதேன உபச்சே²த³க
 கம்மேன தங்க²ணே ஏவ சவித்வா அவீசிம்ஹி நிப்³புத்தா. தத்த² புரிம
 வத்து²ஸு உபச்சே²த³க கம்மங் உபச்சி²ந்த³ன மத்தங் கரோதி. ந அத்தனோ
 விபாகங் தே³தி. பச்சி²மவத்து²ஸு பன உபச்சி²ந்த³னஞ்ச கரோதி, விபாகஞ்ச
 தே³தி. விபா⁴வனிபாடே². “உபச்சே²த³ன புப்³புகங்”தி உபச்சே²த³ன புப்³புகங்
 விபாகங் ஜனேதி யோஜனா. கம்மந்தரஸ்ஸ விபாகங் உபச்சி²ந்தி³த்வாவ
 அத்தனோ விபாகங் ஜனேதி அதி⁴ப்பாயோ. தத்த² “அத்தனோ விபாகங்
 ஜனேதி”தி இத⁴ கதா³சி ஜனேதி, கதா³சி ந ஜனேதி ஏவங் விபா⁴கஸ்ஸ
 அகதத்தா “தங் ந ஸுந்த³ரங்”தி வுத்தங். தேனாஹ “இத⁴
 புப்³புகதேனா”திஆதிங். “அட்ட²கதா²ஸுயேவ ஆக³தத்தா”தி தேஸு வத்து²ஸு
 தேஜனா உபச்சே²த³க கம்மேன மரந்தீதி ஏவங் வத்வா ஆக³தத்தா. விபாகங்
 நிப்³புத்தேதி விபாக நிப்³புத்தகங். தஸ்ஸ பா⁴வோ விபாக நிப்³புத்தகத்தங்.
 விபாக நிப்³புத்தகத்தஸ்ஸ அபா⁴வோதி விக்³க³ஹோ.

ஜனகசதுக்கங் நிட்டி²தங்.

136. “நிகந்தி ப³லேன வா படிபா³ஹியமானங் விபாகங் ந தே³தி”தி
 ஜா²னலாபி⁴னோ ஹுத்வாபி மரணகாலே உப்பஜ்ஜிதுங் நிகந்தியா ஸதி, தங்
 ஜா²னங் விபாகங் ந தே³தி அதி⁴ப்பாயோ. “ஏகஸ்ஸா”தி ஏகஸ்ஸ
 புக்³க³லஸ்ஸ. “தேஸங்”தி மஹக்³க³தகம்ம ஆனந்தரிய கம்மானங். அந்திம
 ஜவனவீதி²யங் கதங் நாம வத்து² து³ப்³புலத்தா ஸயம்பி து³ப்³புலங் ஹோதி.
 படிஸந்தி⁴ங் ந ஜனேதி. தேனாஹ “அந்திம ஜவனவீதி²தோ புப்³புபா⁴கே³
 ஆஸன்னே கதங்”தி. இத³ஞ்ச கம்மஸாமஞ்ஞ வஸேன வுத்தங்.
 கம்மவிஸேஸே பன ஸதி, ந தே³தி ந வத்தப்³புந்தி த³ஸ்ஸேதுங்
 “மிச்சாதி³ட்டி²கம்மங் பனா”திஆதி³ வுத்தங். கதங் ஆஸன்ன கம்மங் நாமாதி
 க³ஹேதப்³புந்தி யோஜனா. பாளிபாடே². அஸ்ஸபுக்³க³லஸ்ஸ மரணகாலேவா
 ஸம்மாதி³ட்டி² ஸமத்தா ஸமாதி³ன்னா, மிச்சாதி³ட்டி² ஸமத்தா ஸமாதி³ன்னாதி
 யோஜனா. பரதோ பரிபுண்ணங் ஆக³மிஸ்ஸதி. ஸோமனஸ்ஸ ஜனகங்
 பரசேதனா பவத்திவஸேன. ஸந்தாப ஜனகங்
 குக்குச்சவிப்படிஸாரப்பவத்திவஸேன. இத³ங் க³ருக சதுக்கங் நாம அனந்தரே
 ப⁴வே விபச்சனகானங் கம்மானங் வஸேன வுத்தந்தி ஆஹ
 “உபபஜ்ஜவேத³னீய கம்மானி ஏவா”தி. கம்மங் நாம குஸலங் வா ஹோது,
 அகுஸலங் வா. புனப்புனங் லத்³தா⁴ ஸேவனே ஸதி, விபாகங் தே³தி. அஸதி
 ந தே³தி. காமாவசரஸ்ஸ குஸலஸ்ஸ கம்மஸ்ஸ கதத்தா உபசிதத்தா விபாகங்
 உப்பன்னங் ஹோதி சக்கு² விஞ்ஞாணந்தி ச, அகுஸலஸ்ஸ கம்மஸ்ஸ கதத்தா
 உபசிதத்தா விபாகங் உப்பன்னங் ஹோதி சக்கு² விஞ்ஞாணந்தி ச, பாளியங்
 வுத்தங். எத்த²ஹி கதத்தாதி வத்வா புன உபசிதத்தாதி வசனங் புனப்புனங்

வட்³ட⁴னஸங்கா²தே ஆஸேவனே ஸதி ஏவ விபாகங் தே³தீதி ஞாபேதி.
தஸ்மா கதமத்த கம்மத்தா கடத்தா கம்மங் நாமாதி வுத்தேபி அனந்தரப⁴வே
விபச்சனக கம்மஸ்ஸேவ இத⁴ அதி⁴ப்பேதத்தா புனப்புனங் லத்³தா⁴
ஸேவனமேவ இத⁴ க³ஹேதப்³பந்தி த³ஸ்ஸேதுங் அட்ட²கதா²யங் “புனப்புனங்
லத்³தா⁴ஸேவனங்”தி வுத்தங்.

“ஏவஞ்ச கத்வா”திஆதீ³ஸு. “யத்த² தங் பு³ப³கதங் கம்மந்தி ஆக³தங்”தி
யஸ்மிங் அட்ட²கதா² பதே³ஸே தங் கடத்தா கம்மங் பு³ப³கதங் கம்மங்தி
ஆக³தங். “கஸ்மா இதா⁴”திஆதீ³ஸு. “இதா⁴”தி இமஸ்மிங் அபி⁴த⁴ம்மத்த²
ஸங்க³ஹே. பாளியங். யங் க³ருகங், தங் விபாகங் தே³தி. தஸ்மிங் அஸதி, யங்
ப³ஹுலங். தஸ்மிங் அஸதி, யங் ஆஸன்னங். தஸ்மிங் அஸதி, யங் கடத்தா
வா பன கம்மங், தங் விபாகங் தே³தீதி அத்தோ². ஸேஸமெத்த²
ஸுவிஞ்ஞய்யங்.

ஸுத்தந்தபாடே². ஸுக²வேத³னங் ஜனேதீதி ஸுக²வேத³னீயங். “ஸமத்தா”தி
ஸுட்டு²க³ஹிதா. “ஸமாதி³ன்னா”தி தத³த்த²விவரணங். “பரியத்தங்”தி ஸமத்த²ங்.
தம்ப³தா³தி⁴கஸ்ஸ யாவஜீவங் ப³ஹுனி பாபகம்மானி ஆசிண்ணானி. மரண
தி³வஸே பன ஸாரிபுத்தத்தே²ரஸ்ஸ த⁴ம்மதே³ஸனங் ஸுத்வா சவித்வா
தேன ஆஸன்ன கம்மேன ஸக்³கே³ நிப்³ப³த்தி. வாதகாலஸ்ஸ யாவஜீவங்
ப³ஹுனி கல்யாண கம்மானி ஆசிண்ணானி. மரண தி³வஸேபன
பு³த்த⁴ஸாஸனே விபரீத ஸஞ்ஞங் கத்வா தேன ஆஸன்ன கம்மேன அபாயே
நிப்³ப³த்தி.

க³ருகசதுக்கங் நிட்டி²தங்.

147. தி³ட்ட²த⁴ம்மசதுக்கே. பஸ்ஸிதப்³போ³தி தி³ட்டோ². “த⁴ம்மோ”தி
க³ந்தா⁴யதன த⁴ம்ம ஸமூஹோ. தி³ட்டோ² த⁴ம்மோதி தி³ட்ட² த⁴ம்மோ.
வத்தமானோ த⁴ம்மஸமூஹோ. யோ அத்தபா⁴வோதி வுச்சதி.
அத்தஸங்கா²தஸ்ஸ தி³ட்டி²யா பரிகப்பிதஸாரஸ்ஸ பா⁴வோ பவத்தி
காரணந்தி கத்வாதி இமமத்த²ங் த³ஸ்ஸெந்தோ “தி³ட்ட² த⁴ம்மோ
வுச்சதீ”திஆதி³மாஹ. “விபாகங் படிஸங்வேதே³தீ”தி ஏதேன கத²ங்
கம்மஸாத⁴னங் த³ஸ்ஸேதி. படிஸங்வேத³ன க்ரியாபதே³ விபாகந்தி
கம்மபத³ங் தி³ஸ்வா விபாகங் நாம வேதி³தப்³பங் வேத³னீயங்.
படிஸங்வேதி³தப்³பங் படிஸங்வேத³னீயந்தி விஞ்ஞாதத்தா. “உபேச்சா”தி
உபக³ந்த்வா. “உபபஜ்ஜித்வா”தி உபேச்ச பஜ்ஜித்வா. பாபுணித்வாதி அத்தோ².
விபா⁴வனிபாடே². “தி³ட்ட² த⁴ம்மதோ”தி தி³ட்ட² த⁴ம்மஸ்ஸ. ஸாமிஅத்தே²
பஞ்சமீ. பாளியங் வுத்தங். “எத்த²ஹி”திஆதி³ பு³ப³வாக்யே வுத்த நயமேவ.
அபரஸத்³தோ³ நிச்சங் அபாதா³னா பெக்கோ². தஞ்ச அபாதா³னங் நாம அனந்தரே
வுத்தபதே³ஹி. “தி³ட்ட²த⁴ம்மா நாக³தானந்தர ப⁴வேஹி”தி தி³ட்ட²த⁴ம்மதோ

ச அனாக³தானந்தர ப⁴வதோ சாதி அத்தோ². “பரிவத்தோ”தி பப³ந்தோ⁴. அபராபரியோதி வா, அபரோ ச அபரோ ச அபராபரோ. அபராபரே பவத்தோ அபராபரியோதி அத்தோ². “உபபஜ்ஜப⁴வங்”தி அனாக³தானந்தரப⁴வங். அஹோஸி கம்மே “அஹோஸீ”தி பத³ங் அஞ்ஞாஸி கொண்ட³ஞ்ஞோதி பதே³விய ருள்ஹீனாமபத³ந்தி ஆஹ “அஹோஸி நாமகங்”தி. தங் பன ருள்ஹிபத³ங் குதோபவத்தங் ஆஹ “அஹோஸி கம்மங்”திஆதி³ங். “ஏவங் வுத்த பாட²வஸேனா”தி எத்த² இத⁴ வுத்தோ பாடோ² ஸா வஸேஸோ. பரிபுண்ணபாடோ² பன அஹோஸி கம்மங் அஹோஸி கம்ம விபாகோ, அஹோஸி கம்மங் நாஹோஸி கம்ம விபாகோ, அஹோஸி கம்மங் அத்தி²கம்ம விபாகோ, அஹோஸி கம்மங் நத்தி² கம்மவிபாகோ, அஹோஸிகம்மங் ப⁴விஸ்ஸதி கம்ம விபாகோ, அஹோஸி கம்மங் ந ப⁴விஸ்ஸதி கம்ம விபாகோதிஆதி³னா படிஸம்பி⁴தா³ மக்³கே³ ஆக³தோ. “ஸா”தி பத²ம ஜவன சேதனா. “அப்பதர விபாகா சாதீ”தி எத்த² “இதீ”தி ஹேது அத்தே² நிபாதோ, தஸ்மா அசிரட்டி²தி கத்தா தி³ட்ட² த⁴ம்மே ஏவ ப²லங் த³த்வா விக³ச்ச²தி, தஸ்மா அப்பதர விபாகத்தா அஹேதுகமத்தங் ப²லங் த³த்வா விக³ச்ச²தி யோஜனா. “பச்சயோதி சா”தி பச்சயங் லத்தா⁴தி வுத்தோ பச்சயோதி ச. “ஸோ”தி மஹந்தங் வுத்தோ பச்சயோ. “காகவலியாதீ³னங் வியா”தி காகவலியாதீ³னங் புக³க்லானங் தி³ட்ட²வேத³னீய கம்மங் விய. “பாகடதரப்ப²லதா³னங்”தி ஸத்தாஹப்ப⁴ந்தரே ஏவ ஸெட்டி²ட்டா²னப்படி லாபா⁴தி³வஸேன பாகடதரப்ப²லதா³னகங் கம்மவிஸேஸங். கம்ம பத²ஜவனஸந்தானே பவத்தா பத²மஜவன சேதனா வா இதராபி பத²ம ஜவன சேதனா வாதி யோஜனா. “காசீ”தி ஏகச்சா பத²மஜவன சேதனா. ஸேஸானி தி³ட்ட²த⁴ம்ம வேத³னீய கம்மானி.

உபபஜ்ஜகம்மே. “அத்த² ஸாதி⁴கா”தி ஸன்னிட்டா²னத்த²ஸாதி⁴கா. பாணகா⁴தாதி³ கிச்சஸாதி⁴காதி வுத்தங் ஹோதி. ஸுட்டு² நிட்டா²பேதீதி ஸன்னிட்டா²பிகா. “ஸேஸானி பீ”தி ஸேஸானி உபபஜ்ஜ வேத³னீய கம்மானிபி. “இதா⁴”தி இமஸ்மிங் மனுஸ்ஸ லோகே. “மிஸ்ஸககம்மானீ”தி குஸலா குஸலமிஸ்ஸகானி கம்மானி. வேமானிகபேதவத்தூ²னி விமானவத்து² பாளியங் ஆக³தானி. “ஸுக³தியங் விபத்திங் அனுப⁴வந்தானி வத்தூ²னீ”தி எத்த² “விபத்திங்”தி சக்கு² ஸோதாதீ³னங் அங்க³ பச்சங்கா³னங் வா விபத்திங். நானா து³க்கு²ப்பத்திபு⁴தங் வா விபத்திங். “து³க்³தியங் ஸம்பத்திங்”தி மஹித்³தீ⁴னங் நாக³ஸுபண்ணாதீ³னங் ஸம்பத்திங். “யதா² வுத்த வத்தூ²ஹி”தி வேமானிக பேதவத்தா²தீ³ஹி. அட்ட²கதா²பாடே². “தேஸங் ஸங்கமனங் நத்தீ²”தி தேஸங் கம்மானங் விபச்சனகால ஸங்கந்தி நாம நத்தி². “யதா²டா²னேயேவ பதிட்ட²ந்தீ”தி தானி தி³ட்ட² த⁴ம்மட்டா²னாதி³வஸேன ப⁴க³வதா யதா² வுத்தட்டா²னே ஏவ திட்ட²ந்தி. “ஏவங் வுத்தங்”தி தேஸங் ஸங்கமனங் நத்தீ²திஆதி³னயேன வுத்தங். “யுத்தியா வா அபா⁴வதோ”தி எத்த² தி³ட்ட² த⁴ம்ம வேத³னீயஸ்ஸபடிஸந்தி⁴ விபாகாதி³ யுத்தியா அபா⁴வதோ.

148. பாகட்டா²னசதுக்கே. “காயாதீ³னங்”தி சோபனகாயாதீ³னங். காய விஞ்ஞத்தாதீ³னந்தி வுத்தங் ஹோதி. “அதிபாதெந்தீ”தி அதிகம்ம பயோகே³ன அபி⁴ப⁴வித்வா பாதெந்தி. தேனாஹ “அதிபாதனஞ்செத்தா²”திஆதி³ங். “அதி³ன்னங்”தி ஸாமிகேனஅதி³ன்னங் பரஸந்தகங். அக³மனீயவத்தா²னி நாம அவீதிக்கமனத்தா²ய அனுபக³ந்தப்³பா³னி மாதூரக்கி²தாதீ³னி இத்தி² புரிஸஸரீரானி. “தஸ்ஸா”தி பரபாணஸ்ஸ. “ததோ”தி பரபரிக்க³ஹித பா⁴வதோ. “அச்சி²ந்த³க சேதனா”தி பரஸந்தகஸ்ஸ அத்தனோ ஸந்தககரணவஸேன பு⁴ஸங் பரஸந்தகா பா⁴வச்சி²ந்த³க சேதனா. விலுப்பன சேதனாதி வுத்தங் ஹோதி. “மக்கே³ன மக்க³ப்படிபாத³கஸ்ஸா”தி அத்தனோ மக்கே³ன பரமக்க³ ஸம்பயோஜகஸ்ஸ. “எத்த²பீ”தி யதா² அதி³ன்னாதா³னே பரபரிக்க³ஹித ஸஞ்ஞினோதி து³தீயங் அங்க³பத³ங் வுத்தங். ஏவங் எத்த²பி. எத்த² வத³ந்தி அக³மனீய வத்து² வஸேன சித்தந்தி அவத்வா தஸ்மிங் ஸேவன சித்தந்தி வுத்தங். தஸ்மா அக³மனீய வத்து² ஸஞ்ஞிதாதி அவுத்தம்பி வுத்தஸதி³ஸங் ஹோதீதி. ந ஹோதி. ந ஹி தஸ்மிந்தி வசனங் ஸஞ்ஞாவிஸேஸ ஸஹிதங் அத்த²ங் வத³தி. ஈதி³ஸேஸு ச டா²னேஸு ஸசே ஸஞ்ஞாபதா⁴னங் ஹோதி. பாணஸஞ்ஞிதா, பரபரிக்க³ஹித ஸஞ்ஞிதாதி அங்க³ பத³ங் விய இத⁴பி அக³மனீய வத்து² ஸஞ்ஞிதாதி து³தீயங் அங்க³பத³ங் அவஸ்ஸங் வத்தப்³பங் ஹோதி. கஸ்மா, அங்க³னியமட்டா²னத்தா. தேனாஹ “ஏதேனா”திஆதி³ங். “சதுரங்கீ³கோவ வுத்தோ”தி தஸ்ஸ சத்தாரோ ஸம்பா⁴ரா. அக³மனீய வத்து², தஸ்மிங் ஸேவன சித்தங், ஸேவனப்பயோகோ³, மக்கே³ன மக்க³ப்படிபத்தி அதி⁴வாஸனந்தி. “ஸா”தி பி⁴க்கு²னீ. “ரக்கி²தாஸு ஸங்க³ஹிதா”தி மாதூரக்கி²த பிது ரக்கி²தாதீ³ஸு ஸங்க³ஹிதா. “ஐகாஸு பனா”தி ஸுத்தந்தஐகாஸு பன. “ஸா”தி பி⁴க்கு²னீ. பாஸண்டா³ வுச்சந்தி த்வாஸட்டி² தி³ட்டி²கதாதீ³னி. தங் வாதி³னோ பாஸண்டி³யா நாம. தேஸங் த⁴ம்மோ பாஸண்டி³ய த⁴ம்மோ நாம. மிச்சா²சாரோபி து³ஸ்ஸீலாய இத்தி²யா வீதிக்கமோ அப்பஸாவஜ்ஜோ. ததோ கோ³ரூப ஸீலிகாய மஹாஸாவஜ்ஜோ. ததோ ஸரணங்க³தாய, பஞ்ச ஸிக்கா² பதி³காய, ஸாமணேரியா, புது²ஜ்ஜன பி⁴க்கு²னியாதிஆதி³. அட்ட²கதா² பாடே². “எத்தா²”தி இமஸ்மிங் அகுஸலகாயகம்மே. “ந க³ஹிதங்”தி தே²ரேன வா அட்ட²கதா²சரியேஹி வா ந க³ஹிதங். ஸுரஞ்ச மேரயஞ்ச பிவந்தி ஏதேனாதி ஸுராமேரய பானங். தத³ஜ்ஜோ²ஹரண சேதனா கம்மங். “ஸப்³ப³ லஹுகோ”தி ஸப்³பே³ஸங் ஸுராபான கம்ம விபாகானங் மஜ்ஜே² யோ விபாகோ லஹுகதரோ, பவத்திவிபாகமத்தோதி வுத்தங் ஹோதி. “உம்மத்தகஸங்வத்தனிகோ”தி உம்மத்தபா⁴வ ஸங்வத்தனிகோ. “பஞ்சபீ”தி ஸுராபான கம்மேன ஸஹ பஞ்சபி. மூலஐகா வசனே. “தஸ்ஸா”தி ஸுராபான கம்மஸ்ஸ. படிஸம்பி⁴தா³ மக்க³ஐகாயங் இமஸ்ஸ வாக்யஸ்ஸ ஸங்வண்ணனாயங் வுத்தந்தி ஸம்ப³ந்தோ⁴. தத்த² “தப்³பி³ ரமணாத³யோ சா”தி ததோ ஸுராபானதோ

விரமணாத்யோ ச. “மதஸ்ஸா”தி மஜ்ஜனஸ்ஸ. “அபுஞ்ஞபதஸ்ஸா”தி
 அகுஸல கம்ம பதஸ்ஸ. “தப்ஃபிரதி பீ”தி ததோ ஸுராபானதோ விரதிபி.
 “நிம்மததாயா”தி மஜ்ஜனரஹித பாஃவஸ்ஸ. “ஸா”தி நிம்மததா.
 “புஞ்ஞபதஸ்ஸா”தி குஸலகம்ம பதஸ்ஸ. “இதீ”தி தஸ்மா. “தானீ”தி
 ஸுராபான கம்மதப்ஃபிரதி கம்மானி. “ந இதரங்”தி கம்மபதேஹி
 அஸம்பந்தஃ. ஸுராபானங் விஸுங் படிஸந்திஃ ந தேதீதி யோஜனா.
 தப்ஃபிரதி கம்மே பன ஸசே இதங் ஸுராபானங் நாம பாபகம்மங் துச்சரிதந்தி
 ஞத்வா ஸமாதாந விரதி ஸம்பத்தவிரதி வஸேன தங் ஸிக்காபதங் ரக்கதி.
 தங் ஸீலங் அஞ்ஞேஹி புஞ்ஞபதேஹி அஸம்பந்தஃம்பி விஸுங்
 படிஸந்திஃ ந தேதீதி ந வத்தப்ஃபங். “ஏவமிதங் பீ”தி ஏவங் இதம்பி
 ஸுராபான கம்மங் கம்ம பதபத்தஸ்ஸ கம்மஸ்ஸ பரிவாரபூதங் ஏவ
 படிஸந்திஃ ஜனேதீதி யோஜனா. “தத்தா”தி கம்மபதஸ்ஸுத்தேஸு. ஸருபதோ
 ந வத்தந்தி ச ஸக்கா வத்துந்தி ஸம்பந்தோ. “யங்”தி யங் ஸுராபான கம்மங்.
 “தத்தா”தி தேஸு கம்மபதஸ்ஸுத்தேஸு. கம்ம ஜனநங் நாம துச்சரித கம்மானங்
 ஜனநங். ஸக்கேன தேவான மிந்தேந தஸ்ஸ அபாயகாமிதா வத்தாதி
 ஸம்பந்தோ. தஸ்ஸாஸுராய புண்ணங் இமங் ஸுராகும்பஃங்கிணாத்.
 மூலங் தேதத கண்ணஹாதாதி அத்தோ. “தஸ்ஸா”தி ஸுராபான கம்மஸ்ஸ.
 அபாயங் கமேதி ஸம்பாபேதீதி அபாய காமி. “யதிதங்”தி யா அயங்
 யதாலாபஃ யோஜனா அத்தி. மூலகா வசனே. “கம்மஸஹஜாதா”தி அகுஸல
 கம்மஸஹஜாதா தணஹா. “தேஸங்”தி தேஸங் பஞ்சன்னங் கம்மானங்.
 “கொட்டாஸதோ”தி தம்மஸங்கணியங் பஸ்ஸோ ஹோதி, வேதனா
 ஹோதீதிஆதினா வத்தே தம்முத்தேஸவாரே ஜானாதிகொட்டாஸா நாம
 ஆகதா. தேஸு பஞ்ச ஸிக்காபதா கொட்டாஸதோ கம்மபத கொட்டாஸிகா
 ஏவ. கம்மபத கொட்டாஸே அந்தோகதாதி அத்தோ. “பரிமானங்
 சதுன்னங்”தி பாணாதி பாதாதீனங் சதுன்னங் கம்மானங். “படிக்கித்தோ”தி
 தஸ்ஸ கம்மபதபாவோ படிக்கித்தோ. “ததீயங்”தி ததீய ஸுத்தங். ஏதாஸுபி
 ச அட்டகதாஸு.

காயகம்மாதீஸு. ஸஸம்பாஃரகாயோ நாம ஸகலோ ரூபகாயோ.
 பஸாதகாயோ நாம காயபஸாதோ ஏவ. காய விஞ்ஞத்தி சோபனகாயோ நாம.
 “சோபன”ந்தி ச சலனங் வச்சதி. “ஸோ யேவா”தி சோபனகாயோயேவ.
 காயகம்ம நாம லாபோ ச ஹோதி, தஸ்மா ஸோ கம்மானங் பவத்தி முகந்தி
 வச்சதீதி யோஜனா. “கம்மானி விஸேஸேதுங்”தி இதங் காயகம்மங் நாம,
 இதங் வசீகம்மங் நாமாதி விஸேஸேதுங் நியமேதுங். “ஸக்கொந்தீ”தி கம்மானி
 விஸேஸேதுங் ஸக்கொந்தி. தஸ்மா காயத்வாரே வத்திதோதி ச வசீத்வாரே
 வத்திதோதி ச வத்தந்தி அதிஃப்பாயோ. மிச்சாசாரஸ்ஸ வசீத்வாரே
 அப்பவத்திதோ “பரிமானி த்வே”தி வத்தங். “மஜ்ஜிமானி சத்தாரீ”தி
 முஸாவாதாதீனி சத்தாரி வசீகம்மானி. “சப்ஃபிதாநி தானி வஜ்ஜானீ”தி
 ‘காயகம்மங் ஜஹைய்ய’ந்திஆதீனி சப்ஃபிதாநி தானி வஜ்ஜானி. கதங்

ஏகமேகேன பா³ஹுல்ல ஸத்³தே³ன ச²ப்³பி³தா⁴னி தானி வஜ்ஜேதீதி.
அன்வயதோ ச ப்³யதிரேகதோ ச வஜ்ஜேதி. கத²ங், பாணாதிபாத கம்மங் கதா³சி
அப்பகேன வசீத்³வாரே உப்பன்னம்பி காயத்³வாரே ஏவ பவத்தி ப்³ஹுலத்தா
காயகம்மமேவ ஹோதி. வசீகம்ம ஸங்க்²யங் ந க³ச்ச²தி. த்³வே வா அஸ்ஸ
நாமானி ந ப்⁴வந்தி. வசீத்³வாரே பன அப்பகவுத்தித்தா வசீகம்மங் நாம ந
ஹோதி. காயகம்மந்தி நாமங் ந ஜஹதி. த்³வே வா அஸ்ஸ நாமானி ந
ப்⁴வந்தீதி ஏவங் ஏகேன காயத்³வாரே பா³ஹுல்ல வுத்திவசனேன பாணாதிபாத
கம்மே ச²ப்³பி³தா⁴னி வஜ்ஜானி வஜ்ஜேதீதி. ஏவங் ஸேஸேஸு. வனசரகோ
நாம வனலுத்³தகோ. ஸோ பன கதா³சி அப்பகேன கா³மே சரந்தோபி வனே
பா³ஹுல்ல சாரித்தா வனசரகோ ஏவ ஹோதி. கா³மசரகோதி நாமங் ந லப⁴தி.
த்³வே வா அஸ்ஸ நாமானி ந ப்⁴வந்தி. ஏவங் ஸங்கா³மாவசரகாபி.
ஸங்கா³மாவசரோ நாம ஸங்கா³மே பா³ஹுல்லாவசரோ ஹத்தீ² வுச்சதி. எத்த²
மனோத்³வாரங் ஸப்³ப³ கம்ம ஸாதா⁴ரணத்தா கம்மானி விஸேஸேதுங் ந
ஸக்கோதீதி வுத்தங். ஏவஞ்சஸதி, 'அபி⁴ஜ்ஜா² ப்³யாபாதோ³ மிச்சா²தி³ட்டி² சேதி
மனஸ்மிங் வுத்திதோ மனோகம்மங் நாமா³தி இத³ங் ந வத்தப்³ப³ந்தி. நோ ந
வத்தப்³ப³ங். கம்ம ஸித்³தி⁴ங் படிச்ச அஞ்ஞத்³வாரேஹி அஸாதா⁴ரணத்தா .
தேனாஹ "மனோகம்மானி பனா³திஆதி³ங். "ஸித்³த⁴ங்"தி நிப்³ப³த்தங்.
"காயகம்மத்³வாரங்"தி எத்த² தத்த² சோபனகாயோ காயகம்மானங் பவத்தி
ப்³ஹுலத்தா காயகம்ம த்³வாரங் நாம. சோபனவாசா தத்த² வசீகம்மானங்
பவத்தி ப்³ஹுலத்தா வசீகம்மத்³வாரங் நாம. குஸலா குஸல ஜவன சித்தங் பன
மனோகம்மானங் தத்தே²வ கம்ம கிச்ச ஸித்³தி⁴தோ மனோகம்ம த்³வாரங்
நாமாதி ஏவங் கம்மேன த்³வார வவத்தா²னங் வேதி³தப்³ப³ங். "தஸ்ஸ
த்³வாரஸ்ஸ நாமங் பி⁴ந்தி³துங் வா"தி காயோதி நாமங் பி⁴ந்தி³துங் வா.
"அத்தனோ நாமங் தா³துந்தி வா"தி வசீதி நாமங் தஸ்ஸ தா³துங் வா.
"ப்³ராஹ்மண கா³மாதீ³னங் ப்³ராஹ்மண கா³மாதி³பா⁴வோ வியா"தி தஸ்மிங்
அஞ்ஞகுலேஸு வஸந்தேஸுபி ப்³ராஹ்மண குலப்³ஹுலத்தா ப்³ராஹ்மண
கா³மொத்வேவ நாமங் ஹோதி. தஸ்மிங் வனே அஞ்ஞருக்கே²ஸு ஸந்தேஸுபி
க²தீ³ரருக்க² ப்³ஹுலத்தா க²தீ³ரவனந்தவேவ நாமங் ஹோதீதி வத்தப்³ப³ந்தி.
காயகம்மங் நி⁴ட்டி²தங்.

149. வசீகம்மே. "முஸா வத³ந்தீ"தி அபு⁴ததோ வத³ந்தி. பிஸதி ஏதாயாதி
பிஸுணா. "நிருத்தி நயேனா"தி எத்த² பியஸுஞ்ஞ கரணாதி வத்தப்³பே³ அக்க²ர
லோபகரணங் நிருத்தி நயோ நாம. "யேனா"தி யேனஜனேன. "ஸம்ப²ங்"தி எத்த²
ஸங்ஸத்³தோ³ ஸம்மதி து³க்க²ங் ஏதேனாதி அத்தே²ன ஸுகே² ஹிதே வத்ததீதி
ஆஹ "ஸங் ஸுக²ங் ஹிதஞ்சா"தி. கீதி³ஸங் ஸுக²ங் ஹிதஞ்சாதி ஆஹ
"ஸாது⁴ஜனேஹி அதி⁴க³ந்தப்³ப³ங்"தி. ஏதேன பாபஜனேஹி அதி⁴க³ந்தப்³ப³ங்
ஹிதஸுக²ங் படிக்கி²பதி. ஹிதஸுக²ஸ்ஸ வினாஸனங் நாம தஸ்ஸ ஆக³மன
மக்³க³பி⁴ந்த³னந்தி ஆஹ "ஹிதஸுக² மக்³க³ங் பி⁴ந்த³தீ"தி. "தங் வா"தி எத்த²
"தங்"தி ஹிதஸுக²ங். "அத்த² த⁴ம்மா பக³தஸ்ஸா"தி அத்த²தோ ச த⁴ம்மதோ

ச அபக³தஸ்ஸ. “படிபா⁴ண சித்தஸ்ஸா”தி ஸுணந்தானங் சித்தரதி
சித்தஹாஸவட்³ட⁴னத்தா²ய படிபா⁴ணஞ்ஞானேன சித்தீகதஸ்ஸ. “யத்தா²”தி
யஸ்மிங் கதா² மக்³கே³. “அத்த² த⁴ம்ம வினயபத³ங்”தி அத்த² பத³ஞ்ச
த⁴ம்மபத³ஞ்ச வினய பத³ஞ்ச. தத்த² அத்தோ² நாம ஆரொக்³யஸம்பத்தி,
மித்தஸம்பத்தி, பஞ்ஞாஸம்பத்தி, த⁴ன ஸம்பத்தி, போ⁴க³ஸம்பத்தியோ.
தாஸு கோஸல்லஜனகங் வாக்யபத³ங் அத்த²பத³ங் நாம. இத³ங் ஸுசரிதங் நாம
ஸக்³க³ஸங்வத்தனிகங், இத³ங் து³ச்சரிதங் நாம அபாய ஸங்வத்தனிகந்தி ஏவங்
ஸபா⁴வ த⁴ம்மேஸு கோஸல்ல ஜனகங் வாக்ய பத³ங் த⁴ம்ம பத³ங் நாம.
ஏவங் சித்தங் த³மிதப்³ப³ங், ஏவங் இந்த³ரியானி த³மிதப்³ப³னி, ஏவங் ராகோ³
வினேதப்³போ³, ஏவங் தோ³ஸோ வினேதப்³போ³திஆதி³னா வினேதப்³போ³ஸு
வினய கோஸல்லஜனகங் வாக்யபத³ங் வினய பத³ங் நாம. யத்த² ஏவருபங்
அத்த² பத³ஞ்ச த⁴ம்ம பத³ஞ்ச வினய பத³ஞ்ச கிஞ்சி நத்தி². தஸ்ஸ வாசா
வத்து²மத்தஸ்ஸ ஏதங்நாமங் ஹோதீதி யோஜனா. “ஸம்ப³ங்”தி வுத்தப்பகாரங்
நிரத்த²கவசனங். “தத்தா²”தி தேஸு வசீகம்மேஸு. விஸங்வாத³னங் நாம
விரஜ்ஜா² பனங். விஸங்வாத³கோ நாம விரஜ்ஜா²பனகோ. அத்த²ங் ப⁴ஞ்ஜதி
வினாஸேதீதி அத்த² ப⁴ஞ்ஜனகோ. “கம்மபத²பே⁴தோ³”தி படிஸந்தி⁴ ஜனகோ
கம்மபத²விஸேஸோ. “இதரோ”தி அத்த² ப⁴ஞ்ஜனகதோ அஞ்ஞோ
முஸாவாதோ³. “கம்ம மேவா”தி பவத்தி விபாக ஜனகங் வசீகம்மேவ.
“ரஜானங்”தி தூ⁴லீனங். தாஸு ஸுக³தி து³க்³க³தீஸு உப்பஜ்ஜந்தீதி
தது³ப்பஜ்ஜனகானி. “பத²பூ⁴தத்தா”தி உப்பத்திமக்³க³பூ⁴தத்தா. “பே⁴த³
புரெக்கா²ரேனா”தி மித்தபே⁴த³புரெக்கா²ரேன. மித்தங் பி⁴ந்த³தீதி பே⁴த³கோ.
“ஸங்கிலிட்ட² சேதனா”தி அத்த² புரெக்கா²ர த⁴ம்ம புரெக்கா²ர வினய புரெக்கா²ர
அனுஸாஸனி புரெக்கா²ர ரஹிதா கேவலங் பே⁴த³புரெக்கா²ர சேதனா
ஸங்கிலிட்ட² சேதனா நாம. “பரே பி⁴ன்னே யேவா”தி பரஜனே பரஜனேன
மிது²பே⁴த³வஸேன பி⁴ன்னேயேவ. “யங் கிஞ்சீ”தி யங் கிஞ்சி
அக்கோஸவத்து². “அயங் பீ”தி அயங் ப²ருஸவாசாபி. ஏவங் அக்கோஸன
கம்மங்பி அக்கோஸிதப்³ப³ஸ்ஸ தூ³ரே டி²தஸ்ஸபி மதஸ்ஸபி ஸம்பஜ்ஜதீதி
யோஜனா. அனத்த²ங் நிரத்த²கவாசா வத்து² மத்தங் விஞ்ஞாபேதீதி
அனத்த²விஞ்ஞாபனகோ. “ஸச்சதோ க³ண்ஹந்தே யேவா”தி யதா² ஸோ
கதே²தி, ததா² தங் வத்து² உப்பன்ன புப்³ப³ந்தி ஏவங் ஸச்சதோ
க³ண்ஹந்தேயேவ. கேசி ஸச்சதோ க³ண்ஹித்வா கிஞ்சி வத்து²ங் பூஜனீய
டா²னே ட²பெத்வா தோ²மெந்தா பூஜெந்தா வந்த³ந்தா பரிஹரந்தி. ஸம்பராயி
கத்தா²ய தங் ஸரணங் க³ச்ச²ந்தி. ஸப்³ப³மேதங் நிரத்த²கங் ஹோதி.
“தத³ஸ்ஸாத³வஸேனா”தி தங் ராஜகதா²தி³ங் தத்த² சித்தரதிங் லபி⁴த்வா
அஸ்ஸாத³வஸேன கதெ²ந்தஸ்ஸேவ கம்மங் ஹோதி. அனிச்ச லக்க²ண
விபா⁴வனத்தா²ய வா ரதனத்தய கு³ணவிபா⁴வனத்தா²ய வா பாப க³ரஹ
கல்யாண ஸம்பா⁴வனாய வா கதெ²ந்தஸ்ஸ பன ஸத்த²கமேவ ஹோதீதி

அதி⁴ப்பாயோ. தேனாஹ “அத்த² த⁴ம்ம வினய நிஸ்ஸிதங்”திஆதி³ங்.
ஸேஸமெத்த² காயத்³வாரே தீ³பிதமேவ.

150. மனோகம்மே . “அபி⁴ஜா²யந்தீ”தி அதிரேகதரங் ஜா²யந்தி, சிந்தெந்தி,
ஓலோகெந்தி வாதி இமமத்த²ங் த³ஸ்ஸெந்தோ “அஸ்ஸாத³மத்தே
அட²த்வா”திஆதி³மாஹ. “ப்³யாபாதெ³ந்தீ”தி விக³தபா⁴வங் ஆபாதெ³ந்தி
ஸம்பாபெந்தி. தஞ்ச ஆபாத³னங் ந காயவாசாஹி. அத² கோ² சித்தேனேவாதி
வுத்தங் “சிந்தெந்தீ”தி. “தப்³பி³ பரீததோ”தி ஸப்புரிஸ பஞ்ஞத்திதோ விபரீதேன.
“தத்தா²”தி தேஸு மனோகம்மேஸு. “இத³ங் மமஸ்ஸா”தி இத³ங் ஸந்தகங்
மமஸந்தகங் ப⁴வெய்ய, அஹோ ஸாது⁴ வதாதி யோஜனா. “அத்தனோ
கத்வா”தி அத்தனோ ஸந்தகங் கத்வா. “லாபா⁴வதிமே”தி எத்த² ஸுலாப⁴ங்
லப⁴ந்தீதி லாபா⁴. “அத்தனோ கரெய்யங்”தி அத்தனோ ஸந்தகங் கரெய்யங்.
பரப⁴ண்ட³ங் வத்து² யஸ்ஸாதி பரப⁴ண்ட³ வத்து²கோ. “வத்து²”தி
ஆரம்மணபூ⁴தங் வத்து². யாவ ந பரிணாமேதி, தாவ ந கம்மபத²பே⁴தோ³
ஹோதீதி யோஜனா. “வுத்தஞ்ஹேதங் அட்ட²கதா²ஸு”தி அதி⁴காரோ.
“அயங்”தி அயங் ஸத்தோ. “தஸ்ஸா”தி தஸ்ஸ ஸத்தஸ்ஸ.
த³ஸ்ஸவத்து²காமிச்சா²தி³ட்டி² நாம நத்தி²தி³ன்னங், நத்தி²யிட்ட²ங்,
நத்தி²ஹுதங்’திஆதி³கா மிச்சா²தி³ட்டி². த்³வாஸட்டி² தி³ட்டி²க³தேஸு
காசிதி³ட்டி²யோ நத்தி²காதி³ ஸபா⁴வா ஹொந்தி. இத⁴ பன
தப்³புஹுலனயேன கம்மமேவாதி வுத்தங். யதா²வுத்தோதி ஸம்ப³ந்தோ⁴.
க³ச்சந்தஸ்ஸ புக³க³லஸ்ஸ. “சித்துப்பாதோ³”தி மக்³க³சித்துப்பாதே³.
“பஸ்ஸந்தோ”தி தீணி லக்க²ணானி பஸ்ஸந்தோ. வுத்தோதி ஸம்ப³ந்தோ⁴.
“நியாமங்”தி ஸம்மத்த நியாமங். அவிபரீதனியாமந்தி அத்தோ². புன “நியாமங்”தி
மிச்ச²த்தனியாமங். விபரீத நியாமந்தி அத்தோ². திகிச்சி²துங்
அஸக்குணெய்யோதி அதேகிச்சோ². ஏகந்தேன அபாயகா³மீ ஹொதீதி அத்தோ².
“அபஸ்ஸித்வா”தி தி³ட்டி²ட்டா²னானங் அபஸ்ஸித்வா.
“மிச்சா²தி⁴மொக்க²மத்தேனா”தி தித்தா² சரியேஸு ஸத்³த³ஹன மத்தேனாதி
அதி⁴ப்பாயோ. “ஸகங் ஆசரியகங்”தி அத்தனோ ஆசரியஸ்ஸ ஸந்தகபூ⁴தங்.
டி²தோ புக³க³லோ. அட்ட²கதா²யங் வுத்தோ, யதா²ஹ மிச்ச²த்ததிகே
மிச்சா²ஸபா⁴வாதி மிச்ச²த்தா. விபாகதா³னே ஸதி, க²ந்த⁴பே⁴தா³னந்தரமேவ
விபாகதா³னதோ நியதா. மிச்ச²த்தா ச தே நியதா சாதி மிச்ச²த்தனியதா.
ஸம்மாஸ பா⁴வாதி ஸம்மத்தா. ஸம்மத்தா ச தே நியதா ச அனந்தரமேவ
ப²லதா³ன நியமேனாதி ஸம்மத்தனியதாதி . “தஸ்ஸா”தி மிச்சா²தி³ட்டி²யா.
“அசோபெத்வா”தி அசாலெத்வா. “ஏதேனா”தி ஏதேனபி ஸத்³தே³ன. “இமேஸங்”தி
மனோகம்மானங். “ஏதேனா”தி மனஸ்மிங் ஏவாதி வசனேன. “உபபன்னங்”தி
பரிபுண்ணங். “உபலக்க²ணாதி³வஸேனா”தி உபலக்க²ணனய நித³ஸ்ஸனநய
பதா⁴னநயாதி³வஸேன. “அத்த²ந்தரப்பஸங்கோ³ ஹொதீ”தி கத²ங் ஹொதி.
ஏவஸத்³தே³ன வினா பாணாதிபாத கம்மங் காயத்³வாரே பா³ஹுல்ல வுத்திதோ
காயகம்மங் நாமாதி வுத்தே இத³ங் லத்³தா⁴தபத்தோ ராஜகுமாரோதி விய

உபலக்கணனயமத்தங். தேன ஸேஸத்³வாரேஸுபி பா³ஹுல்ல வத்திங்
 உபஸல்லக்கே²தீதி அத்த²ந்தரப்பஸங்கோ³ ஸியாதி. ஏவங் ஸேஸனயேஸுபீதி.
 “அபிசா”தி கிஞ்சி வத்தப்³பங் அத்தீ²தி ஜோதேதி. “தேஸு”தி பாணவதா⁴தீ³ஸு.
 “ஏகங் அங்கங்”தி உபக்கமோதி சதுத்த²ங் அங்கங். “தங் ஸஹஜாதா சா”தி
 சேதனா ஸஹஜாதா ச. சேதனா பக்கே² ப⁴வாதி சேதனா பக்கி²கா. சேதனா
 விய காயகம்மபா⁴வங் க³ச்ச²ந்தீதி வத்தங் ஹோதி. “அப்³போ³ஹாரிகத்தங்
 க³ச்ச²ந்தீ”தி மனோகம்மந்தி வோஹரிதுங் அப்பஹோனகத்தங் க³ச்ச²ந்தீதி
 அத்தோ². அத்தா பதா⁴னங் யேஸங் தே அத்தப்பதா⁴னா. அபி⁴ஜ்ஜா²த³யோ.
 அத்தப்பதா⁴னா ந ஹோந்தி. சேதனா பதா⁴னா ஹோந்தி. இதே⁴வ தே
 அத்தப்பதா⁴னா ஹோந்தீதி அத்தோ². “ததா² ததா²”தி அஹோவத இத³ங்
 மமஸ்ஸாதிஆதி³னா தேன தேன பகாரேன. “தத்தா²”தி தேஸு மனோகம்மேஸு.
 “ஸப்³பேன ஸப்³பங்”தி பாடிபதி³கபத³மேதங். ஸப்³பப்பகாரதோதி அத்தோ².
 “இதா⁴”தி மனோகம்மட்டா²னே. “மனோகம்ம கிச்சவிஸேஸேனா”தி
 அஹோவத இத³ங் மமஸ்ஸாதிஆதி³கேன கிச்ச விஸேஸேன. மனோகம்ம
 தீ³பனா நி²டி²தா.

151. “எத்த² ச த³ஸன்னங் பீ”திஆதீ³ஸு. “தாபீ”தி தா புப்³பா³பரசேதனாயோபி.
 ஆதி³தோ பட்டா²ய பவத்தா தாபீதி ஸம்ப³ந்தோ⁴. “யானிபனா”திஆதீ³ஸு. ஏகோ
 ஏகஸ்ஸ வத³தி அஹங் இமங் ஸத்தங் மாரேமி, த்வங் அஸுகங்ஸத்தங்
 மாரேஹீதி. ஏவங் வத்வா உபோ⁴பி உபக்கமங் கரொந்தி. கம்மங் பன
 உபி⁴ன்னம்பி ந ஸிஜ்ஜ²தி. தத்த² ஆணாபகஸ்ஸ த்வங் அஸுகங் ஸத்தங்
 மாரேஹீதி ஆணாபன கம்மங் ஸசே ஸிஜ்ஜ²தி. வசீத்³வாரே பவத்தங்
 காயகம்மந்தி வச்சதி. இத⁴ பன அஸித்³த⁴த்தா வசீத்³வாரே தி³ஸ்ஸ மானங்
 வசீகம்மந்தி வச்சதி. வசீது³ச்சரிதமத்தந்தி வத்தங் ஹோதி. ஏஸனயோ
 ஸேஸேஸுபி.

“தோ³ஸமுலேனா”திஆதீ³ஸு. தோ³ஸோ ஏவ மூலங் தோ³ஸமுலங்.
 தோ³ஸோ மூலங் மஸ்ஸாதி தோ³ஸமுலங். தங் ஸம்பயுத்த சித்தந்தி
 த்³விதா⁴ அத்தோ². ப்யாபாதோ³ நாம தோ³ஸோ ஏவ. ஸோ கத²ங் தோ³ஸேன
 மூலேன ஜாயெய்யாதி வத்தங் “புரிமோ ப்யாபாத³வஜ்ஜேஹீ”தி. பரதோ
 அபி⁴ஜ்ஜா²யம்பி ஏஸனயோ. விபா⁴வனிபாடே². நிதி⁴பாட²கா நாம
 ராஜனிதி⁴ விதா⁴யகா. தத்த² சண்டோ³ நிக்³க³ஹேதப்³போ³தி ஆக³தத்தா
 து³ட்ட²னிக்³க³ஹத்த²ந்தி வத்தங். ராஜனங் அதி³ன்னாதா³னங் மோஹமூலேன
 ஜாயதீதி யோஜனா. “ப்³ராஹ்மணானஞ்சா”தி ஸகஸஞ்ஞாய ஏவ யங் கிஞ்சி
 ஹரந்தானங் ப்³ராஹ்மணானஞ்ச கம்மப²லஸம்ப³ந்தா⁴பவாதீ³னஞ்ச.
 “ஆஹரணங்”தி அதி³ன்னாதா³னவஸேன ஹரணங். அவஹரணந்தி வத்தங்
 ஹோதி. யோ பன மோஹோ ராஜனங் உப்பன்னோ, யோ ச ப்³ராஹ்மணானங்
 உப்பன்னோ, யோ ச கம்ம ப²லஸம்ப³ந்தா⁴ பவாதீ³னங் உப்பன்னோதி
 ஸம்ப³ந்தோ⁴. “லோபோ⁴ நிதா³னங் கம்மானங் ஸமுத³யாயா”தி லோபோ⁴

கம்மானங் ஸுட்டு²வட்³ட⁴னாய நிதா³னங் காரணங் ஹோதீதி யோஜனா. ஸஞ்ஜாதா கங்கா²யேஸங் தே ஸஞ்ஜாதகங்கா². பரிதோ உட்டா²தி எத்தா²தி பரியுட்டா²னங். கங்கா²ய பரியுட்டா²னங் கங்கா²பரியுட்டா²னங். ஜனானங் தானிகம்மானீதி ஸம்ப³ந்தோ⁴.

அகுஸலகம்மதீ³பனானிட்டி²தா.

157. குஸலகம்மே. அயங் பன ஏவமாதீ³ஸு ஸுத்தபதே³ஸு ஆக³தோதி ஸம்ப³ந்தோ⁴. “மெத்தங் காயகம்மங்”தி மெத்தாஸஹக³தங் காயகம்மங். ஏவங் வசீகம்மேபி. சேதனா ஹெத்த² கம்மந்தி அதி⁴ப்பேதா. மனோகம்மே பன சேதனாபி யுஜ்ஜதி. அப்யாபாதோ³பி யுஜ்ஜதி. ஞாணங் அனுபரிவத்தீதி ஞாணானுபரிவத்தங். ஞாணானுபரிவத்தீதிபி பாடோ², ஸோ யேவத்தோ². “பத³க்கி²ணங்”தி பவட்³டி⁴தங். அபரங் பரியாயங் து³ஸ்ஸேதி “யஸ்மிங் பனா”திஆதி³னா. து³ஸ்ஸீலஸ்ஸ பா⁴வோ து³ஸ்ஸில்யங். பாணாதிபாதாதி³கம்மங். “பவத்தமானே”தி காயத்³வாரே பவத்தமானே. “யங் பன குஸலங்”தி பாணாதி பாதாதி³தோ விரதி குஸலங். “பவத்தமானங்”தி சித்தே பவத்தமானங். “கிச்ச ஸீஸேனா”தி கிச்சப்பதா⁴னேன. கிச்சங் பதா⁴னங் கத்வாதி அதி⁴ப்பாயோ. ஸேஸமெத்த² காயகம்மே ஸுவிஞ்ஞெய்யங்.

“வசீகம்மேபி ஏஸேவனயோ”தி யஸ்மிங் து³ஸ்ஸில்யே பவத்தமானே வாசா அபரிஸுத்³தா⁴ ஹோதி. வசீ ஸங்வரோ பி⁴ஜ்ஜதீதிஆதி³னா வத்தப்³பங். “அவஸேஸங் பனா”தி தீஹி காயகம்மேஹி சதூஹி வசீகம்மேஹி அவஸேஸங். தத்த² “தீஹி காயகம்மேஹி”தி தீஹி காயது³ச்சரித விரதி கம்மேஹி. “சதூஹி வசீகம்மேஹி”தி சதூஹி வசீது³ச்சரித விரதி கம்மேஹி. “ஸப்³பங்பி கல்யாண கம்மங்”தி ஸப்³பம்பி தா³னகம்மங், ஸப்³பம்பி பா⁴வனா கம்மங், அபசாயன கம்மங், வெய்யாவச்சகம்மங், பத்திதா³னகம்மங், பத்தானுமோத³னாகம்மங், த⁴ம்மஸவன கம்மங், த⁴ம்ம தே³ஸனா கம்மங், ஸப்³பம்பி தி³ட்டி²ஜுகம்மங் தீஸுத்³வாரேஸு பவத்தம்பி மனோகம்மங் நாமாதி யோஜனா. இமேஸு பன த்³வீஸு பரியாயேஸு பச்சி²மோயேவ பதா⁴னந்தி ஸம்ப³ந்தோ⁴. “யாவ தே³வா”தி அந்திம பரிச்சே²த³ ஜோதகோ நிபாதோ. மத்த²கபரிச்சே²தே³னாதி அத்தோ².

ஸீலபதே³. “ஸீலயதீ”தி ஸம்மா த³ஹதி ச உபதா⁴ரேதி சாதி த்³விதா⁴ அத்தோ². “ஸுஸமாஹிதானீ”தி ஸுப்பதிட்டி²தானி. “உபரிமே குஸல த⁴ம்மே”தி மஹக்³த லோகுத்தர குஸலத⁴ம்மே. ஸத்தஸு விஸுத்³தீ⁴ஸு உபரிமே சித்த விஸுத்³தா⁴தி³ குஸலத⁴ம்மே. “அதி⁴குஸல த⁴ம்மே”தி அதி⁴கே போ³தி⁴பக்கி²ய குஸல த⁴ம்மே. பரேஹி தி³ன்னங், ததே³வ பத்திங். ஸப்³பா³னி பன தானி தா³னாதீ³னி குஸலானி. ஸோதெ⁴ந்தி ஸப்புரிஸாஜனா. தானி ஏவபுஞ்ஞானி. ஏகமேகங் புஞ்ஞுகிரியவத்து². “இமினா பச்சயேனா”தி

சீவராதி³ பச்சயேன, அன்னபானாதி³ பச்சயேன, த⁴ன த⁴னஞ்ஞாதி³பச்சயேன
 வா. “ஸப்³புங்பி சேதங்”தி ஸப்³பும்பி ஏதங் த³ஸவித⁴ங் புஞ்ஞங். “ஹீனேன
 ச²ந்தே³னா”தி யஸகாமதாதி³வஸேன ஹீனேன ச²ந்தே³ன, ஹீனேன சித்தேன,
 ஹீனேன வீரியேன, ஹீனாய வீமங்ஸாய. “மஜ்ஜி²மேனா”தி
 புஞ்ஞப்ப²லகாமதாதி³வஸேன மஜ்ஜி²மேன. “பணீதேனா”தி கத்தப்³புமேவித³ந்தி
 அரியவங்ஸானு ப்³ருஹனவஸேன பணீதேன ச²ந்தா³தி³னா பவத்தி தங்
 பணீதந்தி யோஜனா. “யஸகாமதாயா”தி கித்தி ஸத்³த³காமதாய வா,
 பரிவாரகாமதாய வா. “புஞ்ஞப்ப²லகாமதாயா”தி ப⁴வஸம்பத்தி
 போ⁴க³ஸம்பத்திகாமதாய. “அரியபா⁴வங் நிஸ்ஸாயா”தி இத³ங் தா³னங் நாம
 அரியானங் வங்ஸோ. அஹம்பி அரியோ. தஸ்மா மயாபி கத்தப்³புமேவித³ந்தி
 ஏவங் அரியபா⁴வங் நிஸ்ஸாயாதி அத்தோ². எத்த² ச “அரியோ”தி ஆசார
 அரியோபி யுஜ்ஜதி த³ஸ்ஸன அரியோபி. தத்த² ஆசார அரியோ நாம
 ஸப்புரிஸோ புது²ஜ்ஜன கல்யாணகோ வுச்சதி. த³ஸ்ஸன அரியோ நாம
 பரமத்த² அரியோ. “பாரமிதா தா³னங்”தி ஸப்³புதா³னேஹி அக்³க³பத்தங்
 மஹாபோ³தி⁴ ஸத்தானங் பாரங்க³ததா³னங். தஞ்ஹி ஸப்³பு
 ஸத்தவிமொக்க²த்தா²ய பவத்தி தத்தா அக்³க³பத்தங் ஹோதி, பாரங்க³தங். ததோ
 உத்தரிதரஸ்ஸ கஸ்ஸசிதா³னஸ்ஸ அபா⁴வதோ. ஸேஸேஸுபி புஞ்ஞ
 க்ரியவத்து²ஸு. “திகத்³வயங்”தி புரிமாதி³ ஹீனாதி³ திகத்³வயங். “அந்திம
 வத்து²னா”தி அந்திம வத்து² அஜ்ஜா²பஜ்ஜனேன வா. “து³ஸ்ஸீலோ நாமா”தி
 து³ஸ்ஸீல பி⁴க்கு² நாம. ஸோ ஹி யாவபி⁴க்கு²ப்படிஞ்ஞங் ந விஜஹி. தாவ
 பி⁴க்கு² ஏவ. ந ஸாமணேரோ, ந கி³ஹீ. தங் சே அஞ்ஞோ பி⁴க்கு²
 அமூலகேன அந்திம வத்து²னா அனுத்³த⁴ங்ஸேதி. அனுத்³த⁴ங்ஸெந்தஸ்ஸ
 ஸங்கா⁴தி³ ஸேஸோ. ஓமஸவாதே³ பாசித்தியங். ஸஹஸ்யயட்டா²னே
 தேன ஸஹ அதிரேக ரத்திங் ஸயந்தஸ்ஸாபி ஆபத்தி நத்தி². தஸ்மா ஸோ
 து³ஸ்ஸீல பி⁴க்கு²த்வேவ வத்தப்³போ³தி. “புன கம்மவாசாய ஸமாதா³தப்³புந்தி
 நத்தி²”தி யதா² ஸிக்க²ங் பச்சக்க²ந்தஸ்ஸ ஸப்³புங் ஸமாதா³னங் பி⁴ஜ்ஜதி. புன
 பி⁴க்கு²பா⁴வங் இச்ச²ந்தேன புன கம்மவாசாய ஸமாதா³தப்³புங் ஹோதி.
 ஏவங் புன கம்மவாசாய ஸமாதா³தப்³புந்தி நத்தி². “இதரேஸு பனா”தி
 லிங்க³னாஸனங்க³தோ அஞ்ஞேஸு த³ண்ட³கம்மங்கே³ஸு. நிச்சஸீலாதீ³ஸு.
 “யங் நிச்சமேவ வட்டதி”தி யங் பாணாதிபாத விரதி ஸீலங் நிச்சமேவ ரக்கி²துங்
 வட்டதி. அனிச்சங் ந வட்டதி. கஸ்மா, பாணகா⁴தாதி³ங் கரொந்தஸ்ஸ
 ஸப்³புகாலம்பி து³ச்சரித ஸம்ப⁴வதோ. தேனாஹ “அனிச்சங் ஸாவஜ்ஜங்
 ஹோதி”தி. து³ச்சரிதங் ஹோதி² அத்தோ². “யங் நிச்சம்பி வட்டதி”தி பகதி
 க³ஹட்டா²னங் யங் விகால போ⁴ஜனாதி³ விரதி ஸீலங் நிச்சம்பி வட்டதி.
 “அனிச்சம்பி வட்டதி”தி ஸமாதா³ன தி³வஸங் அதிக்மித்வா விகால
 போ⁴ஜனாதி³ங் கரொந்தஸ்ஸ வீதிக்கம தோ³ஸோவா து³ச்சரித தோ³ஸோ வா
 நத்தி²தி அதி⁴ப்பாயோ. தேனாஹ “ஸாவஜ்ஜங் ந ஹோதி”தி. து³ச்சரிதங் ந
 ஹோதி²தி அத்தோ². ததா² த³ஸஸீலஞ்ச பகதி க³ஹட்டா²னங் அனிச்சஸீலங்

நாமாதி யோஜனா. “அனிச்சஸீலமேவ ஹோதி”தி பகதி க்ஹட்டா²னங் தங் துஸஸீலங் யாவஜீவங் நிச்சங் கத்வா ஸமாதி³யித்வா ரக்²ந்தானம்பி அப³ப³ஜிதத்தா ப³ப³ஜிதேஸு ஜாதி ஸபா⁴வேனேவ ஸித்³த⁴ங் நிச்சஸீலங் நாம ந ஹோதி. யாவஜீவங் கத்வா ஸமாதா³ன வஸேனேவ நிச்சங் ஹோதீதி அதி⁴ப்பாயோ. “வேஸதா⁴ரணேன ஸஹ ஸித்³த⁴த்தா”தி எத்த² கத்²ங் வேஸதா⁴ரணேன ஸித்³த⁴ங் ஹோதீதி. வேஸதா⁴ரணங் நாம கி³ஹிவத்த²ங் பஹாய காஸாய வத்த² தா⁴ரணங். காஸாயவத்த²ஞ்ச நாம அரஹத்த⁴ஜோ ஹோதி. ந ச அரஹத்த⁴ஜங் தா⁴ரெந்தஸ்ஸ ஸிக்கா²பத³ங் அஸமாதி³யந்தஸ்ஸபி விகாலே பு⁴ஞ்ஜிதுங் வட்டதி. ததா² நச்சாதீ³னி பஸ்ஸிதுங், மாலாதீ³னி தா⁴ரேதுங், உச்சாஸயனாதீ³ஸு வஸிதுங், ஜாதருபாதீ³னி ஸாதி³துங். கஸ்மா இதி சே, தேஸஞ்ஹி தங் தங் யதா²ஸகங் ஸீலங் நிச்சங் ஸுத்³த⁴ங் கத்வா ரக்²தி³மேவ வட்டதீதிஆதி³னா காரணங் ஹெட்டா² வுத்தமேவாதி. “அப்பனங் அபத்தாவ அதி⁴ப்பேதா”தி அப்பனாபத்தானங் மஹக்³தபா⁴வனானங் விஸுங் உபரி வக்²மானத்தாதி அதி⁴ப்பாயோ. “எத்தே²வா”தி இமஸ்மிங் பா⁴வனா கம்மே ஏவ. “தே ஸஞ்ஞேவா”தி ரதனத்தயாதீ³னங் ஏவ ச. க்ந்துங் ஆரத்³தோ⁴ க்மிகோ. அத்³தா⁴னங் தீ³க⁴மக்³ங் க்ச்ச²ந்தோ அத்³தி⁴கோ. “பரிஸுத்³தே⁴னா”தி லாப⁴ஸக்காராதி³ நிரபெக்²தாய அத்துக்கங் ஸன பரவம்ப⁴னாதி³ ரஹிததாய ச பரிஸுத்³தே⁴ன. “ஹிதப்ப²ரண சித்தேனா”தி மயி கரொந்தே இமஸ்ஸ எத்தகங் ஹிதஸுக²ங் ப⁴விஸ்ஸதீதி ஏவங் தேஸங் ஹிதஸுகே²ஸு ப²ரண சித்தேன. மெத்தசித்தேனாதி வுத்தங் ஹோதி. “அத்தனோ கிச்சேஸு வியா”தி ஏதேன தேஸங் ஸப்³ப³ங் கிச்சங் அத்தனோபா⁴ரங் கரோதீதி தீ³பேதி. “ஸாதா⁴ரண கரணங்”தி அத்தனோ புஞ்ஞங் பரேஸங் தா³னங். அத்த மனதாபவேத³னியாது⁴ஸாதா⁴தி வசீபே⁴த³கரணங். தஞ்ஹிதி³ன்னஞ்சானுமோதி³தஞ்ச தி³ட்ட²த⁴ம்மவேத³னியங் ஜாதந்தி ஸம்ப³ந்தோ⁴. “யோனிஸோமனஸிகாரே ட²த்வாதி எத்த² ஸிலோகாதி³பக்கி²கங் அயோனிஸோமனஸிகாரங் ஜஹித்வா ஸுணந்தஸ்ஸ இமங் த⁴ம்மங் ஸுத்வா அத்த²ரஸத⁴ம்மரஸப்படிஸங்வேதீ³ ப⁴விஸ்ஸாமீதி, தே³ஸெந்தஸ்ஸ இமங் தே³ஸெந்தோ த⁴ம்மஸ்ஸ ச ஸுணந்தானஞ்ச அனுக்³ஹங் கரிஸ்ஸாமீதி யோனிஸோமனஸிகாரே ட²த்வா. லாப⁴ ஸக்காராதி³ பக்கி²கோ மனஸிகாரோ அயோனி ஸோமனஸிகாரோ நாம. நிய்யானத்த² நிஸ்ஸரணத்த² பக்கி²கோ யோனிஸோமனஸிகாரோ நாம. நிரவஜ்ஜ கம்மானி நாம கஸிகோ³ரக்கா²தி³ கம்மானி. நிரவஜ்ஜஸிப்பானி நாம வட்³ட⁴கிஸிப்பாதீ³னி வேஜ்ஜஸிப்பாதீ³னி ச. நிரவஜ்ஜ விஜ்ஜாடா²னானி நாம பருபரோத⁴ர ஹிதானி அங்க்விஜ்ஜா வேத³விஜ்ஜா மந்தவிஜ்ஜாதீ³னி. “வோதா³ன கரணங்”தி விஸேஸேன விஸுத்³த⁴கரணங். “தங் ஸபா⁴வத்தா”தி தா³னஸபா⁴வத்தா. “சாரித்த ஸீலத்தா”தி ஸப்புரிஸானங் பகதி சாரித்த ஸீலத்தா. புன “தங் ஸபா⁴வத்தா”தி பா⁴வனா ஸபா⁴வத்தா. ததா²ஹி

தே³ஸெந்தஸ்ஸ ச ஸுணந்தஸ்ஸ ச தே³ஸனாஸோதானுஸாரேன
 சித்தபா⁴வனா ஞாணபா⁴வனாவஹத்தா தே³ஸனாஸவனா ஸபா⁴வா
 ஹொந்தி. அத்தனோ தி³ட்டி²ங் ஸயமேவ உஜுங் கரொந்தஸ்ஸ ச
 ஞாணபா⁴வனா கம்மமேவ. ததா² பரஸ்ஸ த⁴ம்மதே³ஸனங் ஸுத்வா உஜுங்
 கரொந்தஸ்ஸாபீதி. “த⁴ம்மோ நாம நத்தி²”தி தே³ஸனா த⁴ம்மோ நாம நத்தி².
 கஸ்மா, தா³னஸ்ஸிலானி தே³ஸெந்தேனபி அந்தே லக்க²ணத்தயேன
 ஸஹஸ்ச்சப்பகாஸனஸ்ஸ கத்தப்³ப்த்தா. ஏதேன தே³ஸனாஸவனா அந்தே
 லக்க²ணத்தயானுபஸ்ஸனா பா⁴வனா கம்மட்டா²னே பதிட்டி²தத்தா தங்
 ஸபா⁴வா ஹொந்தீதி த³ஸ்ஸேதி. “மனோகம்ம மேவா”தி பது³த்தா⁴ரோ.
 “மனஸ்மிங் ஏவா”தி மனொத்³வாரே ஏவ. “கிச்சஸித்தி⁴தோ”தி
 அப்பனாகிச்சஸ்ஸ ஸிஜ்ஜ²னதோ. “அங்க³பா⁴வா ஸம்ப⁴வதோ”தி அப்பனா
 கிச்சஸித்தி⁴யங் அங்க³பா⁴வா ஸம்ப⁴வதோ. “தஞ்சபா⁴வனா மய”ந்தி
 பது³த்தா⁴ரோ. “தா³னாதி³வஸேனா”தி தா³னஸ்ஸிலவஸேன. தா³னவஸேன
 அப்பவத்தனதோதி இத³ங் தாவ யுஜ்ஜதி. ஸீலவஸேன அப்பவத்தனதோதி
 இத³ங் பன பானியா ந ஸமேதி. பானியஞ்ஹி மஹக்³தஜ்ஜா²னேஸுபி
 பஹானங் ஸீலங் வேரமணி ஸீலந்திஆதி³ வுத்தந்தி சோத³னா. தங்
 பரிஹரந்தோ “யங் பனா”திஆதி³மாஹ. “பரியாயேன வுத்தங்”தி கேனபரியாயேன
 வுத்தந்தி. பகதி சாரித்தங் ஸீலந்தி வுச்சதி. உப்பன்னே ச பத²மஜ்ஜா²னே
 நீவரணானங் பஹானங் நாம பகதிசாரித்தமேவ பகதி நியாமேன பவத்தமேவ.
 இதி பகதிசாரித்தத்தா ஸீலந்தி வுத்தங். புன நீவரணானங் பஹானமேவ தேஹி
 விக³மனட்டே²ன வேரமணிதி ச, பித³ஹனட்டே²ன ஸங்வரோதி ச, பஹான
 கிச்சங் அவிஜஹனட்டே²ன அவீதிக்கமோதி ச, வுத்தங். சேதனாஸீலந்தி எத்த²
 பன ஜா²னஸம்பயுத்த சேதனா ஏவ வுச்சதி. ஸா ச ஸீலஜாதி கத்தா ஸீலந்தி
 வுத்தாதி த³ட்ட²ப்³பங். “அப்பனாபத்த”ந்தி பது³த்தா⁴ரோ. “ஜா²னபே⁴தே³னா”தி
 பன வத்தப்³பங். ரூபாவசரகுஸலஞ்ஹி ஜா²னபே⁴தே³ன பஞ்சவித⁴ங்,
 ஜா²னமேவ பன ஜா²னங்க³பே⁴தே³ன பஞ்சவித⁴ந்தி.

குஸலகம்மதீ³பனா நிட்டி²தா.

153. “எத்தா²”திஆதி³ஸு. “த⁴ம்மஸங்க³ஹே”தி த⁴ம்மஸங்க³ணி பானியங்.
 “த³ஸ்ஸனேனா”தி ஸோதாபத்தி மக்³க³ஞ்ஞாணேன. “தங்”தி உத்³த⁴ச்ச
 சேதனங். “பா⁴வனாயா”தி உபரிமக்³க³த்தயஸங்கா²தாய பா⁴வனாய.
 பானிபாடே². “சித்துப்பாதா³”தி சித்தசேதஸிகா வுச்சந்தி. “ஸியா”தி ஏகச்சேதி
 அத்தே² நிபாத பத³ங். இமேஸு ச²ஸு சித்துப்பாதே³ஸு ஏகச்சே ச² சித்துப்பாதா³
 ஸோதாபத்தி மக்³கே³ன பஹாதப்³பா³, ஏகச்சே ச² சித்துப்பாதா³ தீஹி உபரி
 மக்³கே³ஹி பஹாதப்³பா³தி அத்தோ². தத்த² பத²மபதே³ “ஏகச்சே ச²
 சித்துப்பாதா³”தி கம்மபத²பத்தகம்மஸஹஜாதா ச² சித்துப்பாதா³. து³தீய பதே³
 “ஏகச்சே ச² சித்துப்பாதா³”தி அகம்மபத² பத்தா த⁴ம்மிகேஸு டா²னேஸு
 அஸ்ஸாத³னாபி⁴ நந்தா³தி³வஸேன பவத்தா ச² சித்துப்பாதா³. “தத்தா²”தி

த⁴ம்மஸங்க³ஹே. “இதரத்தா²”தி இதரேஸு பா⁴வனாய பஹாதப்³பே³ஸு. “தஸ்ஸா”தி நானக்க²ணிக கம்மபச்சயஸ்ஸ. பானிபாடே². “ஸஹஜாதா”தி அத்தனோ பச்சயுப்பன்னேஹி ஸஹஜாதா. “நானக்க²ணிகா”தி அத்தனோ பச்சயுப்பன்னேஹி அஸஹஜாதா அதீதகாலபூ⁴தே நானக்க²ணே பவத்தா பாணாதிபாதாதி³ சேதனா. “யதி³ ஏவங்”தி ஏவங் யதி³ ஸியாதி அத்தோ². யதி³ உத்³த⁴ச்ச சேதனா த்³ஸ்ஸன பதே³ அனுத்³த⁴டத்தா படிஸந்தி⁴ங் நாகட்³ட⁴தீதி விஞ்ஞாயெய்ய. ஏவங் ஸதீதி பாட²ஸேஸோ. “சே”தி சே வதெ³ய்ய. “நா”தி ந ஸக்கா வத்துங். “தஸ்ஸா விபாகஸ்ஸா”தி தஸ்ஸா உத்³த⁴ச்ச சேதனாய விபாகஸ்ஸ. பானிபாடே². “இமேஸு த⁴ம்மேஸு ஞாணங்”தி இமே த⁴ம்மே ஆரம்மணங் கத்வா உப்பன்னஞ்ஞாணங். “தேஸங் விபாகே”தி உத்³த⁴ச்ச ஸஹக³தானங் விபாகே. “ஞாணங்”தி தங் விபாகங் ஆரம்மணங் கத்வா உப்பன்னஞ்ஞாணங். “ஸப்³பு து³ப்³புலந்தி ச ஸக்கா வத்துங்”தி ஸம்ப³ந்தோ⁴. “அதிவிய காளகத⁴ம்மத்தா”தி புத்³தா⁴தீ³ஸு மஹந்தேஸு டா²னேஸு ஸத்³தா⁴ரதனஸ்ஸ அந்தராயங் கத்வா பவத்தனதோ அதியேவகண்ணஹ த⁴ம்மத்தா. தஸ்ஸா விசிகிச்சா² சேதனாய படிஸந்தி⁴ ஆகட்³ட⁴னம்பி விஞ்ஞாதப்³புந்தி யோஜனா. “ஸபா⁴வ விருத்³த⁴த்தா யேவா”தி விசிகிச்சா² அஸன்னிட்டா²ன ஸபா⁴வா. அதி⁴மொக்கோ² ஸன்னிட்டா²ன ஸபா⁴வோதி ஏவங் ஸபா⁴வ விருத்³த⁴த்தாயேவ.

“ஸப்³புத்தா²”திஆதீ³ஸு. “விபச்சதீதி விபாசேதீ”தி வத³ந்தி. தங் பன பத³ரூபேன ந ஸமேதீதி அஞ்ஞங் அத்த²ங் வத³ந்தோ “ஸப்³பும்பி வா”திஆதி³மாஹ. “மஹாஸம்பத்தியோ ஸமுட்டா²பெத்வா”தி தே³வலோகே தே³வஸம்பத்தி ஸதி³ஸா தி³ப்³புவிமானாதி³கா மஹாஸம்பத்தியோ ஸமுட்டா²பெத்வா. இத³ங் “ஓகாஸங் கத்வா”தி பதே³ விலேஸஸனங். தத்த² “ஸுக² விபாகங்”தி இத³ங் அட்ட² அஹேதுக விபாகானி ஸந்தா⁴ய வுத்தங். ரூபலோகே ப்³ரஹ்மானங் ரூபகாயோ ரூபாவசர கம்மேன நிப்³புத்தோ. ஸோ ச காமாவசர த⁴ம்ம ஸமுஹோ ஏவ. ஏவங் ஸந்தே தஸ்மிங் லோகே பஞ்ச அஹேதுக விபாகானிபி ரூபாவசர கம்மேன நிப்³புத்தானி ஸியுந்தி சோத³னா. தங் பரிஹரந்தோ “ரூபாவசர குஸலங்ஹீ”திஆதி³மாஹ. “தானீ”தி அபாயபூ⁴மியங் உப்பன்னானி அட்ட² அஹேதுக விபாகானி. “ஸப்³புஸ்மிங் காமலோகே”தி ஏகாத்³ஸவிதே⁴ காமலோகே. “தேஸு சா”தி தேஸு அட்ட² அஹேதுக விபாகேஸு ச. “ஆரம்மணந்தரே”தி கஸிண நிமித்தாதி³தோ அஞ்ஞஸ்மிங் ஆரம்மணே. “நிமித்தா ரம்மணே”தி கஸிண நிமித்தாதி³கே நிமித்த பஞ்ஞத்தா ரம்மணே. “தானி பஞ்சவிபாகானீ”தி சக்² விஞ்ஞாணாதீ³னி பஞ்ச அஹேதுக விபாகானி காமாவசர குஸல கம்மஸ்ஸேவ விபாகானி ஹொந்தீதி யோஜனா. “ஸோளஸக மக்³கோ³”தி ஸோளஸகதா² மக்³கோ³ கதா²பப்³ந்தோ⁴. ஏவங் த்³வாத்³ஸ கமக்³கோ³. “அஹேதுகட்ட²க”ந்தி அஹேதுக விபாகட்ட²கங். ஸம்மா பகாரேன ஜானாதீதி ஸம்பஜானங். ஞாணங். ஸம்பஜானேன கதந்தி விக்³க³ஹோ. ந ஸம்பஜானகதங் அஸம்பஜானகதங். “ஸத்³த³ஹித்வா”தி ஏதேன

தி³ட்டு²ஜு கம்மஞாண ஸம்பத்திங் தீ³பேதி. ந ஹி தேன ஞாணேன
 அஸம்பன்னோ கம்மஞ்ச கம்மப²லஞ்ச ஸத்³த³ஹதீதி. ஜானித்வாதி வா பாடோ²
 ஸியா. “ஏகமேகங்”தி ஏகமேகங் குஸலகம்மங். “குஸல ஸமயே”தி குஸல
 கம்ம கரணகாலே. குஸலுப்பத்திகாலே வா. யஸ்ஸமே ஈதி³ஸங் புஞ்ஞங்
 பஸுதங். தஸ்ஸமே ப⁴வலாபோ⁴ போ⁴க³லாபோ⁴ மித்தலாபோ⁴
 ஸப்³பே³லாபா⁴ ஏகந்தேன ஸுலாபா⁴தி அத்தோ². “ஸுலத்³த⁴ங்”தி இத³ங்
 புஞ்ஞங் ஸுலத்³த⁴ங். தே³வேஸு ச மனுஸ்ஸேஸு ஸங்ஸரித்வாதி
 பாட²ஸேஸோ. “ஸேஸேனா”தி தஸ்ஸகம்மஸ்ஸ விபாகாவஸேஸேன.
 அட்ட²கதா² பாடே². “ஏகபிண்ட³பாதஸ்மிங்”தி ஏகவாரங் பிண்ட³பாததா³னே.
 ஸங்யுத்தட்ட²கதா²யங் வுத்தங். தஸ்மா யங் வுத்தங் ‘ஏகா சேதனா ஏகமேவ
 படிஸந்தி⁴ங் தே³தீதி, தங் ஸுவுத்தந்தி அதி⁴ப்பாயோ. “படிபக்கே²ஹி”தி
 படிபக்கே²ஹி அகுஸலேஹி. விஸேஸேன பு⁴ஸங் முள்ளோ
 ப்யாமுள்ளோ. அதிவிய ப்யாமுள்ளோ அதிப்யாமுள்ளோ.
 அதிப்யாமுள்ளுத்தா²ய பச்சயபு⁴தந்தி விக்³க³ஹோ. அதிது³ப்பஞ்ஞாய
 பச்சயபு⁴தந்தி அத்தோ². ஸோ ஹி தே²ரோ வத³தீதி ஸம்ப³ந்தோ⁴. “இதி
 கத்வா”தி ஏவங் மனஸிகரித்வா. “ஸன்னிஹிதபச்சயமத்தேனா”தி ஆஸன்னே
 ஸண்டி²தபச்சய மத்தேன. “பு³ப³பயோக³ பச்சயமத்தேனா”தி வுத்தங் ஹோதி.
 ப³லவகம்மவஸேன உப்பன்னத்தா திக்க²தரங் விபாகங். யதா³ பயோக³
 ரஹிதேன பச்சயக³ணேன உப்பஜ்ஜதி, ததா³ அஸங்கா²ரிகங் நாம. யதா³
 பயோக³ஸஹிதேன, ததா³ ஸஸங்கா²ரிகங் நாம. தத்த² அஸங்கா²ரிகங் திக்க²ங்
 நாம. ஸஸங்கா²ரிகங் மந்த³ங் நாம. ததா² து³ப³ப³ல கம்மேன உப்பன்னே
 மந்த³விபாகேபி யோஜேதப³ப³ங். ஏவங் திக்க²மந்தா³னங் மந்த³திக்க²தாபத்தி நாம
 ஸியா. ந ச ததா² ஸக்கா ப⁴விதுந்தி அதி⁴ப்பாயோ. எத்த² ஸியா, யதி³
 பு³ப³கம்மவஸேன அட்ட²ன்னங் மஹாவிபாகானங் ஸங்கா²ரபே⁴தோ³
 ஸித்³தோ⁴ ஸியா, அட்ட²ன்னங் அஹேதுக விபாகானம்பி
 ஸோஸங்கா²ரபே⁴தோ³ ஸித்³தோ⁴ ப⁴வெய்ய. தானிபி ஹி கானிசி
 அஸங்கா²ரிகேன கம்மேன நி³ப³த்தானி, கானிசி ஸஸங்கா²ரிகேனாதி
 சோத³னா. தங் பரிஹரந்தோ “அஹேதுக விபாகானங் பனா”திஆதி³மாஹ.
 “உப⁴யகம்ம நி³ப³த்தனங்”தி தேஸங் ஸங்கா²ர பே⁴த³ரஹிதத்தா
 அஸங்கா²ரிக கம்மேனபி விரோதோ⁴ நத்தி². ஸஸங்கா²ரிக கம்மேனபி
 விரோதோ⁴ நத்தி². அஸங்கா²ரிக கம்மேனபி நி³ப³த்தந்தி. ஸஸங்கா²ரிக
 கம்மேனபி நி³ப³த்தந்தி. ஏவங் உப⁴யகம்ம நி³ப³த்தனங் யுத்தங். “இதி
 அதி⁴ப்பாயோ”தி தஸ்ஸ தே²ரஸ்ஸ அதி⁴ப்பாயோ. “ந கம்மாக³மன
 வஸேனா”தி கம்மஸங்கா²தஸ்ஸ சிரகாலதோ ஆக³மன பச்சயஸ்ஸ வஸேன.
 “ஆக³மனங்”தி ச ஆக³ச்ச²தி ஏதேனாதி ஆக³மனந்தி விக்³க³ஹோ.
 “கம்மப⁴வே”தி அதீதே கம்மகரணப⁴வே. “கேசனா”தி கேசி. அட்ட²ஸாலினியங்
 பன ஆக³தாதி ச. படிஸம்பி⁴தா³ மக்³கே³ பன த்³விஹேதுகா வுத்தாதி ச
 ஸம்ப³ந்தோ⁴. இமஸ்மிங் டா²னே படிஸம்பி⁴தா³ மக்³க³ட்ட²கதா² வசனம்பி

வத்தப்³ப³ந்தி வத³ந்தோ “தத்த² பனா”திஆதி³மாஹ. “தீஸுக²ணேஸு”தி
கம்மக்க²ணே நிகந்திக்க²ணே படிஸந்தி⁴க்க²ணேதி தீஸுக²ணேஸு.

“ஓகாகாராபனா”தி அபி⁴த⁴ம்மஓகாகாராபன. “ஸாவஸேஸபாடோ²”தி பானியங்
திஹேதுகேன கம்மேன த்³விஹேதுக படிஸந்தி⁴, த்³விஹேதுகேன கம்மேன
அஹேதுக படிஸந்தி⁴ அவஸேஸா ஹோதி. ஏவங் அவஸேஸ வாக்கய
ஸஹிதோ பாடோ². ஸரிக்க²மேவ ஸரிக்க²கங். கம்மேன ஸரிக்க²கங் ஸதி³ஸங்
கம்மஸரிக்க²கங். விபாகங். “மஹாதே²ரேனா”தி ஸாரிபுத்த மஹாதே²ரேன.
ஏவஞ்ச கத்வாதிஆதி³னா ஓகாகாரானங் வசனங் உபத்த²ம்பே⁴தி.

காமாவசரகம்மங் நிட்டி²தங்.

154. ரூபாவசரகம்மே. “அப்பகு³ணதாயா”தி அபரிசிததாய. அவட்³ட⁴தாய.
“ஹீனேஹி ச²ந்தா³தீ³ஹி”தி லாப⁴ஸக்கார ஸிலோகாதி³ ஸாபெக்க²தாய
ஹீனேஹி ச²ந்தா³தீ³ஹி. “தே த⁴ம்மா”தி ச²ந்தா³த³யோ த⁴ம்மா. தானி இத⁴
நாதி⁴ப்பேதானி. கஸ்மா, உபபத்திப்பபே⁴த³ஸ்ஸ அஸாத⁴கத்தாதி
அதி⁴ப்பாயோ. “இமானேவா”தி இமானி ஏவ ஜா²னானி. “திவிதா⁴ஸு”தி
ஏகஸ்மிங்தலே ப்³ரஹ்மபாரிஸஜ்ஜாதி³ வஸேன திவிதா⁴ஸு.
“அட்டா²ரஸப்பபே⁴தே³ன விப⁴ஜித்வா”தி தீஸு ஹீன மஜ்ஜி²மபணீதேஸு
ஏகேகஸ்மிங் ஹீன ஹீனங் ஹீன மஜ்ஜி²மங் ஹீன பணீதந்திஆதி³னா
விப⁴த்தேன நவவிதா⁴னி ஹொந்தி. புன தேஸு தீணி மஜ்ஜி²மானி.
மஜ்ஜி²மஹீனங் மஜ்ஜி²மமஜ்ஜி²மந்திஆதி³னா விப⁴த்தானி நவவிதா⁴னி
ஹொந்தி. ஏவங் அட்டா²ரஸபே⁴தே³ன விப⁴ஜித்வா. “கம்மத்³வாரானி நாமா”தி
கம்மப்பவத்தி முகா²னி நாம. “இமேஹி பபா⁴விதத்தா”தி இமேஹி
பபா⁴வேஹி மூலகாரணேஹி பபா⁴விதத்தா பவத்தாபிதத்தா.
“அட்டா²ரஸக²த்தியா”தி ஹீனமஜ்ஜி²மாதி³பே⁴தே³ன அட்டா²ரஸ க²த்தியா. ததா²
அட்டா²ரஸ ப்³ராஹ்மணாத³யோ. அட்ட² சத்தாலீஸ கொ³த்தானி நாம
ஹீனமஜ்ஜி²மா தி³வஸேன விப⁴த்தானி கோ³தமகொ³த்தாதீ³னி
அட்ட²சத்தாலீஸ கொ³த்தானி. தேஸங் சாரித்த படிபத்திபு⁴தானி சரணானிபி
அட்ட²சத்தாலீஸ ஹொந்தீதி. எத்த² ஸியா. புரிம வசனே ஹீனாதீ³னி
ப்³ரஹ்மலோகே, அட்ட²கதா² வசனேஹீனாதீ³னி மனுஸ்ஸலோகேதி
ஸாதே⁴தப்³பங் அஞ்ஞங், ஸாத⁴கங் அஞ்ஞந்தி சோத³னா. தங் பரிஹரதி
“ஏதேனஹி”திஆதி³னா. “உபலக்கே²தீ”தி பச்சக்க²தோ பாகடங் ஏகதே³ஸங்
த³ஸ்ஸெத்வா அபாகடே தாதி³ஸேபி ஜானாபேதீதி அத்தோ². “ஸமத்தா²
ஸமத்த²ங் வா”தி ஸமத்தா² ஸமத்த²பா⁴வங் வா. “ததா² ஹானேனா”தி
ததா²ஹி அனேன ஆசரியேன. அனுருத்தா⁴ சரியேனாதி வுத்தங் ஹொதி. நாம
ரூப பரிச்சே²தே³ வுத்தந்தி ஸம்ப³ந்தோ⁴. ஸமானாஸேவனே லத்³தே⁴ ஸதி,
மஹப்³லே விஜ்ஜமானே மஹக்³தகம்மங் விபாகங் ஜனேதி. தாதி³ஸங்
ஹேதுங் அலத்³தா⁴ அலபி⁴த்வா அபி⁴ஞ்ஞா சேதனா விபாகங் ந பச்சதீதி
யோஜனா. தத்த² “ஸமானா ஸேவனே”தி பூ⁴மிஸமானதா வஸேன

ஸமானாஸேவனே. காமஜவனங் காமஜவனேன ஸமானாஸேவனங்.
ருபஜவனங் ருபஜவனேன. அருபஜவனங் அருபஜவனேனாதி த³ட்ட²ப³ப³ங்.
தேன வுத்தங் “ஸமானபூ⁴மிகதோ”திஆதி³. தத்த² “தத³பா⁴வதோ”தி
தாதி³ஸஸ்ஸ ப³லவபா⁴வஸ்ஸ அபா⁴வதோ. ஏகவாரமத்தபூ⁴தா மஹக்³க³த
சேதனா ச. “ஸப்³ப³ பத²மபூ⁴தா”தி ஸமாபத்தி வீதீ²ஸு கொ³த்ரபு⁴ஸ்ஸ
அனந்தரே மஹக்³க³த ஜவனங் ஸந்தா⁴ய வுத்தங். லோகுத்தர மக்³க³சேதனா
கதா³சிபி ஸமானா ஸேவனங் ந லப⁴தி. ஏவங் ஸந்தேபி அத்தனோ
அனந்தரதோ பட்டா²ய யாவஜீவம்பி ப⁴வந்தரேபி அரியப²லங் ஜனேதியேவ.
ஏவமேவாதி வுத்தங் ஹோதி. இத³ங் பவத்திப²லங் நாம ஹோதி, இத⁴ பன
படிஸந்தி⁴ ப²லங் விசாரிதங், தஸ்மா அஸமானங் இத³ங் நித³ஸ்ஸனந்தி சே.
வுச்சதே. மக்³க³சேதனா நாம தண்ஹா ஸஹாயகங் வட்டகா³மி கம்மங் ந
ஹோதி. அதண்ஹா ஸஹாயகங் விவட்டகா³மி கம்மங் ஹோதி. தஸ்மா
படிஸந்தி⁴ங் ந தே³தி. ஸசே பன தங் தண்ஹா ஸஹாயகங்
வட்டகா³மிகம்மங் ப⁴வெய்ய. படிஸந்தி⁴ காலேபி ப²லங் த³தே³ய்ய.
அஸமானா ஸேவனதா பமாணங் ந ப⁴வெய்ய. ஏவங் அஞ்ஞகாரணத்தா
அஸமானங் நித³ஸ்ஸனங் ஹோதி. ந அஸமானா ஸேவனதாயாதி
த³ட்ட²ப³ப³ங். “உபசிதத்தா”தி புனப்புனங் ஆஸேவன லாபே⁴ன வட்³டி⁴தத்தா.
“ஸா சேதனா”திஆதி³கம்மிகமஹக்³க³த சேதனா ச. “நா”தி சோத³னா , ந
ஸியாதி அத்தோ². ந ச ஸாபி ஸமானபூ⁴மக த⁴ம்மதோ லத்³தா⁴ ஸேவனா
ஹோதி. ஏவங் ஸந்தேபி கதத்தா பா⁴விதத்தாதி வுத்தங். பா⁴விதத்தாதி ச
புனப்புனங் ஆஸேவன லாபே⁴ன வட்³டி⁴தத்தா இச்சேவத்தோ². தஸ்மா
விஞ்ஞாயதி அஸமானபூ⁴மிகேஹி புப்³ப³பா⁴க³ப்பவத்தேஹி காமஜவனேஹி
பரம்பரதோ புனப்புனங் லத்³தா⁴ ஸேவனதாய ஏவ இத⁴ உபசிதத்தாதி
வுத்தந்தி. தேன வுத்தங் “உப⁴யத்த² பனா”திஆதி³. தத்த² “உப⁴யத்தா²”தி
உப⁴யேஸு கதத்தா உபசிதத்தாதி ச கதத்தா பா⁴விதத்தாதி ச வுத்தேஸு
பாடே²ஸு. “பத²ம ஸமன்னாஹாரதோ பட்டாயா”தி மஹக்³க³தஜ்ஜா²னே
அப்பனாவீதி²தோ புரே த்³வீஸு பரிகம்ம பா⁴வனா உபசார பா⁴வனாஸு
பரிகம்ம பா⁴வனங் பா⁴வெந்தஸ்ஸ பத²வீ பத²வீதிஆதி³னா பத²ம
ஸமன்னாஹாரதோ பட்டா²ய. லோகுத்தர மக்³கே³பன த³ஸஸு விபஸ்ஸனா
ஞானேஸு ஸப்³ப³பத²மங் ஸம்மஸனஞ்ஞாணங் பா⁴வெந்தஸ்ஸ ரூபங்
அனிச்சங் வேத³னா அனிச்சாதிஆதி³னா பத²ம ஸமன்னாஹாரதோ பட்டா²யாதி
அத்தோ². உபசினித்வாதி ச பா⁴வெத்வாதி ச வட்³டெ⁴த்வா இச்சேவ அத்தோ².
“அப்³பு⁴ண்ஹா”தி அபி⁴னவாதி வுத்தங் ஹோதி. “அயங் வாதோ³”தி
அனுருத்³தா⁴ சரியஸ்ஸ வாதோ³. யதி³ ஏவங், அட்ட²கதா²ஸு ஸங்கா²ர
பச்சயா விஞ்ஞாண பத³ நித்³தே³ஸேஸு அபி⁴ஞ்ஞா சேதனா பனெத்த² பரதோ
விஞ்ஞாணஸ்ஸ பச்சயோ ந ஹோதீதி ந க³ஹிதாதி வுத்தங். தத்த² அஞ்ஞங்
யுத்தங் காரணங் வத்தப்³ப³ந்தி, தங் வத³ந்தோ “சதுத்த²ஜ்ஜா²ன ஸமாதி⁴ஸ்ஸ
பனா”திஆதி³மாஹ. “ஃகாகாரா”தி அபி⁴த⁴ம்மஃகாகாரா. “தஸ்ஸா பனா”திஆதி³

அத்தனோவாத் த்ஸ்ஸனங். ஸாதெ⁴ந்தியா அபி⁴ஞ்ஞா சேதனாய.
அசித்தகப⁴வ பத்த²னாஸஹிதங் ஸஞ்ஞா விராக்ந்தி ஸம்ப³ந்தோ⁴.
“இதா⁴”தி மனுஸ்ஸ லோகே.

“அனாகா³மினோ பனா”திஆதீ³ஸு. “ஏதேனா”தி ஏதேன அத்த² வசனேன.
“ஸத்தா⁴தி⁴கோ”தி ஸந்தி⁴ந்த்³ரியாதி⁴கோ. ஏவங் வீரியாதி⁴காதீ³ஸுபி.
“அத்தனா லத்த⁴ ஸமாபத்தீனங்”தி ஏகஸ்ஸபி புக்³க்³லஸ்ஸ ப³ஹுனங்
அத்தனா லத்த⁴ ஸமாபத்தீனங். தேஸு புது²ஜ்ஜன ஸோதாபன்ன
ஸகதா³கா³மீஸு. “புது²ஜ்ஜனோ”தி ஜா²னலாபி⁴ புது²ஜ்ஜனோ. “நிகந்தியாஸதீ”தி
காமப⁴வனிகந்தியா ஸதி. “இதரே பனா”தி ஸோதாபன்ன ஸகதா³கா³மினோ
பன. பரிஹீனஜ்ஜா²னா ஏவ தத்த² நிப்³பத்தந்தி. ந நிகந்தி ப³லேனாதி
அதி⁴ப்பாயோ. விபா⁴வனிபாடே² “தேஸங் பீ”தி ஜா²னலாபி⁴ ஸோதாபன்ன
ஸகதா³கா³மீனம்பி. இச்ச²ந்தேன டகாசரியேன. ததா² நிகந்தியா ஸதி
புது²ஜ்ஜனாத³யோ காமாவசர கம்ம ப³லேன காமப⁴வேபி நிப்³பத்தந்தீதி
யோஜனா. சேதோபணிதி⁴ இஜ்ஜ²தி. கஸ்மா, விஸுத்த⁴த்தா.
ஸீலவிஸுத்த⁴த்தாதி அதி⁴ப்பாயோ. “தே”தி ஜா²னலாபி⁴ ஸோதாபன்ன
ஸகதா³கா³மினோ. அங்குத்தர பாடே². “ஸஹத³ஸ்ஸனுப்பாதா³”தி ஸோதாபத்தி
மக்³க்³ஞ்ஞாணங் த்ஸ்ஸனந்தி வுச்சதி. த்ஸ்ஸனஸ்ஸ உப்பாத³க்³க்³ணேன
ஸத்தி⁴ங். நத்தி² தஸ்ஸ தங் ஸங்யோஜனந்திபி பாடோ². “இமங் லோகங்”தி
இமங் காமலோகங். “விபஸ்ஸனா நிகந்தி தண்ஹா”தி தேனேவ த⁴ம்மராகே³ன
தாய த⁴ம்ம நந்தி³யாதி ஏவங் வுத்தா விபஸ்ஸனா ஸுகே² நிகந்தி தண்ஹா.
பச்சயே ஸதி குப்பந்தி நஸ்ஸந்தீதி குப்பா. குப்பா த⁴ம்மா யேஸங் தே குப்ப
த⁴ம்மா. “த⁴ம்மா”தி மஹக்³த த⁴ம்மா. இமே த்வே ஸோதாபன்ன
ஸகதா³கா³மினோ ஸீலேஸு பரிபூரகாரினோ நாம. ஸீலப்படி பக்கா³னங்
கிலேஸானங் ஸப்³பஸோ பஹீனத்தா. தஸ்மா தே ஸீலேஸு அகுப்ப
த⁴ம்மாதி வுச்சந்தி. ஸமாதி⁴ஸ்மிங் பன குப்ப த⁴ம்மா ஏவ.
“மஹாப்ரஹ்மேஸு ந நிப்³பத்தந்தீ”தி மஹாப்ரஹ்மத்தங் ந லப⁴ந்தீதி
அதி⁴ப்பாயோ. “ஹீனஜ்ஜா²ஸயத்தா”தி எத்த² இத்தி²யோ நாம பகதியாவ
ஹீனஜ்ஜா²ஸயா ஹொந்தி நீச சந்தா³ நீச சித்தா மந்த³வீரியா மந்த³பஞ்ஞா.
கஸ்மா, ஹீனலிங்கத்தா. கஸ்மா ச தா ஹீனலிங்கா³ ஹொந்தி. துப்³பல
கம்மனிப்³பத்தத்தா. துப்³பல கம்மந்தி ச புரிஸத்த ஜனகங் கம்மங் உபாதா³ய
வுச்சதி. ப்ரஹ்மபுரோஹிதானம்பி ஸங்க³ஹணங் வேதி³தப்³பங். கஸ்மா,
ப்ரஹ்மபாரிஸஜ்ஜானந்தி அட்ட²கதா² வசனஸ்ஸ யேபு⁴ய்யவசனத்தா.
தேனாஹ “ந மஹாப்ரஹ்மானங்”தி. இதரதா² ந ப்ரஹ்மபுரோஹிதானங் ந ச
மஹாப்ரஹ்மானந்தி வுத்தங் ஸியா. ந ச ததா² ஸக்கா வத்துங் ப்ரஹ்மத்தந்தி
மஹாப்ரஹ்மத்தந்தி இமினா வசனேன விருஜ்ஜ²னதோ. அயஞ்ச அத்தோ² ந
கேவலங் யேபு⁴ய்யனயமத்தேன ஸித்தோ⁴. அத² கோ² ப்யஞ்ஜன
ஸாமத்தி²யேனாபி ஸித்தோ⁴தி த்ஸ்ஸேதுங் “தேஹீ”திஆதி³மாஹ. தத்த²
“தே”தி ப்ரஹ்மபுரோஹிதா. ஸங்யுத்தபாடே². “படிபா⁴துதங்”தி எத்த² “தங்”தி

துய்ஹங். த⁴ம்மீகதா² துய்ஹங் படிபா⁴து, பாதுப்³ப⁴வது. கதே²து இச்சேவ
 வுத்தங் ஹோதி . “ப்³ராஹ்மணா”தி அபி⁴பு⁴ங் பி⁴க்குங் ஆலபதி.
 “ப்³ரஹ்முனோ”தி மஹாப்³ரஹ்முனோ அத்தா²ய. ஏவங் ஸேஸேஸு த்³வீஸு.
 “தேஸங்”தி ப்³ரஹ்மபுரோஹிதானங். விபா⁴வனிபாடே² “இதி அத்தோ²
 த³ட்ட²ப்³போ³”தி “ப்³ரஹ்மபாரிஸஜ்ஜேஸு யேவா”தி புல்லிங்க³ வசனத்தா
 புக்³லப்பதா⁴னங் ஹோதி. நபு⁴மிப்பதா⁴னங். தஸ்மா அயமத்தோ²
 யுத்திவஸேன த³ட்ட²ப்³போ³தி. “தீஸுப⁴வக்³கே³ஸு”தி வேஹப்ப²லபு⁴மி
 புது²ஜ்ஜனப⁴வக்³கோ³ நாம ஹோதி ரூபலோகே. ததோ உபரி
 புது²ஜ்ஜனபு⁴மியா அபா⁴வதோ. அகனிட்ட²பு⁴மி அரியப⁴வக்³கோ³ நாம.
 தத்த² டி²தானங் அரியானங் தத்தே²வ நிட்டா²னதோ. நேவஸஞ்ஞாபு⁴மி
 லோகப⁴வக்³கோ³ நாம. ததோ உபரி லோகஸ்ஸேவ அபா⁴வதோதி.

கம்மசதுக்கானுதீ³பனா நி⁴டி²தா.

155. மரணுப்பத்தியங். “ஆயுபரிமாணஸ்ஸா”தி ஆயுகப்பஸ்ஸ.
 “தது³ப⁴யஸ்ஸா”தி ஆயுகப்பஸ்ஸ ச கம்மஸ்ஸ ச. “உபகா⁴தக கம்மேனா”தி
 ப்³லவந்தேன பாணாதிபாதகம்மேன. “து³ஸ்ஸிமார கலாபு³ராஜாதீ³னங் வியா”தி
 தேஸங் மரணங் விய. உபரோதி⁴தங் க²ந்த⁴ ஸந்தான மஸ்ஸாதி
 விக்³க³ஹோ. “உபரோதி⁴தங்”தி உபக³ந்த்வா நிரோதா⁴பிதங். கம்மங்
 கி²ய்யதியேவ. ஏவங் ஸதி, ஸப்³ப³ங்³பி மரணங் ஏகேன கம்மக்க²யேன
 ஸித்த⁴ங். தஸ்மா ஏகங் கம்மக்க²ய மரணமேவ வத்தப்³ப³ந்தி வுத்தங் ஹோதி.
 “இதரேபி வுத்தா”தி இதரானிபி தீணி மரணானி வுத்தானீதி சோத³னா. வுச்சதே
 பரிஹாரோ. “ஸரஸவஸேனேவா”தி அத்தனோ த⁴ம்மதாவஸேனேவ. நானா
 ஆயு கப்பங் வித³ஹந்தி ஸங்க²ரொந்தீதி நானாஆயுகப்ப விதா⁴யகா.
 “ஸத்தனிகாயே”தி ஸத்தஸமூஹே. நிச்சகாலங் டி²திங் கரொந்தீதி டி²திகரா.
 கதா³சி வுத்தி⁴ங் கரொந்தி, கதா³சி ஹானிங் கரொந்தீதி வுத்தி⁴கரா
 ஹானிகரா ச. “தேஸங் வஸேனா”தி தேஸங் உது ஆஹாரானங் வஸேன.
 “தயோபி சேதே”தி ஏதேதயோபி டி²திகராத³யோ. கம்மங் விபச்சமானங் த³த்வா
 கி²ய்யதீதி ஸம்ப³ந்தோ⁴. ஏதேன ஏவருபேடா²னே கம்மங் அப்பதா⁴னந்தி
 தீ³பேதி. “தத³னுருபங் ஏவா”தி தங் த³ஸவஸ்ஸகாலானு ரூபங் ஏவ. “போ⁴
 க³ஞ்சா”தி த⁴னத⁴ஞ்ஞாதி³பரிபோ⁴க³ஞ்ச. தேஸங் உதுஆஹாரானங் க³தி
 ஏதேஸந்தி தக்³க³திகா. தேஸங் உதுஆஹாரானங் க³திங் அனுவத்தந்தீதி வுத்தங்
 ஹோதி. தேனாஹ “தத³னுவத்திகா”தி. ஸங்கா²ரவிது³ஹி அஞ்ஞத்ராதி
 ஸம்ப³ந்தோ⁴. ஸங்கா²ரவிது³னோ ட²பெத்வாதி அத்தோ². இத்தி⁴யா பகதாதி
 இத்தி⁴மயா. “இத்தி⁴யா”தி தே³வித்தி⁴யாவா பா⁴வனாமயித்தி⁴யாவா.
 விஜ்ஜாய பகதாதி விஜ்ஜாமயா. “விஜ்ஜாயா”தி க³ந்தா⁴ரிவிஜ்ஜாய. அட்டி²
 ந்ஹாரு மங்ஸ லோஹிதாதி³கா ரஸதா⁴துயோ அயந்தி வட்³ட⁴ந்தி ஏதேஹீதி
 ரஸாயனானி. தானி வித³ஹந்தி ஏதேஹீதி ரஸாயன வித⁴யோ. நயுபதே³ஸா.
 சிரட்டி²தி கத்தா²ய ஜீவிதங் ஸங்க²ரொந்தி ஏதேஹீதி ஜீவித ஸங்கா²ரா.

இத்³தி⁴மய விஜ்ஜாமய ஜீவித ஸங்கா²ரேஸு ச ரஸாயன
விதி⁴ஸங்கா²தேஸு ஜீவித ஸங்கா²ரேஸு ச விது³னோதி ஸமாஸோ. “த்³வி
ஸமுட்டா²னிக ரூபத்⁴ம்மேஸு”தி உதுஸமுட்டா²னிக ரூபத்⁴ம்மேஸு ச
ஆஹார ஸமுட்டா²னிக ரூபத்⁴ம்மேஸு ச. “பரிணமந்தேஸு”தி
விபரிணமந்தேஸு. தேனாஹ “ஜிய்யமானேஸு”திஆதி³ங். “யாவமஹந்தங் பீதி”
ஸப்³புஞ்ஞுபு³த்தா⁴னங் கம்மங் விய கோடிபத்தவஸேன அதிமஹந்தம்பி.
“அஸ்ஸா”தி கம்மஸ்ஸ. “உபச்சே²த³க மரணேபி நேதப்³போ³”தி ப³லவந்தே
உபச்சே²த³க கம்மே ஆக³தே யாவமஹந்தம்பி ஜனக கம்மங் அத்தனோ
விபாகாதி⁴ட்டா²ன விபத்தியா கி²ய்யதியேவ. ஸோ சஸ்ஸக²யோ ந
ஸரஸேன ஹோதி, அத² கோ² உபச்சே²த³க கம்ம ப³லேன ஹோதீதி இத⁴
உபச்சே²த³க மரணங் விஸுங் க³ஹிதந்தி ஏவங் உபச்சே²த³க மரணேபி
நேதப்³போ³. “அகால மரணங்”தி ஆயுக்க²யமரணாதீ³னி தீணி மரணானி
காலமரணானி நாம, மரணா ரஹகாலே மரணானீதி வுத்தங் ஹோதி. ததோ
அஞ்ஞங் யங் கிஞ்சி மரணங் அகால மரணந்தி வுச்சதி. தேனாஹ “தஞ்ஹி
பவத்தமானங்”திஆதி³ங். “மூலபே⁴த³தோ”தி மூலகாரணப்பபே⁴த³தோ. யஸ்மா
பன மிலிந்த³ பஞ்ஹே வுத்தந்தி ஸம்ப³ந்தோ⁴. ஸன்னிபதந்தீதி ஸன்னிபாதா.
ஸன்னிபாதேஹி உப்பன்னா ஸன்னிபாதிகாதி அத்த²ங் ஸந்தா⁴ய
“ஸன்னிபதிதானங்”தி வுத்தங். அத²வா. ஸன்னிபதனங் ஸன்னிபாதோ.
த்³வின்னங் திண்ணங் வா தோ³ஸானங் மிஸ்ஸகபா⁴வோ. ஸன்னிபாதேன
உப்பன்னா ஸன்னிபாதிகாதிபி யுஜ்ஜதி. “அனிஸம்மகாரீனங்”தி அனிஸாமெத்வா
அனுபதா⁴ரெத்வா கரண ஸீலானங். பவத்தா ஆபா³தா⁴
விஸமபரிஹாரஜானாமாதி யோஜனா. “அத்தனா வாகதானங் பயோகா³னங்”தி
ஸத்த²ஹரண, விஸகா²த³ன, உத³கபாதனாதி³வஸேன கதானங்.
“வினாஸெந்தீ”தி ஸத்த²வஸ்ஸ வாலுகவஸ்ஸாதீ³னி வஸ்ஸாபெத்வாவா
ஸமுத்³த³ வீசியோ உட்டா²பெத்வாவா ஏவருபே மஹந்தே ப⁴யுபத்³த³வே
கத்வா வினாஸெந்தி. “மனுஸ்ஸ பதே²”தி மனுஸ்ஸ பதே³ஸே. “தே”தி சண்டா³
யக்கா². “ஜீவிதக்க²யங் பாபெந்தீ”தி மனுஸ்ஸானங் வா கோ³மஹிங்ஸானங் வா
மேத³லோஹிதானி பாதப்³யத்தா²ய தேஸு நானாரோக³ந்தர கப்பானி
உப்பாதே³த்வா ஜீவிதக்க²யங் பாபெந்தீதி அத்தோ². “வத்தப்³ப³மேவ நத்தீ²”தி
ஸகலங் ரஜ்ஜங் வா ரட்ட²ங் வா தீ³பகங் வா வினாஸெந்தீதி வுத்தே ஸகலங்
ஜனபத³ங் வா நக³ரங் வா நிக³மங் வா கா³மங் வா தங் தங் புக்³க³லங் வா
வினாஸெந்தீதி விஸுங் வத்தப்³ப³ங் நத்தீ²தி அதி⁴ப்பாயோ.
“ஸத்த²து³பி⁴க்க²ரோக³ந்தர கப்பாபீ”தி ஸத்த²ந்தர கப்போ து³பி⁴க்க²ந்தர
கப்போ ரோக³ந்தர கப்போதி இமே தயோ அந்தர கப்பாபி இத⁴ வத்தப்³பா³தி
அத்தோ². தேஸு பன ரோக³ந்தர கப்போ யக்கா² வாளே அமனுஸ்ஸே
ஒஸ்ஸஜ்ஜந்தி, தேன ப³ஹு மனுஸ்ஸா காலங்கரொந்தீதி இமினா
ஏகதே³ஸேன வுத்தோயேவ. “உபபீளகோ பகா⁴தகானங் கம்மானங்
விபச்சனவஸேனா”தி எத்த² தேஸங் கம்மானங் ஓகாஸப்படிலாபே⁴ன

ஸத்தஸந்தானே ஸுக²ஸந்தானங் விபா³தெ⁴த்வா மரணங் வா பாபெத்வா
மரண மத்தங் வா து³க்க²ங் ஜனெத்வா பீளனஞ்ச கா⁴தனஞ்ச இத⁴ விபச்சன
நாமேன வுத்தந்தி த³ட்ட²ப³ப³ங். விபாகங் பன ஜனெந்துவா, மாவா, இத⁴
அப்பமாணந்தி. எத்த² ஸியா. அட்ட²ஸு காரணேஸு ஓபக்கமிகட்டா²னே
‘குப்பிதாஹி தே³வதா ஸகலங் ரஜ்ஜாதி³கங் அஸேஸங் கத்வா வினாஸெந்தீ’தி
வுத்தங். தத்த² வினாஸிதா ஜனா கிங் நு கோ² அத்தனோ அத்தனோ கம்ம
விபாகஜேஹி ஆபா³த⁴ன த³ண்டே³ஹி வா வினஸ்ஸந்தி, உதா³ஹு விஸுங்
ஓபக்கமிகேஹி ஆபா³த⁴ன த³ண்டே³ஹி வா வினஸ்ஸந்தி. யஞ்செத்த² வுத்தங்
‘ஏவங் அகால மரணங் உபச்சே²த³க கம்முனா வா அஞ்ஞேஹி வா அனேக
ஸஹஸ்ஸேஹி காரணேஹி ஹோதீ’தி. தத்த² யஸ்ஸ உபச்சே²த³க கம்மங்
நாம நத்தி². கிங் தஸ்ஸ அஞ்ஞேன காரணேன அகால மரணங் நாம
ப⁴வெய்யாதி. எத்த² வதெ³ய்யுங், தஸ்ஸ அஞ்ஞேன காரணேன அகால
மரணங் நாம ந ப⁴வெய்ய. ஸப்³பே³ ஸத்தா கம்மஸ்ஸகா, கம்மதா³யாதா³,
கம்மயோனீ, கம்ம ப³ந்தூ⁴, கம்மப்படிஸ்ஸரணாதிஹி வுத்தங்தி . தேஸங் தங்
வாத³ங் பி⁴ந்த³ந்தோ “யேஹிகேசி லோகே தி³ஸ்ஸந்தீ”திஆதி³மாஹ. புன
தத³த்த²ங் த³ள்ஹங் கரொந்தோ “யதா²ஹா”திஆதி³ங் வத³தி. தத்த² து³வித⁴ங்
கம்மப²லங், விபாக ப²லஞ்ச நிஸ்ஸந்த³ ப²லஞ்ச. தத்த² விபாக ப²லங் நாம
விபாகக்க²ந்தா⁴ ச சக்கு² ஸோதாதீ³னி கடத்தா ரூபானி ச. தங் யேன புப்³பே³
கம்மங் கதங், தஸ்ஸேவ ஸாதா⁴ரணங் ஹோதி. தஸ்ஸ ஸந்தானே ஏவ
பவத்ததி. நிஸ்ஸந்த³ ப²லங் நாம தஸ்ஸ ஸுகு²ப்பத்தியா வா து³க்கு²ப்பத்தியா
வா அத்தனோ கம்மானுபா⁴வேன ப³ஹித்³தா⁴ ஸமுட்டி²தானி
இட்டா²ரம்மணானி வா அனிட்டா² ரம்மணானி வா. தங் பன அஞ்ஞேஸம்பி
ஸாதா⁴ரணங் ஹோதி. தங் ஸந்தா⁴ய வுத்தங் “ஸககம்மஸமுட்டி²தா ஏவ.
ல. பரேஸங் ஸாதா⁴ரணா ஏவா”தி. லோகே அட்ட²லோக த⁴ம்மா நாம
ஸப்³பே³ கம்ம விபாகஜா ஏவாதி ந வத்தப்³பா³. இமே ச ஸத்தா ஸங்ஸாரே
ஸங்ஸரந்தா அட்ட²ஸுலோக த⁴ம்மேஸு நிம்முஜ்ஜந்தா ஸங்ஸரந்தி, தஸ்மா
தே வினாபி உபபீளக கம்மேன அஞ்ஞேஹி காரணேஹி நானாது³க்க²ங்
பு²ஸந்தியேவ. ததா² வினாபி உபச்சே²த³க கம்மேன மரண து³க்க²ங்
பாபுணந்தியேவ. தேன வுத்தங் “கம்மேன வினா யதோகுதோசி
ஸமுட்டி²தா”திஆதி³.

“தே உப்பஜ்ஜந்தீ”தி தே நானாரோகா³த³யோ உப்பஜ்ஜந்தி. “ந உபாய குஸலா
வா”தி ததோ அத்தானங் மோசேதுங் காரண குஸலா வா ந ஹொந்தி. “ந ச
படிகார குஸலா வா”தி உப்பன்னங் ரோகா³தி³ப⁴யங் அபனேதுங் வுபஸமேதுங்
படிகார கம்மேதி கிச்ச²கம்மே குஸலா வா ந ஹொந்தி. “நாபி பரிஹார குஸலா
வா”தி ததோ மோசனத்த²ங் பரிஹரிதுங் தே³ஸந்தரங் க³ந்துங் குஸலா வா ந
ஹொந்தீதி அத்தோ². ஸேஸமெத்த² ஸுவிஞ்ஞெய்யங். “ரோகா³த³யோ ஏவ தங்
கே²பெந்தா பவத்தந்தீ”தி கத²ங் தே புப்³ப³கம்மங் கே²பெந்தீதி. தஸ்ஸ
விபாகபு⁴தங் ஜீவித ஸந்தானங் வினாஸெந்தா கே²பெந்தி. வினட்டே²ஹி

ஜீவித ஸந்தானே தங் ப⁴வங் ஜனெந்தங் கி²ய்யதி யேவாதி. தேனாஹ
“யதா²ஹீ”திஆதி³ங். “கம்மஸ்ஸபி ததே²வா”தி ததே²வ பு³ப³கம்மஸ்ஸபி
திணக்³கே³ உஸ்ஸாவ பி³ந்து³ஸ்ஸேவ பரிது³ப³லதா ஸித்³தா⁴ ஹோதி.
ஜீவிதே பரிக்²ணே தங் ப⁴வங் ஜனெந்தஸ்ஸ பு³ப³கம்மஸ்ஸபி
பரிக்²ணத்தா. “ஏவஞ்சேதங்”தி ஏதங் கம்மப்படி ஸங்யுத்த வசனங் இத⁴
அம்ஹேஹி வுத்தனயேன ஸம்படிச்சி²த³ப³ங். ஸப்³ப³ங் பு³பே³கதஹேதுதி³ட்டி²
நாம ஸப்³ப³ங் ஸுக²ங் வா து³க்க²ங் வா ஸுசரிதங் வா து³ச்சரிதங் வா
பு³ப³ப⁴வே அத்தனா கதேன பு³ப³கம்மஹேதுனா ஏவ உப்பஜ்ஜதீதி ஏவங்
பவத்தா தி³ட்டி². “யங் கிஞ்சாயங்”தி யங் கிஞ்சி அயங்.
மஹாபோ³தி⁴ஸத்தானங் அதி⁴முத்திகாலங்கரியா நாம இத⁴ மே சிரகாலங்
டி²தஸ்ஸ பாரமிபூரண கிச்சங் நத்தி², இதா³னேவ இதோ சவித்வா
மனுஸ்ஸலோகே உப்பஜ்ஜிஸ்ஸாமி, உபருஜ்ஜது மே இத³ங் ஜீவிதந்தி
அதி⁴முஞ்சித்வா த³ள்ளுங் மனஸிகரித்வா காலங்கரியா. “ஸயமேவ ஸத்த²ங்
ஆஹரித்வா”தி ஸயமேவ அத்தனோ கீவங் ஸத்தே²ன ஹனித்வாதி அத்தோ².
“எத்தே²வா”தி அகாலமரணே ஏவ.

“ததா² சா”திஆதி³ஸு. “ஸமாபத்தி லாபீ⁴னங்”தி நித்³தா⁴ரணேபு⁴ம்ம
வசனங். “ஜீவித ஸமஸீஸீனங்”தி அரஹத்த மக்³க³ங் லபி⁴த்வா
மக்³க³பச்சவெக்க²னவீதி² ஏவ மரணாஸன்னவீதி²ங் கத்வா பரினிப்³பா³னத்தா
ஸமங் ஸீஸங் ஏதேஸந்தி ஸமஸீஸினோ. “ஸமங் ஸீஸங்”தி ஜீவித
ஸந்தான பரியந்தேன ஸமங் வட்டது³க்க² ஸந்தான பரியந்தங் வுச்சதி.
“ஸப்³பே³ஸங் பீ”தி ஸப்³பே³ஸம்பி கீணாஸவானங். “இமங் ஸுத்தபத³ங்”தி
மஹாபரினிப்³பா³னஸுத்தே ஆக³தங் ஸுத்தபத³ங். “தே”தி தே வாதி³னோ.
“தேனா”தி தேன வாது³வசனேன. க்ரியமனோதா⁴து நாம பஞ்சத்³வாராவஜ்ஜனங்.
க்ரியாஹேதுகமனோ விஞ்ஞாணதா⁴து நாம ஹஸிதுப்பாத³சித்தங்.
“அஸ்ஸா”தி பரினிப்³பா³யந்தஸ்ஸ பு³த்³தா⁴ஸ்ஸ. “ந ஸமேதி யேவா”தி
ஸந்திங் அனுபாதி³ஸேஸங் நிப்³பா³னங் ஆரம்மணங் கத்வாதி எத்த²
பரினிப்³பா³ன ஜவனேஹி ஆரம்மணங் கத்வாதி வுத்தேபி ந ஸமேதியேவ.
தேனாஹ “ததா²ஹீ”திஆதி³ங். “ப⁴வங்க³ங் ஓதரித்வா பரினிப்³பா³யதீ”தி எத்த²
பரினிப்³பா³ன சுதிசித்தமேவ ப⁴வங்க³ந்தி வுத்தங். சுதிசித்தந்தி ச ப⁴வந்தரங்
கச்ச²ந்தஸ்ஸேவ வுச்சதி. இத⁴ பன வோஹார மத்தந்தி த³ட்ட²ப³ங்.
விபா⁴வனிபாடே². சுதிபரியோஸானானங் மரணாஸன்ன சித்தானங். யதா² பன
பு³த்³தா⁴னங் ப⁴க³வந்தானங் யாவஜீவங் உப்பன்னங் மஹாப⁴வங்க³சித்தங்
கம்மகம்மனிமித்தாத³யோ ஆரம்மணங் கரோதியேவ. ததா² பரினிப்³பா³ன
சுதிசித்தங் பீதி ஆஹ “ந ஹீ”திஆதி³ங். நனு மரணகாலே
கம்மகம்மனிமித்தாதீ³னங் க³ஹணங் நாம ப⁴வந்தர க³மனத்தா²ய ஹோதி,
பு³த்³தா⁴ ச ப⁴வந்தரங் ந கச்ச²ந்தி. தஸ்மா “ந ஹி. ல. ந கரோதீ”தி இத³ங் ந
யுத்தந்தி. நோ ந யுத்தங். ப⁴வந்தர க³மனத்தா²யாதி இத³ங் ஜவனேஹி
க³ஹணே த³ட்ட²ப³ங். இத⁴ பன சுதிசித்தேன க³ஹணேதி த³ஸ்ஸெந்தோ

“நசுகதியாக³ஹிதானி¹திஆதி³மாஹ. “கம்மஸித்³தி⁴யா”தி கம்மஸிஜ்ஜ²னத்தா²ய
 .“எத்த² சா”திஆதீ³ஸு. “தஸ்ஸா”தி ஸோணத்தே²ர பிதுனோ.
 “கம்மப³லேனா”திஆதீ³ஸு. “அஞ்ஞனபி காரண ப³லேனா”தி
 ஆசிண்ணபா⁴வாதி³கேன காரணப³லேன. க³தினிமித்தங் பன கம்மப³லேனேவாதி
 யுத்தங் ஸியா. “ததோ²பட்டி²தங்”தி அந்திமவீதி²தோ புப்³பே³ ப³ஹுஸுவீ²ஸு
 உபட்டி²தப்பகாரந்திஅத்தோ². பாபபக்கி²யேஸு து³க்³தினிமித்தேஸு.
 கல்யாணபக்கி²யானி ஸக்³க³னிமித்தானி. த⁴ம்மாஸோகரஞ்ஞோ மரணகாலே
 பாபபக்கி²யானங் உபட்டா²னங் கத்த²சி ஸீஹளக³ந்தே² வுத்தங்.

ஸகலங் பத²விங் பு⁴த்வா,
 த³த்வா கோடிஸதங் த⁴னங்;
 அந்தே அட்³டா⁴மலகமத்தஸ்ஸ;
 அஸோகோ இஸ்ஸரங் க³தோ; தி ச;
 அஸோகோ ஸோக மாக³தோ; தி ச;

“தங்”தி விபச்சமானகங் கம்மங். “நியாமக ஸஹகாரி பச்சயபூ⁴தா”தி எத்த²
 யதா² நாவாயங் நியாமகோ நாம நாவங் இச்சி²ததி³ஸாபி⁴முக²ங் நியாமேதி,
 நியோஜேதி. ததா² அயங் தண்ஹாபி ப⁴வனிகந்தி ஹுத்வா சித்தஸந்தானங்
 க³ந்தப்³ப⁴வாபி⁴முக²ங் நியாமேதி, நியோஜேதி. கம்மஸ்ஸ ச அச்சாயத்த
 ஸஹாயபா⁴வேன ஸஹகாரீ பச்சயோ ஹோதீதி த³ட்ட²ப்³பங்.
 “குஸலாகுஸல கம்மனிமித்தானி வா”தி அஞ்ஞானி குஸலா
 குஸலகம்மனிமித்தானி வா. “தது³பத்த²ம்பி⁴கா”தி தஸ்ஸ கம்மஸ்ஸ
 உபத்த²ம்பி⁴கா. “நிமித்தஸ்ஸாத³க³தி⁴தங்”தி முக²னிமித்தாதீ³ஸு
 அஸ்ஸாதெ³ந்தங் கி³ஜ்ஜ²ந்தங். “திட்ட²மானங் திட்ட²தீ”தி திட்ட²மானங் ஹுத்வா
 திட்ட²தி. அமுஞ்சித்வா திட்ட²தீதி வுத்தங் ஹோதி. அனுப்³யஞ்ஜனங் நாம
 பியஸாதருபோ கதி²தலபிதாதி³ க்ரியாவிலேஸோ. “அஸ்ஸ புக்³லஸ்ஸா”தி
 ஆஸன்ன மரணஸ்ஸ புக்³லஸ்ஸ. அட்ட²கதா² பாடே². “கிலேஸ
 ப³லவினாமிதங்”தி அவிஜ்ஜா தண்ஹாதீ³னங் கிலேஸானங் ப³லேன வினாமிதங்.
 படிச்சா²தி³கா ஆதீ³ன வா யஸ்ஸாதி விக்³க³ஹோ. “தங்”தி சித்தஸந்தானங்.
 “தஸ்மிங்”தி கம்மாதி³விஸயே. அட்ட²கதா²ய ந ஸமேதி. தஸ்மிங்
 விஸயேதிஹி தத்த² வுத்தங். ந வுத்தங் தஸ்மிங் ப⁴வேதி. “தஸ்மிங் வுத்தா
 நங்”தி தஸ்மிங் யேபூ⁴ய்யேன ப⁴வந்தரே ச² த்³வாரக்³க³ஹிதங்”தி டா²னே
 டிகாஸு வுத்தானங். தங் ஸதி³ஸ ஜவனுப்பத்தி நாம கம்மகரணகாலே பவத்த
 ஜவனேஹி ஸதி³ஸானங் இதா³னி ஜவனானங் உப்பத்தி. ப⁴வப்படிச்ச²ன்னஞ்ச
 கம்மங் அபாகடஞ்ச கம்மங் ந ததா² உபட்டா²தி. கேவலங் அத்தானங்
 அபி⁴னவகரண வஸேன த்³வாரபத்தங் ஹுத்வா உபட்டா²தீதி அதி⁴ப்பாயோ.
 “விஸீத³ பத்தா”தி விஸஞ்ஞீபா⁴வேன விருபங் ஹுத்வா ஸீத³னபத்தா.
 “தப்³பி³ரீதேன பாபகம்ம ப³ஹுலாபி வத்தப்³பா”தி தேபிவிஸீத³ந்தரே ஆவுத⁴
 ஹத்தா² பாணகா⁴தங் கரொந்தா க³ண்ஹத²ப³ந்த⁴தா²தி உக்³கோ⁴ஸந்தா

து³ட்ட²சித்தா ஹொந்தீதிஆதி³னா வத்தப்³பா³. அட்ட²கதா² பாடே²ஸு. உக்கி²த்தோ
 அஸி யஸ்ஸாதி உக்கி²த்தா ஸிகோ. பதுத³ந்தி விஜ்ஜ²ந்தி ஏதேனாதி
 பதோத³னங். பாஜனத³ண்டோ³. தஸ்ஸ அக்³கே³ கதா ஸூசி பதோத³ன ஸூசி.
 “பதோத³ன து³க்க²ங்”தி விஜ்ஜ²ன து³க்க²ங். கத²ங் பன
 உக்கி²த்தாஸிகாதி³பா⁴வேன உபட்டா²னங் கம்முபட்டா²னங் நாம ஹோதி.
 கத²ஞ்ச தங் படிஸந்தி⁴யா ஆரம்மணபா⁴வங் உபேதீதி ஆஹ “ஸோ
 சா”திஆதி³ங். உப்பஜ்ஜமானானங் ஸத்தானங். “இதரேஸங் பனா”தி ரூபாரூப
 ப⁴வேஸு உப்பஜ்ஜமானானங் பன. “பரிபுண்ணங் கத்வா”தி ததா³ரம்மண
 பரியோஸானாயவா ஸுத்³தா⁴ய வா ஜவனவீதி²யாதி ஏவங் பரிபுண்ணங்
 கத்வா. அயங் பன ப⁴வங்கா³வஸானே சுதிசித்துப்பத்தி நாம அட்ட²கதா²ஸு
 நத்தி². யஞ்ச ப⁴வங்க³ங் ஓதரித்வா பரினிப்³பா³யதீதிஆதி³ தத்த² தத்த² வுத்தங்.
 தத்த²பி “ப⁴வங்க³ங்”தி சுதிசித்தமேவ டகாஸு வண்ணெந்தி. தஸ்மா
 “ப⁴வங்க³க்க²யேவா”தி இத³ங் கத²ங் யுஜ்ஜெய்யாதி ஆஹ “எத்த² சா”திஆதி³ங்.
 அனுரூபங் ஸேதீதி அனுஸயோ. அனுப³ந்தோ⁴ ஹுத்வா ஸேதீதி
 அனுஸயோ. அனு அனு வா ஸேதீதி அனுஸயோ. எத்த² ச அனுஸயோ நாம
 ஜவனஸஹஜாதோ ந ஹோதி. இத⁴ ச அனுஸய நாமேன வுத்தங்.
 நானாஜவன ஸஹஜாதா ச அவிஜ்ஜா தண்ஹா படிஸந்தி⁴யா விலேஸஸ
 பச்சயா ஹொந்தேவ. கத²ங் தா இத⁴ க³ஹிதா ஸியுந்தி ஆஹ “எத்த²
 சா”திஆதி³ங். ஏவங் ஸந்தே அவிஜ்ஜா பரிக்கி²த்தேன தண்ஹாமூலகேனாதி
 வுத்தேஸு ஸுட்டு² யுஜ்ஜதி. அனுஸயேஹி ஸஹ ஜவனஸஹஜாதானம்பி
 லத்³த⁴த்தா. தஸ்மா இத⁴ அனுஸய வசனங் ந யுத்தந்தி சோத³னா.
 யுத்தமேவாதி த³ஸ்ஸெந்தோ “அபி சா”திஆதி³மாஹ. “பரியத்தா”தி ஸமத்தா.
 “ஸோ பீ”தி ப²ஸ்ஸாதி³ த⁴ம்ம ஸமூஹோபி .“ததா² ரூபா யேவா”தி
 அக்³க³மக்³கே³ன அப்பஹீன ரூபாயேவ, அனுஸயபூ⁴தாயேவாதி வுத்தங்
 ஹோதி. “தங்”தி சித்த ஸந்தானங். “தத்தா²”தி தது³ப⁴யஸ்மிங். கத²ங் தங் தத்த²
 கி²பந்தீதி ஆஹ “தஸ்மிங்”திஆதி³ங். “விஜானந்தா⁴துயா”தி விஞ்ஞாண
 தா⁴துயா. ஸங்கந்தா நாம நத்தி². யத்த² யத்த² உப்பஜ்ஜந்தி. தத்த² தத்தே²வ
 பி⁴ஜ்ஜந்தீதி அதி⁴ப்பாயோ. குதோ மரணகாலே ஸங்கந்தா நாம அத்தி²
 விஜ்ஜந்தீதி யோஜனா. ஏவங் ஸந்தே இத³ங் வசனங் அனமதக்³கி³ய ஸுத்தேன
 விருத்³த⁴ங் ஸியாதி. ந விருத்³த⁴ங். இத³ஞ்ஹி அபி⁴த⁴ம்ம வசனங்,
 முக்²யவசனங், அனமதக்³கி³ய ஸுத்தங் பன ஸுத்தந்த வசனங் பரியாய
 வசனந்தி த³ஸ்ஸெந்தோ “யஞ்சா”திஆதி³மாஹ. பரியாயேன வுத்தந்தி வத்வா
 தங் பரியாயங் த³ஸ்ஸேதி “யேஸஞ்ஹீ”திஆதி³னா. “ஸோ”தி ஸோ புக்³க³லோ.
 “தேஸங்”தி அவிஜ்ஜா தண்ஹா ஸங்கா²ரானஞ்ச படிஸந்தி⁴ நாம ரூப
 த⁴ம்மானஞ்ச. “ஹேதுப்ப²லஸம்ப³ந்தே⁴ன ப⁴வந்தரங் ஸந்தா⁴வதி
 ஸங்ஸரதீதி வுச்சதீ”தி புப்³பே³ கம்மகரணகாலேபி தே அவிஜ்ஜா தண்ஹா
 ஸங்கா²ரா ஏவ ஸோ ஸத்தோதி வுச்சந்தி. பச்சா² தேஸங் ப²லபூ⁴தாயங்
 படிஸந்தி⁴யா பாதுப⁴வனகாலேபி ஸாபடிஸந்தி⁴ ஏவ ஸோ ஸத்தோதி

வுச்சதி. மஜ்ஜே² த⁴ம்மப்ப³ந்தோ⁴பி ஸோ ஸத்தோதி வுச்சதி. ஏவங்
 ஹேதுத⁴ம்மேஹி ஸத்தி⁴ங் ப²லத⁴ம்மே ஏகங் ஸத்தங் கரொந்தஸ்ஸ
 ஹேதுப்ப²ல ஸம்ப³ந்தோ⁴ ஹோதி. ஏவங் ஹேதுப்ப²ல ஸம்ப³ந்தே⁴ன ஸோ
 ஏவ கம்மங் கரோதி. தேன கம்மேன ஸோ ஏவ ப⁴வந்தரங் ஸந்தா⁴வதி
 ஸங்ஸரதீதி வுச்சதி. எத்த² ச அனமதக்³கோ³ யங் பி⁴க்க²வே. ல.
 அவிஜ்ஜானீவரணானங் ஸத்தானங்தி ஏவங் ஸத்தவோஹாரேன வுத்தத்தா
 ஸாத⁴ம்மதே³ஸனா பரியாயதே³ஸனா ஹோதி. பரியாயதே³ஸனத்தா ச
 ஸந்தா⁴வதங் ஸங்ஸரதந்தி பரியாயோபி ஸிஜ்ஜ²தி. யஸ்ஸங் பன த⁴ம்ம
 தே³ஸனாயங் த⁴ம்மதே³ஸனாதி வசனானு ரூபங் த⁴ம்மமேவ தே³ஸேதி, ந
 ஸத்தங், ந புக³கலங். அயங் த⁴ம்மதே³ஸனா ஏவ முக்²யதே³ஸனா நாம
 ஹோதி. தத்த² தே³ஸித த⁴ம்மா பன பகதிகாலேபி தே³ஸந்தரங் காலந்தரங்
 க²ணந்தரங் ஸங்கந்தா நாம நத்தி². யத்த² யத்த² உப்பன்னா, தத்த² தத்தே²வ
 பி⁴ஜ்ஜந்தி. க²யவயங் க³ச்ச²ந்தி. தேன வுத்தங் 'ந ஹி உப்பன்னுப்பன்னா
 த⁴ம்மா. ல. ஸங்கந்தா நாம அத்தீ²தி. படிகோ⁴ஸோ ச, பதீ³போ ச, முத்தா³
 ச. ஆதி³ஸத்தே³ன படிபி³ம்ப³ச்சா²யா ச, பீ³ஜஸங்கா²ரோ ச, பாடிபோ⁴கோ³ ச,
 பா³லகுமார ஸரீரேஸு உபயுத்தா விஜ்ஜாஸிப்போஸதா⁴ சாதி ஏவங்
 அட்ட²கதா² யங் ஆக³தானி நித³ஸ்ஸனானி ஸங்க³யஹந்தி. "நித³ஸ்ஸனா"நீதி
 ச உபமாயோ வுச்சந்தி. தத்த² "படிகோ⁴ஸோ"தி க³ம்பீ⁴ரலேண த்வாரே
 ட²த்வா ஸத்த³ங் கரொந்தஸ்ஸ அந்தோலேணே படிகோ⁴ஸோ பவத்ததி. தத்த²
 த்வாரே உப்பன்னோ மூலஸத்தோ³ அந்தோலேணங் ந க³ச்ச²தி,
 உப்பன்னட்டா²னே ஏவ நிருஜ்ஜ²தி. படிகோ⁴ஸோ ச ததோ ஆக³தோ ந ஹோதி.
 ந ச வினா மூலஸத்த³ + பச்சயேன அஞ்ஞதோ பவத்ததி. மூலஸத்த³பச்சயா
 ஏவ தத்த² பவத்ததீதி. தத்த² மூலஸத்தோ³ விய அதீத கம்மங். படிகோ⁴ஸோ
 விய அனந்தரே படிஸந்தி⁴. ஏஸனயோ பதீ³ப முத்தா³ படிபி³ம்ப³ச்சா²யாஸு.
 தத்த² "பதீ³போ"தி பத²மங் ஏகங் பதீ³பங் ஜாலெத்வா தேன அஞ்ஞங்
 பதீ³பஸதம்பி பதீ³ப ஸஹஸ்ஸம்பி ஜாலேதி. "முத்தா³"தி லஞ்ச²னலேகா².
 தத்த² ஏகேன லஞ்ச²னக்க²ந்தே⁴ன, தேன லஞ்ச²னலேகா²ஸதம்பி
 லஞ்ச²னலேகா² ஸஹஸ்ஸம்பி கரோதி. "படிபி³ம்ப³ச்சா²யா"தி பஸன்னேஸு
 ஆதா³ஸபட்டேஸுவா உத³கேஸுவா உப்பன்னா ஸரீரச்சா²யா. ஏதேஹி
 நித³ஸ்ஸனேஹி ப²லங் நாம ஹேதுதோ ஆக³தங் ந ஹோதி. ஹேதுனா ச
 வினா ந ஸிஜ்ஜ²தீதி எத்தகமத்த²ங் தீ³பேதி. "பீ³ஜஸங்கா²ரோ"தி காலந்தரே
 உப்பன்னேஸு புப்ப²ப²லேஸு இச்சி²தவண்ண க³ந்த⁴ரஸபாதுபா⁴வத்தா²ய
 ரோபனகாலே அம்ப³பீ³ஜாதீ³ஸு இச்சி²தவண்ண க³ந்த⁴ரஸதா⁴தூனங்
 பரிபா⁴வனா. தத்த² தப்பச்சயா காலந்தரே புப்ப²ப²லேஸு உப்பன்னேஸு
 தேவண்ணக³ந்த⁴ரஸா பாதுப⁴வந்தி. "பாடிபோ⁴கோ³"தி கிஞ்சி அத்த²ங்
 ஸாதே⁴தூங் பரஸ்ஸ ஸந்திகே இணங் க³ணஹந்தஸ்ஸ தவத⁴னங்
 ஸங்வச்ச²ரேன வுட்³டி⁴யா ஸஹ த³ஸ்ஸாமி, ஸசே நத³தெ³ய்யங். அஸுகங்
 நாம மமகெ²த்தங் வா வத்து²வா துய்ஹங் ஹோதூதி படிஞ்ஞா²பனங். தத்த²

தப்பச்சயா த்⁴னங் லபி⁴த்வா தங் அத்த²ஞ்ச ஸாதே⁴தி. காலே ஸம்பத்தே
வுட்³டி⁴யா ஸஹ இணஞ்ச ஸோதே⁴தி. “விஜ்ஜாஸிப்போஸதா⁴”தி லோகே
புத்தகே யாவஜீவங் ஹிதத்தா²ய த்³ஹரகாலே கிஞ்சி விஜ்ஜங்வா ஸிப்பங்வா
ஸிக்கா²பெந்தி. யாவஜீவங் க்²ரரோகா³னங் அனுப்பாத்³த்தா²ய த்³ஹரகாலே
ஓஜவந்தங் கிஞ்சி ஓஸத⁴ங் வா அஜ்ஜோ²ஹாரெந்தி. தத்த² தப்பச்சயா
புத்தானங் யாவஜீவங் ஹிதப்படிலாபோ⁴ வா தாதி³ஸானங் ரோகா³னங்
அனுப்பாதோ³ வா ஹோதியேவ. ஏதேஹி யதா² காலந்தரே அஸந்தேஸுயேவ
பாடிபோ⁴கா³தீ³ஸு மூலகம்மேஸு புப்³பா⁴கே³ கதபச்சயா ஏவ பச்சா² அத்த²
ஸாத⁴னாதீ³னி ஸிஜ்ஜந்தி. ததா² குஸலா குஸல கம்மானி கத்வா காலந்தரே
தேஸு அஸந்தேஸுபி புப்³பே³ கதத்தா ஏவ பச்சா² படிஸந்தா⁴தீ³னி ப்²லானி
பாதுப்³ப⁴வந்தீதி தீ³பேதி. தேனவுத்தங் “படிகோ⁴ஸ பதீ³பமுத்தா³தீ³னி செத்த²
நித³ஸ்ஸனானி”தி. “கம்மதுப்³புலபா⁴வேனா”தி ததா³ ஜீவிதிந்த்³ரியஸ்ஸ
துப்³புலத்தா கம்மம்பி துப்³புலமேவ ஹோதீதி கத்வா வுத்தங். காமஞ்செத்த²
அட்ட²கதா²யங் வத்வா த்³ஸ்ஸிதங், ததா²பி ஸம்ப⁴வதீதி ஸம்ப³ந்தோ⁴. தத்த²
“தங் பீ”தி க்³தினிமித்தம்பி. “ததா² சவந்தானங்”தி திப்³புரதா²தீ³னி க்³தினிமித்தங்
கத்வா சவந்தானங். “த்³ய்ஹமானகாயேனா”தி இத்த²ம்பு⁴தலக்க²ணே
கரணவசனங். கா³தா²யங். பஞ்சத்³வாரே படிஸந்தி⁴கம்மங் வினா த்³விகோ³சரே
ஸியாதி யோஜனா. தத்த² “த்³விகோ³சரே”தி கம்மனிமித்த க்³தினிமித்தபு⁴தே
த்³விகோ³சரே. தத்த² பஞ்சத்³வாரே படிஸந்தி⁴ நாம பஞ்சத்³வாரிக
மரணாஸன்ன வீதி²சித்தானங் அந்தே ச வந்தானங் படிஸந்தி⁴. ஸாபி
க்³தினிமித்தபு⁴தே கோ³சரே ஸியாதி வுத்தே பஞ்சத்³வாரிக வீதி²சித்தானி
பஞ்சாரம்மணபு⁴தானி க்³தினிமித்தானி ஆரம்மணங் கரொந்தீதிபி ஸித்³த⁴ங்
ஹோதி. ஏவஞ்ச ஸதி. தேஸங் வீதி²சித்தானங் அந்தே அசவித்வா
தத³னுபந்த⁴க மனொத்³வாரிகவீதி²சித்தேஹிபி கதா³சி கேஸஞ்சி ச வனங்
நனஸம்ப⁴வதீதி ஸக்கா வத்துங். தேஸு பன அனுபந்த⁴க வீதீ²ஸு
அதீதக்³ஹண ஸமுதா³யக்³ஹணேஹி ச வந்தானங் அதீதானிபி
க்³தினிமித்தானி லப்³ப⁴ந்தி. வத்து²க்³ஹணனாமக்³ஹணேஹி ச வந்தானங்
த்⁴ம்மா ரம்மணங் பி லப்³ப⁴தியேவ. தஸ்மா யங் வுத்தங் ஆசரியேன
காமாவசர படிஸந்தி⁴யா ச² த்³வாரக்³ஹிதங் கம்மனிமித்தங் க்³தினிமித்தஞ்ச
பச்சுப்பன்னமதீதா ரம்மணங் உபலப்³ப⁴தீதி. தங் ஸுவுத்தமேவாதி த்³ட்ட²ப்³ங்.
யங் பன ‘தமேவ ததோ²பட்டி²தங் ஆரம்மணங் ஆரப்³ப⁴ சித்தஸந்தானங்
அபி⁴ணஹங் பவத்ததீ²தி ஏவங் அந்திமவீதி²தோ புப்³பா⁴கே³ ப்³ஹுனங்
வீதி²வாரானங் பவத்தனங் ஆசரியேன வுத்தங். தங் ததோ²பட்டி²தங்
க்³தினிமித்தங் ஆரப்³பா⁴திபி லத்³து⁴ங் வட்டதியேவ. ஏவஞ்சஸதி,
க்³தினிமித்தங் பி அதீதங் லப்³ப⁴தீதி த்³ஸ்ஸேதுங் “யதா³பனா”திஆதி³ வுத்தங்.
“ஸந்ததி வஸேனா”தி ஸந்ததி பச்சுப்பன்ன வஸேன. “தஸ்ஸா”தி
க்³தினிமித்தஸ்ஸ. யேபு⁴ய்யேன வுத்தோ, ந ஸப்³புஸங்கா³ஹிகேன
வுத்தோதி அதி⁴ப்பாயோ. “மனொத்³வாரிக மரணாஸன்ன ஜவனானங் பி

இச்சி²தப்³ப்த்தா⁴”தி புரேஜாதபச்சய பா⁴வேன இச்சி²தப்³ப்த்தா⁴தி அதி⁴ப்பாயோ. “தத³னுப³ந்தா⁴யா”தி தானி மனொத்³வாரி கமரணாஸன்ன ஜவனானி அனுக³தாய. “படிஸந்தி⁴யாபி ஸம்ப⁴வதோ”தி தஸ்ஸ புரேஜாத பச்சயஸ்ஸ படிஸந்தி⁴யாபி புரேஜாத பச்சயதா ஸம்ப⁴வதோ. நனு தே²ரேன பி⁴ந்தி³த்வா அவுத்தேபி பி⁴ந்தி³தப்³பே³ ஸதி, பி⁴ந்த³னமேவ யுத்தந்தி சே. ந யுத்தங். கஸ்மா, கம்மனிமித்தேன ஸமானக³திகத்தா. தேனாஹ “நசதங்”திஆதி³ங். விபா⁴வனியங் யதா²ஸம்ப⁴வங் யோஜேதப்³பங்தி வத்வா அபரேபன அவிஸேஸதோவ வண்ணெந்தீதி அபரேவாதோ³பி வுத்தோ. தத்த² “அவிஸேஸதோ வண்ணெந்தீ”தி அபி⁴ந்தி³த்வாவ வண்ணெந்தீதி வுத்தங் ஹோதி. புன தங் அபரேவாத³ங் அஸம்படிச்ச²ந்தோ “அட்ட²கதா²யங் பனா”திஆதி³மாஹ. இத⁴ பன தங் அபரேவாத³ங் பக்³க³ண்ஹந்தோ புன “யஞ்ச தத்தா²”திஆதி³மாஹ. தத்த² “ததா³ரம்மணாயா”தி தங் க³தினிமித்தா ரம்மணாய. “தேஸங் வசனங்”தி அபரேஸங் வசனங். “அஞ்ஞத்ர அவிசாரணாயா”தி கஸ்மா வுத்தங். நனு அட்ட²கதா²யங் பனாதிஆதி³ ஸப்³பங் விசாரணா வசனமேவ ஹோதீதி. ஸச்சங் யதா² தி³ட்ட²பாட²வஸேன, ஸாவஸேஸ பாட²பா⁴வங் பன ந விசாரேதியேவ. தஸ்மா “அஞ்ஞத்ர அவிசாரணாயா”தி வுத்தங். எத்த² ஸியா. அட்ட²கதா²பாடோ² ஸாவஸேஸோ ஹோது, மூலடிகாபாடோ² பன மனொத்³வாரே யேவாதி நியமெத்வா வுத்தத்தா கத²ங் ஸாவஸேஸோ ஸியாதி. நியமெத்வா வுத்தோபி இத⁴ அதி⁴ப்பேதத்தே² அபரிபுண்ணே ஸாவஸேஸோ ஏவ ஹோதீதி. தேன வுத்தங் “அஞ்ஞங் காரணங் நத்தி² அஞ்ஞத்ர அவிசாரணாயா”தி. “பச்சப்பன்னமதீதங்”திஆதீ³ஸு. ததா³ரம்மணாவஸானாய பஞ்சத்³வாரிக ஜவனவீதி²யா ச வனங் ஹோதீதி யோஜனா. ஏவங் அபரத்த²பி. ப³லவந்தேபி ஸதி. ததா³ரம்மணாவஸானாய ஏவ வீதி²யா. “வுத்தத்தா பனா”தி அட்ட²கதா²யங் ஏவ வுத்தத்தா பன. “புரிமபா⁴கே³ ஏவா”தி பஞ்சத்³வாரிக அந்திம வீதி²தோ புப்³பா⁴கே³ ஏவ. “தாஹி”தி தெ³ய்யத⁴ம்மவத்தூ²ஹி. “யதா²தங்”தி தங் அத்த²ஜாதங் கதமங் வியாதி அத்தோ². “இதோ”தி மனுஸ்ஸ ப⁴வதோ. நிமித்த ஸதி³ஸங் ஸத்³த³ங் வண்ணந்தி ஸம்ப³ந்தோ⁴. “நட்ட²சகாரங்”தி பதிதசகாரங். அட்ட²கதா²பாடோ² ஞாதகா மாதாத³யோ பஞ்சத்³வாரே உபஸங்ஹரந்தீதி ஸம்ப³ந்தோ⁴. “தவத்தா²யா”தி தவஅத்தா²ய. “சீனபடஸோமாரபடாதி³வஸேனா”தி சீனரட்டே² பவத்தோ படோ சீனபடோ. ததா² ஸோமாரபடேபி. “தானீ”தி ரஸபொட்ட²ப்³பா³னி. பொட்ட²ப்³பங் பன அஞ்ஞங்பி யுஜ்ஜதேவ. அத்தி²தா³னீதி மனஸிகதத்தா பச்சப்பன்னபூ⁴தானீதி வுத்தங். “அருபீனங்”தி அருபப்³ரஹ்மானங். “தே”தி அருபினோ. “தானீ”தி ஹெட்டி²மஜ்ஜா²னானி. விஸ்ஸட்ட²ங் லத்³த⁴ஜா²னங் யேஸங் தே விஸ்ஸட்ட²ஜ்ஜா²னா. “ததோயேவ சா”தி விஸ்ஸட்ட²ஜ்ஜா²னத்தாயேவ ச. ஆகட்³டி⁴தங் மானஸங் சித்தங் ஏதேஸந்தி விக்³க³ஹோ. இத³ஞ்ச ஹேதுவிஸேஸன பத³ங். ஆகட்³டி⁴தமானஸத்தா காமப⁴வே உப்பஜ்ஜமானானந்தி தீ³பேதி. தேஸங் அருபீனங். “அஞ்ஞங் துப்³ப³ல கம்மங்”தி

உபசாரஜ்ஜா²னகம்மதோ அஞ்ஞங் திஹேதுகோமகங் கம்மங். “தேஸங்”தி
 ரூபலோகதோ ச வந்தானங். “ஸதோ”தி ஸந்தஸ்ஸ ஸமானஸ்ஸ.
 “உபத்த²ம்ப⁴னே காரணங் நத்தீ²”தி இத³ங் உபசாரஜ்ஜா²ன கம்மஸ்ஸ க³ருக
 கம்மக³திகத்தா வுத்தங். ஏகந்த க³ருககம்மபூ⁴தங்பி பன மஹக்³தஜ்ஜா²ன
 கம்மங் நாம நானானிகந்தி ப³லேன படிபா³ஹீயமானங் படிஸந்தி⁴ங் ந
 தே³தியேவ. உபசாரஜ்ஜா²ன கம்மே வத்தப்³பங் நத்தீ²தி த³ட்ட²ப்³பங்.
 “தாதி³ஸானீ”தி ததா² ரூபானி த்³விஹேதுகோமக கம்மானி தேஸங் ஓகாஸங் ந
 லப⁴ந்தி. நீவரணானங் ஸுட்டு²விக்க²ம்பி⁴தத்தாயேவ. “யேனா”தி யேன
 ச²ந்தா³தீனங் பவத்தி காரணேன. “நானாகம்மானி பீ”தி உபசாரஜ்ஜா²ன கம்மதோ
 அஞ்ஞானி பச்சப்பன்ன கம்மானிபி அதீதப⁴வேஸு கதானி அபரபரியாய
 கம்மானிபி. “யேன சா”தி யேன நானாகம்மானம்பி ஓகாஸ லாப⁴காரணேன ச.
 “தே”தி ரூபீ ப்³ரஹ்மானோ. “வுத்தனயேனே வா”தி
 ஸுட்டு²விக்க²ம்பி⁴தனீவரணானங் தேஸங் அப்பனா பத்தஜ்ஜா²னவிஸேஸேன
 [யஸ்மா பனாதிஆதி³னா ச] பரிபா⁴வித சித்தஸந்தானத்தா³தி ச
 வுத்தனயேனேவ. “தங் காரணங்”தி அஹேதுக படிஸந்தி⁴யா அபா⁴வ
 காரணங். பரம்பர ப⁴வேஸுச வீதி²முத்தசித்தானங் பவத்தாகாரங்
 த்³ஸ்ஸேதுந்தி ஸம்ப³ந்தோ⁴. “யதா² தானியேவ ஓஸதா⁴னீ”தி லோகே ஏகங்
 ஓஸத⁴ங் லபி⁴த்வாதங் தே³வஸிகங் பு⁴ஞ்ஜதி. ஏகோபத²மதி³வஸே
 பு⁴ஞ்ஜந்தங் தி³ஸ்வா கதமங் நாம த்வங் ஓஸத⁴ங் பு⁴ஞ்ஜஸீதி புச்சி². இத³ங்
 நாம ஓஸத⁴ங் பு⁴ஞ்ஜாமீதி வத³தி. புனதி³வஸேஸுபி ஓஸத⁴ங்
 பு⁴ஞ்ஜந்தங் தி³ஸ்வா ததே²வ புச்சி². தமேவ ஓஸத⁴ங் பு⁴ஞ்ஜாமீதி வத³தி.
 தத்த² “தமேவ ஓஸத⁴ங்”தி யங் பத²மதி³வஸே ஓஸத⁴ங் தயாச புச்சி²தங்.
 மயா ச கதி²தங். தமேவ அஜ்ஜ பு⁴ஞ்ஜாமீதி அத்தோ². தத்த² பன பத²மதி³வஸே
 பு⁴த்தங் ஓஸத⁴ங் அஞ்ஞங். அஜ்ஜ பு⁴த்தங் அஞ்ஞங். தங்ஸதி³ஸங் பன
 அஞ்ஞங்பி தமேவாதி லோகே வோஹரந்தி தானியேவ ஓஸதா⁴னி
 பு⁴ஞ்ஜாமீதி. ஏவங் இத⁴பி தஸ்ஸதி³ஸே தப்³போ³ஹாரோ த³ட்ட²ப்³போ³.
 “தஸ்மிங்”தி ப⁴வங்க³சித்தே. அவத்தமானே உபபத்திப⁴வோ ஒச்சி²ஜ்ஜதி.
 வத்தமானே ந ஒச்சி²ஜ்ஜதி. தஸ்மா தஸ்ஸ உபபத்தி ப⁴வஸ்ஸ அனொச்சே²த³
 அங்க³த்தா²ய காரணத்தா ப⁴வங்க³ந்தி வுச்சதீதி அதி⁴ப்பாயோ. “உபபத்தி
 ப⁴வோ”தி ச கம்மஜக்க²ந்த⁴ஸந்தானங் வுச்சதி. “பரஸமயே”தி உச்சே²த³
 தி³ட்ட²னங் வாதே³. “வட்டமூலானீ”தி அவிஜ்ஜாதண்ஹா வுச்சந்தி. வட்டமூலானி
 ஸுட்டு²உச்சி²ஜ்ஜந்தி எத்தா²தி விக்³க³ஹோ. “யஸ்ஸ அத்தா²யா”தி
 ஸஉபாதி³ஸேஸாதி³கஸ்ஸ நிப்³பா³னஸ்ஸ படிஸாப⁴த்தா²ய. “பட்ட²பீயந்தீ”தி
 பவத்தாபீயந்தி. பஜ்ஜந்தி பாபுணந்தி அரியா ஜனா எத்தா²தி பத³ங். பரதோ
 ஸமந்திபதே³ அனுபாதி³ஸேஸஸ்ஸ க³ய்ஹமானத்தா இத⁴
 ஸஉபாதி³ஸேஸந்தி வுத்தங். பு³ஜ்ஜ²ந்தீதி பு³தா⁴. ஸுட்டு² ஸத்³தி⁴ங்
 உச்சி²ன்னங் ஸினேஹப³ந்த⁴னங் யேஹி தே
 ஸுஸமுச்சி²ன்னஸினேஹப³ந்த⁴னா. கத²ஞ்ச ஸுட்டு²உச்சி²ன்னங், கேஹி ச

ஸத்³தி⁴ங் உச்சி²ன்னந்திஆஹ “அனுஸயமத்தங் பீ”திஆதி³ங்.
“ஸேஸகிலேஸேஹீ”தி தண்ஹாஸினேஹ ப³ந்த⁴னதோ அவஸேஸ
கிலேஸேஹி. “அதி⁴ஸயிதங்”தி விக்க²ம்பி⁴துங்பி அஸக்குணையங்
ஹுத்வா அதிரேகதரங் ஸயிதங். “அதி⁴க³மாவஹங்”தி அதி⁴க³மோ வுச்சதி
நவவிதோ⁴ லோகுத்தர த⁴ம்மோ. தங் ஆவஹதீதி அதி⁴க³மாவஹங்.
“ஸீலங்”தி சதுபாரிஸுத்³தி⁴ஸீலங். “து⁴தங்க³ங்”தி தேரஸது⁴தங்க³ங்.
ஸேஸமெத்த² ஸுவிஞ்ஞெய்யங்.

வீதி²முத்தஸங்க³ஹதீ³பனியாஅனுதீ³பனா நிட்டி²தா.

6. ரூபஸங்க³ஹஅனுதீ³பனா

156. ரூபஸங்க³ஹே . “சித்தசேதஸிகே”தி சித்தசேதஸிக த்⁴ம்மே. “த்³வீஹி பபே⁴த³ப்பவத்தீஹி”தி த்³வீஹி பபே⁴த³ஸங்க³ஹபவத்தி ஸங்க³ஹேஹி. “யே வத்தந்தீ”தி யே த்⁴ம்மா வத்தந்தி பவத்தந்தி. “எத்தாவதா”தி எத்தகேன ‘தத்த² வத்தாபி⁴த⁴ம்மத்தா²’திஆதி³கேன வசனக்கமேன. நிபாதங் இச்ச²ந்தா எத்தகேஹி பஞ்சஹி பரிச்சே²தே³ஹீதி வண்ணெந்தி. வசனவிபல்லாஸங் இச்ச²ந்தாதிபி யுஜ்ஜதி. “ஸமுட்டா²தீ”தி ஸுட்டு² உட்டா²தி, பாதுப்ப⁴வதி, விஜ்ஜமானதங் கச்ச²தி. “கம்மாதீ³”தி கம்மாதி³பச்சயோ. “பிண்ணி³”தி ஏகக்க⁴னதா வச்சதி. உபாதா³ய மஹந்தானி ஏவ ஹுத்வாதி ஸம்ப³ந்தோ⁴. இந்த³ரியப³த்த⁴ஸந்தானங் ஸத்தஸந்தானங். அஜ்ஜ²த்த ஸந்தானங்திபி வச்சதி. “விஸங்வாத³கட்டே²னா”தி விராத⁴கட்டே²ன. பூ⁴தஞ்ச அபூ⁴தங் கத்வா அபூ⁴தஞ்ச பூ⁴தங் கத்வா ஸந்த³ஸ்ஸகட்டே²னாதி வத்தங் ஹோதி. பூ⁴தவஜ்ஜப்படிச்சா²த³னகம்மங் மஹாமாயா நாம. மாயங் கரொந்தீதி மாயாகாரா. ஆவிஸனங் நாம ஸத்தானங் ஸரீரேஸு ஆவிஸனங். க³ஹணங் நாம ஸத்தானங் அத்தனோவஸங் வத்தாபனங். தது³ப⁴யங் கரொந்தா கத்த² ட²த்வா கரொந்தி. அந்தோவாட²த்வா கரொந்தி, ப³ஹிவா ட²த்வா கரொந்தீதி பாகதிசேஹி மனுஸ்ஸேஹி ஜானிதுங் பஸ்ஸிதுங் அஸக்குணெய்யத்தா அசிந்தெய்யட்டா²னங் நாம. “வஞ்சகட்டே²னா”தி ஏதா பகதியா அதிது³ப³பண்ணங் அத்தானங் தே³வச்ச²ராவண்ணங் கத்வா வஞ்செந்தி. வஸனருக்க²கு³ம்ப³ங்பி தி³ப³ப³விமானங் கத்வா வஞ்செந்தி. ஏவருபேன வஞ்சகட்டே²ன. “தேனேவட்டே²னா”தி விஸங்வாத³கட்டா²தி³னா திவிதே⁴னேவ அத்தே²ன. தானிபிஹி அஸத்தபூ⁴தங்யேவ அத்தானங் ஸத்தோதி விஸங்வாதெ³ந்தி. அருக்க²ங்யேவ அத்தானங் ருக்கோ²தி விஸங்வாதெ³ந்தி. அனிட்ட²ங், அகந்தங், அமனாபங்யேவ அத்தானங் இட்டோ², கந்தோ, மனாபோதி வஞ்செந்தி, ததா² ஸஹஜாதானஞ்ச தேஸங் அஞ்ஞமஞ்ஞஸ்ஸ அந்தோ வா திட்ட²ந்தி. உதா³ஹு³ப³ஹிவாதிட்ட²ந்தீதி ஜானிதுங் பஸ்ஸிதுங் அஸக்குணெய்யங் டா²னங் ஹோதீதி. “உப⁴யத்த²பீ”தி மாயாகாராதி³ மஹாபூ⁴தேஸு ச பத²வியாதி³மஹாபூ⁴தேஸு ச. “அபூ⁴தானீ”தி அஸந்தானி, அஸச்சானி . “அப்ப⁴தானீ”தி அச்ச²ரியகம்மானி. “இமஸ்மிங் பாடே²”தி சதுன்னங் மஹாபூ⁴தானந்தி ஏவங் ஸம்ப³ந்த⁴ பத³ஸஹிதே பாடே². அஞ்ஞத்த² பன உபாதா³ரூபங் அனுபாதா³ரூபந்திஆதீ³ஸு யகார விரஹோ தி³ட்டோ²தி அதி⁴ப்பாயோ. தா⁴தூனங் அனேகத்த²த்தா “பத²யதி பக்கா²யதீ”தி வத்தங். “பதூ²”தி பாடிபதி³கபத³ங். தமேவ ஜாதத்தே² நிருத்தினயேன பத²வீதி ஸித்த⁴ந்தி த³ஸ்ஸேதுங் “புது²மஹந்தீ”திஆதி³ வத்தங். பகாரேன த²வீயதீதி அத்தே² பத²வீதி இத³ங் உஜுகமேவ. “ஆபேதீ”தி ப³யாபேதி. “அப்பாயதீ”தி பு⁴ஸங் பாயதி, வட்³டே⁴தி. தேனாஹ “ஸுட்டு² ப³ருஹேதீ”திஆதி³ங். நிஸானத்த²வஸேனேவ பரிபாசனத்தோ²பி லப்ப⁴தீதி ஆஹ “பரிபாசேதிவா”தி.

“ஸமீரேதி”தி ஸுட்டு² ஈரேதி கம்பேதி. வாயதி வஹதீதி வாயோ
அத்தா²திஸ்ஸய நயேன. “வித்த²ம்ப⁴னங்”தி விவிதே⁴ன ஆகாரேன
பு⁴தஸங்கா⁴டானங் த²ம்ப⁴னங் வஹனங் அபி⁴னீஹரணங். கக்க²ளதா நாம
க²ரதா ப²ருஸதா. ஸஹஜாதருபானங் பதிட்டா²னத்தா²ய த²த்த⁴தா தூ²லதா.
ஸா ஸேஸபு⁴தேஸு நத்தீ²தி ஆஹ “ஸேஸபு⁴தத்தயங் உபாதா³யா”தி.
“அனவட்டா²னதா”தி எத்த² அவட்டா²னங் நாம அசலட்டா²னங். ந அவட்டா²னந்தி
அனவட்டா²னங். சலனந்தி வுத்தங் ஹோதி. தேனாஹ “முது³பு⁴தாபீ”திஆதி³ங்.
ஆப³ந்த⁴கங் நாம ஆப³ந்தி⁴தப்³பே³ வத்து²ம்ஹி முது³ம்ஹி ஸதி, த³ள்ஹங் ந
ப³ந்த⁴தி. த²த்த⁴தே⁴ஸதி, த³ள்ஹங் ப³ந்த⁴தீதி இத³ங் லோகதோவ
ஸித்த⁴ந்தி ஆஹ “ஆப³ந்தி⁴தப்³பா³யா”திஆதி³ங். “தப்³பா⁴வங்”தி
பரிணதபா⁴வங். “பரிபாசகதா த³ஸ்ஸனதோ”தி ஹேமந்தே
அஜ்ஜோ²ஹடாஹாரானங் ஸுட்டு²பரிபாசகதா த³ஸ்ஸனதோதி வத³ந்தி. உஸதி
த³ஹதீதி உண்ஹங். “த³ஹதீ”தி ச உண்ஹதேஜோபி உண்ஹபா⁴வேன
த³ஹதி, ஸீததேஜோபி ஸீதபா⁴வேன த³ஹதி. உண்ஹேன பு²ட்ட²ங் வத்து²
உண்ஹத்தங் க³ச்ச²தி, ஸீதேன பு²ட்ட²ங் வத்து² ஸீதத்தங் க³ச்ச²தி. யஞ்ச
உண்ஹத்தங் க³ச்ச²தி, தங் உண்ஹதேஜோ உண்ஹபா⁴வேன த³ஹதினாம.
யஞ்ச ஸீதத்தங் க³ச்ச²தி, தங் ஸீததேஜோ ஸீதபா⁴வேன த³ஹதினாம. ஏவங்
ஸீததேஜோபி உஸதித³ஹதீதி அத்தே²ன உண்ஹத்த லக்க²ணோனாம
ஹோதீதி. ஏவங்ஸந்தே நீலேனவண்ணேன பு²ட்ட²ங் வத்து² நீலங் ஹோதி.
பீதேன பு²ட்ட²ங் பீதங் ஹோதி. நீலங் பீதங் தங் வத்து²ங் த³ஹதினாமாதி
சே. நீலேன வண்ணேன பு²ட்ட²ங்னாம நத்தி². ததா² பீதேன . கஸ்மா, நீலாதீ²னங்
உபாதா³ருபானங் பு²ஸன கிச்சா பா⁴வதோ. ஸம்மிஸ்ஸிதங் நாம ஹோதி. ந
ச ஸம்மிஸ்ஸனமத்தேன த³ஹதி. பு²ஸந்தோ ஏவ த³ஹதி. பு²ஸந்தானங் பி
பத²விவாதானங் த³ஹனகிச்சங் நத்தி². பரிபாசனகிச்சங் நத்தீ²தி அதி⁴ப்பாயோ.
ஸசே க⁴னத²த்தே⁴ ஸிலாத²ம்பே⁴ வித்த²ம்ப⁴னங் அத்தி², ஸகலோ
ஸிலாத²ம்பே⁴ கப்பாஸபிசுக்³ள்ஹோவிய ஸிதி²லோ ச லஹுகோ ச
ப⁴வெய்ய. நச ப⁴வதி. தஸ்மா தத்த² வித்த²ம்ப⁴னங் நத்தீ²தி அதி⁴ப்பாயேன
“ஸோ பன க⁴னத²த்தே⁴ஸு ஸிலாத²ம்பா⁴தீ³ஸு ந லப்³ப⁴தீ”தி சோதே³தி.
தத்த² பன வித்த²ம்ப⁴னங் லப்³ப⁴மானங் அதி⁴மத்தேன ந லப்³ப⁴தி,
ஸஹஜாதபு⁴தானங் உபத்த²ம்ப⁴னமத்தேன லப்³ப⁴தீதி த³ஸ்ஸெந்தோ “நா”தி
வத்வா “தத்த²ஹி”திஆதி³மாஹ. தத்த² “வஹதீ”தி த²த்த⁴கக்க²ள கிச்சங்
வஹதி.

பஸாத³ருபேஸு. “ஸமவிஸமங்”தி ஸமட்டா²னஞ்ச விஸமட்டா²னஞ்ச,
ஸமதே³ஸஞ்ச விஸமதே³ஸஞ்ச, ஸமபத²ஞ்ச விஸமபத²ஞ்சாதி ஏவமாதி³ங்
ஸமவிஸமங். “ஆசிக்க²தீ”தி ஆசிக்க²ந்தங் விய தங் ஜானந கிச்சங்
ஸம்பாதே³தி. தேனாஹ “ஸமவிஸமஜானநஸ்ஸ தங் மூலகத்தா”தி.
“அனிராகரணதோ”தி அப்படிக்கி²பனதோ. “தங் வா”தி ரூபங் வா. ஸுணந்தி ஜனா.
ஸுய்யந்தி ஜனேஹி. ஏவங் கா⁴யந்தீதிஆதி³ஸு. “ஜீவித நிமித்தங்”தி

ஜீவிதப்பவத்திகாரணபூ⁴தோ. “நின்னதாயா”தி விஸயவிஸயீபா⁴பூபக³மனேன
நின்னதாய. “ஜீவிதவுத்தி ஸம்பாத³கத்தா”தி
நானாவசீபே⁴த³வசீகம்மப்பவத்தனேனாதி அதி⁴ப்பாயோ. இமே பன பஞ்ச
சக்கு² பஸாதா³த³யோதி ஸம்ப³ந்தோ⁴. “த³ட்டு²காமதா”தி ரூபதண்ணஹா வுச்சதி.
ஆதி³ஸத்³தே³ன ஸோதுகாமதா கா⁴யிதுகாமதா ஸாயிதுகாமதா
பு²ஸிதுகாமதாயோ ஸங்க³ய்ஹந்தி. அத்த²தோ ஸத்³த³தண்ணஹா க³ந்த⁴தண்ணஹா
ரஸதண்ணஹா பொ²ட்ட²ப³தண்ணஹா ஏவ. “நிதா³னங்”தி காரணங்.
த³ட்டு²காமதாத³யோ நிதா³ன மஸ்ஸாதி விக்³க³ஹோ. குஸலா குஸலகம்மங்.
ஸமுட்டா²தி ஏதேனாதி ஸமுட்டா²னங். கம்மமேவ.
த³ட்டு²காமதாதி³னிதா³னகம்மங் ஸமுட்டா²னங் யேஸந்தி ஸமாஸோ.
பத்²விஆதீ³னி பூ⁴தானி. தேஸங் பஸாதோ³ லக்க²ணங் ஏதேஸந்தி
விக்³க³ஹோ. து³தீய விகப்பே. ரூபாதீ³னங் பஞ்சாரம்மணானங் அபி⁴கா⁴தங்
அரஹதீதி ரூபாதி³அபி⁴கா⁴தாரஹோ. பூ⁴தானங் பஸாதோ³
பூ⁴தப்பஸாதோ³. ஸோ லக்க²ணங் ஏதேஸந்தி விக்³க³ஹோ. சக்கு²
ஊகாஸிரப்பமாணே தி³ட்ட² மண்ட³லே திட்ட²தீதி ஸம்ப³ந்தோ⁴.
“தி³ட்ட²மண்ட³லே”தி மஹாஜனேஹி பகதி சக்கு²னா தி³ட்டே²
பஸன்னமண்ட³லே. தேலங் ஸத்தபிசுபடலானி ப்³யாபெத்வா திட்ட²திவியாதி
யோஜனா. “ஸோதபி³லங்” நாம ஸோதகூபோ. “அங்கு³லிவேட²னா” நாம
அங்கு³லிமுத்³தி³கா. “உபசிததனுதம்ப³லோமங்”தி ராஸீகதஞ்ச விரளஞ்ச
தம்ப³லோஹவண்ணஞ்ச ஸுகு²மலோமங். உபசிதங் ராஸீகதங்
தனுதம்ப³லோமங் எத்தா²தி விக்³க³ஹோ. “அஜபத³ஸண்டா²னங்”தி அஜஸ்ஸ
பாதே³ன அக்கந்தபத³ஸண்டா²னவந்தங். “உப்பலத³லங்” நாம உப்பலபண்ணங்.
உப்பலத³லஸ்ஸ அக்³க³ஸண்டா²னவந்தங். “வட்டி” நாம இத⁴ மனுஸ்ஸானங்
ஸரீராகாரஸண்டி²தா ஆயதபிண்டி³. “ஸுக்க²சம்மானி ச ட²பெத்வா”தி
ஸம்ப³ந்தோ⁴. தே பன பஞ்சப்பஸாதா³. ஸமுதீ³ரணங் சஞ்சலனங். “யதா²தங்”தி
கதமங் விய தங். இமே பஸாதா³ விசித்தா, கத²ங்விசித்தாதி ஆஹ
“அஞ்ஞமஞ்ஞங் அஸதி³ஸா”தி. கத²ங் அஸதி³ஸாதி ஆஹ “தேஹீ”திஆதி³ங்.

கோ³சரூபேஸு. “வண்ணவிஸேஸங்”தி வண்ணவிஸேஸத்த²ங்.
வண்ணவிகாரந்தி வுத்தங் ஹோதி. ஹத³யே க³தோ பவத்தோ பா⁴வோ
ஹத³யங்க³தபா⁴வோ. “பா⁴வோ”தி ச அதி⁴ப்பாயோ வுச்சதி. தங் பகாஸேதி,
முகே² வண்ணவிகாரங் தி³ஸ்வா அயங் மே துஸ்ஸதி, அயங் மே ருச்சதி,
அயங் மே குப்பதி, அயங் ஸோமனஸ்ஸிதோ, அயங் தோ³மனஸ்ஸிதோதி
ஏவங் ஜானநபச்சயத்தா. “பகதியா பீ”தி வண்ணவிஸேஸங் அனாபஜ்ஜித்வாபீதி
அதி⁴ப்பாயோ. “யங் கிஞ்சித³ப்³பங்”தி ஸவிஞ்ஞாணகவத்து²ங். ஸமவிஸமங்
பு³பே³ பகாஸிதங். தங் தங் அத்த²ங் வா ஆசிக்க²தி தங் ஸுத்வா தஸ்ஸ
தஸ்ஸ அத்த²ஸ்ஸ ஜானநதோ. அத்தனோ வத்து²ங் வா ஆசிக்க²தி தங்
ஸுத்வா தஸ்ஸ வத்து²ஸ்ஸபி ஜானநதோ. “அத்தனோ வத்து²ங் ஸுசேதீ”தி
இத⁴ இத³ங் நாம அத்தீ²தி பகாஸேதி. “பு²ஸீயதீ”தி பு²ஸித்வா விஜானீயதி.

“தங்”தி பு²ஸனங். “தஸ்ஸா”தி ஆபோதா⁴துயா. “த்³ரவதாவா”தி
 அத்³திந்தரஸதாவா. பு²ஸித்வா க³ய்ஹதி, ஸா ச ஆபோதா⁴து ஸியாதி
 சோதே³தி. வச்சதே பரிஹாரோ. ஏவங் பன ந லப்³ப⁴தி, தஸ்மா ஸா
 தேஜோயேவ. ந ஆபோதி. எத்த² ஏவங் அலப்³ப⁴மானாபி ஸாஸீததா
 ஆபோயேவ, ந தேஜோ. கஸ்மா, ஆபஸ்ஸபி ஸீதுண்ஹவஸேன து³வித⁴தா
 ஸம்ப⁴வதோ . தஸ்மிஞ்ஹி லோஹரஸே உண்ஹதா உண்ஹஆபோ,
 ஸீதவத்தூ²ஸு ஸீததா ஸீதஆபோதி சே. ஏவங் பன ஸதி தேஜோ நாம நத்தீ²தி
 ஆபஜ்ஜதீதி பரிஹாரோ. “ஸஹ அப்பவத்தனதோ”தி ஏகதோ அப்பவத்தனதோ.
 “ஓரபாரானங் வியா”தி நதி³யங் தீரங் நாம இத³ங் ஓரிமதீரங், இத³ங் பாரிமந்தி
 நியமதோ நத்தி². யத்த² ஸயங் திட்ட²தி, தங் ஓரிமந்தி, இதரங் பாரிமந்தி
 வோஹரதி. ஏவங் ஓரபாரானங் அனவட்டா²னங் ஹோதீதி. எத்த² ச
 “ஸீதுண்ஹானங் ஸஹ அப்பவத்தனதோ”தி ஏதேன யதி³ தே ஸஹ
 பவத்தெய்யுங். தத்த² ஸீததா ஆபோனாம, உண்ஹதா தேஜோனாமாதி
 வத்தப்³பா³ ஸியுங். ந பன தே ஸஹ பவத்தந்தி, தஸ்மா ததா² ந வத்தப்³பா³
 ஹோந்தீதி து³ஸ்ஸேதி. ந ந வத்தப்³பா³. கஸ்மா, உண்ஹதேஜேன யுத்தோஹி
 ஆபோ உண்ஹத்தமேவ க³ச்ச²தி. யதா²தங் உண்ஹதேஜேன யுத்தா பத²வீபி
 வாயோபி உண்ஹத்தமேவ க³ச்ச²ந்தீதி. தஸ்மா தே ஸஹ ந பவத்தந்தி. ஸஹ
 அப்பவத்தேஸுபி தேஸு அஞ்ஞத்த² ஸீதவத்தூ²ஸு ஸீததா ஆபோனாமாதி
 வத்தப்³பா³மேவ ஹோதீதி சோத³னா. ஏவங்ஸந்தே தஸ்மிங் லோஹரஸே
 ஸப்³பே³பி ரூபத⁴ம்மா உண்ஹத்தங் க³ச்ச²ந்தீதி ஸப்³பே³பி தேஜோபா⁴வங்
 பாபுணந்தி. ‘உண்ஹத்த லக்க²ணோ தேஜோ’திஹி வுத்தங். யதி³ ச
 ஸீதவத்தூ²ஸு ஸீதபா⁴வோ நாம ஸியா. தத்த²பி தேன யுத்தா ஸப்³பே³பி
 ரூபத⁴ம்மா ஸீததங் க³ச்ச²ந்தியேவ. தத்த²பி தவமதியா ஸப்³பே³பி
 ஆபோபா⁴வங் பாபுணந்தி. ந பன ஸக்கா ததா² ப⁴விதுங். ந ஹி ஏவரூபங்
 லக்க²ணஞ்ஞத்த²ந் நாம தேஸங் அத்தி². பா⁴வஞ்ஞத்த²மேவ அத்தி². தத்த²
 “லக்க²ணஞ்ஞத்த²ந்” நாம பத²வீ ஆபோபா⁴வங் க³ச்ச²தி. ஆபோ
 பத²விபா⁴வங் க³ச்ச²தீதிஆதி³. “பா⁴வஞ்ஞத்த²ந்” நாம பத²வீ கதா³சி கக்க²ளா
 ஹோதி. கதா³சி முது³கா. ஆபோ கதா³சி ஆபந்த⁴னமத்தோ ஹோதி. கதா³சி
 பக்³க⁴ரணகோ. தேஜோ கதா³சி உண்ஹோ, கதா³சி ஸீதோ. வாயோ கதா³சி
 வித்த²ம்ப⁴னமத்தோ, கதா³சி ஸமுதீ³ரணோதி. ஏவங் ஏகமேகஸ்ஸா தா⁴துயா
 திக்க² மந்த³ ஓமத்தாதி⁴மத்தவஸேன க்ரியாஸங்கந்தி நாம அத்தீ²தி. தஸ்மா
 யங் வுத்தங் ‘உண்ஹதேஜேன யுத்தோஹி ஆபோ உண்ஹத்தமேவ க³ச்ச²தி,
 யதா² தங் உண்ஹதேஜேன யுத்தா பத²வீபி வாயோபி உண்ஹத்தமேவ
 க³ச்ச²ந்தீதி. தங் லக்க²ணஞ்ஞத்த²வசனங் ஹோதி. ந யுஜ்ஜதி. ந ஹி
 உண்ஹதேஜேன யுத்தா ஸப்³பே³தேத⁴ம்மா உண்ஹத்தங் க³ச்ச²ந்தி. அத்தனோ
 அத்தனோ ஸபா⁴வங் ந விஜஹந்தி. ததா²ஹி தஸ்மிங் பக்குதி²தே ஸந்தத்தே
 லோஹரஸே பா⁴வோ உண்ஹத்தங் ந க³ச்ச²தி. ஆபந்த⁴ன ஸபா⁴வங் வா
 பக்³க⁴ரண ஸபா⁴வங் வா ந விஜஹதி. யதி³ உண்ஹத்தங் க³ச்செ²ய்ய, தங்

ஸபா⁴வங் விஜஹெய்ய. ஏவங்ஸதி, தஸ்மிங் லோஹரஸே
ஆப³ந்த⁴னாகாரோ வா பக்³க்⁴ரணாகாரோ வா ந பஞ்ஞாயெய்ய. ஸப்³பே³ருப
த⁴ம்மா விக்கிரெய்யங். விக்கிரித்வா அந்தரதா⁴ரெய்யங். ந ச ந பஞ்ஞாயதி.
நாபி விக்கிரந்தி. நோச தத்த² ஆப³ந்த⁴னாகாரோ உண்ஹத்தங் கச்ச²தி.
அஞ்ஞோஹி ஆப³ந்த⁴னாகாரோ, அஞ்ஞங் உண்ஹத்தங். ஆப³ந்த⁴னாகாரோ
ஆபோ, உண்ஹத்தங் தேஜோ. தத்த² பத்²விவாயேஸுபி ஏஸேவனயோ. தஸ்மா
யங் வுத்தங் “யதி³ தே ஸஹ பவத்தெய்யங். தத்த² ஸீததா ஆபோனாம,
உண்ஹதா தேஜோ நாமாதி வத்தப்³பா³ ஸியங். ந பன தே ஸஹ பவத்தந்தி.
தஸ்மா ததா² ந வத்தப்³பா³ ஹொந்தீதி த்³ஸ்ஸேதி”தி. தங் ஸுவத்தமேவாதி
த³ட்ட²ப்³பங். “தேஸங் அனவட்டா²னதோ”தி ஏதேன ஸசே தே ஸீதுண்ஹா
அவட்டி²தா ஸியங். அத² ஸப்³ப்காலேபி ஸீததா ஆபோனாம, உண்ஹதா
தேஜோனாமாதி வத்தப்³பா³ ஸியங். ந பன தே அவட்டி²தா ஹொந்தி.
அனவட்டி²தா ஏவ ஹொந்தி. தஸ்மா ததா² ந வத்தப்³பா³ ஹொந்தீதி
த்³ஸ்ஸேதி. எத்த² ச அனவட்டி²தேஸு ஸந்தேஸு யதி³ ஸீததா ஆபோ நாம,
உண்ஹதா தேஜோனாமாதி வதெ³ய்யங். ஏவஞ்சஸதி, ஆபதேஜாபி அனவட்டி²தா
ஸியங். யோ இதா³னி ஆபோ, ஸோயேவ க²ணந்தரே தேஜோ நாம. யோ வா
இதா³னி தேஜோ, ஸோயேவ க²ணந்தரே ஆபோ நாமாதி ஆபஜ்ஜெய்யங். ந ச
ஸக்கா ததா² ப⁴விதுங். லக்க²ணஞ்ஞுத்தே அஸந்தே
வோஹாரஞ்ஞுத்தஸ்ஸபி அஸம்ப⁴வதோ. தேன வுத்தங் “ஓரபாரானங் விய
தேஸங் அனவட்டா²னதோ ச விஞ்ஞாயதி”தி. தத்த² “விஞ்ஞாயதி”தி ஸாஸீததா
தேஜோயேவ, ந ஆபோதி விஞ்ஞாயதி.

“அத² பனா”திஆதீ³ஸு. யங் புப்³பே³ பரேன வுத்தங் ‘நனு த்³ரவதா வா
பு²ஸித்வா க³ய்ஹதீதி. தங் விசாரேதுங் “அத² பனா”திஆதி³ வுத்தங். தத்த² “அத²
பனா”தி யதி³ பன க³ய்ஹதி, ஏவங்ஸதீதி ச. ஏவஞ்சஸதி ஆரம்மண பூ⁴தோ
ஏவ ஸியாதி ஸம்ப³ந்தோ⁴. அயங் பனெத்தா² தி⁴ப்பாயோ. ஸசே
த்³ரவபா⁴வபூ⁴தோ ஆபோ பு²ஸித்வா க³ய்ஹெய்ய. ஏவங் ஸதி ,
அயோபிண்டா³தீ³ஸு ஆப³ந்த⁴னமத்தபூ⁴தோ ஆபோபி பு²ஸித்வா
க³ஹேதப்³போ³ ஸியா. கஸ்மா, ஆபபா⁴வேன ஏகத்தா. ஏவஞ்சஸதி, தேஸு
அயோபிண்டா³தீ³ஸு ஸோ ஆபோ தானி ஹத்தே²ன வா பாதே³ன வா
பு²ஸந்தஸ்ஸ பஹரந்தஸ்ஸ வினா இதர மஹாபூ⁴தேஹி விஸுங் காயிக
ஸுக²து³க்கா²னங் ஆரம்மண பச்சயோ ஸியா. யதா²தங், தெஸ்வேவ
அயோபிண்டா³தீ³ஸு பத்²விமஹாபூ⁴தங் வினா இதரமஹாபூ⁴தேஹி விஸுங்
காயிகஸுக²து³க்கா²னங் ஆரம்மண பச்சயோ ஹொதி. ஏவங்
தேஜோவாயேஸுபீதி. ந பன ஸோ விஸுங் காயிகஸுக²து³க்கா²னங் ஆரம்மண
பச்சயோ ஹொதி. தஸ்மா ஸோ பொ²ட்ட²ப்³ப³ ஸபா⁴வோ ந ஹொதி. யதா² ச
ஸோ பொ²ட்ட²ப்³ப³ஸபா⁴வோ ந ஹொதி. ததா² பகதி உத³காதீ³ஸு
த்³ரவபா⁴வபூ⁴தோபி ஆபோ தானி பு²ஸந்தஸ்ஸ பஹரந்தஸ்ஸ
காயிகஸுக²து³க்கா²னங் ஆரம்மண பச்சயோ ந ஹொதி. ந ச பொ²ட்ட²ப்³ப³

ஸபா⁴வோதி. ஏவஞ்சஸதி, கத²ங் அயோபிண்டா³தீ³ஸு
ஆப³ந்த⁴னமத்தபு⁴தோ ஆபோ காயிகஸுக²து³க்கா²னங் பச்சயோ ந ஹோதி.
கத²ஞ்ச தேஸு இதரமஹாபு⁴தானி விஸுங் விஸுங் காயிகஸுக²து³க்கா²னங்
பச்சயா ஹோந்தீதி. தங் த³ஸ்ஸேதுங் “யஞ்ஹீ”திஆதி³மாஹ. தத்த²
“ஸண்ஹத²த³த⁴தாவஸேனவா”தி தேஸு டி²தாய பத²விதா⁴துயா
ஸண்ஹத²த³த⁴தாவஸேன வா. ஸண்ஹபத²வீஸுக²வேத³னாய
த²த³த⁴பத²விது³க்க²வேத³னாய ஆரம்மண பச்சயோதி வுத்தங் ஹோதி. ஏவங்
ஸேஸேஸு. “அப³ப⁴ந்தரத்த²ம்ப⁴னஸ்ஸா”தி தேஸங் அயோபிண்டா³தீ³னங்
அப³ப⁴ந்தரே டி²தஸ்ஸ வித்த²ம்ப⁴ன ஸபா⁴வஸ்ஸ. “நோ அஞ்ஞதா²”தி
தானிதீணி காரணானி ட²பெத்வா ஆப³ந்த⁴ன க்ரியங் படிச்ச
காயிகஸுக²து³க்கு²ப்பத்தி நாம நத்தீதி அதி⁴ப்பாயோ. இதா³னி பகதி
உத³காதீ³ஸு த³ரவபா⁴வபு⁴தங் ஆபோதா⁴தும்பி பு²ஸித்வா ஜானந்தீதி
மஹாஜனா மஞ்ஞந்தி. தப³பி³ஸோத⁴னேன ஸஹ லத்³த⁴கு³ணங்
த³ஸ்ஸேதுங் “தஸ்மா”திஆதி³மாஹ. தத்த² “பத²மங் த³ரவதா ஸஹிதானி. ல.
ஜானந்தீ”தி இத³ங் பதா⁴ன வசனங். லோகே ஹத்தே²ன பராமஸித்வா வா
சக்கு²னா தி³ஸ்வா வா இத³ங் ரஸ்ஸங், இத³ங் தீ³க⁴ங், இத³ங் வட்டங், இத³ங்
மண்ட³லந்திஆதி³னா ஸண்டா²னங் ஜானந்தா ஹத்த² பு²ஸனேன வா சக்கு²
த³ஸ்ஸனேன வா ஸஹேவ தங் ஜானந்தீதி மஞ்ஞந்தி. தத்த² பன புரிமபா⁴கே³
காயத்³வாரவீதி² சித்தேன பச்சப்பன்னானி தீணிபு⁴தானி பு²ஸித்வா வா
சக்கு²த்³வார வீதி²சித்தேன பச்சப்பன்னங் ரூபங் தி³ஸ்வா வா பச்சா²
வத்து²க்³ஹணவீதி²யா உப்பன்னாய ஏவ ஸண்டா²னங் ஜானந்தி.
ஏஸேவனயோ ரத்தியங் அலாதசக்கஸண்டா²னங் ஜானந்தஸ்ஸபி. தத்த² பன
ப³ஹுனிபி பு³பா³பரவீதி²சித்தஸந்தானானி இச்சி²தப³பா³னி. ததா² லோகே
சக்கு²னா தி³ஸ்வா த³வாரவாதபானாதீ³னங் சி²த்³விவரானி ஜானந்தா சக்கு²னா
த³ஸ்ஸனேன ஸஹேவ தானி ஜானந்தீதி மஞ்ஞந்தி. தத்த² பன புரிமபா⁴கே³
சக்கு²த்³வாரிகவீதி² சித்தேன பச்சப்பன்னானி கவாடரூபபி⁴த்தி ரூபானி
புனப்புனங் தி³ஸ்வா பச்சா² அலாதசக்கஸ்ஸ மஜ்ஜே² விவரங்³பி ஜானந்தா விய
விஸுங் உப்பன்னாய மனொத்³வாரிக விஞ்ஞாணவீதி²யா ஏவ தங்
சி²த்³விவரபு⁴தங் ஆகாஸங் ஜானந்தி. ததா² ஹத்தே²ன உத³கங்
பு²ஸந்தஸ்ஸ பத²மங் த³ரவஸஹிதானி விலீனானி முதூ³னி தீணிபொ²ட்ட²ப³ப³
மஹாபு⁴தானி விஸுங் விஸுங் காயத்³வாரிக வீதி² சித்தேஹி
பு²ஸனகிச்சேன ஆரம்மணங் கரித்வா பச்சா² விஸுங் ஸுத்³தா⁴ய
மனொத்³வாரிக வீதி²யா ஏவ த³ரவபா⁴வஸங்கா²தங் பக்³க⁴ரணக
ஆபோதா⁴துங் ஜானந்தி. ஏவங் ஸந்தேபி தங் த³ரவபா⁴வங்³பி ஹத்தே²ன
பு²ஸனேன ஸஹேவ ஜானந்தீதி மஞ்ஞந்தீதி அதி⁴ப்பாயோ.

கா³வோ சரந்தி எத்தா²தி ஆஹ “கு³ன்னங் சரணட்டா²னங்”தி. அக்க²ர விதூ³
பன கோ³ஸத்³த³ங் இந்த³ரியத்தே²பி இச்சந்தீதி ஆஹ “கோ³தி வா”திஆதி³ங்.
தானி சக்கா²தீ³னி ஏதேஸு ரூபாதீ³ஸு சரந்தி, ஏதானி வா ரூபாதீ³னி தேஸு

சக்கா²தீ³ஸு சரந்தி. தத்த² புரிமேன கா³வோ இந்த³ரியானி சரந்தி ஏதேஸு¹தி
கோ³சரானீதி த³ஸ்ஸேதி. பச்சி²மேன கோ³ஸுஇந்த³ரியேஸு சரந்தீதி
கோ³சரானீதி. இமானி பன பஞ்ச ரூபா³தீ³னி.

பா⁴வத்³வயே. இச்ச²னட்டே²ன டா²னட்டே²ன ட²பனட்டே²ன ச இத்தீ².
ஸாஹிகாமரதி அத்தா²ய ஸயங்பி அஞ்ஞங்காமிகங் இச்ச²தி. ஸயஞ்ச
காமிகேன இச்சீ²யதி. அஞ்ஞோ ச காமிகோ க⁴ராவாஸ ஸுக²த்தா²ய தத்த²
டா²னங் உபேதி, பதிட்டா²தி. ஆயதிஞ்ச குலவங்ஸப்பதிட்டா²னத்தா²ய தத்த²
குலவங்ஸ பீ³ஜங் ட²பேதீதி. பூரணட்டே²ன இச்ச²னட்டே²ன ச புரிஸோ.
ஸோஹி அத்தஹிதஞ்ச பூரேதி, பரஹிதஞ்ச இச்ச²தி. இத⁴லோகஹிதஞ்ச
பூரேதி, பரலோகஹிதஞ்ச இச்ச²தி. உப⁴யலோகஹிதஞ்ச பூரேதி,
லோகுத்தரஹிதஞ்ச இச்ச²தி, ஏஸதி, க³வேஸதீதி. புமஸ்ஸஸகங் புங்ஸகங்.
புரிஸலிங்கா³தி³. நத்தி² புங்ஸகங் ஏதஸ்ஸாதி நபுங்ஸகங். “யஸ்ஸ பன
த⁴ம்மஸ்ஸா”தி பா⁴வரூபத⁴ம்மஸ்ஸ. “தங்”தி க²ந்த⁴பஞ்சகங்.
மஹாஸண்டா²னங் ஸத்தானங் ஜாதிபே⁴த³ங் லிங்கே³தி ஞாபேதீதி லிங்க³ங்.
லக்க²ணபா²கா நிமினந்தி ஸஞ்ஜானந்தி கல்யாண பாபகங் கம்மவிபாகங்
ஏதேனாதி நிமித்தங். கிரியா குத்தங். ஆயுகந்தங் கப்பீயதி ஸங்க²ரீயதீதி
ஆகப்போ. ஸப்³பே³பேதேலிங்கா³த³யோ. ஸோச அவிஸதா³தி³பா⁴வோ.
“வசனேஸுசா”தி இத்தி²ஸத்³த³புரிஸஸத்³தா³தீ³ஸு ச. “வசனத்தே²ஸு சா”தி
இத்தி² ஸண்டா²ன புரிஸஸண்டா²னாதி³ அத்தே²ஸு ச. “நிமித்தஸத்³தோ³
வியா”தி நிமித்த ஸத்³தோ³ அங்க³ஜாதே பாகடோ வியாதி. ந பாகடோ தி³ட்டோ².
அபாகடோ பன கத்த²சி தி³ட்டோ²தி அதி⁴ப்பாயோ. “ப⁴வந்தி
ஸத்³த³புத்³தி⁴யோ”தி ஸத்³த³ஸத்த²னயோ. “ப⁴வந்தி லிங்கா³தீ³னீ”தி
அட்ட²கதா²னயோ. தத்த² ஹி இத்தி²லிங்கா³தீ³னங் ஹேதுபா⁴வ லக்க²ணந்தி
வுத்தங். “ஏதஸ்மிங் ஸதீ”தி ச ஜாதியா ஸதி, ஜராமரணங் ஹோதி. அஸதி ந
ஹோதீதி எத்த²விய ஹேது ப²லபா⁴வபாகடத்த²ங் வுத்தங்.

வத்து²ரூபே. நிருத்தினயேன வசனத்தா² ப⁴வந்தி. தா⁴து த்³வயங் நாம
மனோதா⁴து மனோவிஞ்ஞாணதா⁴து த்³வயங். “அவத்வா”தி ஹத³ய வத்து²ங்
அவத்வா. “தங்”தி ஹத³ய வத்து² ரூபங். “பஞ்சா”தி பஞ்சவத்து²னி. “தேஸங்”தி
தேஸங் குஸலாதீ³னங். “தத்த² வுத்தங்”தி பட்டா²னே வுத்தங். “யங் ரூபங்
நிஸ்ஸாயா”தி யங் ரூபங் நிஸ்ஸாய மனோதா⁴து ச மனோவிஞ்ஞாணதா⁴து
ச வத்தந்தீதி இமங் பா²ங் நித்³தி³ஸதி. “அனஞ்ஞ ஸாதா⁴ரணேஸு
டா²னேஸு”தி சக்கு² வத்தா²தீ³ஹி அஞ்ஞவத்து²ஹி அஸாதா⁴ரணேஸு
குஸலாகுஸலட்டா²னேஸு.

ஜீவிதரூபே. “ஆதி⁴ப்பச்சயோகே³னா”தி அதி⁴பதிபா⁴வயோகே³ன.
“அதி⁴பதிபா⁴வோ”தி ச இந்த³ரியபச்சய கிச்சங் வுச்சதி. ந அதி⁴பதி
பச்சயகிச்சங். “ஜீவந்தீ”தி ஹரிதபா⁴வங் ந விஜஹந்தீதி வுத்தங் ஹோதி. ந

ஹி தானி ஏகந்தேன ஜீவந்தானி நாம ஹொந்தி. ஜீவித ரூபஸ்ஸ ஏகந்த கம்மஜஸ்ஸ ப்ஹித்³தா⁴ அனுபலத்³த⁴த்தா. கம்மஜரூபானி ஜீவந்தி யேவாதி ஸம்ப்ந்தோ⁴. “கம்மே அஸந்தேபீ”தி கம்மசேதனாய புப்³பே³ நிருத்³த⁴த்தா வுத்தங். தத்³த²ங் ப்³யதிரேகதோ பாகடங் கரொந்தோ “ததா²ஹீ”திஆதி³மாஹ. “இதர ரூபானீ”தி சித்தஜரூபாதீ³னி. ஏகவிதி²வாரோ நாம பஞ்சத்³வாரவிதி²வாரோ. மனொத்³வாரவிதி²வாரோ ஏகஜவன வாரோதி வுத்தோ. பரிச்சி²ன்னங் ஹொதி. கஸ்மா, ஏகேகஸ்மிங் விதி²வாரே நிருத்³தே⁴ ப்⁴வங்க³ ஸமயே அஸதி³ஸஸ்ஸ ரூபஸந்தானஸ்ஸ பாதுப்³பா⁴வதோதி அதி⁴ப்பாயோ. தஞ்ச கோ² ரூபவிஸேஸங் ஜானந்தஸ்ஸேவ பாகடங் ஹொதி. அஜானந்தஸ்ஸ பன தங்க²ணமத்தே அபாகடங். கஸ்மா, தாதி³ஸஸ்ஸபி உதுஜரூபஸந்தானஸ்ஸ தோ²கங் பவத்தனதோ. யஸ்ஸஹி தோ³ஸ ஸமுட்டி²தேன ரூபஸந்தானேன முக²ரூபங் து³ப்³ண்ணங் ஹொதி. தஸ்ஸ தோ³ஸே நிருத்³தே⁴பி தங் ரூபங் தோ²கங் து³ப்³ண்ணமேவ கா²யதீதி. “உதுஜாஹாரஜானஞ்ச ஸந்ததி பச்சப்பன்னங்”தி அதி⁴காரோ. ஏகங் அத்³தா⁴பச்சப்பன்னமேவ ஹொதீதி வுத்தங். ந நு சக்கு²ஸோதாதீ³னி கம்மஜரூபஸந்தானானிபி பவத்திகாலே கதா³சி ஸுப்பஸன்னானி, கதா³சி பஸன்னானி, கதா³சி அப்பஸன்னானி தி³ஸ்ஸந்தீதி. ஸச்சங், ததா² பவத்தி பன ஸந்தான விச்சே²தே³ன ந ஹொதி, நானாவிச்சி²ன்னே ச ஏகேகஸ்மிங் ஸந்தானே தேஸங் புனக⁴டனங் நாம நத்தி². ஸகிங் அந்தோ⁴ அந்தோ⁴யேவ ஹொதி. ப்³தி⁴ரோச ப்³தி⁴ரோயேவாதி அதி⁴ப்பாயோ. “யதி³ ஏவங்”தி ஏவங் யதி³ ஸியாதி அத்தோ². “அரூப த்⁴ம்மானங் ஸந்ததி பச்சப்பன்னங்”தி அதி⁴காரோ. “விபாகானீ”தி ப்⁴வங்க³பூ⁴தானி விபாகானி. ஏகஸந்ததிவஸேன பவத்திஸ்ஸந்தியேவ, தஸ்மா தேஸங் நானாஸந்ததி பச்சப்பன்னங் நாம ந வத்தப்³பங். கஸ்மா, யாவஜீவம்பி ஏக கம்மனிப்³ப்த்தத்தாதி அதி⁴ப்பாயோ. “இதரானி பனா”தி குஸலா குஸல க்ரியசித்தானி பன. “ததா³ரம்மணா”தி நிருத்³தா⁴ரம்மணா. அத்³தா⁴னப்ப²ரணானுபா⁴வேன பவத்தந்தியேவ. ந பன சித்தஜரூபாதீ³னி விய அத்தனோ ஜனகபச்சயே நிருத்³தே⁴ நிருஜ்ஜ²ந்தி. அயங் அரூபத்⁴ம்மானங் ஜீவந்தத்தே விஸேஸோதி அதி⁴ப்பாயோ. “அயமத்தோ² வத்தப்³போ³”தி அரூப த்⁴ம்மானங் ஜீவந்ததாவிஸேஸோ வத்தப்³போ³. யதா² ரூபஸந்ததியங் அனந்தர பச்சயோ நாம நத்தி². சுதிகாலே ப்⁴வந்தரரூபஸந்தானஸ்ஸ கிஞ்சி பச்சயத்தங் அனுபக³ந்த்வா நிருஜ்ஜ²தி. தேன ப்⁴வந்தர பாதுப்³பா⁴வோ நாம தேஸங் நத்தி². ந ததா² அரூபஸந்ததியங். தத்த² பன சுதிசித்தம்பி படிஸந்தி⁴யா அனந்தர பச்சயோ ஹுத்வா நிருஜ்ஜ²தி. தேன ப்⁴வந்தரபாதுப்³பா⁴வோ நாம தேஸங் அத்தி². அயம்பி அரூபத்⁴ம்மானங் ஜீவந்தத்தே விஸேஸோ. தஸ்மா அரூபத்⁴ம்மானங் கம்மஜரூபானங் விய நிச்சங் ஜீவிதயோகே³ன ஜீவந்தத்தா ஸந்ததி பச்சப்பன்னங் நாம ந ப்⁴வெய்யாதி ந சோதே³தப்³பந்தி. குஸலா குஸல க்ரியசித்தானி நாம அகம்மஜானி ஹொந்தி. சித்தஜரூபாதீ³னி விய அதீதங் கம்மங் அனபெக்கி²த்வா தங்க²ணிகேஹி நானாபச்சயேஹி உப்பஜ்ஜந்தி.

தஸ்மா தேஸங் ஜீவந்தானங் பி ஸதங் அஜீவந்தானங் சித்தஜ்ருபாதீனங் விய
நானாஸந்ததி பச்சப்பன்னங் நாம அத்தி². ஜீவந்ததா விஸேஸோபி அத்தீ²தி
அதி⁴ப்பாயோ. எத்த² கேசி வத³ந்தி. ருக்கா²தீ³ஸுபி ஜீவிதங் நாம அத்தி². யதோ
தேஸங் ஹரிததா ச அஹரிததா ச ருஹனஞ்ச-அருஹனஞ்ச தி³ஸ்ஸதீதி.
வுச்சதே, யதி³ தேஸங் ஜீவிதங் நாம அத்தி², அருபஜீவிதங் வா ஸியா,
ருபஜீவிதங் வா. தத்த² ஸசே அருபஜீவிதங் ஹோதி. யதா² தேன
ஸமன்னாக³தோ ஸத்தோ புனப்புனங் மரித்வா புனப்புனங் ப⁴வந்தரே
பாதுப்³ப⁴வந்தி. ததா² ருக்கா²பி மரித்வா ப⁴வந்தரே பாதுப்³ப⁴வெய்யுங். அத²
ருபஜீவிதங் ஸியா. யதா² ஸத்தானங் சக்கா²தி³ அங்கே³ஸு ஜீவித ஸந்தானே
பி⁴ன்னே தானி அங்கா³னி புன ஜீவந்தானி காதுங் ந ஸக்கொந்தி. ததா²
ருக்கா²பி க²ந்தே⁴ஸு வா ஸாகா²ஸுவா சி²ன்னேஸு ஜீவிதஸந்தானே
பி⁴ன்னே தேக²ந்தா⁴வா ஸாகா²யோ வா புன அஞ்ஞத்த² ரோபேதுங் ந ஸக்கா
ப⁴வெய்யுங். ஸக்கா ஏவ ப⁴வந்தி. தஸ்மா தது³ப⁴யங் பி ஜீவிதங் நாம
தேஸங் நத்தீ²தி த³ட்ட²ப³பங். விபா⁴வனிபாடே². ந ஹி தேஸங் கம்மங்யேவ
டி²திகாரணங் ஹோதீதி எத்த² கம்மங் டி²திகாரணங் ஏவ ந ஹோதீதி
யோஜேதப்³பங். தேனாஹ “ஆஹாரஜாதீ³னங்”திஆதி³ங். ஏககலாபே க³தா
பவத்தா ஸஹஜாத பச்சயா, தேஹி ஆயத்தா படிப³த³தா⁴தி விக்³க³ஹோ.
கம்மாதீ³னங் ருபஜனகபச்சயானங் ஜனகானுபா⁴வோ நாம ருபகலாபானங்
உப்பாத³க்க²ணே ஏவ ப²ரதி, ந டி²திக்க²ணே. உபசயஸந்ததியோ ச
உப்பாத³க்க²ணே லப்³ப⁴ந்தி, ந டி²திக்க²ணே. தஸ்மா தா
ஜனகபச்சயானுபா⁴வக்க²ணே லத்³த⁴த்தா குதோசிஜாதனாமங் லப⁴ந்தி.
ஜரதாபன டி²திக்க²ணே ஏவ லப்³ப⁴தி, ந உப்பாத³க்க²ணே. தஸ்மா ஸா
குதோசிஜாத நாமங் ந லப⁴தி. யதி³ பன ஆஹாரஜாதீ³னங் ருபத⁴ம்மானங்
டி²தி நாம ஆஹாராதீ³ ஜனகபச்சயாயத்தா ப⁴வெய்ய. ஜரதாபி
ஜனகபச்சயானுபா⁴வக்க²ணேவ லப்³ப⁴மானா ஸியா. ஏவஞ்சஸதி, ஸாபி
குதோசிஜாத நாமங் லபெ⁴ய்ய. ந பன லப⁴தி. தஸ்மா தேஸங் டி²தி நாம
ஜனகபச்சயாயத்தா ந ஹோதீதி இமமத்த²ங் த³ஸ்ஸெந்தோ
“இதரதா²”திஆதி³மாஹ. “உபத்த²ம்ப⁴மானா”தி கலாபந்தரே ட²த்வா
உபத்த²ம்ப⁴மானா. “ந க²ணடி²திப்பவத்தியா”தி க²ணடி² திபா⁴வேன
பவத்திஅத்தா²ய உபத்த²ம்ப⁴ந்தி, அனுபாலேதீதி யோஜனா. ஸப்³பே³ஸங் பி
ருபாருபத⁴ம்மானங். “தங்”தி விபா⁴வனிவசனங். “இத³ங் பனா”தி ஜீவிதருபங்
பன.

ஆஹாரருபே. “ஸவத்து²கவசனங்”தி போ⁴ஜனாதி³ வத்து²னா ஸஹ
பவத்தீதி ஸவத்து²கங். வசனங். ந ஹி நிப்³ப³த்திதங் ஆஹார ருபங் நாம
கப்³ளங் காதுங் ஸக்கா ஹோதீதி. “விவேசிதானீ”தி பாசன கிச்சேன
விப⁴ஜிதானி. விஸுங் விஸுங் கதானி. “பஞ்சதா⁴ விபா⁴க³ங் க³ச்ச²ந்தீ”தி
ஏகங் பா⁴க³ங் பாணகா கா²த³ந்தி. ஏகங் பா⁴க³ங் உத³ரக்³கி³ ஜா²பேதி. ஏகோ
பா⁴கோ³ முத்தங் ஹோதி. ஏகோபா⁴கோ³ கரீஸங். ஏகோபா⁴கோ³

ரஸபா⁴வங் ஆபஜ்ஜித்வா ஸோணிதமங்ஸாதீ³னி உபப்³ருஹயதீதி ஏவங்
 வுத்தனயேன பஞ்சதா⁴ விபா⁴கங் க³ச்ச²ந்தி. “லோகே”தி லோகிய க³ந்தே².
 “ததோ”தி ஆமாஸயதோ. அனுப²ரந்தோ ஹுத்வா. “தஸ்ஸா”தி
 ரஸபா⁴க³ஸ்ஸ. “பூ⁴தேஸு”தி மஹாபூ⁴தேஸு. ஸஹ இந்த்³ரியேன
 வத்ததீதி ஸெந்த்³ரியோ. காயோ. உத³யதீதி ஓஜா. த³காரஸ்ஸ ஜகாரோ. அவதி
 ஜனேதீதி ஓஜா. அவஸத்³த³ஸ்ஸ ஓகாரோ. “அத்தனோவத்து²ங்”தி
 அத்தனோனிஸ்ஸயபூ⁴தங் ரூபகாயங்.

“அஞ்ஞாபதே³ஸோ” நாம ரூபஸ்ஸ லஹுதாதிஆதீ³ஸு அஞ்ஞஸ்ஸ
 ரூபஸ்ஸ க்ரியாமத்தபா⁴வேன அபதி³ஸனங் வுச்சதி. “உஜுகதோவ
 நிப்பா²தி³தங்”தி முக்²யதோவ ஜனிதங். யதா²ஹி ஸப்³பங் அனிப்ப²ன்னரூபங்
 அஜாதி த⁴ம்மத்தா உஜுகதோ கம்மாதீ³ஹி ஜாதங் நாம ந ஹோதி.
 கம்மாதீ³ஹி ஜாதங் பன நிப்ப²ன்னரூபங் நிஸ்ஸாய தி³ஸ்ஸமானத்தா
 டா²னுபசாரேன விஞ்ஞத்தி த்³வயங் சித்தஜங்திஆதி³னா வுச்சதி. ந ததா² இத³ங்
 நிப்ப²ன்னரூபங். இத³ங் பன ஜாதித⁴ம்மத்தா உஜுகதோவ கம்மாதீ³ஹி
 பச்சயேஹி நிப்பா²தி³தங் ஜனிதந்தி வுத்தங் ஹோதி. “ரூபங்”தி வுத்தே
 அனிப்ப²ன்னரூபங்பி லப்³ப⁴தீதி ததோ விஸேஸனத்த²ங் ரூபரூபந்தி வுச்சதீதி
 ஆஹ “ரூப்பனலக்க²ண ஸம்பன்னங்”திஆதி³ங். தத்த² “ரூப்பனலக்க²ணங்” நாம
 ஸீதுண்ஹாதீ³ஹி விகாரபத்திலக்க²ணங். தம்பன அனிப்ப²ன்ன ரூபே முக்²யதோ
 ந லப்³ப⁴தி. நிப்ப²ன்னரூபே ஏவ லப்³ப⁴தி. கஸ்மா, நிப்ப²ன்னரூபஸ்ஸஹி
 நானாவிகாரோ விகாரரூபந்தி வுச்சதி. லக்க²ணங் லக்க²ண ரூபந்தி வுச்சதி.
 விகாரஸ்ஸ பன விகாரோ நாம நத்தி². லக்க²ணஸ்ஸ ச லக்க²ணங் நாம நத்தி².
 யதி³ அத்தீ²தி வதெ³ய்ய. விகாரஸ்ஸ விகாரோ, தஸ்ஸ ச விகாரோ, தஸ்ஸ ச
 விகாரோதி அபரியந்தமேவ ஸியா. ததா² லக்க²ணேபீதி.

ஆகாஸதா⁴துயங். “பகாஸந்தீ”தி இத³ங் ஏகங் இத³ங் ஏகந்தி பஞ்ஞாயந்தி.
 “பரிச்சி²ந்த³தீ”தி ஆஹ “பரிதோ”திஆதி³ங். “அஸம்மிஸ்ஸங்”தி வத்வா தத³த்த²ங்
 விவரதி “ஏகத்தங் அனுபக³மனங்”தி. பரிச்சி²ந்தீ³யதீதி பரிச்சே²தோ³தி ஆஹ
 “தேஹி வா”திஆதி³ங். “தேஹி வா”தி கலாபந்தரபூ⁴தேஹி வா. “அத்தனோ வா
 பரேஸங் வா அகத்வா”தி அத்தனோபக்கி²கங் வா பரேஸங் பக்கி²கங் வா
 அகத்வா. பரிச்சே²த³ க்ரியாமத்தங் பரிச்சே²தோ³தி ஆஹ “தேஸங் வா”திஆதி³ங்.
 “தேஸங் வா”தி கலாபந்தரபூ⁴தானங் வா. “அயங் பனா”தி அயங் பரிச்சே²தோ³
 பன. “தஸ்ஸா”தி பரிச்சே²த³ஸ்ஸ. ஸோ பானியங் வுத்தோதி ஸம்ப³ந்தோ⁴.
 “இதி கத்வா”தி ஏவங் மனஸிகத்வா. “ஏதேஹீ”தி ஏதேஹி மஹாபூ⁴தேஹி.
 “அஞ்ஞமஞ்ஞ அப்³யாபிததா”தி த்³வின்னங் திண்ணங் வா ரூபகலாபானங்
 ஏககலாபத்துபக³மனங் அஞ்ஞமஞ்ஞ ப்³யாபிதா நாம, ததா² அனுபக³மனங்
 அஞ்ஞமஞ்ஞ அப்³யாபிததா நாம. தேனாஹ “ஏகத்தங்”திஆதி³ங். “தத்தா²”தி
 திஸ்ஸங் பானியங். “நானாகலாபக³தானங் பூ⁴தானங்”தி ஏதேன
 கலாபபரியந்ததா ஏவ வுத்தா ஹோதி.

விஞ்ஞத்தி த்³வயே. “ஸயஞ்சா”தி விஞ்ஞத்தி ஸங்கா²தங் ஸயஞ்ச.
 “தேனா”தி சலமானேன காயங்கே³ன. “தேஹி”தி பச்சக்கே² டி²தேஹி ஜனேஹி.
 தத்தா²திஆதீ³ஸு. “காயங்க³விகாரங் கரொந்தஸ்ஸா”தி அபி⁴க்கமனாதி³
 அத்தா²ய ஹத்த²பாதா³தீ³னங் காயங்கா³னங் சலன ஸங்கா²தங் விகாரங்
 கரொந்தஸ்ஸ. உப்பஜ்ஜந்தா ச ஸப்³பே³தே சித்தஜவாதகலாபா யதா²தி⁴ப்பேத
 தி³ஸாபி⁴முகா² ஏவ உப்பஜ்ஜந்தீதி யோஜனா. “யதா² வா ததா² வா
 அனுப்பஜ்ஜித்வா”தி அனியமதோ அனுப்பஜ்ஜித்வாதி வுத்தங் ஹோதி. யஸ்ஸ
 சோபன காயஸ்ஸ. “தேஹி”தி சித்தஜவாதகலாபேஹி. நியாமகோ
 நாவானியோஜகோ. “தே சா”தி தேசித்தஜவாதகலாபஸங்கா⁴டா. ஏதேன
 ஸகலங் காயங்க³ங் நித³ஸ்ஸேதி. ஸகலகாயங்க³ங் நாவாஸதி³ஸந்தி வுத்தங்
 ஹோதி. “சாரெத்வா”தி வியூஹித்வா. கத²ங் பன ஸா நியாமகஸதி³ஸ்
 ஹோதீதி ஆஹ “யதா²ஹி”திஆதி³. யதே³தங் ஸக்கோதீதி வசனங் வுத்தந்தி
 ஸம்ப³ந்தோ⁴. “கதீபயஜவன வாரேஹி”தி த்³வத்தி ஜவனவாரேஹி. “ததோ”தி
 யஸ்மிங் வாரே சலன ஸங்கா²தங் தே³ஸந்தர பாபனங் ஜாயதி. ததோ
 சலனவாரதோ. ஸந்த²ம்ப⁴ன ஸந்தா⁴ரணானி ஏவ ஸம்பஜ்ஜந்தி, ந
 சலனஸங்கா²தங் தே³ஸந்தர பாபனங். “எத்தா²”தி ஏதிஸ்ஸங் அட்ட²கதா²யங்.
 நானாஜவனவீ²ஸு. ல. உபத்த²ம்ப⁴னே ச யுஜ்ஜதியேவ. ந ஏகிஸ்ஸாய
 ஜவனவீ²யங் ஏவ யுஜ்ஜதீதி அதி⁴ப்பாயோ. யதி³ நானாஜவனவீ²ஸு ததா²
 உபத்த²ம்ப⁴னஞ்ச க³ய்ஹெய்ய. ஏவங்ஸதி, அந்தரந்தரா ப³ஹு
 ப⁴வங்க³வாராபி ஸந்தி. தத்த² கத²ங் தது³பத்த²ம்ப⁴னங் ஸம்பஜ்ஜெய்யாதி
 ஆஹ “ததா²ஹி”திஆதி³ங். தத்த² “உதுஜ்ருபஸங்கா⁴டானி பீ”தி
 ப⁴வங்க³ஸமயே பவத்தானி உதுஜ்ருபகலாபஸந்தா⁴னகானி. “ததா³கார
 வந்தானி”தி தஸ்ஸா சித்தஜ்ருபஸந்ததியா ஆகார வந்தானி. பச்சி²ம
 பச்சி²மானங் ரூபகலா பஸங்கா⁴டானங் அபராபரங் உப்பஜ்ஜனந்தி
 ஸம்ப³ந்தோ⁴. புரிமபுரிமானங் ரூபகலாபஸங்கா⁴டானங் க²ணிகத⁴ம்மதா ச
 தேஸங் ந ஸியா. ந ச தே க²ணிகத⁴ம்மா ந ஹொந்தி. அஞ்ஞதா² தே³ஸந்தர
 ஸங்கமனஸங்கா²தங் சலனங் ஏவ ந ஸியா. சலனங் திஹி நானாக்ரியானங்
 பாதுப்³பா⁴வோ வுச்சதி. நானாக்ரியா ச நாம நானாத⁴ம்மா ஏவ. யஸ்மா ச
 அங்க³பச்சங்கா³னங் க²ணேக²ணே சலனங் நாம லோகே பச்சக்க²தோ தி³ட்ட²ங்.
 தஸ்மா தேஸங் க²ணிகத⁴ம்மதாபி த³ட்ட²ப்பா³ ஹொதீதி. ஏதேன தேஸங்
 க²ணிகமரணங் த³ஸ்ஸேதி, யங் ரூபாரூபத⁴ம்மானங் அனிச்சலக்க²ணந்தி
 வுச்சதி. அப்யாபார த⁴ம்மதா ச அவஸவத்திதா ச தேஸங் ந ஸியா. ந ச தே
 அப்யாபார த⁴ம்மா, ந அவஸவத்தி த⁴ம்மா ச ந ஹொந்தி. அஞ்ஞதா²
 பச்சயாயத்த வுத்திதா ஏவ தேஸங் ந ஸியா. பச்சயாயத்த வுத்திதாதி ச பச்சயே
 ஸதி, தே வத்தந்தி, அஸதி ந வத்தந்தீதி ஏவங் பவத்தா பச்சயாயத்த வுத்திதா
 யஸ்மா ச பச்சயஸாமக்³கியங் ஸதி, தே வத்தந்தியேவ. தேஸங்
 வத்தனத்தா²ய கேனசிப்யாபாரேன கிச்சங் நத்தி². தே மாவத்தந்தூதி ச
 அத்தனோ வஸேன வத்தந்தி. பச்சயே அஸதி, ந வத்தந்தியேவ. தேஸங்

அவத்தனத்தா²ய கேனசிப்³யாபாரேன கிச்சங் நத்தி². தேமாவத்தந்தூதி ச அத்தனோ வஸேனவத்தந்தி. யஸ்மா ச தேஸங் பச்சயாயத்த வுத்திதா நாம லோகே விஞ்ஞானங் பச்சக்க²தோதி³ட்டா². தஸ்மா தேஸங் அப்³யாபாரதா ச அவஸவத்திதா ச த³ட்ட²ப்³பா³ ஹோதி. ஏதேன தேஸங் ஸப்³பே³ஹி ஸத்தபுக்³ல அத்தாகாரேஹி ஸப்³பே³ஸோ ஸுஞ்ஞங் த³ஸ்ஸேதி, யங் ரூபாரூபத்⁴ம்மானங் அனத்தலக்க²ணந்தி வுச்சதீதி.

“வசீபே⁴தங்”தி அக்க²ர பத்³பா⁴வபத்தங் வசீமயஸத்³த³ப்பகாரங். உபாதி³ன்னகபத்²வீதா⁴துயோ நாம கம்மஜ பத்²வீதா⁴துயோ. தாஸு ஸங்க⁴ட்டனந்தி ஸம்ப³ந்தோ⁴. அத்தனா ஸஹஜாதேனயேன ஆகாரவிகாரேன உபக³ச்ச²தி, யேன ச உபலப்³ப⁴தீதி ஸம்ப³ந்தோ⁴. அஜ்ஜத்த ஸந்தானக³தா ஸப்³பே³ சதுஜரூபத்⁴ம்மாபி கத்த²சி உபாதி³ன்னகாதி வுச்சந்தீதி ஆஹ “சதுஜபு⁴தாய ஏவ வா”தி. த்³வீஸுடா²ன கரணேஸு கரணபக்கே² சலனாகாரப்பவத்தா சித்தஜபத்²வீதா⁴து டா²னபக்கே² பத்²விதா⁴துயங் ஸங்க⁴ட்டயமானா கம்மஜபத்²வியங் ஏவ க⁴ட்டேதி. இதர பத்²வியங் ந க⁴ட்டேதீதி ந ஸக்கா வத்துங்தி கத்வா இத⁴ ஏவக்³க³ஹணங் கதங். “விகார த்³வயஞ்சா”தி காயவிகார வசீவிகார த்³வயஞ்ச. கத்²ங் பன அஸம்மிஸ்ஸங் கத்வா வேதி³தப்³ப³ந்தி ஆஹ “எத்த²சா”திஆதி³ங். யங் பன தாஸங் க⁴ட்டனப்பகாரவிதா⁴னங் அத்தீதி ஸம்ப³ந்தோ⁴. “தாஸங்” சித்தஜபத்²வீனங். “தங் தங் வண்ணத்தபத்தியா”தி க, கா², தி³வண்ணத்தபத்தத்தா²ய. யங் பன காயவிஞ்ஞத்திட்டா²னே ‘அயஞ்ச அத்தோ² உபரி அக்க²ருப்பத்தி விசாரணாயங் பாகடோ ப⁴விஸ்ஸதீதி வுத்தங். தங் இத⁴ பாகடங் கரொந்தோ “எத்த² சா”திஆதி³மாஹ. தேனேவ ஹி மூலடிகாயங் வுத்தந்தி ஸம்ப³ந்தோ⁴. “எத்த² சா”தி மூலடிகாபாடே². “புப்³பா⁴கே³”தி பரிப்³யத்த அக்க²ரப்பவத்தவீதி²தோ புப்³பா⁴கே³. “நானாஜவனவீதி²ஹி”தி நானப்பகாரேஹி ஜவனவீதி²வாரேஹி. “பத்²மஜவனசித்தஸ்ஸபீ”தி பரிப்³யத்த அக்க²ரப்பவத்தவீதி²யங் உப்பன்னபத்²மஜவன சித்தஸ்ஸபி. தஸ்ஸ ஆஸேவனஞ்ச நாம ததோ புரிமேஹி வீதி²வாரேஹி ஏவ லத்³த⁴ங் ஸியாதி அதி⁴ப்பாயோ. “ஆஸேவனங்”தி ச உபசார வசனங் த³ட்ட²ப்³ப³ந்தி ஹெட்டா² வுத்தமேவ. “தஸ்ஸா”தி பரிப்³யத்தக்க²ரஸ்ஸ. வுத்தஞ்ச ஸத்³த³ஸத்தே²ஸு. “தீ³க⁴முச்சரே”தி பஞ்சதீ³கா⁴ வுச்சந்தி. மிதி²ந்த³ பஞ்ஹாபாடே². “ஸாதி⁴கே வீஹிவாஹஸதே”தி வீஹித்⁴ஞ்ஞபூரோ ஸகடோ வீஹிவாஹோ நாம. வீஹிவாஹானங் ஸாதி⁴கே ஸதஸ்மிங். அபி⁴மஞ்ஞனங் அபி⁴மானோ. “ஸேஸமெத்த² காயவிஞ்ஞத்தியங் வுத்தனயே நா”தி ததா²ஹி சலனசித்தஜரூபஸந்ததியங் பவத்தானீதிஆதி³னா வுத்த நயேனாதி அத்தோ². இத⁴ பன வசீபே⁴த³கர சித்தஜஸத்³த³ஸந்ததியங் பவத்தானி உதுஜரூபஸங்கா⁴டானீதிஆதி³னா வத்தப்³ப³ங். தேனாஹ “யதா²ஸம்ப⁴வங்”தி. “பவத்தனத்தோ²”தி அபி⁴க்கமனாதி³ ஸஜ்ஜா²யனாதீ³னங் பவத்தாபனத்தோ². “எத்த² சா”திஆதி³ஸு. “போ³தே⁴து காமதா ரஹிதேஸு”தி

அபி⁴க்கமனபடிக்கமனாதீ³ஸு காயவிஞ்ஞத்தி ச, ஸுத்தந்த ஸஜ்ஜா²யனாதீ³ஸு வசீவிஞ்ஞத்தி ச பரங் போ³தே⁴துகாமதா ரஹிதாதி த³ட்ட²ப³பா³. “த³வீஸு போ³த⁴கவிஞ்ஞத்தீ³ஸு”தி போ³த⁴ககாயவிஞ்ஞத்தி போ³த⁴கவசீ விஞ்ஞத்தீ³ஸு. புரிமா காயவிஞ்ஞத்தி, பச்சி²மா ச வசீவிஞ்ஞத்தி. பச்சா² ஸுத்³தே⁴ன மனொத்³வாரிக ஜவனேன ஏவ விஞ்ஞாயதி, ந பஞ்சத்³வாரிக ஜவனேனாதி யோஜனா. சக்கு²விஞ்ஞாண வீதி²யா க³ஹெத்வாதி ஸம்ப³ந்தோ⁴. “காயவிஞ்ஞாண வீதி²யா”தி வசீபே⁴த³ங் அகத்வா ஹத்த²க்³ஹணாதி³ வஸேன அதி⁴ப்பாய விஞ்ஞாபனே அயங் காயவிஞ்ஞாணவீதி² த³ட்ட²ப³பா³. கஸ்மா பன ஸயஞ்சவிஞ்ஞாயதீதி விஞ்ஞத்தீதி அயங் விகப்போ வுத்தோதி ஆஹ “ஸாஹி அத்தானங்”திஆதி³ங். “மஜ்ஜே²”தி விஞ்ஞத்திக்³ஹணவீதி² அதி⁴ப்பாயக்³ஹணவீதி²னங் மஜ்ஜே². கத²ங் பவத்தகவிஞ்ஞத்தீ³ஸு அதி⁴ப்பாயங் விஞ்ஞாபேதி, ஸயஞ்சவிஞ்ஞாயதீதி த³வே அத்தா² லப்³ப⁴ந்தீதி ஆஹ “த³வீஸு பனா”திஆதி³ங். அயங் அபி⁴க்கமதி, அயங் படிக்கமதீதி ஜானந்தா அபி⁴க்கமனபயோக³ஞ்ச தப்பயோக³ ஜனகசித்தஞ்ச ஜானந்தி. “பரஸ்ஸகத²ங்”தி போ³தே⁴துகாமதாரஹிதம்பி பரஸ்ஸவசனஸத்³த³ங். ராக³சித்தஞ்ச ஜானந்தி. தேன வுத்தங் மூலகாயங் பரங் போ³தே⁴துகாமதாய வினாபி அபி⁴க்கமனாதி³ப்பவத்தனேன ஸோசித்தஸஹபு⁴விகாரோ அதி⁴ப்பாயங். ல. த³விதா⁴பி விஞ்ஞத்தி யேவாதி.

விகாரருபேஸு. “கம்மயொக்³யங்”தி அபி⁴க்கமனாதி³கம்மேஸு யோஜேதுங் யுத்தங். அத³ந்த⁴தா வுச்சதி ஸீக்⁴ப்பவத்தி. ஸா லக்க²ணங் அஸ்ஸாதி விக்³ஹோ. ஸரீர க்ரியானுகுலோ கம்மஞ்ஞபா⁴வோ லக்க²ணங் யஸ்ஸாதி ஸமாலோ. “தா⁴துயோ”தி மஹாபூ⁴ததா⁴துயோ வா, பித்தஸெம்ஹாதி³தா⁴துயோ வா. பூதிமுக²ஸப்பஸங்கா²தஸ்ஸ ஆபஸ்ஸ பரியுட்டா²னந்தி வாக்கயங். அஸய்ஹபா⁴ரோ நாம வஹிதுங் அஸக்குணெய்யபா⁴ரோ. “ஸா பவத்தீ”தி காயலஹுதா பவத்தி. த²த்³த⁴ங் கரொந்தி ஸரீரக³தா தா⁴துயோதி அதி⁴காரோ. பு⁴ஸங் மாரேதீதி ஆமரிகோ. த³காரோ ஆக³மோ. கா³மனிக³மவிலுப்பகோ சோரக³ணோ. தஸ்ஸ ப⁴யேன பரியுட்டி²தங். “விவட்டமானங்”தி விருபங் ஹுத்வா வட்டந்தங். “மூலபூ⁴தா ஹோதீ”தி அஸப்பாய ஸேவனே ஸதி, ஸா பத²மங் பரியுட்டா²தி. ஸீதாதி⁴காவா ஹோதி, உண்ஹாதி⁴காவா. தாய பரியுட்டி²தாய ஏவ ஸப்³பரியுட்டா²னானி பவத்தந்தீதி வுத்தங் ஹோதி. “இமாபனதிஸ்ஸோ ரூபஜாதியோ ரூபகாயஸ்ஸ விஸேஸாகாரா ஹொந்தி. இதி தஸ்மா விகாரருபங் நாமாதி யோஜனா.

லக்க²ணருபேஸு. “சயனங்”தி ஸஞ்சிதபா⁴வக³மனங். “ஆதி³தோ”திஆதி³ம்ஹி. “உபரிதோ”தி உபரிபா⁴கே³. “ஆசயோ”திஆதி³ம்ஹி சயோ. “உபசயோ”தி உபருபரிசயோ. “அத்³தா⁴னபூரணவஸேனா”தி வஸ்ஸஸதம்பி வஸ்ஸஸஹஸ்ஸம்பி தீ³க⁴காலங் அத்தபா⁴வங்

பூரணவஸேன. “தேன பரியாயேனா”தி உபஸுத்³த³ஸ்ஸ அத்த²னானத்தங்
அசிந்தெத்வா நிப்³புத்திங் வட்³டி⁴யங் அந்தோக³த⁴ங் கத்வா வுத்தேன
தேனபரியாயேன. தஸ்ஸ ச ஏகேகஸ்ஸ ஸந்ததி பச்சுப்பன்னஸ்ஸ. தத்த²
சித்தஜ்ஞபேஸு அஸ்ஸாஸ பஸ்ஸாஸானங் வா பத³வாரஹத்த²வாராதீ³னங்
வா அக்க²ரானங் வா நிப்³புத்தி வட்³டி⁴ பவத்தியோ தி³ஸ்ஸந்தியேவ. ததா²
நானாசித்தஸமுட்²டி²தானங் நானாருபஸந்ததீனங் பீதி. உதுஜ்ஞபேஸு இரியா
பத²னானத்தங் படிச்ச ஸுக²துக்க²ஜனகானங் நானாருபஸந்ததீனங்
நிப்³புத்திவட்³டி⁴பவத்தியோ தி³ஸ்ஸந்தியேவ. ததா² ப³ஹித்தா⁴
கா²ணுகண்டகாதி³ஸம்ப²ஸ்ஸேன ஸீதுண்ஹாதி³ஸம்ப²ஸ்ஸேன
வாதாதபாதி³ஸம்ப²ஸ்ஸேன வா ஸரீரே உப்பன்னானங் நானாருபஸந்ததீனம்பி
சக்கு²ரோகா³தி³ருபானம்பீதி. ஆஹாரஜ்ஞபேஸு ஆஹாரனானத்தங் படிச்ச
ஸரீரே உப்பன்னானங் ஸமவிஸமருபஸந்ததீனங்தி. “அயங் நயோ”தி
ப³ஹித்தா⁴ஸந்தானே நித³ஸ்ஸன நயோ. தேன அஜ்ஜ²த்தஸந்தானேபி
ஸத்தஸந்தானானங் ஹத்த²பாதா³தி³ஸந்தானானங் கேஸலோமாதி³
ஸந்தானானஞ்ச நிப்³புத்தி வட்³டி⁴பவத்தியோ நித³ஸ்ஸேதி. “ஜீரணங்”தி
அபி⁴னவாவத்த²தோ ஹாயனங். பாளிபாடே². “டி²தஸ்ஸ அஞ்ஞத²த்தங்”தி
அஞ்ஞோ பகாரோ அஞ்ஞதா². அஞ்ஞதா² பா⁴வோ அஞ்ஞத²த்தங் . ஏதேன
ஜராவஸேனவா நானாரோகா³பா³தா⁴தி³வஸேன வா விபரிணாமோ வுத்தோ.
“ததா² அவத்தா²பே⁴த³யோக³தோ”தி ஜாதிருபமேவ ஆதி³ம்ஹி நிப்³புத்தி
ஹோதி. ததோபரங் தமேவ வட்³டி⁴ ஹோதி. ததோ பரங் தமேவ பவத்தி
ஹோதீதி ஏவங் ததா² அவத்தா²பே⁴த³யோக³தோ. தேனாஹ “ஸாஹி”திஆதி³ங்.
“பப³ந்த⁴யதீ”தி பப³ந்த⁴ங் கரோதி. ஸங்க³ஹகா³தா²தீ³ஸு பன
ஸுவிஞ்ஞய்யா. “எத்த² ச பச்சி²மானீ”திஆதீ³ஸு.
வோஹாரஸித்³த⁴மத்தபா⁴வங்”தி புக்க³லோ ஸத்தோ அத்தா ஜீவோதிஆதி³கா
பஞ்ஞத்தி நாம வோஹார ஸித்³த⁴மத்தா ஹோதி. ஸபா⁴வஸித்³தா⁴ ந
ஹோதி. ஸாஹி மஹாஜனேஹி க²ந்த⁴ பஞ்சகங் உபாதா³ய புக்க³லோ நாம
அத்தீ²தி ஸம்மதத்தா வோஹரிதத்தா வோஹாரஸித்³தா⁴ நாம.
ஸபா⁴வஸித்³தா⁴ பன ந ஹோதி. தஸ்மா அரியானங் வோஹாரே புக்க³லோ
நாம நத்தீ²தி ஸிஜ்ஜ²தி. இமானி பன ரூபானி ஸபா⁴வஸித்³த⁴த்தா
அரியானங் வோஹாரேபி அத்தீ²தி ஸிஜ்ஜ²ந்தி. தேனாஹ
“தாதி³ஸேனா”திஆதி³ங். “ஸுத்³த⁴த⁴ம்மக³தியா ஸித்³தே⁴னா”தி பத²வீதா⁴து
நாம ஸுத்³த⁴த⁴ம்மோ ஹோதி. ஸா உப்பாத³ம்பி க³ச்ச²தி, ஜரம்பி க³ச்ச²தி,
பே⁴த³ம்பி க³ச்ச²தி. தஸ்மா தஸ்ஸா உப்பாதோ³பி ஜராபி பே⁴தோ³பி
ஸுத்³த⁴த⁴ம்மக³தியா ஸித்³தே⁴ நாம. ஏவங் லக்க²ணருபானங்
ஸுத்³த⁴த⁴ம்மக³திஸித்³த⁴ங் பரமத்த²லக்க²ணங் வேதி³தப்³பங். ததா²
விஞ்ஞத்தி த்³வயஸ்ஸபி விகாரருபத்தயஸ்ஸபி பரிச்சே²த³ ரூபஸ்ஸபீதி. யதா²
ச இமேஸங் ரூபானங். ததா² நிப்³பா³னஸ்ஸபி ஸுத்³த⁴த⁴ம்மக³திஸித்³த⁴ங்
பரமத்த²லக்க²ணங் அத்தி²யேவ. கிலேஸத⁴ம்மாஹி அரியமக்கே³ அபா⁴விதே

ப்⁴வபரம்பராய உப்பாத்³ங் க்³ச்ச²ந்தியேவ. பா⁴விதேபன அனுப்பாத்³ங்
 நிரோத்⁴ங் க்³ச்ச²ந்தியேவ. தஸ்மா கிலேஸத்⁴ம்மானங்
 அனுப்பாத்³நிரோதோ⁴பி ஸுத்³த்⁴த்⁴ம்மக்³தியா ஸித்³தோ⁴ நாம. ஏவங்
 நிப்³பா³னஸ்ஸபி ஸுத்³த்⁴த்⁴ம்மக்³திஸித்³த்⁴ங் பரமத்த²லக்க²ணங்
 வேதி³தப்³பங். அத்தி² பி⁴க்க²வே அஜாதங் அபு⁴தந்தி இத³ங் ஸுத்தங்³பி எத்த²
 வத்தப்³பங். ஏதேன அரியவோஹாரே நிப்³பா³னஸ்ஸ ஏகந்தேன அத்தி²தா
 ப்⁴க்³வதா வுத்தா ஹோதி. தேனாஹ “இதரதா²”திஆதி³ங். “நஸபா⁴வதோ
 அனுபலத்³த்⁴த்தா அனிப்ப²ன்னானி நாம ஹொந்தீ”தி ஏதேன ஏதானி
 அஸபா⁴வருபானீதி ச அலக்க²ண ரூபானீதி ச அஸம்மஸனரூபானீதி ச ந
 ஸக்கா வத்துங்³திபி தீ³பேதி. கஸ்மா, யதா²ஸகங் ஸபா⁴வேஹி
 ஸபா⁴வவந்தத்தா யதா²ஸகங் லக்க²ணே ஹி ஸலக்க²ணத்தா
 படிஸம்பி⁴தா³மக்³கே³ ஸம்மஸனஞ்ஞாண விப⁴ங்கே³ ஜாதிஜராமரணானம்பி
 ஸம்மஸிதப்³ப்த⁴ம்மேஸு ஆக³தத்தாதி. அட்ட²ஸாலினியம்பி அயமத்தோ²
 வுத்தோயேவ. யதா²ஹ பரினிப்ப²ன்னந்தி பன்னரஸரூபானி பரினிப்ப²ன்னானி
 நாம. த்³ஸரூபானி அபரினிப்ப²ன்னானி நாம. யதி³ அபரினிப்ப²ன்னானி நாம.
 ஏவங்ஸதி, அஸங்க்தானி நாம ஸியுங். தேஸங்யேவ பனரூபானங்
 காயவிகாரோ காயவிஞ்ஞத்தி நாம. வசீவிகாரோ வசீவிஞ்ஞத்தி நாம. சி²த்³த்³ங்
 விவரங் ஆகாஸதா⁴து நாம. லஹுபா⁴வோ லஹுதா நாம. முது³பா⁴வோ
 முது³தா நாம. கம்மஞ்ஞபா⁴வோ கம்மஞ்ஞதா நாம. நிப்³பத்தி உபசயோ நாம.
 பவத்தி ஸந்ததி நாம. ஜீரணாகாரோ ஜரதா நாம. ஹுத்வா அபா⁴வாகாரோ
 அனிச்சதா நாமாதி ஸப்³பங் பரினிப்ப²ன்னங் ஸங்க²தமேவாதி. தத்த²
 “தேஸங்யேவ ரூபானங்”தி நித்³தா⁴ரணே பு⁴ம்மங். தேஸங்யேவ த்³ஸன்னங்
 ரூபானங் மஜ்ஜே²தி வுத்தங் ஹோதி. “இதிஸப்³பங்”தி இத³ங் ஸப்³பங்
 த்³ஸவித்⁴ங் ரூபங் பரினிப்ப²ன்னமேவ ஸங்க²தமேவாதி அத்தோ².
 க்²ந்த⁴விப⁴ங்க³ட்ட²கதா²யம்பி வுத்தோவ. யதா²ஹ பஞ்சவிபனக்²ந்தா⁴
 பரினிப்ப²ன்னாவ ஹொந்தி, நோ அபரினிப்ப²ன்னா. ஸங்க²தாவ, நோ
 அஸங்க²தா. அபிச நிப்ப²ன்னாபி ஹொந்தியேவ. ஸபா⁴வத்⁴ம்மேஸுஹி
 நிப்³பா³னமேவேகங் அபரினிப்ப²ன்னங் அனிப்ப²ன்னஞ்சாதி ச.
 நிரோத்⁴ஸமாபத்தி ச நாம பஞ்ஞத்தி ச கத்²ந்தி. நிரோத்⁴ஸமாபத்தி
 லோகியலோகுத்தராதி வா ஸங்க²தாஸங்க²தாதி வா
 பரினிப்ப²ன்னாபரினிப்ப²ன்னாதி வா ந வத்தப்³பா³. நிப்ப²ன்னா பன ஹோதி.
 ஸமாபஜ்ஜந்தேன ஸமாபஜ்ஜிதப்³ப்தோ. ததா² நாமபஞ்ஞத்தி, ஸாபிஹி
 லோகியாதி³பே⁴த்³ங் நலப⁴தி. நிப்ப²ன்னா பன ஹோதி. நோ அனிப்ப²ன்னா.
 நாமக்³ஹணஞ்ஹி க்³ண்ஹந்தோவ க்³ண்ஹாதீதி ச. ஏதேன
 லக்க²ணரூபானம்பி நிப்ப²ன்னதா ஸித்³தா⁴ ஹோதி. விஸுத்³தி⁴ மக்³கே³பன
 நிப்ப²ன்னங் அனிப்ப²ன்னங்திது³கஸ்ஸ நித்³தே³ஸே. அட்டா²ரஸவித்⁴ங் ரூபங்
 பரிச்சே²த்³விகார லக்க²ணபா⁴வங் அதிக்கமித்வா ஸபா⁴வேனேவ
 பரிக்க³ஹேதப்³ப்தோ நிப்ப²ன்னங், ஸேஸங் தப்³பி³பரீததாய அனிப்ப²ன்னந்தி ச.

நிப்பன்னருபங் பன ருபருபங் நாமாதி ச. யங் சதுஹி கம்மாதீஹி ஜாதங், தங் சதுஜங் நாம. தங் லக்கண ருபவஜ்ஜங் அவஸேஸருபங். லக்கணருபங் பன ந குதோசிஜாதந்தி ச வுத்தங். ஸப்பஞ்சேதங் ஆசரியேஹி கஹிதனாமமத்தத்தா வத்திச்சாணுகதங் ஹோதி. யங் ருச்சதி, தங் கஹேத்வா கதேதப்பந்தி.

ருபஸமுத்தேஸாணுதீபனா நிப்திதா.

197. ருபவிபா⁴கே³ .“ஏகவித⁴னயங் தாவ தஸ்ஸேதுங்”தி ருபவிபா⁴க³தோ பத²மங் தஸ்ஸேதுங். ஏதேன ஏகவித⁴னயோ ருபவிபா⁴கோ³ நாம ந தாவ ஹோதீதி தஸ்ஸேதி. தங் ந ஸமேதி. கேன ந ஸமேதீதி ஆஹ “வக்க²திஹீ”திஆதி³ங். “அஜ்ஜத்திகாதி³பே⁴தே³ன விப⁴ஜந்தி விசக்க²ணா”தி ஏதேன ஸப்பங்ருபங் அஜ்ஜத்திகபா³ஹிரவஸேன து³வித⁴ந்திஆதி³கோ து³வித⁴னயோ ஏவ ருபவிபா⁴க³னயோ நாமாதி விஞ்ஞாயதி. தஸ்மா தேன ந ஸமேதீதி வுத்தங் ஹோதி. அபிச பானியங். ஸஹேதுகா த⁴ம்மா, அஹேதுகா த⁴ம்மாதிஆதி³ து³கேஸு ஸப்பங்ருபங் அஹேதுகமேவ, ந ஸஹேதுகந்திஆதி³ நியமகரணம்பி ருபவிபா⁴கோ³ ஏவாதி கத்வா ததா² வுத்தந்தி கஹேதப்பங். “இதரானி பனா”தி காமாவசரந்திஆதீ³னி பன. “ஜனகேன பச்சயேனா”தி பதா⁴னவசனமேதங். உபத்த²ம்ப⁴காதி³ பச்சயாபி கஹேதப்பா³ ஏவ. “ஸங்க³ம்மா”தி ஸமாக³ந்த்வா. “கரீயதீ”தி நிப்பா³தீயதி. யோத⁴ம்மோதிஆதீ³ஸு. “பஹீனோ பீ”தி சி²ந்த³னபி⁴ந்த³னாதி³வஸேன பஹீனோபி. “தஸ்மிங் ஸதீ”தி ஸமுத³யப்பஹானே ஸதி. கிச்சபச்சயானங் அரஹத்த²ஸ்ஸ ச ஸக்கத்த²ஸ்ஸ ச தீ³பனதோ து³வித⁴ங் அத்த²ங் தஸ்ஸேதுங் “அட்டா²னத்தா”திஆதி³ வுத்தங். “தப்பி³ஸயஸ்ஸா”தி ருபவிஸயஸ்ஸ. “ஏவங்”தி ஏவங்ஸந்தே. “பஹீனங் ப⁴விஸ்ஸதீ”தி அனாக³தப⁴வே புன அனுப்பாத³த்தா²ய இதே⁴வ பஹீனங் ப⁴விஸ்ஸதீதி அத்தோ². தேனாஹ “உச்சி²ன்னமூலங்”திஆதி³ங். “தாலாவத்து²கதங்”தி சி²ன்னதாலக்கா²ணுகங் விய கதங் ப⁴விஸ்ஸதி. “அனபா⁴வங் கதங்”தி புன அபா⁴வங் கதங். “பாகடோ”தி தஸ்ஸனாதி³கிச்சவிஸேஸேஹி பஞ்ஞாதோ. “தது³பாதா³யா”தி தங் உபனிதா⁴ய. விபா⁴வனிபா⁴டே². “அஜ்ஜத்திகருபங்”தி பது³த்தா⁴ரணங். அத்தானங் அதி⁴கிச்ச பவத்தங் அஜ்ஜத்தங். அஜ்ஜத்தமேவ அஜ்ஜத்திகந்தி தஸ்ஸேதி “அத்தபா⁴வஸங்கா²தங்”திஆதி³னா. தங் ந ஸுந்த³ரங். கஸ்மா, அஜ்ஜத்தத⁴ம்ம அஜ்ஜத்திக த⁴ம்மானஞ்ச அவிஸேஸோ ஆபஜ்ஜதீதி வக்க²மானகாரணத்தா. “த்வாரருபங் நாமா”தி பது³த்தா⁴ரபத³ங். கஸ்மா த்வாரருபங் நாமாதி ஆஹ “யதா²க்கமங்”திஆதி³ங். பரதோபி ஏஸனயோ. “தே³ஸனாபே⁴த³ ரக்க²ணத்த²ங்”தி து³கதே³ஸனாபே⁴த³தோ ரக்க²ணத்த²ங். தத்த² தே³ஸனாபே⁴தோ³ நாம ருபகண்டே³ பஞ்சவிஞ்ஞாணானங் வத்து² ருபஞ்ச, ந வத்து² ருபஞ்ச , ஆரம்மண ருபஞ்ச, ந ஆரம்மண ருபஞ்ச வத்வா மனோவிஞ்ஞாணஸ்ஸ ந வுத்தங். யதி³ வுச்செய்ய, ஆரம்மணது³கே மனோவிஞ்ஞாணஸ்ஸ ஆரம்மண ருபங், ந ஆரம்மண ருபந்தி

து³கபத³ங் ந லப்³பெ⁴ய்ய. அயங் தே³ஸனாபே⁴தோ³ நாம. வத்து²து³கேஸு
 ஹத³யவத்து²வஸேன லப்³ப⁴மானங் மனோவிஞ்ஞாணது³கங் ந வுத்தந்தி.
 “து²லஸபா⁴வத்தா”தி ஸுகு²மருபங் உபாதா³ய வுத்தங். “து³ரே
 பவத்தஸ்ஸபீ”தி யதா² ஸுகு²மருபங் அத்தனோ ஸரீ³ரே பவத்தம்பி ஞானேன
 ஸீக⁴ங் பரிக்க³ஹேதுங் ந ஸக்கா ஹோதி, ததா² இத³ங். இமஸ்ஸ பன து³ரே
 பவத்தஸ்ஸபி. “க³ஹணயொக்³யத்தா”தி ஞானேன பரிக்க³ஹணபத்தத்தாதி
 அதி⁴ப்பாயோ. விபா⁴வனிபாடே². “ஸயங்னிஸ்ஸயவஸேன சா”தி ஸயஞ்ச
 நிஸ்ஸய மஹாபூ⁴தவஸேன ச. தத்த² ஸயங் ஸம்பத்தா நாம
 பொ²ட்ட²ப³புதா⁴துயோ. நிஸ்ஸயவஸேன ஸம்பத்தா நாம க³ந்த⁴ரஸா.
 உப⁴யதா²பி அஸம்பத்தா நாம சக்கு² ரூப, ஸோத ஸத்³தா³. யோ
 படிமுக²பா⁴வோ அத்தி², யங் அஞ்ஞமஞ்ஞபதனங் அத்தீ²தி யோஜனா. ந ச
 தானி அஞ்ஞப்பகாரானி ஏவ ஸக்கா ப⁴விதுந்தி ஸம்ப³ந்தோ⁴. “அனுக்³ஹ
 உபகா⁴தவஸேனா”தி வட்³ட்⁴னத்தா²ய அனுக்³ஹவஸேன, ஹாயனாதி³
 அத்தா²ய உபகா⁴தவஸேன. “யங் கிஞ்சீ”தி சதுஸமுட்டா²னிகரூபங்
 க³ண்ஹாதி. “ஆதி³ன்னபராமட்ட²த்தா”தி தண்ஹாமானேஹி ஏதங் மம
 ஏஸோஹமஸ்மீதிஆதி³ன்னத்தா, தி³ட்டி²யா ஏஸோமே அத்தாதி பராமட்ட²த்தா
 ச. “நிச்சகாலங் பவத்திவஸேனா”தி ஏகேன ஜனககம்மேன
 படிஸந்தி⁴க்க²ணதோ பட்டா²ய நிச்சகாலங் பவத்திவஸேன. “உபசரீயதீ”தி
 வோஹரீயதி. “அத்த²விஸேஸபோ³தோ⁴”தி ரூபாரம்மணஸ்ஸ
 கிச்சவிஸேஸபோ³தோ⁴. “அஸம்பத்தவஸேனா”தி விஸயட்டா²னங் ஸயங்
 அஸம்பஜ்ஜனவஸேன. அத்தனோடா²னங் வா விஸயஸ்ஸ
 அஸம்பஜ்ஜனவஸேன. தத்த² விஸயஸ்ஸ அஸம்பத்தங் த³ஸ்ஸெந்தோ
 “தத்தா²”திஆதி³மாஹ. ததா² ஸோதஸத்³தே³ஸு ச அஞ்ஞமஞ்ஞங் லக்³கித்வா
 உப்பஜ்ஜமானேஸு. “ஸம்பத்தியா ஏவா”தி ஸம்பஜ்ஜனத்தா²ய ஏவ. ததா² ஆபோ
 ச ஸம்பத்தியா ஏவ பச்சயோதி யோஜனா. து³ப³ப³லபத²வீ ஏவ
 ஸன்னிஸ்ஸயோ யஸ்ஸாதி விக்³க³ஹோ. “அஸ்ஸா”தி சக்கு²ஸ்ஸ.
 “ஸோதஸ்ஸபனகத²ங்”தி ஸோதஸ்ஸ அஸம்பத்தக்³ஹணங் கத²ங் பாகடங்.
 ஸம்பத்தக்³ஹணங் ஏவ பாகடந்தி தீ³பேதி. தேனாஹ “தத்த²ஹி”திஆதி³ங் .
 த³க்கி²ணபஸ்ஸதோ வா ஸுய்யதி, சேதியாதி³கஸ்ஸ புரத்தி²மதி³ஸாபா⁴கே³
 டி²தானந்தி அதி⁴ப்பாயோ. “படிக⁴ட்டனானிக⁴ங்ஸோ”தி ஸோதேஸு
 படிக⁴ட்டனவேகோ³. “தேஸங்”தி ஆஸன்னேவா து³ரே வா டி²தானங். ஹோது
 து³ரே டி²தானங் சிரேன ஸுதோதி அபி⁴மானோ. கஸ்மா பன உஜுகங்
 அஸுத்வா த³க்கி²ணபஸ்ஸதோவா உத்தரபஸ்ஸதோ வா ஸுணெய்ய,
 அஸுய்யமானோ ப⁴வெய்யாதி புச்சா². தங் கதெ²ந்தோ “அபிசா”திஆதி³மாஹ.
 விபா⁴வனிபாடே². “க³ந்த்வா விஸயதே³ஸங் தங், ப²ரித்வா க³ண்ஹதீதி சே”தி
 தங் சக்கு²ஸோத த்³வயங் து³ரேவிஸயானங் உப்பன்னதே³ஸங் ப²ரித்வா
 க³ண்ஹதீதி சேவதெ³ய்யாதி அத்தோ². து³ரேட²த்வா பஸ்ஸந்தோ ஸுணந்தோ
 ச மஹந்தம்பிப்ப³தங் ஏகக்க²ணே பஸ்ஸதி, மஹந்தங்பி மேக⁴ஸத்³த³ங்

ஏகக்க²ணை ஸுணாதி. தஸ்மா உப⁴யங் அஸம்பத்தகோ³சரந்தி விஞ்ஞாயதி. இமஸ்மிங் வசனே ட²த்வா இத³ங் பரிகப்பவசனங் த³ஸ்ஸேதி தங் த்³வயங் விஸயப்பதே³ஸங் க³ந்த்வா மஹந்தங் பி பப்³பதங் வா மேக⁴ஸத்³தங் வா ப²ரித்வா க³ண்ஹாதி. தஸ்மா மஹந்தங் பி பஸ்ஸதி, ஸுணாதி. ந அஸம்பத்தகோ³சரத்தா மஹந்தங் பஸ்ஸதி ஸுணாதீதி கோசி வதெ³ய்யாதி வுத்தங் ஹோதி. அதி⁴ட்டா²னவிதா⁴னேபி தஸ்ஸ ஸோ கோ³சரோ ஸியாதி. ஏவங்ஸதி, தி³ப்³பச்சக்கு² தி³ப்³பஸோதாபி⁴ஞ்ஞானங் அதி⁴ட்டா²னவிதா⁴னேபி ஸோ ரூபஸத்³த³விஸயோ தஸ்ஸ பஸாத³சக்கு²ஸோதஸ்ஸ கோ³சரோ ஸியாதி அபி⁴ஞ்ஞாதி⁴ட்டா²ன கிச்சங் நாம நத்தி². சக்கு²ஸோதங் தே³வலோகம்பி க³ந்த்வா தி³ப்³பரூபம்பி தி³ப்³பஸத்³த³ம்பி க³ண்ஹய்ய. ந பன க³ண்ஹாதி. தஸ்மா தஸ்ஸ விஸயதே³ஸக³மனஞ்ச மஹந்ததே³ஸப²ரணஞ்ச ந சிந்தேதப்³பந்தி வுத்தங் ஹோதி.

ரூபவிபா⁴கா³னுதீ³பனா நி²டி²தா.

158. ரூபஸமுட்டா²னே. ஸுத்தந்தேஸு சேதனாஸம்பயுத்தா அபி⁴ஜ்ஜா²த³யோபி கம்மந்தி வுத்தா. தே பன பட்டா²னே கம்மபச்சயங் பத்வா தப்பச்சயகிச்சங் ந ஸாதெ⁴ந்தி, சேதனா ஏவ ஸாதே⁴தீதி ஆஹ “ஸா யேவா”திஆதி³ங். “தங் ஸமுட்டா²னானஞ்ச ரூபானங்”தி ஹேதுஹி ச ஹேதுஸம்பயுத்தகத⁴ம்மேஹி ச ஸமுட்டா²னானஞ்ச ரூபானந்தி அத்த³வஸேன சேதஸிகத⁴ம்மானம்பி ரூபஸமுட்டா²பகதா ஸித்³தா⁴ ஹோதி. ஸோ ஹி உத³யதி பஸவதீதி ஸம்ப³ந்தோ⁴. “கப்பஸண்டா²பனவஸேனா”தி கப்பப்பதிட்டா²பனவஸேன. அஜ்ஜ²த்திகஸத்³தோ³ ச²ஸு சக்கா²தீ³ஸு அஜ்ஜ²த்திகாயதனே ஸ்வேவ பவத்ததி. இத⁴ பன ஸகலங் அஜ்ஜ²த்தஸந்தானங் அதி⁴ப்பேதந்தி ஆஹ “அஜ்ஜ²த்த ஸந்தானேதி பன வத்தப்³பங்”தி. “க²ணே க²ணே”தி விச்சா²வசனங். “விச்சா²”தி ச ப³ஹஸு²க²ணேஸு ப்யாபனந்தி ஆஹ “தீஸு²தீஸு²க²ணேஸு”தி.

யமகபாடே²ஸு. யஸ்ஸ வா பன புக்³க³லஸ்ஸ. “நிருஜ்ஜ²தீ”தி ப⁴ங்க³க்க²ண ஸமங்கி³தமாஹ. “உப்பஜ்ஜ²தீ”தி உப்பாத³க்க²ண ஸமங்கி³தங். “இதீ”தி அயங் புச்சா². “நோ”தி படிக்கே²போ. ஸமுத³யஸச்சஸ்ஸ ப⁴ங்க³க்க²ணே து³க்க²ஸச்சபூ⁴தஸ்ஸ ரூபஸ்ஸவா நாமஸ்ஸவா உப்பாதோ³ நாம நத்தீ²தி வுத்தங் ஹோதி. யஸ்ஸ குஸலா த⁴ம்மா உப்பஜ்ஜந்தி, யஸ்ஸ அகுஸலா த⁴ம்மா உப்பஜ்ஜந்தீதி த்³வே பாடா²க³ஹேதப்³பா³. “நோ”தி குஸலாகுஸல த⁴ம்மானங் உப்பாத³க்க²ணே அப்யாகதபூ⁴தானங் ரூபானங் வா நாமானங் வா நிரோதோ⁴ நாம நத்தீ²தி வுத்தங் ஹோதி. தேஸுபாடே²ஸு கேஸஞ்சிவாதீ³னங் வசனோகாஸங் த³ஸ்ஸேதுங் “அரூபப⁴வங்”திஆதி³ வுத்தங். “சே”தி கோசிவாதீ³ சேவதெ³ய்ய. “நா”தி ந வத்தப்³பங். “உப்பஜ்ஜ²தீ”தி ச உத்³த⁴டா ஸியுந்தி ஸம்ப³ந்தோ⁴. “இதரத்த² சா”தி ததோ இதரஸ்மிங் யஸ்ஸ

குஸலா த⁴ம்மாதிஆதி³பாடே² ச. “தம்பி நா”தி தம்பி வசனங் ந வத்தப்³புந்தி
 அத்தோ². “புரிமகொட்டா²ஸே”தி அஸஞ்ஞஸத்தானங் தேஸங் தத்தா²தி
 இமஸ்மிங் புரிமபக்கே²தி அதி⁴ப்பாயோ. “பச்சி²மகொட்டா²ஸே”தி ஸப்³பே³ஸங்
 சவந்தானங் பவத்தே சித்தஸ்ஸப⁴ங்க³க்க²ணேதி இமஸ்மிங் பச்சி²ம பக்கே².
 சவந்தானங் இச்சேவ வுத்தங் ஸியா, ந பவத்தே சித்தஸ்ஸ ப⁴ங்க³க்க²ணேதி,
 நோ ச ந வுத்தங், தஸ்மா விஞ்ஞாயதி பவத்தே சித்தஸ்ஸ ப⁴ங்க³க்க²ணே
 ரூபஜீவிதிந்த³ரியம்பி ந உப்பஜ்ஜதீதி. ரூபஜீவிதிந்த³ரியே ச அனுப்பஜ்ஜமானே
 ஸதி, ஸப்³பா³னி கம்மஜரூபானி உதுஜரூபானி ஆஹாரஜரூபானி ச சித்தஸ்ஸ
 ப⁴ங்க³க்க²ணே நுப்பஜ்ஜந்தீதி விஞ்ஞாதப்³பங் ஹோதீதி அதி⁴ப்பாயோ.
 “பச்சி²மகொட்டா²ஸே”தி ஸப்³பே³ஸங் சவந்தானங் பவத்தே சித்தஸ்ஸ
 ப⁴ங்க³க்க²ணேதி இமஸ்மிங் பச்சி²மபக்கே². தத்த² ச பவத்தே சித்தஸ்ஸ
 ப⁴ங்க³க்க²ணேதி இதங் அதி⁴ப்பேதங். ஏவங் பாளிஸாத⁴கங் து³ஸ்ஸெத்வா
 இதா³னி யுத்திஸாத⁴கங் து³ஸ்ஸெந்தோ “யஸ்மா சா”திஆதி³மாஹ.
 “தஸ்ஸா”தி ஆனந்தா³ சரியஸ்ஸ மூலடிகாகாரஸ்ஸ. விபா⁴வனியங்.
 ப⁴ங்கே³ ரூபஸ்ஸ நுப்பாதோ³, சித்தஜானங் வஸேன வா. ஆருப்பங் வாபி
 ஸந்தா⁴ய, பா⁴ஸிதோ யமகஸ்ஸ ஹி. ந சித்தட்டி²தி ப⁴ங்கே³ ச, ந
 ரூபஸ்ஸ அஸம்ப⁴வோ. தி வுத்தங். தத்த² “ந ஹி ந சித்தட்டி²தி”தி
 சித்தஸ்ஸட்டி²தி நாம ந ஹி நத்தி². “ப⁴ங்கே³சா”தி சித்தஸ்ஸப⁴ங்க³க்க²ணே ச.
 தங் அஸம்பா⁴வெந்தோ “யமகபாளியோ பனா”திஆதி³மாஹ. “நானத்தா²
 நானாப்³யஞ்ஜனா”தி ஏதேன பாளிஸங்ஸந்த³னா நாம க³ருகத்தப்³பா³தி தீ³பேதி.
 “க³ம்பீ⁴ரோ ச ஸத்து² அதி⁴ப்பாயோ”தி ஏதேன அத்தானங் ஸத்து²மதஞ்ஞங்
 கத்வா இதங் ஸந்தா⁴ய ஏதங் ஸந்தா⁴யாதி வத்துங் து³க்கரந்தி தீ³பேதி.
 “ஸுத்த⁴ங் அரூபமேவா”தி ஸுத்த⁴ங் அரூபப்படிஸந்தி⁴ங் ஏவ. ச²
 சத்தாலீஸசித்தானி ரூபங் ஜனேதுங் ந ஸக்கொந்தி. ஏவங் ஸதி
 அரூபவிபாகவஜ்ஜிதந்தி கஸ்மா வுத்தந்தி ஆஹ “அரூபவிபாகாபனா”திஆதி³ங்.
 விபா⁴வனிபாடே². “ஹேதுனோ”தி ரூபவிராக³பா⁴வனா கம்மஸங்கா²தஸ்ஸ
 ஹேதுஸ்ஸ. “தப்³பீ³து⁴ரதாயா”தி ரூபவிருத்த⁴தாய.
 ரூபாரூபவிராக³பா⁴வனாபூ⁴தோ மக்³கோ³. தேன நிப்³புத்தஸ்ஸ.
 ரூபோகாஸோ நாம காமரூபப⁴வோ. விபா⁴வனிபாடே². “ஏகூன ந
 வுதிப⁴வங்க³ஸ்ஸே வா”தி பவத்திகாலே ரூபஜனகஸ்ஸ ஏகூன ந
 வுதிப⁴வங்க³ சித்தஸ்ஸாதி அத்தோ². தத்த² பன அரூபவிபாகங் பவத்திகாலேபி
 ரூபஜனகங் ந ஹோதீதி ஆஹ “தத்தா²”திஆதி³ங். கேசி பன படிஸந்தி⁴
 சித்தஸ்ஸ உப்பாத³க்க²ணே ரூபங் பச்சா²ஜாத பச்சயங் ந லப⁴தி. டி²திக்க²ணே
 ரூபங் பரதோ ப⁴வங்க³சித்ததோ பச்சா²ஜாதபச்சயங் லப⁴தீதி வத³ந்தி. தங் ந
 க³ஹேதப்³புந்தி து³ஸ்ஸேதுங் “ந ஹி அத்தனா”திஆதி³ வுத்தங். ஸயங்
 விஜ்ஜமானோ ஹுத்வா உபகாரகோ பச்சயோ அத்தி²பச்சயோ. பச்சா²ஜாதோ ச
 தஸ்ஸ ஏகதே³ஸோ. “ஆயுஸங்கா²ரானங்”தி உஸ்மாதீ³னங். “தங்”தி
 கீ³ணாஸவானங் சுதிசித்தங். “யதா²ஹா”தி ஸோ தே²ரோ கிங் ஆஹ. “வுத்தங்”தி

அட்ட²கதா²யங் வுத்தங். இதி பன வசனதோ அஞ்ஞேஸங்^{பி} சுதிசித்தங் ரூபங் ந
ஸமுட்டா²பேதீதி விஞ்ஞாயதீதி பதா⁴னவசனங். பன ஸத்³தோ³ அருசி
ஜோதகோ. “ததா² வுத்தேபீ”தி ஜோதேதி. வசீஸங்கா²ரோ நாம விதக்கவிசாரோ.
காயஸங்கா²ரோ நாம அஸ்ஸாஸபஸ்ஸாஸவாதோ. ஸோ ஸப்³பேஸங்^{பி}
காமஸத்தானங் சுதி சித்தஸ்ஸ உப்பாத³க்க²ணே ச ததோ புரிமசித்தஸ்ஸ
உப்பாத³க்க²ணே ச நனிருஜ்ஜ²தீதி வசனேன சுதிசித்ததோ புப்³பா⁴கே³யேவ
அஸ்ஸாஸபஸ்ஸாஸானங் அபா⁴வங் ஞாபேதி. நனு இமிஸ்ஸங் பானியங்
சுதிகாலே அஸ்ஸாஸபஸ்ஸாஸஸ்ஸ அபா⁴வங் வத³தி. அஞ்ஞேஸங்
சித்தஜரூபானங் அபா⁴வங் ந வத³தி. தஸ்மா இமாய பானியா ஸப்³பேஸம்^{பி}
சுதிசித்தங் அஸ்ஸாஸபஸ்ஸாஸங் ந ஜனேதீதி விஞ்ஞாயதி. ந அஞ்ஞானி
சித்தஜரூபானீதி சோத³னா. தங் பரிஹரந்தோ “ந ஹீ”திஆதி³மாஹ. ந ஹி
ரூபஸமுட்டா²பகசித்தஸ்ஸ காயஸங்கா²ர ஸமுட்டா²பனங் அத்தீ²தி
ஸம்ப³ந்தோ⁴. “க³ப்³ப⁴க³மனாதி³வினிப³த்தா⁴பா⁴வே”தி மாதுகுச்சி²ம்ஹி
க³தஸ்ஸ அஸ்ஸாஸபஸ்ஸாஸோ ந உப்பஜ்ஜதி, ததா² உத³கே நிமுக³க³ஸ்ஸ.
பா³ள்ஹங் விஸஞ்ஞீபூ⁴தஸ்ஸ. சதுத்த²ஜ்ஜா²னங் ஸமாபஜ்ஜந்தஸ்ஸ.
நிரோத⁴ஸமாபத்திங் ஸமாபஜ்ஜந்தஸ்ஸ. ரூபாரூப⁴வே டி²தஸ்ஸாதி.
தஸ்மா ஏதேக³ப்³ப⁴க³மனாத³யோ அஸ்ஸாஸபஸ்ஸாஸங் வினிப³த்த⁴ந்தி
நீவாரெந்தீதி க³ப்³ப⁴க³மனாதி³வினிப³த்தா⁴. தேஸங் அபா⁴வோதி
விக்³க³ஹோ. வினா இமேஹி காரணேஹி அஸ்ஸாஸபஸ்ஸாஸஸ்ஸ ச
அஞ்ஞசித்தஜரூபானஞ்ச விஸேஸோ நத்தீ²தி வுத்தங் ஹோதி. அஞ்ஞங்^{பி}
யுத்திங் த³ஸ்ஸேதி “சுதோ சா”திஆதி³னா. சுதோ ச ஹோதி, அஸ்ஸ
சித்தஸமுட்டா²ன ரூபஞ்ச பவத்தீதி ந ச யுத்தந்தி யோஜனா. ஸோ ச ஸுட்டு²
ஓளாரிகோ ரூபத⁴ம்மோ. இதி தஸ்மா ந ஸக்கா வத்துங்^{பி} ஸம்ப³ந்தோ⁴.
“இமஸ்ஸ அத்த²ஸ்ஸா”தி வத்வா தங் அத்த²ங் வத³தி
“ஓளாரிகஸ்ஸா”திஆதி³னா. “கதீபய க²ணமத்தங்”தி
பன்னரஸக²ணஸோளஸக²ணமத்தங். “சித்தஜரூபப்பவத்தியா”தி
சித்தஜரூபப்பவத்தனதோ. து³ப்³ப³லா ஹொந்தி, ததா³ பஞ்சாரம்மணானி^{பி}
பஞ்சத்³வாரேஸு ஆபாதங் நாக³ச்ச²ந்தி. “பச்சயபரித்ததாய வா”தி ததா³
பச்சா²ஜாதபச்சயஸ்ஸ அலாப⁴தோ வுத்தங். து³ப்³ப³லா ஹொந்தி. ததா³
து³ப்³ப³லத்தா ஏவ பஞ்சாரம்மணானி பஞ்சத்³வாரேஸு ஆபாதங் நாக³ச்ச²ந்தி.
பரியோஸானேபி ஏகசித்தக்க²ணமத்தே. வத்து²ஸ்ஸ ஆதி³அந்தனிஸ்ஸிதானி
படிஸந்தி⁴க்க²ணே ஆதி³ம்ஹி நிஸ்ஸிதானி. மரணாஸன்னகாலே அந்தே
நிஸ்ஸிதானி. ஸமது³ப்³ப³லானி ஏவ ஹொந்தி. தஸ்மா யதா²
ஸப்³படிஸந்தி⁴சித்தம்பி ரூபங் ந ஜனேதி, ததா² ஸப்³ப³சுதிசித்தம்பி ரூபங் ந
ஜனேதீதி ஸக்கா விஞ்ஞாதுந்தி. “பானிவிரோத⁴ங்”தி புப்³பே³ த³ஸ்ஸிதாய
ஸங்கா²ர யமகபானியா விரோத⁴ங். “காரணங் வுத்தமேவா”தி சித்தஞ்ஹி
உப்பாத³க்க²ணே ஏவ பரிபுண்ணங் பச்சயங் லபி⁴த்வா ப³லவங் ஹோதீதி
வுத்தமேவ. “தங்”தி அப்பனாஜவனங். அசலமானங் ஹுத்வா.

“அப்³போ³கிண்ணே”தி வீதி²சித்த வா²ரேன அவோகிண்ணே. ந ததா² பவத்தமானேஸு அங்கா³னி ஒஸீத³ந்தி, யதா² ட²பிதானேவ ஹுத்வா பவத்தந்தி. “ந ததோபரங்”தி ததோ அதிரேகங் ரூபவிஸேஸங் ந ஜனேதி. “கிஞ்சீ”தி கிஞ்சிசித்தங். “உத்தரகிச்சங்”தி உபரூபரிகிச்சங். “அட்ட² புது²ஜ்ஜனானங்”தி அட்ட² ஸோமனஸ்ஸ ஜவனானி ஹஸனங்பி ஜனெந்தி. ச² ஜவனானி பஞ்சஜவனானீதி அதி⁴காரோ. தேஸங் பு³த³தா⁴னங். ஸிதகம்மஸ்ஸாதி ஸம்ப³ந்தோ⁴. ஸிதகம்மங் நாம மிஹிதகம்மங். “காரணங் வுத்தமேவா”தி ‘ரூபஸ்ஸ பன உபத்த²ம்ப⁴கபூ⁴தா உதுஆஹாரா பச்சா²ஜாதபச்சய த⁴ம்மா ச டி²திக்க²னே ஏவ ப²ரந்தீ’தி ஏவங் காரணங் வுத்தமேவ. “உதுனோ ப³லவபா⁴வோ”தி ரூபப்பாத³னத்தா²ய ப³லவபா⁴வோ. ஸந்ததிடி²தியா ப³லவபா⁴வோ பன பச்சா²ஜாதபச்சயாயத்தோ ஹோதி. ரூபங் ந ஸமுட்டா²பெய்ய. நோ ந ஸமுட்டா²பேதீதி ஆஹ “வக்க²தி சா”திஆதி³ங். அஜ்ஜ²த்த ஸந்தானக³தோ ச ப³ஹித்³தா⁴ஸந்தானக³தோ ச து³விதா⁴ஹாரோதி ஸம்ப³ந்தோ⁴.

எத்த²சாதிஆதீ³ஸு. உது பஞ்சவிதோ⁴. அஜ்ஜ²த்தஸந்தானே சதுஜவஸேன சதுப்³பி³தோ⁴, ப³ஹித்³தா⁴ ஸந்தானே உதுஜவஸேன ஏகோ. ததா² ஆஹாரோபி பஞ்சவிதோ⁴. தேஸு ட²பெத்வா ப³ஹித்³தா⁴ஹாரங் அவஸேஸானங் அஜ்ஜ²த்த ஸந்தானே ரூபஸமுட்டா²பனே விவாதோ³ நத்தி². ப³ஹித்³தா⁴ஹாரஸ்ஸ பன அஜ்ஜ²த்தஸந்தானே ரூபஸமுட்டா²பனே விவாதோ³ அத்தீ²தி தங் த³ஸ்ஸேதுங் “எத்த² சா”திஆதி³மாஹ. “உதுஓஜானங் வியா”தி உதுஓஜானங் அஜ்ஜ²த்தஸந்தானே ரூபஸமுட்டா²பனங் விய. அட்ட²கதா²பாடே². “த³ந்தவிசுண்ணிதங் பனா”தி த³ந்தேஹி ஸங்கா²தி³த்வா விசுண்ணங் கதங் பன. “ஸித்த²ங்”தி ப⁴த்தசுண்ணஸித்த²ங். டிகாபாடே². “ஸா”தி ப³ஹித்³தா⁴ ஓஜா. “நஸங்கா²தி³தோ”தி ந ஸுட்டு²கா²தி³தோ. “தத்தகேனபீ”தி முகே²ட²பிதமத்தேனபி. “அப்³ப⁴ந்தரஸ்ஸா”தி அஜ்ஜ²த்தாஹாரஸ்ஸ. “அட்ட²அட்ட²ரூபானி ஸமுட்டா²பேதீ”தி உபத்த²ம்ப⁴னவஸேன ஸமுட்டா²பேதி, ஜனந வஸேன பன அஜ்ஜ²த்திகாஹாரோ ஏவ ஸமுட்டா²பேதீதி அதி⁴ப்பாயோ. “உபாதி³ன்னகா”தி அஜ்ஜ²த்த ஸம்பூ⁴தா வுச்சந்தி. ப³ஹித்³தா⁴ ஓஜாபி ரூபங் ஸமுட்டா²பேதி யேவாதி ஸம்ப³ந்தோ⁴. “தேனஉதுனா”தி அஜ்ஜ²த்த உதுனா. “ஸேதி³யமானா”தி உஸ்மாபியமானா. “தாய ச ஓஜாயா”தி அஜ்ஜ²த்த ஓஜாய. “மேத³ஸினேஹுபசய வஸேனா”தி மேத³கொட்டா²ஸரஸஸினேஹ கொட்டா²ஸானங் வட்³ட⁴னவஸேன. இதரானி பன தீணி²ரூபஸமுட்டா²னானி. பாளிபாடே². “இந்த³ரியானீ”தி சக்கா²தீ³னி இந்த³ரிய ரூபானி. “விஹாரோ”தி ஸமாபத்தி ஏவ வுச்சதி. ஸமாபத்தி சித்தேன ஜாதத்தா தானி இந்த³ரியானி விப்பஸன்ன நீதி கத்வா கஸ்மா வுத்தந்தி புச்ச²தி. “உபசரிதத்தா”தி டா²னூபசாரேன வோஹரிதத்தா. “தேஸங் ந வன்னங்”தி இந்த³ரியரூபானங். நிதி⁴கண்ட³பாடே². ஸுந்த³ரோ வண்ணோ யஸ்ஸாதி ஸுவண்ணோ. ஸுவண்ணஸ்ஸ பா⁴வோ ஸுவண்ணதா. ததா²ஸுஸ்ஸரதா. “ஸரோ”தி ச ஸத்³தோ³ வுச்சதி. “ஸுஸண்டா²னங்”தி அங்க³பச்சங்கா³னங்

ஸுட்டு²ஸண்டா²னங். “ஸுருபதா”தி ஸுந்த³ரூபகாயதா. “யதா”தி யேனஆகாரேன ஸண்டி²தே ஸதி. ததா² தேன ஆகாரேன ஸண்டி²தா ஹோதீதி யோஜனா.

லஹுதாதி³த்தயே. த³ந்த⁴த்தாதி³கரானங் தா⁴துக்கோ²பா⁴னங் படிபக்கே²ஹி பச்சயேஹி ஸமுட்டா²தீதி விக்³க³ஹோ. “ஏதஸ்ஸா”தி லஹுதாதி³த்தயஸ்ஸ வுத்தா. தஸ்மா ஏதங் லஹுதாதி³த்தயங் கம்மஸமுட்டா²னந்தி வத்தப்³ப³ந்தி அதி⁴ப்பாயோ. “யமகேஸுபி அத்³தா⁴பச்சப்பன்னேனேவ க³ஹிதோ”தி யஸ்ஸ சக்கா²யதனங் உப்பஜ்ஜதி, தஸ்ஸ ஸோதாயதனங் உப்பஜ்ஜதீதி. ஸசக்கு²கானங் அஸோதகானங் உப்பஜ்ஜந்தானங் தேஸங் சக்கா²யதனங் உப்பஜ்ஜதீதிஆதீ³ஸு உப்பாத³வாரே படிஸந்தி⁴வஸேன, நிரோத⁴வாரே சுதிவஸேன அத்³தா⁴பச்சப்பன்னங் வுத்தந்தி அதி⁴ப்பாயோ. அகம்மஜானங் பவத்திகாலே காலபே⁴தோ³ வுத்தோதி. “கம்மவிபாகஜா ஆபா³தா⁴தி வுத்தங்”தி வீதி²முத்தஸங்க³ஹே உபச்சே²த³ககம்மதீ³பனியங் ‘அத்தி² வாத ஸமுட்டி²தா ஆபா³தா⁴. ல. அத்தி² கம்மவிபாகஜா ஆபா³தா⁴தி வுத்தங். தானி உபபீளகுபகா⁴தக கம்மானிபி விபத்தியோ லப⁴மானானி ஏவ கோ²பெ⁴த்வா நானாபா³தே⁴ உப்பாதெ³ந்தீதி ஸம்ப³ந்தோ⁴. ஸரீரே ட²ந்தி திட்ட²ந்தீதி ஸரீரட்ட²கா. “தத³னுக்³திகானி ஏவ ஹொந்தீ”தி கம்மஜாதீ³னிபி கு²ப்³பி⁴தானி ஏவ ஹொந்தீதி அதி⁴ப்பாயோ. ஏதேன அட்ட²ஸு காரணேஸு யேனகேனசிகாரணேன சக்கு²ரோகா³தி³கே ஆபா³தே⁴ ஜாதே தஸ்மிங் அங்கே³ பவத்தானி ஸப்³பா³னி ரோக³ஸமுட்டா²னானி ஆபா³தா⁴பா⁴வங் க³ச்ச²ந்தியேவ. ஏவங் ஸந்தேபி தப்பரியாபன்னானி கம்மஜரூபானி தத³னுக்³திகபா⁴வேன ஆபா³தா⁴பா⁴வங் க³ச்ச²ந்தி, ந உஜுகதோ கம்மவஸேனாதி தீ³பேதி. கம்மஸமுட்டா²னோ ஆபா³தோ⁴ நாம நத்தி². ததா²பி அட்ட²ஸு ஆபா³தே⁴ஸுபி அத்தி² வாதஸமுட்டா²னா ஆபா³தா⁴திஆதீ³ஸு விய அத்தி² கம்மஸமுட்டா²னா ஆபா³தா⁴தி அவத்வா அத்தி² கம்மவிபாகஜா ஆபா³தா⁴தி வுத்தங். தத்த² உபபீளகோ பகா⁴தககம்மானங் வஸேன உப்பன்னோ யோகோசிதா⁴துக்கோ²போ⁴ ஸுத்தந்தபரியாயே ந கம்மவிபாகோதி வுச்சதியேவ. ததோ ஜாதோ யோகோசி ஆபா³தோ⁴ கம்மவிபாகஜோதி வுத்தோதி. ஸுக³ம்பீ⁴ரமித³ங் டா²னங். ஸுட்டு²விசாரெத்வா கதே²தப்³ப³ங். “யதோ”தி யஸ்மா கம்மஸமுட்டா²னா பா³தா⁴பச்சயா. ல. லப்³ப⁴மானோ ஸியா. கேவலங் ஸோ கம்மஸமுட்டா²னோ ஆபா³தோ⁴ நாம நத்தீ²தி யோஜனா. “அவிஹிங்ஸா கம்மனிப்³ப³த்தா”தி மெத்தாகருணாகம்மனிப்³ப³த்தா. ஸுவிதூ³ரதாயசேவ நிராபா³தா⁴ ஹொந்தீதி ஸம்ப³ந்தோ⁴. “ஸண்டி²தியா”தி துக்கோ²பா⁴னீயே விலேஸஸனபத³ங். ஹேதுபத³ங் வா த³ட்ட²ப³ப³ங். கோ²பே⁴துங் துக்கரா துக்கோ²பா⁴னீயா. “காமங்”தி கிஞ்சாபீதி அத்தே² நிபாதபத³ங். ஸேஸமெத்த² ஸுவிஞ்ஞெய்யங்.

“வுச்சதே”திஆதீஸு. ரூபபச்சயத⁴ம்மானங் பச்சயகிச்சங் திவித⁴ங். ஜனநஞ்ச உபத்த²ம்ப⁴னஞ்ச அனுபாலனஞ்ச. தத்த² ஜனநகிச்சங் ஜனேதப்³பா³னங் ஜாதிக்க²ணே ஏவ லப்³ப⁴தி. ஸேஸத்³வயங் பன டி²திக்க²ணேபி லப்³ப⁴தி. ப⁴ங்க³க்க²ணே பன ஸப்³ப³ங் பச்சயகிச்சங் நத்தி². தத்த² ஜனநகிச்சவஸேன விசாரெந்தோ “ரூபஜனகானங்”திஆதி³மாஹ. “அபிசா”திஆதீஸு. “தாஸங்”தி உபசயஸந்ததீனங், ஜரதா அனிச்சதானஞ்ச. “தேஸு”தி குதோசி ஸமுட்டா²னேஸு. இத⁴ பன அபி⁴த⁴ம்மத்த² ஸங்க³ஹேபன. “ஏவங் ஸந்தேபீ”தி பச்சயவிஸேஸேன அதி³ஸ்ஸமானவிஸேஸத்தே²பி. “ஸாரதர”ந்தி அதிஸாரபூ⁴தங். “ஸெய்யோ”தி ஸெட்டோ².

ரூபஸமுட்டா²னானுதீ³பனா நிட்டி²தா.

169. கலாபயோஜனாயங் . “ஸங்கா²னே”தி க³ணனே. “தேனா”தி ஸங்கா²னட்டே²ன ஏகஸத்³தே³ன த³ஸ்ஸேதீதி ஸம்ப³ந்தோ⁴. “பிண்டி³”தி ஏகக்³க⁴னோ. மூலடிகாபாடே². “உப்பாதா³தி³ப்பவத்திதோ”தி உப்பாதா³தி³வஸேன பவத்தனதோ. “இதீ”தி தஸ்மா. உப்பாதா³ரூபானி த்வேவ வுச்சந்தி. “ஏவங் விகாரபரிச்சே²த³ ரூபானி ச யோஜேதப்³பா³னீ”தி பஞ்சவிகாரரூபானி கலாபஸ்ஸேவ சோபனாதி³ஸபா⁴வா ஹொந்தி, ந ஏகமேகஸ்ஸ ரூபஸ்ஸ. தஸ்மா தானி ஏகேகஸ்மிங் கலாபே ஏகேகானி ஏவ ஹொந்தி. பரிச்சே²த³ரூபங் பன கலாபபரியாபன்னங் ரூபங் ந ஹொதி. தஸ்மா த்³வின்னங் த்³வின்னங் கலாபானங் அந்தரா தங்பி ஏகேகமேவ ஹொதீதி த³ட்ட²ப்³ப³ங். “சதுன்னங் மஹாபூ⁴தானங் நிஸ்ஸயதா ஸம்ப⁴வதோ”தி எத்த² சதுன்னங் மஹாபூ⁴தானங்பி லக்க²ணமத்தேன நானத்தங் ஹொதி, பவத்திவஸேன பன ஏகக்³க⁴னத்தா ஸங்கா²னட்டே²னபி ஏகோ நிஸ்ஸயோதி வத்தப்³ப³மேவ. ஏவஞ்ஹிஸதி ஏகஸத்³த³ஸ்ஸ அத்த² சலனங் நத்தீ²தி. “தேன ஸத்³தே³னா”தி சித்தஜஸத்³தே³ன. அத்தானங் மோசெந்தோ “அதி⁴ப்பாயேனா”தி ஆஹ. தே²ரஸ்ஸ அதி⁴ப்பாயேனாதி வத்தங் ஹொதி. அத்தனோ அதி⁴ப்பாயங் த³ஸ்ஸெந்தோ “எத்த² பனா”திஆதி³மாஹ. தத்த² “ஸத்³தே³னா”தி சித்தஜஸத்³தே³ன. “தாயவாசாயா”தி வசீமயஸத்³தே³னாதி அத்தோ². “விஞ்ஞத்தீ”தி விஞ்ஞாபனங் இச்சேவத்தோ². விஞ்ஞாபேதீதி விஞ்ஞாபிதோ. தஸ்ஸ பா⁴வோ விஞ்ஞாவிதத்தங். விதக்கவிப்பா²ரஸத்³தோ³ நாம கஸ்ஸசி மஹந்தங் அத்த²ங் சிந்தெந்தஸ்ஸ ஸோகவஸேன வா துட்டி²வஸேன வா ப³லவவிதக்கோ பவத்ததி. ஸோ ஸோகங் வா துட்டி²ங் வா ஸந்தா⁴ரே துங் அஸக்கொந்தோ து³தீயேன ஸத்³தி⁴ங் மந்தெந்தோ விய அத்தனோ முகே²யேவ அப்³யத்தங் ஸத்³த³ங் கத்வா ஸமுதீ³ரதி. பகதிஜனோ தங் ஸத்³த³மத்தங் ஸுணாதி வா ந வாஸுணாதி. ஸுணந்தோபி அக்க²ரங் வா அத்த²ங் வா அதி⁴ப்பாயங் வா ந ஜானாதி. தி³ப்³ப³ஸோதேன வா விஜ்ஜாஸோதேன வாஸுணந்தோ அக்க²ரங்பி அத்த²ங்பி அதி⁴ப்பாயங்பி

ஜானாதி. ஜானித்வா ஏவாங்பி தே மனோ, இத்த²ங்பி தே மனோதிஆதி³ஸதி.
அயங் விதக்கவிப்பா²ரஸத்தோ³ நாம. ஸோ விஞ்ஞத்திரஹிதோ
ஸோதவிஞ்ஞய்யோதி மஹாஅட்ட²கதா²யங் வுத்தோ. ஸங்க³ஹகாரோபன
வசீமயஸத்தோ³னாம விஞ்ஞத்திரஹிதோதி வா அஸோதவிஞ்ஞய்யோதி வா
நத்தீ²தி படிக்கி²பதி. “ஆக³தே”தி அட்ட²கதா²ஸு ஆக³தே. “பச்சேதப்³பா³”தி
ஸத்தா³தப்³பா³. “ஐகாஸுபனஸ்ஸா”தி அஸ்ஸஸச்சஸங்கே²பஸ்ஸ
த்³வீஸுஐகாஸு. அக்க²ரஞ்ச பத³ஞ்ச ப்யஞ்ஜனஞ்ச அத்தோ² சாதி த்³வந்தோ³.
அப்பஞ்ஞாயமானா அக்க²ரபத³ப்யஞ்ஜனத்தா² யஸ்ஸாதி விக்³க³ஹோ.
“அந்த⁴த³மிளாதீ³னங்”தி அந்த⁴ஜாதிகத³மிளஜாதிகாதீ³னங் மிலக்க²னங்.
“உக்காஸிதஸத்தோ³ ச கி²பிதஸத்தோ³ ச வமிதஸத்தோ³ ச ச²ட்³டி³தஸத்தோ³
சாதி த்³வந்தோ³. ஆதி³ஸத்தே³ன தாதி³ஸா உக்³கா³ர ஹிக்கார ஹஸித
ரோதி³தாத்யோ ஸங்க³ண்ஹாதி. ஸேஸமெத்த²ஸுவிஞ்ஞய்யங்.

கலாபயோஜனானுதீ³பனா நி²டி²தா.

161. ரூபப்பவத்திக்கமே. நபுக்³லவஸேன விஸேஸனங் ஹோதி.
பூ⁴மிவஸேன விஸேஸனங் ஹோதி. தஞ்ச கோ² பவத்திகாலவஸேனாதி
அதி⁴ப்பாயோ.

எத்த²சாதிஆதீ³ஸு. புரிமேஸு த்³வீஸு யோனீஸு பானினயேன
வேதி³தப்³பா³தி ஸம்ப³ந்தோ⁴. நிக்க²ந்தா, இதி தஸ்மா அண்ட³ஜாதி ச
ஜலாபுஜாதி ச வச்சந்தி. கத²ங் அயங் நயோ பானினயோ நாம ஹோதீதி.
பானியங் அண்ட³கோஸங் வத்தி²கோஸங் அபி⁴னிப்பி⁴ஜ்ஜ
அபி⁴னிப்பி⁴ஜ்ஜ ஜாயந்தீதி வசனேன அண்ட³தோ ஜலாபு³தோ ஜாதா விஜாதா
நிக்க²ந்தாதி அத்தோ² விஞ்ஞாயதி. அட்ட²கதா²யங் பன அண்டே³ஜாதா
ஜலாபு³ம்ஹிஜாதாதி வுத்தங். க³ப்³ப⁴பலிவேட²னாஸயோ நாம யேன
பலிவேடி²தோ க³ப்³போ⁴ திட்ட²தி. விபா⁴வனிபாடே² “உக்கங்ஸக³தி
பரிச்சே²த³வஸேனா”தி உக்கட்ட²ப்பவத்தினியமனவஸேன.
உக்கட்ட²னயவஸேனாதி வுத்தங் ஹோதி. அபி⁴ரூபஸ்ஸ கஞ்ஞா தா³தப்³பா³தி
எத்த² கஞ்ஞா தா³தப்³பா³தி ஸாமஞ்ஞதோ வுத்தேபி அபி⁴ரூபஸ்ஸ
புரிஸஸ்ஸாதி வுத்தத்தா கஞ்ஞாபி அபி⁴ரூபகஞ்ஞா ஏவ விஞ்ஞாயதி. அயங்
உக்கட்ட²னயோ நாம. “தத்த² தானி ஸப்³பா³னீ”திஆதீ³ஸு. தானிஸப்³பா³னிபி
சக்கு² ஸோத கா⁴ன பா⁴வ த்³வயானி ந ஓமகேன கம்மேன லப்³ப⁴தி.
உக்கட்டே²ன கம்மேன ஏவ லப்³ப⁴தீதி அதி⁴ப்பாயோ. விப⁴ங்க³பாடே².
ஸத்தா³யதனங் நாம படிஸந்தி⁴காலே ந லப்³ப⁴தீதி வுத்தங்
“ஏகாத³ஸாயதனானீ”தி. சக்கு²வேகல்லஸ்ஸ த³ஸ, ஸோதவேகல்லஸ்ஸ
அபரானித³ஸ, சக்கு² ஸோதவேகல்லஸ்ஸனவ , க³ப்³ப⁴ஸெய்யஸ்ஸவஸேன
ஸத்தாயதனானி. பானியங் ஓபபாதி கக³ப்³ப⁴ஸெய்யகானங் ஏவ வுத்தத்தா
“பானியங் அவுத்தங்பிபனா”தி வுத்தங். அவுத்தம்பி சக்கா²தி³வேகல்லங்.

“அஞ்ஞமஞ்ஞங் அவினாபா⁴வவுத்திதா வுத்தா”தி கத²ங் வுத்தா யஸ்ஸ கா⁴னாயதனங் உப்பஜ்ஜதி, தஸ்ஸ ஜிவ்ஹாயதனங் உப்பஜ்ஜதீதி, ஆமந்தா. யஸ்ஸ வா பன ஜிவ்ஹாயதனங் உப்பஜ்ஜதி, தஸ்ஸ கா⁴னாயதனங் உப்பஜ்ஜதீதி, ஆமந்தாதிஆதி³னா வுத்தா பெய்யாலமுகே²ன. ஆசரியானந்த³த்தே²ரே ந பன இச்சி²தந்தி ஸம்ப³ந்தோ⁴. “ஜிவ்ஹாவேகல்லதாவியா”தி ஜிவ்ஹாவேகல்லதானாம நத்தி² விய. “கா⁴னவேகல்லதாபி அத்தீ²தி யுத்தங்”தி எத்த² பாளியங் அகா⁴னகானங் இத்தீ²னங் புரிஸானங்தி இத³ங் மாதுக³ப³பே⁴ கா⁴னாயதனே அனுப்பன்னேயேவ புரேதரஞ்ச வந்தானங் இத்தி²புரிஸானங் வஸேன வுத்தங். ந கா⁴னவேகல்லானங் அத்தி²தாயாதிபி வத³ந்தி. க³ப³பே⁴ ஸெந்தீதி க³ப³ப⁴ஸயா. க³ப³ப⁴ஸயா ஏவ க³ப³ப⁴ஸெய்யா.

பவத்திகாலேதிஆதீ³ஸு. மூலகாபாடே². “ஓரதோ”தி படிஸந்தி⁴ங் உபாதா³ய வுத்தங். ஏகாத³ஸமஸத்தாஹே அனாக³தேதி வுத்தங் ஹோதி. ரூபாயதனங் நுப்பஜ்ஜிஸ்ஸதி. நோ ச சக்கா²யதனங் நுப்பஜ்ஜிஸ்ஸதீதி இத³ங் அத்தா⁴பச்சுப்பன்னவஸேன வுத்தங். தஸ்மா படிஸந்தி⁴தோ பட்டா²ய உப்பன்னங் ரூபாயதனங் யாவஜீவங்பி உப்பன்னந்தவேவ வுச்சதி. ந உப்பஜ்ஜிஸ்ஸமானந்தி. சக்கா²யதனங் பன ஏகாத³ஸமஸத்தாஹா ஓரதோ டி²தஸ்ஸ ந உப்பன்னங். ததா³ அனுப்பன்னத்தா ஏகாத³ஸமே ஸத்தாஹே ஸம்பத்தே உப்பஜ்ஜிஸ்ஸதீதி வத்தப³ப³ங் ஹோதி. பச்சி²ம ப⁴விகத்தா பன தது³ப⁴யம்பி ப⁴வந்தரே நுப்பஜ்ஜிஸ்ஸதியேவாதி. கா⁴னாயதனங் நிப³ப³த்தேதீதி கா⁴னாயதனானிப³ப³த்ததங், கம்மங். தேன கம்மேன க³ஹிதப்படிஸந்தி⁴கானங். இத³ஞ்ச யதி³ தன்னிப³ப³த்தகேன கம்மேன படிஸந்தி⁴ங் க³ண்ஹெய்யுங். கா⁴னாயதனே அனுப்பன்னே அந்தரா ந காலங்கரெய்யுந்தி கத்வா வுத்தங். தன்னிப³ப³த்தகேன கம்மேன படிஸந்தி⁴ங் க³ண்ஹந்தாபி ததோ ப³லவந்தே உபச்சே²த³ககம்மே ஆக³தே ஸதி. கா⁴னாயதனுப்பத்திகாலங் அபத்வா அந்தரா நகாலங்கரொந்தீதி நத்தி². “சக்கு²கா⁴னேஸு வுத்தேஸு”தி டகாயங் வுத்தேஸு. “அத்த²தோ ஸித்தா⁴ ஏவா”தி ஏகாத³ஸமஸத்தாஹே உப்பன்னாதி ஸித்தா⁴ ஏவ. “ஈதி³ஸேஸுடா²னேஸு”தி ஸபா⁴வங் விசாரே துங் து³க்கரேஸு டா²னேஸு. அட்ட²கதா²யேவ பமாணங் காதுங் யுத்தாதி அதி⁴ப்பாயோ. அட்ட²கதா²பாடே². “புரிமங் ப⁴வசக்கங்”தி அவிஜ்ஜாமூலகங் வேத³னாவஸானங் ப⁴வசக்கங். “அனுபு³ப³ப்பவத்திதீ³பனதோ”தி யதா² பச்சி²மே தண்ஹாமூலகே ப⁴வசக்கே உபபத்திப⁴வப்பவத்திங் வத³ந்தேன ப⁴வபச்சயாஜாதீதி ஏவங் ஏகதோ கத்வா வுத்தா, ந ததா² புரிமே ப⁴வசக்கே. தத்த² பன ஸங்கா²ரபச்சயா விஞ்ஞாணங், விஞ்ஞாண பச்சயா நாம ரூபந்திஆதி³னா அனுபு³ப³ப்பவத்திதீ³பனதோ. “ஸோ படிக்கி²த்தோயேவா”தி ஆயதனானங் கமதோ வினிச்ச²யட்டா²னே தே³ஸனாக்கமோவ யுத்தோதி வத்வா ஸோ உப்பத்திக்கமோ படிக்கி²த்தோ.

ஸங்யுத்தகே யக்க²ஸங்யுத்தபாளியங். கா³தா²ஸு. “கலலா”தி கலலதோ.
 “அப்³பு³தா³”தி அப்³பு³த³தோ. “பேஸியா”தி பேஸிதோ. “க⁴னா”தி க⁴னதோ.
 “ஜாதிஉண்ணங்ஸுஹி”தி ஸுத்³த⁴ஜாதிகஸ்ஸ ஏலகஸ்ஸ லோமங்ஸுஹி.
 “பரிபக்கஸமுஹகங்”தி கலலதோ பரங் தோ²கங் பரிபக்கஞ்ச ஸமுஹாகாரஞ்ச
 ஹுத்வா. “விவத்தமானங் தப்³பா⁴வங்”தி கலலபா⁴வங் விஜஹித்வா
 வத்தமானங். “விலீனதி புஸதி³ஸா”தி அக்³கி³ம்ஹி விலீனதிபுரஸஸதி³ஸா.
 “முச்சதி”தி கபாலே நலக்³க³தி. ஏதானிஜாயந்தீதி ஏவங் அட்ட²கதா²யஞ்ச வுத்தங்.
 “த்³வா சத்தாலீஸமே ஸத்தாஹே”தி நவமாலேஸ அதிக்கம்ம வீஸதிமேதி³வஸே.
 யதி³ ஏவங், பஞ்சமேஸத்தாஹே பஞ்சப்பஸாகா² ஜாயந்தி,
 ஏகாத³ஸமேஸத்தாஹே சத்தாரி ஆயதனானி ஜாயந்தி, மஜ்ஜே²பன
 பஞ்சஸத்தாஹா அத்தி². தத்த² கத²ந்தி ஆஹ “எத்த² சா”திஆதி³ங்.
 “ச²ஸத்தாஹா”தி ஏகாத³ஸமேன ஸத்³தி⁴ங் ச²ஸத்தாஹா. ஏகாத³ஸமேபி ஹி
 பச்சி²மதி³வஸே ஜாதத்தா ச²தி³வஸானி அவஸிட்டா²னி ஹொந்தி.
 “பரிணதகாலா”தி பரிபக்ககாலா. பரிபாகக³தா ஏவ ஹி கம்மஜமஹாபூ⁴தா
 ஸுப்பஸன்னா ஹொந்தி. தேஸஞ்ச பஸாத³கு³ணா பஸாத³ரூபா ஹொந்தீதி.
 “தஸ்ஸா”தி கலலஸ்ஸ. வண்ணஜாதங் வா ஸண்டா²னங் வாதி ஸம்ப³ந்தோ⁴.
 “ஆகாஸகொட்டா²ஸிகோ”தி மனுஸ்ஸேஹி ஆகாஸகொட்டா²ஸே ட²பிதோ.
 ஹுத்வாதி பாட²ஸேஸோ. கத²ங் பரமாணுதோ பரித்தகங் ஸியாதி ஆஹ
 “ஸோஹி”திஆதி³ங். “ஸோ”தி பரமாணு. படிஸந்தி⁴க்க²ணே கலலரூபங்
 கலாபத்தயபரிமாணங். பரமாணு பன ஏகூனபஞ்ஞாஸகலாபபரிமாணோ. தஸ்மா
 தங் ததோ பரித்தகந்தி வுத்தங் ஹொதி. படிஸந்தி⁴க்க²ணதோ பரங் பன தங்பி
 க²ணேக²ணே உபசிதமேவ ஹொதி. “தா⁴தூனங்”தி சதுதா⁴துவவத்தா²னே
 ஆக³தானங் சதுன்னங் மஹாபூ⁴தானங். கலலஸ்ஸவா உபசிதப்பமாணங்
 க³ஹெத்வா வுத்தந்திபி யுஜ்ஜதி. “வத்து²ஸ்மிங்”தி அப்³பு³தா³தி³வத்து²ம்ஹி.
 “ஜலாப³மூலானுஸாரேனா”தி ஜலாப³ஜாதகாலே தஸ்ஸ மூலானு ஸாரேனாதி
 அதி⁴ப்பாயோ. கா³தா²யங். “மாதுதிரோ குச்சி²க³தோ”தி வத்தப்³பே³
 கா³தா²ப³ந்த⁴வஸேன “மாதுகுச்சி²க³தோ திரோ”தி வுத்தங். தேனாஹ “மாதுயா
 திரோகுச்சி² க³தோ”தி. “சி²த்³தோ³”தி ஸுகு²மேஹி சி²த்³தே³ஹி ஸமன்னாக³தோ.
 லத்³த⁴ங்வா பானபோ⁴ஜனங். “ததோ பட்டா²யா”தி
 ஸத்தரஸமப⁴வங்க³சித்ததோ பட்டா²ய. “ரூபஸமுட்டா²னே வுத்தமேவா”தி
 ரூபஸமுட்டா²னே மூலடிகாவாத³ விசாரணாயங் ‘யங் பிதத்த² ந ச
 யுத்தந்திஆதி³னா வுத்தமேவ. “அஜ்ஜோ²ஹடாஹாராபா⁴வதோ”தி
 ப³ஹித்³தா⁴ஹாராபா⁴வதோதி அதி⁴ப்பாயோ. “தத்தா²”தி ரூபப்³ரஹ்மலோகே.
 அபா⁴வங் வண்ணேதி. கஸ்மாபன வண்ணேதி, நனு வண்ணெந்தஸ்ஸ
 அட்ட²கதா² விரோதோ⁴ ஸியாதி. விரோதோ⁴ வா ஹொது, அவிரோதோ⁴
 வா. பாளியேவ பமாணந்தி த³ஸ்ஸெந்தோ “ரூபதா⁴துயா”திஆதி³னா
 விப⁴ங்கே³ பாளிங் ஆஹரி. தத்த² “ரூபதா⁴துயா”தி ரூபலோகதா⁴துயா. ரூப
 ப³ரஹ்மலோகேதி வுத்தங் ஹொதி. “உபபத்திக்க²ணே”தி படிஸந்தி⁴க்க²ணே.

ஆசரியஸ்ஸ அதி⁴ப்பாயங் விபா⁴வெந்தோ “எத்த²சா”திஆதி³மாஹ.

“பொ²ட்ட²ப்³பே³ படிக்கி²த்தேபீ”தி பஞ்சாயதனானீதி வா பஞ்சதா⁴துயோதி வா பரிச்சே²த³கரணமேவ படிக்கி² பனங் த³ட்ட²ப்³பங். “கிச்சந்தர ஸப்³பா⁴வா”தி பொ²ட்ட²ப்³பகிச்சதோ கிச்சந்தரஸ்ஸ விஜ்ஜமானத்தா. கிம்பன கிச்சந்தரந்தி. ரூபகாயஸ்ஸ பவத்தியா ஹேதுபச்சயகிச்சங். மஹாபூ⁴தா ஹேது மஹாபூ⁴தா பச்சயா ரூபக்க²ந்த⁴ஸ்ஸ பஞ்ஞாபனாயாதி ஹி ப⁴க³வதா வுத்தங். தத்த² ஹேதுகிச்சங் நாம ரூபஜனநகிச்சங். பச்சய கிச்சங் நாம ரூபுபத்த²ம்ப⁴ன கிச்சங். கிச்சந்தரமேவனத்தீ²தி கா⁴னாதீ³னங் விஸய கோ³சரபா⁴வகிச்சங் தேஸங் கிச்சங் நாம, ததோ அஞ்ஞங் கிச்சங் நாம நத்தி². “யேனா”தி கிச்சந்தரேன. “தே”தி க³ந்தா⁴த³யோ. இதா³னி அட்ட²க தானுக³தங் வாத³ங் த³ஸ்ஸெந்தோ “யதா²பனா”திஆதி³மாஹ. “யேன கிச்சவிலேஸேஸேனா”தி விஸயகோ³சரபா⁴வகிச்சவிலேஸேஸேன. ரூபஜனநரூபுபத்த²ம்ப⁴ன கிச்சவிலேஸேஸேன ச. “ஸப்³பத்தா²”தி ஸப்³பஸ்மிங் பானிப்பதே³ஸே. “தேஸங்”தி க³ந்தா⁴தீ³னங். “தத்தா²”தி ரூபலோகே. “நிஸ்ஸந்த³ த⁴ம்மமத்தபா⁴வேனா”தி எத்த² யதா² அக்³கி³ம்ஹி ஜாதே தஸ்ஸ நிஸ்ஸந்தா³ நாம இச்சந்தஸ்ஸபி அனிச்சந்தஸ்ஸபி ஜாயந்தியேவ. வண்ணோபி ஜாயதி, ஓபா⁴ஸோபி, க³ந்தோ⁴பி, ரஸோபி, தூ⁴மோபி, புப்பு²ல்லானிபி கதா³சி ஜாயந்தியேவ. தேஹி வண்ணாதீ³ஹி கரணீயே கிச்சவிலேஸேஸே ஸதிபி அஸதிபி. ததா² மஹாபூ⁴தேஸு ஜாதேஸு தேஸங் நிஸ்ஸந்தா³ நாம இச்சந்தஸ்ஸபி அனிச்சந்தஸ்ஸபி கிச்சவிலேஸேஸே ஸதிபி அஸதிபி ஜாயந்தியேவ. ஏவங் நிஸ்ஸந்த³த⁴ம்மமத்தபா⁴வேன. அனுப்பவேஸோ யுத்தோ ஸியா அஜ்ஜத்த ஸந்தானேதி அதி⁴ப்பாயோ. ப³ஹித்தா⁴ ஸந்தானே பன வத்தா² ப⁴ரண விமானாதீ³ஸு தேஸங் பா⁴வோ இச்சி² தப்³போ³ ஸியா. அஜ்ஜத்தேபி வா காயங் ஓளாரிகங் கத்வா மாபிதகாலேதி. எத்த² ச “த⁴ம்மாயதன த⁴ம்மதா⁴தூஸு அனுப்பவேஸோ”தி எத்த² அட்ட²ஸாலினியங் தாவ. யே பன அனாபாதாக³தா ரூபாத³யோபி த⁴ம்மாரம்மணமிச்சேவ வத³ந்தீ²தி வுத்தங். தங் தத்த² படிக்கி²த்தங். அனாபாதாக³மனங் நாம விஸயகோ³சர கிச்சரஹிததா வுச்சதி. தஞ்ச மனுஸ்ஸானம்பி தே³வானம்பி ப்³ரஹ்மானம்பி பஸாத³ரூபேஸு அனாபாதா க³மனமேவ அதி⁴ப்பேதங். தங் பன அத்தி²னத்தீ²தி விசாரெத்வா கதே²தப்³பங். அபி ச நிஸ்ஸந்த³த⁴ம்மா நாம ஓளாரிகானங் மஹாபூ⁴தானங் விவிதா⁴காராபி ப⁴வெய்யுங். ப்³ரஹ்மானங் பன அஜ்ஜத்த ரூபங் அப்பனா பத்தகம்மவிலேஸேஸேன பவத்தங் அதிஸு²கு²மங் ஹோதி. தஸ்மா காமஸத்த ஸந்தானே விய தத்த² பரிபுண்ணங் நிஸ்ஸந்த³ரூபங் நாம விசாரேதப்³பமேவ. த⁴ம்மா ரம்மணஞ்ச முக்²யத⁴ம்மாரம்மணங் அனுலோம த⁴ம்மாயதனந்தி பானியங் வுத்தங் நத்தி² யேவாதி. “ஜீவித ச²க்கஞ்சா”தி வத்தப்³பங் ரூபலோகே. “தத்தா²”தி அஸஞ்ஞஸத்தே. காமலோகே ஜீவிதனவகங் கஸ்மா விஸுங் ந வுத்தந்தி. படிஸந்தி⁴க்க²ணே கஸ்மா ந வுத்தங். பவத்திகாலேபி விஸுங் ந

வுத்தமேவ. “ஆஹாரூபத்த²ம்ப⁴கஸ்ஸா”தி ஆஹாரஸங்கா²தஸ்ஸ
 ரூபுபத்த²ம்ப⁴கஸ்ஸ. “ஸகலஸ்ரீர ப்³யாபினோ அனுபாலகஜீவிதஸ்ஸா”தி
 காயத³ஸகபா⁴வத³ஸகேஸு பரியாபன்னஸ்ஸ ஜீவிதஸ்ஸ. “ஏத தே³வா”தி
 ஜீவிதனவகமேவ. “தத்தா²”தி ரூபலோகே. உத³யபு⁴தஸ்ஸா”தி
 வட்³டி⁴பு⁴தஸ்ஸ. “த்³வீஸு அக்³கீஸு”தி பாசகக்³கி³ஸ்மிஞ்ச
 காயக்³கி³ஸ்மிஞ்ச. ஆதங்கோ வச்சதி ரோகோ³. ப்³ஹுகோ ஆதங்கோ
 யஸ்ஸாதி விக்³க³ஹோ. “விஸமவேபாகினியா”தி விஸமங் பாசெந்தியா.
 “க³ஹணியா”தி உத³ரக்³கி³னா. “பதா⁴னக்க²மாயா”தி பதா⁴ன ஸங்கா²தங்
 பா⁴வனாரப்³ப⁴கிச்சங் க²மந்தியா. “ஏதங்”தி ஜீவிதனவகங். “தே²ரேன சா”தி
 அனுருத்³த⁴த்தே²ரேன ச. “ஏதங்”தி ஜீவித நவகங். “நிரோத⁴க்கமோ”தி
 மரணாஸன்னகாலே நிரோத⁴க்கமோ. “எத்தா²”தி ரூபலோகே. களேவரங் வச்சதி
 மதஸ்ரீரங். தஸ்ஸ நிக்கே²போ களேவரனிக்கே²போ. அஞ்ஞேஸஞ்ச
 ஓபபாதிகானங் களேவரனிக்கே²போ நாம நத்தி². கஸ்மா பன தேஸங்
 களேவரனிக்கே²போ நாம நத்தி²தி ஆஹ “தேஸஞ்ஹீ”திஆதி³ங்.
 விபா⁴வனிபாடே². ஸப்³பே³ஸங்³பி ரூபப்³ரஹ்மானங். ஆஹாரஸமுட்டா²னானங்
 ரூபானங் அபா⁴வதோ திஸமுட்டா²னானிதி வுத்தங். அஸஞ்ஞேஸத்தே
 சித்தஸமுட்டா²னானம்பி அபா⁴வதோ த்³விஸமுட்டா²னானிதி வுத்தங். “தானீ”தி
 மரணாஸன்ன சித்தஸமுட்டா²னானி. தங் பரிமாணங் அஸ்ஸாதி தாவத்தகங்.
 “லஹுகக்³ருகதாதி³விகாரோ”தி ஸகலரூபகாயஸ்ஸ லஹுகக்³ருகாதி³விகாரோ.
 அபி ச தத்த² த்³ந்த⁴த்தாதி³கர தா⁴துக்கோ²ப⁴பச்சயானங் ஸப்³பு³ஸோ
 அபா⁴வதோ நிச்சகாலம்பி ஸகலஸ்ரீரஸ்ஸ லஹுதாதி³கு³ணோ வத்ததியேவ.
 கிங் தத்த² படிபக்க² த⁴ம்மப்பவத்தி சிந்தாய. ததா² அஸஞ்ஞேஸத்தேபி
 ரூப்பனவிகார சிந்தாயாதி.

ரூபப்பவத்திக்கமானுதீ³பனா நி²டி²தா.

161. நிப்³பா³னஸங்க³ஹே. த்³வீஸு நிப்³பா³னபதே³ஸு பத²மபத³ங்
 அவிஞ்ஞாதத்த²ங் ஸாமஞ்ஞ பத³ங். து³தீயங் விஞ்ஞாதத்த²ங் விஸேஸபத³ங்.
 கிலேஸே ஸமேதீதி ஸமணோ. அரியபுக்³க³லோ. ஸமணஸ்ஸ பா⁴வோ
 ஸாமஞ்ஞங். அரியமக்³கோ³. ஸாமஞ்ஞஸ்ஸ ப²லானி ஸாமஞ்ஞப²லானி.
 லோகதோ உத்தரதி அதிகமதீதி லோகுத்தரங். லோகே ந பஞ்ஞாவியதீதி
 பஞ்ஞத்தீதி இமமத்த²ங் ஸந்தா⁴ய “நஹீ”திஆதி³மாஹ .
 சத்தாரிமக்³க³ஞ்ஞாணானி சதுமக்³க³ஞ்ஞாணந்தி ஏவங் ஸமாஸவஸேன
 ஏகவசனந்தங் பத³ங் வாக்யங் பத்வா ப்³ஹுவசனந்தங் ஹோதீதிஆஹ “சதுஹி
 அரியமக்³க³ஞ்ஞாணேஹீ”தி. “தாதி³ஸம்ஹா”தி அரியமக்³க³ஸதி³ஸம்ஹா.
 “விமுகா²னங்”தி பரம்முகா²னங். “ஜச்சந்தா⁴னங் வியா”தி ஜச்சந்தா⁴னங்
 சந்த³மண்ட³லஸ்ஸ அவிஸயபா⁴வோ விய. “தஸ்ஸா”தி நிப்³பா³னஸ்ஸ.
 தத்த² “ஜச்சந்தா⁴னங்”தி அவிஸயபதே³ ஸாமிபத³ங். “தஸ்ஸா”தி பா⁴வபத³ங்.
 “யங் கிஞ்சீ”தி கிஞ்சியங் அத்த²ஜாதங். அஸ்ஸனிப்³பா³னஸ்ஸ ஸித்³த⁴தந்தி

ஸம்பந்தோ⁴. அபாகடஸ்ஸ த⁴ம்மஸ்ஸ. வாயாமோபி நாம ந அத்தி². குதோ தஸ்ஸ ஸச்சிகரணங் ப⁴விஸ்ஸதீதி அதி⁴ப்பாயோ. “யேனா”தி வாயாமேன. “நிப்பா³னேன வினா”தி நிப்பா³னாரம்மணங் அலபி⁴த்வாதி வுத்தங் ஹோதி. “அகிச்சஸித்தி⁴ங்”தி கிலேஸப்பஹான கிச்சஸ்ஸ அஸித்தி⁴ங். “ததோ”தி தஸ்மா. “வதா⁴யா”தி வதி⁴துங். “பரிஸக்கந்தா”தி வாயமந்தா. கா³தா²யங். “அந்தோஜடா”தி அஜ்ஜத்தஸந்தானே தண்ஹாஜடா, தண்ஹாவினத்தா⁴. “பஹிஜடா”தி பஹித்தா⁴ஸந்தானே தண்ஹாஜடா, தண்ஹாவினத்தா⁴. “தஸ்ஸா”தி தண்ஹாய. “வத்து²தோ”தி விஸுங்விஸுங் ஜாதஸூருபதோ. பரினிப்பா³யிங்ஸு, பரினிப்பா³யந்தி, பரினிப்பா³யிஸ்ஸந்தீதி பரினிப்பு³தா. தகாரபச்சயஸ்ஸ காலத்தயேபி பவத்தனதோ. யதா² தி³ட்டா², ஸுதா, முதா, விஞ்ஞாதா,தி. விஸிட்ட²ங் கத்வா ஜானிதப்ப³ந்தி விஞ்ஞாணங். ந நிதஸ்ஸிதப்ப³ந்தி அனிதஸ்ஸனங். நத்தி² அந்தோ ஏதஸ்ஸாதி அனந்தங். ஸப்ப³தோ பவத்தா கு³ணப்பபா⁴ ஏதஸ்ஸாதி ஸப்ப³தோபபா⁴ங். “ப⁴க³வதா வுத்தங்”தி தீ³க⁴னிகாயே கேவட்டஸுத்தே வுத்தங். “ஸவந்தியோ”தி மஹானதி³யோ வா குன்னதி³யோ வா. “அப்பெந்தீ”தி பவிஸந்தி. “தா⁴ராதி” மேக⁴வுட்டி²தா⁴ரா. புத்தே⁴ஸு அனுப்பஜ்ஜந்தேஸு ஏகஸத்தோபி பரினிப்பா³துங் ந ஸக்கோதீதி இதங் புத்த³து⁴ப்பாத³கப்பே ஏவ பச்சேக ஸம்புத்தா⁴பி உப்பஜ்ஜந்தீதி கத்வா வுத்தங். அபதா³ன பானியங் பன புத்த⁴ஸுஞ்ஞகப்பேபி பச்சேகஸம்புத்தா⁴னங் உப்பத்தி ஆக³தா ஏவ. “ஏகஸத்தோபீ”தி வா ஸாவகஸத்தோ க³ஹேதப்போ³. ஏவஞ்ஹி ஸதி அபதா³னபானியா அவிரோதோ⁴ ஹோதி. “ஆராதெ⁴ந்தீ”தி ஸாதெ⁴ந்தி படிபா⁴ந்தி. ஸப்ப³தோ பவத்தா கு³ணப்பபா⁴ ஏதஸ்ஸாதி அத்த²ங் ஸந்தா⁴ய “ஸப்ப³தோபபா⁴ ஸம்பன்னங்”தி வுத்தங். “ஜோதி வந்த தரோவா”தி ஓபா⁴ஸவந்ததரோ வா. ஸப்ப³த்த² பபா⁴வதி ஸங்விஜ்ஜதீதி ஸப்ப³தோபபா⁴ந்தி இமமத்த²ங் ஸந்தா⁴ய ஸப்ப³தோ வா பபா⁴தமேவ ஹோதீதி வுத்தங். தேனாஹ “ந கத்த²சி நத்தீ²”தி. “ஏவங்ஸந்தே பீ”தி ஏவங் வுத்தனயேன ஏகவிதே⁴ ஸந்தேபி. “உபசரிதுங்”தி உபசாரவஸேன வோஹரிதுங். “யதா²ஹா”தி தஸ்மிங் யேவஸுத்தே புன கிங் ஆஹ. ப⁴வங் நேதீதி ப⁴வனெத்தி. ப⁴வதண்ஹா ஏவ. “ஸம்பராயிகா”தி சுதிஅனந்தரே பத்தப்பா³. த்³வின்னங் கீ²ணாஸவானங் அனுபாதி³ஸேஸதா வுத்தாதி ஸம்பந்தோ⁴. எத்த² “அனுபாதி³ஸேஸதா”தி அனுபாதி³ஸேஸனிப்பா³னங் வுச்சதி. ஸெக்கே²ஸு அரஹத்தமக்க³ட்ட²ஸ்ஸ ஸெக்க²ஸ்ஸ கிலேஸுபாதி³ஸேஸ வஸேன அனுபாதி³ஸேஸதா வுத்தா. “கிலேஸுபாதி³ஸேஸோ”தி ச கிலேஸ ஸங்கா²தோ உபாதி³ஸேஸோ. ததா² க³ந்து⁴பாதி³ஸேஸோபி. அந்தராபரினிப்பா³யீதிஆதீ³ஸு பரினிப்பா³னங் நாம கிலேஸபரினிப்பா³னங் வுத்தங். உப⁴தோ பா⁴க³ விமுத்தாதீ³னங் பதத்தோ² நவமபரிச்சே²தே³ ஆக³மிஸ்ஸதி. “கிலேஸக்க²யேன ஸஹேவ கி²ய்யந்தீ”தி பச்சுப்பன்னபா⁴வே அரஹத்தமக்க³க்க²ணே கிலேஸக்க²யேன ஸத்தி⁴ங் ஏவ

கி²ய்யந்தி. அனுப்பாத³ த⁴ம்மதங் க³ச்ச²ந்தி. ததா² அனாகா³மி புக³க³லஸ்ஸ
 காமபடிஸந்தி⁴க்க²ந்தா⁴பி அனாகா³மிமக்³க³க்க²ணே, ஸோதாபன்னஸ்ஸ
 ஸத்தப⁴வேட²பெத்வா அவஸேஸ காமபடிஸந்தி⁴க்க²ந்தா⁴ ஸோதாபத்தி
 மக்³க³க்க²ணே தங் தங் கிலேஸக்க²யே ந ஸஹேவ கி²ய்யந்தீதி.
 பச்சப்பன்னக்க²ந்தா⁴ பன கிலேஸக்க²யேன ஸஹகி²ய்யந்தி.
 க²ந்து⁴பாதி³ஸேஸா நாம ஹுத்வா யாவமரணகாலா கீ²ணாஸவானம்பி
 பவத்தந்தி. கஸ்மா பவத்தந்தீதி ஆஹ “யாவசுதியா பவத்தமானங்”திஆதி³ங்.
 பச்சப்பன்னக்க²ந்த⁴ஸந்தானங் பன த⁴ம்மதாஸித்³த⁴ந்தி ஸம்ப³ந்தோ⁴.
 “ப²லனிஸ்ஸந்த³பூ⁴தங்”தி விபாகப²லபூ⁴தஞ்ச நிஸ்ஸந்த³ப²லபூ⁴தஞ்ச
 ஹுத்வா. “தேனஸஹேவா”தி கிலேஸக்க²யேன ஸஹேவ.
 “யஸ்மாபனா”திஆதி³ஸு. பரிஸமந்ததோ ப³ந்த⁴ந்தி நீவாரெந்தி,
 ஸந்திஸுக²ஸ்ஸ அந்தராயங் கரொந்தீதி பலிபோ³தா⁴.
 கிலேஸாபி⁴ஸங்க²ரண கிச்சானி, கம்மாபி⁴ஸங்க²ரணகிச்சானி,
 க²ந்தா⁴பி⁴ஸங்க²ரண கிச்சானி ச. பலிபோ³தே⁴ஹி ஸஹ வத்தந்தீதி
 ஸபலிபோ³தா⁴. ஸங்கா²ர நிமித்தேஹி ஸஹ வத்தந்தீதி ஸனிமித்தா.
 தண்ஹாபணிதீ⁴ஹி ஸஹ வத்தந்தீதி ஸபணிஹிதா. “ததோ”தி பாபகம்மதோ,
 அபாயது³க்க²தோ ச. “கோசீ”தி கோசித⁴ம்மோ. “நிரோதே⁴துங் ஸக்கோதீ”தி
 ஸக்காயதி³ட்டி²யா நிருத்தா⁴ய தே நிருஜ்ஜ²ந்தி. அனிருத்தா⁴ய
 நனிருஜ்ஜ²ந்தி. தஸ்மா ஸக்காயதி³ட்டி² நிரோதோ⁴ நிப்³யாபாரத⁴ம்மோபி
 ஸமானோ தே பலிபோ³தே⁴ நிரோதே⁴தி நாம. “நிரோதே⁴துங் ஸக்கோதீ”தி
 ச அப்³யாபாரே ப்³யாபாரபரிகப்பனாதி த³ட்ட²ப்³ங்.
 ஸக்காயதி³ட்டி²னிரோதோ⁴யேவ தே பலிபோ³தே⁴ நிரோதே⁴துங் ஸக்கோதீதி
 எத்த² த்³வின்னம்பி நிரோதோ⁴ ஏகோயேவ. ஏவங் ஸந்தேபி அவிஜ்ஜா
 நிரோதா⁴ ஸங்கா²ர நிரோதோ⁴திஆதி³ஸு விய அபே⁴தே³ பே⁴த³பரிகப்பனா
 ஹோதீதி. உப்பாதோ³ ச பவத்தோ ச உப்பாத³ப்பவத்தா. தே மூலங் யஸ்ஸாதி
 விக்³க³ஹோ. யேன ஓளாரிகாகாரேன. மாரெந்தீதி மாரா. வத⁴கபச்சத்தி²காதி
 வத்தங் ஹோதி. கிலேஸமாராத³யோ. மாரா த³ஹந்தி திட்ட²ந்தி ஏதேஸூதி
 மாரதெ⁴ய்யா. மாரேதி சாவேதி சாதி மச்ச. மரணமேவ. மச்சத³ஹதி திட்ட²தி
 ஏதேஸூதி மச்சதெ⁴ய்யா. “நத்தி² தஸ்மிங் நிமித்தங்”தி வத்தே
 பஞ்ஞத்தித⁴ம்மேஸுபி உப்பாத³ப்பவத்தமூலங் நிமித்தங் நாம நத்தி².
 ஏவங்ஸதி, தேஹி நிப்³பா³னஸ்ஸ அவிஸேஸோ ஆபஜ்ஜதீதி சோத³னா. தங்
 பரிஹரந்தோ “தஞ்ஹீ”திஆதி³மாஹ. வித்³த⁴ங்ஸெத்வாதி ச ஸாதெ⁴ந்தந்தி ச
 அத்த²விஸேஸ பாகடத்தா²ய அப்³யாபாரே ப்³யாபார பரிகப்பனா ஏவ.
 பணிதாதி³பே⁴தே³. இத³ங் புத்த³தா⁴னங் நிப்³பா³னங் பணிதங். இத³ங்
 பச்சேகபுத்த³தா⁴னங் நிப்³பா³னங் மஜ்ஜி²மங். இத³ங் புத்த³த⁴ஸாவகானங்
 நிப்³பா³னங் ஹீனந்தி பி⁴ன்னங் ந ஹோதீதி யோஜேதப்³ங். நானப்பகாரேன
 சித்தங் நிதே⁴தி ஏதேனாதி பணிஹிதங். “நிதே⁴தீ”தி ஆரம்மணேஸு நின்னங்
 போணங் பப்³பா⁴ரங் கத்வா ட²பேதீதி அத்தோ². ததா² பணிதா⁴னபணிதீ⁴ஸு.

அத்த²தோ ஏகங் ஆஸாதண்ஹாய நாமங். “லப்³ப⁴மானாபீ”தி ப⁴வஸம்பத்தி போ⁴க³ஸம்பத்தியோ லப்³ப⁴மானாபி. “பிபாஸவினய த⁴ம்மத்தா”தி பாதுங் பரிபு⁴ஞ்ஜிதுங் இச்சா² பிபாஸா. பிபாஸங் வினேதி விக³மேதீதி பிபாஸவினயோ. “வேத³யிதஸுக²ங்”தி வேத³னாஸுக²ங். “கதமங் தங் ஆவுஸோ”தி பாஸிபாடே² “தங்”தி தஸ்மா. “யதே³த்த² வேத³யிதங் நத்தீ²”தி யஸ்மா எத்த² வேத³யிதங் நத்தி². தஸ்மா நிப்³பா³னே ஸுக²ங் நாம கதமந்தி யோஜனா. “எத்தா²”தி ஏதஸ்மிங் நிப்³பா³னே. “ஏததே³வெத்தா²”திஆதி³ம்ஹி. “ஏத தே³வா”தி ஏஸோஏவ. யஸ்மா எத்த² வேத³யிதங் நத்தி². தஸ்மா ஏஸோ வேத³யிதஸ்ஸ நத்தி²பா⁴வோ ஏவ எத்த²னிப்³பா³னே ஸுக²ந்தி யோஜனா.

“எத்த² சா”திஆதி³ஸு. யதே³தங் கி²ய்யனங் நிருஜ்ஜ²னங் அத்தீ²தி ஸம்ப³ந்தோ⁴. கேசி பன தங்கி²ய்யன நிருஜ்ஜ²ன க்ரியாமத்தங் நிப்³பா³னங் ந ஹோதி. அபா⁴வ பஞ்ஞத்திமத்தங் ஹோதீதி வத³ந்தி. தங் படிஸெதெ⁴ந்தோ “ந ஹிதங்”திஆதி³மாஹ. “பஞ்ஞத்திருபங்”தி பஞ்ஞத்திஸபா⁴வோ. பாஸிபாடே². “பத³ஹதீ”தி வீரியங் த³ஸ்ஹங் கரோதி. பஹிதோ அத்தா அனேனாதி பஹிதத்தோ. “பஹிதோ”தி பத³ஹிதோ. அனிவத்தபா⁴வே ட²பிதோ. பேஸிதோதிபி வண்ணெந்தி. “காயேனா”தி நாமகாயேன. தண்ஹாவஸே வத்தந்தீதி தண்ஹாவஸிகா. “தேஸங் பீ”தி தேஸங் வாதே³பி. தஸ்மிங் க²ய நிரோத⁴மத்தே அனந்தகு³ணா நாம நத்தீ²தி இமங் வாத³ங் விஸோதே⁴துங் “நிப்³பா³னஸ்ஸ சா”திஆதி³ வுத்தங். “படிபக்க²வஸேன ஸிஜ்ஜ²ந்தீ”தி ஏதேன வட்டத⁴ம்மேஸு மஹந்தங் ஆதி³னவங் பஸ்ஸந்தா ஏவ தேஸங் நிரோதே⁴ மஹந்தங் கு³ணானிஸங்ஸங் பஸ்ஸந்தீதி தீ³பேதி. யே பன யதா²வுத்தங் க²யனிரோத⁴ங் பரமத்த²னிப்³பா³னந்தி ந ஜானந்தி, தேஸங் வத்தப்³மேவ நத்தி². ஏவங் கு³ணபதா³னங் க³ம்பீ⁴ரத்தா தங்க²யனிரோத⁴மத்தங் அனந்தகு³ணானங் வத்து² ந ஹோதீதி மஞ்ஞந்தி. இதா³னி நிப்³பா³னங் பரமங் ஸுக²ந்தி வுத்தங். கத²ங் தங் க²யனிரோத⁴மத்தங் பரமஸுக²ங் நாம ப⁴வெய்யாதி இமங் வாத³ங் விஸோதே⁴துங் “ஸந்திஸுக²ஞ்சனாமா”திஆதி³ வுத்தங். அத்தி²பி⁴க்க²வேதி ஸுத்தே. “நோசேதங் அப⁴விஸ்ஸா”தி ஏதங் அஜாதங் நோசே ஸந்தங் விஜ்ஜமானங் ந ப⁴வெய்ய. “நயிமஸ்ஸா”தி ந இமஸ்ஸ. பச்சக்க²பூ⁴தங் க²ந்த⁴பஞ்சகங் த³ஸ்ஸெந்தோ “இமஸ்ஸா”தி வத³தி. நிஸ்ஸக்கத்தே² ச ஸாமிவசனங். இமஸ்மா ஜாதா பூ⁴தா கதா ஸங்க²தா ஸத்தானங் நிஸ்ஸரணங் நாம ந பஞ்ஞாயெய்யாதி யோஜனா. பரத்த²பி ஏஸனயோ. ஏஸனயோ ஸப்³பே³ஸுதிஆதி³ஸு. து³ச்சரித த⁴ம்மா நாம பச்சயே ஸதி, ஜாயந்தி. அஸதி, ந ஜாயந்தீதி ஏவங் ஜாதங் விய அஜாதம்பி தேஸங் அத்தி². யதி³ ச அஜாதங் நாம நத்தி². ஜாதமேவ அத்தி². ஏவங்ஸதி, அத்தனி து³ச்சரிதானங் அஜாதத்தா²ய ஸம்மாபடிபஜ்ஜந்தானங் பி ஸப்³பே³ து³ச்சரித த⁴ம்மா அத்தனி ஜாதாயேவ ஸியுங், நோ அஜாதா. கஸ்மா, அஜாதஸ்ஸ நாம நத்தி²தாயாதிஆதி³னா யோஜேதப்³பங்.

“எத்தாவதா”தி , அத்தி² பி⁴க்க²வே அஜாதங்திஆதி³னா பானிவசனேன.
ஸப்³பே³ஸங்கா²ரா ஸமந்தி ஓபஸமந்தி எத்தா²தி ஸப்³ப³ஸங்கா²ர ஸமதோ².
ஸப்³பே³ உபத⁴யோ எத்த² நிஸ்ஸஜ்ஜந்தி அரியாஜனாதி
ஸப்³பு³பதி⁴னிஸ்ஸக்³கோ³. “உபலப்³ப⁴மானோ”தி ஸந்திலக்க²ணேன
ஞானேன உபலப்³ப⁴மானோ. “ஏஸிங்ஸு”தி கத்வா ஏஸனகிச்சஸ்ஸ
ஸிகா²பத்தங் அத்த²ங் த³ஸ்ஸேதுங் “அதி⁴க³ச்சி²ங்ஸு”தி வுத்தங்.

நிப்³பா³னஸங்க³ஹானுதீ³பனா நி²டி²தா.

ரூபஸங்க³ஹதீ³பனியாஅனுதீ³பனா நி²டி²தா.

7. ஸமுச்சயஸங்க்ஹஅனுதீபனா

162. ஸமுச்சயஸங்க்ஹே . அத்தனோ ஆவேணிகபூதேன ஸாமஞ்ஞ
லக்கணேனதி ச ஸம்பந்தோ. அஞ்ஞாபதேஸேன ஏவ ததுபயலக்கணேன
ஸலக்கணானி நாம வச்சந்தீதி அதிப்பாயோ. “நிப்பாநஸ்ஸபி ஸரூபதோ
லப்பமானஸபாவதா”தி அஞ்ஞனிஸ்ஸய ரஹிதேன
லப்பமானஸபாவதா. நனு நிப்பாநம்பி ராகக்கயோ தோஸக்கயோ
மோஹக்கயோதிஆதினா அஞ்ஞனிஸ்ஸயதஸ்ஸனங் அத்தி யேவாதி.
தஸ்ஸனமத்தங் அத்தி. நிப்பாநங் பன ராகாதீஹி படிபத்தங் ந ஹோதி.
அத கோ தேஹி தூரதரங் ஹோதி. படிபக்கதரங், படிவிருத்ததரங். யஞ்ஹி
ரூபஸ்ஸ கயோ வயோ பேதோ அனிச்சாதி வுத்தங். தத்த ரூபஸ்ஸ
உப்பஜ்ஜித்வா கயோ வுத்தோதி ஸோ ரூபஸ்ஸ நிஸ்ஸிதோ ஏவ ஹோதி.
இத பன ராகாதீனங் புன உப்பாதஸ்ஸபி அபாவோ வுத்தோதி ஸோ
ராகாதீஸு அனிஸ்ஸிதோ ஏவ. ந கேவலங் அனிஸ்ஸிதோ. அத கோ தேஹி
தூரதரோ ச படிபக்கதரோ ச தேஸங் படிபக்கக்ஹேனஹி
இமஸ்ஸஸித்தத்தாதி. அனிப்பன்னரூபானிபி அதிப்பேதானி ஏவ தேஸம்பி
கந்தாயதனதாது ஸச்சேஸு ஸங்க்ஹிதத்தா.

ஆஸவாதீஸு. “பாரிவாஸியட்டேனா”தி பரிவாஸகரணட்டேன.
“மதனீயட்டேனா”தி மதனஜனகட்டேன. “பரிவாஸங் கண்ணஹந்தீ”தி
தோஸவேபுல்லங் ஆபஜ்ஜந்தீதி வுத்தங் ஹோதி. புன “பரிவாஸங்”தி
துக்கந்தத்தாதிபரிவாஸங். “ஆஸவபரிதமேவா”தி ஆஸவேஹி பூரிதமேவ.
“சனாரம்மணானி தூஸெந்தீ”தி தானி ஸாஸவாதிப்பாவங் பாபெந்தீதி
அதிப்பாயோ. “பவதோ”தி பூமிதோ இச்சேவத்தோ. அவதீயதி
பரிச்சிந்தீயதி ஏதஸ்மாதி அவதி. அபாதாநங் வச்சதி. மரியாதோ நாம
பரியந்தபரிச்சேதோ. மரியாதமத்தபூதோ க்ரியாவிஸயோ மரியாதவிஸயோ.
அவதி நாம ப்யாபன விதாநங், க்ரியா ப்யாபனஸ்ஸ விஸயோ
அபிவிதிவிஸயோ. “யஸ்ஸா”தி அவதி வத்துஸ்ஸ. “அத்தானங்”தி
அவதிவத்துங். “பஹிகத்வா”தி ஸம்பத்தமத்தங் கத்வாதி அதிப்பாயோ.
அவதிவிசாரணாயங். “ஸத்தஸ்ஸா”தி பகவதோ கித்திஸத்தஸ்ஸ.
“தங்”தி அவதிபூதங் அத்தங். “யஸோ”தி கித்திஸத்தோ. “இதரங்”தி
அனபிவிதிவிஸயங் பஹி கத்வா பவத்ததி.

காமாஸவாதீஸு. “தன்னாமேனா”தி காமனாமேன. “ததாரம்மணா”தி
காமதம்மாரம்மணா. “அயமத்தோ வா”தி காமீயதீதிஆதினா வுத்தோ
பச்சிமத்தோவ. “மஹக்கதகுஸலதம்மா”தி இதாதிப்பேதங் கம்மபாவங்
ஸந்தாய வுத்தங். “தங் நிப்பத்தா”தி தேன நிப்பத்தா. “ததாரம்மணா”தி
துவிதாவாரம்மணா. “தண்ணா ஏவா”தி பவதண்ணா ஏவ. “பவோ

ஏவா”தி ப்⁴வாரம்மணதாய ப்⁴வனாமிகா தண்ஹா ஏவ. “இமே ஏவா”தி தண்ஹாதி³ட்டி² அவிஜ்ஜா ஏவ. “பரிவுத்தே² ஸதீ”தி பரிவஸிதே ஸதி. “காமவிஸயா”தி காமத்⁴ம்மவிஸயா. “தஸ்மிங்”தி காமாஸவே. ப்⁴வவிஸயா மானாத³யோ பரிவுத்தா² ஏவாதிஆதி³னா யோஜேதப்³பங். ததா² தி³ட்டி²விஸயாதி பதே³பி.

“அனஸ்ஸாஸிகங் கத்வா”தி அஸ்ஸாஸபஸ்ஸாஸரஹிதங் கத்வா. “அவஹனநட்டே²னா”தி அஜ்ஜொ²த்த²ரித்வா மாரணட்டே²ன. அதோ⁴கத்வா மாரணட்டே²னாதிபி யுஜ்ஜதி. “துத்தரட்டே²னா”தி தத்த² பதந்தஸ்ஸ தரிதுங் துக்கரட்டே²ன. “வுத்தனயேனா”தி ஆஸவேஸு வுத்தனயேன.

“வட்டஸ்மிங்”தி திவித்⁴வட்டஸ்மிங். “ப்⁴வயந்தகே”தி அவிஜ்ஜாஸங்கா³ராதி³கே ப்⁴வசக்கே. “ஆமஸனங்”தி பத்³ஸ்ஸ அத்த²ங் த³ஸ்ஸேதி “ததா² ததா² கப்பெத்வா க³ஹண”ந்தி. “ஸாஸனே”தி பரியத்திஸாஸனே தஸ்மிங் தஸ்மிங் ஸுத்தந்தே. “தி³ட்டி²யோ தி³ட்டு²பாதா³னங்”தி தி³ட்டி²வத்தூ²ஸு த³ஸ்ஹக்³கா³ஹட்டே²ன தி³ட்டி²யோ ஏவ தி³ட்டு²பாதா³னங். அத்தவாது³பாதா³னே. பரிகப்ப பு³த்தி⁴ நாம மிச்சா²ஞாணங் வுச்சதி. “இஸ்ஸர நிம்மிதங்”தி ஸகலலோகிஸ்ஸரேன மஹாப்³ரஹ்முனா ஆதி³கப்பகாலே நிம்மிதங். “அதி⁴ச்ச ஸமுப்பன்னங்”தி அஹேது அபச்சயா ஸமுப்பன்னங். “அச்சந்தஸஸ்ஸதங்”தி ப்⁴வபரம்பராஸு ஸஸ்ஸதங். “ஏகச்சஸஸ்ஸதங்”தி ப்⁴வவிஸேஸங் பத்வா ஏகச்சானங் ஸத்தானங் ஸஸ்ஸதங். “உச்சி²ன்னங்”தி யத்த²கத்த²சி பரம்மரணா உச்சி²ன்னங். புராணஞ்சுகம்மங் பரிக்³ணங், நவஞ்சுகம்மங் அகதங். ஏவங் ஸங்ஸார ஸுத்தீ⁴திஆதி³னா க³ஹணந்தி அத்தோ². ஸந்தோ காயோ ஸக்காயோ. “ஸந்தோ”தி பரமத்த²தோ விஜ்ஜமானோ. “காயோ”தி ரூபகாயோ, நாமகாயோ. அத்தனோ அத்தனோ காயோ வா ஸக்காயோ. பச்சத்தகாயோ, பாடிபுக்³கலிக காயோதி வுத்தங் ஹோதி. யதா²வுத்தகாய த்³வயமேவ. ஸக்காயே தி³ட்டி² ஸக்காயதி³ட்டி². தத்த² “ஸக்காயே தி³ட்டி²”தி புப்³புந்தாபரந்த கப்பிகானங் விய புப்³புந்தா பரந்தேஅசிந்தெத்வா ஸப்³புஸத்தானங்³பி அத்தனோ க³ந்தே⁴ஸு ஏவ ‘ரூபங் மே அத்தாதி வா’ அத்தா மே ரூபவாதி வா, அத்தனி மே ரூபந்தி வா, ரூபஸ்மிங் மே அத்தாதி வா, ஏவமாதி³னா த்⁴ம்மதா ஸித்தா⁴ தி³ட்டி²தி வுத்தங் ஹோதி. “அஸ்ஸுதவா”தி க³ந்த⁴தே³ஸனாதி³கே ஸுஞ்ஞதத்⁴ம்மப்படிஸங் யுத்தே தே³ஸனா த்⁴ம்மே அஸ்ஸுத புப்³புத்தா நத்தி² ஸுதங் ஏதஸ்ஸாதி அஸ்ஸுதவா. “புது²ஜ்ஜனோ”தி லோகியமஹாஜனோ. தத்த² பரியாபன்னோ பன ஏகபுக்³கலோபி புது²ஜ்ஜனொத்வேவ வுச்சதி. ஸோ ஸுதவாபி அத்தி², அஸ்ஸுதவாபி அத்தி². இத⁴ அஸ்ஸுதவா அதி⁴ப்பேதோ. அரிய புக்³கலோ பன தத்த² பரியாபன்னோ ந ஹோதி. அஹந்திவா, மமாதி வா, மயீதி வா, மேதி வா, பராமஸன பதா³னி நாம. “ஸேஸத்⁴ம்மேவா க³ஹெத்வா”தி ரூபதோ அவஸேஸே நாமக்க³ந்த⁴

த⁴ம்மே அத்தா மேதி க³ஹெத்வா வா. “த⁴ம்ம முத்தகங் வா அத்தானங் க³ஹெத்வா”தி பஞ்சக்க²ந்த⁴த⁴ம்மவிமுத்தங் பரிகப்பஸித்³த⁴ங் அத்தானங் வா க³ஹெத்வா. சதஸ்ஸோ அவத்தா² யஸ்ஸாதி சதுராவத்தி²கா. வேத³னாய ஸம்போ⁴க³ரஸத்தா “ஸங்பு⁴ஞ்ஜிங்”தி வுத்தங். “ஸுகி²தோ”தி ஸுக²வேத³னாய ஸமங்கீ³புக்³க³லோ. த⁴ம்மதோ க²ந்த⁴ பஞ்சகமேவ. தத்த² பன ஸுக²வேத³னாபதா⁴னத்தா ததா² ஸமனுபஸ்ஸந்தோ வேத³னங் அத்தாதி ஸமனுபஸ்ஸதி நாம. “ஸமுஹதோ க³ஹெத்வா”தி அஹமஸ்மி, அஹங் ஏகோ ஸத்தோதிஆதி³னா ஸமுஹதோ. “வத்தூ²”தி பஞ்சக்க²ந்தா⁴ வுச்சந்தி. ஞாதபரிஞ்ஞாதி³வஸேன அபரிஞ்ஞாதானி வத்தூ²னி ஏதேஹீதி அபரிஞ்ஞாதவத்து²கா. ஏகமுஹுத்தமத்தேபி காலே. ரூபங் அத்ததோ ஸமனுபஸ்ஸதீதிஆதி³கங் சதுராவத்த²ங் ஸந்தா⁴ய “கதா³சி அத்ததோ”திஆதி³ வுத்தங். “அத்தனிமித்தங்”தி அபி⁴க்கமனாதீ³ஸு காயவசீமனோ க்ரியாஸு அஹங் அபி⁴க்கமாமி, அஹங் படிக்கமாமீதிஆதி³னா சித்தே தி³ஸ்ஸமானா அத்தச்சா²யா வுச்சதி.

“காமனட்டே²னா”தி இச்ச²னட்டே²ன. “ச²ந்த³னட்டே²னா”தி பத்த²னட்டே²ன. லீனபா⁴வோ நாம சித்தசேதஸிகானங் படிசுடனங். ஆபாதீ³யதே ஆபாத³னங். லீனபா⁴வஸ்ஸ ஆபாத³னந்தி விக்³க³ஹோ. “தந்தீ³”தி ஆலஸ்யங் வுச்சதி. “விஜம்பி⁴ததா” நாம கிலேஸவஸேன காயங்கா³னங் விஜம்ப⁴னங் ஸமிஞ்ஜனப்பஸாரணாதி³கரணங். ஸா ஏவ பச்சயோ ஏதஸ்ஸாதி விக்³க³ஹோ.

அனுஸயபத³த்தே². “உப்பஜ்ஜந்தீ”தி உப்பஜ்ஜிதுங் ஸக்கொந்தி. ந பன ஏகந்ததோ உப்பஜ்ஜந்தி. ஸந்தேஸுஹி ஏகந்ததோ உப்பஜ்ஜந்தேஸு அனுஸயா நாம ந ஹொந்தி ஸயனகிச்சஸ்ஸேவ அபா⁴வதோ. “உப்பஜ்ஜந்தீ”தி வா உப்பஜ்ஜிதுங் பஹொந்தி. பத்தோ²த³னோ ப³ஹுனங் ஜனானங் பஹோதீதிஆதி³ஸு விய. பஞ்ஞத்தியோஹி அஸபா⁴வத⁴ம்மஜாதிகத்தா காரண லாபே⁴பி உப்பஜ்ஜிதுங் நப்பஹொந்தி. இமே பன ஸபா⁴வத⁴ம்மஜாதிகத்தா காரண லாபே⁴ஸதி உப்பஜ்ஜிதுங் பஹொந்தீதி. ஏவஞ்ஹிஸதி, உப்பாத³ங் அபத்தானங்பி தேஸங் பரமத்த²ஜாதிகதா ஸித்³தா⁴ ஹோதீதி. “ஸஹ அனுஸெந்தீ”தி ஏகதோ அனுஸெந்தீதி வுத்தா காமராகா³னுஸயோ ச படிகா⁴னுஸயோ ச மானானுஸயோ ச தி³ட்டா²னுஸயோ ச விசிகிச்சா²னுஸயோ ச. இமேஸங் ஸத்தானங் ஸத்தஸந்தானே அனுஸயகிச்சமத்தங் ட²பெத்வா ஏகதோ உப்பத்தி நாம நத்தி². யதி³ ஏகதோ உப்பஜ்ஜெய்யுங். த்வாத³ஸா குஸலசித்தானி ஸத்தஸந்தானே நிச்சகாலம்பி ஏகதோ உப்பஜ்ஜெய்யுங். ந ச உப்பஜ்ஜந்தி. தஸ்மா விஞ்ஞாயதி உப்பஜ்ஜனங் நாம அப்பஹீனட்டே²ன உப்பஜ்ஜனாரஹபா⁴வோ வுத்தோதி. ஸெந்தீதி வத்வா தத³த்த²ங் த³ஸ்ஸேதி “விஸுங்”திஆதி³னா. “அவுட்டி²தா”தி உப்பாத³ங் அபத்தா. “ததா²பவத்தா”தி சாலனாகாரேன பவத்தா. புன “ததா²பவத்தா”தி ஜவனஸஹஜாதாகாரேன பவத்தா. “யேஸங்”தி

காமராகா³னுஸயாதீ³னங். “ஆவஜ்ஜனங்”தி ஆவஜ்ஜனசித்தங். “த³மத²ங்”தி ஸுத³ந்தபா⁴வங். “ததா² பவத்தா”தி சித்தஸந்தானானுஸயனாகாரேன பவத்தா. தாவத்தா² யேஸங் தே தத³வத்தி²கா. யதி³ தே உப்பாத³ங் அபத்தா. ஏவங்ஸதி, தே பரமத்தா²பி நாம ந ப⁴வெய்யுந்தி சோத³னங் பரிஹரதி “தே பனா”திஆதி³னா. ஸசே தே குஸலாப்³யாகத சித்தஸந்தானம்பி அனுக³தா. ஏவங்ஸதி, தே குஸலாப்³யாகதானி நாம ஸியுந்தி சோத³னங் பரிஹரதி “ந சா”திஆதி³னா. அத² தே ஏகந்த அகுஸலா ஸியுங். ஏவங்ஸதி, குஸலாப்³யாகதேஹி விருத்தா⁴ ப⁴வெய்யுங்ந்தி சோத³னங் பரிஹரதி “நாபீ”திஆதி³னா. யதி³ உப்பாத³ங் அபத்தா. ஏவங்ஸதி, காலவிமுத்தா ஸியுந்தி ஆஹ “நாபிகாலத்தய வினிமுத்தா”திஆதி³ங். “ஸானுஸயே சித்தஸந்தானே”தி ஸெக்க²புது²ஜ்ஜனானங் சித்தஸந்தானே. “ஸஹ மக்³கு³ப்பாதா³”தி மக்³கு³ப்பாதே³ன ஸஹேவ. “தத்த² தத்த² வுத்தோ”தி அட்ட²கதா²டகாஸு வுத்தோ. “அனாக³தஸாமஞ்ஞங்”தி அனாக³தஸதி³ஸங். ந ஏகந்த அனாக³தந்திபி வத³ந்தி. கத²ங் தே ஸங்க²தஜாதிகா ஹொந்தீதி ஆஹ “தேஹி மக்³கே³”திஆதி³ங். விபா⁴வனிபாடே². “அப்பஹீனா”தி மக்³கே³ன அப்பஹீனா. “தத³வத்தா²”தி உப்பஜ்ஜனாரஹாவத்தா². “தங் ஸபா⁴வத்தா”தி காமராகா³தி³ ஸபா⁴வத்தா. “ததா² வச்சந்தீ”தி அனுஸயாதி வச்சந்தி. அனாக³தா நாம ந ஹொந்தி. சித்தஸந்தானே வத்தமானபா⁴வேன ஸித்³த⁴த்தா. “ஹஞ்சி பஜஹதீ”தி யதி³பஜஹதி. “தேனஹீ”தி ததோ ஏவ. “ரத்தோ”தி ராக³ஸமங்கீ ஹுத்வா. “து³ட்டோ²”தி தோ³ஸஸமங்கீ ஹுத்வா. “முள்ளேஹா”தி மோஹஸமங்கீ ஹுத்வா பஜஹதீதி தோ³ஸோ ஆபஜ்ஜதீதி வுத்தங் ஹொதி. பரியுட்டா²ன பத்தானங் ராகா³தீ³னங். “மக்³க³வஜ்ஜங்”தி மக்³கே³ன வதி⁴தப்³பங். “உப்பன்னங்”தி பச்சப்பன்னங். வத்தமானஞ்ச தங் உப்பன்னஞ்சாதி வத்தமானுப்பன்னங். “பு⁴த்வா”தி ஆரம்மணங் பரிபு⁴ஞ்ஜித்வா. விக³ச்ச²தீதி விக³தங். பு⁴த்வா விக³தஞ்ச தங் உப்பன்னஞ்சாதி பு⁴த்வா விக³துப்பன்னங். விபச்சனத்தா²ய ஓகாஸங் கரொந்தீதி ஓகாஸகதங். ஓகாஸகதஞ்ச தங் உப்பன்னஞ்சாதி ஓகாஸகதுப்பன்னங். ஸமுதா³சாரோ வச்சதி பி⁴ய்யோ பவத்தனங். ஸமுதா³சாரோ ச ஸோ உப்பன்னஞ்சாதி ஸமுதா³சாருப்பன்னங். க²ந்த⁴பஞ்சக ஸங்கா²தங் பூ⁴மிங் லப⁴தீதி பூ⁴மிலத்³த⁴ங். பூ⁴மிலத்³த⁴ஞ்ச தங் உப்பன்னஞ்சாதி பூ⁴மிலத்³து⁴ப்பன்னங். ஆரம்மணங் அதி⁴கதரங் க³ண்ஹாதீதி ஆரம்மணாதி⁴க்³க³ஹிதங். ஆரம்மணாதி⁴க்³க³ஹிதஞ்ச தங் உப்பன்னஞ்சாதி ஆரம்மணாதி⁴க்³க³ஹிதுப்பன்னங். மஹக்³க³தஜ்ஜா²னேன அவிக்க²ம்பி⁴தஞ்ச தங் உப்பன்னஞ்சாதி அவிக்க²ம்பி⁴துப்பன்னங். மக்³கே³ன அஸமுக்³கா⁴டிதஞ்ச தங் உப்பன்னஞ்சாதி அஸமுக்³கா⁴டிதுப்பன்னங். ஏவங் மக்³க³வஜ்ஜா²னங் அனுஸயானங் உப்பன்னபா⁴வேன வுத்தத்தா பச்சப்பன்னதா பரியாயோவ தேஸங் வுத்தப்³போ³தி. “ஸெக்கா²”தி ஸத்தஸெக்க²புக்³க³லா.

ஓரம்பா⁴கோ³ வுச்சதி காமலோகோசேவ புது²ஜ்ஜனபா⁴வோ ச.
 ஓரம்பா⁴கே³ ஸந்தி³ஸ்ஸந்தீதி ஓரம்பா⁴கி³யானி. உத்³த⁴ங்பா⁴கோ³ வுச்சதி
 மஹக்³தபா⁴வோசேவ அரியபா⁴வோ ச. உத்³த⁴ங்பா⁴கே³
 ஸந்தி³ஸ்ஸந்தீதி உத்³த⁴ங்பா⁴கி³யானி. தத்த². காமச்சந்தோ³, ப்யாபாதோ³,தி
 இமானி த்வேஸங் யோஜனானி காமலோகஸங்கா²தே ஓரம்பா⁴கே³ ஏவ
 ஸந்தி³ஸ்ஸந்தி. தி³ட்டி², விசிகிச்சா², ஸீலப்³தபராமாஸோ,தி இமானி தீணி
 புது²ஜ்ஜனபா⁴வ ஸங்கா²தே. ஸேஸானி பன பஞ்ச
 மஹக்³தபா⁴வஸங்கா²தே ச அரியபா⁴வஸங்கா²தேச உத்³த⁴ங்பா⁴கே³பி
 ஸந்தி³ஸ்ஸந்தி. அத²வா. புரிமானி பஞ்சயஸ்ஸ தானி மக்³கே³ன
 அப்பஹீனானி, தங் உபரிப⁴வக்³கே³ டி²தங்பி காமலோகஸங்கா²தங்
 ஓரம்பா⁴கங் ஆகட்³ட்⁴ந்தி, தஸ்மா ஓரம்பா⁴கா³ய ஸங்வத்தந்தீதி
 ஓரம்பா⁴கி³யானி. பச்சி²மானி பஞ்ச யஸ்ஸ தானி அப்பஹீனானி, தங்
 காமலோகே டி²தங்பி உத்³த⁴ங்பா⁴கங் ஆகட்³ட்⁴ந்தி, தஸ்மா
 உத்³த⁴ங்பா⁴கா³ய ஸங்வத்தந்தீதி உத்³த⁴ங்பா⁴கி³யானி. தத்த²ஹி
 த்வேருபாருபராகா³ ஏகந்தேன மஹக்³தபா⁴வங் ஆகட்³ட்⁴ந்தியேவ. மானோ
 ச உத்³த⁴ச்சஞ்ச அவிஜ்ஜாசாதி இமானி ச ரூபாருபராக³ஸஹக³தானி ஹுத்வா
 ஆகட்³ட்⁴ந்தி. ஓரங் ஹெட்டி²மங் காமலோகங் ப⁴ஜந்தீதி ஓரம்பா⁴கி³யானி.
 உத்³த⁴ங் ரூபாருபலோகங் ப⁴ஜந்தீதி உத்³த⁴ங்பா⁴கி³யானீதிபி வண்ணெந்தி.
 “இதரானி பனா”தி த்வே இஸ்ஸா ஸங்யோஜன மச்ச²ரியஸங்யோஜனானி.
 “கமோபன த்வின்னங் பீ”தி இத⁴ ஸங்க³ஹே த்வின்னங்பி அனுக்கமோபன.

“விபா³தெ⁴ந்தீ”தி விஹிங்ஸந்தி. “உபதாபெந்திசா”தி உபக³ந்த்வா
 ஸந்தாபெந்தி. ஸேஸமெத்த² ஸுவிஞ்ஞெய்யங்.

அகுஸலஸங்க³ஹானுதீ³பனா நிட்டி²தா.

163. மிஸ்ஸகஸங்க³ஹே. “சித்தப்படிபாத³னங் சித்தனியோஜனங். “ஸுக³தி
 து³க்³தி விவட்டஸங்கா²தாஸு சா”தி ஸுக³திப⁴வ து³க்³தி
 ப⁴வனிப்³பா³னஸங்கா²தாஸு ச. நிப்³பா³னஞ்ஹி வட்டதோ கி³க³தத்தா
 விவட்டந்தி வுச்சதி. “தஸ்ஸனாதீ³ஹி ஏவா”தி தஸ்ஸனஸங்கப்பனாதீ³ஹி
 ஏவ. உஜுக³தி நாம ஹிதஸுக²ஸங்வத்தனிகா பவத்தி வுச்சதி. வங்கக³தினாம
 அஹித து³க்³ஸங்வத்தனிகா பவத்தி. “பத²ங்கா³னீ”தி பத²ஸ்ஸமக்³க³ஸ்ஸ
 அங்கா³னி. மக்³கோ³தி ச உபாயோ வுச்சதீதி ஆஹ “உபாயங்கா³னீ”தி.
 “இதரானீ”தி ஸம்மாதி³ட்டி² ஸம்மாஸங்கப்பாதீ³னி அங்கா³னி. உஜுக³தியா
 க³மனஸ்ஸ உபாயங்கா³னி. இமேபி சத்தாரோ மக்³க³ங்க³ த⁴ம்மா த⁴ம்மா
 நாம ஆக³தா. “ததா² ததா² பவத்தானங்”தி முஸாவாதா³தி³வஸேன பவத்தானங்.
 “நா நாமக்³கோ³வா”தி மிச்சா²மக்³கோ³ ச ஸம்மாமக்³கோ³ ச.

“அத்தாதீ⁴னவுத்திகே”தி அத்தாயத்தப்பவத்திகே. அத்தனோ க³தி நாம சக்குந்த்³ரியாதீ³னங் த³ஸ்ஸனாதி³ கிச்சமேவ வுச்சதி. “இஸ்ஸரா அதி⁴பதினோ”தி இத³ங் ஆதி⁴ப்பச்சத்த²பாகடத்த²ங் வுத்தங். அத்தோ² பன பா⁴வப்பதா⁴னவஸேன க³ஹேதப்³போ³. இந்த்³ரியங் இஸ்ஸரியங் ஆதி⁴ப்பச்சந்திஹி இமே ஏகத்தா²தி. “இத்தா²காரானி” நாம இத்தி²லிங்க³புரிஸலிங்கா³தி³. “அஞ்ஞதா² அப்பவத்தியங்”தி இத்தி²ஸண்டா²னே புரிஸலிங்கா³தி³னங், புரிஸஸண்டா²னே இத்தி²லிங்கா³தி³னங் அப்பவத்தியங். தேனாஹ “ததா²ஹி”திஆதி³ங். மனோ விஜானநகிச்சே ஸம்பயுத்தத⁴ம்மானங் இஸ்ஸரோ ஹோதி அனஞ்ஞாபி⁴ப⁴வனீயபா⁴வேன பவத்தனதோதி ஸம்ப³ந்தோ⁴. ஏவங் பரத்த². “ஆரம்மணாதி⁴முச்சனே”தி ஆரம்மணே நிராஸங்கப்பவத்தியங். “ஆரம்மணுபட்டா²னே”தி சித்தே புத்த⁴கு³ணாதி⁴கஸ்ஸ ஆரம்மணஸ்ஸ உபட்டா²னே. “சதுஸச்சத⁴ம்மோ”தி தேன புக³க³லேன அனஞ்ஞாத புப்³போ³ சதுஸச்ச த⁴ம்மோ. அனஞ்ஞாத புப்³பங் அமதங் வா பத³ங். அனஞ்ஞாதங் ஞஸ்ஸாமி இதி பவத்தங் இந்த்³ரியந்தி ஸமாஸோ. படிபன்னஸ்ஸாதி பன அத்த²தோ ஸித்த⁴த்தா வுத்தங். “விப்பகதபா⁴வேனா”தி அனிட்ட²ங்க³தபா⁴வேன. புனப்புனங் ஜானநகிச்சயுத்தானங் மஜ்ஜே² ச²ன்னங்ஸெக்கா²னங். ஏதேன அவஸத்த³ஸ்ஸயாவ ஸப்³புகிலேஸப்பஹானா ஜானநந்தி அத்த²ங் தீ³பேதி. பத²ம மக்³கே³ன ஞாதங் மரியாத³ங் அனதிக்கம்ம ஜானநந்திபி வண்ணெந்தி. ஆஜானிதத்தா²தி அஞ்ஞாதாவீ. அரஹா கீ²ணாஸவோ கதகிச்சோ வுஸித ப்³ரஹ்மசரியோ. அஞ்ஞாதாவினோ இந்த்³ரியந்தி அஞ்ஞாதாவிந்த்³ரியந்தி அத்த²ங் த³ஸ்ஸேதுங் “பரினிட்டி²த ஆஜானநகிச்சஸ்ஸா”திஆதி³ வுத்தங். “தப்³பி³முத்தீ”தி அத்தக்³கா³ஹ விமுத்தி. “தஸ்மிங் வா”தி தஸ்மிங் அத்தனிவா. “ஸங்கிலிட்டோ²”தி நானாகிலேஸேஹி ஸங்கிலேஸிதோ. “விப்ப²ந்தி³தோ”தி நானாஸுக²து³க்கே²ஹி ஸங்கம்பிதோ. “வோதா³னபத்தியா”தி விஸுத்தி⁴பத்தத்தா²ய. “தாயபடி பத்தியா”தி கரணத்தே², ஹேது அத்தே² வா கரணவசனங். “வோதா³னபத்தியா”தி ஸாமிஅத்தே² ஸாமிவசனங்.

“ப³லீயந்தீ”தி நாமதா⁴துனித்தே³ஸோ. தேனாஹ “ப³லஸா கரொந்தீ”தி. “ப³லஸா”தி ப³லேன. பரிதோ ஸமந்ததோ ஸெந்தி பரிவாரெந்தீதி பரிஸ்ஸயா. அஸ்ஸத்த⁴ஸ்ஸ பா⁴வோ அஸ்ஸத்தி⁴யங். கோஸஜ்ஜஸங்கா²தேன படிபக்க²த⁴ம்மேன. முட்டா² நட்டா² ஸதி யஸ்ஸாதி முட்ட²ஸ்ஸதி. முட்ட²ஸ்ஸதிஸ்ஸ பா⁴வோ முட்ட²ஸ்ஸச்சங். “ஸேஸது³க த்³வயங்”தி அஹிரிகது³கங் ஹிரிது³கஞ்ச.

க³ஹபதி, ஜாயம்பதீ, திஆதீ³ஸு விய பதிஸத்தோ³ ஸாமிஇஸ்ஸர பரியாயோதி ஆஹ “பதீதி ஸாமிஇஸ்ஸரோ”தி. “பரேஸங்”தி ஸஹஜாதேஸு பரேஸங் இந்த்³ரியானங். “பரேஹி”தி கம்மத்தே² கரணவசனங். பரே ஸஹஜாதே இந்த்³ரிய த⁴ம்மேதி அத்தோ². “அதி⁴கோ”தி அதி⁴கதரோ. “அத்தாதீ⁴ன

வுத்தீனங்”தி அத்தாயத்தவுத்தீனங். “சுந்தா³க³மனவஸேன வா”தி எத்த² ஆக³ச்ச²தி ப²லங் ஏதேனாதி ஆக³மனங். ஆதி³காரணங், மூலகாரணங், பப⁴வகாரணங். ச²ந்தோ³ ஏவ ஆக³மனங் ச²ந்தா³க³மனங். தேனாஹ “புப்³பே³ அதீதப⁴வேஸு”திஆதி³ங். ஸம்பயுத்த த⁴ம்மே அத்தபராதீ⁴னே கத்வாதி ஸம்ப³ந்தோ⁴. மஹோகோ⁴ திணபண்ணகஸடே அத்தபராதீ⁴னே கரொந்தோ வியாதி யோஜனா. தத்த² “அத்தபராதீ⁴னே”தி அத்தஸங்கா²தோபரோ அத்தபரோ. அத்தபரேன அதீ⁴னா அத்தபராதீ⁴னாதி அத்தோ². “ஸேஸேஸுபீ”தி ஸேஸேஸு விரிய சித்த விமங்ஸாதி⁴பதீஸுபி. ஏதேன ‘விரியமேவ அதி⁴பதி விரியாதி⁴பதி. விரியவதோ கிங் நாம கம்மங் ந ஸிஜ்ஜ²தீதி ஏவங் புப்³பா³பி⁴ஸங்கா²ரவஸேன வா புப்³பே³ அதீதப⁴வேஸு ஸுட்டு² ஆஸேவிதவிரியாக³மனவஸேன வா தேஸு தேஸு கல்யாண பாபகம்மேஸு ஸம்பயுத்த த⁴ம்மே மஹோகோ⁴ விய திணபண்ணகஸடே அத்தபராதீ⁴னே நிச்சங் பக்³க³ஹிதது⁴ரேகத்வா பவத்தங் விரிய⁴ந்திஆதி³னயங் அதிதி³ஸதி. “பச்சி²மா தயோ த⁴ம்மா”தி விரிய சித்த விமங்ஸா த⁴ம்மா. பரவஸேபி வத்தந்தி, ததா³ தேஸங் அதி⁴பதிபா⁴வோ நத்தீ²தி சோத³னா. அதி⁴பதி கிச்சங் நாம து⁴ரவாஹிதாதி ஸம்ப³ந்தோ⁴. “தங் தங் கிச்ச விஸேஸங் அனபெக்கி²த்வா”தி சக்கு²ந்த³ரியங் த³ஸ்ஸன கிச்சே இஸ்ஸரோ, ஸோதிந்த³ரியங் ஸவன கிச்சேதிஆதீ³ஸு தங் தங் கிச்சவிஸேஸங் அபெக்க²தி, ததா² அனபெக்கி²த்வா. “விஜானநாதி³ கிச்சங்”தி ‘மனோ ஆரம்மண விஜானநே²திஆதி³னா வுத்தங் ஸப்³ப³ங் இந்த³ரிய கிச்சங்.

பு⁴ஸோ ஹரந்தி வஹந்தீதி ஆஹாரா. “பு⁴ஸோ”தி அதிரேகதரந்தி அத்தோ². கத²ங் பன பு⁴ஸோ ஹரந்தீதி ஆஹ “ஸஹஜாதாதீ³”திஆதி³ங். தேதே பச்சய த⁴ம்மா தேதே பச்சயுப்பன்ன த⁴ம்மா சாதி யோஜனா. “எத்தா²”தி இமிஸ்ஸங் பாளியங். “பச்சயாஹாரோ வா”தி எத்த² ஹேது ஆரம்மணாதிகோ ஸப்³போ³பச்சயோ பச்சயாஹாரோ நாம. ஆஹார பச்சயோபன விஸுங் ஏகோ பச்சயவிஸேஸோ. “பச்சயட்டே²னா”தி ஹேது ஆரம்மணாதி³ பச்சயட்டே²ன. “ஆஹாரபூ⁴தா”தி உபத்த²ம்ப⁴னகிச்சவிஸேஸபூ⁴தாதி வுத்தங் ஹோதி. “களீரங்குரானங்”தி கம்மத்தே² ஸாமிவசனங். “வட்³டி⁴யா”தி வட்³ட⁴னத்தா²ய. “டி²தியா”தி டி²தத்தா²ய. இமேஸத்தா வட்டே பவத்தந்தீதி ஸம்ப³ந்தோ⁴. ஸேஸமெத்த² ஸுவிஞ்ஞெய்யங். “பக்கே² வியூஹித்வா”தி பக்கே² ஸஞ்சாலெத்வாதி வுத்தங் ஹோதி. “பக்கே²”தி வா பக்கே²ஹி வாதங் ப³யூஹித்வா. “தத³னுஸயிதஸ்ஸா”தி தஸ்மிங் விபாக ஸந்தானே அனுஸயி தஸ்ஸ. “விபா⁴வெத்வா”தி பச்சக்க²தோ விபூ⁴தங் பாகடங் கத்வா. “அலபி⁴த்வா”தி சக்கு²ம்ஹி அலபி⁴த்வா. அபஸ்ஸித்வாதி வுத்தங் ஹோதி. “தத்தே²வா”தி நிவாஸட்டா²னே ஏவ. “ஸம்பயுத்தா”தி விஞ்ஞானேன ஸம்பயுத்தா. ப⁴விங்ஸு வட்³டி⁴ங் ஸூதி பூ⁴தா. ஸம்ப⁴வங் வட்³டி⁴காரணங் ஏஸந்தி க³வேஸந்தீதி ஸம்ப⁴வேஸினோ. “வுத்தனயேனா”தி ‘யதா² யவபீ³ஜானங் வாஸாலிபீ³ஜானங் வா’திஆதி³னா வுத்தனயேன.

“ஆஹாரேதி”தி பவத்தேதி. “மனோஸஞ்சேதனாஹாரோ”தி குஸலாகுஸல கம்மபூ⁴தோ மனோஸஞ்சேதனாஹாரோ. “தயோ ப⁴வே”தி தயோ காமப⁴வாதி³கே உபபத்திப⁴வே. டி²தியாதி ச அனுக்³க³ஹாயாதி ச வுத்தங். இதரதா² உபபத்தியாதி ச வுத்தங் ஸியாதி அதி⁴ப்பாயோ.

“து³ப³ப³லகிச்சட்டா²னவத்து²கத்தா”தி து³ப³ப³லகிச்சத்தா து³ப³ப³லட்டா²னத்தா து³ப³ப³லவத்து²கத்தா. “அபி⁴னிபாத மத்தானி ஹொந்தீ”தி த³ஸ்ஸன ஸவனாதி³ மத்தானி ஹொந்தீதி அதி⁴ப்பாயோ. “விதக்க பச்சி²மகங் ஜா²னங்”தி ஜா²னானி நாம விதக்கஸ்ஸ பச்சா²னுக்³தங் ஹொதீதி அத்தோ². “தத்தா²”தி தேஸுபஞ்சவிஞ்ஞானேஸு. “தா”தி வேத³னா ஏகக்³க³தா. “தங்”தி ஜா²னகிச்சங். ஏகக்³க³தா ப³லவதீ ந ஹொதீதி ஸம்ப³ந்தோ⁴. “மக்³கி³ந்த³ரிய ப³லபா⁴வாயா”தி மக்³கி³ந்த³ரிய ப³லபா⁴வத்தா²ய. லோகுத்தரவிபாகானி ஜவனகிச்சானி ச ஸாதி⁴பதிகானி ச ஹொந்தீதி வுத்தங் “திபூ⁴மகானீ”திஆதி³. ஸேஸமெத்த² ஸுபோ³த⁴ங்.

மிஸ்ஸகஸங்க³ஹானுதீ³பனா நி²டி²தா.

164. போ³தி⁴பக்கி²யஸங்க³ஹே. “ஸதிபட்டா²னா”தி எத்த² பஸத்³தோ³ பமுகத்தோ² பதா⁴னத்தோ²தி ஆஹ “பமுகா² பதா⁴னா ஹுத்வா”தி. டா²ஸத்³தோ³ க³தினிவத்தி அத்தோ²தி ஆஹ “சித்தக³மனங் நிவத்தெத்வா பவத்தந்தீ”தி. “காயே அனுபஸ்ஸனா”தி காயே பவத்தா அனுபஸ்ஸனா. புனப்புனங் பஸ்ஸந்தி யோகி³னோ ஏதாயாதி அனுபஸ்ஸனா. கதமங் பஸ்ஸந்தீதி ஆஹ “அஸ்ஸாஸபஸ்ஸாஸாதி³கஸ்ஸா”திஆதி³ங். கத²ஞ்சதங் பஸ்ஸந்தீதி வுத்தங் “தங் தங் காயபா⁴வேனா”திஆதி³. இதா³னி புனப்புன ஸத்³த³ஸ்ஸ அத்த²ங் த³ஸ்ஸெந்தோ “யாவா”திஆதி³மாஹ. வேத³னானு பஸ்ஸனாதீ³ஸுபி ஏஸேவனயோ. தங் ந ஸுந்த³ரங். கஸ்மா, ஸகலஸ்ஸ ரூபகாயஸ்ஸ அதி⁴ப்பேதத்தா. ஸேஸமெத்த² ஸுவிஞ்ஞெய்யங். யதி³ ஏவந்திஆதி³ஸு. “இதராபி ஸித்³தா⁴”தி காயானுபஸ்ஸனாத³யோபி ஸித்³தா⁴. கஸ்மா, த⁴ம்மானுபஸ்ஸனாய அந்தோக்³த⁴த்தா. “ததா² அனுபஸ்ஸந்தஸ்ஸா”தி ரூப்பனலக்²ணதோ அனுபஸ்ஸந்தஸ்ஸ. “தங் தங் ஸமூஹபூ⁴தரூபத⁴ம்மவஸேனா”தி அஸ்ஸாஸபஸ்ஸாஸாதி³ ஸமூஹபூ⁴தஸ்ஸ ரூப த⁴ம்மஸ்ஸ வஸேன. “ஸுபா⁴தி³விபல்லாஸஸ்ஸா”தி ஸுப⁴ ஸுக² நிச்சவிபல்லாஸஸ்ஸ. “ஓளாரிகஸ்ஸா”தி ஸுபாகடவஸேன ஓளாரிகஸ்ஸ. “அத்துபனிப³ந்தா⁴”தி அத்தேன உபனிப³ந்தா⁴, படிப³த்தா⁴.

“காமங்”தி ஏகந்தேன. உபஸுஸ்ஸதூதி ஸம்ப³ந்தோ⁴. “யந்தங்”தி ஜா²னாபி⁴ஞ்ஞா மக்³க³ப²லனிப்³பா³னங். “வீரியஸ்ஸ ஸண்டா²னங்”தி வீரியக்³மனஸ்ஸ வீரியப்பவத்தனஸ்ஸ நிவத்திவஸேன ஸண்டா²னங்.

உப்பன்னஸத்³தே³ன அதீத கிலேஸாபி பச்சப்பன்ன கிலேஸாபி க³ஹேதப்³பா³ ஹொந்தீதி ஆஹ “அஸுகஸ்மிங் காலே”திஆதி³ங். “மய்ஹங் உப்பன்னங்”தி இதா³னி உப்பன்னங். “பஹானாயா”தி எத்த² ஸமுச்சே²த³ப்பஹானங் அதி⁴ப்பேதந்தி ஆஹ “அனுப்பாத³ த⁴ம்மதாபாத³னகரணத்த²ங்”தி. தத்த² அனுப்பாதோ³ த⁴ம்மோ யேஸங் தே அனுப்பாத³ த⁴ம்மா. மக்³கே³ன பஹீனா அகுஸல த⁴ம்மா. அனுப்பாத³ த⁴ம்மானங் பா⁴வோதி விக்³க³ஹோ. அனுப்பாத³ த⁴ம்மதாய ஆபாத³னங். தஸ்ஸ கரணந்தி ஸமாஸோ. “தி³ஸ்வா”தி தேஸங் உப்பத்தி வத்து²ங் தி³ஸ்வா. “பச்சயஸமுச்சி²ந்த³னத்த²ங்”தி பச்சயபூ⁴தஸ்ஸ அனுஸயஸ்ஸ ஸமுச்சி²ந்த³னத்த²ங். “அபத்தா”தி இதா³னி அபத்தா. “ஸமயே”தி புத்³து⁴ப்பாத³னவமக்க²ணே. “நியாமங் ந ஓக்கமந்தீ”தி அரியமக்³க³ஸங்கா²தங் ஸம்மத்தனியாமங் ந ஓக்கமந்தி. நப்பவிஸந்தி. கிலேஸேஹி அகோபேதப்³புதாய அகுப்போ த⁴ம்மோ யஸ்ஸாதி அகுப்ப த⁴ம்மோ. கீ²ணாஸவோ. அகுப்ப த⁴ம்மஸ்ஸ பா⁴வோ அகுப்ப த⁴ம்மதா. அரஹத்த ப²லங். “தேஸங்”தி குஸலானங் த⁴ம்மானங். உப்பன்னானங் பாபகானங் பஹானாயாதி கத்வா விஸுத்³தி⁴த⁴ம்மேஸு யோகங் கரொந்தஸ்ஸ அனுக்கமேன பா⁴வனா கம்மே மத்த²கங் பத்தேஆதி³தோ பட்டா²ய உப்பன்னாபி பாபகா பஹிய்யந்தி. அனுப்பன்னாபி நுப்பஜ்ஜந்தி. அனுப்பன்னாபி குஸலா உப்பஜ்ஜந்தி. உப்பன்னாபி பா⁴வனா பாரிபுரிங் க³ச்ச²ந்தி. ஏஸனயோ அனுப்பன்னானங் பாபகானங் அனுப்பாதா³யாதிஆதி³ஸு. ஏவங் சதுஸு முகே²ஸு ஏகேகமுகே²னபி ஸம்மா பத³ஹந்தஸ்ஸ ஸம்மப்பதா⁴னங் சதுகிச்சஸாத⁴கங் ஹோதி. தேனாஹ “ஏதேஸு பனா”திஆதி³ங்.

அபி⁴விஸிட்²டே²ன த⁴ம்மவவத்தா²னஞ்ஞானேன ஞாதப்³பா³ ஸப்³பே³ பரமத்த² த⁴ம்மா அபி⁴ஞ்ஞெய்யா நாம. “அபி⁴ஞ்ஞா ஸித்³தீ⁴”தி அபி⁴ஜானந கிச்சஸித்³தி⁴. விஸுங் விஸுங் பரிச்சி²ந்தி³த்வா ஞாதப்³பா³ சதுஸச்ச த⁴ம்மா பரிஞ்ஞெய்யா நாம. தேஹி து³க்க²ஸச்ச த⁴ம்மா பரிஞ்ஞாதப்³பா⁴வேன, ஸமுத³ய ஸச்ச த⁴ம்மா பஹாதப்³பா⁴வேன, நிரோத⁴ஸச்ச த⁴ம்மா ஸச்சி²காதப்³பா⁴வேன, மக்³க³ஸச்ச த⁴ம்மா பா⁴வேதப்³பா⁴வேன ஞாதப்³பா³ ஹொந்தீதி. “பா⁴வனாஸித்³தீ⁴”தி பா⁴வனாகிச்ச ஸித்³தி⁴. தங் ஸங்யுத்தகே இமாயபானியா ஸமேதீதி ஸம்ப³ந்தோ⁴. “விப⁴ங்கே³ பனா”தி இத்³தி⁴பாத³விப⁴ங்கே³ பன. “சித்த சேதஸிகராஸீ”தி ஸஹ புப்³பா⁴க³பா⁴வனாய உத்தரி மனுஸ்ஸ த⁴ம்மபரியா பன்னா சித்தசேதஸிகராஸி. “தத்த² பனா”தி விப⁴ங்கே³ தஸ்மிங் உத்தரதுளபா⁴ஜனீயே பன. “இதா⁴”தி இமஸ்மிங் ஸங்க³ஹே.

சத்தாரி ஸோதாபத்தியங்கா³னி நாம புத்³தே⁴ அவேச்சப்பஸாதே³ன ஸமன்னாக³தோ. த⁴ம்மே, ஸங்கே⁴, அரியகந்தேஹி ஸீலேஹி ஸமன்னாக³தோதி ஏவங் வுத்தானி ஸோதாபத்தியா அங்கா³னி. தத்த²

“அரியகந்தேஹி”தி அரியஜனேஹி காமிதேஹி இச்சி²தேஹி. “ஸீலேஹி”தி பஞ்சனிச்சஸீலேஹி, ஆஜீவட்ட²மகஸீலேஹி வா. “ஸம்மப்பதா⁴னேஸு”தி ஸம்மப்பதா⁴னகிச்சேஸு.

“ஸோளஸஹிகிச்சேஹி”தி ஏகேகஸ்மிங் ஸச்சே சத்தாரி சத்தாரி கத்வா ஸோளஸஹி கிச்சேஹி. பீளனட்டோ², ஸங்க²தட்டோ², திஆதீ³ஹி ஸோளஸஹி அத்தே²ஹிதி வுத்தங் ஹோதி. தே ச அத்தா² பரதோ ஆக³மிஸ்ஸந்தி. ஸதி ஏவ ஸம்பொ³ஜ்ஜ²ங்கோ³தி வுத்தங், கத²ங் பன ஸாஸதி ஸம்போ³தி⁴ங் ஸமுட்டா²பேதீதி ஆஹ “ஸாஹி”திஆதி³ங். ஏஸனயோ ஸேஸபொ³ஜ்ஜ²ங்கே³ஸுபி. “தேஸு த⁴ம்மேஸு”தி அஜ்ஜ²த்தப³ஹித்தா⁴ த⁴ம்மேஸு. “லீனஸங்கோச கோஸஜ்ஜபக்க²ங்”தி லீனபக்க² ஸங்கோச பக்க²கோஸஜ்ஜ பக்க²ங். து⁴ரங் ஸுட்டு² பக்³க³ண்ஹாதி உக்கி²பதீதி து⁴ரஸம்பக்³க³ஹோ. “து⁴ரங்”தி ஸமத²து⁴ரங் விபஸ்ஸனா து⁴ரஞ்ச. “அரதி உக்கண்ட² பக்க²ங்”தி அரதிபக்க² நிப்³பி³தா³பக்க²ங். த⁴ம்மே ரதி த⁴ம்மரதி. த⁴ம்மே நந்தீ³ த⁴ம்மனந்தீ³. த⁴ம்மே ஆராமோ த⁴ம்மாராமோ. “ஸாரம்போ⁴” நாம சித்தவிஹேஸா. “த³ரதோ²” நாம சித்தஸந்தாபோ. ஸமாஹிதோ பி⁴க்க²வே யதா²பூ⁴தங் பஜானாதி பஸ்ஸதீதி வசனதோ பஞ்ஞாய ஸமாதி⁴ பாத³கதா பாகடாதி வுத்தங் “தஸ்ஸா”திஆதி³ங். ஸமங் அவிஸமங் அத்தனோ கிச்சங் வஹதி ஸீலேனாதி ஸமவாஹி. ஸமவாஹிஸ்ஸ பா⁴வோ ஸமவாஹிதா.

ஸா பன சதுப்³பி³தா⁴ ஹோதீதி ஸம்ப³ந்தோ⁴. “தஸ்ஸா”தி ஸம்மாதி³ட்டி²யா. “விஸாகா²”தி ஆலபன பத³ங். ‘ஸப்³பே³ லோகுத்தரே ஹோந்தீ³தி வசனஸ்ஸ ஸம்ப³ந்த⁴ங் த³ஸ்ஸேதுங் “தே பன ஸத்ததிங்ஸப்பபே⁴தா³”திஆதி³மாஹ. ந வட்டா²னானி அஸ்ஸ அத்தீ²தி நவட்டா²னிகங். “லோகுத்தரே”தி லோகுத்தர சித்தே. “அத்தப்படிபக்க²னங்”தி அத்தனா உஜுப்படிபக்க²னங். “தே”தி போ³தி⁴பக்கி²ய த⁴ம்மா. ஏதேன த³ஸ்ஸேதீதி ஸம்ப³ந்தோ⁴. “குண்ட³லியா”தி ஏவங் நாமகங் ப³ராஹ்மணங் ஆலபதி. “விஜ்ஜா”தி மக்³க³விஜ்ஜா. “விமுத்தீ”தி ப²லவிமுத்தி.

போ³தி⁴பக்கி²யானுதீ³பனா நிட்டி²தா.

165. ஸப்³ப³ஸங்க³ஹே. “பஞ்சராஸயோ”தி பஞ்சஸங்க³ஹா. “அதீதாதி³பே⁴த³பி⁴ன்னானங்”தி அதீதானாக³தபச்சப்பன்னபே⁴தே³ன, அஜ்ஜ²த்த ப³ஹித்தா⁴பே⁴தே³ன, ஓளாரிகஸுகு²மபே⁴தே³ன, ஹீனபணீதபே⁴தே³ன, து³ரஸந்திகபே⁴தே³ன ச பி⁴ன்னானங். “உபபத்தி த³வாரேஸு”தி சக்கா²தி³ த³வாரேஸு. “கம்மத³வாரேஸு”தி காயகம்மத³வாராதீ³ஸு. “ஸங்க³ம்மா”தி ஸங்க³ந்த்வா. “ஸமாக³ம்மா”தி ஸமாக³ந்த்வா. “ஸாதா⁴ரண கிச்சானி வா”தி ஸப்³பி³ரியாபதே²ஹி ஸாதா⁴ரண கிச்சானிவா. பாளிபாடே². “கிஞ்சா”தி கஸ்மா

ச. “ஸங்கா²ரேவதே³தா²”தி ஸங்கா²ரா ஸங்கா²ரா இதி தும்ஹே வதே³த².
“கிஞ்சஸங்க²தங்”தி கதமஞ்சஸங்க²தங். “ரூபங் ரூபத்தா²யா”தி ரூபவிகதியா
ஜாதத்தா²ய ரூபஸங்கா²தங் ஸங்க²தங் அபி⁴ஸங்க²ரொந்தீதி அத்தோ².
உபபோ⁴கோ³ நாம வத்தா²ப⁴ரணாதி³கோ அந்தோபோ⁴கோ³. பரிபோ⁴கோ³
நாம மஞ்சபீடா²தி³கோ பா³ஹிர பரிபோ⁴கோ³. ஸம்பராயிகஞ்ச வேத³னந்தி
அதி⁴காரோ. ஸேஸேஸுபி ஸஞ்ஞாஸங்கா²ர விஞ்ஞாணேஸுபி. “தா³னங்
தா³னத்தா²யா”தி தா³னபுஞ்ஞஸ்ஸ ஜாதத்தா²ய. தா³னஸங்கா²தங் ஸங்க²தங்
அபி⁴ஸங்க²ரொந்தீதி அத்தோ². அத³வா தா³னஸ்ஸ அத்தோ² தா³னத்தோ².
“அத்தோ²”தி ச விபாகத்தோ² ப²லத்தோ². தா³னவிபாகத்தா²ய தா³னப²லத்தா²ய
தா³னபுஞ்ஞஸங்கா²தங் ஸங்க²தங் அபி⁴ஸங்க²ரொந்தீதி அத்தோ². ஏவங்
ஸேஸேஸுபி. “அனுயுஞ்ஜந்தா”தி விபஸ்ஸனா கம்மங் அனுயுஞ்ஜந்தா. “தீஸு
த⁴ம்மேஸு கிலமிஸ்ஸந்தீ”தி வுத்தங். கத²ங் கிலமிஸ்ஸந்தீதி ஆஹ
“ததா²ஹி யதா²”திஆதி³ங். “ஸுக²ஸஞ்ஞிதேஸு படிஸரணேஸு”தி
சித்தஸாதசித்தரதி படிஸாப⁴த்தா²ய படிஸரணேஸு ஆரம்மணேஸு. “தாஹீ”தி
ஸம்பத்தீஹி. “தா”தி ஸம்பத்தியோ. பரமுக்கங்ஸக²தங் ஸுக²ஸஞ்ஞிதட்டா²னங்
ஹோதி. தஸ்மா தத்த² து³க்கா²னுபஸ்ஸனாஞாணங் அதிரேகதரங்
பவத்தேதப்³ப³ந்தி தத³த்தா²ய ப⁴க³வா தங் வேத³னங் விஸுங் ஏகங் க²ந்த⁴ங்
கத்வா க²ந்த⁴ தே³ஸனங் தே³ஸேதீதி அதி⁴ப்பாயோ. ஏஸனயோ பரத்த²பி.
“ஞாணஸம்மதங்”தி புது²ஜ்ஜனேஹி ஞாணஸம்மதங். “பரமங் அத்தானங்
கத்வா”தி லோகே விஞ்ஞுத்தங் பரமங் ஹோதி, தஸ்மா விஜானநங் பரமங்
அத்தானங் கத்வா. ஸேஸமெத்த² ஸுபாகடங். “யத்த²பு⁴ஞ்ஜதீ”திஆதீ³ஸு.
“யத்த² பு⁴ஞ்ஜதீ”தி யஸ்மிங் பா⁴ஜனே பு⁴ஞ்ஜதி. “யஞ்ச பு⁴ஞ்ஜதீ”தி யஞ்ச
போ⁴ஜனங் பு⁴ஞ்ஜதி. “யேன ச பு⁴ஞ்ஜதீ”தி யேனப்³யஞ்ஜனேன பு⁴ஞ்ஜதி.
“யோ ச போ⁴ஜகோ”தி ஸமீபே ட²த்வா பரிவேஸகோ. “யோ ச பு⁴ஞ்ஜிதா”தி
யோ ச பு⁴ஞ்ஜகோ.

“ஸாஸவா ஏவா”தி ஸாஸவா நாம லோகிய த⁴ம்மா. “உஸ்ஸாஹந்தா
விய ஹொந்தீ”தி அப்³யாபார த⁴ம்மத்தா வுத்தங். ந ஹி அப்³யாபார
த⁴ம்மானங் ஏகந்தேன உஸ்ஸாஹொ நாம அத்தி². ப²லஸ்ஸ நிப்³ப³த்தனதோ
ப²லத்தா²ய உஸ்ஸாஹந்தா விய ஹொந்தீதி. “ஆகிரித்வா”தி பத்த²ரித்வா.
ஸேஸமெத்த² ஸுபோ³த⁴ங்.

தா⁴துஸங்க³ஹே. “அத்தனோ ஏவ ஸபா⁴வங்”தி அத்தனோ ஸபா⁴வங்
ஏவாதிபி யுஜ்ஜதி. “ஈஹா ச ப்³யாபாரோ சா”தி அபி⁴க்கமாமி
படிக்கமாமீதிஆதி³னா உஸ்ஸாஹொ ச, அபி⁴க்கமனாதி³ ப்³யாபாரோ ச. “ந ச
ஜீவயோகா³”தி ந ச லோகியமஹாஜன ஸம்மதேன ஜீவேன யுத்தா.
அட்ட²கதா²பாடே². யாயதி எத்தா²தி யந்தங். உது³க்க²லங். யந்த சக்கயட்டி²னாம
யந்த சக்கஸம்ப்³ந்தா⁴ முஸலயட்டி². அரணீ வுச்சதி அக்³கி³னிப்³ப³த்தகத்தா²ய
கதா த்³வே ஸாரக⁴டிகா. அத⁴ராரணீ நாம ஹெட்டா²ரணீ. உத்தராரணீ நாம

உத்தா⁴ரணி. “ஸல்லமிவா”தி கண்டோ³விய. “ஸுலமிவா”தி விஜ்ஜ²னகத³ண்டோ³ விய. “ஆதுராவியா”தி தேஹிஸல்லஸுலேஹி வித்³த⁴கி³லானா விய. அயதா²பு⁴ச்ச நிமித்தங் நாம அயதா²பு⁴தங் ஸத்தபுக்க³லாதி³னிமித்தங். “வனமிகோ³ வியா”தி திண ரூபே புரிஸ ஸஞ்ஞாலாபோ⁴ வனமிகோ³ விய. “அங்கா³ரகாஸுயங்”தி அங்கா³ரகூபே. “நானாவிது⁴பத்³த³வ நிமித்ததோ”தி நானாவிதா⁴னங் உபத்³த³வானங் உப்பத்தி பச்சயதோ. “வனமக்கடோ வியா”தி வனவானரோ விய. து³க்கே²ன த³மனங் அஸ்ஸாதி து³த்³த³மனோ. “அஸ்ஸக²ளுங்கோ”தி து³ட்ட² அஸ்ஸோ. “யத்த² காமனிபாதிதோ”தி யஸ்மிங் யஸ்மிங் ஆரம்மணே பதிதுங் காமேதி இச்ச²தி, தத்த² தத்த² நிபாதிதோ. புக்க³லவஸே அவத்தித்வா ஆரம்மணேஸு யதிச்ச²கங் நிபதனதோதி வுத்தங் ஹோதி. “ரங்க³னடோ வியா”தி ஸமஜ்ஜனடகோ விய. ஸபா⁴வதோ அத்தி² ஸங்விஜ்ஜதீதி ஸந்தோ. ததோ²தி ச அவிததோ²தி ச அத்த²தோ ஏகங். அஞ்ஞோ பகாரோ அஞ்ஞதா². நத்தி² அஞ்ஞதா² அஸ்ஸாதி அனஞ்ஞத²ங். து³க்க²து³க்க²ங் நாம காயிகது³க்க² சேதஸிகது³க்க²ங். “கம்மஜானங்”தி விபாகக்க²ந்த⁴கடத்தா ரூபானங். “உப்பத்தியா”தி உப்பாத³த்தா²ய. “பகே³வா”தி புரேதரமேவ. “உப்பன்னங் பீ”தி உப்பன்னம்பி சக்கு². “பவத்தியா”தி ஸந்தானட்டி²தியா டி²தத்தா²ய. “படிஜக்க³ன து³க்க²ங்”தி ஸோத⁴ன து³க்க²ங். பச்சயவேகல்லங் நாம ஆஹாரச்சே²தா³தி³கங். நனு பி⁴ஜ்ஜனப⁴யேன பகே³வ பச்சயஸம்பாத³னங் நாம ஸங்கா²ர து³க்க²மேவ ஸியாதி. ஸச்சங். இத⁴ பன ஆஸன்னே பி⁴ஜ்ஜனநிமித்தங் திஸ்வா கதங் பச்சய ஸம்பாத³னங் அதி⁴ப்பேதங். “ரக்கா²வரணகுத்தி ஸங்விதா⁴ன து³க்க²ங்”தி நானாப⁴யதோ ரக்க²ணஸ்ஸ ச ஆவரணஸ்ஸ ச கோ³பனஸ்ஸ ச ஸங்விதா⁴ன து³க்க²ங். “தது³ப⁴யேன ஸஹேவ ஸிஜ்ஜ²தீ”தி கஸிகோ³ரக்கா²தீ³னி ஸங்கா²ர கம்மானி வா ரக்கா²வரண குத்திஸங் விதா⁴னாதீ³னிவா கரொந்தானங் தங் து³க்க² து³க்க²ங் தது³ப⁴யேன து³க்கே²ன ஸஹேவ ஸிஜ்ஜ²தி. “தேஸங்”தி சக்கா²தீ³னி அஸ்ஸாதெ³ந்தானங் ந முச்சதீதி ஸம்ப³ந்தோ⁴. “பவத்தி நிரோத⁴ பூ⁴தஸ்ஸா”தி பவத்தியா நிரோத⁴ பூ⁴தஸ்ஸ. “தங் பஜஹதி யேவா”தி தங் லோப⁴ங் பஜஹதியேவ. “யாவதே³வா”தி உபரிமபரியந்தேன. அஹங் அஸ்மீதி பவத்தோ மானோ அஸ்மிமானோ. தஸ்ஸ ஸமுக்க³கா⁴தனங் ஸமுச்சி²ந்த³னங். “பரிஞ்ஞாதேஸு”தி தேஸு அனுஸயிதாய தண்ஹாய பஹானவஸேன பரிஞ்ஞாதேஸு. “தப்³பி³பரீதேன பனா”தி ததோ விபரீதேன பன. அஸ்மிமானஸ்ஸ அனதி⁴ட்டா²னபூ⁴தாதிஆதி³ அத்தே²ன. அனிந்த³ரியப³த்³த⁴ த⁴ம்மா நாம பத²விப³ப³தாதீ³ஸு பவத்தா ரூப த⁴ம்மா.

ஸத்தே அனுக்கண்ட²மானே கரோதீதி ஸம்ப³ந்தோ⁴. “இதீ”தி தஸ்மா. தேஸங் ஸத்தானங். து³ஜ்ஜஹோ நாம நத்தி². தஸ்மா லோபோ⁴யேவ து³க்க²ஸமுத³யாரிய ஸச்சங் நாமாதி யோஜனா. ஸாஸவா குஸலா குஸல த⁴ம்மா ஸமுத³யஸச்சங் நாம, து³க்க² ஸச்சபூ⁴தானங்

விபாகக்க²ந்த⁴கடத்தா ரூபானங் ஸமுத³யத்தா ஸங்வட்³ட⁴னத்தா.
 மூலபா⁴வேன வுத்தா 'அவிஜ்ஜா பச்சயா ஸங்கா²ராதிஆதீ³ஸு.
 “நந்த³னஸதி³ஸங்”தி தே³வலோகே நந்த³னவனுய்யானஸதி³ஸங்.
 “ஆதி³பப⁴வபதா⁴னபூ⁴தா”தி து³க்க² த⁴ம்மானங் ஆதி³பூ⁴தா, பப⁴வபூ⁴தா,
 பதா⁴னபூ⁴தா. “பப⁴வபூ⁴தா”தி ச பத²முப்பத்திஹேதுபூ⁴தா. “தேஸங்”தி
 து³க்க² த⁴ம்மானங்.

“கத்த²சீ”தி காமப⁴வாதீ³ஸு கிஸ்மிஞ்சிப⁴வே. “கதா³சீ”தி
 அதீதாதி³காலேஸு கிஸ்மிஞ்சிகாலே. “கேஸஞ்சீ”தி தே³வமனுஸ்ஸாதீ³ஸு
 ஸத்தேஸு கேஸஞ்சிஸத்தானங். “குதோசீ”தி ப³ஹுஸுகாரணேஸு
 குதோசிகாரணா. “கத²ஞ்சீ”தி கேனசிபகாரேன.

“பரிணாமோ”தி பரிணமனங் அஞ்ஞதா²பா⁴வோ. “தங் ஸமங்கீனங்”தி
 தேஹி சக்கா²தீ³ஹி ஸமங்கீனங் புக்³க³லங். பாளிபாடே².
 “ஆதி³த்தங்”திஆதீ³பிதங் ஸமுஜ்ஜலந்தங். “கேனா”தி கரணபூ⁴தேன கேன
 அக்³கீனா. ததா² அரியமக்³கோ³ விபரிணாம த⁴ம்மோ ச ஹோதி.
 ஸோவிபரிணாம து³க்கே²னபி புக்³க³லங் பு⁴ஸங் பீளேதியேவாதி யோஜனா.
 “நா”தி ந ஸியா. ஸமனங் லூபஸமனங் ஸந்தி. ஸப்³ப³து³க்கா²னங் ஸந்தீதி
 விக்³க³ஹோ. ஸப்³ப³ங் வட்டது³க்க²ந்தி ஸம்ப³ந்தோ⁴. “தஸ்ஸா”தி
 அரியமக்³க³ஸ்ஸ. “பவத்தமானா சா”தி ஸந்ததிடி²திவஸேன வத்தமானா ச.
 “மஹந்தங் பரிளாஹது³க்க²ங்”தி ஸோக பரிதே³வ து³க்க²
 தோ³மனஸ்ஸுபாயாஸானங் பவத்திவஸேன மஹந்தங் பரிளாஹ து³க்க²ங்.
 நிப்³பா³னஸ்ஸ அனுப்பாத³ த⁴ம்மத்தா உப்பாத³த்தா²ய பச்சயோ நாம நத்தி².
 ததா² அப்பவத்தி த⁴ம்மத்தா பவத்தத்தா²ய. ஸம்பாபுணிதப்³ப³த்தா பன
 ஸம்பாபனத்தா²ய பச்சயோ அத்தீ²தி ஆஹ “ஸம்பாபக
 பச்சயாபி⁴ஸங்க²ரணலேஸங்”தி. ஸம்பாபக பச்சயா நாம அரிய மக்³கோ³ ச
 தஸ்ஸ பச்சயா ச.

ப⁴வாப⁴வஸங்கா²தஸ்ஸ து³க்க²க்க²ந்த⁴ஸ்ஸாதி ஸம்ப³ந்தோ⁴.
 “ததே³வா”தி தங் து³க்க²க்க²ந்த⁴ங் ஏவ. அனுபுனப்புனங் பதீ³யதே
 அனுப்பதா³னங். “நிய்யாதனட்டோ²”தி ஹந்த³ க³ண்ஹாதி
 ஸம்படிச்சா²பனட்டோ². “ததோ”தி வட்டது³க்க²தோ. “முச்சனுபாயஸ்ஸா”தி
 தா³னஸீலனிக்க²மாதிக³ஸ்ஸ முச்சனுபாயஸ்ஸ. “நிஸ்ஸரணவிமுத்தியா”தி
 நிஸ்ஸரண ஸங்கா²தாய விமுத்தியா. ஸங்கா²ர து³க்க²ஸ்ஸ அபா⁴வட்டோ².
 “ஸம்மோஹஸ்ஸ பஹானவஸேனா”தி ஏதேன இத⁴ த³ஸ்ஸனங் நாம இதோ
 பட்டா²ய சதூஸு ஸச்சேஸு அஸம்மோஹ பா⁴வபத்தி ஏவ ஆலோகபத்தி
 ஏவ வுச்சதீதி த³ஸ்ஸேதி . தேனாஹ “படிவிஜ்ஜ²னட்டோ²”தி. தண்ஹாய
 தா³ஸோ தண்ஹாதா³ஸோ. தண்ஹாதா³ஸஸ்ஸ பா⁴வோ
 தண்ஹாதா³ஸப்³யங். பரவஸதோ விமுத்திவஸேன அபராதீ⁴னதா

பு⁴ஜிஸ்ஸபா⁴வோ நாம. லோகியமக்³கா³ஹி தண்ஹாதா³ஸப்³யங்
நாதிவத்தந்தி. தண்ஹாவஸங் பூரயமானா தண்ஹாவிஸயங் விபாகங்
ஜனெந்தி. அயங் அரியமக்³கோ³ ஏவ தண்ஹாய அனாரம்மணபா⁴வே டி²தோ
தண்ஹாதா³ஸப்³யங் அதிவத்ததி. தண்ஹாவஸங் பி⁴ந்த³மானோ தண்ஹாய
அவிஸயங் விபாகங் ஜனேதீதி அதி⁴ப்பாயோ. “து³க்க²முத்தியா”தி து³க்க²தோ
முச்சனத்த²ங். “து³க்க²வட்³டி⁴யா”தி து³க்க²வட்³ட⁴னத்தா²ய. ஸேஸமெத்த²
ஸுபோ³த⁴ங். “க²யவிராக³ நிரோத⁴ பூ⁴தோ”தி எத்த² கிலேஸ த⁴ம்மானங்
விரஜ்ஜனங் விக³மனங் அந்தரதா⁴னங் விராகோ³. “அனத்த² பதா³னீ”தி
அஹிதபதா³னி. ப⁴யாதீ³னவபதா³னி. “த்³வாரச²க்கஆரம்மண ச²க்கபே⁴தே³னா”தி
த்³வாரச²க்கங் த⁴ம்மாரம்மணங் ஹோதி. ஏவங்ஸதி, ஆரம்மண ச²க்கந்தி ந
வத்தப்³பங் த⁴ம்மாரம்மணஸ்ஸ விஸுங் க³ஹிதத்தாதி. நோ நவத்தப்³பங்.
கஸ்மா, த்³வாரச²க்கதோ ஸேஸானங் த⁴ம்மாரம்மணானங் அத்தி²தாயாதி
த³ஸ்ஸேதுங் “எத்த² சா”திஆதி³ வுத்தங். பரதோ “எத்த²பீ”திஆதி³ஸு
ஏஸேவனயோதி.

ஸப்³ப³ஸங்க³ஹானுதீ³பனா நி⁴டி²தா.

ஸமுச்சயஸங்க³ஹதீ³பனியாஅனுதீ³பனா நி⁴டி²தா.

8. பச்சயஸங்க³ஹஅனுதீ³பனா

166. யேஹிபகாரேஹி யதா². தேஸங் விபா⁴கோ³ தங் விபா⁴கோ³.
அயஞ்சனித்³தே³ஸோ ஏகஸேஸனித்³தே³ஸோ, விச்சா²லோபனித்³தே³ஸோவாதி
த³ஸ்ஸேதுங் “தேஸங்”திஆதி³மாஹ. ந ஸமேதி. கா³தா²யங் ‘யேஸங்’திஆதி³னா
தீஹி-ய-ஸத்³தே³ஹி த³ஸ்ஸிதானங் திண்ணங் அத்தா²னங்-த-ஸத்³த³த்த²
ஸம்ப⁴வதோ. த-ஸத்³த³த்தா²னஞ்ச அனுஸந்தி⁴யங் பரிபுண்ணங் கத்வா
வத்தப்³தோ. “ஸமுப்பஜ்ஜதி”தி ஸுட்டு² பரிபுண்ணங் கத்வா உப்பஜ்ஜதி,
பாதுப⁴வதி. “அவினா”தி அவினா ஹுத்வா. “ஸஹஜாத த⁴ம்மேஹி”தி
அவிஜ்ஜா பச்சயா ஸங்கா²ராதிஆதி³ஸு ஸங்கா²ராதீ³னங் ஸஹஜாத
த⁴ம்மேஹி ஸஹேவ உப்பஜ்ஜனங். “கலாபவஸேனா”தி ஸுத்³த⁴ த⁴ம்ம
கலாபவஸேன. “ஸாமஞ்ஞ லக்க²ணங்”தி ஸாதா⁴ரண லக்க²ணங். “அத்தோ²”தி
இத³ப்பச்சயதா ஸத்³த³ஸ்ஸ அத்தோ². “அயமத்தோ² படிக்கி²த்தோ”தி
‘ஸமுப்பஜ்ஜனங் ஸமுப்பாதோ³’தி அயங்பா⁴வஸாத⁴னத்தோ² படிக்கி²த்தோ.
“அயமேவா”தி அயங் பா⁴வஸாத⁴னத்தோ² ஏவ. ஜராமரணங் ஸம்ப⁴வதீதி
யோஜனா. “உப்பாதா³வா ததா²க³தானங்”தி ஸம்மாஸம்பு³த்தா⁴னங்
உப்பாதே³வா ஸதி. “அனுப்பாதா³வா”தி அனுப்பாதே³வா ஸதி. “டி²தாவ
ஸாதா⁴தூ”தி ஜாதியா ஸதி ஜராமரணஸ்ஸ பவத்திஸபா⁴வோ லோகே
டி²தோயேவ. கதமா பன ஸாதா⁴தூதி ஆஹ “த⁴ம்மட்டி²ததா”திஆதி³ங். தத்த²
“த⁴ம்மட்டி²ததா”தி கேனசி அகதா ஸபா⁴வட்டி²ததா. “த⁴ம்மனியாமதா”தி
ஸபா⁴வனியாமதா. “தத்ர தத²தா”தி தஸ்மிங் ஸாமஞ்ஞலக்க²ணே ஸங்க²த
த⁴ம்மானங் தத²தா. ஸாமஞ்ஞ லக்க²ணமேவ படிச்சஸமுப்பாதோ³ நாமாதி
த³ஸ்ஸேதி, ந அவிஜ்ஜாதிகோ பச்சய த⁴ம்மோ. கஸ்மா, தேஹி வசனேஹி
த⁴ம்மனியாமதா மத்தஸ்ஸ த³ஸ்ஸிதத்தா. அவிஜ்ஜாதீ³னங் த⁴ம்ம
ஸருபானங் அத³ஸ்ஸிதத்தா. “த⁴ம்மனியாமதாமத்தங்”தி ச யதா²
வுத்தஸாமஞ்ஞ லக்க²ணமேவ வுச்சதி. யதி³ பா⁴வஸாத⁴னங் இச்செ²ய்ய,
பா⁴வஸாத⁴னங் நாம கத்துரஹிதங் ப⁴வெய்ய. கத்துரஹிதே ச ஸதி, கத²ங்
படிச்ச க்ரியாய ஸமானகத்துகதா லப்³ப⁴தி. அலத்³தே⁴ ச ஸமானகத்துகத்தே
கத²ஞ்ச புப்³பகாலெத்வா பச்சயஸம்ப⁴வோதி. அயங் பா⁴வஸாத⁴னங்
இச்ச²ந்தஸ்ஸ ப்யஞ்ஜனயுத்திவிரோதோ⁴. தங் பரிஹரந்தோ ந
செத்தா²திஆதி³மாஹ. க³ம்பீ⁴ரோசானந்த³ படிச்சஸமுப்பாதோ³ க³ம்பீ⁴ராவ
பா⁴ஸோசாதி ப⁴க³வதா வுத்தங். பா⁴வஸாத⁴னே ச கதே உப்பஜ்ஜன
க்ரியாமத்தங் நாம விஸுங் ஏகோ த⁴ம்மோ ந ஹோதீதி கத²ங் தங் க³ம்பீ⁴ரங்
ஸியாதி. அயங் பா⁴வஸாத⁴னங் இச்ச²ந்தஸ்ஸ க³ம்பீ⁴ரவசன விரோதோ⁴.
தங் பரிஹரந்தோ “ஸங்க²த த⁴ம்மேஸு சா”திஆதி³மாஹ. அபி ச ஸங்க²த
லக்க²ணங் நாம ஸங்க²த த⁴ம்மதோபி க³ம்பீ⁴ரங் ஹோதி. ததா²ஹி சித்தங்
நாம ஸங்க²த த⁴ம்மோ. தஞ்ச அத்தி² மேசித்தங் நாமாதி ஸத்தானங் பாகடங்
ஹோதி. தஸ்ஸ பன அனிச்சதா ஸங்கா²தங் ஸங்க²த லக்க²ணங் அபாகடங்

ஹோதி ஸுட்டு² ஸந்ததியா படிச்ச²ன்னங். ததா² வேத³னா நாம ஸுகா²வா
துக்கா²வா ஸங்க²த த⁴ம்மோ. ஸா ச அத்தி² மேவேத³னாதி ஸத்தானங்
பாகடா ஹோதி. தஸ்ஸா பன அனிச்சதா ஸங்கா²தங் ஸங்க²த லக்க²ணங்
அபாகடங் ஹோதி ஸுட்டு² ஸந்ததியா படிச்ச²ன்னங். ஏவங் ஸேஸேஸு
நாமத⁴ம்மேஸு ச ரூபத⁴ம்மேஸு ச. யதோ ஸத்தஸு விஸுத்³தி⁴ஸு
ஸங்க²த த⁴ம்ம வவத்தா²ன ஸங்கா²தங் தி³ட்டி²விஸுத்³தி⁴ஞாணஞ்ச
அவிஜ்ஜாதி³பச்சய பரிக்க³ஹ ஸங்கா²தங் கங்கா²விதரண
விஸுத்³தி⁴ஞாணஞ்ச பத²மங் ஸம்பாதே³தப்³பா³னி ஹோந்தீதி. யதா² ச
அனிச்சதா ஸங்கா²தங் ஸங்க²த லக்க²ணங் ஸங்க²த த⁴ம்மதோ க³ம்பீ⁴ரங்
ஹோதி. ததா² இத³ம்பி படிச்சஸமுப்பாத³ ஸங்கா²தங் ஸங்க²த லக்க²ணங்
ஸங்க²த த⁴ம்மதோ க³ம்பீ⁴ரங் ஹோதீதி த³ட்ட²ப்³பங்.

“தப்³பா⁴வபா⁴வீபா⁴வோ”தி எத்த² ப⁴வதி ஸங்விஜ்ஜதீதி பா⁴வோ.
ஸோ ஸோ அவிஜ்ஜாதிகோ பா⁴வோ தப்³பா⁴வோ. தப்³பா⁴வே ப⁴வந்தி
ஸம்ப⁴வந்தி ஸீலேனாதி தப்³பா⁴வபா⁴வினோ. ஸங்கா²ராத³யோ.
“பா⁴வோ”தி உப்பத்திகாரணங். தப்³பா⁴வபா⁴வீனங் பா⁴வோதி
தப்³பா⁴வபா⁴வி பா⁴வோதி இமமத்த²ங் த³ஸ்ஸெந்தோ “தஸ்மிங்
தஸ்மிங்”திஆதி³மாஹ. அபி ச “பா⁴வோ”தி விஜ்ஜமானதா வச்சதி. தஸ்ஸ
தஸ்ஸ பச்சய த⁴ம்மஸ்ஸ பா⁴வோதி தப்³பா⁴வோ. தப்³பா⁴வே ஸதி
ப⁴வந்தி ஸம்ப⁴வந்தி த⁴ம்மதாயாதி தப்³பா⁴வபா⁴வினோ. தேஸங்
பா⁴வோதிபி யுஜ்ஜதியேவ. “ஹெத்வாதி³ பச்சய ஸத்தினியாமங்”தி
ஹேதுபச்சயோ, ஆரம்மண பச்சயோ, திஆதீ³ஸு ஹேதுஸத்³த³ ஆரம்மண
ஸத்³தா³த³யோ லோபா⁴தீ³னங் ரூபாரம்மணாதீ³னஞ்ச த⁴ம்மானங் தங் தங்
பச்சய ஸத்திவிஸேஸங் தீ³பெந்தி. தேஸஞ்ச ஸோ ஸோ பச்சய
ஸத்திவிஸேஸோ விஸுங் த⁴ம்மனியாமோ ஹோதி, ஏவங் ஹெத்வாதி³
பச்சயஸத்தினியாமங் நிவத்தேதி. “ததா² ததா²”தி
மூலட்ட²கோ³சரவிஸயட்டா²தி³கேன தேன தேன பச்சயாகாரேன. ஸோ ஹி
வுச்சதீதி ஸம்ப³ந்தோ⁴. “பச்சய த⁴ம்முத்³தா⁴ர மத்தே அட²த்வா”தி பச்சய
த⁴ம்மானங் நாம ஸஞ்ஞாவஸேன உத்³த⁴ரணமத்தங் அகத்வாதி
அதி⁴ப்பாயோ. “ஆஹச்சா”தி ஆஹனித்வா தங் தங் பச்சயஸத்தி விஸேஸங்
பாபெத்வாதி அத்தோ². தேனாஹ “மத்த²கங் பாபெத்வா”தி. பச்சயஸத்தி
விஸேஸோ ஹி ஹேதுப³லதீ³பனே ததோ உத்தரி வத்தப்³ப³ கிச்சாபா⁴வதோ
மத்த²கங் நாம ஹோதீதி. “அனோஸக்கமானா”தி அனிவத்தமானா. “ஏதாயா”தி
பச்சய ஸத்தியா. பபஞ்செந்தே ஆசரியே.

ஏதஸ்மா காரணா ப²லங் ஏததே³வ படிச்ச அனாக³தபக்க²தோ
பச்சப்பன்னபக்க²ங் ஆக³ச்ச²தி பாதுப்³ப⁴வதீதி பச்சயோ. உப்பத்திகாரணங்
பவத்திகாரணஞ்ச. தத்த² உப்பத்திகாரணங் ஜனகபச்சயோ. பவத்திகாரணங்

உபத்த²ம்ப⁴க பச்சயோ. “ஏதேனா”தி ஹேதுனா. “காயவசீ மனோகம்மங்”தி எத்த² “கம்மங்”தி க்ரியாவுச்சதி, க³மன டா²ன நிஸஜ்ஜஸயனாதி³கங் காயிக க்ரியஞ்ச. ஆலாப ஸல்லாப கத²ன ஸஜ்ஜா²யன கா³யனாதி³கங் வாசஸிக க்ரியஞ்ச. விஜானந சிந்தன வீமங்ஸனாதி³கங் மானஸிக க்ரியஞ்ச. “அபி⁴ஸங்க²ரொந்தீ”தி அபி⁴னிப்பா²தெ³ந்தி. “ஏதேஹீ”தி ஏதேஹி லோகியகுஸலா குஸல சேதனா த⁴ம்மேஹி. அபி ச ஸங்க²ரொந்தி ஸத்தா ஏதேஹீதி ஸங்கா²ரா. “ஸங்க²ரொந்தீ”தி கிங் ஸங்க²ரொந்தி. அத்தபா⁴வங் ஸங்க²ரொந்தி. ப⁴வாப⁴வங் ஸங்க²ரொந்தி. தி³ட்ட²த⁴ம்மிகம்பி அத்த²ங் வா அனத்த²ங் வா ஸங்க²ரொந்தி. ஸம்பராயிகம்பி அத்த²ங் வா அனத்த²ங் வா ஸங்க²ரொந்தீதிஆதி³னா. சக்கு²ம்பி ஸங்க²ரொந்தி, ஸோதங்பி ஸங்க²ரொந்தீதிஆதி³னா. த³ஸ்ஸனம்பி ஸங்க²ரொந்தி, ஸவனம்பி ஸங்க²ரொந்தீதிஆதி³னா ச வத்துங் வட்டதியேவ. “விஜானாதீ”தி விவிதே⁴ன ஜானாதி. பூ⁴தேனபி ஜானாதி, அபூ⁴தேனபி ஜானாதி. “நமதீ”தி கோ³சர விஸயத்தா²ய நமதி. “ருப்பதீ”தி குப்பதி, கோ²ப⁴தி. “பு²ஸதீ”தி ஸங்ஹனதி. “வேத³யதீ”தி விதி³தங் கரோதி. தங் தங் ஆரம்மணங் லக்³க³னவஸேன பு⁴ஸங் நஹதி ப³ந்த⁴தி, முஞ்சிதுங் ந தே³தீதி தண்ஹாதிபி யுஜ்ஜதி. “உபாதி³யதீ”தி த³ள்ஹங் க³ண்ஹாதி. தேனாஹ “அமுஞ்சக்³கா³ஹங் க³ண்ஹாதீ”தி. ப⁴வதீதி ப⁴வோ. உபபத்திப⁴வோ. ப⁴வந்தி ஏதேனாதி ப⁴வோ. கம்மப⁴வோ. “ஜனநங்”தி அபி⁴னவஸ்ஸ பாதுப³ப⁴வனங். “ஜீரணங்”தி அபி⁴னவபா⁴வதோ ஹாயனங். “ஸோசனங்”தி சித்தஸந்தாபனங். “பரிதே³வனங்”தி ரோத³னங். “து³க்க²ங்”தி காயருஜ்ஜனங். “தோ³மனஸ்ஸங்”தி சித்தருஜ்ஜனங். “விஸீத³னங்”தி பா³ள்ஹங் சித்தகிலமத²பா⁴வேன விருபங் ஹுத்வா சித்தஸ்ஸஸீத³னங். தா²மப³லகி²ய்யனங். யதோ அஸ்ஸாஸபஸ்ஸாஸானங் விருபப்பவத்திவா தங்க²ணே ஸப்³ப³ஸோ உபருஜ்ஜ²னங் வா ஹோதீதி. “கேனசி ஸுகே²னா”தி து³க்க²ஸச்சதோ விமுத்தேன கேனசி ஸந்திஸுகே²ன.

“து³க்க²ப்படிச்சா²தி³கா”தி ப⁴யட்டே²ன து³க்க²பூ⁴தானங் தேபூ⁴மிக த⁴ம்மானங் து³க்க²பா⁴வப்படிச்சா²தி³கா. “ஸமுத³யப்படிச்சா²தி³கா”தி தண்ஹாய து³க்க² ஸமுத³ய பா⁴வப்படிச்சா²தி³கா. “நிரோத⁴ப்படிச்சா²தி³கா”தி தண்ஹானிரோத⁴ஸ்ஸேவ து³க்க²னிரோத⁴ பா⁴வப்படிச்சா²தி³கா. “மக்³க³ப்படிச்சா²தி³கா”தி அட்ட²ங்கீ³க மக்³க³ஸ்ஸேவ து³க்க²னிரோத⁴ மக்³க³பா⁴வப்படிச்சா²தி³கா. புப்³ப³ந்தோ வுச்சதி அதீதேகாலே ப⁴வபரம்பரா. அபரந்தோ வுச்சதி அனாக³தே ப⁴வபரம்பரா. புப்³ப³ந்தா பரந்தோ வுச்சதி தது³ப⁴யங். “படிச்சஸமுப்பாத³ப்படிச்சா²தி³கா”தி பச்சப்பன்னப⁴வே க²ந்தா⁴னங் படிச்சஸமுப்பாத³ப்படிச்சா²தி³கா. “ஸுத்தந்திகனயேனா”தி அபி⁴த⁴ம்மேபி விப⁴ங்கே³ ஸுத்தந்த பா⁴ஜனீயங் நாம ஆக³தங். தேன ஸுத்தந்த பா⁴ஜனீயனயேன. ஸாஸவா குஸலா குஸல சேதனா ஸங்கா²ரா நாமாதி யோஜனா. “அபி⁴த⁴ம்மனயேனா”தி விப⁴ங்கே³ அபி⁴த⁴ம்மபா⁴ஜனீயனயேன. அட்ட²கதா²பாடே². அவிஜ்ஜா கிரிய

த⁴ம்மானங் நேவ உபனிஸ்ஸய பச்சயத்தங் லப⁴தி. குஸலா குஸலமூலானி கிரிய த⁴ம்மானங் ந உபனிஸ்ஸய பச்சயத்தங் லப⁴ந்தீதி யோஜனா. கிரிய த⁴ம்மா அவிஜ்ஜாதோ ச குஸலா குஸல மூலேஹி ச உபனிஸ்ஸய பச்சயங் ந லப⁴ந்தீதி வுத்தங் ஹோதி. “பச்சயாகாரோ”தி படிச்ச ஸமுப்பாதோ³. “அவிஜ்ஜாவிராகா³”தி அவிஜ்ஜா விக்³மனதோ. தேஸங்பிகிரிய த⁴ம்மானங். விஞ்ஞாணாதீ³ஸுபி கிரிய விஞ்ஞாணங், கிரிய நாமங், கிரிய மனாயதனங், கிரியப²ஸ்ஸோ, கிரிய வேத³னாதி அத்தி²தாய “ஏஸனயோ விஞ்ஞாணாதீ³ஸுபீ”தி வுத்தங். “குஸலா குஸல விபாகஸம்பயுத்தங்”தி குஸல விஞ்ஞாண ஸம்பயுத்தங், அகுஸலவிஞ்ஞாணஸம்பயுத்தங் , விபாக விஞ்ஞாண ஸம்பயுத்தங். “தங் அனுபபன்னங்”தி பவத்திவிபாகவிஞ்ஞாண ஸஹக³தஸ்ஸ க²ந்த⁴த்தயஸ்ஸ தங் ஸஹஜாதஸ்ஸ சித்தஜ்ஞபஸ்ஸ ச அவஸிட்ட²த்தா தங் ந ஸம்பன்னங்தி அத்தோ². தத்த² ஹி விஞ்ஞாணபதே³ பவத்திவஸேன த்³வத்திங்ஸவித⁴ங் விபாகசித்தங் விஞ்ஞாணங் நாமாதி வுத்தங். ஏவஞ்சஸதி, நாம ரூபபதே³பி பவத்திவஸேன தது³ப⁴யங் பவத்திவிஞ்ஞாணஸஹக³தங்பி க³ஹேதப்³மேவாதி. “தங் தங் விஞ்ஞாண ஸம்பயுத்தா”தி படிஸந்தி⁴விஞ்ஞாண பவத்தி விஞ்ஞாணஸம்பயுத்தா. “தண்ஹுபாதா³னானிபாகடானீ”தி ச² தண்ஹா ரூபதண்ஹா ஸத்³தண்ஹாதி³வஸேன. சத்தாரி உபாதா³னானி காமுபாதா³னாதி³வஸேனாதி ஏவங் பாகடானியேவ. “லக்க²ணமத்தானீ”தி ஸங்க²த த⁴ம்மானங் ஸங்க²தபா⁴வஸல்லக்க²ண நிமித்தமத்தானி. “ஞாதிப்³யஸனாதீ³ஹி”தி ஞாதிவினாஸனாதீ³ஹி. “ஞாதிப்³யஸனாதி³னிமித்தங்”தி ஞாதிவினாஸனாதி³காரணா.

“க²ந்த⁴து³க்கே²”தி பச்சக்க²ந்த⁴ஸங்கா²தே து³க்க²ஸச்சே. க²ந்த⁴ப்பவத்தி மக்³கோ³ நாம தண்ஹாஸமுத³யோ ஏவ. க²ந்த⁴னிரோத⁴ மக்³கோ³ நாம அரியமக்³கோ³. “க²ந்த⁴ ஸமுத³யபூ⁴தா”தி க²ந்த⁴ப்பவத்தியா காரணபூ⁴தா. “அவிஜ்ஜானி வுடானங்”தி அவிஜ்ஜாயனீவாரிதானங் பிஹிதானங். “அப்பஹீன ப⁴வாபி⁴லாஸானங்”தி மக்³கே³ன அப்பஹீன ப⁴வபத்த²னானங். அப்பஹீனப⁴வதண்ஹானந்தி வுத்தங் ஹோதி. “விப³ந்தோ⁴”தி அந்தராயோ. “உத³யபூ⁴தானங்”தி வட்³டி⁴பூ⁴தானங். “அவஸ்ஸயோ”தி நிஸ்ஸயோ. ஸுக²வேத³னா விஸேஸதோ தண்ஹாய பச்சயோ ஹோதீதி வுத்தங் “ஸுக²வேத³னாஸதி³ஸோ”திஆதி³. தோ³மனஸ்ஸானங் பன தஸ்ஸா பச்சயபா⁴வோ பரதோ பரியெட்டி²தண்ஹாயங் பாகடோ ப⁴விஸ்ஸதி. உபெக்கா² வேத³னாபி து³க்கே²ன பீளிதஸ்ஸ ஸுக²டா²னே திட்ட²தி. ஸுக²ங் விய தங் பத்தே²தீதி. ஸமுதா³ சரித்வா பரிசயித்வா. “தண்ஹா ஏவா”தி காமதண்ஹா ஏவ. “அத்தனி சா”தி தி³ட்டி²யஞ்சாதி அதி⁴ப்பாயோ. “அத்தனோ ஆரம்மணேஸு”தி அத்த ஜீவ லோகாதீ³ஸு தி³ட்டி²யாக³ஹிதா ரம்மணேஸு. “அஸ்ஸாத³ன க²மனரோசனபூ⁴தாயா”தி ஸாது⁴வதாயங் மமத³ஸ்ஸனந்தி ஏவங் ரஜ்ஜன துஸ்ஸன கந்திபூ⁴தாய. “உபாதா³னியஸ்ஸா”தி த³ஸ்ஹங்

க³ஹேதப்³புஸ்ஸ. “அத்த²ஸ்ஸா”தி அத்தனோ அத்தாதி³கஸ்ஸ அத்த²ஸ்ஸ.
கா³தா²யங் .“ப⁴வங் ஹோதீ”தி ப⁴வந்தோ வட்³ட⁴ந்தோ ஹோதி.
“பராப⁴வோ”தி வினாஸந்தோ.

“அத்³தா⁴னவந்தே த⁴ம்மே”தி தேகாலிகஸங்க²த த⁴ம்மே. அபதமானே
கத்வாதி பாட²ஸேஸோ. யதா² உபாதா³னங்தி தி³ஸ்வா உபாதா³ரூபங்தி பதே³
ஆதா³ஸத்³தோ³ விஞ்ஞாயதி. ந உபு³ப³ பத³ஸத்³தோ³. இதரதா² உபாதா³னந்தி
நஸிஜ்ஜ²தி. ஏவங் அத்³தா⁴, அத்³தா⁴ன, பதே³ஸுபி. தேனாஹ
“அத்³தா⁴னங்”தி நஸிஜ்ஜ²தீதி. ஸங்கி²பந்தி வீஸதாகாரா ஏதேஸூதி
ஸங்கே²பா. ஸங்க³ஹா. “வட்டத⁴ம்மா”தி ஸங்கா²ராத³யோ த⁴ம்மா.
“எத்தா²”தி ஏதாஸு அவிஜ்ஜாதண்ஹாஸு. கத²ங் திட்ட²ந்தீதி ஆஹ
“ததா³யத்தவத்திதாயா”தி. “பதிட்டா²”தி ஸுப்பதிட்டி²தட்டா²னானி. “பப⁴வா”தி
வட்டத⁴ம்மபரம்பரப்பவத்தியா மூல பதா⁴ன காரணானி. தத்த² ஹேது ச
தே³ஸேதப்³போ³ ஹோதி. இதரதா² இஸ்ஸரனிம்மானதி³ட்டி² அஹேதுக
தி³ட்டி²னங் ஓகாஸோ ஸியாதி. ப²லஞ்ச தே³ஸேதப்³புங் ஹோதி. இதரதா²
உச்சே²த³தி³ட்டி²யா ஓகாஸோ ஸியாதி. “அத்³து⁴னோ”தி தீ³க⁴காலஸ்ஸ.
“நிவத்தேதீ”தி ஸமுச்சி²ந்த³தி. “அஹேது அபச்சயா ஸத்தா பவத்தந்தீ”தி
பு³ப³ஹேதுரஹிதா பு³ப³பச்சயரஹிதா ஹுத்வா இமேஸத்தா பவத்தந்தி.
“அவிஜ்ஜாதீ³ஹி ஸாதே⁴தப்³போ³ ந ஹோதீ”தி ப⁴வபரம்பராஸு நிச்சோ
ஹுத்வா ஸந்தா⁴வந்தஸ்ஸ அவிஜ்ஜாதீ³ஹி கத்தப்³ப³ கிச்சங் ந ஹோதீதி
அதி⁴ப்பாயோ. “கேஸஞ்சி ந ஸம்ப⁴வந்தியேவா”தி அனாகா³மீனங்
அரஹந்தானஞ்ச ந ஸம்ப⁴வந்தியேவ. மஹாஆதீ³னவராஸித³ஸ்ஸனத்த²ங்
ஸோகாதி³வசனங் ஹோதீதி யோஜனா. “தேஸங்”தி அஞ்ஞேஸங் பச்சயானங்.
“லத்³தா⁴”தி அத்த²தோ லத்³தா⁴. “தத³வினாபா⁴விபா⁴வலக்க²ணேனா”தி
எத்த² தேன தேன பச்சயேன அவினாபா⁴வீனங் பா⁴வோ, ஸோ ஏவ
லக்க²ணந்தி விக்³க³ஹோ. “பரத்த² பீ”தி இதோ பரேஸு தண்ஹுபாதா³ன
ப⁴வக்³க³ஹணேனாதிஆதீ³ஸுபி. “ஆதி³தோ”திஆதி³ம்ஹி. விபா⁴வனிபாடே².
“கிலேஸபா⁴வஸாமஞ்ஞுதோ”தி கிலேஸபா⁴வேன ஸமானத்தா ஸதி³ஸத்தா.
“லக்கி²தப்³ப³ த⁴ம்மேஹீ”தி விஞ்ஞாணாதீ³ஹி. “பத²மேன து³தீயஸ்ஸா”தி
பத²மஸங்கே²பேன ஸத்³தி⁴ங் து³தீயஸ்ஸ ஸங்கே²பஸ்ஸ ஏகா
ஸந்தீ⁴திஆதி³னா யோஜேதப்³புங். “லோகஸ்ஸ பாகட வோஹாரேனா”தி
கிலேஸத⁴ம்மா கம்மத⁴ம்மா ச லோகே ஹேதுதி பாகடா ஹொந்தி.
விபாகத⁴ம்மா பன ப²லந்தி பாகடா. ஏவங் லோகே பாகட வோஹாரேன. இத⁴
பன கிலேஸத⁴ம்மகம்மத⁴ம்மா வா ஹொந்து, விபாகத⁴ம்மா வா, யோ யோ
பச்சயபக்கே² டி²தோ, ஸோ ஸோ ஹேதுதிபி வத்தப்³போ³யேவ. யோ யோ
பச்சயுப்பன்ன பக்கே² டி²தோ, ஸோ ஸோ ப²லந்தித³ஸ்ஸெந்தோ
“ஹேதுப²லஸத்த³தா³பனா”திஆதி³மாஹ. அட்ட²கதா² பாடே². “ஸஜ்ஜந்தஸ்ஸா”தி
ஸங்வித³ஹந்தஸ்ஸ. “ஆயுஹன ஸங்கா²ரா நாமா”திஆதி³தோ பட்டா²ய
ஸமுச்சயனஸங்கா²ரா நாம. “த³க்கி²ணங்”தி தா³னவத்து²ங். த³க்கி²ணோத³கங்

வா. “எத்த² சா”தி இமஸ்மிங் ததீயபஞ்சகே ச. “வுத்தனயேனே வா”தி
 பத²மபஞ்சகே வுத்தனயேனேவ. விபா⁴வனிபாடே². “ஆயதிங் படிஸந்தி⁴யா
 பச்சயசேதனா ப⁴வோ நாமா”தி இத³ங் உத்³தே³ஸபாளியங்
 யதா²தி³ட்ட²பாட²வஸேனேவ வுத்தங். ததா² புரிமகம்மப⁴வஸ்மிங் இத⁴
 படிஸந்தி⁴யா பச்சயசேதனா ஸங்கா²ரா நாமாதி இத³ஞ்ச. இத⁴ பன
 புப்³பே³யேவ த்³வீஸு⁴ஹேதுபஞ்சகேஸு த்³வின்னங் ஸங்கா²ர கம்மப⁴வானங்
 ஸங்க³ஹிதத்தா அட்ட²கதா²யங் வுத்தனயேனேவ த்³வின்னங் ஸங்கா²ர
 கம்மப⁴வானங் விஸேஸோ யுத்தோ. தேனாஹ “தங் இத⁴ ந யஜ்ஜதீ”தி.
 “ஸங்க³ஹிதத்தா”தி புப்³பே³யேவ ஸங்க³ஹிதத்தா. “ஏதங்”தி விபா⁴வனி
 வசனங். “த⁴ம்மவிபா⁴க³ரக்க²ணத்த²ங்”தி விப⁴ங்கே³ ப⁴வபதே³
 உபபத்திப⁴வஸ்ஸபி விப⁴த்தத்தா ஏவங் விப⁴த்தஸ்ஸ
 த⁴ம்மவிபா⁴க³ஸ்ஸ ரக்க²ணத்த²ங். ப²லபஞ்சகதோ அனஞ்ஞங்பி
 உபபத்திப⁴வங் அஞ்ஞங்விய கத்வா ‘உபபத்திப⁴வஸங்கா²தோ
 ப⁴வேகதே³ஸோ’தி வுத்தங். ஸோ ச உபபத்திப⁴வோ நாம
 பச்சப்பன்னஹேதுஹி நிப்³புத்தத்தா சதுத்தே² ப²லபஞ்சகே ஏவ ஸங்க³ஹிதோ.
 தஸ்மா தேன உபபத்திப⁴வஸத்³தே³ன சதுத்த² பஞ்சகமேவ க³ஹிதந்தி யுத்தங்.
 இதரதா² த்³வே ப²லபஞ்சகானி விபாகவட்டந்தி வுத்தே ஸித்³த⁴மேவ ஹோதி.
 ஏவஞ்சஸதி அவஸேஸா சாதி எத்த² து³தீயப²லபஞ்சகமேவ அவஸிட்ட²ங்
 ஹோதீதி த³ட்ட²ப்³பங். “அவிஜ்ஜா நாம மோஹோ, ஸோ ச அகுஸல
 மூல”ந்திஆதி³ அபி⁴த⁴ம்மே மூலயமகே மூலனாமேன ஆக³தத்தா வுத்தங்.
 த்³வீஸுபனப⁴வ சக்கேஸு புரிமசக்கே அவிஜ்ஜா ஆதி³ ஹோதி. பச்சி²மசக்கே
 தண்ஹா. ஆதி³ ச நாம மூலந்தி ச ஸீஸந்தி ச வத்துங் வட்டதீதி பரியாயங்
 த³ஸ்ஸேதுங் “அத²வா”திஆதி³ வுத்தங். “ஆக³மனஸம்பா⁴ரேஸு”தி
 அதீதப⁴வதோ இமங்ப⁴வங் ஆக³மனஸம்பா⁴ரேஸு. தண்ஹா ஏவ ஸீஸங்
 கத்வா வுத்தாதி யோஜனா. “தேஸங் அந்தரே”தி அவிஜ்ஜாஸங்கா²ரானங்
 அந்தரே. தண்ஹாய ஓகாஸோ நத்தீ²தி கஸ்மா வுத்தங். நனு அவிஜ்ஜாய ஸதி,
 தண்ஹா நாம ஏகந்தேன ஸம்ப⁴வதியேவ. ஸா ச ஸங்கா²ரானங்
 ப³லவபச்சயோ ஹோதி. தஸ்மா ஸா அவிஜ்ஜா பச்சயா தண்ஹா, தண்ஹா
 பச்சயா ஸங்கா²ராதி வத்தப்³பா³ ஸியாதி. தங் பரிஹரிதுங்
 “அயஞ்ஹீ”திஆதி³வுத்தங். படிலோமபடிச்சஸமுப்பாதோ³ நாம
 அவிஜ்ஜானிரோதா⁴ ஸங்கா²ரனிரோதோ⁴தி ஏவங் பவத்தோ
 படிச்சஸமுப்பாதோ³. “ஜராமரணமுச்ச²யாதிஆதி³ நவத்தப்³பங் ஸியா”தி
 ஜராமரணமுச்ச²யாதிஆதி³வசனங் அனுலோமபடிச்சஸமுப்பாத³ ஸம்ப³ந்த⁴
 வசனந்தி கத்வா வுத்தங். “உபரிவட்டமூல த⁴ம்மப்படிபாத³கானங்”தி உபரி
 து³தியானாக³தபா⁴வாதீ³ஸு அவிஜ்ஜாதண்ஹா ஸங்கா²தானங்
 வட்டமூலத⁴ம்மானங் நியோஜகானங். “தே பீ”தி ஸோகாத³யோ
 து³க்க²த⁴ம்மாபி. “ஆஸவஸம்பூ⁴தா”தி ஆஸவேஹி ஸம்பூ⁴தா ஸஞ்ஜாதா.
 “தேஸங்”தி ஸோகாதீ³னங் து³க்க²த⁴ம்மானங். “ஜராமரணங்கே³ க³ஹணங்”தி

த³வாத³ஸஸு அங்கே³ஸு ஜராமரணங்கே³ ஸங்க³ஹணங். “பவட்³ட⁴தீ”தி பு⁴ஸங் வட்³ட⁴தி. “ஆஸவஸமுத³யா”தி ஆஸவஸமுப்பாதா³.

“அவிஜ்ஜாஸமுத³யோ”தி அவிஜ்ஜாஸமுப்பாதோ³.

“அவிஜ்ஜாபச்சயாஸங்கா²ராதீ”தி எத்த² இதிஸத்³தோ³ ஆதி³அத்தோ².

“நானாப்³யஸன பு²ட்ட²ஸ்ஸா”தி ஞாதிப்³யஸனாதீ³ஹி நானாப்³யஸனேஹி பு²ட்ட²ஸ்ஸ, விஹிங்ஸிதஸ்ஸ. “யதோ”தி யங் காரணா, அவிஜ்ஜாதண்ஹானங் வட்³ட⁴னகாரணா. “வட்டங்”தி ஸங்கா²ராதீ³கங் ப⁴வசக்கங். ஸங்முய்ஹனங் ஸம்மோஹோ. பரியேஸனங் பரியெட்டி². விபச்சதீதி விபாகோ. விபாகோ ஏவ வேபக்கங். ஸம்மோஹோ வேபக்கங் அஸ்ஸாதி ஸம்மோஹவேபக்கங். ததா² பரியெட்டி²வே பக்கஞ்சாதி இமமத்த²ங் த³ஸ்ஸேதி “தது³ப⁴யங்”திஆதி³னா. தது³ப⁴யங் விபாகங் ஏதஸ்ஸாதி கத்வா து³க்க²ங் ஸம்மோஹவேபக்கந்தி ச பரியெட்டி²வேபக்கந்தி ச வச்சதீதி யோஜனா. அபி ச, ஸம்மோஹங் விபாசேதி ஸஞ்ஜனேதீதி ஸம்மோஹ வேபக்கங். ஏவங் பரியெட்டி²வேபக்கந்திபி யுஜ்ஜதி. “கிச்சங்”தி கஸிரங் து³க்க²ங் ஆபன்னோ. “மிய்யதீ”தி மரதி. “ச வதீ”தி ஸங்கமதி. “உபபஜ்ஜதீ”தி ப⁴வந்தரங் உபேதி. “அத² ச பனா”தி ஏவங்பு⁴தஸ்ஸ ஸதோ. “ஜராமரணஸ்ஸா”தி ஜராமரண ஸங்கா²தஸ்ஸ இமஸ்ஸ து³க்க²ஸ்ஸாதி ஸம்ப³ந்தோ⁴. “நிஸ்ஸரணங்”தி நிக்³க³மனங். “நப்பஜானாதீ”தி அயங் லோகோ நப்பஜானாதி. “ஆக³தியா”தி இமஸ்மிங் ப⁴வே

படிஸந்தி⁴விஞ்ஞாணுப்பத்திவஸேன ஆக³மனேன. “க³தியா சா”தி அனாக³தப⁴வே ஜாதிபாதுப்³பா⁴வவஸேன க³மனேன ச. ஆதி³ஸங்கா²தோ பு³ப³பரியந்தோ யஸ்ஸ அத்தீ²திஆதி³மந்தங். ந ஆதி³மந்தங் அனாதி³மந்தங். “வட்டப்பவத்தஸ்ஸா”தி திவித⁴வட்டஸங்கா²தஸ்ஸ பப³ந்த⁴ப்பவத்தஸ்ஸ. ஜாதியா வத்தாய ஸப்³பா³னி தஸ்ஸா நிதா³னானி வத்தானி ஏவ ஹோந்தீதி கத்வா “ஜாதியா ஏவ வா”தி வத்தங். “இச்சேவங்”தி இதி ஏவங். தத்த² அவிஜ்ஜாபச்சயா ஸங்கா²ராதீ³ஆதி³னா நயேன பட்ட²பேஸி மஹாமுனீதி ஸம்ப³ந்தோ⁴. ஆசரிய வாதே³பன “இச்சேவங்”தி ஜராமரண முச்சா²யாதிஆதி³னானயேன. ஆப³ந்த⁴ங் அனாதி³கந்தி ஸம்ப³ந்தோ⁴. இத⁴பி தமேவ ஸம்ப³ந்த⁴ங் க³ஹேத்வா யோஜேதி “இச்சேவங் ஆப³ந்த⁴ந்தி. ல. புனப்புனங் ஆப³ந்த⁴ங்”தி. அவிஜ்ஜா ஆதி³ம்ஹி வத்தா. தஸ்மா ஸா ஸயங் அஹேது அபச்சயா ஹுத்வா வட்டஸ்ஸ ஆதி³பச்சயபு⁴தா ஹோதீதி சோத³னா. தங் பரிஹரதி “வட்டஸ்ஸா”திஆதி³னா. “வட்டகதா²ய ஸீஸபு⁴தத்தா”தி வட்டஸ்ஸ ஆதி³னாம நத்தி². தஸ்ஸ பன பவத்தி நிவத்தியோ அத்தி². ஜானந்தேஹி தாஸங் பகாஸனத்தா²ய படிச்சஸமுப்பாத³கதா²னாம வட்டகதா² ஏகந்தேன கதே²தப்³பா³ ஹோதி. கதே²ந்தேஹி ச வட்டத⁴ம்மானங் மஜ்ஜே² கதமஸ்ஸ த⁴ம்மஸ்ஸ கிச்சங் வட்டப்பவத்தத்தா²ய பதா⁴னதரங் ஹோதீதி ஜானிதப்³ப³ங் ஹோதி. ததா³ கிச்சவஸேன பதா⁴னதரங் ஏகங் த⁴ம்மங் மூலங் ஸீஸங் கத்வா வட்டகதா² கதே²தப்³பா³தி. இத³ங் வட்டகதா²ய ஸீஸங் நாம. தத்த² அவிஜ்ஜா நாம

மோஹோ. ஸோ ச முய்ஹனகிரியா. அந்த⁴பா⁴வகரணஞ்சஸ்ஸ கிச்சங். ந ச பஞ்ஞா சக்கு²ஸ்ஸ அந்த⁴பா⁴வகரண ஸதி³ஸ்ங் அஞ்ஞங் வட்டஸ்ஸ பவத்தத்தா²ய பதா⁴னகிச்சங் நாம அத்தி². தஸ்மா அவிஜ்ஜா ஏவெத்த² ஸப்³ப்பதா⁴ன கிச்சத்தா வட்டகதா²ய ஸீஸபூ⁴தா ஹோதி. ஏவங் வட்டகதா²ய ஸீஸபூ⁴தத்தா ஸா ஆதி³ம்ஹி வுத்தாதி. “அனாதி³கபா⁴வோ ஏவ த³ஸ்ஸிதோ”தி அனாதி³கபா⁴வோ த³ஸ்ஸிதோ ஏவ. நோ ந த³ஸ்ஸிதோதி அத்தோ². இதி ஏதங் அத்த²ஜாதங் பச்சக்க²தோ ஸித்த³த⁴ங். “இதா⁴”தி இமஸ்மிங்ப⁴வே. “தஸ்ஸா”தி அதீத ப⁴வபரியாபன்னாய அவிஜ்ஜாய. “அஞ்ஞாய அவிஜ்ஜாய ஏவா”தி அதீதப⁴வதோபி புரிமப⁴வே ஸித்த³தா⁴ய அஞ்ஞாய அவிஜ்ஜாய ஏவ. “தஸ்ஸாபீ”தி புரிமதரப⁴வே அவிஜ்ஜாயபி. “அத்தபா⁴வோ”தி புரிமதரோ அத்தபா⁴வோ. “பதா⁴ன பச்சயபூ⁴தத்தா”தி புப்³பே³ வுத்தனயேன அந்த⁴பா⁴வகரண கிச்சத்தா வட்டப்பவத்தியா பதா⁴ன பச்சயபூ⁴தா ஹோதி. ஏவங் பதா⁴னபச்சயபூ⁴தத்தா. “தஸ்ஸ தஸ்ஸாதி நிட்டா²னமேவ ந பஞ்ஞாயெய்யா”தி தஸ்ஸ பச்சயஸ்ஸ பச்சயோ வத்தப்³போ³. தஸ்ஸபி பச்சயஸ்ஸ பச்சயோ வத்தப்³போ³தி ஏவங் வஸ்ஸஸதம்பி வஸ்ஸஸஹஸ்ஸங்பி நிட்டா²னமேவ ந பஞ்ஞாயெய்ய. “வுத்தோயேவா”தி அவிஜ்ஜாய பச்சயோ வுத்தோயேவ. “பஞ்சனீவரணாதிஸ்ஸவசனீயங்”தி பஞ்சனீவரண த⁴ம்மா அவிஜ்ஜாய ஆஹாரோதி வசனீயங் ப⁴வெய்ய. தத்த² “ஆஹாரோ”தி ப³லவபச்சயோ வுச்சதீதி.

படிச்சஸமுப்பாத³னயானுதீ³பனா நிட்டி²தா.

167. பட்டா²னநயே. “ஹேது ச ஸோ பச்சயோ சா”தி எத்த² லோபோ⁴ ஹேதுஜாதிகத்தா ஹேது ச ஹோதி. ஆரம்மணானந்தராதி³ பச்சயேன அஞ்ஞத⁴ம்மஸ்ஸ பச்சயோ ச ஹோதீதி அத்த²ஸ்ஸ ஸம்ப⁴வதோ “ஹேது ஹுத்வா பச்சயோ”தி வண்ணேதி. ஏவங் வண்ணிதேபி “ஹேது ஹுத்வா பச்சயோ”தி ஹேது ஹொந்தோ பச்சயோதி அத்தே² ஸதி, ஸோ யேவத்தோ² ஸம்ப⁴வதீதி “புன ஹேதுபா⁴வேன பச்சயோ”தி வண்ணேதி. எத்த² ஸியா, ஹேது ச ஸோ பச்சயோ சாதி எத்த² பத³ த்³வயங் ஏகத⁴ம்மாதி⁴கரணத்தா துல்யாதி⁴கரணங் ஹோதி. ஹேதுபா⁴வேன பச்சயோதி எத்த² பன பத³த்³வயங் துல்யாதி⁴கரணங் ந ஹோதி. புரிம பத³ஞ்ஹி த⁴ம்ம பா⁴வப்பதா⁴னங், பச்சி²மங் த⁴ம்மப்பதா⁴னந்தி. ஏவங் ஸந்தே துல்யாதி⁴கரணங் வாக்க்யங் பி⁴ன்னாதி⁴கரணங் கத்வா வண்ணேதீதி ந யுத்தமேதந்தி. நோ ந யுத்தங். முக்²யோபசாரமத்தேன நானத்த²த்தா. பச்சி²மவாக்க்யங்ஹி முக்²யவசனங். புரிமவாக்க்யங் உபசார வசனங். உபசாரவசனே ச உபசாரத்தோ² யுஜ்ஜதி. முக்²யவசனே முக்²யத்தோ²தி. “ஹெட்டா²வுத்தமேவா”தி பகிண்ணகஸங்க³ஹே வுத்தமேவ. ஹினொந்தி எத்தா²தி ஹேது. ஹினொந்தி ஏதேனாதி ஹேது. தத்த² “ஹினொந்தீ”தி ஸுட்டு²பதிட்ட²ஹந்தி. கே பதிட்ட²ஹந்தீதி ஆஹ “ஸஹஜாத த⁴ம்மா”தி.

கத²ஞ்ச ஸுட்டு²பதிட்ட²ஹந்தீதி ஆஹ “வுத்³தி⁴ விருள்ஹி
வேபுல்லபத்தவஸேனா”தி. கஸ்மா தே ஸுட்டு² பதிட்ட²ஹந்தீதி.
பதிட்ட²தட்டா²னஸ்ஸ பதிட்ட²தகாரணஸ்ஸ வா தா²மப³லஸம்பன்னத்தாதி
த³ஸ்ஸேதுங் “ஆரம்மணே த³ஹ்னிபாதினா தா²மப³லஸம்பன்னேனா”தி
வுத்தங். ஹேதுவிஸேஸனஞ்சேதங். ஆரம்மணே த³ஹ்னிபாதிம்ஹி
தா²மப³லஸம்பன்னே எத்த² த⁴ம்மேதிபி யோஜேதப்³பங். உபகாரகோதி ச
உபலத்³தி⁴யேவாதி ஸம்ப³ந்தோ⁴. “யாதி³ஸேனஸபா⁴வேனா”தி
ஹேதுபா⁴வாதி³ஸபா⁴வேன. “உபலத்³தி⁴யேவா”தி கஸ்மா வுத்தங். நனு
உபகாரக ஸத்³தோ³ கத்தாரங் வா காரேதாரங் வா வத³தீதி. வோஹாரமத்தேன
வத³தி. த⁴ம்மதோ பன கத்தா வா காரேதா வா நத்தீ²தி த³ஸ்ஸேதுங் “ந ஹி
ஸபா⁴வ த⁴ம்மேஸு”திஆதி³மாஹ. யதி³ த⁴ம்மதோ கத்தாவா காரேதாவா
நத்தி². கஸ்மா உபகாரகோதி வுச்சதீதி ஆஹ “ததா² உபலத்³தி⁴யங்
பனா”திஆதி³ங்.

ஆரம்மணபச்சயே. “அஜ்ஜோ²லம்ப³மானா”தி ஆரம்மண கரணவஸேன
அதி⁴ஓலம்ப³மானா. “ஆரம்மணபா⁴வேனா”தி கோ³சரவிஸயபா⁴வேன.

அதி⁴பதிபச்சயே. “க³ருகதா”தி அஸ்ஸாத³னாபி⁴னந்த³னாதி³வஸேன வா
ஸத்³தா⁴பஸாதா³தி³வஸேன வா க³ருகதா. “ஸாமினோ விய தா³ஸே”தி
ஸாமினோ அத்தனோதா³ஸே அத்தனோவஸே வத்தயமானா விய.
ஸஹஜாதாதி⁴பதி பன ஹெட்டா² ஸமுச்சய ஸங்க³ஹே வுத்தோதி இத⁴ ந
வுத்தோ.

அனந்தரபச்சயத்³வயே. “அந்தரங்”தி சித்³த³ங் விவரங். “ஸந்தானங்”தி
சித்தஸந்தானங். “ஸந்தானானுப³ந்த⁴வஸேனா”தி சித்தஸந்தானங் புனப்புனங்
ப³ந்த⁴னவஸேன. உப்பாத³னந்தி ஸம்ப³ந்தோ⁴. “த⁴ம்மந்தரஸ்ஸா”தி
நாமக்க³ந்த⁴ த⁴ம்மந்தரஸ்ஸ. “அனந்தர பச்சயதா”தி அனந்தரபச்சய கிச்சந்தி
வுத்தங் ஹோதி. யங் கிஞ்சி த⁴ம்மந்தரங். “புரிமபச்சி²மபா⁴க³ப்பவத்தானங்”தி
நிரோத⁴ஸ்ஸ அஸஞ்ஞீப⁴வஸ்ஸ ச புரிமபா⁴கே³ ச பச்சி²மபா⁴கே³ ச
பவத்தானங். “சித்துப்பாதா³னங் பீ”தி நிரோத⁴ஸ்ஸ புப்³பா⁴கே³
நேவஸஞ்ஞானாஸஞ்ஞாயதன குஸல க்ரிய சித்துப்பாதா³னங். பச்சா²பா⁴கே³
அனாகா³மிப²ல அரஹத்தப²லசித்துப்பாதா³னங் . அஸஞ்ஞீப⁴வஸ்ஸ
புப்³பா⁴கே³ காமப⁴வே சுதி சித்துப்பாதா³னங். பச்சா²பா⁴கே³ காமப⁴வே
ஏவ படிஸந்தி⁴ சித்துப்பாதா³னங். தேஸு பன கத²ங் அனந்தரங் நாம ஸியா.
த்³வின்னங் த்³வின்னங் புரிமபா⁴க³ பச்சி²ம பா⁴கா³னங் மஜ்ஜே² அசித்தகஸ்ஸ
காலஸ்ஸ அசித்தகஸ்ஸ ரூபஸந்தானஸ்ஸ ச அந்தரிகத்தாதி சோத³னா. தங்
பரிஹரிதுங் “ந ஹி அபா⁴வபு⁴தோ”திஆதி³ வுத்தங். “தேஸங்”தி த்³வின்னங்
த்³வின்னங் சித்துப்பாதா³னங். ரூபத⁴ம்மோ அந்தரங் ந ச கரோதி நாம.
அரூபத⁴ம்மானங் அனந்தரதா நாமாதிஆதி³னா யோஜனா ஹோதி.

“ததா²பவத்தன ஸமத்த²தா”தி ஏகீபூ⁴தானங் விய அத்தனோ அனந்தரே
த⁴ம்மந்தரங் உப்பாத³னே ஸமத்த²தா.

ஸஹஜாதபச்சயே. “யே பன த⁴ம்மா”தி பச்சயுப்பன்ன த⁴ம்மா. “அத்தனீ”தி
பச்சய த⁴ம்மோ வுச்சதி.

“அஞ்ஞமஞ்ஞங் உபத்த²ம்ப⁴ந்தங் தித³ண்ட³ங் வியா”தி பூ⁴மியங்
அஞ்ஞமஞ்ஞங் நிஸ்ஸாய உஸ்ஸிதா தயோத³ண்டா³ அஞ்ஞமஞ்ஞங்
உபத்த²ம்ப⁴ந்தா விய. “புரிமேனா”தி புரிமேன ஸஹஜாத பச்சயேன. “இதரீதரோ
பத்த²ம்ப⁴னங்”தி அஞ்ஞமஞ்ஞோ பத்த²ம்ப⁴னங்.

“ஸுதோ³”தி ப⁴த்தகாரகோ. “உக்க²லீ”தி ப⁴த்தபசனகும்பீ⁴.
“வுட்டி²தா⁴ரா”தி மேக⁴வுட்டி²தா⁴ரா. “உபனிஸ்ஸயோ”தி ப⁴த்துப்பத்தியா
உபனிஸ்ஸயோ. “தாஸு அஸதீ”தி ஸாலிக்கெ²த்த வுட்டி²தா⁴ராஸு அஸதி.
“ப³லவதரட்டே²னா”தி ப³லவதரனிஸ்ஸயட்டே²ன. “பகதூபனிஸ்ஸயோ”தி எத்த²
“பகதோ”தி பு⁴ஸங் கதோ. தேனாஹ “ஸுட்டு²கதோ”தி. கரணஞ்ச அத்தனோ
ஸந்தானே ஸுட்டு²உப்பாத³னஞ்ச ஸுட்டு²உபஸேவனஞ்ச த³ட்ட²ப³ப³ந்தி
ஸம்ப³ந்தோ⁴. “வுத்தப்பகாரேனா”தி யதா² கதே ஸதீதிஆதி³னா வுத்தப்பகாரேன.

“நிஸ்ஸயாரம்மண த⁴ம்மா ஏவா”தி நிஸ்ஸய பச்சய த⁴ம்ம ஆரம்மண
பச்சய த⁴ம்மா ஏவ. “புரேஜாததாமத்தவிஸிட்டா²”தி எத்த² மத்தஸத்தே³ன
நிஸ்ஸயாரம்மணஸத்திதோ விஸுங் புரேஜாதஸத்தி நாம நத்தீ²தி த³ஸ்ஸேதி.
விஸுங் புரேஜாதஸத்தி நாம அத்தீ²திபி வத³ந்தி. தங் வாத³ங் த³ஸ்ஸேதுங்
“ஆசரியானந்த³த்தே²ரேனா”திஆதி³மாஹ. எத்த² பஞ்சவத்தூ²னி ச
பஞ்சாரம்மணானி ச புரேஜாதத்தா ஏவ ஸுட்டு²ப³லவதாய பஞ்சவிஞ்ஞாணானங்
வத்து² கிச்ச ஆரம்மண கிச்சானி ஸாதெ⁴ந்தி. ததா² ஹத³யவத்து² ச
மனோதா⁴து மனோவிஞ்ஞாணதா⁴தூ நந்தி. அயங் விஸுங் புரேஜாதஸத்தி
விஸேஸோதி வதெ³ய்ய. ஸச்சங். ஸுத்³த⁴மனோ த்³வாரேபன இத⁴ ட²த்வா
நிரயேஸு ஏவருபானி நிரயக்³கி³ருபானி அத்தி². இதா³னி தே³வேஸு ச
ஏவருபானி தி³ப³ப³ருபானி அத்தீ²தி சிந்தயந்தானம்பி, தேஸு புரே ஏவருபானி
உப்பஜ்ஜிங்ஸுதி வா, தேஸு அனாக³தே ஏவருபானி உப்பஜ்ஜிஸ்ஸந்தீதி வா
சிந்தயந்தானங்விதானி ருபானி நிப்³பி³ஸேஸானி ஹுத்வா
மனோவிஞ்ஞாணானங் ஆரம்மண பச்சயத்தங் க³ச்ச²ந்தி. தத்த² புரே ஜாதானி
ஹுத்வா ததா³ விஜ்ஜமானானி பச்சுப்பன்னருபானி ஆரம்மண புரேஜாதபச்சயோ.
இதரானி ஆரம்மண பச்சயோ ஏவ. ந செத்த² புரேஜாதானங் பச்சுப்பன்னருபானங்
புரேஜாதத்தேன விஸேஸோ அத்தி². ந ச தானி புரேஜாதபச்சயோ ந ஹொந்தி.
யதி³ விஸுங் புரேஜாதஸத்திவிஸேஸோ புரேஜாதபச்சயோதி வதெ³ய்ய. தானி
புரேஜாதபச்சயோ நாம ந ப⁴வெய்யுங். கஸ்மா, தாதி³ஸ்ஸஸ்ஸ விஸேஸஸ்ஸ
நத்தி²தாய. ந ச நப⁴வந்தி. கஸ்மா, புரேஜாதமத்தவிஸேஸஸ்ஸ அத்தி²தாய.

எத்த² வதெ³ய்யுங், பஞ்சத்³வாரேஸு பன புப்³பே³ வுத்தனயேன விஸுங்
 புரேஜாதஸத்திவிஸேஸோ தி³ஸ்ஸதீதி. கிஞ்சாபிதி³ஸ்ஸதி. ஸோ பன
 ப³ஹுவிதா⁴னங் நிஸ்ஸய பச்சய ஆரம்மணபச்சயானங் மஜ்ஜே² நிஸ்ஸய
 ஸத்திவிஸேஸோ ஏவ, ஆரம்மண ஸத்திவிஸேஸோ ஏவ சாதி. அபி ச
 விஸுங் புரேஜாத ஸத்திவிஸேஸோ நாம நத்தீ²தி இத³ங் யதா²வுத்தே
 ஸுத்³த⁴மனொத்³வாரே தப்³பி³ஸேஸாபா⁴வங் ஸந்தா⁴ய வுத்தங். விஸுங்
 புரேஜாத ஸத்திவிஸேஸோ நாம அத்தீ²தி இத³ங் பஞ்சத்³வாரேஸு
 தப்³பி³ஸேஸஸ்ஸ அத்தி²பா⁴வங் ஸந்தா⁴ய வுத்தந்தி. யங் ருச்சதி, தங்
 க³ஹேதப்³புங்.

பச்சா²ஜாதபச்சயே. “ருக்க²போதகானங் வியா”தி பச்சா² ஆஸிஞ்சியமானங்
 உத³கங் ருக்க²போதகானங் வுத்³த⁴விருஹ்பா⁴வங் பாபெத்வா
 உபத்த²ம்ப⁴னவஸேன உபகாரகோ வியாதி யோஜனா. ஆஹாரங் ஆஸிங்
 ஸதீதி ஆஹாராஸா. ஜிக⁴ச்சா², பிபாஸா, தண்ஹா. தாய ஸம்பயுத்தா
 சேதனாதி விக்³க³ஹோ. ஸா பன ஆஹாராஸா சேதனா உபத்த²ம்ப⁴தி
 யேவாதி ஸம்ப³ந்தோ⁴. “அயமத்தோ²”தி ‘ஸுபாகடேனா’திஆதி³னா வுத்தோ
 அயமத்தோ². ஸப்³பா³சேஸாவிசாரணா கி³ஜ்ஜோ²பமாய உபமாமத்தபா⁴வங்
 நீவாரேதா ஹோதீதி.

ஆஸேவந்தி தங் பச்சய த⁴ம்மங் பச்சயுப்பன்னா த⁴ம்மாதி ஆஸேவனங்.
 ஏதேன பு⁴ஸோ பச்சயுப்பன்ன த⁴ம்மேஹி ஆஸேவிதப்³புத்தா ஆஸேவனந்தி
 வுச்சதீதி த³ஸ்ஸேதீதி. “தங்”தி தங் புரிமங் புரிமங் பச்சய த⁴ம்மங்.
 “ப⁴ஜந்தீ”தி உபெந்தி. கே ப⁴ஜந்தீதி ஆஹ “அபராபரங் உப்பஜ்ஜமானா
 த⁴ம்மா”தி. “த⁴ம்மா”தி ச அனந்தருப்பன்னா சித்தசேதஸிகா த⁴ம்மா. கத²ஞ்ச
 தங் தேப⁴ஜந்தீதி ஆஹ “ஸுட்டு²ஸேவமானா விய ப⁴ஜமானா விய
 பவத்தந்தீ”தி. விய ஸத்³தே³ன லோகே கிஞ்சிஜனங் கேசிஜனா கேனசி அத்தே²ன
 ஸுட்டு²ஸேவந்தா வியாதி த³ஸ்ஸேதி. கத²ங் ஸுட்டு²ஸேவியமானா விய
 ஹோந்தீதி ஆஹ “தஸ்ஸ புரிமஸ்ஸா”திஆதி³ங். புரிமஸ்ஸ அனந்தரஸ்ஸ
 சித்துப்பாத³ஸ்ஸாதி அத்தோ². “ஸப்³புரிபுரங் ஆகாரங்”தி
 ஜவவேக³ஸஹிதேஹி விஜானந பு²ஸனாதீ³ஹி ஸாவஜ்ஜான வஜ்ஜாதீ³ஹி ச
 ஸப்³பே³ஹி ஜவனகு³ணேஹி பரிபுரங் ஆகாரங். “ஆஸேவேதீ”தி மங் ஸுட்டு²
 ஸேவதா²தி நியோஜெந்தங் விய ஹோதி. தேனாஹ “அத்தனோ
 வாஸங்”திஆதி³ங். தத்த² “வாஸங்”தி வாஸனங். “ஸுட்டு² கா³ஹாபேதீ”தி
 பரிபுண்ணங் தே³தீதி வுத்தங் ஹோதி. ஏதேன யதா² லோகே ஏகோ பரேஸங்
 யதி²ச்சி²தங் தே³தி. ஏவங் தெ³ந்தங் பன பரே ப⁴ஜந்தியேவ. மங் ப⁴ஜதா²தி
 நியோஜனகிச்சங் நத்தி². ஏவமேவ இத⁴பி ஸுட்டு²வாஸதா³னமேவ
 ப⁴ஜாபனங் நாமாதி த³ஸ்ஸேதி. “வட்³டே⁴தி வா”தி ஏதேன ஆஸேவனா
 பா⁴வனா வட்³ட⁴னாதி இமங்பரியாயத்த²ங் வத³தி. புரிமாபி⁴யோகோ³ நாம
 ஆதி³தோ பட்டா²ய ஸஜ்ஜா²யனாதி³கம்மேஸு யதா²ஸத்தி யதா²புலங் வா

யாமகரணங். ததா² கரொந்தஸ்ஸ தங் உக்³க³ஹண கம்மங் உபருபரி
பகு³ணபா⁴வங் க³ச்ச²தீதி. “ஆஸேவனட்டே²னா”தி வட்³டா⁴பனட்டே²ன,
உபகாரகோதி ஸம்ப³ந்தோ⁴. “ஸஜாதியானங்”தி குஸலாதி³பா⁴வேன
ஸமானஜாதிகானங்.

காயங்கா³பி⁴ஸங்க²ரணங் நாம காயஸஞ்சேதனாகிச்சங்.
வாசங்கா³பி⁴ஸங்க²ரணங் வசீஸஞ்சேதனாகிச்சங். சித்தங்கா³பி⁴ஸங்க²ரணங்
மனோஸஞ்சேதனாகிச்சங். “கிரியாபா⁴வேனா”தி த³ஸ்ஸனஸவனாதி³கிச்சேஸு
க³மனடா²ன நிஸஜ்ஜாதி³கிச்சேஸு ஸங்விதா⁴னகிரியாபா⁴வேன.
“வத்து²ம்ஹி”தி க³ப்ப⁴வத்து²ம்ஹி. யதா²வுத்தாபி⁴ஸங்க²ரணகிச்சங் நாம
காயங்க³வாசங்க³ சித்தங்கா³பி⁴ஸங்க²ரண கிச்சங்.
“தத³பி⁴ஸங்க²ரணவேக³ஜனிதங்”தி தஸ்ஸ காயங்கா³தி³கஸ்ஸ
அபி⁴ஸங்க²ரணவேகே³ன ஜனிதங் கிரியாவிலேஸஸ நிதா⁴னகிச்சந்தி
ஸம்ப³ந்தோ⁴. “ஸந்தானே”தி சித்தஸந்தானே.

விபச்சனபா⁴வோ ச நாம பாதுபா⁴வோதி ஸம்ப³ந்தோ⁴. நிருஸ்ஸாஹ
ஸந்தபா⁴வோ நாம குஸலா குஸலானங் விய
காயங்க³வாசங்கா³பி⁴ஸங்க²ரண கிச்சேஸு ச ஆயதிங் விபச்சன கிச்சேஸு ச
நிருஸ்ஸாஹபா⁴வேன ஸந்தபா⁴வோ. ந கிலேஸு பஸந்தபா⁴வேன.
சித்தாபி⁴ஸங்க²ரண கிச்சேஸுபன ஸம்பயுத்தசேதனாவஸேன
யதோ²பட்டி²தேஸு ஆரம்மணேஸு ஸம்பயுத்தத⁴ம்மானங் ஏகதோ
ஸன்னிபாதக³மனுஸ்ஸாஹமத்தங் அத்தி². ததோபரங் பன ஸுபின த³ஸ்ஸன
கிச்சங்பி நத்தீ²தி. “மந்த³மந்தா³காரேனா”தி மந்த³தோ அதிமந்தா³காரேன.
கிஞ்சிஜானந சித்தங் நாம கம்மாதி³ ஆரம்மணங் அப்பமத்தகங்பி ஜானநங்
வீதி²சித்தங். தஸ்ஸ பவத்தியா.

“அருபினோ”தி அருபலக்க²ண ஸமங்கி³னோ. நாமலக்க²ண ஸமங்கி³னோதி
வுத்தங் ஹோதி. “ஜனயந்தாபீ”தி ஸஹஜாத த⁴ம்மே ஜனெந்தாபி.
“ஸந்தானட்டி²தியா”தி ப³ந்த⁴ப்பதிட்டா²னஸ்ஸ.

“கஸ்மாபனெத்தா²”திஆதீ³ஸு. “பா⁴விந்த்³ரிய த்³வயங்”தி இத்தி²ந்த்³ரிய
புரிஸிந்த்³ரிய த்³வயங். “இதா⁴”தி இமஸ்மிங் இந்த்³ரியபச்சயே. கஸ்மா ந
க³ஹிதங். நனு இத்தி²லிங்கா³தீ³னங் பவத்திகாரணத்தா இத⁴
க³ஹேதப்³மேவாதி அதி⁴ப்பாயோ. ஜனகத்தங் நாம ஜனக கிச்சங். ஏவங்
ஸேஸேஸுபி. “ஏதங்தயங்பி நத்தீ²”தி ஜனகத்தாதி³கிச்சத்தயங்பி நத்தி².
ஏவங்ஸந்தேகத²ங் லிங்கா³தீ³னங் பவத்திகாரணங் ஹோதீதிஆஹ “கேவலங்
பனா”திஆதி³ங். “த்³வயங்”தி இத்தி²பா⁴வபும்பா⁴வ த்³வயங். ந இந்த்³ரிய
பச்சயத்தேன இந்த்³ரியங் நாம ஹோதி. யதா²ஹி ஏகோ ராஜா அத்தனோ
விஜிதே கே³ஹானி கரொந்தி. ஏவங் கரொந்தூதி கே³ஹஸண்டா²னங் பட்ட²பேதி.

ஸப்³பே³ஜனா ததே²வ கரொந்தி, நோ அஞ்ஞதா². தத்த² ராஜா கே³ஹுப்பத்தியா
 ச கே³ஹட்டி²தியா ச கிஞ்சி கிச்சங் ந கரோதி. கே³ஹஸாமிகாவா
 கே³ஹவட்³ட⁴கினோ வா கரொந்தி. கரொந்தா பன ரஞ்ஞா பட்ட²பிதங்
 ஸண்டா²னங் அனதிக்கமித்வாவ கரொந்தி. ஏவமேவ மித³ங் த³ட்ட²ப³பங்.
 உபக³ந்த்வா ஜா²யனட்டே²னாதி ஸம்ப³ந்தோ⁴. உபஸத்³தோ³ உபனிஸ்ஸய
 பதே³விய உபரி அத்தோ². “உபரீ”தி ச தா²மப³லவுத்³தி⁴வஸேனாதி ஆஹ
 “தஸ்மிங் வா”திஆதி³ங். “தஸ்மிங்”தி ஆரம்மணே.

“ஸுக³தி து³க்³தி நிப்³பா³ன ஸம்பாபகட்டே²னா”தி வுத்தங். ஸோ அத்தோ²
 அப்³யாகதமக்³ங்கே³ஸு நத்தி². ஏவஞ்சஸதி தானி கத²ங் மக்³க³பச்சயத்தங்
 கச்ச²ந்தீதி ஆஹ “எத்த² சா”திஆதி³ங். “ஸம்மாத³ஸ்ஸனாதி³னா”தி
 ஸம்மாத³ஸ்ஸன ஸங்கப்பனாதி³னா. “தேஸங்”தி ஸம்மாதி³ட்ட²னங். “தேஸங்
 பீ”தி அப்³யாகத பூ⁴தானங் ஸம்மாதி³ட்ட²னம்பி. “தேனேவட்டே²னா”தி
 ஸம்மாத³ஸ்ஸனாதி³னா லக்க²ணட்டே²ன. அத²வா. “தேனேவட்டே²னா”தி
 ஸுக³தி நிப்³பா³ன ஸம்பாபகட்டே²னே வாதி அத்தோ². ஏவஞ்சஸதி ஸஹேதுகா
 விபாக க்ரியா ப்³யாகதத⁴ம்மாபி தேனேவட்டே²ன ஸப்³ப³ஸோ
 குஸலஸதி³ஸா ஸியுந்தி. ந ஸியுங், பச்சய வேகல்லத்தா. விபாகாப்³யாகதாஹி
 கம்மவேகே³ன ஸந்தானே பதிதமத்தத்தா நிருஸ்ஸாஹஸந்தஸபா⁴வதோ தங்
 ஸம்பயுத்தா சேதனா நானக்க²ணிக கம்மபச்சயத்தங் ந கச்ச²தி. கிரியாப்³யாகதா
 ச நிரனுஸயஸந்தானே உப்பன்னத்தா தங் ஸம்பயுத்தசேதனாபி தப்பச்சயத்தங்
 ந கச்ச²தியேவ. தஸ்மா தேஸு விபாக க்ரியாப்³யாகதேஸு
 ஸம்மாதி³ட்டா²தீ³னிபி ஸுக³தி ஸம்பாபகட்ட²ங் ந ஸாதெ⁴ந்தி.
 கிலேஸப்பஹான கிச்சஸ்ஸ அபா⁴வதோ நிப்³பா³ன ஸம்பாபகட்ட²ம்பி
 நஸாதெ⁴ந்தி. ஸபா⁴வ லக்க²ணவேகல்லதாபன தேஸங்
 ஸம்மாதி³ட்டா²தீ³னங் நத்தி²யேவ. தஸ்மா தானி மக்³க³பச்சயே
 ஸங்க³ஹிதானீதி. இந்த்³ரிய த⁴ம்மேஸு அருபிந்த்³ரியானங் ஆதி⁴ப்பச்ச
 கிச்சங் அருபத⁴ம்மே ஸ்வேவ ப²ரதி. ருபத⁴ம்மா பன தங் ஸமுட்டி²த்தா
 ஏவ தப்பச்சயுப்பன்னேஸு வுத்தா. ததா² ஹேது கம்ம மக்³க³ ஜா²னேஸு. தேன
 வுத்தங் “ஏஸனயோ கம்மிந்த்³ரியஜா²னபச்சயேஸுபீ”தி. தத்த² கம்மஸத்³தே³ன
 நானக்க²ணிக பச்சயோ க³ஹேதப்³போ³.

“ஸம்பயுத்தாஸங்கா ஸம்ப⁴வதீ”தி ஸஹஜாதா நாமத⁴ம்மா தங்
 ஸமுட்டா²ன ரூபேஹி, பச்சா²ஜாதா ச அத்தனோ அத்தனோ
 பச்சயுப்பன்னரூபேஹி, வத்து² த⁴ம்மா ச தன்னிஸ்ஸிதனாமத⁴ம்மேஹி
 காலதோ ச டா²னதோ ச ஏக ஸம்ப³ந்த⁴த்தா தேஸு ஸம்பயுத்தாஸங்கா
 ஸம்ப⁴வதி. “விப்பயுத்தபச்சயப்பஸங்கோ³ நத்தீ²”தி
 ஆரம்மணானந்தராதி³பச்சயாபி அத்தனோ பச்சயுப்பன்னேஹி ஸம்பயுத்தா ந
 ஹொந்தி. தஸ்மா தேபி விப்பயுத்தபச்சய பா⁴வேன வத்தப்³பா³தி ஏவரூபோ

விப்பயுத்தபச்சயப்பஸங்கோ³ தேஸு ஆரம்மண பச்சயாதீ³ஸு நத்தீ²தி
அதி⁴ப்பாயோ.

“ஹெட்டா²வுத்தப்பகாரேஸு ஏவா”தி எத்த² ஏவஸத்³தே³ன பச்சயந்தரங் ந
ஹோதீதி த³ஸ்ஸேதி. யதி³ பச்சயந்தரங் ந ஹோதி, ந வத்தப்³போ³யேவ.
கஸ்மா, தே³ஸகஸ்ஸ புனருத்தினிரத்த²கவாதி³தா பத்திதோதி. நோ ந
வத்தப்³போ³. கஸ்மா, லோகே யோ ஸயங் நத்தி², விக³தோ ஹோதி. ஸோ
கஸ்ஸ பச்சயோ ப⁴விதுங் அரஹதீதி ஏவருபஸ்ஸ மிச்சா²பி⁴னிவேஸஸ்ஸ
பஹானதோ. தேன இமமத்த²ங் ஞாபேதி, லோகே கேசித⁴ம்மா ஸயங்
அத்தி²காலே ஏவ அஞ்ஞேஸங் பச்சயா ஹொந்தி, நோ நத்தி²காலே. கேசி
த⁴ம்மா ஸயங் நத்தி²காலே ஏவ அஞ்ஞேஸங் பச்சயா ஹொந்தி, நோ
அத்தி²காலேதி அயஞ்சவிபா⁴கோ³ அவஸ்ஸங் இச்சி²தப்³போ³ யேவாதி.
“ஓகாஸதா³னஸங்கா²தேனா”தி தஸ்ஸ அஞ்ஞேஸஸ சித்துப்பாத³ஸ்ஸ
உப்பத்தியா ஓகாஸதா³னஸங்கா²தேன.

ஸுத்தந்தே, அத்தீ²தி அய மேகோ அந்தோதி ஸத்தானங்
ஸெட்ட²ஸாரபூ⁴தோ அத்தானாம அனமதக்³கே³ ஸங்ஸாரே நிச்சகாலங் அத்தி².
உச்சே²தோ³ வா விமொக்கோ² வா ஸப்³ப³ஸோ நத்தி². அயங் ஸஸ்ஸதவாதோ³
நாம ஏகோவிஸமந்தோ ஏகாவிஸமாகோடி. நத்தீ²தி ஸத்தோனாம
ஏகப⁴வபரமோ ஹோதி, மரணதோ பரங் நத்தி². ஏகந்தேன உச்சி²ஜ்ஜதி. அயங்
உச்சே²த³வாதோ³ நாம து³தீயோ விஸமந்தோ து³தீயாவிஸமகோடி. இமே படிச்ச
ஸமுப்பாத³ங் அஜானந்தானங் உபோ⁴விஸமந்தா நாம. ஜானந்தானங் பன
தாதி³ஸோ அத்தானாம நத்தி², யோ அத்தீ²தி வா நத்தீ²தி வா வத்தப்³போ³
ப⁴வெய்ய. ஸுத்த³த⁴த⁴ம்மப்ப³ந்தோ⁴ ஏவ அத்தி². தஸ்ஸ ச யாவ
அவிஜ்ஜா அப்பஹீனா ஹோதி, தாவ உச்சே²தோ³ நாம நத்தி². அவிஜ்ஜாய பன
பஹீனாய ததோபரங் ந பவத்ததி. அத்தி² நாம ந ஹோதி. அயங்
அந்தத்³வயமுத்தோ மஜ்ஜி²மஞாயோ நாம. ப³ஹுங் நானத்த² ஸம்ப⁴வங்
வண்ணெந்தியேவ. வண்ணெந்தானங்²பி தேஸங் ப³ஹு பயோஜனங் நத்தி²
யேவாதி அதி⁴ப்பாயோ.

பச்சயுத்³தே³ஸானுதீ³பனா நிட்டி²தா.

168. பச்சயனித்³தே³ஸே. “பஞ்சதா⁴”தி பஞ்சவிதே⁴ஹி பச்சயேஹி.
“ஏகதா⁴”தி ஏகவிதே⁴ன பச்சயேன. ஏவங் ஸேஸேஸுபி. “அவிச்சே²தா³யா”தி
அவிச்சே²த³த்தா²ய. “படிபாத³னாயா”தி யோஜனத்தா²ய. யோ கோசி
சித்துப்பாதோ³ அவிருத்³த⁴ஸ்ஸ யஸ்ஸ கஸ்ஸசி சித்துப்பாத³ஸ்ஸ பச்சயோ
ந ந ஹோதீதி யோஜனா. “புனுப்பன்னானங்”தி நிருஜ்ஜி²த்வா புன உப்பன்னானங்.
“புரிமானி ஜவனானீ”தி எத்த² மக்³கோ³ கொ³த்ரபு⁴தோ ஆஸேவன பச்சயங்
லப⁴தி. ப²லஸ்ஸ பன ஸோ பி⁴ன்னஜாதிகத்தா ஆஸேவன பச்சயோ ந

ஹோதி. ப²லங் பன ஸப்³புஸோ ஆஸேவன முத்தங் ஹோதி. தஸ்மா
 தது³ப⁴யங் இத⁴ புரிமஜவனஸங்க்யங் ந க³ச்ச²தீதி வுத்தங் “மக்³க³
 ப²லஜவனவஜ்ஜானீ”தி. ப²லஜவனவஜ்ஜானங் பச்சி²மானங் ஜவனானங்.
 “ஸப்³பா³காரபாரிபூரங்”தி எத்த² குஸலாதி³ஜாதிபி ஸங்க³ஹிதாதி வுத்தங்
 “ஜாதிமத்தேனபீ”தி. அபி⁴ன்னா ஏவ ஸியுங். ந பன பி⁴ன்னா ஹோந்தி. கதா³சி
 கேசிபி⁴ன்னா ஏவ ஹோந்தி. தஸ்மா பி⁴ன்னஜாதிகா த⁴ம்மா. ல. ந
 ஸக்கொந்தீதி யோஜனா. “காமாவசரபா⁴வதோ மஹக்³க³தானுத்தரபா⁴வபத்தி
 நாமா”தி சித்தஸந்தானஸ்ஸாதி அதி⁴ப்பாயோ. கொ³த்ர பு⁴சித்தங் காமபூ⁴மி.
 ஜா²னசித்தங் மஹக்³க³தபூ⁴மி. மக்³க³சித்தங் லோகுத்தர பூ⁴மி. கம்மசேதனாய
 நிருத்த⁴யபி தஸ்ஸா பவத்தாகாரோ நனிருஜ்ஜ²தி. சித்தஸந்தானங்
 அனுக்³ச்ச²தி. ஸோ ஏவ ஆயதிங் விபாகத⁴ம்மராஸி ஹுத்வா பாதுப்³ப⁴வதி.
 தஸ்மா ஸோ விபாகஸ்ஸ பீ³ஜஸங்க்யங் க³ச்ச²தி. ஸோ ச யாவ ந விபச்சதி.
 தாவ ஸங்ஸாரப்பவத்தியா ஸதி, அந்தரா வினட்டோ² நாம ந ஹோதி. தஸ்மா
 கம்மசேதனா உப்பஜ்ஜமானா சித்தஸந்தானே தஸ்ஸ பீ³ஜஸ்ஸ நிதா⁴னத்தா²ய
 உப்பஜ்ஜதி, நிருஜ்ஜ²மானா ச நித³ஹித்வா ஏவ நிருஜ்ஜ²தீதி வுத்தங் “அத்தனோ
 பவத்தாகாரஸங்கா²த பீ³ஜனிதா⁴னஞ்சா”தி. “சேதனாய ஹோதீ”தி சேதனாய
 ஸாதா⁴ரணங் ஹோதி. புரேஜாதா ஸாலருக்க²போதகா பச்சயா ஹோந்தீதி
 ஸம்ப³ந்தோ⁴. புரிமசித்தக்க²ணேஸு உப்பன்னா
 சதுஸமுட்டா²னிகரூபத⁴ம்மாதி ஸம்ப³ந்தி⁴தப்³ப³ங். “ஆஹாரஜகாயோ”தி
 ஏவங் வுத்தாதி பாட²ஸேஸோ. “பச்சா² ஜாதேனா”தி பச்சா²ஜாதபச்சயேன
 பயோஜனங் நத்தி². ஜிண்ணபதருக்க²ஸ்ஸ உத³காஸிஞ்சனங் விய ஹோதீதி
 அதி⁴ப்பாயோ. “யத³க்³கே³னா”தி யேனகாரண கொட்டா²ஸேன. “வத்து² ரூபங்”தி
 நிரோதா⁴ஸன்னங் ஹத³யவத்து² ரூபங். “ஏவமயங் பீ”தி ஏவங் அயங்
 பச்சா²ஜாதபச்சயோபி. விவிதே⁴ன ஆகாரேன ப²ரணங் காலந்தர தே³ஸந்தர
 க³மனங் விப்பா²ரோ. மஹந்தோ விப்பா²ரோ யஸ்ஸாதி ஸமாமோ.
 “வத்து²ம்ஹீ”தி ஹத³யவத்து²ம்ஹி. பஞ்சஹி க²ந்தே⁴ஹி வோகிண்ணோ
 ஸம்மிஸ்ஸோதி பஞ்சவோகாரோ. காம ரூபப⁴வோ . வினா உப்பஜ்ஜிதுங் ந
 ஸக்கோதி. ரூபவிராக³பா⁴வனாப³லேன ரூபஸ்ஸ அவிக்க²ம்பி⁴தத்தாதி
 அதி⁴ப்பாயோ. “புரேஜாதங் வா”தி ஏகசித்தக்க²ணாதீதே புரேஜாதங் வா.
 “வட்³ட⁴னபக்கே² டி²தங் வா”தி ததோ பச்சா² யாவ அட்ட²ம சித்தக்க²ணா
 வட்³ட⁴னபக்கே² டி²தங் வா. “உப்பன்னங் வத்து²”தி உப்பன்னங் வத்து²ரூபங்.
 “எத்தா²”தி இமஸ்மிங் புரேஜாத பச்சயே. கிஞ்சாபி தி³ஸ்ஸதீதி ஸம்ப³ந்தோ⁴.
 “பச்சனீயே”தி பச்சனீய வாரே. “தங்”தி ஆரம்மணபுரேஜாதங். தஸ்ஸ
 ஆரம்மணஸ்ஸ அபரிப்³யத்தத்தாவாதி ஸம்ப³ந்தோ⁴. காரணங் வத³ந்தி
 பட்டா²னடிகாசரியா. அரூபப⁴வே மரணாஸன்னகாலே கஸ்ஸசி க³தினிமித்து
 பட்டா²னங் அட்ட²கதா²ஸு வுத்தமேவ. ஏவஞ்சஸதி, தத்த² ஆரம்மண புரேஜாதங்
 லத்³த⁴ப்³ப³மேவ. பட்டா²னேபன தஸ்மிங்⁴வே ஸப்³ப³ங் புரேஜாதபச்சயங்
 படிக்கி²பதி. கஸ்மா இதி சே, வத்து² புரேஜாதபச்சயஸ்ஸ தத்த²

அலத்³த⁴ப்³புத்தாதி இமினா அதி⁴ப்பாயேன “ஆருப்பேவியா”தி வுத்தங். எத்த²
 ச பட்டா²னே அருபப⁴வே த்³வேபி புரேஜாதபச்சயா படிக்கி²த்தா, தஸ்மா
 ஸப்³பே³பி அருப புக்³கலா ஸப்³புங்³பி ரூபத⁴ம்மங் ஆரம்மணங் ந
 கரொந்தீதிபி வுத்³ந்தி. ஏவஞ்ச கத்வா ஆரம்மண ஸங்க்³ஹதீ³பனியங்
 ‘அஸஞ்ஞீப⁴வதோ சுதானங் விய அருபப⁴வதோ சுதானங்³பி
 க்³தினிமித்தபு⁴தங் காமபடிஸந்தி⁴யா ஆரம்மணங் ப⁴வந்தரே
 கேனசித்³வாரேன அக்³க்³ஹிதங், கேவலங் கம்மப³லேனேவ உபட்டா²பித³ந்தி
 வுத்தங். “கூ³த²குணபாதீ³னீ”தி கூ³த²ஞ்ச மதபூதிஸரீ³ரானி ச. “ஏவங் வுத்தேஹி”தி
 பட்டா²னே வுத்தேஹி. தே பன அகுஸலா த⁴ம்மா கத்²ங் சதுபூ⁴மிக
 குஸலானங் உபனிஸ்ஸய பச்சயா ஹொந்தீதி ஆஹ “தத்த² ஆனந்தரிய
 வஜ்ஜானீ”திஆதி³ங். தத்த² ஆனந்தரிய கம்மகதானங் கிலேஸாவரண
 கம்மாவரணேஹி ஸமன்னாக்³தத்தா ஜா²னமக்³கப்படிலாபோ⁴ நாம நத்தீ²தி
 வுத்தங் “ஆனந்தரிய வஜ்ஜானீ”தி. “தானீ”தி ராகா³தீ³னி அகுஸலானி சதுபூ⁴மிக
 குஸலானங் உப்பத்தியா ப³லவனிஸ்ஸயா ஹொந்தீதி யோஜனா.
 “ஸமதிக்கமமுகே²னா”தி பட்டா²னே அகுஸலோ த⁴ம்மோ குஸலஸ்ஸ
 த⁴ம்மஸ்ஸ உபனிஸ்ஸய பச்சயேன பச்சயோதி ஏதஸ்ஸ பஞ்ஹஸ்ஸ
 விப⁴ங்கே³ பாணங் ஹந்த்வா தஸ்ஸ படிகா⁴ தத்தா²ய தா³னங் தே³தி, ஸீலங்
 ஸமாதியதி, உபோஸத²கம்மங் கரோதி, ஜா²னங் உப்பாதே³தி, மக்³கங்
 உப்பாதே³தி, அபி⁴ஞ்ஞங் உப்பாதே³தீ³தி வுத்தங். தத்த² “தஸ்ஸ
 படிகா⁴தத்தா²யா”தி தஸ்ஸ பாணாதிபாதகம்மஸ்ஸ படிஹனந்ததா²ய
 பஹானத்தா²ய ஸமதிக்கமனத்தா²யாதி வுத்தங் ஹொதி. ஸோ சே பாணாதிபாதீ
 புக்³கலோ புன ஸங்வேகங் ஆபஜ்ஜித்வா தஸ்ஸ கம்மஸ்ஸ
 ஸமதிக்கமனத்தா²ய தா³னங் தே³தி, ஸீலங் ஸமாதியதி, உபோஸத² கம்மங்
 கரோதி. ததா³ தங் பாணாதி பாதகம்மங் தங் புக்³கலங் தா³னகம்மேனியோஜேதி
 நாம. ததா² ஸீலகம்மே உபோஸத² கம்மேதி. யதா²ஹி ராஜா ஏவங் வுதெ³ய்ய
 இமஸ்மிங் தி³வஸே யோ உபோஸத²ங் நுபவஸதி, தங் கா⁴தெஸ்ஸாமீதி.
 ததா³ ஸப்³பே³பி நாக்³ரா உபோஸத²ங் உபவஸெய்யுங். ஏவமித³ங் த³ட்ட²ப்³பங்.
 ராஜாவிய ஹி தஸ்ஸ பாணாதிபாதகம்மங். நாக்³ரா விய ஸோ
 பாணகா⁴தகோ. உபோஸத² கம்ம குஸலானி விய தஸ்ஸ தா³னஸ்ஸ
 உபோஸத² கம்ம குஸலானீதி. “ஜா²னங் உப்பாதே³தி, மக்³கங் உப்பாதே³தி,
 அபி⁴ஞ்ஞங் உப்பாதே³தீ³தி பதே³ஸுபி ஏஸேவனயோ. ஏவங்
 ஸமதிக்கமமுகே²ன ஏகங்³பி அகுஸலங் ஸப்³பா³னி சதுபூ⁴மிக குஸலானி
 உபனிஸ்ஸய ஸத்தியா ஜனேதி பவத்தேதீதி வேதி³தப்³பங். “தானியேவ
 ஸப்³பா³னீ”தி ஆனந்தரிய கம்மஸஹிதானிஸப்³பா³னி அகுஸலானியேவ
 ஸப்³பே³ஸங் அகுஸலானங் அப்யாகத த⁴ம்மானங் உப்பத்தியா
 ப³லவனிஸ்ஸயா ஹொந்தீதி யோஜனா. தா³னஸ்ஸலாத³யோ குஸலா த⁴ம்மா.
 ஸுட்டு² ப³லவங் கம்மங் அதி⁴ப்பேதங், ந துப்³புலங்.
 உபனிஸ்ஸயட்டா²னத்தா. தேஸங்³பி ரூபத⁴ம்மானங் ப³லவனிஸ்ஸயா

நனுஹொந்தீதி ஸம்ப்ந்தோ⁴. கத²ங் ஹொந்தீதி ஆஹ
 “ப³ஹித்³தா⁴ருக்க²திணாதீ³னங்”திஆதி³ங். தத்த² பத²வீரஸ
 ஆபோரஸவஸ்ஸோத³க பீஜானி ருக்க²திணாதீ³னங் ப³லவனிஸ்ஸயா
 ஹொந்தி. மூலபே⁴ஸஜ்ஜாதீ³னி அஜ்ஜத்தங் ஸந்தானங் ப³லவனிஸ்ஸயா
 ஹொந்தீதி யோஜனா. “பகதஸ்ஸேவா”தி பத²மதரங் கதஸ்ஸ
 உப்பாத்³னாதிகம்மஸ்ஸேவ. “ந ஏவங் ரூபஸந்தானேனா”தி ஏவங்
 ரூபஸந்தானேன உப்பாதி³தா உபஸேவிதா த⁴ம்மா நத்தி². “தங்”தி
 உதுபீஜாதி³கங். கம்மாதி³கஞ்ச. “பகதங்”தி புரேதரங் உப்பாதி³தஞ்ச
 உபஸேவிதஞ்ச. ஸசேதனஸ்ஸேவ சேதனங் பகப்பனங் பகரணந்தி
 ஸம்ப்ந்தோ⁴. சேதனங் பகப்பனங் பகரணங் நாமாதி அத்தோ². “பகப்பனங்”தி ச
 ஸங்விதா⁴னங். “கிஞ்சீ”தி கிஞ்சிகம்மாதி³கங் உதுபோ⁴ஜனாதி³கஞ்ச.
 அத்தனோ ச உப்பன்னா ராகா³த³யோ பரஸ்ஸ ச ஸந்தானே பரஸ்ஸ ச
 உப்பன்னா ராகா³த³யோ அத்தனோ ச ஸந்தானேதி யோஜனா . “நித³ஸ்ஸனங்”தி
 உதா³ஹரணங் ஹோதி. மனோபதோ³ஸிகதே³வா அஞ்ஞமஞ்ஞங் தி³ஸ்வா
 அத்தனோ மனங் பதூ³ஸெந்தி. பா³ள்ஹங் இஸ்ஸாத⁴ம்மங் உப்பாதெ³ந்தி.
 தஸ்மிந்யேவ க²ணே சவந்தி. தேஸங் த³வே இஸ்ஸாத⁴ம்மா
 அஞ்ஞமஞ்ஞஸ்ஸ ப³லவனிஸ்ஸயா ஹொந்தீதி. காமாவசர குஸலஸ்ஸ
 ப³லவனிஸ்ஸயா ஹொந்தீதிஆதி³னா யோஜேதப்³பங். விபா⁴வனிபாடே². ஜா²ன
 மக்³க³ ப²ல விபஸ்ஸனாதி³பே⁴த³ங் ஆலம்ப³ணங் பச்சவெக்க²ன
 அஸ்ஸாத³னாதி³ த⁴ம்மே அத்தாதீ⁴னே கரோதீதி யோஜனா. “அத்தாதீ⁴னே”தி
 அத்தாயத்தே அத்தாப³த்³தே⁴. பட்டா²னே பஞ்ஹவாரே தா³னங் த³த்வா
 ஸீலங்ஸமாதி³யித்வா உபோஸத²கம்மங் கத்வா தங் க³ருங் கத்வா
 பச்சவெக்க²தி. புப்³பே³ ஸுசிண்ணானி க³ருங் கத்வா பச்சவெக்க²ந்தீதிஆதி³னா
 ஆக³தத்தாதா³ன ஸீல. ல. நிப்³பா³னானி சேவாதி வுத்தங். ராக³ங் க³ருங்கத்வா
 அஸ்ஸாதெ³ந்தி, அபி⁴னந்த³தீதிஆதி³னா, சக்கு²ங் க³ருங் கத்வா
 அஸ்ஸாதெ³ந்தீதிஆதி³னா ச ஆக³தத்தா “ராக³ தி³ட்டி² சக்கு² ஸோதாதீ³னிசா”தி
 வுத்தங். “பரத்த² பீ”தி பரதோ நிஸ்ஸய பச்சயாதீ³ஸுபி. “ஸோ ஏவா”தி
 பச்சபத்த²ம்பே⁴கோ ஏவ. “கிஞ்சீ”தி கிஞ்சிமத்தங். மஹாபூ⁴தே கிஞ்சி
 உபத்த²ம்பே⁴துங் ந ஸக்கொந்தீதி யோஜனா. நனு ஆஹார ரூபங்
 மஹாபூ⁴தே உபத்த²ம்பே⁴துங் ஸக்கோதி. ஜீவிதரூபஞ்ச கம்மஜமஹாபூ⁴தே
 அனுபாலேதுந்தி. ஸச்சங். இத⁴ பன ஸஹஜாதபச்சய கிச்சங் அதி⁴ப்பேதங்.
 தேஸஞ்ச த³வின்னங் ஸஹஜாதபச்சய கிச்சங் நத்தி². தங் பரதோ ஆவீ
 ப⁴விஸ்ஸதீதி. “வத்து² விபாகானங்”தி வத்து²ரூபங் விபாகானங்.
 பட்டா²னபாடே². ஆரம்மணஞ்ச, நிஸ்ஸயோ ச, புரேஜாதஞ்ச, விப்பயுத்தோ ச,
 அத்தி² ச, அவிக்க³தோ சாதி ச²ஸுபச்சயேஸு க⁴டிதேஸு தீணி விஸஜ்ஜனானி
 லப்³ப⁴ந்தீதி யோஜனா. தீணி விஸஜ்ஜனானி நாம வத்து² குஸலானங்
 க²ந்தா⁴னங் ச² ஹி பச்சயேஹி பச்சயோ. வத்து² அகுஸலானங், வத்து²
 அப்யாகதானந்தி. எத்த² ச அத்தனோ அஜ்ஜத்தங் வத்து²ங் ஆரப்³ப⁴ வத்து² மே

அனிச்சந்திஆதி³னா ஸம்மஸந்தஸ்ஸ வத்து²ரூபங் குஸலானங் க²ந்தா⁴னங்
 ச²ஹி பச்சயேஹி பச்சயோ. ஏதங் மம, ஏஸோ ஹமஸ்மி, ஏஸோ மே அத்தா³தி
 உபாதி³யந்தஸ்ஸ வத்து² ரூபங் அகுஸலானங். உப⁴யத்த²பி ஆவஜ்ஜனக்க²ணே
 அப்யாகதானங். அரஹதோ பன தங் அனிச்சந்திஆதி³னா ஸம்மஸந்தஸ்ஸ
 க்ரியாப்யாகதானங் க²ந்தா⁴னந்தி. தேனாஹ “பச்சப்பன்னங் வத்து²ங்”திஆதி³ங்.
 தத்த² “பச்சப்பன்னங் வத்து²ங்”தி அத்தனோ பச்சப்பன்னங் வத்து²ங்.
 அதி⁴ட்டா²னவிதா⁴னே பன ஆகாஸ க³மனே ரூபகாயங் ஆரப்³ப⁴சித்தங் விய
 காயங் லஹுகங் அதி⁴ட்ட²ஹந்தஸ்ஸ தப்பரியாபன்னங் வத்து²
 அபி⁴ஞ்ஞாசித்த த்வயஸ்ஸாதி யோஜேதப்³பங். “அனிட்²டா²னே”தி
 ஜவனசித்தஸ்ஸ ஆவஜ்ஜனேன வினா உப்பஜ்ஜனங் நாம கத்த²சி இச்சி²தப்³பங்
 ஹோதி. கத்த²சி அனிச்சி²தப்³பங். தத்த² நிரோத⁴ஸமாபத்திதோ வட்டா²னே,
 மக்க³வீதி²ஸு கொ³த்ரபு⁴வோதா³னட்டா²னே, ஆக³ந்துக ப⁴வங்க³ட்டா²னேதி
 இத³ங் இச்சி²தப்³பட்டா²னங் நாம. இதோ அஞ்ஞங் அனிச்சி²தட்டா²னங் நாம.
 ஏவங் அனிச்சி²தப்³பே³ டா²னேதி அத்தோ². “பகதிகாலே”தி
 மரணாஸன்னகாலதோ அஞ்ஞஸ்மிங்காலே. “தானிவா”தி அத்தனோ அத்தனோ
 நிஸ்ஸயவத்து²னிவா. “அஞ்ஞங் வா”தி வத்து²தோ அஞ்ஞங் ரூபாதி³கங் வா.
 “பி⁴ன்னாரம்மணானி நாமா”தி அஞ்ஞங் ஆவஜ்ஜனஸ்ஸ ஆரம்மணங், அஞ்ஞங்
 ஜவனானந்தி ஏவங் ஜவனானி ஆவஜ்ஜனேன பி⁴ன்னாரம்மணானி வா. தேன
 வுத்தங் “பச்சா²உப்பன்னானி”திஆதி³. “தேஸங்”தி வீதி²சித்தானங். “ததே³வா”தி தங்
 ஏவவத்து² ரூபங். “வத்து² சா”தி நிஸ்ஸயோ ச. “தேஸங்”தி
 அட்ட²கதா²சரியானங். ந ஹி க³ஹேதுங் ஸக்கொந்தீதி ஸம்ப³ந்தோ⁴.
 ஸேஸமெத்த² ஸுபோ³த⁴ங். “கஸ்மா வுத்தங்”திஆதி³ஸு. “தஸ்ஸ
 யக்க²ஸ்ஸா”தி இந்த³கனாமஸ்ஸ தஸ்ஸயக்க²ஸ்ஸ. “இதரேஸங்பீ”தி
 ஸங்ஸேத³ஜோபபாதிகானங்பி. “து³விதே⁴னா”தி ரூபஜனந கிச்சங்
 ரூபுபத்த²ம்ப⁴ன கிச்சந்தி ஏவங் து³விதே⁴ன. அத²வா “து³விதே⁴னா”தி
 அஜ்ஜத்தாஹாரஸ்ஸ உபத்த²ம்ப⁴னங் ப³ஹித்தா⁴ஹாரஸ்ஸ
 உபத்த²ம்ப⁴னந்தி ஏவங் து³விதே⁴ன. “ததா²ரூபானஞ்சா”தி
 அப்பனாபத்தகம்மவிஸேஸேன ஸித்தா⁴னஞ்ச. “அஜ்ஜத்தாஹாரோபீ”தி
 பிஸத்தே³ன யதா²வுத்தஜீவிதிந்த³ரியஞ்ச அரூபாஹாரே ச ஸம்பிண்டே³தி.
 “வத்து²விபாகானங்”தி வத்து²ரூபங் விபாகானங். “ஸப்³பதா²”தி அப்யாயபத³ங்.
 தஞ்ச ஸப்³பிப⁴த்தியுத்தங். இத⁴ பன பச்சத்தவசனந்தி ஆஹ “ஸப்³பதா²”தி
 ஸப்³பப்பகாரந்தி. பகாரோ ச வேதி³தப்³போ³தி ஸம்ப³ந்தோ⁴. கத²ங்
 வேதி³தப்³போ³தி ஆஹ “திவிதோ⁴”திஆதி³ங். “ஸஹஜாதே
 ஸங்க³ஹேதப்³பங்”தி பச்சயபா⁴வேன ஸங்க³ஹேதப்³பங். ஸஹஜனநங் நாம
 அத்தனா ஸஹ ஜனெந்தஸ்ஸ ஸஹஜனநங். தஞ்ச கம்மசித்தாதீ³னங் விய
 விஸுங் ஜனநகிச்சங் ந ஹோதி. அத்தனி உப்பஜ்ஜந்தே ஏவ இதரானி ரூபானி
 உப்பஜ்ஜந்தி. அனுப்பஜ்ஜந்தே ந உப்பஜ்ஜந்தீதி ஏவரூபங் ஜனநகிச்சங்
 வேதி³தப்³பங். “வினாவ ஸஹுப்பாத³னகிச்சேனா”தி அத்தனா

ஸஹுப்பாத³னகிச்சே ஆஹாரஸ்ஸ ப்யாபாரோ நத்தீ²தி அதி⁴ப்பாயோ.
 தேனேவ ஸஹஜாதானி உபத்த²ம்ப⁴ந்தோபி ஸஹஜாதபச்சயத்தங் ந க³ச்ச²தீதி.
 ஏஸனயோ ரூபஜீவிதிந்த்³ரியேபி. தேன வுத்தங் “ஜீவிதங்பீ”திஆதி³. “தீஸூ”தி
 ஆரம்மணஞ்ச உபனிஸ்ஸயோ ச அத்தி²சாதி இமேஸு தீஸு.
 ஆரம்மணாதி⁴பதிம்ஹி புரேஜாதா ரம்மணாதி⁴பதிபி அத்தி². ஸோ
 புரேஜாதத்தி² பச்சயோ ஏவாதி அத்தி²பச்சயே ஸங்க³ஹிதோ. “தஸ்மிங் கதே
 பவத்தமானாநங்”தி தஸ்மிங் கம்மே கதே தஸ்ஸ கதத்தா ஏவ
 பவத்தமானாநங். ஆரம்மணாகாரோ கோ³சரவிஸயாகாரோ.
 “ஸந்தானவிஸேஸங் கத்வா”தி பீ³ஜனிதா⁴னங் கத்வாதி அதி⁴ப்பாயோ. “தே”தி
 ஆரம்மணபச்சய கம்ம பச்சயா. “அகாலிகோ”தி மக்³க³சேதனாவஸேன
 அகாலிகோ. ஸோஹி அத்தனோ அனந்தரேப²லங் ஜனேதி. தஸ்மா
 ஆக³மேதப்³ஸ்ஸ ஆயதிகாலஸ்ஸ அபா⁴வா அகாலிகோதி வுச்சதி.
 அவஸேஸோ நானக்க²ணிகபச்சயோ காலிகோ. “பச்சயட்டே²னா”தி
 பச்சயகிச்சேன. லோகப்பவத்தியா கம்மஹேதுகத்தாதி ஸம்ப³ந்தோ⁴.
 “ப²லஹேது பசாரேனா”தி ப²லபூ⁴தாய ஸப்³ப³லோகப்பவத்தியா
 ஹேதுபூ⁴தஸ்ஸ கம்மஸ்ஸ நாமங் ப²லம்ஹி ஆரோபெத்வா வோஹாரேன
 ஸப்³பே³பி தேவீஸதிபச்சயா கம்மஸபா⁴வங் நாதிவத்தந்தீதி யோஜனா.
 கம்மபச்சய ஸங்க²யங் க³ச்ச²ந்தீதி வுத்தங் ஹோதி. “விஜ்ஜமானா யேவா”தி
 அத்தி²பச்சயா ஏவாதி வுத்தங் ஹோதி. “ஸாஸனயுத்தியா விருத்³த⁴மேவா”தி
 எத்த² ஸாஸனயுத்தி நாம தீணிபிடகானி. “விருத்³த⁴மேவா”தி ஆரம்மண
 பச்சயபூ⁴தா ஸப்³பே³ பத²வீ பப்³ப³த நதீ³ஸமுத்³த³ அஜடாகாஸாதயோ ச
 ஸப்³பா³பஞ்ஞத்தியோ ச நிப்³பா³னஞ்ச கம்மஸங்க²யங் க³ச்ச²ந்தீதி வத³ந்தோ ச,
 ஸப்³பே³ அதீதானாக³த த⁴ம்மா அத்தி²பச்சயா ஏவாதி வத³ந்தோ ச, தீஹி
 பிடகேஹிபி விருஜ்ஜ²தியேவ. பட்டா²னபாளியா பன வத்தப்³ப³மேவ நத்தி².
 அத்தி² ஸத்³தோ³ஹி பட்டா²னே பச்சப்பன்னபா⁴வேன விஜ்ஜமானத்தோ². ந
 பரமத்த² த⁴ம்ம பா⁴வேன. நாபிலோக ஸம்முதிவஸேன. ந ஹி பரமத்த²
 த⁴ம்ம பூ⁴தாபி அதீதானாக³தத⁴ம்மா இத⁴ அத்தி² ஸங்க²யங் க³ச்ச²ந்தி.
 நாபிபஞ்ஞத்தி ஹோதி. “அஞ்ஞமஞ்ஞப்படிப³த்³த⁴ஓகாஸே”தி அஞ்ஞமஞ்ஞங்
 நிஸ்ஸயனிஸ்ஸிதபா⁴வே ந படிப³த்³தே⁴ காமரூப⁴வோகாஸே. “யதோ”தி
 யம்ஹாபடிஸந்தி⁴ விஞ்ஞாணதோ. “யதோ”தி வா யம்ஹாஸீஸதோ,
 யம்ஹாபீ³ஜதோ நிப்³ப³த்தீதி யோஜனா. “பீ³ஜதோ விய மஹாருக்க²ஸ்ஸா”தி
 பீ³ஜபச்சயா களீரங்குராதி³கஸ்ஸ மஹாருக்க²ஸந்தானஸ்ஸ நிப்³ப³த்திவிய.
 பாளிபாடே². “ந ஓக்கமிஸ்ஸதா²”தி ஸசே ந ஓக்கமெய்ய. “ஸமுச்சிஸ்ஸதா²”தி
 அபினுகோ² ஸமுச்செய்ய, வட்³டெ⁴ய்ய. “வோக்கமிஸ்ஸதா²”தி ஸசே
 விக³மெய்ய, வினாஸெய்ய. “அபி⁴னிப்³ப³த்திஸ்ஸதா²”தி அபினுகோ²
 அபி⁴னிப்³ப³த்தெய்ய, பாதுப⁴வெய்ய. “வொச்சி²ஜ்ஜிஸ்ஸதா²”தி
 ஸசேஉச்சி²ஜ்ஜெய்ய. “ஆபஜ்ஜிஸ்ஸதா²”தி அபினுகோ² ஆபஜ்ஜெய்ய.
 “யதி³த³ங்”தி யங் இத³ங். “இத³ங்”தி நிபாதமத்தங். “விஞ்ஞாணங்”தி

படிஸந்தி⁴விஞ்ஞாணங். யங் விஞ்ஞாணங் அத்தி². ஏஸேவ விஞ்ஞாண
த⁴ம்மோதி யோஜனா. “ரூபுப்பத்தியா”தி ரூபுப்பாத³ஸ்ஸ. விஞ்ஞாணங்
பச்சயோ ஏதஸ்ஸாதி விஞ்ஞாண பச்சயா. ரூபுப்பத்தி. “ரூபுப்பவேணியா”தி
கம்மஜரூபஸந்ததியா. “உதுஆஹாராபீ”தி அஜ்ஜ²த்த உதுஅஜ்ஜ²த்த ஆஹாராபி.
இத³ஞ்ச ஸம்ப⁴வயுத்தி வஸேன வுத்தங். அத்த²தோ பன புரிமுப்பன்னாய
ரூபுப்பவேணியா அஸதி, அஜ்ஜ²த்தங் தே உதுஆஹாராபி நத்தி²யேவ.
ப³ஹித்தா⁴ உதுபன அஸதிபி புரிமுப்பன்னாய ரூபுப்பவேணியா ரூபங் ந
ஜனேதீதி ந வத்தப்³பங். டிகாபாடே². “அரூபங் பனா”தி அரூபபூ⁴மிபன.
“யஸ்மிங்ரூபே”தி கம்மஜரூபே. “பச்சயபா⁴வோ அத்தீ²”தி பச்சி²மரூபுப்பத்தியா
பச்சயஸத்தி அத்தி². கஸ்மா விஞ்ஞாயதீதி சே. “புத்தஸ்ஸா”திஆதி³மாஹ.
“பீ³ஜபா⁴வஸங்கா²தங்”தி அம்ப³பீ³ஜாதீ³னங் பீ³ஜபா⁴வஸங்கா²தங்.
“நியாமரூபங் நாமா”தி உதுவிலேஸஸமாஹ. “யதா² வா ததா² வா”தி
அனியமதோதி வுத்தங் ஹோதி. “யோனிபா⁴வஸங்கா²தங்”தி தங் தங்
கொ³த்தகுலஜாதீனங் ஜாதிபா⁴வஸங்கா²தங். “நியாமரூபங்”தி உதுவிலேஸஸ
ஸங்கா²தங் நியாமரூபங். ஸதி³ஸானி ரூபஸண்டா²னானி யேஸந்தி
விக்³க³ஹோ. “படிஸந்தி⁴ரூபஸ்ஸேவ ஆனுபா⁴வோ”தி கலலகாலாதீ³ஸு
உப்பன்னஸ்ஸ படிஸந்தி⁴ரூபஸ்ஸேவ ஆனுபா⁴வோ. புன தமேவத்த²ங்
விலேஸஸெத்வா த³ஸ்ஸேதுங் “அபிசா”திஆதி³மாஹ. “ஸமுதா³க³தங்”தி ஸுட்டு²
உபரூபரிஆக³தங். இத்தி²பா⁴வாதி³ரூபங் பீ³ஜரூபஞ்ச நியாமேதீதி
ஸம்ப³ந்தோ⁴. “நியாமகங்”தி நானாவண்ணஸண்டா²னாதீ³னங் நியாமகங்.
“தத்த² இமஸ்மிங் ப⁴வே”திஆதீ³ஸு. த⁴னஞ்ச த⁴ஞ்ஞஞ்ச ததோ
அவஸேஸா ஸப்³பே³உபபோ⁴க³பரிபோ⁴கா³சாதி விக்³க³ஹோ. விஜ்ஜா ச
ஸிப்பஞ்ச நானாப³ஹுஸ்ஸுதஞ்ச பரியத்தி சாதி த்³வந்தோ³. “அனாக³தானங்
தாஸங்”தி தாஸங் அபி⁴னவத⁴னத⁴ஞ்ஞாதி³ஸம்பத்தீனங். “உபனிஸ்ஸய
பச்சயதா”தி புப்³ப³யோக³கம்மஸ்ஸ உபனிஸ்ஸய பச்சயதா. தத்த²
த⁴னத⁴ஞ்ஞுபோ⁴கா³னங் படிஸாப⁴த்தா²ய புப்³ப³யோக³கரணங் நாம
கஸிகம்ம வாணிஜ்ஜகம்மாதீ³னங் கரணங். தத்த² கஸிகம்மே தாவ
த⁴னத⁴ஞ்ஞுபோ⁴கா³னங் படிஸாப⁴த்தா²ய கஸிகம்மகரணே
த⁴னத⁴ஞ்ஞுபோ⁴கா³ அனாக³தூபனிஸ்ஸய பச்சயோ. இதா³னி
கஸிகம்மகரணங் தஸ்ஸ பச்சயுப்பன்னங். த⁴னத⁴ஞ்ஞு போ⁴கா³னங்
படிஸாப⁴பரிபோ⁴க³காலேஸு கஸிகம்மகரணங் அதீதூபனிஸ்ஸய பச்சயோ.
தேஸங் படிஸாபோ⁴ ச பரிபோ⁴கோ³ ச தஸ்ஸ பச்சயுப்பன்னோ.
கஸிகம்மகரணக்க²ணே பன கெ²த்த, வத்து², பீ³ஜ, மேக⁴வுட்டி²யோ ச
நங்க³லாதீ³னி கஸிப⁴ண்டா³னி ச கோ³மஹிங்ஸா ச கம்மகாரக புரிஸா ச
பச்சுப்பன்னூபனிஸ்ஸயோ. கஸிகம்மகரணங் தஸ்ஸ பச்சயுப்பன்னங்.
கம்மஸாதி⁴கஸ்ஸ மாதாபிதாத³யோ புப்³ப³புரிஸா தஸ்ஸ கம்மஸ்ஸ
அதீதூபனிஸ்ஸய பச்சயோ. தங் கம்மங் தஸ்ஸ பச்சயுப்பன்னந்தி. ஏவங்
ஸேஸேஸுபி. ஸேஸங் ஸுவிஞ்ஞெய்யங்.

“பஞ்சவித⁴”ந்திஆதீ³ஸு. “ஸண்டா²னத்தங்”தி அணு, தஜ்ஜாரீ, ரத²ரேணு, லிக்கா²தீ³னி உபாதா³ய ஸப்³பே³ஸங் ரூபஸண்டா²னானங் பா⁴வோ ஸண்டா²னத்தங். “பா⁴வோ”தி ச தேஸங் பவத்தி வுச்சதி. “பவத்தி ஹேதா”தி ச பரமத்த² ரூப த⁴ம்மா ஏவ. “அனுபக³மனதோ”தி எத்த² ஸபா⁴வதோ அதிஸுகு²மத்தா அனுபக³மனங் வேதி³தப்³பங். அதி⁴வசனஸங்கா²தங் நாமாபி⁴தா⁴னந்தி விக்³க³ஹோ. “அதி⁴வசனங்”தி ச அத்த²ப்பகாஸகத்தா அதி⁴கங் வசனங் அதி⁴வசனங். “நாமாபி⁴தா⁴ன”ந்தி ச நாமபஞ்ஞத்தி வுச்சதி. “க³ஹேதப்³ப பா⁴வோ”தி இத³ங் சித்தங் நாம, அயங் ப²ஸ்ஸோனாமாதிஆதி³னா கதெ²ந்தானங் ஸந்திகா நாமாபி⁴தா⁴னங் ஸுத்வா தத³னுரூபஸ்ஸ ஸபா⁴வத்த²ஸ்ஸ ஜானநவஸேன ஞானேன க³ஹேதப்³பா⁴வோ. நாம பஞ்ஞத்தானுஸாரேன ஜானிதப்³பத்தா நாமந்தி வுச்சதீதி வுத்தங் ஹோதி. ஆரம்மணே நமதீதி நாமங். ஆரம்மணிக த⁴ம்மா வா எத்த² நமந்தீதி நாமந்திபி யுஜ்ஜதி.

இமஸ்மிங் பச்சயஸங்க³ஹே பச்சயத⁴ம்மேஸு பஞ்ஞத்தீனங் பி ஸங்க³ஹிதத்தா பஞ்ஞத்தி ஸங்க³ஹோபி தே²ரேன இத⁴ நிக்கி²த்தோ. தத்த² “பஞ்ஞாவியதீ”தி எத்த² பஞ்ஞாபனங் நாம வோஹாரட்²பனங். தஞ்சட²பனங் த்³வீஹிகாரணேஹி ஸிஜ்ஜ²தி வத³ந்தானங் வோஹாரேன ச, ஸுணந்தானங் ஸம்படிச்ச²னேன சாதி த³ஸ்ஸேதுங் “அயங் பீ”திஆதி³மாஹ. “ஸம்படிச்சீ²யதீ”தி யதா² புப்³புரிஸேஹி வோஹரீயதி, ததா² பச்சி²ம ஜனபரம்பராஹி வோஹரீயதீதி வுத்தங் ஹோதி. பகாரேன ஞாபீயதீதி பஞ்ஞத்தீதிபி யுஜ்ஜதி. “ப்³யஞ்ஜனத்தோ”தி மனுஸ்ஸ, தே³வ, பத²வீ, பப்³பதாதி³கோ ஸத்³த³த்தோ². “பஞ்ஞா பீயந்தீ”தி பகாரேன ட²பீயந்தி. ஸத்³த³பஞ்ஞத்திங் ஆஹாதி அதி⁴காரோ. அதி⁴மத்தபா⁴வப்பகாரோ நாம பத²வீபப்³பதாதீ³ஸு பத²வீதா⁴துயா அதி⁴மத்த பா⁴வவிஸேஸோ. நதீ³ ஸமுத்³தோ³த³காதீ³ஸு ஆபோதா⁴துயா. அக்³கி³க்க²ந்தே⁴ஸு தேஜோதா⁴துயா. வாதக்க²ந்தே⁴ஸு வாயோதா⁴துயாதி ஏவங் அதி⁴மத்த பா⁴வவிஸேஸோ. விவிதே⁴ன பகாரேன பரிணமனங் விபரிணாமோதி ஆஹ ததா² ததா² விபரிணாமாகாரந்தி. பத²வீபப்³பதாதி³வோஹாரோ ஸண்டி²தாகாரங் நிஸ்ஸாய பவத்தோ ந ஹோதி. பத²வீ நாம ஏவங் ஸண்டா²னா, பப்³பதோ நாம ஏவங் ஸண்டா²னோதி ஸண்டா²னநியமோ நத்தி². பங்ஸுஸிலானங் ராஸிபுஞ்ஜப்பவத்திமத்தேன வோஹாரோ ஸித்³தோ⁴தி வுத்தங் “ந ஹி இத⁴ ஸண்டா²னங் பதா⁴னங்”தி. “கட்டா²த³யோ ஏவ வுச்சந்தீ”தி தே ஏவஸண்டா²னநானத்தங் படிச்ச நானாவோஹாரேன வுச்சந்தி. பத²வீ பப்³பத நதீ³ ஸமுத்³தா³தீ³ஸு விய பூ⁴தானங் பவத்திவிஸேஸாகாரேனாதி வுத்தங் “ந ஹி இத⁴ ஸமுஹோ பதா⁴னங்”தி. “உபாதா³பஞ்ஞத்தீ”தி பஞ்சக்க²ந்த⁴ த⁴ம்மே உபாதா³ய தேஹி அனஞ்ஞங் ஏகீபூ⁴தங் கத்வா பஞ்ஞத்தி. ந ஆகாஸ பஞ்ஞத்தி தி³ஸாதே³ஸபஞ்ஞத்தியோ விய தேஹி க²ந்தே⁴ஹி முஞ்சித்வா பஞ்ஞத்தி. “யதோ”தி யம்ஹாதி³ஸதோ. “லத்³த⁴ப்பகாஸத்தா”தி லத்³த⁴ப்பபா⁴ஸத்தா.

“அஹஸ்ஸா”தி தி³வஸஸ்ஸ. உத்³து⁴மாதகாதீ³னி ‘உத்³து⁴மாதகங்
 படிகூலங்’திஆதி³னா படிகூலவஸேன மனஸிகரொந்தஸ்ஸபி நிமித்தங்
 உபட்ட²ஹந்தங் பூ⁴தவிகாரப்பகாரேன உபட்ட²ஹதீதி கத்வா பூ⁴தனிமித்தே
 ஸங்க³ண்ஹாதி. “அட்ட²கதா²யங்”தி புக்³க³லபஞ்ஞத்தி அட்ட²கதா²யங்.
 “தாஸங்”தி பூ⁴மிபப்³புதாதி³கானங் அத்த² பஞ்ஞத்தீனங். “ததா² ததா²”தி அயங்
 பூ⁴மி, அயங் பப்³புதோ, திஆதி³னா தேன தேன வோஹாரேன. அத்தா²னங்
 பரமத்தா²னங் சா²யாதி அத்த²ச்சா²யா. “சா²யா”தி ச நிமித்தச்சா²யாயோ வுச்சந்தி.
 அத்த²ச்சா²யானங் ஆகாரோ அத்த²ச்சா²யாகாரோ. “ஆகாரோ”தி ச நானாஸமுஹ
 நானாஸண்டா²னாதி³கோ ஆகாரோ. அத்தோ²தி வா ஸத்தா³பி⁴தெ⁴ய்யோ
 வசனத்தோ². ஸோயேவ ஸமுஹாகாராதி³ நிமித்த மத்தத்தா
 அத்த²ச்சா²யாகாரோதி வுச்சதீதி இமமத்த²ங் த³ஸ்ஸேதி “ஸத்தா³பி⁴தெ⁴ய்ய
 ஸங்கா²தேனா”திஆதி³னா. “த³ப்³புப்படிபி³ம்பா³காரேனா”தி த³ப்³புஸங்கா²தேன
 படிபி³ம்பா³காரேன. “ஓலம்பி³யா”தி அவலம்பி³த்வா. “க³ணனுபக³ங் கத்வா”தி
 அய மேகோ அத்தோ², இத³மேகங் வத்தா²தி ஏவங் க³ணனுபக³ங் கத்வா.
 “இமேசா²”தி இமே ச²ஸத்த³பஞ்ஞத்தி வோஹாரா நாம நாமகம்மாதி³ நாம.
 “அத்தனீ”தி நாமபத³ ஸங்கா²தே அத்தனி. அத்த² விஸயங் ஏவ ஹுத்வா
 பவத்ததி பா⁴ஸஞ்ஞானந்தி அதி⁴ப்பாயோ. “நாமே ஸதீ”தி அக்க²ரஸமுஹோ
 பத³ங், பத³ஸமுஹோ வாக்யந்தி ஏவங் வத்தே நாமபதே³ விஜ்ஜமானே ஸதி.
 “தது³க்³க³ண்ஹந்தானங்”தி தங் தங் நாமபத³ங் வாசக்³க³தகரண வஸேன
 உக்³க³ண்ஹந்தானங் ஜனானங். “தத³த்தா²”தி தஸ்ஸ தஸ்ஸ நாம பத³ஸ்ஸ
 அத்தா². “ஆக³ச்சந்தி யேவா”தி பா⁴ஸஞ்ஞானங் ஞாணாபி⁴முக²ங்
 ஆக³ச்சந்தியேவ. ஏதேன அத்தனி அத்த²ஸ்ஸ நாமனங் நாம அத்த²ஜோதன
 கிச்சமேவாதி தீ³பேதி. “ஸுணந்தானங் ஞாணங்”தி எத்த² “ஞாணங்”தி
 உபலக்க²ண வசனங், அகுஸல விஞ்ஞாணஸ்ஸபி அதி⁴ப்பேதத்தா. “தங் தங்
 அத்தா²பி⁴முக²ங் நாமேதீ”தி ஆரம்மண கரணவஸேன நாமேதி. “நாமக்³க³ஹண
 வஸேனா”தி அயங் அஸுகோனாம ஹோதூதி ஏவங் நாமக்³க³ஹணவஸேன.
 “தா⁴ரீயதீ”தி யாவஜீவங்பி அப்பமுஸ்ஸமானங் கத்வா தா⁴ரீயதி. நீஹரித்வா
 வுச்சதி அத்தோ² ஏதாயாதி நிருத்தி. “ஏதாயா”தி கரணபூ⁴தாய
 ஏதாயனாமஜாதியா. “அவிதி³தபக்கே²”தி நாமபத³ங் அஸ்ஸுதகாலே
 அவிஞ்ஞாதபக்கே². “ததோ நீஹரித்வா”தி அவிதி³தபக்க²தோ ஞாணேன
 நீஹரித்வா. “கதீ²யதீ”தி தங் ஸுதகாலே வத³ந்தேன ஸுணந்தஸ்ஸ ஆசிக்கீ²யதி
 ஜானாபீயதி. “அத்த²ஸ்ஸா”தி அவிதி³தபக்கே² டி²தஸ்ஸ அத்த²ஸ்ஸ.
 “ஏதஸ்ஸே வா”தி நாமபத³ஸ்ஸேவ. நாமபத³ந்தி ச க்ரிய பத³ங்பி ,
 உபஸக்³க³பத³ம்பி, நிபாதபத³ம்பி, பாடிபதி³கபத³ங்பி, இத⁴ நாமபத³ந்தவேவ
 வுச்சதி. “விஸேஸனபூ⁴தானங்”தி அஞ்ஞபத³த்த²ஸமாலே ஸமாஸபதா³னங்
 அத்தா² விஸேஸனா நாம. ஏவங் விஸேஸனபூ⁴தானங். “புக்³க³லஸ்ஸா”தி
 அஞ்ஞபத³த்த²பூ⁴தஸ்ஸ அபி⁴ஞ்ஞாலாபீ⁴ புக்³க³லஸ்ஸ. “வத³ந்தீ”தி
 ஆனந்தா³சரியங் ஸந்தா⁴ய வுத்தங். ஸோ ஹி த⁴ம்மஸங்க³ணியங்

பஞ்ஞத்திது³கனித்³தே³ஸே மூலஹகாயங் ததா² வத³தி. “தப்³பா⁴வங்”தி அக்க²ர பத³ப்யஞ்ஜனபா⁴வங். “அஸ்ஸா”தி நாமபஞ்ஞத்தியா. அக்க²ரபத³ப்யஞ்ஜனங் கோ³சரோ ஆரம்மணங் அஸ்ஸாதி விக்³க³ஹோ. “அனுஸாரேனா”தி அனுக்³மனேன. “லோகஸங்கேத நிம்மிதா”தி லோகஸங்கேதஞ்ஞானேன பவத்திதா. “லோகஸங்கேதஞ்ஞாணங்”தி ச இத³ங் நாமங் இமஸ்ஸத்த²ஸ்ஸ நாமங், அயமத்தோ² இமஸ்ஸ நாமஸ்ஸ அத்தோ²தி ஏவங் புரேதரங் லோகஸஞ்ஞாண ஜானநகஞ்ஞாணங். “அதீத ஸத்³த³மத்தாரம்மணா”தி ஸோதவிஞ்ஞாண வீதி²யா ஆரம்மணங் ஹுத்வா நிருத்³த⁴ங் அதீத ஸத்³த³மத்தங் குருமானா. “தேன வுத்தவசனே”தி தேன ஸிக்க²ங் பச்சக்க²ந்தேன பி⁴க்கு²னா ஸிக்க²ங் பச்சக்கா²மீதி வுத்தவசனே. பச்சப்பன்னங் ஸத்³த³ங் ஸோதவிஞ்ஞாண வீதி²யா, அதீதஞ்ச ஸத்³த³ங் மனோவிஞ்ஞாண வீதி²யாதி யோஜனா. “தானி அக்க²ரானீ”தி ஸிக்க²ங் பச்சக்கா²மீதி வாக்யே அவயவக்க²ரானி. “அயங் அக்க²ர ஸமூஹோ”தி இத³ங் நாமபத³ந்தி வுத்தங் ஹோதி. ஏதஸ்ஸ அத்த²ஸ்ஸ. “வினிச்ச²யவீதி²ங்”தி அக்க²ர பத³ஸல்லக்க²ணவீதி²ஞ்ச. “ஏகக்க²ரே ஸத்³தே³”தி ‘கோ³’ இச்சாதி³கே ஏகக்க²ரே பஞ்ஞத்தி ஸத்³தே³. “யா”தி நாம பஞ்ஞத்தி. “வத³ந்தஸ்ஸ மனஸா”தி ஸம்ப³ந்தோ⁴. “புப்³பா⁴கே³”தி யங் கிஞ்சி அத்த²ங் பரேஸங் வத்துகாமோ வத³ந்தோ தஸ்ஸ தஸ்ஸ அத்த²ஸ்ஸ நாமங் பத²மங் மனோத்³வாரவீதி²யா நியமெத்வா ஏவ வத³தி, தங் நாமங் புப்³பா⁴கே³ வத³ந்தேன மனஸா வவத்தா²பிதா நாமபஞ்ஞத்தீதி வுச்சதி. படிபாடிகத²னங் பவத்திக்கமகத²னங். “வுத்தங்”தி அட்ட²கதா²ஸு வுத்தங். ததா² அத்³த⁴மத்திகந்தி ச வுத்தந்தி ஸம்ப³ந்தோ⁴. “வுத்தங்”தி ச ஸத்³த³ஸத்தே²ஸு வுத்தங்.

கா³தா²யங். “மத்தா”தி ஏகவிஜ்ஜப்பாத³க்க²ணங் வுச்சதி. ஏகா மத்தாயஸ்ஸாதி ஏகமத்தோ. “தீ³க⁴முச்சதே”தி தீ³கோ⁴ நாம வுச்சதே. “ப்லுதோ”தி நானப்பகாரேன ருதோ கா³யிதோதி பருதோ . ஸோ ஏவ ரகாரஸ்ஸ லகாரங் கத்வா பகாரே ச ஸரலோபங் கத்வா ப்லுதோதி வுச்சதி. கீ³தந்தி வுத்தங் ஹோதி. “பரமத்த² ஸத்³த³ஸங்கா⁴டானங்”தி பரம்பரா பவத்தானங் பரமத்த² ஸத்³த³ராஸீனங். “அனேககோடிஸதஸஹஸ்ஸானி சித்தானீ”தி ஜவனவீதி²னங் அந்தரந்தரா ப⁴வங்க³சித்தேஹி ஸத்³தி⁴ங் அனேககோடிஸதஸஹஸ்ஸானி சித்தானி.

பட்டா²னநயானுதீ³பனா நிட்டி²தா.

பச்சயஸங்க³ஹானுதீ³பனா நிட்டி²தா.

9. கம்மட்டா²னஸங்க³ஹஅனுதீ³பனா

170. கம்மட்டா²னஸங்க³ஹே . விதி³தோ விஞ்ஞாதோ நாமருப விபா⁴கோ³
யேனாதி விக்³க³ஹோ. யோகீ³ புக்³க³லோ. “கிலேஸே ஸமேதீ”தி
காமச்சந்தா³தி³கே நீவரணகிலேஸே உபஸமேதி. “ததா² பவத்தோ”தி
பா⁴வனாவஸேன பவத்தோ. ஓபஸமனவஸேன வா பவத்தோ. “தாயா”தி
தாயபா⁴வனா பஞ்ஞாய, பஸ்ஸந்தீதி ஸம்ப³ந்தோ⁴. “பஸ்ஸிதங்”தி
ஸமனுபஸ்ஸிதங். கத²ங் கஸிணபா⁴வனாதி³கங் யோக³கம்மங் அத்தாவ
அத்தனோ டா²னங் ஹோதீதி வுத்தங் “ஆதி³மஜ்ஜ²பரியோஸானானங்ஹீ”திஆதி³.
விபா⁴வனிபாடே². “பத³ட்டா²னதாயா”தி ஏதேன திட்ட²தி அனிவத்தமானங்
பவத்ததி ஏதேனாதி டா²னந்தி அத்தே²ன பத³ட்டா²னமேவ டா²னந்தி வுச்சதீதி
தீ³பேதி. “ஸுக³விஸேஸானங்”தி ஜா²னஸுக² மக்³க³ஸுக² ப²லஸுகா²னங்.
“த³ஸுகஸிணானீ”திஆதீ³ஸு முக்²யதோ வா உபசாரதோ வா த³விதா⁴பி
அத்த²ங் த³ஸ்ஸேதுங் “த³ஸுகஸிணானீ”திஆதி³ வுத்தங். “ஸேஸானிபீ”தி
அப்பமஞ்ஞாதீ³னி ஸேஸகம்மட்டா²னானிபி. யங் யங் அனுருபங் யதா²னுருபங்.
“ஸமுதா³சரணங்”தி புனப்புனங் பு⁴ஸங் பவத்தனங். “ஸங்ஸக்³க³ பே⁴தோ³”தி
ஏகமேகஸ்ஸ புக்³க³லஸ்ஸ கஸ்ஸசி த³வேசரியா, கஸ்ஸசி
திஸ்ஸோதிஆதி³னா ஸம்மிஸ்ஸ விபா⁴கோ³. அட்ட²கதா²யங்”தி
விஸுத்தி⁴மக்³க³ அட்ட²கதா²யங். “ஸப்³பா³யபி அப்பனாயா”தி ஜா²னப்பனாய ச
மக்³க³ப்பனாய ச ப²லப்பனாய ச. “யா ஆஸன்னே பவத்தா தூ³ரே பவத்தாதி
அதி⁴காரோ. “இதரா பனா”தி தூ³ரே பவத்தாபன. “தாஸங் பனா”தி
திஸ்ஸன்னங் பா⁴வனானங் பன. “தேஸங் பீ”தி த³வின்னங் நிமித்தானங்.
“வித³த்தி²சதுரங்கு³லங்” நாம வித்தா²ரதோ சதுரங்கு³லாதி⁴கங்
வித³த்தி²ப்பமாணங். வித³த்தி²ப்பமாணங் வா சதுரங்கு³லப்பமாணங் வாதிபி
யுஜ்ஜதி. ததா²ஹி விஸுத்தி⁴மக்³கே³ வாயோகஸிண விதா⁴னே
சதுரங்கு³லப்பமாணங் ஸீஸங் வாதேன பஹரியமானங் தி³ஸ்வாதி வுத்தங்.
க²லமண்ட³லங் நாம கஸ்ஸகானங் கஸ்ஸமத்³த³னபு⁴மிபா⁴க³மண்ட³லங்.
“கதங் வா”தி நீலாதி³வண்ணவிஸேஸரஹிதங் அருணவண்ணங்
மத்திகக்²ண்ட³ங் உத³கேன மத்³தி³த்வா சக்கமண்ட³லங் விய பரிமண்ட³லங்
ஸுமட்ட²தலங் பத²விமண்ட³லங் கரொந்தி. ஏவங் கதங் வா. “அகதங் வா”தி
கத்த²சி பூ⁴மிபா⁴கே³ கேனசி அகதங் ஸயங் ஜாதங் வா. “கஸிணேன
ஜம்பு³தீ³பஸ்ஸா”தி எத்த².

பு³த்தோ⁴தி கித்தயந்தஸ்ஸ, காயே ப⁴வதி யா பீதி;
வரமேவ ஹி ஸாபீதி, கஸிணேனபி ஜம்பு³தீ³பஸ்ஸாதி.

கா³தா²ஸேஸோ. தத்த² ஜம்பு³தீ³பஸ்ஸ கஸிணதோ ஸாபீதிவரா ஏவாதி
யோஜனா. “கஸிணதோ”தி ச ஸகலமண்ட³லதோ. ஸகலஸ்ஸ

ஜம்புதீபமண்டலஸ்ஸ இஸ்ஸரியாதி⁴பதிதோ பீதி வுத்தங் ஹோதி.
“ஸன்னிவிட்டா²”தி ஸமங் ஸண்டி²தா. “ஸண்டா²ன பஞ்ஞத்தீ”தி
மண்டலஸண்டா²னேன உபட்டி²தா நிமித்தபஞ்ஞத்தி ஏவ வுச்சதி.
“புட்டட்டா²னே”தி காயேவா ருக்க²க்கா³தீ³ஸுவா வாதேன பஹதட்டா²னே.
“வாயு வட்டி”தி வாதபரிமண்டலங். சந்த³ஸூரியானங் அக்கி³ஸ்ஸ ச
ஓபா⁴ஸேன விஸிட்டா²தி ஸமாஸோ. “விஸிட்டா²”தி விஸேஸிதா.

“தூ⁴மாதங்”தி தூ⁴மாயிதங். தூ⁴மபூரிதபடங் வியாதி வுத்தங் ஹோதி.
தேனாஹ “ஸூனபா⁴வங் க³தங்”தி. அந்தே ககாரோ நிந்த³த்த²ஜோதகோதி
வுத்தங் “குச்சித்தத்தா”தி. ஜேகுச்சி² தப்ப³த்தாதி அத்தோ². “ச²வஸரீரஸ்ஸா”தி
லாமகஸரீரஸ்ஸ. “ததே³வா”தி ச²வஸரீரமேவ. விபுப்ப³கங் விச்சி²ன்னகங்
நாமாதி ஸம்ப³ந்தோ⁴. தத்த² விஸேஸேன நீலந்திவினிலங். தமேவ
குச்சித்தத்தா வினிலகங். “ததே³வ புன பச்சித்வா”தி வினிலகஸரீரமேவ புன
காலாதிக்கமே பச்சித்வா. பூதிலோஹிதானங் பரிபக்கபா⁴வங் பத்வாதி அத்தோ².
ததோ ததோ த்வாரச்சித்த³த³தோ. யுத்தங் ததே³வ ஸரீரந்தி ஸம்ப³ந்தோ⁴.
விச்சி²ன்னகங் நாம, விச்சித்த³த³கந்திபி பட²ந்தி. “அபகட்டி⁴த்வா”தி க²ண்டா³னி
ஸரீரதோ மோசெத்வா தங் தங் பதே³ஸங் கட்டி⁴த்வா. “பக்க⁴ரிதலோஹித
ஸரீரங்”தி சி²ன்னவித்த³ட்டா²னேஸு வணமு²கே²ஹி
பக்க⁴ரிதலோஹிதஸரீரங்.

“புத்தா⁴னுஸ்ஸதீ”தி எத்த² புத்த⁴ஸத்தோ³ குண்யுபசார வசனங்
ஹோதி. குணினோ தப்ப³ஸ்ஸ நாமேன குணானங் க³ஹேதப்ப³த்தாதி
வுத்தங் “புத்த⁴குணஸ்ஸ அனுஸ்ஸதி புத்தா⁴னுஸ்ஸதீ”தி. ஏஸனயோ
த⁴ம்மானுஸ்ஸதாதீ³ஸு. “அரஹதாதீ³”தி அரஹதாதி³குணோ. விக³தானி
துஸ்ஸிலியாதி³ மலானி ச மச்சே²ரஞ்ச யஸ்ஸ தங் விக³தமலமச்சே²ரங்.
தஸ்ஸ பா⁴வோதி விக்³க³ஹோ. “அத்தனா அதி⁴க³தனிப்பா³னஞ்சா”தி ஏதேன
அரியபுக்க³லானங் கிலேஸானங் அச்சந்தவூபஸமோ வுத்தோ. “யங்
ஆரப்பா⁴”தி யங் புக்க³லங் ஆரப்ப⁴. ஹிதூபஸங்ஹாரோ நாம அயங்
புக்க³லோ அவேரோ ஹோது, அப்பாபஜ்ஜோ ஹோதூதிஆதி³னா அவேரதாதீ³னி
ஹிதஸுகா²னி தஸ்மிங் புக்க³லே சித்தேன உபஸங்ஹரணங். கருணா,
முதி³தா, ஹெட்டா² சேதஸிகஸங்க³ஹே வுத்தத்தா² ஏவ. ஹிதூபஸங்ஹாரோ
ச ஹிதமோத³னா ச அஹிதாபனயனஞ்சாதி த்வந்தோ³. தத்த²
ஹிதூபஸங்ஹாரோ மெத்தாய கிச்சங். ஹிதமோத³னா முதி³தாய.
அஹிதாபனயனங் கருணாய கிச்சங். தத்த² பரங் ஹிதஸுக²ஸம்பன்னங்
திஸ்வா தேன பரஹிதேன அத்தனி பீதிபாமோஜ்ஜவட்ட⁴னங் ஹிதமோத³னா
நாம. பரங் துக்கி²தங் திஸ்வா அயங் இமம்ஹாதுக்கா² முச்சது, மாகிலமதூதி
ஏவங் சித்தேன பரஸ்மிங் அஹிதஸ்ஸ துக்க²ஸ்ஸ அபனயனங்
அஹிதாபனயனங் நாம. “தேஸங்”தி பரஸத்தானங். ஸஸ்ஸ அத்தனோ இத³ந்தி
ஸகங். “இத³ங்” ஸுக²துக்க²காரணங். அத்தனா கதகம்மங் ஏவ ஸகங் யேஸங்

தே கம்மஸ்ஸகா. பரஸத்தா ஏவ. தேஸங் பா⁴வோ. தஸ்ஸ
 அனுப்³ருஹனந்தி விக்³க³ஹோ. “ஸீமஸம்பே⁴தோ³”தி அத்தா ச பியபுக்³க³லோ
 ச மஜ்ஜ²த்தபுக்³க³லோ ச வேரிபுக்³க³லோ சாதி சதஸ்ஸோ ஸீமா.
 ஸம்பி⁴ந்த³னங் ஸம்பே⁴தோ³. ஸம்மிஸ்ஸனங் அனானத்தகரணந்தி அத்தோ².
 ஸீமானங் ஸம்பே⁴தோ³ ஸீமஸம்பே⁴தோ³. ஸப்³பா³ இத்தி²யோ,
 ஸப்³பே³புரிஸாதிஆதி³னா ஓதி⁴ஸோ பரிச்சே²த³தோ ப²ரணங்
 ஓதி⁴ஸோப²ரணங் நாம. ஸப்³பே³ஸத்தா, ஸப்³பே³பாணா,
 ஸப்³பே³பூ⁴தாதிஆதி³னா அனோதி⁴ஸோ அபரிச்சே²த³தோ ப²ரணங்
 அனோதி⁴ஸோப²ரணங் நாம. புரத்தி²மாயதி³ஸாய ஸப்³பே³ஸத்தா
 அவேராஹாந்தாதிஆதி³னா தி³ஸாவிபா⁴க³வஸேன ப²ரணங் தி³ஸாப²ரணங்
 நாம. “தங் ஸமங்கீ³னோ சா”தி தாஹி அப்பமஞ்ஞாஹி ஸமங்கீ³னோ புக்³க³லா.
 “நிச்சங் ஸொம்மஹத³யபா⁴வேனா”தி ஸப்³ப³காலங் ஸந்தஸீதல
 ஹத³யபா⁴வேன. ப்³ரஹ்மஸத்³தோ³ வா ஸெட்ட²பரியாயோ ப்³ரஹ்மங்
 புஞ்ஞங் பஸவதீ³திஆதீ³ஸு விய. அஸிதப்³பங் பு⁴ஞ்ஜிதப்³பந்தி அஸிதங்.
 பஞ்சபோ⁴ஜனங். பாதப்³பந்தி பீதங். அட்ட²வித⁴ங் பானங். தந்தேன
 கா²யிதப்³பங் கா²தி³தப்³பந்தி கா²யிதங். புவக்க²ஜ்ஜப²லக்க²ஜ்ஜாதி³கங்
 நானாகா²த³னீயங் . அங்கு³லீஹிபி க³ஹெத்வா ஸாயிதப்³பங் லேஹிதப்³பந்தி
 ஸாயிதங். மது⁴ப்பா²ணிதாதி³கங் ஸாயனீயங். ஸரஸப்படிகூலதா நாம
 அத்தனோ ஸபா⁴வதோ படிகூலதா. சதுப்³பி³தோ⁴பி ஹி ஆஹாரோ
 பா⁴ஜனேஸு வா ஹத்த²முகா²தீ³ஸு வா யத்த² யத்த² ஸம்மக்கே²தி, லக்³க³தி,
 லிம்பதி. தங் உத³கேன தோ⁴விதப்³பங் ஹோதி. அதோ⁴தங் பன தம்பி
 ஜேகு³ச்ச²னீயங் ஹோதி. ஆஸயதோ படிகூலதா நாம தஸ்ஸ
 அஜ்ஜோ²ஹரீயமானஸ்ஸ கண்டா²தீ³ஸு டி²தேஹி பித்தஸெம்ஹாதீ³ஹி
 ஆஸயேஹி ஸம்மிஸ்ஸனவஸேன படிகூலதா. நிதா⁴னதோ படிகூலதா நாம
 நிதா⁴னதோ படிகூலதா. “நிதா⁴னங்”தி ச ஆமாஸயோ வுச்சதி. பக்கதோ
 படிகூலதா நாம தஸ்ஸ நிதா⁴னக³தஸ்ஸ பரிபக்ககாலே
 கூ³த²முத்தாதி³பா⁴வபத்திதோ படிகூலதா. அபக்கதோ படிகூலதா நாம தஸ்மிங்
 அபரிபக்கே அஜிண்ணே ஸதி ஸரீரே நானாரோகு³ப்பத்திவஸேன படிகூலதா.
 ப²லதோ படிகூலதா நாம தஸ்ஸ பரிபக்ககாலதோ பட்டா²ய ஸரீரே
 கேஸலோமாதீ³னங் படிகூலராஸீனங் வட்³ட⁴னவஸேன படிகூலதா.
 நிஸ்ஸந்த³தோ படிகூலதா நாம தஸ்ஸ ந வஹித்³வாரேஹி வா
 லோமகூபேஹிவா அஞ்ஞேஹி நானாவணமுகே²ஹி வா உக்³க⁴ரண
 பக்³க⁴ரணாதி³வஸேன படிகூலதா. “தத்தா²”தி தஸ்மிங் சதுப்³பி³தே⁴ ஆஹாரே.
 “நிகந்திப்பஹானஸஞ்ஞா”தி கந்தாரமக்³கே³ மாதாபிதூனங்
 கந்தாரனித்தரணத்தா²ய புத்த மங்ஸகா²த³னே விய அதி மனுஞ்ஞேபி ஆஹாரே
 ரஸதண்ணா பஹானவஸேன பவத்தா ஸஞ்ஞா. “ஸலக்க²ணாதி³வஸேனா”தி
 ஸலக்க²ணஸஸம்பா⁴ராதி³வஸேன. “ராகே³ன சரதீ”தி எத்த² “ராகே³னா”தி
 கரணத்தே², இத்த²ம்பூ⁴தலக்க²ணேவா கரண வசனங். தத்த² கரணத்தே²தாவ

“ராகே³ன சரதீ¹தி சதூஸு இரியாபதே²ஸு யேபு⁴ய்யேன ராக³சித்தேன சரதி.
 ராக³சித்தேன நிய்யமானோ விசரதீ¹தி வுத்தங் ஹோதி. இத்த²ம்பு⁴த லக்க²ணே
 பன “ராகே³ன சரதீ¹தி தேஸு ராக³கேது ராக³த⁴ஜோ ஹுத்வா விசரதீ¹தி வுத்தங்
 ஹோதி. “அஸ்ஸா”தி தஸ்ஸபுக்³லஸ்ஸ. “உஸ்ஸன்னோ”தி உக்³க்தோ
 பாகடதரோ. பஹுதரோதிபி வத³ந்தி. “பஹானாயா”தி எத்த² இதிஸத்³தோ³ ஆதி³
 அத்தோ². தேன கருணா பா⁴வேதப்³பா³ விஹிங்ஸாய பஹானாய. முதி³தா
 பா⁴வேதப்³பா³ அரதியா பஹானாயாதி இமங் பாளிஸேஸங் ஸங்க³ணஹாதி.
 “நிஸ்ஸரணதாவசனதோ”தி நிஸ்ஸரணஞ்ஹேதங் ப்யாபாத³ஸ்ஸ யதி³த³ங்
 மெத்தாசேதோ விமுத்தி. நிஸ்ஸரணஞ்ஹேதங் விஹேஸாயயதி³த³ங் கருணா
 சேதோவிமுத்தி. நிஸ்ஸரணஞ்ஹேதங் அரதியா யதி³த³ங் முதி³தா சேதோ
 விமுத்தீதி ஏவங் நிஸ்ஸரண பா⁴வவசனதோ ச. சதஸ்ஸோ அப்பமஞ்ஞாயோ.
 ல. தோ³ஸ சரிதஸ்ஸாதி வுத்தங். “தோ³ஸ வத்து²த்தாபா⁴வதோ சா”தி
 தோ³ஸுப்பத்தியா வத்து² பா⁴வஸ்ஸகரண பா⁴வஸ்ஸ அபா⁴வதோ ச.
 நீலாதீ³னி சத்தாரி கஸிணானி தோ³ஸ சரிதஸ்ஸாதி வுத்தங். கஸ்மாபனெத்த²
 தோ³ஸ சரிதஸ்ஸ உபெக்கா² ஸப்பாயகாரணங் விஸுங் ந வுத்தந்தி.
 அஞ்ஞகாரணத்தா ந வுத்தந்தி த³ஸ்ஸெந்தோ “எத்த² சா”திஆதி³மாஹ.
 “திஸ்ஸோ”தி திஸ்ஸோ அப்பமஞ்ஞாயோ. “மனாபியருபானீ”தி
 மனாபியவண்ணானி. விக்²த்தசித்தோ ச ஹோதீ¹தி அதி⁴காரோ. “தஸ்ஸா”தி
 பமாத³ பஹுலஸ்ஸ விக்²த்தசித்தஸ்ஸ ச புக்³லஸ்ஸ. வுத்தங் ஸியா.
 விஸுத்³தி⁴ மக்³கே³ பன ஏவங் வுத்தங் நத்தீ²தி அதி⁴ப்பாயோ.
 விபா⁴வனிபாடே². “பு³த்தி⁴விஸய பா⁴வேனா”தி வுத்தங். யதி³
 பு³த்தி⁴விஸயத்தா மோஹசரிதஸ்ஸ ஸப்பாயங். பு³த்தி⁴விஸயபு⁴தானி
 மரண உபஸமஸஞ்ஞா வவத்தா²னானிபி மோஹசரிதஸ்ஸ ஸப்பாயானி
 ஸியுந்தி வுத்தங் “ஏவஞ்ஹிஸதீ”திஆதி³ங். “பு⁴தகஸிணானீ”தி
 பத²வீகஸிணாதீ³னி மஹாபு⁴தகஸிணானி. “தத்தா²பீ”தி வா தேஸு சத்தாலீஸ
 கம்மட்டா²னேஸுபி. ஏவங்ஸதி வண்ணகஸிணானங் புது²லகு²த்³த³கதாபி எத்த²
 ஸங்க³ஹிதா ஹோதீ¹தி. “மஹந்தங்”தி வித³த்தி² சதுரங்கு³லதோ மஹந்தங்.
 யதி³ ஏவஸத்³தோ³ யதா²ருதமேவ யுஜ்ஜெய்ய. ஏவங்ஸதி கு²த்³த³கங்
 விதக்கசரிதஸ்ஸேவ ஸப்பாயங், ந பு³த்தி⁴சரிதாதீ³னந்தி ஏவமத்தோ²பி
 க³ணஹெய்ய. அத² பு³த்தி⁴சரிதஸ்ஸ பன அஸப்பாயங் நாம நத்தீ²தி
 அட்ட²கதா²வசனேன விருஜ்ஜெய்யாதி இமினா அதி⁴ப்பாயேன “கு²த்³த³கந்தி
 பதே³யுஜ்ஜதீ”தி வுத்தங். அத²வா, புது²லங் மோஹசரிதஸ்ஸ, கு²த்³த³கங்
 விதக்கசரிதஸ்ஸேவ, நமோஹசரிதஸ்ஸாதி அத்தே² ஸதி, பு³த்தி⁴சரிதாதீ³னங்
 பன புது²லங்பி கு²த்³த³கங்பி அனுஞ்ஞாதங் ஹோதீ¹தி த³ட்ட²ப்³பங்.
 “ஸப்³புஞ்சேதங்”தி ஸப்³புஞ்ச ஏதங்சரிதவிபா⁴க³வசனங்.
 உஜுவிபச்சனீகவஸேன தீஸு அகுஸல சரிதேஸு புக்³லேஸு. விதக்க சரிதே
 ச அதிஸப்பாயதாய ஸத்³தா⁴பு³த்தி⁴ சரிதேஸுதி அதி⁴ப்பாயோ. தேனாஹ
 “ராகாதீ³னங் பன அவிக்க²ம்பி⁴கா”திஆதி³ங்.

“புத்ததம்ம. ல. குணானங்”தி எத்த குணஸத்தோ புப்பதேஸு
 யோஜேதப்போ புத்தகுணானஞ்ச தம்மகுணானஞ்சாதிஆதினா. “தத்தா”தி
 தஸ்மிங் குணபதே. ந தப்பேதி அதப்பனீயோ. தப்பனங் ஸந்துட்டிங் ந
 ஜனேதி அத்தோ. ஸங்வேஜனங் ஸங்வேகங் ஜனேதி ஸங்வேஜனியோ.
 “தம்மோ”தி ஸபாவோ. ஸங்வேஜனியோ தம்மோ யஸ்ஸாதி
 ஸங்வேஜனிய தம்மங். மரணங். “பஞ்சமஜ்ஜானஸமாதிஸ்சா”தி ரூபாவசர
 பஞ்சமஜ்ஜான ஸமாதிஸ்சா. “உத்யமத்தானீ”தி வட்டிதமத்தானி.
 “தத்தா”தி படிக்கலாரம்மணேஸு. “புப்பச்சட்டகஸ்ஸா”தி புராணச்சட்டகஸ்ஸ.
 கூதமுத்தவிஸ்ஸஜ்ஜன கஸ்ஸாதி வுத்தங் ஹோதி. தேனாஹ “கூதராஸி
 தஸ்ஸனே வியா”தி. ந தே கதாசி ஸோமனஸ்ஸேன வினா அப்பனங்
 பாபுணந்தி. ப்யாபாதவிஹிங்ஸா அரதீனங் தூரிபாவேன
 ஸோமனஸ்ஸுப்பத்தியா அதிஸுகரத்தா பஞ்சமஜ்ஜானே விய
 ஸுகஸோமனஸ்ஸானஞ்ச அவிக்கம்பனதோ. “உதாஸினபக்கே”தி
 அஜ்ஜபெக்கனபக்கே. “தள்ளுங்”தி புஸங். “விபுதங்”தி பாகடங். நிமித்தங்
 தள்ளுவிபுதங் கத்வா கஹணங் தள்ளு விபுதக்கஹணங். “கஸ்ஸசி
 ஆரம்மணஸ்ஸா”தி புத்தகுணாதி ஆரம்மணஸ்ஸ. “படிபாக்கனிமித்தங்”தி
 எத்த படிபாக்கஸத்தோ தஸ்ஸ திஸே பவத்தோதி ஆஹ
 “தாதிஸே”திஆதிங். “தங்ஸண்டானே”தி ஏதேன பதவிமண்டலாதீஸு விய
 ஸண்டானாகாரேன டிதேஸு ஸபாவ தம்ம புஞ்ஜேஸு ஏவ
 தஸ்ஸதிஸங் படிபாக்கனிமித்தங் நாம ஸிஜ்ஜீதி தஸ்ஸேதி. “ஏவ”ந்தி
 ஸமதஸங்கஹே தாவ தஸகஸிணானி, தஸஅஸுபாதிஆதினா வுத்தேன
 வசனக்கமேன. “உக்கஹகோஸல்லங்”தி பாவனாகம்மங் ஆரபிதுகாமேன
 பிக்குனா ஆசரியஸ்ஸ ஸந்திகே ஸப்பஸ்ஸ கம்மட்டான விதானஸ்ஸ
 உக்கஹணங் உக்கஹே. தஸ்மிங் கோஸல்லங் உக்கஹகோஸல்லங்.
 அபிசெத்த. ஸப்பங் உக்கஹிதுங் அஸக்கொந்தேன யங் அத்தனா
 ஆரபிஸ்சதி. தஸ்ஸ ஏகஸ்ஸ விதானங் பரிபுண்ணங் உக்கஹேதப்பங்.
 “உக்கஹணந்தஸ்ஸா”தி எத்த உகாரோ உபரி அத்தோ. “கஹணங்”தி ச யதா
 சித்தே அவினஸ்ஸமானங் ஹுத்வா லப்பதி, ததா கத்வா சித்தேன
 கஹணந்தி தஸ்ஸேதுங் “உபருபரி”திஆதி வுத்தங்.
 “ஸமனுபஸ்ஸந்தஸ்ஸா”தி ஸம்மா புனப்புனங் சக்குனா தஸ்ஸனஸதிஸங்
 கரொந்தஸ்ஸ. பரிதோ ஸமந்ததோ கரணங் பரிகம்மங். தஸ்மிங்
 நிமித்தக்கஹணகம்மே யங் யங் கத்தப்பவிதானங் அத்தி, தங் தங்
 பரிபுண்ணங் கத்வா கஹணந்தி வுத்தங் ஹோதி. பாவனாதி வட்டினாதி
 இமமத்தங் தஸ்ஸெந்தோ “புனப்புன”ந்திஆதிமாஹ. “நிரந்தரங்
 பதஹந்தஸ்ஸா”தி ரத்திதிவங் நிரந்தரங் ஆரபந்தஸ்ஸ. உக்கஹ நிமித்தே
 ஸண்டானங் கஹணந்தோபி வண்ணரூபாதினா ஸபாவ தம்மேன
 ஸஹேவ கஹணாதி. படிபாக்கனிமித்தே பன ஸபாவதம்மங் முஞ்சித்வா
 தஸ்ஸ திஸங் நிமித்த பஞ்ஞத்தி ஸங்காதங் ஸுத்தஸண்டானமேவ

கண்ணுறாதி. எத்த² ஸியா, படிபா⁴க³னிமித்தேபி வண்ணோ நாம ஸந்தி³ஸ்ஸதி
 யேவாதி. ஸச்சங். ஸோ பன படிபா⁴க³மத்தங் ஹோதி. ந ஏகந்தவண்ணோ.
 தேனாஹ “தப்படிபா⁴க³ங் வத்து² த⁴ம்மவிமுச்சிதங்”தி. “ஸன்னிஸின்னங்”தி
 அசலங். “பவேஸிதங்”தி பா⁴வனாசித்தஸ்ஸ அப³ப⁴ந்தரே பக்கி²த்தங் விய
 ஹோதீதி அதி⁴ப்பாயோ. ஓபா⁴ஸதீதி ஓபா⁴ஸோ. ஓபா⁴ஸோ ஹுத்வா
 ஜாதந்தி ஓபா⁴ஸஜாதங். ஓபா⁴ஸனங் வா ஓபா⁴ஸோ. ஜாதோ ஓபா⁴ஸோ
 அஸ்ஸாதி ஓபா⁴ஸஜாதங். “பாதெந்தீ”தி படிபாதெந்தி. புன உப்பஜ்ஜனவஸேன
 உட்டா²துங் ந தெ³ந்தி. “ஏதாயா”தி கத்து அத்தே² கரணவசனங்.
 “நிமித்தரக்க²ணவிதா⁴னங்”தி ஸமுப்பன்னஸ்ஸ நிமித்தஸ்ஸ
 அனஸ்ஸனத்தா²ய ஸத்தவிதே⁴ஹி பலிபோ³த⁴ த⁴ம்மேஹி ரக்க²ணத்த²ங்.
 கதமே பன தேஸத்தவிதா⁴ பலிபோ³த⁴த⁴ம்மா நாமாதி. இத⁴ அம்ஹேஹி
 வத்தப்³ப³ங் நத்தி². விஸுத்³தி⁴ மக்³கே³ ஏவ தே வத்தாதி த³ஸ்ஸேதுங்
 கா³த²மாஹ. “ஆவாஸோ”தி அஸப்பாயாவாஸோ. “கோ³சரோ”தி
 அஸப்பாயகோ³சரகா³மோ. “ப⁴ஸ்ஸங்”தி அஸப்பாயவசனங். ஏவங்
 புக்³லாதீ³ஸு. “ஸேவேதா²”தி ஸேவெய்ய. “ஏவஞ்ஹிபடிபஜ்ஜதோ”தி
 ஏவங்ஹிவஜ்ஜிதப்³பே³ வஜ்ஜனவஸேன ஸேவிதப்³பே³ ஸேவனவஸேன
 படிபஜ்ஜந்தஸ்ஸ. “காமதண்ணா²ய விஸயபா⁴வங் அதிக்கமித்வா”தி ஏதேன
 காமபூ⁴மி காமப⁴வஸமதிக்கமோ, ரூபபூ⁴மிரூபப⁴வ ஓக்கமோ ச வுத்தோ.
 வஸனங் வஸீ. ஸத்தி. ஸாமத்தி²யந்தி அத்தோ². வஸிங் பூ⁴தங் பத்தந்தி
 வஸிபூ⁴தங். வஸீ ஏவ வஸிதா. யதா² பாரமிதாதி. “ததோ விசாரந்தி” எத்த²
 இதிஸத்தோ³ ஆதி³அத்தோ². தேன ததோ பீதிங்திஆதி³ங் ஸங்க³ண்ணாதி.
 இச்ச²ந்தானங் தேஸங் ஸப்³ப³ஞ்ஞபு³த்தா⁴னங். “யத்தா²”தி
 யேஸுத்³வீஸுப⁴வங்கே³ஸு. “ப⁴வங்க³சாரே”தி ப⁴வங்க³ப்பவத்தியங்.
 “த³ந்தா⁴யிதத்தங்”தி த³ந்தா⁴ங் ஹுத்வா அயதி பவத்தீதி த³ந்தா⁴யிதங்.
 தஸ்ஸ பா⁴வோ த³ந்தா⁴யிதத்தங். “ட²பேதுங்”தி அதி⁴ட்டா²னங் கத்வா
 ட²பேதுங். ததோ அனதிக்கமிதுங். “யத்தி²ச்ச²கங்”திஆதீ³னி
 க்ரியாவிலேஸனபதா³னி. “யத்தி²ச்ச²கங்”தி யத்த² யத்த² டா²னே இச்சா²னு
 ரூபங். யதி³ச்ச²கந்தியஸ்மிங் யஸ்மிங் க²ணே இச்சா²னு ரூபங்.
 “யாவதிச்ச²கங்”தி யத்தகேன பமானேன இச்சா²னு ரூபங். “விதக்காதி³கங்
 ஓளாரிகங்க³ங் பஹானாயா”தி எத்த² கஸ்ஸ ப³லேன பஹானங் ஹோதி. தங்
 தங் விராக³ பா⁴வனா ப³லேன பஹானங் ஹோதி. காச தங் தங்
 விராக³பா⁴வனா நாம ஹோதி. அஜ்ஜா²ஸய விஸேஸ பரிக்க³ஹிதா
 உபசாரபா⁴வனா ஏவாதி இமமத்த²ங் த³ஸ்ஸேதுங் “பத²மஜ்ஜா²னங்
 தாவா”திஆதி³ வுத்தங். “ஆதாபவீரியங்”தி யேனவீரியேன யோகி³னோ அத்தானங்
 வா கிலேஸ த⁴ம்மே வா ஆதாபெந்தி பரிதாபெந்தி. தங் ஆதாபவீரியங் நாம.
 உக்³கா⁴டயமானம்பி ஆகாஸமேவ ஹோதி. தங் ஆரப்³ப⁴
 உபரிஜா²னந்தருப்பத்தியா பா⁴வனங் கரொந்தஸ்ஸபி புனப்புனங் தமேவ
 பஞ்சமஜ்ஜா²னங் உப்பஜ்ஜதி. ஆரம்மணே ச அனதிக்கந்தே ஜா²னங்பி

அனதிக்கந்தமேவ ஹோதீதி. “தத்தா²”தி தஸ்மிங் ஆகாஸகஸிணே.
 “தத³திக்கமனஸம்ப⁴வோ”தி கஸிண நிமித்தாதிக்கமனஸம்ப⁴வோ.
 “யதா²தி³ட்டே²”தி ஜா²னசக்ஞ²னா தி³ட்ட²ப்பகாரே. “ஸம்பா⁴வெத்வா”தி
 தோ²மெத்வா. ஸம்மா அனுஸ்ஸரணங் ஸமனுஸ்ஸரணங். “இதரேஸங்பி
 வா”தி புது²ஜ்ஜன பண்டி³தானங்பி வா. மரண ஸஞ்ஞா வவத்தா²னேஸு
 பரிகம்மஞ்ச ஸமாதி⁴யதி, உபசாரோ ச ஸம்பஜ்ஜதீதி யோஜனா
 திக்க²பஞ்ஞானங் பன புது²ஜ்ஜனானங்பி ஸதங் பு³த³த⁴கு³ணாதீ³ஸுபி உபசார
 ஸம்ப⁴வோ அட்ட²கதா²யங் வுத்தோயேவ. “ஸமத²ஜ்ஜா²னேஸு”தி இத³ங்
 அதி⁴காரவஸேன வுத்தங். விபஸ்ஸனா கம்மங்பி க³ஹேதப்³ப³மேவாதி
 த³ட்ட²ப்ப³ங். பு³பே³தா³னங் த³த்வா இமினா புஞ்ஞேன ஆயதிங்
 ஜா²னாபி⁴ஞ்ஞாயோ வா மக்³க³ப²லானி வா படிபி⁴ஸ்ஸாமீதி பத்த²னங்
 கத்வா ஆக³தோபி கதாதி⁴காரோ ஏவாதிபி வத³ந்தி. கதமோ பன கதாதி⁴காரோ
 நாமாதி ஆஹ “ஆஸன்னப⁴வே”திஆதி³ங். அட்ட²விதே⁴ஸு
 சதுக்கனயவஸேன, நவவிதே⁴ஸு பஞ்சகனயவஸேன வுத்தோதி தேஸங்
 வாதீ³னங் ஸாத⁴கவசனங். விசாரெத்வா பன க³ஹேதப்³ப³ங். ஆகாஸ
 கஸிணேன வினா அருபஜ்ஜா²னானி லபி⁴த்வா புன அபி⁴ஞ்ஞுத்தா²ய
 பரிகம்மேகதே ஆகாஸகஸிணேபி கத்தப்³ப³த்தா தஸ்ஸ அபி⁴ஞ்ஞாபாத³கதா
 ஸம்ப⁴வோ வுத்தோதி அத்த²ஸ்ஸ ஸம்ப⁴வதோ. பு³பே³ அபா⁴வித
 பா⁴வனோதி ச அகதாதி⁴காரோதி ச அத்த²தோ ஏகங். “ஆதி³கம்மிகோ”தி
 அபி⁴ஞ்ஞாகம்மே ஆதி³கம்மிகோ. “தாதி³ஸானங்”தி பு³பே³ அகதாதி⁴காரானங்
 அபா⁴விதபா⁴வனானங் இதா³னி இத்³தி⁴விசுப்³ப³னங் கரிஸ்ஸாமீதி
 ஆரப⁴ந்தானங் அபி⁴ஞ்ஞாகம்மே ஆதி³கம்மிககுலபுத்தானந்தி ஸம்ப³ந்தோ⁴.
 “இத்³தி⁴விசுப்³ப³னங்”தி ச உபலக்க²ணவசனங். தி³ப்பா³ய ஸோததா⁴துயா
 ஸத்³த³ங் ஸவனங் கரிஸ்ஸாமீதிஆதி³கங்பி க³ஹேதப்³ப³ங். இத³ஞ்ச
 ஆதி³கம்மிகவிதா⁴னாதி⁴காரத்தா வுத்தங். அபி⁴ஞ்ஞாஸு வஸிபத்தானம்பி
 தங் பஞ்சமஜ்ஜா²னங் ச²ஸு ஆரம்மணேஸு யதா²ரஹங் அப்பேதியேவ.
 “அதி⁴ட்டா²தப்³ப³ங்”தி யதி²ச்சி²த நிப்ப²த்தத்தா²ய ஸதங் ஹோது ஸஹஸ்ஸங்
 ஹோதூதிஆதி³னா சித்தேன அபி⁴விதா⁴தப்³ப³ங். அபி⁴னீஹரிதப்³ப³ந்தி
 வுத்தங் ஹோதி. “ஸதங் ஹோமி, ஸஹஸ்ஸங் ஹோமீதி வா”தி அத்தானங்
 ஸதங் வா ஸஹஸ்ஸங் வா நிம்மினநவஸேன வுத்தங். ஸேஸங் பன
 அஞ்ஞதா²னிம்மினநவஸேன. ஸோதுங் வா ஸத்³த³ங், பஸ்ஸிதுங் வா ரூபங்,
 ஜானிதுங் வா பரசித்தங். அனுஸ்ஸரிதுங் வா பு³பே³னிவுத்த²ங்.
 அட்ட²கதா²பாடே². “அதி⁴ட்டா²தீ”தி அபி⁴ஞ்ஞாய அதி⁴ட்டா²தி.
 அபி⁴விதா⁴தி நிப்³ப³த்தேதீதி வுத்தங் ஹோதி. து³வித⁴ங்ஹி அதி⁴ட்டா²னங்
 பரிகம்மேன அதி⁴ட்டா²னங் அபி⁴ஞ்ஞாய அதி⁴ட்டா²னந்தி. இத⁴ பன
 அபி⁴ஞ்ஞாய அதி⁴ட்டா²னங் வுத்தங். “அதி⁴ட்டா²ன சித்தேனா”தி
 அபி⁴ஞ்ஞாசித்தேனாதி வுத்தங் ஹோதி. “பரிகம்மசித்தஸ்ஸா”தி பு³ப³பா⁴கே³
 ஆவஜ்ஜன பரிகம்ம அதி⁴ட்டா²னபரிகம்மசித்தஸ்ஸ. பச்சி²மங் பன

பாத³கஜ்ஜா²ன ஸமாபஜ்ஜனங். பரிகம்மசித்தஸ்ஸ ஸமாதா⁴னத்தா²யாதி
 வுத்தங். பரிகம்மசித்தே ஸமாஹிதே கிங் பயோஜனந்தி ஆஹ
 “ததா²ஹி”திஆதி³ங். “ஸேஸாபி⁴ஞ்ஞாஸுபி யதா²ரஹங் வத்தப்³போ³”தி
 தி³ப்³ஸோதபரிகம்மே தேனேவபரிகம்ம ஸமாதி⁴ஞ்ஞாணஸோதேன
 ஆஸன்னே தி³ப்³விஸயங்பி ஸத்³தங் ஸுணாதீதிஆதி³னா வத்தப்³போ³. “இதி
 கத்வா”தி இதி மனஸிகத்வா. “தங்”தி பச்சி²மங் பாத³கஜ்ஜா²ன ஸமாபஜ்ஜனங்.
 “இத⁴ நக³ஹிதந்தி த³ட்ட²ப்³பங்”தி தே²ரஸ்ஸ மதேன த³ட்ட²ப்³பந்தி
 அதி⁴ப்பாயோ. இத⁴ பன ஆதி³கம்மிகவிதா⁴னப்பதா⁴னத்தா பச்சி²மங்பி
 பாத³கஜ்ஜா²ன ஸமாபஜ்ஜனங் வத்தப்³பமேவாதி. “காயக³திகங்
 அதி⁴ட்ட²ஹித்வா”தி அயங் காயோ விய இத³ங் சித்தங்பி த³ந்த⁴க³மனங்
 ஹோதூதி ஏவங் சித்தங் காயக³திகங் கரணேன அதி⁴ட்ட²ஹித்வா.
 “தி³ஸ்ஸமானேன காயேனா”தி த³ந்த⁴க³மனேன க³ச்ச²ந்தத்தா ப³ஹுஜனானம்பி
 தி³ஸ்ஸமானேன ரூபகாயேன. தப்³பி³ பரீதேன ஸீக⁴க³மனங் வேதி³தப்³பங்.
 “ஆரம்மணமத்தங் ஹோதீ”தி அனிப்ப²ன்னரூபங் ஸந்தா⁴ய வுத்தங். “ஆரம்மண
 புரேஜாதங்”தி நிப்ப²ன்னரூபங். இதரங் பன ஹத³ய வத்து²ரூபங் ஸந்தா⁴ய
 வுத்தந்தி த³ட்ட²ப்³பங். பரசித்த விஜானந்த²னே அட்ட²கதா²காசரியானங்
 விசாரணா அதீ²தி தங் த³ஸ்ஸேதுங் “எத்த² ச அட்ட²கதா²யங் தாவா”திஆதி³
 வுத்தங். “அட்ட²கதா²யங்”தி த⁴ம்மஸங்க³ணி அட்ட²கதா²யங்பி
 விஸுத்³தி⁴மக்³க³ அட்ட²கதா²யங்பி. “க³ணிகவஸேனா”தி
 க³ணிகபச்சுப்பன்னவஸேன. ஆவஜ்ஜனே நிருத்³தே⁴தி ஸம்ப³ந்தோ⁴. “ஏகங்
 சித்தங்”தி பரஸ்ஸ சித்தங். ததே³வ அதீதங் சித்தங் க³ண்ஹந்தி. “தானீ”தி
 ஜவனானி. “தேஸங்”தி ஜவனானங். “தேனா”தி ஆவஜ்ஜனேன. “இதரதா²”தி
 அஞ்ஞதா² ஸந்ததி அத்³தா⁴வஸேன வுத்தந்தி க³ஹிதே ஸதி. வுத்தோ ஸியா.
 கஸ்மா, ஸந்ததி அத்³தா⁴வஸேன பச்சுப்பன்னே க³ஹிதே ஸதி, ஸப்³பா³ய
 ஏகஜவனவீதி²யா ஏகபச்சுப்பன்னத்தா. “ஸப்³பா³னி சித்தானீ”தி ஜவனசித்தானி.
 “ஸஹுப்பன்னானீ”தி இத³ங் ஸஹுப்பன்னானங்பி அதி²தாய வுத்தங்.
 ஆவஜ்ஜனாதீ³னி பன க³ணபே⁴த³ங் நக³ண்ஹந்தி. ஸப்³பங் பரஸ்ஸ சித்தங்
 ஏகசித்தமிவ க³ண்ஹந்தி. தஸ்மா காலபே⁴தோ³பி நத்தீ²தி த³ட்ட²ப்³பங்.
 “நிப்³பா³னஞ்சா”தி வுத்தங், கத²ங் நிப்³பா³னங் புப்³பே³னிவுத்த²ங் நாம ஸியாதி.
 அதீதே பரினிப்³புதானங் மக்³க³ப²லானி அனுஸ்ஸரணகாலே தேஸங்
 ஆரம்மணபூ⁴தங் நிப்³பா³னங்பி அனுஸ்ஸரதியேவ. தத்த² தேஸங்
 மக்³க³ப²லானங் அதீதத்தா நிப்³பா³னங்பி புப்³பே³னிவுத்த²ங் நாம ஹோதீதி.

“யங் யங் அதி⁴ட்ட²தீ”தி யங் யங் ஸதாதி³கங் ஸங்விதா⁴தி. “யதா² யதா²
 அதி⁴ட்ட²தீ”தி யேன யேன ஆவிபா⁴வாதி³கேன பகாரேன ஸங்விதா⁴தி.
 “பகதிவண்ணங்”தி பகதிஸண்டா²னங். “தஸ்ஸேவா”தி பகதிவண்ணஸ்ஸேவ.
 தே³வானங் பஸாத³ஸோதந்தி ஸம்ப³ந்தோ⁴. “ஆரம்மண ஸம்படிச்ச²ன
 ஸமத்த²ங்”தி ஆரம்மணஸ்ஸ உபட்ட²னங் ஸம்படிச்ச²ன ஸமத்த²ங். ததே³வ
 சேதோபரியஞாணந்திபி வுச்சதீதி ஸம்ப³ந்தோ⁴. “சேதோ”தி சித்தங்.

“பரிச்சிஜ்ஜா”தி இத³ங் ஸராக³சித்தங், இத³ங் விராக³சித்தந்திஆதி³னா பரிச்சிந்தி³த்வா. “கோ³சர நிவாஸவஸேனா”தி கோ³சரங் கத்வா நிவஸனவஸேன. ஸப்³ப³ஞ்ஞுதஞ்ஞாணக³திகங் ஸப்³ப³ஞ்ஞுபு³த்தா⁴னங் அனாக³தங் ஸஞ்ஞாணந்தி அதி⁴ப்பாயோ. அனாக³தே ஸத்ததி³வஸதோ ஓரிமா சித்தசேதஸிக த⁴ம்மா சேதோபரியஞ்ஞாணஸ்ஸ விஸயோதி கத்வா அனாக³தே ஸத்ததி³வஸதோதி வுத்தங். பட்டா²ய பவத்தமானாதி பாட²ஸேஸோ. இமஸ்மிங் தி³வஸே ச அனாக³தபக்கே² ஸப்³ப³ங்பி ஆரம்மணங் பகதிஞாணஸ்ஸ விஸயோதி கத்வா “து³தீயதி³வஸதோ பட்டா²யா”தி வுத்தங். “ஏதங்”தி ஏதங் அனாக³தங் ஸஞ்ஞாணங். “யதா² சேதங்”தி யதா² ச ஏதங் இமஸ்மிங் ப⁴வே அனாக³த த⁴ம்மே ஜானாதி. “அஸாதா⁴ரணகாலவஸேனா”தி அஞ்ஞேனஞாணேன அஸாதா⁴ரண காலவஸேன. பச்சப்பன்னப⁴வோஹி அஞ்ஞஞ்ஞாணஸாதா⁴ரணோதி.

ஸமத²கம்மட்டா²னானுதீ³பனா நிட்டி²தா.

171. விபஸ்ஸனாகம்மட்டா²னே. “யதா²தி³ட்ட²ங்”தி ஸக்காயதி³ட்டி²யா யதா²தி³ட்ட²ங். நிச்சனிமித்தங் நாம ஸத்தபுக்³க³லாதி³னிமித்தமேவ. ஸத்தனிமித்தஞ்ஹி பஞ்ஞுத்தி த⁴ம்மத்தா க²ணேக²ணே க²யவயபே⁴தா³பா⁴வதோ ஸோ ஏவக³ச்ச²தி ஸோ ஏவ திட்ட²தீதிஆதி³னா நிச்சாகாரஸண்டி²தங் ஹோதீதி. “து⁴வனிமித்தங்”தி தி²ரனிமித்தங். இத³ம்பி ஸோ க³ச்ச²ந்தோபி நனஸ்ஸதி, திட்ட²ந்தோபி நனஸ்ஸதீதிஆதி³னா தி²ராகாரஸண்டி²தங் ஸத்தனிமித்தமேவ. “ஸுக²னிமித்தங்”தி க²ணேக²ணே க²யவயபே⁴த³ து³க்கா²னங் அபா⁴வதோ ஸுகி²தோ நித்³து³க்கோ² நிப்³ப⁴யோதிஆதி³னா ஸுகா²காரஸண்டி²தங் ஸத்தனிமித்தமேவ. “அத்தனிமித்தங்”தி க³ந்துங் இச்ச²ந்தோ க³ச்ச²தி, டா²துங் இச்ச²ந்தோ திட்ட²தீதிஆதி³னா வஸவத்தனாகார ஸண்டி²தங் ஸத்தனிமித்தமேவ. “கிரியா”தி பா⁴வனாகிரியா.

விஸுஜ்ஜ²தீதி விஸுத்³தி⁴. விஸோதே⁴தீதி வா விஸுத்³தி⁴. ஸீலமேவ விஸுத்³தி⁴ ஸீலவிஸுத்³தீ⁴தி இமமத்த²ங் த³ஸ்ஸெந்தோ “நிச்சஸீலமேவா”திஆதி³மாஹ. தத்த² நிச்சஸீலமேவ உபரிஜா²னாதி³விஸேஸானங் அதி⁴ட்டா²ன கிச்சஸாத⁴கத்தா இத⁴ அதி⁴ப்பேதந்தி வுத்தங் “நிச்சஸீலமேவா”தி. ஸமாதி⁴ அதி⁴ப்பேதோ . வக்க²திஹி “து³விதோ⁴பி ஸமாதி⁴ சித்தவிஸுத்³தி⁴ நாமா”தி. ஏதேன விஸுஜ்ஜ²தி ஏதாயாதி விஸுத்³தி⁴. சித்தஸ்ஸ விஸுத்³தி⁴ சித்தவிஸுத்³தி⁴. ஸமாதி⁴ ஏவாதிபி தீ³பேதி. விஸுஜ்ஜ²னங் வா விஸுத்³தி⁴. சித்தஸ்ஸ விஸுத்³தி⁴ சித்தவிஸுத்³தி⁴. அத்த²தோபன விஸுத்³த⁴சித்தமேவ வுச்சதீதிபி யுஜ்ஜதி. விஸுத்³தி⁴ஸத்³த³ ஸம்பன்னே ஹி ஸதி, சித்தவிஸுத்³தி⁴ இச்சேவ வுச்சதி. ந ஸமாதி⁴விஸுத்³தீ⁴தி.

“ஸோளஸவித⁴ங் கங்க²ங்”தி அஹோஸிங் நு கோ² அஹ
மதீதமத்³தா⁴னந்திஆதி³னா ஸுத்தந்தேஆக³தங் ஸோளஸவித⁴ங் விசிகிச்ச²ங்.
“அட்ட²வித⁴ங் வா கங்க²ங்”தி ஸத்த²ரிகங்க²தீதிஆதி³னா அபி⁴த⁴ம்மே
ஆக³தங் அட்ட²வித⁴ங் விசிகிச்ச²ங். விஸமஹேதுதி³ட்டி² நாம ஸத்தானங்
உப்பத்தியா அகாரணமேவ காரணங் கத்வா க³ஹணதி³ட்டி².
“மனஸிகாரவிதீ⁴”தி அனிச்சலக்க²ணாதீ³ஸு மனஸிகாரவிதி⁴.
அனுபாயபூ⁴தோ மனஸிகாரோ நாம நிச்சாதி³வஸேன மனஸிகாரோ.
அதி⁴மானவத்து² நாம ஓபா⁴ஸாதீ³னி. “மக்³க³தோ”தி மக்³க³பா⁴வேன.
“அமக்³க³தோ”தி அமக்³க³பா⁴வேன. “த³ஸ்ஸனஞ்சா”தி
தேஸங்அதி⁴மானவத்து²னங் அனிச்சதாதி³த³ஸ்ஸனஞ்ச. தமேவ
விஸுத்³தி⁴னாமாதி ஸம்ப³ந்தோ⁴. “ஸம்மோஹமலதோ”தி
சதுஸச்சப்படிச்சா²த³க ஸம்மோஹமலதோ. நனு த³ஸ்ஸனந்தி ஞாணமேவ.
ஏவங்ஸதி, ஞாணந்தி வுத்தே ஸித்³தே⁴ கத்வா த³ஸ்ஸனஸத்³தே³ன ஸஹ
ஞாணத³ஸ்ஸனந்தி வுத்தந்தி ஆஹ “எத்த²சா”திஆதி³ங்.
“ஸுதமயாதி³வஸேனா”தி ஸுதமய சிந்தாமயவஸேன. தத்த² யதா²ஸுதஸ்ஸ
பாளித⁴ம்மஸ்ஸ அத்த²மத்தஜானநங் ஸுதமயஞ்ஞாணங் நாம. அத்த²ங்
ஞத்வா அத்தா²னுரூபஸ்ஸ ஸபா⁴வலக்க²ணஸ்ஸ சிந்தனாவஸேன
உப்பன்னங் ஞாணங் சிந்தாமயஞ்ஞாணங் நாம. “அனுமானாதி³ஞாணங்”தி
நாமரூப த⁴ம்மேஸு ஸபா⁴வானுமானஞ்ஞாண ஸபா⁴வஜானநஞ்ஞாணங்.
“அத்தபச்சக்க²ஞ்ஞாணமேவா”தி அத்தனா பச்சக்க²கரணஞ்ஞாணமேவ.
“ஸப்³ப³த்தா²”தி மக்³கா³மக்³க³ஞ்ஞாணத³ஸ்ஸனாதீ³ஸு ஸப்³பே³ஸு டா²னேஸு.
எத்த² ச த³ஸுஸு விபஸ்ஸனாஞானேஸுபி விபஸ்ஸனா வசனேன
பச்சக்க²த³ஸ்ஸனமேவ அதி⁴ப்பேதந்தி கத்வா ஸப்³ப³த்த²க்³ஹணங் கதந்தி
த³ட்ட²ப³ங். ஸம்மஸனஞ்ஞாணதோ பட்டா²ய ஹி த³ஸ்ஸனமேவ
அதி⁴ப்பேதங். ந ஸபா⁴வஜானநமத்தங். யதோ சக்கு²னா பஸ்ஸந்தஸ்ஸேவ
ஸுட்டு² பச்சக்க²தோ த³ஸ்ஸனத்தா²ய புனப்புனங் பா⁴வனா கம்மங் நாம
தத்த² இச்சி²தப்³ங் ஹோதி.

“த⁴ம்மா”தி ஸங்க²த த⁴ம்மா. அனிச்சதா ஏவ லக்க²ணந்தி
அனிச்சலக்க²ணங். அனிச்சானங் வா ஸங்க²த த⁴ம்மானங் லக்க²ணந்தி
அனிச்சலக்க²ணந்திபி யுஜ்ஜதி. “அபி⁴ண்ஹஸம்படிப்பீளனாகாரோ”தி யதா²
ஸீக⁴ஸோதாயங் நதி³யங் நாவாய உத்³த⁴ங் க³ச்ச²ந்தங் ஸானாவா
அபி⁴ஸங்க²ரணது³க்கே²ன அபி⁴ண்ஹங் ஸுட்டு² படிப்பீளேதி. கஸ்மா, அஸதி
அபி⁴ஸங்கா²ரே தங்க²ணே ஏவ அதோ⁴வுய்ஹனதோ. அதோ⁴வுய்ஹனஞ்ஹி
நாவாய பகதி கிச்சங். உத்³த⁴ங் ஆருஹனங் அபி⁴ஸங்கா²ர ஸித்³த⁴ங்.
ஏவமேவங் ஸீக⁴ஸோதே ஸங்ஸாரே அத்தபா⁴வேன உத்³த⁴ங் க²ணதோ
க²ணங் தி³வஸதோ தி³வஸங் க³ச்ச²ந்தங் புக்³க³லங் அயங் அத்தபா⁴வோ
அபி⁴ஸங்க²ரண து³க்கே²ன அபி⁴ண்ஹங் ஸுட்டு² படிப்பீளேதி. கஸ்மா,
அஸதி அபி⁴ஸங்கா²ரே, பச்சயவேகல்லே ச ஸதி, தங்க²ணே ஏவ

விபரிணமனதோ. விபரிணமனஞ்ஹி அத்தபா⁴வஸ்ஸ பகதி கிச்சங்.
உத்த⁴ங்க³மனங் அபி⁴ஸங்கா²ர ஸித்த⁴ங். ஏவங் அபி⁴ண்ஹ
ஸம்படிப்பீளனங் வேதி³தப்ப³ங். எத்த² ச ஸங்ஸாரஸ்ஸ ஸீக⁴ஸோததா நாம
அத்தபா⁴வபரியாபன்னானங் நாம ரூபத⁴ம்மானங் பவத்தினிவத்தி ஸீக⁴தா
வுச்சதி. எத்த² ச மரணங் து³வித⁴ங் ஸம்முதி மரணஞ்ச பரமத்த² மரணஞ்ச.
தத்த² ஸம்முதி மரணங் நாம ஸம்முதி ஸச்சபூ⁴தஸ்ஸ ஸத்தஸ்ஸ மரணங்.
தங் ஏகப⁴வபரியந்தே ஸந்தி³ஸ்ஸதி. பரமத்த² மரணங் நாம பரமத்த²
ஸச்சபூ⁴தானங் நாமரூப த⁴ம்மானங் மரணங். இத³மேவ ஏகந்தமரணங்,
ஸச்சமரணங், ஸபா⁴வமரணங் ஹோதி. இமஸ்மிங் விபஸ்ஸனா கம்மே
இத³ங் பரமத்த² மரணங் ஏவ அனிச்சதாதி ச வுச்சதி. த⁴ம்மானங்
ஸுஸானக்கெ²த்தந்தி ச ஸுஸானபூ⁴மீதி ச வுச்சதீதி. ஸா ச
ஸுஸானபூ⁴மினாம ஸத்தானங் படிஸந்தி⁴தோ பட்டா²ய ஸந்தானங்
அனுப³ந்த⁴தியேவ. அனுப³ந்த⁴த்தா ச ஸத்தானங் படிஸந்தி⁴தோ பட்டா²ய
ஸோ நாம ஸமயோ நத்தி², யத்த² ஸத்தா ந மரந்தீதி. இத³ஞ்ச அனுப³ந்த⁴னங்
ஸத்தானங் அபி⁴ண்ஹஸம்படிப்பீளனமேவ ஹோதி. தேஸங்
ஸப்பி³ரியாபதே²ஸு ஜீவிதஸ்ஸ ச அங்க³பச்சங்கா³னஞ்ச காயவசீமனோ
கம்மானஞ்ச ஸம்பா³த⁴பத்திதோ. அவஸவத்தனாகாரோ பன அபி⁴ஸங்கா²ர
து³க்க²ங் அபி⁴ண்ஹங் பச்சனுப⁴வந்தானங் பாகடோயேவ. வஸவத்தனேஹி
ஸதி, அபி⁴ஸங்க²ரண கிச்சஸ்ஸ ஓகாஸோ நத்தி². வஸவத்தனேனேவ
யதி²ச்சி² தஸ்ஸ கிச்சஸ்ஸ ஸம்பஜ்ஜனதோ. லோகஸ்மிஞ்ஹி ஸப்ப³ங்
அபி⁴ஸங்கா²ர கிச்சங் நாம அந்தமஸோ அஸ்ஸாஸனபஸ்ஸாஸன கிச்சங்
உபாதா³ய த⁴ம்மானங் வஸவத்தனாபா⁴வதோ கரொந்தீதி.

அனிச்சஸ்ஸ த⁴ம்மஸ்ஸ அனுஅனுபஸ்ஸனாதி ஸம்ப³ந்தோ⁴.
“அனுஅனுபஸ்ஸனா”தி ச ஞாணசக்கு²னா புனப்புனங் நிஜ்ஜா²யனா ஓலோகனா.
“த⁴ம்மானங்”தி பஞ்சக்க²ந்த⁴ த⁴ம்மானங். “யத்த² யத்தா²”தி யஸ்மிங்
யஸ்மிங் ஸரீரங்கே³. “புராண த⁴ம்மானங்”தி புராணானங் பாதுப்பூ⁴தானங்,
வட்³டி⁴தானஞ்ச த⁴ம்மகொட்டா²ஸானங் அந்தரதா⁴னங் வயோ வுச்சதி.
விபஸ்ஸனா கம்மங் பத்வா க²ணிகவஸேன ஏகேகத⁴ம்மவிபா⁴க³வஸேன ச
அனுபஸ்ஸனா கிச்சங் நத்தீ²தி ஆஹ “ஸமுஹ ஸந்ததிவஸேன பனா”தி.
ஏகேகத⁴ம்மவிபா⁴க³வஸேன அனுபஸ்ஸனாபி பன பகதியா ஸுபாகடேஸு
சித்தவேத³னாதீ³ஸு இச்சி²தப்ப³யேவ. “அனிச்சதாய பரமாகோ²”தி ததோ
உத்தரி அனிச்சதா நாம நத்தீ²தி அதி⁴ப்பாயோ. த⁴ம்மானங் ததா² ததா²
பா⁴யிதப்ப³ப்பகாரோ நாம பஞ்சக்க²ந்தே⁴ ‘அனிச்சதோ, து³க்க²தோ, ரோக³தோ,
க³ண்ட³தோ, ஸல்லதோ, அக⁴தோ, ஆபா³த⁴தோ, திஆதி³னா வுத்தோ
பா⁴யிதப்ப³ப்பகாரோ. தஸ்ஸ ஸமனுபஸ்ஸனாஞாணங் ப⁴யஞாணங். ஏதேன
அபாயது³க்க² ஸங்ஸார து³க்க²பீ⁴ருகேஹி ஜனேஹி பா⁴யிதப்ப³ந்தி ப⁴யங்.
தே வா பா⁴யந்தி ஏதஸ்மாதி ப⁴யங். ப⁴யஸ்ஸ ஸமனு பஸ்ஸனாஞாணங்
ப⁴யஞாணந்தி இமமத்த²ங் த³ஸ்ஸேதி. “கிஞ்சிப⁴யவத்து²ங்”தி

ஸீஹப்³யக்³கா⁴தி³கங் ப⁴யவத்து²ங். “படிஸ்ஸரணே”தி கு³ஹாலேணாதி³கே
 படிஸ்ஸரணே. “தேஸங்”தி பி⁴ஜ்ஜனஸபா⁴வானங் த⁴ம்மானங். “தேஹீ”தி
 பி⁴ஜ்ஜனஸபா⁴வேஹி. உக்கண்ட²தா நாம சித்தஸ்ஸ விருத்த³த⁴தா
 நிக்²மாபி⁴முக²தா. “சத்தாலீஸாய ஆகாரேஹீ”தி பஞ்சக்க²ந்தே⁴ ‘அனிச்சதோ,
 து³க்க²தோ, ரோக³தோ, க³ண்ட³தோ, ஸல்லதோ, அக⁴தோ, ஆபா³த⁴தோ,
 பரதோ, பலோகதோ, ஈதிதோ, உபத்³த³வதோ, ப⁴யதோ, உபஸக்³தோ,
 சலதோ, பப⁴ங்கு³தோ, அத்³து⁴வதோ, அதாணதோ, அலேணதோ,
 அஸ்ஸரணதோ, ரித்ததோ, துச்ச²தோ, ஸுஞ்ஞதோ, அனத்ததோ, ஆதீ³னவதோ,
 விபரிணாம த⁴ம்மதோ, அஸாரகதோ, அக⁴மூலதோ, வத⁴கதோ,
 விப⁴வதோ, ஸாஸவதோ, ஸங்க²ததோ, மாராமிஸதோ, ஜாதித⁴ம்மதோ,
 ஜராத⁴ம்மதோ, ப்யாதி⁴த⁴ம்மதோ, மரணத⁴ம்மதோ,
 ஸோகபரிதே³வத⁴ம்மதோ, து³க்க²தோ³மனஸ்ஸ த⁴ம்மதோ, உபாயாஸ
 த⁴ம்மதோ, ஸங்கிலேஸிக த⁴ம்மதோ, பஸ்ஸந்தோ ஸுஞ்ஞதோ லோகங்
 அவெக்க²தீதி ஏவங் மஹானித்³தே³ஸே மோக⁴பஞ்ஹனித்³தே³ஸே ஆக³தேஹி
 சத்தாலீஸாய ஆகாரேஹி. தத்த² பஞ்சக்க²ந்தே⁴ அனிச்சதோ
 பஸ்ஸந்தோதிஆதி³னா யோஜேதப்³பங். “அனிச்சதோ”தி ச அனிச்சபா⁴வேனாதி
 அத்தோ². ஸப்³பே³பி பஞ்சக்க²ந்தா⁴ அனிச்சா ஏவாதி பஸ்ஸந்தோதி வுத்தங்
 ஹோதி. கத²ங் பன அனிச்சதோ பஸ்ஸந்தோ ஸுஞ்ஞதோ லோகங்
 அவெக்க²தீதி. நிச்சகு³ண ஸுஞ்ஞதாய ஸுஞ்ஞதோ பஞ்சக்க²ந்த⁴பூ⁴தங்
 லோகங் அவெக்க²தி. ஸேஸபதே³ஸுபி ஏஸேவனயோ. தத்த² “அனிச்சா ஏவா”தி
 படிஸந்தி⁴க்க²ணதோ பட்டா²ய யதா³கதா³சி மரண த⁴ம்மத்தா அனிச்சா ஏவ.
 “து³க்கா² ஏவா”தி அனிச்ச த⁴ம்மத்தாயேவ து³க்கா² ஏவ. யத³னிச்சங், தங்
 து³க்க²ங்திஹி வுத்தங். து³க்க² ஸச்சத⁴ம்மத்தா வா. “ரோகா³ ஏவா”தி
 ரோக³ஜாதிகத்தா ரோகா³ ஏவ. யேஹி கேசி லோகே சக்கு² ரோகா³தி³கா
 அனேகஸஹஸ்ஸா ரோகா³ நாம ஸந்தி³ஸ்ஸந்தி. ஸப்³பே³தே
 இமேபஞ்சக்க²ந்தா⁴ ஏவ. இதோ அஞ்ஞோகோசி ரோகோ³ நாம நத்தி². தஸ்மா
 தே ஏகந்தேன ரோக³ஜாதிகா ஏவாதி. அபி ச, து³க்க²ஸச்ச த⁴ம்மத்தாதீஹி
 து³க்க²தாஹி சதூஹி து³க்க²ட்டே²ஹி ச அபி⁴ண்ஹஸம்படிப்பீளனதோ
 ருஜ்ஜனட்டே²ன ரோகா³ ஏவ. தத்த² “தீஹி து³க்க²தாஹீ”தி து³க்க²து³க்க²தா
 ஸங்கா²ர து³க்க²தா விபரிணாம து³க்க²தாதி இமாஹி தீஹிது³க்க²தாஹி.
 “சதூஹி து³க்க²ட்டே²ஹீ”தி து³க்க²ஸ்ஸ பீளனட்டோ², ஸங்க²தட்டோ²,
 ஸந்தாபட்டோ², விபரிணாமட்டோ²,தி இமேஹி சதூஹி து³க்க²ட்டே²ஹி. து³க்க²
 கிச்சேஹீதி அத்தோ². ஏஸனயோ க³ண்டா³தீ³ஸு. தத்த² க³ண்டோ³னாம
 பீளகாபா³தோ⁴. ஸல்லங் நாம விஜ்ஜ²னட்டே²ன கிலேஸ ஸல்லஞ்ச
 து³க்க²ஸ்ஸல்லஞ்ச. அக⁴ந்தி நிரத்த²கங். இமே ச க²ந்தா⁴
 விபத்திபரியோஸானத்தா நிரத்த²கா ஏவ ஹொந்தி. ஸப்³பா³ஸம்பத்தியோ
 விபத்திபரியோஸானாதி ஹி வுத்தங். அவிஸ்ஸாஸிகட்டே²ன பரே ஏவ. ந ஹி
 தே ஏதங் மம, ஏஸோ ஹமஸ்மி, ஏஸோ மே அத்தாதி ஏவங் விஸ்ஸாஸங்

அரஹந்தி. ததா² விஸ்ஸாஸங் கரொந்தஸ்ஸ நானாது³க்கே²ஹி நிச்சங்
 விஹிங்ஸனதோ. படிஸந்தி⁴தோ பட்டா²ய யதா³கதா³சி பலுஜ்ஜனத⁴ம்மத்தா
 பலோகத⁴ம்மா ஏவ. “ஈ²”தி அந்தராயோ வச்சதி. க²ந்தா⁴ அந்தராய ஜாதிகா
 ஏவாதி வுத்தங் ஹோதி. அஜ்ஜ²த்தபா⁴வங் உபக³ந்த்வா து³தத்தா
 விபா³த⁴கத்தா உபத்³த³வா ஏவ. பா⁴யிதப்³பத்தா ப⁴யா ஏவ. அனத்தா ஏவ
 ஸமானா அஜ்ஜ²த்தபா⁴வங் உபக³ந்த்வா ஸஜ்ஜனதோ லக்³க³னதோ து³ம்மோ
 சயதோ உபஸக்³கா³ ஏவ. நிச்சகாலங் லோகத⁴ம்மேஹி சலனத்தா
 விப்ப²ந்த³னத்தா சலாஏவ. நானப்பகாரேன ப⁴ஞ்ஜனத⁴ம்மத்தா பப⁴ங்கு³னோ
 ஏவ. க²ணமத்தம்பி அதி²ரத்தா அத்³து⁴வா ஏவ. ஜராமரணாதி³தோ
 அபாயவினிபதனாதி³தோ ப⁴யதோ தாயதி ரக்²தீதி தாணங். தே ச க²ந்தா⁴
 கஸ்ஸசிதாணா ந ஹொந்தி. தேஸஞ்ச கிஞ்சிதாணங் நாம நத்தி². தஸ்மா
 அதாணா ஏவ. ப⁴யதோ பீ⁴ருகா ஜனா லீயந்தி நிலீயந்தி எத்தா²தி லேணங்.
 தே ச கஸ்ஸசிலேணா ந ஹொந்தி. தேஸஞ்ச கிஞ்சிலேணங் நாம நத்தி².
 தஸ்மா அலேணா ஏவ. ப⁴யங் ஸரதிஹிங்ஸதீதி ஸரணங். தே ச
 கஸ்ஸசிஸரணங் ந ஹொந்தி. தேஸஞ்ச கிஞ்சிஸரணங் நாம நத்தி². தஸ்மா
 அஸ்ஸரணா ஏவ. நிச்சதாதீ³ஹி ஸப்³பே³ஹி ஸோப⁴ணகு³ணேஹி
 ஸப்³ப³ஸோ ரஹிதத்தா துச்ச²த்தா ஸுஞ்ஞத்தாரித்தா ஏவ. துச்சா² ஏவ.
 ஸுஞ்ஞா ஏவ. அத்தா வச்சதி யஸ்ஸகஸ்ஸசி கோசி ஸாரபு⁴தோ
 படிஸ்ஸரணோ. தே ஸயஞ்ச கஸ்ஸசி அத்தான ஹொந்தி. அத்தனோ ச கோசி
 அத்தானாம நத்தி². தஸ்மா அனத்தா ஏவ. அனிச்சதாதீ³ஹி ஆதீ³னவேஹி
 தோ³ஸேஹி ஸம்புண்ணத்தா ஆதீ³னவா ஏவ. விபரிணாம ஸபா⁴வத்தா
 விபரிணாமா ஏவ. ஸாரபு⁴தஸ்ஸ கஸ்ஸசி அதி⁴ட்டா²னஸ்ஸ அபா⁴வா
 அஸாராஏவ. அக⁴ஸ்ஸ ஸப்³ப³னிரத்த²கஸ்ஸ பதிட்டா²னத்தா அக⁴மூலா
 ஏவ. தே ஸயங் மரண த⁴ம்மஸமங்கீ³னோ ஹுத்வா தேன மரணஸத்தே²ன
 மரணாவுதே⁴ன ஸங்ஸாரே ஸத்தானங் நிச்சங் மாரகத்தா
 ஜீவிதிந்த்³ரியுபச்சே²த³கத்தா வத⁴கா ஏவ. நிச்சஸுக²ஹித வுட்³டி⁴விக³தத்தா
 விப⁴வா ஏவ. ஆஸவேஹி பரிக்³க³ஹிதத்தா ஸாஸவா ஏவ. நிச்சகாலங்
 பச்சயாயத்தவுத்திகத்தா ஸங்க²தா ஏவ. கிலேஸமாரமச்சமாரானங்
 ஆமிஸாஹாரத்தா மாராமிஸா ஏவ. அனிச்ச²ந்தஸ்ஸேவ ஸதோ
 சக்கு²ரோகா³தி³பா⁴வேன அபாயப⁴வாதி³பா⁴வேன ஜாதஸபா⁴வத்தா
 ஜாதித⁴ம்மா ஏவ. அனிச்ச²ந்தஸ்ஸேவ ஸதோ ஹாயனமரணஸபா⁴வத்தா
 ஜராமரண த⁴ம்மா ஏவ. ஸோகாதீ³னங் வத்து²பா⁴வேன தா⁴ரணத்தா
 ஸோகாதி³ த⁴ம்மா ஏவ. தண்ஹா ஸங்கிலேஸ தி³ட்டி²ஸங்கிலேஸ து³ச்சரித
 ஸங்கிலேஸேஹி நியுத்தத்தா ஸங்கிலேஸிக த⁴ம்மா ஏவாதி. தேன வுத்தங்
 “சத்தாலீஸாய ஆகாரேஹி”தி. “படிஸங்கா²னவஸேனா”தி பரிவீமங்ஸனவஸேன
 “நிகந்தியா”தி நிகந்திதண்ஹாய. “பரியாதி³ன்னாயா”தி ஸுக்க²பா⁴வபத்தாய.
 “ப⁴யஞ்சா”தி ப⁴யஞாணவஸேன உப்பன்னங் ஒத்தப்பப⁴யஞ்ச.

லோகே அத்தஜீவா நாம ஸத்தானங் அஜ்ஜத்த த⁴ம்மேஸு ஸாரத⁴ம்மா ஹொந்தி. தேஸு விக³தேஸு ஸேஸத⁴ம்மா நிஸ்ஸத்த நிஜ்ஜீவபா⁴வங் பத்வா பெ²க்³கு³பு⁴தா கசவரபு⁴தாதி லோகஸ்ஸ அபி⁴மானோ. தே ச அத்தஜீவா நாம ஸப்³பு³ஸோ நத்தீ²தி தி³ட்டே² க²ந்தே⁴ஸு கசவரபா⁴வத³ஸ்ஸனங் அத்தஜீவ ஸுஞ்ஞதா த³ஸ்ஸனங் நாம.

“விமுச்சமானோ”தி ஏதேன விமுச்சதீதி விமொக்கோ²தி அத்த²ங் த³ஸ்ஸேதி. விமுச்சந்தி ஏதேனாதி விமொக்கோ²திபி யுஜ்ஜதி. “நிமித்தானீ”தி விபல்லாஸத⁴ம்மேஹி நிம்மிதானி நிச்சனிமித்த ஸுக²னிமித்த அத்தனிமித்த ஜீவனிமித்தானி. ஸத்த புக்³க³ல இத்தி² புரிஸ ஹத்த² பாத³ ஸீஸ கீவாதீ³னி நிமித்தானி ச. தத்த² ஸங்கா²ரானங் க²ணிக த⁴ம்மத்தா அனிச்சானங்யேவ ஸதங் ஸந்ததி க⁴னேன படிச்ச²ன்னத்தா ஹிய்யோபி ஸோ ஏவ, அஜ்ஜபி ஸோ ஏவாதிஆதி³னா நிச்சாகாரேன உபட்டா²னங் நிச்சனிமித்தங் நாம.

கிலேஸமலேஹி பரிக்க³ஹிதத்தா அஸுபா⁴னங்யேவ ஸதங் அவிஜ்ஜாய படிச்ச²ன்னத்தா இத³ங் இட்ட²ங், கந்தங், மனாபங், பியரூப, ந்திஆதி³னா ஸுபா⁴காரேன உபட்டா²னங் ஸுப⁴னிமித்தங் நாம. ப⁴யட்டே²ன அகே²மட்டே²ன து³க்கா²னங்பி ஸதங் தாயேவ படிச்ச²ன்னத்தா இத³ங் ஸுக²ங், நிப்³ப⁴யங், கே²மங், ஸாதரூப, ந்திஆதி³னா ஸுகா²காரேன உபட்டா²னங் ஸுக²னிமித்தங் நாம. பச்சயா யத்தவுத்திகத்தா பச்சயேன வினா கேவலங் அத்தனோ வஸாயத்தவுத்திதா பா⁴வதோ அனத்தானங்யேவ ஸதங் அத்தனோ இச்சா²வஸேன கரோதி, கதே²தி, சிந்தேதி, க³ந்துங் இச்ச²ந்தோ க³ச்ச²தி, டா²துங் இச்ச²ந்தோ திட்ட²தீ, திஆதி³னா வஸவத்தனாகாரேன உபட்டா²னங் அத்தனிமித்தங் நாம. ததா² ஸத்தோனாம ஸத்தாஹங்பி ஜீவதி, மாஸங்பி ஜீவதி, ஸங்வச்ச²ரங்பி ஜீவதீதிஆதி³னா ஜீவாகாரேன உபட்டா²னங் ஜீவனிமித்தங் நாம. நனு செத்த² அத்தனோ இச்சா²வஸேன கரோதீதிஆதீ³ஸு இச்சா²னாம தண்ஹாவாச²ந்தோ³ வா. தது³ப⁴யம்பி சித்தஸம்பயுத்தங். கரணஞ்ச நாம காயிகக்ரியாபு⁴தானங் சித்தஜ்ஞபகலாபானங் பவத்திவிஸேஸோ. ஏவஞ்சஸதி தேஸங் சித்தவஸேன பவத்தத்தா அத்தனோ இச்சா²வஸேன கரோதீதி இத³ங் அபி⁴த⁴ம்மவிருத்³த⁴ங் ந ஹோதீதி. ந ந ஹோதி. அத்தனோதி ச கரோதீதி ச வுத்தத்தா. ந ஹி அத்தானாம அத்தி², யோ அத்தனோதி வுச்செய்ய. ந ச கத்தானாம அத்தி², யோ கரோதீதி வுச்செய்ய. இத⁴ பன தஸ்மிங் ஸமயே பவத்தங் க²ந்த⁴பஞ்சகமேவ அத்தாதி ச கத்தாதி ச க³ஹெத்வா அத்தனோதி ச கரோதீதி ச வுத்தங். “அவஸ்ஸயோ ஹோதீ”தி பதிட்டா² ஹோதி.

“வித⁴மித்வா”தி ஞானேன அந்தரதா⁴பெத்வா. ஸபா⁴வதோ விஜ்ஜமானானி ந ஹொந்தீதி த³ஸ்ஸனஞானேன வினிச்ச²யங் பாபெத்வாதி வுத்தங் ஹோதி. பா⁴வத³ஸ்ஸனங் நாம ஸோகது³க்கா²தீ³னங் அபா⁴வத³ஸ்ஸனங்.

“தங் தங் க⁴னவினிப்³பு⁴ஜ்ஜனவஸேனா”தி ஸமுஹஸந்ததி க⁴னாதீ³னங் பி⁴ந்த³ன சி²ந்த³னவஸேன. தத்த² ஸமுஹக⁴னபி⁴ந்த³னங் ஆதி³தோ த⁴ம்மவவத்தா²னஞானகிச்சங். ததா³ அத்ததி³ட்டி² விக்க²ம்பி⁴தா ஹோதி.

ஜீவதி³ட்டி² ச நாம ஸுகு²மதரா அத்ததி³ட்டி² ஏவ வுச்சதி. மக்³க³க்க²ணங் பத்வா ஏவ தது³ப⁴யங்பி ஸப்³ப³ஸோ ஸமுச்சி²ந்த³தீதி த³ட்ட²ப³ப³ங்.

“பணிஹிதகு³ணஸ்ஸா”தி பத்தி²தகு³ணஸ்ஸ.

“பாதிமொக்க²”ந்தி எத்த² “பதீ”தி ஜெட்ட²கோ வுச்சதி. “முக²ங்”தி மூலகாரணங். பதி ச ஸோ முக²ஞ்சாதி பதிமுக²ங். பதிமுக²மேவ பாதிமொக்க²ந்தி இமமத்த²ங் த³ஸ்ஸெந்தோ “தங் ஹீ”திஆதி³மாஹ. ஸப்³ப³லோகியஸீலானி நாம சதுபாரிஸுத்³தி⁴ஸீலானி. தேஸங் மஜ்ஜே². “ஜெட்ட²கத்தா”தி ஜெட்ட²கஸீலத்தா. “தமேவா”தி வினயபஞ்ஞத்திஸீலமேவ +. “யேஸங் த⁴ம்மானங்”தி உத்³த⁴ச்ச முட்ட²ஸ்ஸச்சாதி³ த⁴ம்மானங். “விப்ப²ந்தி³தானி நாமா”தி விப்பகிண்ணானி நாமாதி அதி⁴ப்பாயோ. தேனாஹ “லோலானி நாமா”தி. “தத³னுப³ந்தா⁴”தி தானிவிப்ப²ந்தி³தானி இந்த³ரியானி அனுக்³தா. “புத்³த⁴ப்படிசுட்டே²ஹீ”தி புத்³தே⁴னப⁴க³வதா படிக்கோஸிதேஹி நீவாரிதேஹி. “மிச்சா²பயோகே³ஹீ”தி அட்ட²குலதூ³ஸனகம்மேஹி சேவ ஏகவீஸதிஅனேஸனகம்மேஹி ச. “திவித⁴குஹனவத்தூ²ஹீ”தி பச்சயப்படிஸேவனஞ்ச, ஸாமந்தஜப்பனஞ்ச, இரியா பத² ஸன்னிஸ்ஸிதஞ்சாதி இமேஹி திவிதே⁴ஹி குஹனவத்தூ²ஹி. திவிதே⁴ஹி அச்ச²ரிய கம்மவிதா⁴னேஹீதி வுத்தங் ஹோதி. பரிஸுஜ்ஜ²தீதி பரிஸுத்³தி⁴. பரிஸுத்³தி⁴ ஏவ பாரிஸுத்³தி⁴. “ஸம்மோஹஸ்ஸா”தி தா⁴துமனஸிகாராதீ³ஸு ஸம்முய்ஹனஸ்ஸ. “கே³த⁴ஸ்ஸா”தி ஸம்மோஹத்தாயேவ பச்சயேஸு ப⁴த்தனிக்கி²த்தகா கஸ்ஸவிய கே³த⁴ஸ்ஸ, அபி⁴கங்க²ஸ்ஸ. “மத³ஸ்ஸா”தி லாப⁴ஸக்காரா தி³மூலகஸ்ஸ மானமத³ஸ்ஸ. “பமாத³ஸ்ஸா”தி குஸலேஸு த⁴ம்மேஸு பமாத³ஸ்ஸ முட்ட²ஸ்ஸச்சஸ்ஸ. தங் தங் பயோஜன மரியாதோ³ நாம சீவரபச்சயே தாவ ஸீதப்படிகா⁴தாதி³கோ பயோஜனமரியாதோ³. “மரியாதோ³”தி ச யாவதே³வாதி பதே³ன த³ஸ்ஸிதோ ஸீதப்படிகா⁴தாதி³கோ சீவரப்பயோஜன பரிச்சே²தோ³. ஸோ ச சீவரபச்சயே ஸம்மோஹாதி³கே ஸாவஜ்ஜபக்கே² அபதனத்தா²ய ட²பிதோ. தேன வுத்தங் “ஸம்மோஹஸ்ஸ கே³த⁴ஸ்ஸ மத³ஸ்ஸ பமாத³ஸ்ஸ பஹானத்த²ங்”தி. ஏஸனயோ பிண்ட³பாதபச்சயாதீ³ஸுபி. ஏதேன பச்சவெக்க²னாபாடே²ஸு அயமத்தோ² த³ஸ்ஸிதோ. இத⁴ பி⁴க்கு² சீவரங் படிஸேவதி யாவதே³வ ஸீதஸ்ஸ படிகா⁴தாய உண்ஹஸ்ஸ படிகா⁴தாயாதிஆதீ³ஸு யாவதே³வ ஸீதஸ்ஸ படிகா⁴தாய படிஸேவதி. ந ததோ உத்தரி ஸம்மோஹத்தா²ய கே³த⁴த்தா²ய மத³த்தா²ய பமாத³த்தா²ய படிஸேவதீதிஆதி³. ஏவஞ்சஸதி, யங் சீவரங் படிஸேவந்தஸ்ஸ ஸம்மோஹகே³த⁴மத³ப்பமாதா³ உப்பஜ்ஜந்தி. தங் ந ஸேவிதப்³ப³ங். இதரங் ஸேவிதப்³ப³ந்தி த³ஸ்ஸிதங் ஹோதீதி.

“பச்சத்தஸபா⁴வோ”தி பச்சேகஸபா⁴வோ. “காரியஸங்கா²தங்”தி காதப்³ப³ங் அபி⁴னிப்பா²தே³தப்³ப³ந்தி காரியங். ஆஸன்னப்ப²லங். தேனாஹ

“அக்³கி³ஸ்ஸதூ⁴மோவியா”தி. ஆஸன்னகாரணங் பத³ட்டா²னங் நாம
 அக்³கி³காரகோ விய. பஜ்ஜதி க³ச்ச²தி பவத்ததி ப²லங் ஏதேனாதி பத³ங். திட்ட²தி
 ப²லங் எத்தா²தி டா²னங். உப⁴யங்²பி காரண பரியாயோ ஏவ. தேன
 அதிஸ்ஸயத்தோ²பி ஸிஜ்ஜ²தீதி ஆஹ “ஆஸன்னகாரணங்”தி. “ஸத்³தி⁴ங்
 ஸஞ்ஞா சித்த விபல்லாஸேஹீ”தி தி³ட்டி²ஸம்பயுத்தேஹீதி அதி⁴ப்பாயோ.
 தி³ட்டி²விப்பயுத்தா பன ஸஞ்ஞா சித்த விபல்லாஸா விக்²ம்பி⁴துங்
 ஸக்கோதீதி ந வத்தப்³பா³. “ஸாஸன த⁴ம்மே”தி அனத்தலக்க²ண
 ஸுத்தந்தாதி³கே ஸஞ்ஞாத த⁴ம்மப்படிஸங்யுத்தே தே³ஸனாத⁴ம்மே.
 “தி³ட்டி²விபல்லாஸோ விக்²ம்பி⁴தோ”தி தாதி³ஸங் த⁴ம்மதே³ஸனங்
 ஸுத்வா தே³ஸகே ஸத்த²ரி ச தே³ஸிதே த⁴ம்மே ச ஸத்³த⁴ங் படிபி⁴த்வா
 ஸச்சமேவ ப⁴க³வா ஆஹ, அஹங் பன ஏதங் மம, ஏஸோஹமஸ்மி, ஏஸோ
 மே அத்தா,தி க³ண்ஹாமி, மிச்சா²வதாயங் மமகா³ஹோதி ஏவங்
 விக்²ம்பி⁴தோ ஹோதி. ததோ பட்டா²ய ஏஸோ மே அத்தாதி வத³ந்தோபி
 தி³ட்டி²ஸம்பயுத்தசித்தேன ந வத³தி. தி³ட்டி²விப்பயுத்தசித்தேன ஏவ வத³தீதி
 அதி⁴ப்பாயோ. இத³ம்பன த³ள்ஹக்³கா³ஹ விக்²ம்ப⁴னமத்தங் ஏவ . ந
 அத்தத³ஸ்ஸன விக்²ம்ப⁴னங். தங் பன த⁴ம்மவவத்தா²னஞ்ஞாணே
 ஸித்³தே⁴ ஏவ ஸிஜ்ஜ²தீதிபி வத³ந்தி. சதுன்னங் ஆஹாரானங் வஸேன
 சதுதா⁴ நாமரூபங் பரிக்க³ஹேதப்³மேவ. கஸ்மா, சத்தாரோ ஆஹாரே
 பரிக்க³ஹேத்வா தெஸ்வேவ லக்க²ணத்தயங் ஸமனுபஸ்ஸந்தஸ்ஸ அந்தே
 லோகுத்தரஞ்ஞாணத³ஸ்ஸனப்படிபா⁴கிச்சஸ்ஸ ஸித்³த⁴த்தாதி
 அதி⁴ப்பாயோ. பஞ்சதா⁴திஆதீ³ஸு ஏஸனயோ. ஆதி³கம்மிகானங் அவிஸயோ,
 விஸுங் விஸுங் லக்க²ண ரஸாதீ³ஹி பரிக்க³ஹேதுங் அஸக்குணெய்யத்தா.
 பரிக்க³ஹணே ஸக்கொந்தஸ்ஸபி விபஸ்ஸனா கம்மே விஸுங் விஸுங்
 பஸ்ஸிதுங் அஸக்குணெய்யத்தா ச. ததா²ஹி வக்²தி “கலாபவஸேன
 ஸங்கி²பித்வா”தி. “அஞ்ஞஸ்ஸ கஸ்ஸசீ”தி அத்தஜீவாதி³கஸ்ஸ. ஸோ கரோதி
 குஸலாகுஸலங் கம்மங். ஸோ படிஸங்வேதே³தி ப⁴வந்தரங் பத்வா
 தப்³பி³பாகங். ஸங்ஸரதி ப⁴வதோ ப⁴வங். ஸந்தா⁴வதி கம்மவேகே³ன
 கித்தோ. ஸுத்³தே⁴ நாமே ஏவ வா ரூபே ஏவ வா ஈஹாப்³யாபாரானங்
 அபா⁴வத³ஸ்ஸனதோதி யோஜனா. புக்³லஸத்தானங் க்ரியாயோதி
 ஸஞ்ஞிதாதி விக்³க³ஹோ. “அத்தாதி பவத்தா தி³ட்டி²”தி காரக தி³ட்டி². “தத³த்தா²
 பி⁴னிவேஸவஸேனா”தி ஸத்தோ, புக்³லோ, திஆதி³ வோஹாரஸ்ஸ
 ஸப்³பா⁴வதோ தஸ்ஸ அத்த²பூ⁴தோ ஸத்தபுக்³லாதி³கோபி ஸபா⁴வதோ
 அத்தி²யேவ. நோ நத்தீ²தி ஏவங் த³ள்ஹங் ஹத³யே ஸன்னிதா⁴னகரண
 வஸேன. “அதிதா⁴வனஞ்சா”தி வோஹார பஞ்ஞத்திமத்தே அட்ட²த்வா தங்
 அதிக்²மித்வா பஞ்சக்²ந்தே⁴ ஸத்தாதி³பா⁴வேன க³ஹணஞ்சாதி
 அதி⁴ப்பாயோ.

“கம்மசித்தோதுகாஹாரவஸேனா”தி எத்த² ககாரோ ஸந்தி⁴ வஸேன
 ஆக³மோ. கம்மவஸேன சித்தவஸேன உதுவஸேன ஆஹாரவஸேனாதி

அத்தோ². அனுரூபானங் பச்சயானங் ஸாமக்³கீ³தி விக்³க³ஹோ. “அஞ்ஞதா² பவத்தியா”தி அஞ்ஞோன பகாரேன பவத்தனஸ்ஸ.

“ஹேதுஸம்பா⁴ரபச்சயேஹி”தி ஹேதுபச்சய ஸம்பா⁴ரபச்சயேஹி. ஜனக பச்சயா ஹேதுபச்சயா நாம. பரிவாரபச்சயா ஸம்பா⁴ரபச்சயா நாம.

“கம்மப்பவத்தியா”தி கம்மப்பவத்திதோ. “விபாகப்பவத்தியா”தி விபாகப்பவத்திதோ. ஏகஸ்ஸ ஸத்தஸ்ஸ அனமதக்³கே³ ஸங்ஸாரே ஸங்ஸரந்தஸ்ஸ ரூபகாயோபி அத்தி² நாமகாயோபி அத்தி². ததோ அஞ்ஞோ கோசிஸபா⁴வோ நாம நத்தி². த்³வே ச காயா பஞ்சவோகாரே ஸங்ஸரந்தஸ்ஸ ஏகதோ பவத்தந்தி. அஸஞ்ஞஸத்தே ஸங்ஸரந்தஸ்ஸ ரூபகாயோ ஏவ பவத்ததி. ஸோ ஏவ தத்த² ஏகோஸத்தோதி ஸங்க்யங் க³ச்ச²தி. அரூபே ஸங்ஸரந்தஸ்ஸ நாம காயோ ஏவ பவத்ததி. ஸோ ஏவ தத்த² ஏகோ ஸத்தோதி ஸங்க்யங் க³ச்ச²தி. “ஸங்க்யங் க³ச்ச²தி”தி ச பஞ்ஞத்திமத்தங் க³ச்ச²தி அதி⁴ப்பாயோ. தேஸு ச காயேஸு ரூபகாயே சுதி படிஸந்தி⁴னங் அஞ்ஞமஞ்ஞங் அனந்தர பச்சயதா நாம நத்தி². ஏகமேகஸ்மிங் ப⁴வே ஏகமேகோ ஹுத்வா சுதிகாலே பி⁴ஜ்ஜதி. ரூபஸந்ததி சி²ஜ்ஜதி.

படிஸந்தி⁴ரூபேன ஸஹ பச்சய பச்சயுப்பன்னதா பப³ந்தோ⁴ நப்பவத்ததி. நாம காயே பன சுதி படிஸந்தி⁴னங் அஞ்ஞமஞ்ஞங் அனந்தரபச்சயதா அத்தி². சுதிகாலேபி நாமஸந்ததி ந சி²ஜ்ஜதி. படிஸந்தி⁴ நாமேன ஸஹ பச்சய பச்சயுப்பன்னதா பப³ந்தோ⁴ பவத்ததியேவ. தத்த² படிச்சஸமுப்பாத³ குஸலோ பி⁴க்கு² படிச்சஸமுப்பாத³ஞ்ஞாணே ட²த்வா ஏகஸ்மிங் ப⁴வே ஏகஸ்ஸ ஸத்தஸ்ஸ பவத்திங் பஸ்ஸந்தோ ஸத்தங் நாம ந பஸ்ஸதி. புக்³க³லங் நாம ந பஸ்ஸதி. அஹந்திபி ந பஸ்ஸதி. பரோதிபி ந பஸ்ஸதி. அஹங் அதீதேஸு ப⁴வேஸு அஹோஸிந்திபி ந பஸ்ஸதி. இமஸ்மிங் ப⁴வே அஸ்மீதிபி ந பஸ்ஸதி. அனாக³தேஸு ப⁴விஸ்ஸாமீதிபி ந பஸ்ஸதி. அத² கோ² அவிஜ்ஜா பச்சயா ஸங்கா²ரா பவத்தந்தி. ஸங்கா²ர பச்சயா ப⁴வந்தரே விஞ்ஞாணங் பவத்ததிஆதி³னா நயேன நாமரூப த⁴ம்மானங் ஹேதுப²ல பரம்பராவஸேன அவிச்சே²த³ப்பவத்திமேவ பஸ்ஸதி. ஏகஸ்மிங் ப⁴வே பவத்திங் பஸ்ஸந்தே ஸதி, அனமதக்³கே³ஸங்ஸாரே அனந்தேஸு ப⁴வேஸு தஸ்ஸ ஸத்தஸ்ஸ பவத்தி தி³ட்டா² ஏவ ஹோதி தத்த²பி ஏவமேவ, தத்த²பி ஏவமேவாதி. ததா³ தஸ்ஸ ஸோளஸவிதா⁴ கங்கா² பஹீயதீதி இமமத்த²ங் “த³ஸ்ஸெந்தோ அனமதக்³கே³ ஸங்ஸாரே”திஆதி³மாஹ. தத்த² கதமா ஸோளஸவிதா⁴ கங்கா²தி. அஹோஸிங் நு கோ² அஹங் அதீதமத்³தா⁴னங். ந நு கோ² அஹோஸிங். கிங் நு கோ² அஹோஸிங். கத²ங் நு கோ² அஹோஸிங். கிங் ஹுத்வா கிங் அஹோஸிங் நு கோ² அஹங் அதீதமத்³தா⁴னந்தி ஏவங் புப்³பந்தே பஞ்சவிதா⁴ கங்கா²வுத்தா. ப⁴விஸ்ஸாமி நு கோ² அஹங் அனாக³தமத்³தா⁴னங். ந நு கோ² ப⁴விஸ்ஸாமி. கிங் நு கோ² ப⁴விஸ்ஸாமி. கத²ங் நு கோ² ப⁴விஸ்ஸாமி. கிங் ஹுத்வா கிங் ப⁴விஸ்ஸாமி நு கோ² அஹங் அனாக³தமத்³தா⁴னந்தி ஏவங் அபரந்தே பஞ்சவிதா⁴ கங்கா² வுத்தா .

அஹங் நு கோ² ஸ்மி. நோ நு கோ² ஸ்மி. கின்னு கோ² ஸ்மி. கத²ங் நு கோ²
 ஸ்மி. அஹங் நு கோ² ஸத்தோ குதோ ஆக³தோ. ஸோ குஹிங் கா³மீ
 ப்⁴விஸ்ஸாமீதி ஏவங் பச்சப்பன்னை ச²ப்³பி³தா்⁴ கங்கா² வுத்தா. இமா
 ஸோளஸவிதா்⁴ கங்கா²தி. தத்த² அஹோஸிங் நு கோ², ந நு கோ²
 அஹோஸிந்தி இமினா பத³த்³வயேன அதீதகாலே அத்தனோ அத்தி²
 நத்தி²பா்⁴வே கங்க²தி. ஸசே அத்தி², கிங் நு கோ² அஹோஸிந்தி கங்க²தி.
 கேனசி ஹேதுனா பச்சயேன வா அஹோஸிங். கேனசி இத்³தி்⁴மந்தேன வா
 நிம்மிதோ அஹோஸிங். அஹேது அபச்சயா வா அனிம்மிதோ வா
 ஸயங்ஜாதோ அஹோஸிந்தி அத்தோ². யதி³ தேஸுபகாரேஸு அஞ்ஞதரேன
 அஹோஸிங். கத²ங் நு கோ² அஹோஸிங். அபாத³கோவா அஹோஸிங்.
 த்³விபாத³கோ வா. சதுப்பாத³கோவா. ப³ஹுப்பாத³கோவா. ரூபீவா. அரூபீவா.
 ஸஞ்ஞீவா. அஸஞ்ஞீவா இச்சாதி³. அத² தேஸு அபாத³காதீ³ஸு அஞ்ஞதரோ
 அஹங் அஹோஸிங். கிங் ஹுத்வா கிங் அஹோஸிங். பத²மப்⁴வே கிங்
 ஹுத்வா து³தீய ப்⁴வாதீ³ஸு கிங் அஹோஸிந்தி இத்³ங் ப்⁴வபரம்பராவஸேன
 வுத்தங். ஏஸனயோ அபரந்தேபி. பச்சப்பன்னை “அஹங் நு கோ² ஸ்மி, நோ நு
 கோ² ஸ்மீ”தி யதா² கு²த்³த³கவத்து² விப்⁴ங்கே³ அட்ட²ஸததண்ணஹாவிசரிதேஸு.
 ஸதஸ்மீதி ஹோதி. ஸீதஸ்மீதி ஹோதீதி வுத்தங். தத்த² “ஸதஸ்மீ”தி அஹங்
 ஸஸ்ஸதோ வா ப்⁴வாமி. “ஸீதஸ்மீ”தி அஹங் உச்சி²ன்னோவா ப்⁴வாமீதி
 அத்தோ². யதா² ச. அத்தீ²தி கோ² ஏகோ அந்தோ. நத்தீ²தி கோ² து³தீயோ
 அந்தோதி வுத்தங். தத்த² “அத்தீ²”தி அத்தானாம ப்⁴வாப்⁴வேஸு நிச்சகாலங்
 அத்தி². “நத்தீ²”தி ததா² நத்தி², உச்சி²ஜ்ஜதி. ந ஹோதி பரம்மரணாதி அத்தோ².
 ததா² இதா்⁴பி அஹங் நு கோ² ஸ்மி. நோ நு கோ² ஸ்மீதி கங்க²தி. தத்த²
 “அஹங் நு கொ²ஸ்மீ”தி அயங் அஹங் நாம ப்⁴வாப்⁴வேஸு நிச்சகாலங்
 அஸ்மி நு கோ², மம அத்தானாம ஸஸ்ஸதோ ஹுத்வா ஸப்³ப³காலங் அத்தி²
 நு கோ²தி வுத்தங் ஹோதி. “நோ நு கோ² ஸ்மீ”தி ததா² நோ அஸ்மி நு கோ².
 மம அத்தா ததா² நத்தி² நு கோ²தி அத்தோ². எத்த² ச “ப்⁴வாப்⁴வேஸு”தி
 பவத்தேபி பச்சப்பன்னை வத்தமானங் அத்தானங் க³ஹெத்வா பவத்தா
 பச்சப்பன்னை ஸங்க³ஹிதந்தி த³ட்ட²ப்³ப³ங். “கிங் நு கோ² ஸ்மீ”தி அஹங் நாம
 ஸந்தோ ஜாதோ கிங் நு கோ² அஸ்மி. கேனசி ஹேதுனா பச்சயேன வா அஸ்மி
 நு கோ². கேனசி இத்³தி்⁴மந்தேன வா நிம்மிதோ ப்⁴வாமி நு கோ². உதா³ஹு
 அஹேது அபச்சயா வா கேனசி அனிம்மிதோ வா ஸயங் நு கோ² ப்⁴வாமி நு
 கோ²தி அத்தோ². “கத²ங் நு கோ² ஸ்மீ”தி எத்த² பன அபதா³தீ³ஹி
 அயோஜெத்வா அஹங் நு கோ² கிங் கொ³த்தோ ப்⁴வாமி. கோ³தமகொ³த்தோ
 வா வாஸெட்ட² கொ³த்தோ வா திஆதி³னா யோஜேதப்³ப³ங். ஆதி³ கப்பகாலே
 தானி கொ³த்தானி ஏதரஹி ஸம்பே⁴த³ங் க³ச்ச²ந்தி. தஸ்மா தேஸு கங்க²ந்தோ
 கங்க²தியேவ. “அஹங் குதோ ஆக³தோ”தி அஹங் அதீதே குதோப்⁴வதோ
 ஆக³தோ அஸ்மி. “ஸோகுஹிங்கா³மீ ப்⁴விஸ்ஸாமீ”தி ஸோ அஹங் ஆயதிங்
 ப்⁴வே குஹிங் கா³மிகோ ப்⁴விஸ்ஸாமீதி கங்க²தி. “கங்கா²ய அதிக்கமோ”தி

ஸோ பி⁴க்கு² படிச்சஸமுப்பாதே³ அவிஜ்ஜாதி³கங் அதீதஹேது பஞ்சகங்
பஸ்ஸந்தோ தஸ்மிங்⁴வே ஸப்³பங்³பி படிச்சஸமுப்பாத³ங் பஸ்ஸதியேவ.
ஏவங் பஸ்ஸந்தோ ந தத்த² அஹங் நாம கோசி அத்தி², யங் படிச்ச அதீத
விஸயா பஞ்சவிதா⁴ கங்கா² உப்பஜ்ஜதி. த⁴ம்ம மத்தமேவ தத்த² அதீ²தி
ஏவங் அதீதே கங்கா² வத்து²ஸ்ஸ அபா⁴வத³ஸ்ஸனேன பஞ்சவிதா⁴ய
கங்கா²ய அதிக்மோ ஹோதி. நனு ததா² பஸ்ஸந்தஸ்ஸபி கத²ங் நு கோ²
ஸ்மி, கிங் ஹுத்வா கிங் அஹோஸிங் நு கோ²தி அயங் கங்கா² அதி²யேவ.
ததா² பஸ்ஸந்தோபி ஹி வினா புப்³பே³னிவாஸஞ்ஞானேன அதீதே ப⁴வே
அஹங் த³விபாத³கோ அஹோஸிந்திவா சதுப்பாத³கோ அஹோஸிந்தி வா
ததோ சுதோ அஸுகப⁴வே உப்பன்னோதி வா ந ஜானாதி ந பஸ்ஸதீதி.
வுச்சதே. ஸா பன கங்கா² த⁴ம்ம மத்தப்பவத்தி த³ஸ்ஸனதோ பட்டா²ய
அந்தராயிக கங்கா² ந ஹோதி. விசிகிச்சா² படிருபிகா ஏவ. ஸா ஹி
அரியானங்³பி லப்³ப⁴தி யேவாதி. ததா² அனாக³தே ப²லபஞ்சகங் பஸ்ஸந்தோ
அபரந்தே பஞ்சவித⁴ங் கங்க²ங் அதிக்மதி. பச்சப்பன்னே ப²லபஞ்சகஞ்ச
ஹேதுபஞ்சகஞ்ச பஸ்ஸந்தோ பச்சப்பன்னே கங்கா² ச²க்கங் அதிக்மதி.
ஸேஸங் ஸப்³பங்³ புப்³ப³ந்தே வுத்தனயமேவாதி. அட்ட²விதா⁴ய கங்கா²ய
அதிக்கமனே பன படிச்சஸமுப்பாத³ங் அனுலோமப்படி³லோமங் பஸ்ஸந்தோ
தே³ஸனா த⁴ம்மே ச லோகுத்தர த⁴ம்மேஸு ச கங்க²ங் அதிக்மதி. த⁴ம்மே
கங்கா²திக்கமனேன ஸஹேவ தே³ஸெந்தே ஸத்த²ரி ச, யதா²னுஸிட்ட²ங்
படிபன்னே ஸங்கே⁴ ச, தீஸு ஸிக்கா²ஸு ச, யதா²வுத்தே புப்³ப³ந்தே ச,
அபரந்தே ச, புப்³ப³ந்தா பரந்தேஸு ச, படிச்சஸமுப்பாதே³ன ஸஹ
படிச்சஸமுப்பன்னேஸு த⁴ம்மேஸு ச ஸப்³பங்³ கங்க²ங் அதிக்மதியேவ.
தேனாஹ “ஸபா⁴வ த⁴ம்மப்பவத்தியா”திஆதி³ங். தத்த²
“ஸபா⁴வத⁴ம்மப்பவத்தியா சா”தி பச்சயபரம்பராவஸேன
ஸபா⁴வத⁴ம்மானங் பரம்பரப்பவத்தியா ச. த⁴ம்மஸு த⁴ம்மதா நாம
தே³ஸனா த⁴ம்மஸ்ஸ ஸ்வாக்கா²ததாதி³பா⁴வேன ஸுந்த³ர த⁴ம்மதா.
அனவஜ்ஜத⁴ம்மதா. புத்த³த⁴ஸுபுத்த³த⁴தா நாம தங் த⁴ம்மங்
தே³ஸெந்தஸ்ஸ புத்த³த⁴ஸ்ஸ ஸப்³ப³ஞ்ஞபுத்த³த⁴தா.

பரியுட்டி²தானங் தி³ட்டி²விசிகிச்சா²னங் விக்க²ம்ப⁴னங் நாம ஹெட்டா²
த⁴ம்மவவத்தா²ன வஸேன பச்சயபரிக்க³ஹவஸேன ச ஸிஜ்ஜ²தி.
விபஸ்ஸனா கம்மங் பன அனுஸயபு⁴தானங் தி³ட்டி²விசிகிச்சா²னங்
ஸல்லிக²னத்தா²ய கரீயதீதி வுத்தங் “அனுஸய ஸமுஹனந்த²ஞ்சா”திஆதி³.
“தத்த² பனா”தி தஸ்மிங் படிஸம்பி⁴தா³ மக்³கே³ பன. விப⁴த்தேஸுதி
பாட²ஸேஸோ. “யஸ்ஸா”தி யோகீ³ புக்³க³லஸ்ஸ. “யங் தூ³ரே ஸந்திகேவா”தி
யங் தூ³ரே பவத்தங் ரூபங் வா, ஸந்திகே பவத்தங் ரூபங்வாதி பாட²ஸேஸோ.
“தத³த்த²ஸ்ஸ பனா”தி ஸம்மஸிதத⁴ம்முத்த³தா⁴ரத்த²ஸ்ஸ. “ஞானேன
த³ள்ஹங் க³ஹேத்வா”தி த⁴ம்மவவத்தா²னஞ்ஞானேன ஸுட்டு²விபு⁴தங்
கத்வாதி அதி⁴ப்பாயோ. இதா³னி யங் யங் த³ள்ஹங் க³ஹேதப்³பங். தங் தங்

ஸ்ரூபதோ த்ஸ்ஸேதுங் “தத்தா”திஆதி³மாஹ. புன த்ஸ்ஸஹங் க்ஹிதஸ்ஸ
 ரூபஸ்ஸ அனிச்சலக்கணங் த்ஸ்ஸேதுங் “ஸா ச க்ரியா”திஆதி³ வுத்தங்.
 “நஸ்ஸந்தீ”தி பி⁴ஜ்ஜந்தி. அனிச்சதங் க்ச்சந்தி. “வித்த²மப⁴ன க்ரியா”தி எத்த²
 விவிதே⁴ன த²மப⁴னங் வித்த²மப⁴னங். நானாதி³ஸாபி⁴முக²வஸேன
 த²மப⁴னங் வஹனந்தி அத்தோ². “இமாஸஞ்சா”தி சதுன்னங்
 மஹாபூ⁴தானஞ்ச. விஸுங் விஸுந்தி வுத்தத்தா தாஸங் அஞ்ஞமஞ்ஞஞ்ச
 ஸஹஜாதேஸு க்ஹணங் ஸம்ப⁴வதீதி வுத்தங் “ஆபாதீ³னங்”தி. ஆபாதீ³னங்
 ஸேஸமஹாபூ⁴தானஞ்சாதி அத்தோ². ஸந்ததியா ஸரீரானி ஸந்ததி ஸரீரானி.
 “ததா² ததா² கப்பெத்வா”தி ரூபத⁴ம்மானங் ஸந்ததி பரிவத்தி நாம
 அபி⁴க்கமந்தஸ்ஸ ஏவங் ப⁴வெய்ய, படிக்கமந்தஸ்ஸ ஏவங் ப⁴வெய்ய,
 ததா² ஸமிஞ்ஜந்தஸ்ஸ பஸாரெந்தஸ்ஸாதிஆதி³னா பரிகப்பெத்வா.
 “ஸேஸக²ந்தே⁴ஸுபி தங் தங் ஸந்ததி நானத்தங்”தி வேத³னாக்க²ந்தே⁴ தாவ
 காயே காயிகஸுக²ஸந்ததி து³க்க²ஸந்ததீனங் நானத்தங். சித்தே ஸோமனஸ்ஸ
 தோ³மனஸ்ஸ ஸந்ததீனங். உபெக்கா² ஸந்ததி பன அவிபூ⁴தா ஹோதி.
 கப்பெத்வா க்ஹேதப்³பா³. யதா³ சித்தே ஸோமனஸ்ஸ தோ³மனஸ்ஸானி ந
 ஸந்தி³ஸ்ஸந்தி, ததா³ இதா³னி உபெக்கா² மே வேத³னா பவத்ததீதி வா, யதா³
 தானி ஸந்தி³ஸ்ஸந்தி , ததா³ ஸா நிருஜ்ஜதீதி வா ஏவங் தக்கெத்வா
 ஸம்மஸிதப்³பா³தி வுத்தங் ஹோதி. ஸஞ்ஞாக்க²ந்தே⁴
 ரூபஸஞ்ஞாஸத்³த³ஸஞ்ஞாதீ³னங் வஸேன. ஸங்கா²ரக்க²ந்தே⁴
 ரூபஸஞ்சேதனா ஸத்³த³ஸஞ்சேதனாதீ³னங் வஸேன, நானாவிதக்க
 விசாராதீ³னங் வஸேன, லோபா⁴லோப⁴ தோ³ஸாதோ³ஸ
 மோஹாமோஹாதீ³னங் வஸேன ச. விஞ்ஞாணக்க²ந்தே⁴
 சக்கு²விஞ்ஞாணாதீ³னங், குஸலா குஸலவிஞ்ஞாணாதீ³னஞ்ச வஸேன ஸந்ததி
 நானத்தங் வேதி³தப்³பங். விஸ்ஸாஸங் கரோதீதி வத்வா தத³த்த²ங் விவரதி
 “ஏதங் மே”திஆதி³னா. தத்த² தயோவிஸ்ஸாஸா தண்ஹாவிஸ்ஸாஸோ,
 மானவிஸ்ஸாஸோ, தி³ட்டி²விஸ்ஸாஸோ. தத்த² ஏதங் மமாதி
 தண்ஹாவிஸ்ஸாஸோ. ஏஸோஹமஸ்மீதி மானவிஸ்ஸாஸோ. ஏஸோ மே
 அத்தாதி தி³ட்டி²விஸ்ஸாஸோ. “பரிஹரதீ”தி ப⁴வாப⁴வேஸு
 பரிக்க³ஹெத்வா ஹரதி வஹதி. “பரமஜ்ஜத்தபா⁴வேனா”தி
 பதா⁴னஅஜ்ஜத்தபா⁴வேன. அஜ்ஜத்தஸாரபா⁴வேனாதி வுத்தங் ஹோதி.
 “பரிக்க³ஹிதோ”தி ஏஸோ மே அத்தாதி தி³ட்டி²பரிக்க³ஹேன பரிக்க³ஹிதோ.
 தயோ ஹி பரிக்க³ஹா தண்ஹா பரிக்க³ஹோ, மானபரிக்க³ஹோ,
 தி³ட்டி²பரிக்க³ஹோதி. வஸே ஸப்³பஸோ வத்தந்தோ நாம கேவலங்
 வஸாயத்தவுத்திகோ ஏவ ஸியா, ந பச்சயாயத்தவுத்திகோதி த்ஸ்ஸெந்தோ
 “யதா²வுத்தேஹி”திஆதி³மாஹ. தத்த² “யதா²வுத்தேஹி”தி ஸப்³பஸங்க³ஹே
 வுத்தப்பகாரேஹி கம்மாபி⁴ஸங்க²ரணாதீ³ஹி. “ததா²பரிக்க³ஹேதப்³போ³”தி
 ஏஸோ மே அத்தாதி ஏவங் பரமஜ்ஜத்தபா⁴வேன பரிக்க³ஹேதப்³போ³. ததா²
 ஹி யோ அத்தனோ வஸேன வத்ததி, தஸ்மிங் அத்தனோ ஸாமிபா⁴வோ

நத்தி². யஸ்மிஞ்ச ஸாமிபா⁴வோ நத்தி², தஸ்மிங் ரூபாதி³கே த⁴ம்மே
 அத்தானங் ஸாமிகங் கத்வா ஏஸோ மம அத்தாதி பரிக்க³ஹோ நாம மிச்சா²
 ஏவ. ததா² யோ ச க²ணிக த⁴ம்மோ ஹோதி, க²ணே க²ணே பி⁴ஜ்ஜதி, தங்
 ரூபாதி³கங் க²ந்த⁴பஞ்சகங் அத்தனோ ஸாரங் கத்வா ததா² பரிக்க³ஹோபி
 மிச்சா² ஏவ. எத்த² ச “மிச்சா² ஏவா”தி பரமத்த² ஸச்சங் பத்வா மிச்சா² ஏவ.
 விபல்லாஸோ ஏவாதி வுத்தங் ஹோதி. “ஸுக²ங் வித்³த⁴ங்ஸேதி”தி
 காயிகஸுக²ஞ்ச சேதஸிக ஸுக²ஞ்ச வித்³த⁴ங்ஸேதி. வினாஸேதி.
 “நானாது³க்க²ங் ஜனேதி”தி காயிகது³க்க²ஞ்ச சேதஸிக து³க்க²ஞ்ச ஜனேதி
 உப்பாதே³தி. “இத³ஞ்ச ரூபங் ஏதி³ஸமேவ ஹோதி”தி கத²ங் ஹோதி.
 மனுஸ்ஸத்தபா⁴வே டி²தானங் ஸத்தானங் யதா²பவத்தங் மனுஸ்ஸ ஸுக²ங்
 வித்³த⁴ங்ஸேதி, ஜிண்ணபி⁴ன்னபா⁴வங் பாபேதி, நானாது³க்க²ங் ஜனேதி.
 ஸயங் அபாயத்தபா⁴வங் க³ஹெத்வா தேஸங் நானாஅபாய து³க்க²ங் ஜனேதி.
 ததா² தே³வத்தபா⁴வே ஸக்கத்தபா⁴வே ப்³ரஹ்மத்தபா⁴வே
 டி²தானந்திஆதி³னா வத்தப்³ங். ததா² மனுஸ்ஸத்தபா⁴வே டி²தானங்
 நானாவிபரிணாம கிச்சேஹி யதா²பவத்தங் ஸுக²ங் வித்³த⁴ங்ஸேதி,
 நானாபச்சயாபி⁴ஸங்க²ரணகிச்சேஹி நானாது³க்க²ங் ஜனேதி. தேன வுத்தங்
 “இத³ஞ்ச ரூபங் ஏதி³ஸமேவா”தி. “ஸாரோனாம தா²மப³லவிஸேஸோ வச்சதி”தி
 ஏதேன தா²மப³லவிஸேஸேன ஸம்பன்னங் வத்து²ங்பி ஸங்க³ண்ஹாதி.
 “அஸாரகட்டே²னா”தி எத்த² ஸாரோ ஏவ ஸாரகங், ந ஸாரகங் அஸாரகந்தி
 இமமத்த²ங் ஸந்தா⁴ய “ரூபங் பன ஸயங்பி ஏவரூபோ ஸாரோ ந ஹோதி”தி
 வுத்தங். ஸத்தானங் அத்தஸாரோ ஜீவஸாரோ ந ஹோதி²தி அத்தோ². நத்தி²
 ஸாரோ ஏதஸ்ஸாதி அஸாரகந்தி இமமத்த²ங் ஸந்தா⁴ய “ந ச ஏவரூபேன
 ஸாரேன யுத்தங்”தி வுத்தங். அத்தஸாரேன ஜீவஸாரேன ஸங்யுத்தங் ஹோதி²தி
 அத்தோ². தத்த² புரிமோ அத்தோ² ரூபங் அத்ததோ ஸமனுபஸ்ஸதி²தி இத³ங்
 ஸந்தா⁴ய வுத்தோ. பச்சி²மோ ரூபவந்தங் வா அத்தானங், அத்தனி வா ரூபங்,
 ரூபஸ்மிங் வா அத்தானங்தி இமானி ஸந்தா⁴ய வுத்தோ. ஏதேன
 அஸாரகட்டே²னாதி அஸாரபா⁴வேன, அஸாரயுத்தபா⁴வேன வாதி ச.
 அனத்தாதி எத்த²பி ந அத்தா அனத்தா, நத்தி² அத்தா ஏதஸ்ஸாதி வா
 அனத்தாதி ச த்³விதா⁴ அத்தோ² ஸிஜ்ஜ²தி. “யஞ்சா”தி யஞ்ச ரூபங். “பீளேதி”தி
 தங் ஸமங்கீ³ புக³க³லங் பீளேதி. ஏதேன அனத்தபா⁴வே ஸித்³தே⁴
 து³க்க²பா⁴வோபி ஸித்³தோ⁴தி த்³ஸ்ஸேதி. “திண்ணங் வயானங் வஸேன
 அத்³தா⁴பே⁴தோ³ யோஜேதப்³போ³”தி பத²மவயே பவத்தங் ரூபங் து³தீயவயங்
 ந பாபுணாதி, பத²மவயே ஏவ நிருஜ்ஜ²தி²திஆதி³னா அத்³தா⁴பச்சுப்பன்னே
 அந்தோக³த⁴பே⁴தோ³ யோஜேதப்³போ³. “ஸபா⁴கே³கஸந்தானவஸேனா”தி
 ஸபா⁴கா³னங் த⁴ம்மானங் ஸபா⁴க³ட்டே²ன ஏகீபு⁴தா ஸந்ததி
 ஸபா⁴கே³கஸந்ததி. “ஸபா⁴கா³னங் த⁴ம்மானங்”தி ச சித்தஜேஸுதாவ
 நிரந்தரப்பவத்தேன லோப⁴ஸம்பயுத்தசித்தேன ஸஹஜாதா ரூபத⁴ம்மா
 ஸபா⁴க³ரூபத⁴ம்மா நாம. ததா² நாம த⁴ம்மா ச. ஏவங்

தோஸஸம்பயுத்தாதீஸுபி. உதுஜேஸு நிரந்தரப்பவத்தேன ஸீதஉதுனா
ஸமுட்டிதா ரூபதம்மா ஸபாக்கூரூப தம்மா நாம. ததா உண்ணுஉதுனா
ஸமுட்டிதா. ஏஸனயோ ஆஹாரஜேஸுபீதி ஏவங்
ஸபாக்கேகஸந்ததிவஸேன. “ஸம்பாபுணிதுங்”தி ஞானேன ஸம்பாபுணிதுங்.
“அத்தாஸந்ததிவஸேனா”தி எத்த ஸந்ததிவஸேன ஸம்மஸனங்
விஸேஸதோ அதிப்பேதங். ஏவஞ்ச கத்வா ஹெட்டா அனிச்சங்
கயட்டேனாதி பதே சதுன்னங் மஹாபூதானங் ஸந்ததி விபாக்கனயோ
ஸுட்டு தஸ்ஸிதோதி. “அனிச்சலக்கண தஸ்ஸனமேவ பதானங்”தி
இமஸ்மிங் ஞானேபி உத்யப்பயஞ்ஞானேபி பங்கஞ்ஞானேபி
அனிச்சலக்கண தஸ்ஸனமேவ பதானங். ப்யஞ்ஞானே ச
ஆதினவஞ்ஞானே ச நிப்பிதாஞானே ச துக்கலக்கண தஸ்ஸனங்
பதானங். உபரி சதுஸு ஞானேஸு அனத்தலக்கண தஸ்ஸனங்
பதானந்தி. “ஸமுதிதேஸு”தி அஞ்ஞமஞ்ஞங்
அவினாபாவஸஹாயபாவேன ஸமுப்பன்னேஸு. இதஞ்ச
அவிஜ்ஜாஸமுத்யா ரூபஸமுத்யோ. தண்ணாஸமுத்யா உபாதான
ஸமுத்யோ. ஆஹார ஸமுத்யா ரூபஸமுத்யோதி பானிவஸேன வுத்தங்.
அப்பஹீன வஸேனாதி பானிபதே பன அவிஜ்ஜா தண்ணா திட்டானுஸயானங்
அப்பஹீனட்டேன ஸந்தானே விஜ்ஜமானதா ஏவ பமாணந்தி திட்டப்பங்.
“ஸமுதேந்தீ”தி படிஸந்திதோ பட்டாய ஏகதோ உதேந்தி. உபரூபரி எந்தி.
ஆகச்சந்தீதி அத்தோ. ஏகபாவபாவேன பாதுப்பவந்தீதி அதிப்பாயோ.
தேனாஹ “யாவமரணகாலா”திஆதிங். “பஸவந்தீ”தி பவட்டமானா ஸவந்தி,
பவத்தந்தி, ஸந்தந்தி. “தேஸு பனா”தி அவிஜ்ஜா தண்ணாபாதான கம்மேஸு.
“நிருஜ்ஜந்தீ”தி தஸ்மிங்பவே ஏவ நிருஜ்ஜந்தி. தஸ்மிங் பவே நிரோதோ
நாம பவந்தரே புன அனுப்பாதோ யேவாதி வுத்தங் “பவந்தரே”திஆதி. “தங்
ஸந்ததியங்”தி தஸ்மிங் பச்சப்பன்ன பவேதி வுத்தங் ஹோதி. “புன
அனுப்பாதஸங்காதங் நிரோதங்”தி ஸந்ததி நிரோதோ நாம வுத்தோ. ந
நிப்பான நிரோதோ. ஏதாஹி பச்சயே ஸதி, பவந்தரே உப்பஜ்ஜீஸ்ஸந்தி
யேவாதி. இதானி யதாபவத்த ஸந்ததீஸு பரியாபன்னானங் ஸப்பச்சிமானங்
நாமரூபானங் கணிகனிரோதவஸேன அத்தங் வதந்தோ “யதாபவத்த
ஸந்ததியோ வா சிஜ்ஜந்தி பிஜ்ஜந்தீ”தி வுத்தங். “உத்யப்பயங்
ஸமனுபஸ்ஸந்தஸ்ஸ சா”தி எத்த கதமோ உத்யோ நாம, கதமோ வயோ
நாம, கதஞ்ச ததுப்யங் ஸமனுபஸ்ஸதீதி ஆஹ “உத்யப்பயங்
பஸ்ஸந்தஸ்ஸாதி எத்த யதா நாமா”திஆதிங். தத்த “தமோ கந்தோ”தி
தமோராஸி. “வேதீ”தி விகச்சதி. அந்தர தாயதி. “உத்யோ”தி உப்பாதோ சேவ
வட்டி ச. “வயோ”தி விகமனங், அந்தரதானங்.
“நானாபயோகவஸேனவா”தி ஸமிஞ்ஜனப்பஸாரணாதி நானாபயோகவஸேன
வா. உத்யபக்கானங் நானாஸந்ததீனங் உத்யஞ்ச உத்யதோ. வயபக்கானங்
நானாஸந்ததீனங் வயஞ்ச வயதோதி யோஜனா.

பொ³ஜ்ஜ²ங்க³ த⁴ம்மேஹி ஸம்பன்னத்தா ஆராதே⁴தி அத்தனோ சித்தங்தி
 ஆரத்³தோ⁴. துட்ட²சித்தோதி அத்தோ². விபஸ்ஸதீதி விபஸ்ஸகோ.
 ஆரத்³தோ⁴ ஹுத்வா விபஸ்ஸகோ ஆரத்³த⁴விபஸ்ஸகோ. து³விதோ⁴ஹி
 விபஸ்ஸகோ தருண விபஸ்ஸகோ ச ஆரத்³த⁴ விபஸ்ஸகோ ச. தத்த²
 க²ந்தா⁴னங் உத³யப்³யங் ஸுட்டு² அபஸ்ஸந்தோ து³ப்³லவிபஸ்ஸகோ
 தருண விபஸ்ஸகோ நாம. க²ந்தா⁴னங் உத³யப்³யங் ஸுட்டு² பஸ்ஸந்தோ
 விபஸ்ஸனா கம்மே ஆராதி⁴த சித்தோ ப³லவவிபஸ்ஸகோ
 ஆரத்³த⁴விபஸ்ஸகோ நாம. யங் ஸந்தா⁴ய வுத்தங்.

[க]

‘ஸுஞ்ஞாகா³ரே பவிட்ட²ஸ்ஸ, ஸந்தசித்தஸ்ஸ பி⁴க்கு²னோ;
 அமானுஸீ ரதீ ஹோதி, ஸம்ம த⁴ம்மங் விபஸ்ஸதோ,தி ச.

[க²]

‘யோ ச வஸ்ஸஸதங் ஜீவே, அபஸ்ஸங் உத³யப்³யங்;
 ஏகாஹங் ஜீவிதங் ஸெய்யோ, பஸ்ஸதோ உத³யப்³யங்,தி ச.

அயமித⁴ அதி⁴ப்பேதோ. விபஸ்ஸனங் உபேச்ச கிலேஸெந்தி,
 மலீனபா⁴வங் க³மெந்தீதி விபஸ்ஸனுபக்கிலேஸா. பரிப³ந்த⁴ந்தி நீவாரெந்தீதி
 பரிப³ந்த⁴காதி ஹெட்டா² வுத்தமேவ அந்தராயிக த⁴ம்மானங் நாமங்.
 “ஸரீரோபா⁴ஸோ”தி ஸகலஸரீரதோ நிக்க²ந்தோ ஓபா⁴ஸோ. “பஞ்சவிதா⁴
 பீதி”தி கு²த்³தி³கா பீதி, க²ணிகா பீதி, ஓக்கந்திகா பீதி, உப்³பேகா³ பீதி, ப²ரணா
 பீதி. “து³விதா⁴ பஸ்ஸத்³தீ⁴”தி அதிப³லவந்தீ காயபஸ்ஸத்³தி⁴சேவ
 சித்தபஸ்ஸத்³தி⁴ ச. விபஸ்ஸனா கம்மே ஓகப்பனாகாரப்பவத்தா ஸத்³தா⁴ஏவ
 அதி⁴முச்சனட்டே²ன அதி⁴மொக்கோ² ஸத்³தா⁴தி⁴மொக்கோ². “வீரியங்”தி
 தஸ்மிங் கம்மே அனிக்கி²த்தது⁴ரங் பக்³க³ஹிதஸ்ஸங் வீரியங். “ஸுக²ங்”தி
 சித்தஸுக²ங். தேனாஹ “ஸோமனஸ்ஸங்”தி. “விபஸ்ஸனாஞாணங்”தி
 இந்த³விஸ்ஸட்ட²வஜிரஸதி³ஸங் ப³லவவிபஸ்ஸனாஞாணங். “ஸதீ”தி தஸ்மிங்
 கம்மே அப்பமுட்டா² ஸதி. “தத்ரமஜ்ஜ²த்துபெக்கா²”தி சித்தஸ்ஸ
 லீனுத்³த⁴ச்சாதீ³ஹி விஸமந்தேஹி விமுத்தா தத்ரமஜ்ஜ²த்ததாஸங்கா²தா
 உபெக்கா². “ஆவஜ்ஜனுபெக்கா²”தி வஸிபா⁴வபத்தா ஆவஜ்ஜனஸங்கா²தா
 உபெக்கா². “ஆலயங்”தி தண்ஹாலயங். “குருமானா”தி கரொந்தீ. “ஸுகு²மா
 தண்ஹா”தி குஸலேஹி மிஸ்ஸகத்தா இதங் அகுஸலந்திபி ஜானிதுங்
 அஸக்குணெய்யா ஸுகு²மதண்ஹா. “ந வதமே”தி மம ந
 உப்பன்னபுப்³போ³வதாதி யோஜனா. “அஸ்ஸாத³ஸஹிதா”தி ஓபா⁴ஸாதீ³ஸு
 அஸ்ஸாத³தண்ஹா ஸஹிதா. “அதி⁴மான வஸேனா”தி அதி⁴கதரங்
 மஞ்ஞனாவஸேன. “தாவதே³வா”தி நிகந்தியா உப்பத்திக்க²ணேயேவ.
 “நிகாமனாகாரோ”தி இச்ச²னாகாரோ. அஸ்ஸாத³னாகாரோ.

“நிகாமனஸ்ஸவத்து”²தி நிகந்தியா வத்து². “அத்³தா⁴”தி ஏகந்தேன. “ஹந்தா³”தி
 சித்தவிஸ்ஸட்ட²கரணே நிபாதபத்³ங். இதா³னேவ நங் விஸோதே⁴மி, ந சிரங்
 பவத்திதுங் த³ஸ்ஸாமீதி இமமத்த²ங் தீ³பேதி. “தெஸ்வேவா”தி
 தேஸுஓபா⁴ஸாதீ³ஸு ஏவ. அட்ட²கதா²ய ந ஸமேதி. அட்ட²கதா²யங் நிகந்தி
 விக்க²ம்ப⁴னஸ்ஸ விஸுங் வுத்தத்தாதி அதி⁴ப்பாயோ. விபஸ்ஸனாபரிபாகோ
 நாம விஸேஸந்தரப்பவத்தேன பாகடோதி த³ஸ்ஸேதுங்
 “ஸங்கா²ருபெக்கா²பா⁴வங் பத்தா”திஆதி³மாஹ. வுட்டா²னகா³மினி
 விபஸ்ஸனாபா⁴வபத்தேனாதி வுத்தங் ஹோதி. “த்³வே விபஸ்ஸனா
 சித்தானீ”தி உபசாரானுலோமசித்தானி. ஸோ ஹி வுட்டா²னந்தி வுச்சதீதி
 ஸம்ப³ந்தோ⁴. ஸங்கா²ர நிமித்ததோ வா வுட்டா²தி. நிப்³பா³னங் ஆரப்³ப⁴
 பவத்திதோ. யதி³ ஏவங் கொ³த்ரபு⁴பி வுட்டா²னங் நாம ஸியாதி. ந ஸியா.
 மக்³க்³ஸ்ஸ ஆவஜ்ஜனமத்தே டி²தத்தா. படிவேத⁴கிச்சஸ்ஸச ஸம்மோஹ
 ஸமுச்சே²த³கிச்சஸ்ஸ அபா⁴வதோ. “ஸயங்”தி மக்³க்³ஸங்கா²தோ ஸயங்.
 “தங் ஸமங்கீ³புக்³க்³லங் வா”தி தேன மக்³க்³ேன ஸமங்கீ³புக்³க்³லங் வா.
 “வட்டப்பவத்ததோ சா”தி ஆயதிங் ப⁴வேஸு அபாயவட்டப்பவத்ததோ வா,
 அட்ட²ம ப⁴வதோ பட்டா²ய காமஸுக³தி வட்டப்பவத்ததோ வா. அவஸ்ஸங்
 வுட்டா²னங் க³மேதி ஸம்பாபேதீதி வுட்டா²னகா³மினீதி வசனத்தோ².
 “அவஸ்ஸங் வுட்டா²னங் க³ச்சந்தீ”தி இத⁴ டி²தானங் வுட்டா²னதோ நிவத்தி
 நாம நத்தீ²தி அதி⁴ப்பாயோ. இத³ஞ்ச பச்சேகபு³த்தா⁴னங்
 பு³த்த⁴ஸாவகானஞ்ச வஸேன த³ட்ட²ப்³பங். ஸப்³பு³ஞ்ஞு போ³தி⁴ஸத்தா பன
 பு³ப்³பு³த்தா⁴னங் ஸாஸனே பப்³பு³ஜித்வா விபஸ்ஸனா கம்மங் ஆரப⁴ந்தா
 அனுலோமஞ்ஞாணங் ஆஹச்ச ட²பெந்தீதி அட்ட²க தா²ஸு வுத்தங். தத்த²
 “ஆஹச்சா”தி இத³ங் ஸங்கா²ருபெக்கா²ஞாணஸ்ஸ மத்த²கபத்தித³ஸ்ஸனத்த²ங்
 வுத்தந்தி த³ட்ட²ப்³பங். “ஆவஜ்ஜனட்டா²னியங்”தி ததோ பு³ப்³பா⁴கே³ கேனசி
 சித்தேன அக்³க்³ஹிதே நிப்³பா³னா ரம்மணே ஆவஜ்ஜனட்டா²னியங். “தங்”தி
 கொ³த்ரபு⁴ஞ்ஞாணங். கொ³த்தங் ப⁴வதி அபி⁴ப⁴வதி சி²ந்த³தீதி கொ³த்ரபு⁴.
 கொ³த்தங் வா அபி⁴ஸம்பு⁴ணாதி பாபுணாதீதி கொ³த்ரபு⁴தி வசனத்தோ².
 கத²ங் பன கொ³த்ரபு⁴ சித்தங் கொ³த்ரபு⁴ஞ்ஞாணங் புது²ஜ்ஜனகொ³த்தங்
 சி²ந்த³தி, அரியகொ³த்தங் பாபுணாதீதி யுஜ்ஜெய்ய, ஸோஹி புக்³க்³லோ
 தஸ்மிங்க²ணே புது²ஜ்ஜனகொ³த்தபரியாபன்னோஏவாதி. ஸச்சங். அத்தனி பன
 சி²ன்னத்தா ஸயங் சி²ந்த³தி நாம. நிப்³பா³னஸ்ஸ ச அரியகொ³சரத்தா தங்
 ஆரம்மண கரணவஸேன அரியகொ³த்தங் பாபுணாதி நாமாதி த³ட்ட²ப்³பங்.
 பச்சயஸத்திவிஸேஸேன அத்தனோ அனந்தரே அரியகொ³த்தங் பா⁴வேதி,
 பாதுபா⁴வேதீதி கொ³த்ரபு⁴திபி யுஜ்ஜதி. “பரிச்சி²ஜ்ஜா”தி பரிச்சி²ந்தி³த்வா.
 தி³ட்ட²விசிகிச்சா²தீ³ஹி ஸப்³பு³விப்ப²ந்த³னேஹி முஞ்சித்வாதி வுத்தங் ஹோதி.
 ஸம்மோஹஸ்ஸ பஹானமேவ த³ட்ட²ப்³பங். ந தே த⁴ம்மே ஆரம்மண கரண
 வஸேன ஜானநங். கத²ங் தே த⁴ம்மே ஆரம்மணங் அகரொந்தோ மக்³க்³ே தே
 த⁴ம்மே பரிஜானாதி நாமாதி. கிச்சஸித்தி⁴ வஸேன. ஸோ ஹி

ஸம்மோஹங் பஜஹந்தோ ஆரம்மணங் கரொந்தானிபி ஹி
 புப்³பா⁴க³ஞ்ஞாணானி தப்பஹானகிச்சஸ்ஸ அஸாத⁴கத்தா து³க்க² ஸச்சங்
 பரிஜானந்தானீதி ந வுச்சந்தி. மக்³கோ³ பன ஆரம்மணங் அகரொந்தோபி
 தப்பஹானகிச்சஸ்ஸ ஸாத⁴கத்தாதங் ஸச்சங் பரிஜானாதீதி வுச்சதி. கஸ்மா.
 ததோ பட்டா²ய தஸ்ஸபுக்³க³லஸ்ஸ ஸப்³பகாலங் தஸ்மிங்ஸச்சே பரிஜானந
 கிச்சஸ்ஸ ஸித்³த⁴த்தா. யதா²ஹி ஏகோ புரிஸோ சக்கு²ம்ஹி
 பித்தஸெம்ஹாதி³தோ³ஸேஹி பலிபு³த்³த⁴த்தா அந்தோ⁴ ஹோதி. ந கிஞ்சி
 பஸ்ஸதி. யதா³ பன ஸோ ஏகங் தேஜவந்தங் அஞ்ஜனங் லபி⁴த்வா சக்கு²ங்
 அஞ்ஜயந்தோ ஸப்³புரத்திங் நித்³தா³யதி. தஸ்ஸ நித்³தா³யந்தஸ்ஸேவ
 சக்கு²ம்ஹி ஸப்³புதோ³ஸா நஸ்ஸந்தி. சக்கு² விப்பஸன்னங் ஹோதி.
 தங்க²ணதோ பட்டா²ய ஸோ நித்³தா³யந்தோபி ரூபானி பஸ்ஸதீதி வுச்சதி.
 கஸ்மா, அந்த⁴பா⁴வவிக³மேன த³ஸ்ஸனகிச்சஸ்ஸ ஸித்³த⁴த்தா.
 ஏவமேவமித³ங் த³ட்ட²ப்³பந்தி. ஏகதே³ஸேன வா ஹெட்டி²மமக்³கே³ஸு,
 அனவஸேஸேன வா அரஹத்தமக்³கே³. “அபச்சா²வத்திகங்”தி எத்த² பச்ச²தோ
 ஆவத்தனங் பச்சா²வத்தங். நத்தி² பச்சா²வத்தங் அஸ்ஸாதி அபச்சா²வத்திகந்தி
 விக்³க³ஹோ. “புன அனுப்பாத³த⁴ம்மதாபத்திவஸேன நிரோத⁴ஸங்கா²தங்”தி
 மக்³க³க்க²ணே ஏவ தானிவட்டானி புன அனுப்பாத³ஸபா⁴வங் ஆபஜ்ஜந்தி,
 நிருஜ்ஜந்தி. ததா² நிரோத⁴ஸங்கா²தங். “உப்பாத³னஸங்கா²தாய
 பா⁴வனாயா”தி ஏதேன மக்³க³ஸ்ஸ ஏகசித்தக்க²ணிகத்தா
 வட்³ட⁴னஸங்கா²தாய பா⁴வனாய ஓகாஸோ நத்தீ²தி கத்வா வுத்தங்.
 அரியமக்³க³ங் படிஸாப⁴த்தா²ய பன பவத்திதா புப்³பா⁴க³பா⁴வனாபி
 மக்³க³பா⁴வனா ஏவ. ஸா ச அரியமக்³க³ங் பத்வா மத்த²கபத்தா ஹோதி.
 தஸ்மா அரியமக்³கோ³ ஏவ மத்த²கபத்தோ பா⁴வனானுத்தரோ ஹோதீதி
 இமினாபரியாயேன வட்³ட⁴ன ஸங்கா²தாய பா⁴வனாயாதிபி யுஜ்ஜதியேவ.
 அத்தனோ அனந்தரே பவத்தங் ஆனந்தரிகங். ஆனந்தரிகங் ப²லங் ஏதஸ்ஸாதி
 விக்³க³ஹோ. தஸ்ஸ ச ததோபரங் த³வே வா தீணி வா ப²லசித்தானி
 பவத்தந்தீதி இமினா ஸம்ப³ந்தோ⁴. அபனீதோ அக்³கி³ ஏதஸ்மாதி
 அபனீதக்³கி³கோ. “நிப்³பா³பெந்தோ வியா”தி ஏதேன
 படிப்பஸ்ஸம்ப⁴னப்பஹானகிச்சேன மக்³கா³னுசுலப்பவத்திங் த³ஸ்ஸேதி.
 “தேஸங்”தி தேஸங் சக்க²னங். தங் ரூபங் தஸ்ஸ பாகடங் ந தாவ ஹோதீதி
 ஸம்ப³ந்தோ⁴. “தஸ்ஸா”தி தஸ்ஸ புக்³க³லஸ்ஸ. “பச்சவெக்க²னவாரேஸு”தி
 எத்த² பஸாத³சக்கு²னா தி³ட்டே² பவத்தா அனுப³ந்த⁴க வீதி²யோபி
 ஸங்க³ய்ஹந்தி.

உபரிமக்³கே³ஹி வதி⁴தப்³பா³ மாரேதப்³பா³தி உபரிமக்³க³வஜ்ஜா².
 “கிலேஸவிபா⁴கே³ஸு”தி அஸுகமக்³கே³ன அஸுகாகிலேஸா பஹீயந்தீதி
 ஏவங் கிலேஸவிபா⁴கே³ஸு. “பாளியங்”தி படிஸம்பி⁴தா³ மக்³க³பாளியங்.
 வுச்சமானே பன வத்தப்³பந்தி ஸம்ப³ந்தோ⁴. மக்³க³ங்க³பொ³ஜ்ஜ²ங்கா³தீ³னங்
 பச்சவெக்க²னங் நாம மக்³க³பச்சவெக்க²னமேவ. ததா² பச்சா² வா பவத்ததீதி

ஸித்த⁴ங். “அவிருத்தா⁴ ஹோதி”தி விஸுத்தி⁴மக்கே³ன அஸமெந்தாபி பச்சவெக்கந்தானங் இச்சா²னுருபஸம்ப⁴வதோதி அதி⁴ப்பாயோ.

“அதி⁴மானநித்³தே³ஸ அட்ட²கதா²ஸு”தி வினயே சதுத்த²பாராஜிகே அதி⁴மானபத³னித்³தே³ஸ அட்ட²கதா²ஸு. “ஸோ”தி அரியபூ⁴தோ பி⁴க்கு². “நோ லத்து⁴ங் ந வட்ட²தி”தி அலத்து⁴ங் ந வட்ட²தி அத்தோ². லத்து⁴ங் நோ ந வட்ட²தி வா யோஜனா. சதுப்பி³த⁴ங் மக்க³ஞ்ஞாணங் க³ஹிதங். ஞாணத³ஸ்ஸனவிஸுத்தி⁴ நாமாதி வுத்தத்தா.

“அபி⁴னிவிஸனங்”தி அஜ்ஜத்தங் த³ஹதரங் பதிட்டா²னங். “நிகா²தஸினேருபா த³ஸ்ஸவியா”தி தஸ்ஸ பவத்தனங் விய. “கேவலங் பச்சயாயத்த வுத்திதாய அதி³ட்ட²த்தா”தி ஏதேன ஏஸோ மே அத்தா, ந பரஸ்ஸ அத்தாதி ஏவங் அத்தானங் அத்தஸ்ஸ ஸாமிகங் கத்வா க³ஹணகாரணங் வத³தி. தத்த² கேவலஸுத்³தே³ன பரமத்த² ஸச்சங் பத்வா அத்தஸ்ஸேவ அபா⁴வதோ க²ந்த⁴பஞ்சகஸ்ஸ அத்தனோவஸாயத்த வுத்திதங் நிவத்தேதி. ஸம்முதி ஸச்சங் பன பத்வா அத்தஸ்ஸ விஜ்ஜமானத்தா மஹாஜனோ அத்தனோ க²ந்த⁴பஞ்சகங் அத்தனோ வஸாயத்த வுத்திங் மஞ்ஞமானோ ஏஸோ மே அத்தாதி க³ண்ஹாதி. “க²ணப⁴ங்க³ஸ்ஸ ச அதி³ட்ட²த்தா”தி ஏதேன ஏஸோ மே ஸாரட்டே²ன அத்தா. ஏஸோ மம ஸாரோ. ஏதங் மம ஸரீரங். யாவ வஸ்ஸஸதங் பி வஸ்ஸஸஹஸ்ஸம்பி ஏதங் க²ந்த⁴பஞ்சகங் ந பி⁴ஜ்ஜதி, ந வினஸ்ஸதி. தாவ அஹங் ந மராமி. யதா³ ஏதங் பி⁴ஜ்ஜதி, வினஸ்ஸதி. ததா³ அஹங் மராமி. அஹஞ்ச மம க²ந்த⁴பஞ்சகஞ்ச அத்வயங் அனானத்தந்தி ஏவங் க³ஹணகாரணங் வத³தி. தத்த² “க²ணப⁴ங்க³ஸ்ஸா”தி நாமருபத⁴ம்மானங் க²ணே க²ணே ப⁴ஞ்ஜனஸ்ஸ பி⁴ஜ்ஜனஸ்ஸ மரணஸ்ஸ. இத³ம்பனமரணங் ஸம்முதி ஸச்சே நத்தி². பரமத்த² ஸச்சே ஏவ அத்தி². தஸ்மா தங் அபஸ்ஸந்தோ மஹாஜனோ அத்தனோ க²ந்த⁴பஞ்சகங் அத்தனோஸாரங் மஞ்ஞமானோ ஏஸோ மே அத்தாதி க³ண்ஹாதீதி. “தங் த்வயங் ஸுதி³ட்ட²ங் கத்வா”தி க²ந்த⁴பஞ்சகஸ்ஸ கேவலங் பச்சயாயத்த வுத்திதஞ்ச க²ணப⁴ங்க³ஞ்ச ஞாண சக்கு²னா ஸுட்டு²தி³ட்ட²ங் கத்வா. தத்த² பஞ்சன்னங் க²ந்தா⁴னங் படிச்சஸமுப்பாத³ங் ஸுட்டு²பஸ்ஸந்தோ கேவலங் பச்சயாயத்த வுத்திதஞ்ச அவஸாயத்த வுத்திதஞ்ச ஸுட்டு² பஸ்ஸதி. யோ ச அத்தனோ வஸாயத்தவுத்தி ந ஹோதி. ஸோ பரமத்த²ஸச்சங் பத்வா ஏஸோ மம ஸந்தகந்திபி வத்துங் நாரஹதி. குதோ மம அத்தாதி. அபி ச, ஸத்தோ நாம ஸபா⁴வதோ நத்தி². பஞ்ஞத்திமத்தங் ஹோதி. யோ ‘அஹந்தி வா, மேதி வா, மமாதி வா, க³ய்ஹெய்ய. அஸந்தே ச அத்தஸ்மிங் கோ மம அத்தா நாம ப⁴வெய்யாதி. க²ணப⁴ங்கோ³ ஹோதி. க²ணே க²ணே பி⁴ஜ்ஜதி. ஸத்தோ ச நாம ஏகஸ்மிங்⁴வே ஆதி³ம்ஹி ஸகிங் ஏவ ஜாயதி. அந்தே ஸகிங் ஏவ மரதி. அந்தரா வஸ்ஸஸதங் பி வஸ்ஸஸஹஸ்ஸங் பி மரணங் நாம நத்தி². அஞ்ஞாஹி க²ணிகத⁴ம்மானங் க³தி. அஞ்ஞா ஸத்தஸ்ஸ. ஏவங்ஸந்தே கத³ங் க²ணிகத⁴ம்மா ஸத்தஸ்ஸ ஸாரட்டே²ன அத்தானாம ப⁴வெய்யுந்தி. தஸ்மா

தே அவஸவத்தனட்டே²ன அஸாரகட்டே²ன ச அனத்தா ஏவ. அபிச
 “அவஸவத்தனட்டே²னா”தி எத்த² வஸோ நாம ஸத்தஸந்தானே ஏகோ
 பதா⁴னத⁴ம்மோ. ஸசே அத்தானாம அத்தி². ஸோ ஏவ பதா⁴னபு⁴தஸ்ஸ
 வஸஸ்ஸபி அத்தா ப⁴வெய்ய. ஏவங்ஸதி, யோ வஸோ, ஸோ அத்தா. யோ
 அத்தா, ஸோ வஸோதி ப⁴வெய்ய. ததா² ச ஸதி, ரூபங் அத்தாதி
 க³ண்ஹந்தோ ரூபஞ்ச வஸஞ்ச அத்தானஞ்ச ஏகத்தங் கத்வா க³ண்ஹாதி நாம.
 ததா² வேத³னங் அத்தாதி. ஸஞ்ஞங், ஸங்கா²ரே, விஞ்ஞாணங் அத்தாதி
 க³ண்ஹந்தேபி. ஏவஞ்சஸதி, ஸத்தோ ச க²ந்த⁴பஞ்சகஞ்ச வஸோ ச அத்தா ச
 ஸப்³ப³மேதங் ஏகத்தங் க³ச்ச²தி, ஏகோ ஸத்தோதி ஸங்க²யங் க³ச்ச²தி. ந ஹி
 இமஸ்மிங் வஸவத்தனட்டே² ஏகஸ்ஸஸத்தஸ்ஸ த³வே அத்தா தயோ அத்தா
 ப³ஹ³அத்தாதி ஸக்கா ப⁴விதுங். அத² யதா² யதா² ஸத்தஸ்ஸ வஸோ
 வத்ததி, இச்சா² பவத்ததி. ததா² ததா² க²ந்த⁴பஞ்சகம்பி நிச்சகாலங்
 ஸத்தஸ்ஸவஸங் அனுக்³ச்செ²ய்ய. கஸ்மா, ஸத்தஸ்ஸ ச க²ந்த⁴பஞ்சகஸ்ஸ
 ச வஸஸ்ஸ ச நானத்தாபா⁴வதோ. ஏவங் அனுக்³ச்ச²ந்தே ஸதி. ரூபங் மே
 அத்தா, வேத³னா மே அத்தாதிஆதி³க்³ஹணங் வட்டெய்ய. ஸபா⁴வதோ
 அவிருத்த⁴ங் ப⁴வெய்ய. ந பன ததா² அனுக்³ச்ச²தி. ந ஹி து³ப்³ப³ண்ணோ
 து³ரூபோ புரிஸோ அத்தனோ ரூபகாயங் அத்தனோ வஸேனேவ ஸுவண்ணங்
 ஸுரூபங் காதுங் ஸக்கோதி. ததா² து³ஸ்ஸத்தோ³வா ஸுஸத்த³ங்,
 து³க்³ந்தோ⁴வா ஸுக³ந்த⁴ங். ந ச அந்தோ⁴வா அனந்த⁴ங். ப³தி⁴ரோவா
 அப³தி⁴ரங். ரோகீ³வா அரோக³ங். குட்டி²வா அகுட்ட²ங். க³ண்ட³வா அக³ண்ட³ங்.
 ஜிண்ணோவா தருணங். அஜரங் வா அமரணங் வா காதுங் ஸக்கோதி. நாபி
 அபாயேஸு ச அபதந்தங். பதித்வா வா ததோ விமுத்தங் காதுங் ஸக்கோதி.
 ததா² தே³வோ வா தே³வத்தா அசாவேதுங். ஸக்கோவா ஸக்கத்தா, மாரோ வா
 மாரத்தா, ப்³ரஹ்மா வா ப்³ரஹ்மத்தாதி. ஏஸனயோ ஸேஸக²ந்தே⁴ஸுபி. ததா²
 பன அவஸானுக³மனதோ பரமத்த² ஸச்சங் பத்வா க²ந்த⁴பஞ்சகே அத்தனோ
 ஸாமிகிச்சங் இஸ்ஸரகிச்சங் நாம நத்தி². அஸாமிகமேவ தங் ஹோதி,
 அனிஸ்ஸரங். ததா² ச ஸதி, அத்தானங் தஸ்ஸ ஸாமிங் இஸ்ஸரங் கத்வா
 ரூபங் மே அத்தாதி க³ஹணங் மிச்சா²க³ஹணங் நாம ஹோதீதி. லோகே பன
 மஹாஜனோ த⁴ம்மானங் படிச்சஸமுப்பாத³ங் ந ஜானந்தி, ந பஸ்ஸந்தி, ந
 படிவிஜ்ஜ²ந்தி. தேஸங் பரம்பர பச்சயவஸேன பவத்தமானே க²ந்த⁴ஸந்தானே
 ஸம்முதி ஸச்சவஸேன நானாவஸவத்தனாகாரா நாம ஸந்தி. நானாஸாமி
 இஸ்ஸராதி⁴பதிவோஹாரா ச லோகே ஸந்தி³ஸ்ஸந்தி. தே ஸம்முதி
 ஸச்சவஸேன உப்பன்னேஸு தேஸு ஸாமிஇஸ்ஸராதி⁴பதி வோஹாரேஸு
 வோஹாரமத்தே அட²த்வா ஸபா⁴வஸச்சங் மஞ்ஞந்தா மிச்சா²க³ஹணங்
 க³ண்ஹந்தி. எத்த² ஸியா. ந நு வஸோனாம இச்சா². ஸத்தோ ச க²ந்துங்
 இச்ச²ந்தோ க³ச்ச²தி. டா²துங் இச்ச²ந்தோ திட்ட²தி. ஏவங்ஸதி. தஸ்ஸ
 க²ந்த⁴பஞ்சகங் தஸ்ஸ வஸாயத்த வுத்தி ஏவ ஹோதீதி. ந ஹோதி. கஸ்மா,
 பச்சயாயத்த வுத்தித்தா ஏவ. ததா²ஹி க²ந்துங் இச்சா²னாம ப³ஹித்³தா⁴

த⁴னஹேதுவா உப்பஜ்ஜெய்ய. நானாபோ⁴க³ஹேது வா. அஞ்ஞேன வா
 நானாகாரணேன. தத்த² யேஸங் த⁴னே அஸதி, யங் யங் து³க்க²ங்
 ஆக³ச்செ²ய்ய காயிகங் வா சேதஸிகங் வா. தேஸங் தங் தங் து³க்க²பச்சயா
 த⁴னிச்சா² நாம உப்பஜ்ஜதி. த⁴னிச்சா² பச்சயா க³ந்திச்சா²த³யோ உப்பஜ்ஜந்தி.
 ததா² நானாபோ⁴கி³ச்சா² நானாகம்மிச்சா²ஸு சாதி.
 நானாது³க்க²ப⁴யுபத்³வமுலிகாஸு இச்சா²ஸு வத்தப்³ப³ மேவ நத்தி². ததா²
 நானாரம்மணானங் பலோப⁴ன து³க்க²முலிகாஸு ச நானாவிதக்கானங்
 விப்ப²ந்த³னமுலிகாஸு ச இச்சா²ஸு. ஏவங் வஸோபி பச்சயாயத்த வத்திகோ
 ஏவ ஹோதி. “க³மனங்”தி க³மனாகாரேன பவத்தங் க²ந்த⁴பஞ்சகங்.
 யேனயேனத⁴னாதி³ஹேதுனா ஸோ ஸோ வஸோ உப்பஜ்ஜதி. க³மனம்பி
 தேன தேனேவ உப்பஜ்ஜதி ஆஹாருபத்த²ம்ப⁴னாதி³பச்சயேன ச. வஸோ பன
 க³மனஸ்ஸ பச்சயேக தே³ஸமத்தங் ஹோதி. ஸோ ஹி தத³ஞ்ஞபச்சயேஹி
 வினா ஸயங் உப்பஜ்ஜிதுங் ந ஸக்கோதி. குதோ க³மனங் உப்பாதே³துங். ஏவங்
 டா²னாதீ³ஸு. ஏவஞ்ச ஸதி, இத³ங் க²ந்த⁴பஞ்சகங் பச்சயாயத்த
 வத்திகந்திச்சேவ வத்துங் அரஹதி. நோ வஸாயத்த வத்திகந்தி. அபி ச க³ந்துங்
 இச்ச²ந்தோ க³ச்ச²தீதி பஞ்ஞத்தி மத்தபு⁴தோ ஸத்தோ க³ச்ச²தி. க²ந்த⁴பஞ்சகங்
 பன க²ணிக த⁴ம்மத்தா ந க³ச்ச²தி. உப்பன்னுப்பன்னங் தத்த² தத்தே²வ
 பி⁴ஜ்ஜதி. ஸந்ததி வஸேன க³மனாகார நிமித்தங் பஞ்ஞாயதி. ஏவங்
 அவஸவத்தனங் ஹோதீதி. ஹோது தத்த² தத்தே²வ பி⁴ஜ்ஜனங்.
 அவிச்சே²த³ப்பவத்தியா ஸதி, க³மனங் ஸம்பஜ்ஜதியேவ. க³மனே ச
 ஸம்பஜ்ஜமானே க²ணிகபி⁴ஜ்ஜனேன தோ³ஸோ நத்தீ²தி சே. அத்தி².
 க²ணிகமரணஞ்ஹி ஸத்தஸ்ஸ ஸுஸானபு⁴மி நாம ஹோதி. அந்தராயேவா
 ஆக³தே பக்க²லந்தே வா ஸதி, க³ச்ச²ந்தோ ஸத்தோ யதா³ கதா³சி மரணங் வா
 நிக³ச்ச²தி மரண மத்தங் வா து³க்க²ந்தி. கிலேஸே நிமினாதி பவத்தேதீதி
 நிமித்தந்தி வசனத்தோ². “விபல்லாஸனிமித்தங்”தி ச விபல்லாஸ த⁴ம்மானங்
 வஸேன உபட்டி²தங் கிச்ச நிமித்தங். தண்ஹா ஏவ பணிதீ⁴தி ஸம்ப³ந்தோ⁴.
 மஹந்தானங் ஆதீ³னவானங் ராஸி மஹாஆதீ³னவராஸி. க²ந்தே⁴ஸு
 ஸுஞ்ஞதலக்க²ணங் நாம அதி க³ம்பீ⁴ரங் ஹோதி. ஞாணஸ்ஸேவ
 விஸயபு⁴தங். ஸுஞ்ஞத த³ஸ்ஸனஞ்ச தி³ட்டி²யா உஜுப்படிபக்க²ந்தி ஆஹ
 “ஸங்கா²ரேஸு ஸுஞ்ஞதத³ஸ்ஸனவஸேனா”திஆதி³ங். தத்த² “அத்த² ஸித்³தி⁴
 நாமா”தி மக்³க³ப²லப்படிபா⁴ஸங்கா²தஸ்ஸ அத்த²ஸ்ஸ ஸித்³தி⁴ நாம.
 அத்தாதி அபி⁴னிவேஸோ அத்தாபி⁴னிவேஸோ. க³ண்ஹாதீதி கா³ஹோ.
 உபாதீ³யதீதி அத்தோ². தி³ட்டி²ஸங்கா²தோ கா³ஹோ தி³ட்டி²க்³கா³ஹோ.
 அத்தா²பி⁴னிவேஸோ ச ஸோ தி³ட்டி²க்³கா³ஹோ சாதி விக்³க³ஹோ. தஸ்ஸ
 படிபக்க²ங் அனத்தானுபஸ்ஸனாஞாணங். அனு அனு ப⁴வனங் ஆனுபா⁴வோ.
 பரம்பரதோ வட்³ட⁴னந்தி அத்தோ². “ததா² ஸமனுபஸ்ஸித்வா”தி ஸுஞ்ஞதா
 காரேன ஸமனுபஸ்ஸித்வா. விமுஞ்சந்தஸ்ஸ அரியபுக்³க³லஸ்ஸ.
 “அனிச்சலக்க²ணங் நாம நாதி க³ம்பீ⁴ரங் ஹோதி. ஸத்த³தா⁴யபி

விஸயபூ⁴தங். உன்னதிலக்க²ணோ ச அஹங் மானோ க²ந்தே⁴ஸு
நிச்சது⁴வவிபல்லாஸமூலகோ ஸத்³தா⁴ய ச படிபக்கோ²தி ஆஹ
“அனிச்சத³ஸ்ஸனவஸேனா”திஆதி³ங். “நிமித்தாபி⁴னிவேஸபூ⁴தஸ்ஸா”தி
நிச்சது⁴வனிமித்தாபி⁴னிவேஸபூ⁴தஸ்ஸ. “மானக்³கா³ஹஸ்ஸா”தி
மானஸங்கா²தஸ்ஸ கா³ஹஸ்ஸ. “ஸத்³தா⁴ய பீ”திபிஸத்³தே³ன ஞாணங்
ஸம்பிண்டே³தி. து³க்க²லக்க²ணங் நாம ப⁴யஸங்வேக³ ஜனகங் ஹோதி.
ஆரம்மணேஸு தண்ஹாலோலஸ்ஸ தண்ஹாவிப்ப²ந்த³னஸ்ஸ படிபக்க²ங்.
விஸேஸதோ ஸமாதி⁴ஸ்ஸ அனுருபந்தி ஆஹ “து³க்க²த³ஸ்ஸன
வஸேனா”திஆதி³ங். “திண்ணங் த⁴ம்மானங்”தி பஞ்ஞிந்த³ரிய ஸத்³தி⁴ந்த³ரிய
ஸமாதி⁴ந்த³ரிய ஸங்கா²தானங் திண்ணங் இந்த³ரிய த⁴ம்மானங்.
“விபஸ்ஸனா க³மனவஸேனே வா”தி வுட்டா²னகா³மினி விபஸ்ஸனா
ஸங்கா²தஸ்ஸ ஆக³மன காரணஸ்ஸ வஸேனேவ.

இதா³னி புப்பே³ யங் வுத்தங் ‘ஸத்தஅரிய புக்³க³லவிபா⁴க³ஸ்ஸ
பச்சயபா⁴வபத்தியா சா”தி. தத்த² ஸத்த அரியபுக்³க³லவிபா⁴க³ங் த³ஸ்ஸேதுங்
“தத்தா²”திஆதி³ வுத்தங். த⁴ம்மானுஸாரீ நாமாதி எத்த² “த⁴ம்மோ”தி பஞ்ஞா
வுச்சதி ‘ஸச்சங், த⁴ம்மோ, தீ⁴தி, சாகோ³தி எத்த² விய. திக்க²தரங் த⁴ம்மங்
அனுஸ்ஸரதீதி த⁴ம்மானுஸாரீ. பஞ்ஞாப³லானுஸாரேன ஆதி³ம்ஹி மக்³க³ங்
லப⁴தீதி வுத்தங் ஹோதி. அத²வா. “த⁴ம்மோ”தி நிஸ்ஸத்தனிஜ்ஜீவட்டே²ன
ஸங்கா²ர த⁴ம்மோ வுச்சதி. ஸுஞ்ஞதத³ஸ்ஸனஞ்ச நாம விஸேஸதோ
ஸுத்³த⁴த⁴ம்ம த³ஸ்ஸனங் நாம. இதி ஸுத்³த⁴த⁴ம்மங் அனுஸ்ஸரதி,
ஞாணக³தியா அனுக்³ச்ச²தீதி த⁴ம்மானுஸாரீ. தி³ட்டி²பத்தோதி எத்த²
தி³ட்டி²னாம த³ஸ்ஸனஞ்ஞாணங் வுச்சதி. ஆதி³தோ பட்டா²ய பரிஸுத்³த⁴
த³ஸ்ஸனஸம்பன்னத்தா தி³ட்டி²ப³லேனேவ ஸுகே²ன தங் தங் மக்³க³ப³லங்
பத்தோதி தி³ட்டி²பத்தோ. தேனேவ த³ஸ்ஸன பஞ்ஞாப³லேன
கிலேஸப³ந்த⁴னதோ விமுத்தோதி பஞ்ஞாவிமுத்தோ. ஸங்கா²ர த⁴ம்மானங்
க³ணிக த⁴ம்மபா⁴வே ஸுட்டு² ஸத்³த³ஹனங் அவேச்சப்பஸாதோ³ ஸத்³தா⁴
நாம. தத்த² “அவேச்சப்பஸாதோ³”தி ஞாணஸம்பயுத்தப்பஸாதோ³. “ஞாணங்”தி ச
ஸங்கா²ர த⁴ம்மானங் க³ணிகபா⁴வனிமித்தானங் த³ஸ்ஸனஞ்ஞாணங்.
தாதி³ஸே ஹி ஞாணே ஸதி, தத்த² அவேச்சப்பஸாதோ³ நாம ஜாயதி, நோ
அஞ்ஞதா²தி. ஸத்³த⁴ங் அனுஸ்ஸரதீதி ஸத்³தா⁴னுஸாரீ.
ஸத்³தா⁴ப³லேனேவ ஆதி³ம்ஹி அரியமக்³க³ங் பாபுணாதீதி வுத்தங் ஹோதி.
ஸத்³தா⁴ப³லேன விமுத்தோதி ஸத்³தா⁴விமுத்தோ. “காயஸக்கி² நாமா”தி
எத்த² ஸக்க²ங்தி ஸந்தி³ட்ட²ங். யங் ஸாத⁴கந்திபி வுச்சதி. அத்தனோ காயே
ஏவ லத்³த⁴ங் ஸக்க²ங் யஸ்ஸாதி காயஸக்கீ². து³க்கா²னு பஸ்ஸீ புக்³க³லோ
ஹி ஸங்வேக³ ப³ஹுலோ ஹோதி. ஸங்வேகோ³ ச பதா⁴ன வீரியஸ்ஸ
பத³ட்டா²னங். ஸங்விக்கோ³ யோனிஸோ பத³ஹதீதி ஹி வுத்தங். தஸ்மா
ஸோ ஸங்வேக³வஸேன பா⁴வனங் அனுயுஞ்ஜந்தோ யங் யங் புரிஸதா²மேன
பத்தப்³ப³ங் ஹோதி. தங் தங் பாபுணாதி. பாபுணந்தோ ச அத்தனோ காயே ஏவ

ஸக்க²ங் லப⁴தி. ஸந்தி³ட்ட²ங் ஜா²னஸுக²ங் வா மக்³க³ப²லஸுக²ங் வா லப⁴தீதி வுத்தங் ஹோதி. “உப⁴தோபா⁴க³ விமுத்தோ”தி அருபஜ்ஜா²னேஹி ரூபகாயதோ அரஹத்தமக்³க³ப²லேஹி நாமகாயதோதி ஏவங் உபோ⁴ஹி காயபா⁴கே³ஹி விமுத்தோ. எத்த² ச தயோ அரியபுக்³க³லா பஞ்ஞாதி⁴கோ ச ஸத்த³தா⁴தி⁴கோ ச விரியாதி⁴கோ ச. தத்த² த⁴ம்மானுஸாரீ ச தி³ட்டி²பத்தோ ச பஞ்ஞாவிமுத்தோ ச பஞ்ஞாதி⁴கோ நாம. ஸத்த³தா⁴னுஸாரீ ச ஸத்த³தா⁴விமுத்தோ ச ஸத்த³தா⁴தி⁴கோ நாம. காயஸக்கீ² ச உப⁴தோபா⁴க³விமுத்தோ ச விரியாதி⁴கோ நாமாதி த³ட்ட²ப³ப³ங். அயஞ்ச புக்³க³லவிபா⁴க³னயோ படிஸம்பி⁴தா³மக்³க³னயேன வுத்தோ. அபி⁴த⁴ம்மே பன புக்³க³ல பஞ்ஞுத்தியங் ஸத்த³தா⁴விமுத்தோ ச காயஸக்கீ² ச த்³வேபுக்³க³லா ஸெக்கே³ஸு ஏவ வுத்தா. அரஹத்தங் பத்தா பன ஏதே த்³வேபி பஞ்ஞாவிமுத்தா ஏவாதி த³ட்ட²ப³ப³ங். எத்த² ஸியா, ஸங்கா²ர த⁴ம்மானங் க²ணிக த⁴ம்மபா⁴வே ஸுட்டு² ஸத்த³த³ஹனங் அவேச்சப்பஸாதோ³ ஸத்த³தா⁴ நாமாதி வுத்தங். கிங் பன தாதி³ஸேன ஸத்த³தா⁴மத்தேன ஸோதாபத்தி மக்³க³ங் பாபுணாதீதி. எத்த² அம்ஹேஹி வுத்தப³ப³ங் நத்தி². ப⁴க³வதா ஏவ வுத்தங். யதா²ஹ மஹாவக்³கே³ ஓக்கந்த ஸங்யுத்தே சக்கு² பி⁴க்க²வே அனிச்சங் விபரிணாமீ அஞ்ஞதா²பா⁴வீ, யோ ஏவங் ஸத்த³த³ஹதி, ஏவங் அதி⁴முச்சதி. அயங் வுச்சதி ஸத்த³தா⁴னுஸாரீ. ஓக்கந்தோ அரியபு⁴மிங். அதிக்கந்தோ புது²ஜ்ஜனபு⁴மிங். ஸோ யேனகம்மேன அபாயங் து³க்³க³திங் வினிபாதங் உப்பஜ்ஜெய்ய. ந தங் கம்மங் கரோதீதி. ஸோதங் பி⁴க்க²வே அனிச்சங். விபரிணாமீ அஞ்ஞதா²பா⁴வீதிஆதி³னா த்³வாத³ஸாயதனானி வித்தா²ரே தப்³பா³னி. தத்த² “விபரிணாமீ”தி விபரிணாமோ யஸ்ஸ அத்தீ²தி விபரிணாமீ. விபரிணாமோதி ச க²ணே க²ணே ஜீரணதா பி⁴ஜ்ஜனதா வுச்சதி. “அஞ்ஞதா²பா⁴வீ”தி தஸ்ஸேவ வேவசனங். “ஏவங் அதி⁴முச்சதி”தி ஏதேன ஞாணஸம்பயுத்தஸத்த³தா⁴ங் தீ³பேதி. ஸா ஏவ ஸோதாபத்தியங்கே³ஸு புத்த³தே⁴ அவேச்சப்பஸாதே³ன ஸமன்னாக³தோ, த⁴ம்மே, ஸங்கே⁴ அவேச்சப்பஸாதே³ன ஸமன்னாக³தோதி வுத்தா. தத்த² ஞாணஸம்பயுத்தஸத்த³தா⁴ நாம சக்கா²தீ³னங் அனிச்சனிமித்த த³ஸ்ஸனஞ்ஞாணேன ஸம்பயுத்தா ஓகப்பனஸத்த³தா⁴. அனிச்சனிமித்தஞ்ச நாம ரூபங் அனிச்சங் க²யட்டே²னாதிபதே³ வுத்தனயேன சக்கா²தி³னிஸ்ஸயானங் மஹாபு⁴தானங் ஸந்ததி பரிவத்தனாதி³கங் வுச்சதி. தஞ்ஹி பஸ்ஸந்தோ சக்கா²தீ³னங் அனிச்சபா⁴வே ஸத்த³த³ஹதி, அதி⁴முச்சதி. தானிபி க²ணே க²ணே ஏகந்தேன பி⁴ஜ்ஜதி யேவாதி ஸத்த³தா⁴தி⁴மொக்க²ங் ஸத்த³தா⁴வினிச்ச²யங் படிஸப⁴தீதி அத்தோ². “புத்த³தே⁴ அவேச்சப்பஸாதே³னா”தி எத்த² பன அரஹதா ஸம்மாஸம்புத்த³தா⁴தாதி³னங் புத்த³தா⁴கு³ணாதீ³னங் த³ஸ்ஸனஞ்ஞாணேன ஸம்பயுத்தோ பஸாதோ³ அவேச்சப்பஸாதோ³ நாம. அரியபு⁴மி நாம தி³ட்டா²னுஸய விசிகிச்சா²னுஸயேஹி பரிஸுத்த³தா⁴ அவத்தா²பு⁴மி வுச்சதி. தேஹி ஸஹிதா

அவத்தா²பு⁴மி புது²ஜ்ஜனபு⁴மி நாம. கத²ங் பன தஸ்ஸ புக்³லஸ்ஸ புது²ஜ்ஜனபு⁴மிங் அதிகந்ததா அரியபு⁴மிங் ஓக்கந்ததா ச விஞ்ஞாயதீதி ஆஹ “ஸோ யேனா”திஆதி³ங். யோ அத்தனோ ஜீவிதஹேதுபி கிஞ்சி கம்மபத²பத்தங் அபாயகா³மி கம்மங் ந கரோதி. ஸோ ஏகந்தேன புது²ஜ்ஜனபு⁴மிங் அதிகந்தோ, அரியபு⁴மிங் ஓக்கந்தோதி விஞ்ஞாயதீதி வுத்தங் ஹோதி. இத³ங் ஸத்³தா⁴னுஸாரிஸுத்தங். அபரங்பி வுத்தங் சக்கு² பி⁴க்க²வே விபரிணாமீ அஞ்ஞதா²பா⁴வீ. யஸ்ஸ ஏவங் மத்தஸோ நிஜ்ஜா²னங் க²மதி. அயங் வுச்சதி த⁴ம்மானுஸாரீ திஆதி³. தத்த² “மத்தஸோ நிஜ்ஜா²னங் க²மதீ”தி ஸத்³தா⁴னுஸாரீவிய ஸத்³த³ஹனமத்தே அட்ட²த்வா சக்கா²தீ³னங் தாதி³ஸங் அனிச்சதங் ஸமனுபஸ்ஸந்தோ தோ²கங் தோ²கங் த³ஸ்ஸனங் லப⁴தியேவ. ஏவங்ஸதி, சக்கா²தீ³னி தஸ்ஸ புக்³லஸ்ஸ நிஜ்ஜா²னங் ஓலோகனங் மத்தஸோ க²மந்தி நாம. இத³ங் த⁴ம்மானுஸாரிஸுத்தங். அபரங்பி வுத்தங் சக்கு² பி⁴க்க²வே அனிச்சங் விபரிணாமீ அஞ்ஞதா²பா⁴வீ. யோ ஏவங் பஜானாதி பஸ்ஸதி. அயங் வுச்சதி ஸோதாபன்னோ திஆதி³. தத்த² “பஜானாதி பஸ்ஸதீ”தி த⁴ம்மானுஸாரீவிய மத்தஸோ நிஜ்ஜா²னக்க²மமத்தே அட்ட²த்வா பஞ்ஞாய பஜானாதி, ஞாணசக்கு²னோ பச்சக்க²தோ பஸ்ஸதீதி அத்தோ². இத³ங் தி³ட்டி²பத்தாதீ³னங் ஸுத்தங்.

“யதா² ஸகங் ப²லங்”தி எத்த² ஸஸ்ஸ அத்தனோ இத³ங் ஸகங். யங் யங் ஸகங் யதா²ஸகந்தி அத்த²ங் த³ஸ்ஸேதி ஸோதாபன்னஸ்ஸாதிஆதி³னா. ப²லஸமாபத்தி வீதி²யங் பன அனுலோமஜவனானி ஏவ ப²லானங் ஆஸன்னகாரணானி, ந மக்³க³ஜவனானீதி ஆஹ “ந மக்³கா³க³மனவஸேனா”தி. “ஸோ”தி மக்³கோ³. ஸந்தோ ஸங்விஜ்ஜமானோ ஸப்³பா⁴வோ. “அஸ்ஸா”தி மக்³க³ஸ்ஸ.

அனிச்சானுபஸ்ஸனா கிச்சதோ அனிமித்தா ஹோதி. ஸபா⁴வதோ ஸனிமித்தாஏவ. நிச்சனிமித்தஸஹிதாஏவ. யதோ ஸா ஏஸோஹமஸ்மீதிக்³ஹணங் லப⁴தி. இத³ங்பி விபஸ்ஸனாஞாணங் அனிச்சங் க²யட்டே²னாதி ஸமனுபஸ்ஸிதப்³பா³ ச ஹோதீதி. தத்த² ச அபி⁴த⁴ம்மங் பத்வா ஸபா⁴வப்பதா⁴னங் ஹோதி, ந கிச்சப்பதா⁴னங். தஸ்மா அபி⁴த⁴ம்ம நயேன விபஸ்ஸனா அத்தனோ நிமித்த நாமங் மக்³க³ஸ்ஸ தா³துங் ந ஸக்கோதி. அயங் அட்ட²கதா²ய அதி⁴ப்பாயோ. கிலேஸ த⁴ம்மா நாம யஸ்ஸ உப்பஜ்ஜந்தி, தங் புக்³லங் பலிபு³ந்த⁴ந்தி. ஸம்பா³த⁴ங் கரொந்தி. தஸ்மா பலிபோ³த⁴கரானாம. தங் புக்³லங் நிச்சனிமித்த ஸுப⁴னிமித்த ஸுக²னிமித்த அத்தனிமித்தானி கா³ஹெந்தி. தஸ்மா நிமித்தகரானாம. தங் புக்³லங் ஆரம்மணேஸு பு⁴ஸங் நிஹிதங் நிவிட்ட²ங் கரொந்தி. தஸ்மா பணிதி⁴கரானாம. தே ச மக்³க³ப²லானி ஆரம்மணங் ந கரொந்தி. மக்³க³ப²லேஹி ச ஸம்பயோக³ங் ந கச்சந்தி. ஏவங் ஆரம்மணகரணா தி³வஸேன மக்³க³ப²லேஸு தேஸங் அபா⁴வோ. அபா⁴வத்தாஏவ ச தானி

மக்³க³ப²லானி அத்தனோ த்⁴ம்மதாய தீணிநாமானி லப⁴ந்தீதி த³ஸ்ஸேதுங்
“ஆரம்மண கரணவஸேனவா”திஆதி³ வுத்தங். “அத்தனோ ஸபா⁴வேனா”தி
அத்தனோ த்⁴ம்மதாய.

“அத்ததி³ட்டி²யா உப்பன்னாய உப்பஜ்ஜந்தீ”தி இத³ங் தாஸங்
தி³ட்டி²விசிகிச்சா²னங் அத்ததி³ட்டி²யா அவினாபா⁴வங் தீ³பேதி. ந பன
அத்ததி³ட்டி²யா தாஹி அவினாபா⁴வந்தி த³ட்ட²ப்³ப³ங். விபச்சந்தீதி அபாயேஸு
விபச்சந்தி. அபாயபடிஸந்தி⁴ங் ஜனெந்தி. தி³ட்ட²ஸச்சானஞ்ச
அரியபுக்³க³லானங். தி³ட்டி²விசிகிச்சா²ஸம்பயுத்தா அகுஸலத⁴ம்மா
தி³ட்டி²விசிகிச்சா²க்³க³ஹ்ணேன க³ஹிதாதி ஆஹ “தி³ட்டி²விசிகிச்சா²
விப்பயுத்தா”தி. “அகுஸலத⁴ம்மாசே வா”தி பச்சப்பன்னபூ⁴தா
த³ஸாகுஸலகம்மபத² த்⁴ம்மா சேவ. “ஸத்தஹி ப⁴வேஹீ”தி க்ரியாபவக்³கே³
கரணவசனங். யதா² ஸத்தஹி மாஸேஹி விஹாரங் நிட்டா²பேதீதி.
க்ரியாபவக்³கோ³திச க்ரியாயஸ்க⁴தரங் நிட்டா²பனங் வுச்சதி. “ஸத்தக்க²த்துங்”தி
ஸத்தவாரா. தீணி ஸங்யோஜனானினாம ‘ஸக்காயதி³ட்டி², விசிகிச்சா²,
ஸீலப்³ப³தபராமாஸஸங்யோஜனானி,. “அவினிபாத த்⁴ம்மோ”தி விருபங்
ஹுத்வா பதனங் வினிபாதோ. அபாயனிபாதோதி வுத்தங் ஹோதி. “த்⁴ம்மோ”தி
ஸபா⁴வோ. நத்தி² வினிபாதோ த்⁴ம்மோ யஸ்ஸாதி விக்³க³ஹோ.
“நியதோ”தி ஸுக³திப⁴வேஸு நியத க³திகோ. ஸம்மா புஜ்ஜதீதி ஸம்போ³தி⁴.
மக்³க³ஞ்ஞாணங். “பராயனங்”தி பரபா⁴கே³ க³ந்தப்³ப³ட்டா²னங் வுச்சதி.
ஸம்போ³தி⁴ஸங்கா²தங் பராயனங் அஸ்ஸாதி ஸம்போ³தி⁴பராயனோ.
“அனியமத்தோ²”தி வாஸத்³த³த்தோ²தி வுத்தங் ஹோதி. வா ஸத்³த³த்தே²ஸு ச
அனியமத்தோ². ந விகப்பத்தோ². விகப்பத்தே²ஹி ஸதி த்³வே ஏவ
ஸத்தக்க²த்துபரமா லப்³ப⁴ந்தி. மிஸ்ஸகப⁴வோன லப்³ப⁴தி. அனியமத்தே²
தயோபி லப்³ப⁴ந்தி. அட்ட²கதா²யங் பன ஸமுச்சயத்த²ஸ்ஸ க³ஹிதத்தா ஏகோ
மிஸ்ஸகப⁴வோ ஏவ லப்³ப⁴தி. நனு ச ஸத்³தோ³ நாம ஸமுச்சயத்தே²
பாகடோ, ந அனியமத்தே². தஸ்மா ஸமுச்சயத்தோ²வ இத⁴ யுத்தோதி சே. ந
யுத்தோ. கஸ்மா. த்³வின்னங் அஸங்க³ஹிதத்தா. அட்ட²கதா²யங் பன
ஸமுச்சயத்த²ங் க³ஹெத்வா தே த்³வே புக்³க³லா இமஸ்மிங் பாடே²
அஸங்க³ஹிதாதி வுத்தங். யதி³ தே இமஸ்மிங் பாடே² அஸங்க³ஹிதா. கத்த²தே
ஸங்க³ஹிதா ப⁴வெய்யுங். ந ஹி கோசி ஸத்தக்க²த்து பரமோ நாம இத⁴
அஸங்க³ஹிதோதி யுத்தோதி. “அஸ்ஸா”தி தஸ்ஸபாளிபாட²ஸ்ஸ. “எத்த² ச
யஸ்மா. ல. பரமோ நாம வுத்தோ”தி இத³ங் உபரி ‘யே காமப⁴வே
யேவா’திஆதி³னா ‘யேதி³ட்ட² த்⁴ம்மே வா’திஆதி³னா ச யோஜேதப்³ப³ங். ஸோ
ச ஸுக்க²விபஸ்ஸகோ வா பரிஹீனஜ்ஜா²னோ வா த³ட்ட²ப்³போ³தி
ஸம்ப³ந்தோ⁴. “பாளியங்”தி புக்³க³லபஞ்ஞத்தி பாளியங். “இத⁴ நிட்டா²”தி
இமஸ்மிங் காமலோகே ஆஸவக்க²யங் பத்வா க³ந்த⁴பரினிப்³பா³னபத்தி
வஸேன நிட்டா². நிட்டா²னங் பரியோஸானந்தி அத்தோ². குலதோ குலங்
க³ச்ச²தீதி கோலங்கோலோ. ப⁴வதோ ப⁴வங் க³ச்ச²தீதி அத்தோ². ஏகமேவ

படிஸந்தி⁴ஸங்கா²தங் ப⁴வபீ³ஜங் அஸ்ஸ அத்தீ²தி ஏகபீ³ஜீ. யோ ச தி³ட்டே²வ த⁴ம்மே அரஹா. தஸ்ஸ ச இத⁴ நிட்டா²தி யோஜனா. கேன பன திண்ணங் ஸோதாபன்னானங் விஸேஸோ கதோதி. ஸத்தக்க²த்து பரமோ தாவ கேவலங் பத²மமக்³க³ ஸம்பயுத்தேஹி இந்த்³ரியேஹி கதோ. இதரே த்³வே உபரிமக்³க³த்தா²ய பவத்திதேஹி விபஸ்ஸனிந்த்³ரியேஹி கதோதி. தத்த² ஸத்தக்க²த்து பரமோ ஸப்³ப³முது³கோ ஹோதி. ததோ கோலங்கோலோ திக்கோ². ஸோ பன ச² ப⁴விகோ, பஞ்சப⁴விகோ, சதுப⁴விகோ, திப⁴விகோ, த்³விப⁴விகோதி பஞ்சவிதோ⁴. தத்த² பஞ்சப⁴விகோ திக்கோ². ஸேஸா அனுக்கமேன திக்க²தராதி த³ட்ட²ப³பா³. ஏகபீ³ஜீ பன ஏகப⁴விகோ ஸப்³ப³திக்கோ². தத்த² ஸத்தக்க²த்து பரமோ கேவலேன பத²மமக்³கா³னுபா⁴வேன ஸித்³த⁴த்தா ஸப்³ப³முது³கோ ஹோதி. இதரே த்³வேபகதியா ஸத்தக்க²த்து பரமபா⁴வே ட²த்வா உபரிமக்³க³த்தா²ய விபஸ்ஸனா கம்மங் பட்ட²பெந்தி. ததா³ தேஸங் இந்த்³ரியானி புன விஸேஸ பத்தானி ஹொந்தி, திக்கா²னி. தஸ்மா தே ஸத்தக்க²த்து பரமதோ திக்கா²னாம ஹொந்தீதி. “ஸத்தவாரதோ ஓரங் வா”தி இத³ங் கோலங்கோல ஏகபீ³ஜினோ ஸந்தா⁴ய வுத்தங். “உபரி திண்ணங் மக்³கா³னங் விபஸ்ஸனா நியாமேதீ”தி இத³ங் உபரிமே த்³வேஸோதாபன்னே ஸந்தா⁴ய வுத்தங். ஸத்தக்க²த்து பரமோபன பத²மமக்³கே³னேவ நியமிதோதி த³ட்ட²ப³ப³ங். ததா²ஹி ஸோயேவ ஸங்க³ஹபாடே² ஸரூபதோ ஆக³தோ ஸோதாபத்தி மக்³க³ங் பா⁴வெத்வா தி³ட்டி²விசிகிச்சா²பஹானேன பஹீனாபாயக³மனோ ஸத்தக்க²த்து பரமோ ஸோதாபன்னோ நாம ஹொதீதி. இதரே பன த்³வே பாளியங் ஸோதாபன்ன புக்³க³லவிபா⁴க³ட்டா²னெஸ்வேவ ஆக³தாதி. “யே பனா”தி யே ஸோதாபன்ன புக்³க³லாபன. கா³தா²யங் “இதோஸத்தா”தி இமஸ்மிங் மனுஸ்ஸலோகே ஸத்த ஸங்ஸரானி. “ததோஸத்தா”தி தஸ்மிங் தே³வலோகே ஸத்தாதி அத்தோ². அங்கு³த்தரபாடே² “தேனசித்தப்பஸாதே³னா”தி மஹாஸஹஸ்ஸிலோகதா⁴துங் ஸரேன விஞ்ஞாபேதுங் ஸமத்த²ஸ்ஸ ஸத்து²கு³ணே சித்தப்பஸாதோ³ ஜாயதி. தேன சித்தப்பஸாதே³ன. “தேன பரியாயேனா”தி ஸசே ஸோ தே³வேஸு ஏவ ஸங்ஸரதி. ஸத்தக்க²த்துங் ஓபபாதிக படிஸந்தி⁴யோ க³ண்ஹித்வா தத்தே²வ பரினிப்³பா³யிஸ்ஸதி. யதி³ மனுஸ்ஸேஸு ஏவ ஸங்ஸரதி. ஸத்தக³ப்³ப⁴ஸெய்யக படிஸந்தி⁴யோ க³ண்ஹித்வா எத்தே²வ பரினிப்³பா³யிஸ்ஸதி. ஏவங் தே³ஸனா வாரேன சுத்³த³ஸ கத்வா தே³ஸிதேன பரியாயேனாதி அத்தோ². “தங் விமங்ஸிதப்³ப³ங்”தி வத³ந்தேன டகாசரியேன ஸயங் சுத்³த³ஸபடிஸந்தி⁴யோவ இச்ச²தீதி தீ³பேதி. இதா³னி தங் சுத்³த³ஸபடிஸந்தி⁴வாத³ங் படிக்கி²பந்தோ “விப⁴ங்கே³ பனா”திஆதி³மாஹ. “விப⁴ங்கே³”தி அபி⁴த⁴ம்மே ஞாணவிப⁴ங்கே³. நத்தி² டா²னமஸ்ஸாதி அட்டா²னங். “டா²னங்”தி மூலகாரணங். நத்தி² அவகாஸோ அஸ்ஸாதி அனவகாஸோ. “அவகாஸோ”தி பச்சயகாரணங். “யங்”தி க்ரியாபராமஸனங். யங் நிப்³ப³த்தெய்ய, தங் நிப்³ப³த்தனங் அட்டா²னங். ஸோ நிப்³ப³த்தன த⁴ம்மோ

அனவகாஸோதி யோஜனா. “அபி⁴ஸங்கா²ர விஞ்ஞாணஸ்ஸா”தி
ஸத்தப⁴வதோ உத்³த⁴ங் காமப⁴வே படிஸந்தி⁴ஜனகஸ்ஸ குஸலா
குஸலகம்ம விஞ்ஞாணஸ்ஸ. “நிரோதே⁴னா”தி ஸோதாபத்தி மக்³க³க்க²ணே
ஏவ நிரோத⁴னேன. நிருஜ்ஜந்தீதி ஸம்ப³ந்தோ⁴. “நாமஞ்ச ரூபஞ்சா”தி யே
நாம ரூபத⁴ம்மா உப்பஜ்ஜெய்யங். ஏதே நாம ரூபத⁴ம்மா எத்த² ஏதஸ்மிங்
அபி⁴ஸங்கா²ர விஞ்ஞாண நிரோத⁴க்க²ணே நிருஜ்ஜந்தீதி யோஜனா.
“யதா²வுத்தனயேனேவா”தி தேன பரியாயேனாதி வுத்தப்பகாரனயேனேவ.
“ததே³கட்ட²மோஹஸ்ஸா”தி தேன ராகே³ன தேன தோ³ஸேன ஏகஸ்மிங் சித்தே
ஏகதோ டி²தஸ்ஸ மோஹஸ்ஸ. ந தி³ட்டி²விசிகிச்சா² ஸம்பயுத்தஸ்ஸ
மோஹஸ்ஸ. தஸ்ஸ பத²மமக்³கே³ ஏவ பஹீனத்தா. நாபி
உத்³த⁴ச்சசித்தஸம்பயுத்தஸ்ஸ மோஹஸ்ஸ. தஸ்ஸ சதுத்த²மக்³கே³ ஏவ
பஹாதப்³ப்த்தா. உப்பஜ்ஜந்தா ராக³தோ³ஸமோஹா. “த⁴ம்மிகேஸு”தி
த⁴ம்மேன ஸமேன உப்பன்னேஸு. “யதோ”தி யங்காரணா. ப³லவந்தகாரணாதி
அத்தோ². “தேஸங்”தி ஸோதாபன்னானங். “ஸல்லிக²ன வஸேனா”தி
ப³ஹலபக்க²ங் தூ²லபா⁴க³ங் ஸுட்டு²லிக²னவஸேன. அதி⁴ச்சப்பத்தி நாம
புப்³பே³ யதா²பவத்தங் காலங் அதி⁴ச்ச அதிக்கம்ம உப்பத்தி . உப்பஜ்ஜந்தானம்பி
ராக³தோ³ஸமோஹானங். “தேஸங் பீ”தி ஸகதா³கா³மீனம்பி. “மேது²னவத்து²
ஸமாயோகோ³ இச்சி²தோ”தி ஜாயம்பதீனங் மேது²னகம்மஸமாயோகோ³ நாம
ஸகதா³கா³மீனங் அத்தீ²தி இச்சி²தோ. தே²ரோஹி அதி⁴ச்சப்பத்திமத்தங் இச்ச²தி.
பரியுட்டா²னமந்த³தங் ந இச்ச²தி. ஸகதா³கா³மீனங் புத்ததீ⁴தரோபி
ஸந்தி³ஸ்ஸந்தீதி வத³தி. “மஹாஅட்ட²கதா²யங் படிக்கி²த்தோ”தி தே²ரஸ்ஸ
மனோரத²மத்தங்தி வத்வா படிக்கி²த்தோ. இத³ங் ஸப்³பங் அட்ட²ஸாலினியங்
வுத்தங். “ச²க்கனிபாதே”தி அங்கு³த்தரே ச²க்கனிபாதே. “மிகா³ஸாளவத்து²ம்ஹி”தி
மிகா³ஸாளனாமிகாய உபாஸிகாய வத்து²ம்ஹி. கேசி இமங் வத்து²ங் தி³ஸ்வா
மஹாஅட்ட²கதா²வாத³ங் ந ரோசெந்தி. மஹாஸிவத்தே²ரவாத³ங் ரோசெந்தி.
“அப்³ரஹ்மசாரினோ”தி மேது²ன த⁴ம்மா அப்படிவிரதஸ்ஸ. “ஸகதா³கா³மித்தங்
ப்³யாகதங்”தி தஸ்மிங் காலங்கதே ஸோ ப்³ராஹ்மணோ இத⁴
ஸகதா³கா³மிபா⁴வங் பத்வா துஸிதாகாயங் உபபன்னோதி ஏவங் தஸ்ஸ யங்
ஸகதா³கா³மித்தங் ப⁴க³வதா ப்³யாகதங். “அதி⁴க³மவஸேனா”தி
ஸகதா³கா³மிபா⁴வங் படிபாப⁴வஸேன. ந பன அப்³ரஹ்மசாரினோ ஸதோ
அதி⁴க³மவஸேனாதி அதி⁴ப்பாயோ. மரணாஸன்னகாலேபி ஹி
ஸிக்கா²பதா³தி⁴ட்டா²னேன ஸஹ உபரிமக்³க³ப²லாதி⁴க³மனங் நாம
திக்க²பஞ்ஞஸ்ஸ அரியஸாவகஸ்ஸ ந து³க்கரந்தி. ஏதேன கேஸஞ்சி
தே²ரவாத³ரோசனங் படிக்கி²த்தங் ஹோதி. “ஸகிந்தே³வ இமங்லோகங்
ஆக³ந்த்வா”தி ஏதேன இதோ பரலோகங் க³மனஸ்ஸ ச ததோ புன
இதா⁴க³மனஸ்ஸ ச ஸித்³த⁴த்தா அயங் புக்³க³லோ ஸுத்³தே⁴ன
மக்³க³னியாமேன காமப⁴வே த்³விக்க²த்து பரமோனாம ஹோதீதி ஸித்³தோ⁴.
கத²ங். இத⁴ பத்வா தத்த² நிப்³பத்தித்வா இத⁴ பரினிப்³பாயீ, தத்த² பத்வா

இத⁴ நிப³ப³த்தித்வா தத்த² பரினிப³பா³யீதி. ஸேஸாபன சத்தாரோ
 விபஸ்ஸனானியாமேன ஸித்³தா⁴ ஹொந்தீதி விஞ்ஞாயதி. கதமே சத்தாரோ.
 இத⁴ பத்வா இத⁴ பரினிப³பா³யீ. தத்த² பத்வா தத்த² பரினிப³பா³யீ. இத⁴
 பத்வா தத்த² பரினிப³பா³யீ. தத்த² பத்வா இத⁴ பரினிப³பா³யீதி. எத்த² ச தீஸு
 ஸோதாபன்னேஸு ஏகோஸத்தக்க²த்து பரமோ ஏவ மக்³க³னியாமேன
 ஸித்³தோ⁴. ஸேஸா பன த்³வே ஸோதாபன்னா விபஸ்ஸனானியாமேன
 ஸித்³தா⁴. ச² ஸகதா³கா³மீஸு த்³வே ஏவ மக்³க³னியாமேன ஸித்³தா⁴.
 ஸேஸா பன சத்தாரோ விபஸ்ஸனானியாமேன ஸித்³தா⁴. தத்த²
 மக்³க³ஸித்³தோ⁴ஸு ஸோதாபன்ன ஸகதா³கா³மீஸு ஸங்கரோ நத்தி².
 விபஸ்ஸனாஸித்³தோ⁴ஸு பன ஸங்கரோ அத்தி². அத்த²தோ அவிருத்³தோ⁴
 ஸதி, வோஹாரமத்தேன ஸங்கரே தோ³ஸோ நத்தீதி த³ட்ட²ப³பங்.
 ஆக³ந்த்வாதி பாட²வஸேன ஆக³மனதோதி வுத்தங். ஆக³ந்தாதி பன பாடோ²
 யுத்தோ. ஆக³மனஸீலோ ஆக³மன த⁴ம்மோ ஹுத்வா ஸகதா³கா³மீ நாமாதி
 அத்தோ². அனாக³ந்த்வா இத்த²த்தந்தி எத்த²பி ஏஸேவனயோ. அரஹதோ
 பா⁴வோ அரஹத்தங். அரஹத்த மக்³க³ங். த³க்கி²ணாய விபத்திகரானாம
 அப்பப்ப²ல அப்பானிஸங்ஸகரா. ஸம்பத்திகரா நாம மஹப்ப²ல
 மஹானிஸங்ஸகரா. ஸீலக்க²ந்தா⁴தி³கு³ணா நாம ஸீலக்க²ந்த⁴
 ஸமாதி⁴க்க²ந்த⁴ பஞ்ஞாக்க²ந்த⁴ விமுத்திக்க²ந்த⁴ விமுத்திஞ்ஞாண
 த³ஸ்ஸனக்க²ந்த⁴கு³ணா. “த³க்கி²ணையேஸு”தி த³க்கி²ணாரஹ புக³க³லேஸு.
 “து⁴ரங்”தி பதா⁴னஸீஸட்டா²னியங் வுச்சதி. ஸத்³தா⁴ ஏவ து⁴ரங்
 அஸ்ஸாதி ஸத்³தா⁴து⁴ரோ. ஏவங் பஞ்ஞாது⁴ரோ. கஸ்மா பனெத்த²
 வீரியது⁴ரோ ந க³ஹிதோதி. பானியங் ஸத்³தா⁴வாஹீ மக்³க³ங் பா⁴வேதி,
 பஞ்ஞாவாஹீ மக்³க³ங் பா⁴வேதீதி வுத்தங். ந பன வுத்தங் வீரியவாஹீ
 மக்³க³ங் பா⁴வேதீதி. தஸ்மா ந க³ஹிதோதி. கஸ்மா பன வீரியவாஹீ மக்³க³ங்
 பா⁴வேதீதி ந வுத்தந்தி. வுச்சதே. மக்³க³ங் பா⁴வெந்தஸ்ஸ நாம ஆதி³ம்ஹி
 தி³ட்டி²விசிகிச்சா²னங் பஹானாய கம்மங் மஹந்தங் ஹோதி. கஸ்மா,
 அபாயமூலகத்தா. தத்த² ஸத்³தா⁴ ச விசிகிச்சா² ச த்³வே உஜுப்படிபக்கா²
 ஹொந்தி. யஸ்மிங் ஆரம்மணே ஸத்³தா⁴ நிவிஸதி, தஸ்மிங் விசிகிச்சா²
 நத்தி². யஸ்மிங் விசிகிச்சா² நிவிஸதி, தஸ்மிங் ஸத்³தா⁴ நத்தி². ததா²
 பஞ்ஞாதி³ட்டி²யோ ச உஜுப்படிபக்கா². யத்த² பஞ்ஞா, ந தத்த² தி³ட்டி². யத்த²
 தி³ட்டி², ந தத்த² பஞ்ஞாதி. அபி ச ஸத்³தா⁴ அத்தனோ விஸயே தி³ட்டி²ங்
 வித⁴மதியேவ. பஞ்ஞாய விசிகிச்சா²வித⁴மனே வத்தப்³பமேவ நத்தி². தஸ்மா
 ஆரத்³த⁴ விபஸ்ஸகோ அனிச்சாதீ³ஸு அவேச்சப்பஸாத³மத்தேனபி
 தி³ட்டி²விசிகிச்சா²யோ பஜஹித்வா ஸத்³தா⁴னுஸாரிபா⁴வஞ்ச ஸுட்டு²தரங்
 பஸீதி³த்வா ஸத்³தா⁴விமுத்தபா⁴வஞ்ச பாபுணாதி. பஞ்ஞாய அனிச்சாதீ³னி
 நிஜ்ஜா²னக்க²மங் கத்வா த⁴ம்மானுஸாரிபா⁴வஞ்ச ஸுட்டு²தரங் பஸ்ஸித்வா
 தி³ட்டி²பத்தபஞ்ஞா விமுத்தபா⁴வஞ்ச பாபுணாதி. வீரியங் பன
 தி³ட்டி²விசிகிச்சா²னங் படிபக்க²மத்தம்பி ந ஹோதி. அத² கோ² தாஸங்

ஸஹாயோபி ஹோதி, து⁴ரபு⁴தஞ்ச. பக்³க³ஹலக்க²ணஞ்ஹி வீரியங். தங்
 ஸத்³த⁴ங்⁴பி பக்³க³ண்ஹாதி, பஞ்ஞங்⁴பி பக்³க³ண்ஹாதி, தி³ட்டி²ங்⁴பி
 பக்³க³ண்ஹாதி, விசிகிச்ச²ம்பி பக்³க³ண்ஹாதியேவ. குதோபன அத்தனோ
 ஸபா⁴வேன தி³ட்டி²விசிகிச்சா²யோ பஜஹிதுங் ஸக்கி²ஸ்ஸதி. தஸ்மா
 இமஸ்மிங் டா²னே வீரியவாஹீதி ச வீரியது⁴ரோதி ச ந வுத்தோதி.
 காயஸக்கி²ம்ஹி பன ஸத்³தா⁴ ச பஞ்ஞா ச ஸமப³லா ஹொந்தி. வீரியஞ்ச
 ஸயங் ஸம்மப்பதா⁴னட்டா²னே ட²த்வா தது³ப⁴யங் உபப்³ருஹேதி. ஸோ ச
 புக்³க³லோ தது³ப⁴யப³லேன தி³ட்டி²விசிகிச்சா²த³யோ பஜஹித்வா
 காயஸக்கி²பா⁴வங் பாபுணாதி. அட்ட²விமொக்கே² வா உப்பாதெ³த்வா
 உப⁴தோபா⁴க³ விமுத்தபா⁴வங் பாபுணாதி. இமேஸு பன த்³வீஸு
 புக்³க³லேஸு வீரியஸ்ஸ தா²மோ ஸுட்டு² பாகடோ. தஸ்மா இமே த்³வே
 வீரியாதி⁴காத்வேவ வத்தப்³பா³. ந வீரியது⁴ரோதி. சதுப்படிபதா³ நாம
 து³க்கா²படிபதா³ த்³ந்தா⁴பி⁴ஞ்ஞா. து³க்கா²படிபதா³ கி²ப்பாபி⁴ஞ்ஞா.
 ஸுகா²படிபதா³ த்³ந்தா⁴பி⁴ஞ்ஞா. ஸுகா²படிபதா³ கி²ப்பாபி⁴ஞ்ஞா.
 திவித⁴விமொக்கோ² நாம ஸுஞ்ஞதோ விமொக்கோ². அனிமித்தோ
 விமொக்கோ². அப்பணிஹிதோ விமொக்கோ². “தயோ அந்தரா
 பரினிப்³பா³யினோ”தி எத்த² ஆயுகப்பஸ்ஸ பரியந்தங் அபத்வா அந்தரா ஏவ
 கிலேஸபரினிப்³பா³னபத்தா அந்தராபரினிப்³பா³யீ நாம. ஸோ திவிதோ⁴.
 ஆயுகப்பஸ்ஸ பத²மபா⁴கே³ பரினிப்³பா³யீ, து³தீயபா⁴கே³, ததீயபா⁴கே³தி.
 இமே தயோ அந்தரா பரினிப்³பா³யினோ நாம. உபஹச்சபரினிப்³பா³யீ நாம
 ஆயுகப்ப பரியந்தே பரினிப்³பா³யீ. உத்³த⁴ங் முகோ² வட்டஸோதோ
 ஏதஸ்ஸாதி உத்³த⁴ங்ஸோதோ. அகனிட்ட²ங் அவஸ்ஸங் க³மிஸ்ஸதீதி
 அகனிட்ட²கா³மீ. விபஸ்ஸனா கம்மங் ஸஸங்கா²ரங் ஸப்பயோக³ங் கத்வா
 பரினிப்³பா³யீ ஸஸங்கா²ர பரினிப்³பா³யீ. ஸங்கா²ரரஹிதேன ஸுகே²ன
 விபஸ்ஸனா கம்மேன பரினிப்³பா³யீ அஸங்கா²ர பரினிப்³பா³யீ. “த்³வாத்³ஸ
 ஸோதாபன்னா”தி ஏகப்³ஜிகா தயோ. தே ஏவ சதுஹி படிபதா³ஹி கு³ணிதா
 த்³வாத்³ஸ. த்³வாத்³ஸ ஸகதா³கா³மினோ புப்³பே³ வுத்தனயா ஏவ.

ஏகச்சானங் ஏவ அனாகா³மி அரஹந்தானங் ஏவ. “அஜ்ஜோ²ஸிதஸ்ஸா”தி
 அதி⁴ஓஸிதஸ்ஸ. மமேவித³ந்தி நிட்டா²னங் கத்வா ட²பிதஸ்ஸ. கி³லித்வா
 ட²பிதஸ்ஸாதி வுத்தங் ஹோதி. ப்³ஹலேன து²லேன காமராகே³ன விமுத்தா
 ப்³ஹலராக³விமுத்தா. ஆருப்பேஸு ச தஸ்ஸோ அருபஸமாபத்தியோ ஏவ
 அத்தி². ந சதஸ்ஸோ ருபஸமாபத்தியோ. தஸ்மா தத்த² அனுபுப்³பினிரோதோ⁴
 ந லப்³ப⁴தி. “ஆதி³தோ பட்டா²யா”தி அட்ட²ஸு ஸமாபத்தீஸு பத²மஜ்ஜா²ன
 ஸமாபத்திஆதி³. ததோ பட்டா²ய. அனுபுப்³பினிரோதோ⁴ நாம பத²மஜ்ஜா²னே
 படிக⁴ஸஞ்ஞானானத்தஸஞ்ஞானங் நிரோதோ⁴. படிக⁴ஸஞ்ஞா நாம
 பஞ்சவிஞ்ஞாணஸஞ்ஞா. நானத்தஸஞ்ஞா நாம கஸிண நிமித்ததோ
 அஞ்ஞேஸு நானாரம்மணேஸு பவத்தமனோவிஞ்ஞாண ஸஞ்ஞா.
 து³தீயஜ்ஜா²னே விதக்க விசாரானங் நிரோதோ⁴திஆதி³னா அனுபுப்³ப³

நிரோதோ⁴. “ததோ பஞ்சமஜ்ஜா²னங்”தி பஞ்சகனயேன வுத்தங்.
அட்ட²ஸமாபத்தி வசனங் பன சதுக்கனயேன வுத்தங். தது³ப⁴யங்பி
புக்³லா²னு²ருபங் லப்³ப⁴தியேவ. யுக³னந்த⁴ங் நாம த்³வந்த³ப³ந்த⁴னங்,
ஸமத²விபஸ்ஸனானங் யுக³னந்த⁴ந்தி விக்³க³ஹோ. “ஸமாபஜ்ஜன வுட்டா²ன
விபஸ்ஸனாவஸேனா”தி எத்த² வஸிபா⁴வபத்தங் ஸமாபஜ்ஜனஞ்ச
வுட்டா²னஞ்ச க³ஹேதப்³பங். அத்தனோ ஸரீரா ப³த்³தே⁴ஸு பரிக்கா²ரேஸு
ஸமாபத்திப³லேனேவ அந்தராயாபா⁴வதோ விஸுங் அதி⁴ட்டா²தப்³ப³ கிச்சங்
நத்தீ²தி வுத்தங் “அத்தனோ ஸரீராப³த்³தே⁴ பரிக்கா²ரே ட²பெத்வா”தி.
“நானாப³த்தா⁴னீ”தி நானாடா²னேஹி ஆப³த்தா⁴னி. நானாடா²னேஸு
ட²பிதானீதி வுத்தங் ஹோதி. “பரிஸ்ஸயேனா”தி அந்தராயேன.
மாவின்ஸ்ஸந்தூதி வா நானாப³த்த⁴ அவிக்கோபனங் அதி⁴ட்டா²தப்³ப³ங். ததா³
வுட்ட²ஹாமீதிவா ஸங்க⁴ப்பதிமானநங் அதி⁴ட்டா²தப்³ப³ங். ஏவங்
ஸத்து²பக்கோஸனங்பி. “அத்³தா⁴னபரிச்சே²தோ”தி அத்தனோ ஜீவிதகாலஸ்ஸ
உபபரிக்க²ணங். மரணஞ்ஹி நாம ஸமாபத்திப³லேனபி படிபா³ஹிதுங் ந
ஸக்கா²ஹோதி. அந்தோ ஸமாபத்தியஞ்ச மரணே ஸதி ஸப்³ரஹ்மசாரீஸு
கத்தப்³வத்தங் ந கரெய்ய. ஏதஞ்ஹி வத்தங் யங் அரியஸாவகானங்
மரணாஸன்னே ஸப்³ரஹ்மசாரீனங் வா உபட்டா²கானங் வா அப்பமாத³கதா²னு
ஸாஸனிகம்மங். ஸமாபத்தியங் வா அஞ்ஞதித்தி²யானங் க³ரஹா
விவஜ்ஜனத்த²ங். ஏவஞ்ஹி தே க³ரஹெய்யுங். கோ³தமஸாவகானங்
நிரோத⁴ஸமாபத்தி நாம ஏகங் மரணமுக²ங். யங் ஸமாபஜ்ஜந்தோ அஸுகோ
பி⁴க்கு² மரணங் க³ச்ச²தி. அனரிய கம்மங் ஹேதந்தி.

“யத³த்த²ங்”தி படிபத்தி ரஸஸ்ஸாத³த்த²ங். “தத³த்தே²”தி தஸ்மிங் அத்தே².
நிராமிஸ ஸுக²ங் நாம ஆமிஸரஹித ஸுக²ங். து³வித⁴ஞ்ஹி ஸுக²ங்
ஸாமிஸஸுக²ஞ்ச நிராமிஸஸுக²ஞ்ச. தத்த² யே லோகே இட்ட² கந்த
மனாபியா பஞ்சகாமகு³ணா நாம அத்தி². தே கிலேஸேஹி ஆமஸிதப்³ப³த்தா
ஆமிஸா நாம. யஞ்சஸுக²ங் தே ஆமிஸே படிச்ச உப்பஜ்ஜதி, தங்
ஸாமிஸஸுக²ங் நாம. யங் லோகே தி³ப்³ப³ங் ஸுக²ங் மானுஸகங் ஸுக²ந்தி
மமாயந்தி. யஞ்ச அனுப⁴வந்தங் மஹாஜனங் ஸப்³பா³னி அபாயப⁴ய
வட்டப⁴யானி ஸம்பரிவாரெந்தி. ஜா²னஸுக² மக்³க³ஸுக² ப²லஸுக²
நிப்³பா³னஸுக²ங் பன நிராமிஸஸுக²ங் நாம. யங் நெக்க²ம்மஸுக²ந்தி ச
பவிவேகஸுக²ந்தி ச உபஸமஸுக²ந்தி ச ஸம்போ³தி⁴ஸுக²ந்தி ச
விமுத்திஸுக²ந்தி ச அரியஸுக²ந்தி ச அனவஜ்ஜஸுக²ந்தி ச வச்சதி. யஞ்ச
அனுப⁴வந்தங் அரியஜனங் ஸப்³பா³னி அபாயப⁴ய வட்டப⁴யானி
ஸம்பரிவஜ்ஜந்தி. “அஸ்ஸாதி³தப்³ப³ட்டே²னா”தி கிலேஸபலிபோ³தே⁴ஹி
விமுத்தத்தா விபுல க³ம்பீ⁴ர ஸந்த பணீரஸத்தா ச அஹோஸுக²ங்
அஹோஸுக²ந்தி உதா³ஹரந்தேனபி அஸ்ஸாதி³தப்³ப³ட்டே²னாதி.

கம்மட்டா²னஸங்க³ஹானுதீ³பனா நிட்டி²தா.

262. சரிதப்³ப³ந்தி சாரித்தங். த³ஸுகுஸலகம்மபத²த³ம்மஜாதங்.

“குலாசாரேனா”தி குலபரம்பரதோ ஆக³தேன ஆசாரேன. “ஞாதி மித்த த³ன போ³க³ஸம்பத்தியா”தி ஹேதுஅத்தே² கரணவசனங். “விஸாலே”தி விபுலே. “தேனா”தி தஸ்ஸபத³ஸ்ஸ விப³த³யந்த த³ஸ்ஸனங். “ஸத்த³தா³யா”தி ரதனத்தயே அவேச்சப்பஸாத³ஸத்த³தா³வஸேன. “அபி³வுட்³டா³னங்”தி ஹானபா³க³ய டி²திபா³க³யபா³வங் அதிக்கம்மவிஸேஸபா³க³ய நிப்³பே³த³பா³க³ய பா³வபத்திவஸேன அதிஸ்ஸய வுட்³டா³னங். “பரிஸுத்த³தா³னஞ்சா”தி அத்துக்கங்ஸன பரவம்ப³னாதி³ தோ³ஸேஹி பரிஸுத்த³தா³னஞ்ச. நங் நங் ஜனங் பாதிர்க்க³தீதி நம்போ. தி³ட்ட²தி³ட்டே²ஸு மெத்தாவிஹாரீதி வுத்தங் ஹோதி. ஆவ்ஹாதப்³போ³தி அவ்ஹயோ. நாமங். நம்போ இதி அவ்ஹயோ அஸ்ஸாதி நம்பவ்ஹயோதி வசனத்தோ². “பணிதா³யா”தி பத்தெ²த்வாதி அத்த²ங் நிவத்தேதி “பு³ஸங் நிதா³யா”திஆதி³னா. “உபாத³ய படிச்சா”தி தஸ்ஸ பத³ஸ்ஸ பரியாயத³ஸ்ஸனமேதங். “அத்தனோ மந்த³பு³த்தீ³னங்”தி பச்சக்கே² த³ரமானானந்தி அதி³ப்பாயோ. தேனாஹ “பச்சி²ம ஜனானங் வா”தி. அனுக்ம்பனங் அனுக்ம்போ. கத²ங் நு கோ² இமே ஜனா அபி³த³ம்மத்தே²ஸு ஸுகே²ன ஆஜானெய்யந்தி ஏவங் பவத்தோ சித்தப்³யாபாரோ. அத்த²தோ அனுத³யஸங்கா²தா கருணாயேவ. தேனாஹ “அனுத³யங் காருஞ்ஞங்”தி. “பத்தி²தங்”தி வா ஸாது³வதஸ்ஸ யங் தே²ரோ ஏவருபங் பகரணங் கரெய்யாதி ஏவங் சிரகாலங் பத்தி²தங் ஆஸிங்ஸிதந்தி அத்தோ². “கு²த்த³ஸிக்கா²டகாயங்”தி போராணடகங் ஸந்தா³ய வுத்தங். ஸோமவிஹாரொத்வேவ பஞ்ஞாயித்த² தஸ்மிங் தீ³பேதி அதி³ப்பாயோ. கா³தா²யங் “அதா²”தி தஸ்மிங்காலே. “எத்தா²”தி ஏதஸ்மிங் நக³ரே. “ஸத்த³தோ³”தி கஸ்மா ராஜா ஏவருபங் மங்க³லஹத்தி²ங் ப³ராஹ்மணானங் அதா³ஸி. நேதங் பதிருபங் யங் ரஞ்ஞா கதந்தி ஏவங் பவத்தோ அமனாபஸத்தோ³. “பே³ரவோ”தி பீ³ருதாஜனகோ ப³யானகோ. “ஸிவீனங்”தி ஸிவிரட்ட²வாஸீனங். “ரட்ட²வட்³ட³னே”தி ரட்ட²ங் வட்³டே³தீதி ரட்ட²வட்³ட³னோ. ஹத்தி²னாகோ³. ஸோ ஹி லக்க³ணஸம்பன்னோ ஆஜானியோ ஹோதி. யஸ்மிங் ரட்டே² தங் அபி³மங்க³லங் கரொந்தி, தஸ்மிங் ரட்டே² தே³வோ ஸம்மா வஸ்ஸதி, நானாப³யுபத்த³வா தஸ்மிங் நுப்பஜ்ஜந்தீதி லோகஸம்மதோ மங்க³லஹத்தீ² ஹோதி. தேன வுத்தங் “ஸிவீனங் ரட்ட²வட்³ட³னே”தி. “வித்தி²ண்ணோ”தி வித்தா²ரிதோ. அதிவித்தா²ரோதி வுத்தங் ஹோதி. த³னீயந்தி மஹாஜனேஹி த³ட்டு²ங் பத்தீ²யந்தீதி த³ஞ்ஞா. மஹித்தி³கா. அதி³வஸந்தி எத்தா²தி அதி³வாஸோ. த³ஞ்ஞானங் அதி³வாஸோதி ஸமாவோ. அஜ்ஜா²வஸிங்ஸு எத்தா²தி அஜ்ஜா²வுத்த²ங். கித்திகு³ணவஸேன உதெ³ந்தி உக்³க³ச்சந்தீதி உதி³தா. உதி³தானங்பி உதி³தோதி விக³க³ஹோ. தேனாஹ “நப³மஜ்ஜே”திஆதி³ங். ஸாரஜ்ஜனங் ஸாரதோ³. விக³தோ ஸாரதோ³ யஸ்ஸாதி விஸாரதோ³. விஸாரத³ஸ்ஸ பா³வோ

வேஸாரஜ்ஜங். பரியத்தியங் வேஸாரஜ்ஜங் பரியத்திவேஸாரஜ்ஜங்.
தேபிடகபரியத்தியங் வெய்யத்தியஞ்ஞாணங். தங் ஆதி³ ஏதிஸ்ஸா பஞ்ஞாயாதி
பரியத்திவேஸாரஜ்ஜாதி³ பஞ்ஞா. பாபதோ லஜ்ஜனஸ்ஸலாதி லஜ்ஜினோதி ஆஹ
“பாபக³ரஹினோ”தி. பாபங் த⁴ம்மங் க³ரஹந்திஆதீ³னவங் கத²யந்தி ஸீலேனாதி
பாபக³ரஹினோ. “அனுஸ்ஸரந்தூ”தி புனப்புனங் ஸரந்து. விஸேஸேன ப⁴வந்தி
வேபுல்லங் க³ச்ச²ந்தீதி விப⁴வா. புஞ்ஞானி ச தானி விப⁴வாசாதி
புஞ்ஞவிப⁴வா. விபுலபுஞ்ஞானீதி த³ஸ்ஸேதுங் “விபுலானங்”திஆதி³மாஹ.
அனுத்தரிய த⁴ம்மா நாம த³ஸ்ஸனானுத்தரிய ஸவனானுத்தரியாத³யோ.
லோகே ப³ஹுஸு த³ஸ்ஸனேஸு இதோ உத்தரங் அஞ்ஞங் த³ஸ்ஸனங் நாம
நத்தீ²தி த³ஸ்ஸனானுத்தரியங். ரதனத்தயத³ஸ்ஸனங். சதுஸச்சத³ஸ்ஸனஞ்ச.
ரதனத்தயகு³ணகதா²ஸவனங் , க²ந்தா⁴யதன தா⁴து
ஸச்சபடிச்சஸமுப்பாத³கதா²ஸவனஞ்ச ஸவனானுத்தரியங் நாம. தேஸு
ரதனத்தயாதீ³ஸு ஸத்தா⁴ படிலாபோ⁴ லாபா⁴னுத்தரியங் நாம. தேஸமேவ
புனப்புனங் ஸரணங் அனுஸ்ஸதானுத்தரியங் நாம. ரதனத்தயே சதுஹி
பச்சயேஹி வா வத்தப்படிவத்தகரணேன வா பரிசரணங் பாரிசரியானுத்தரியங்
நாம. பு³த்த⁴பஞ்ஞத்தாஸு தீஸு ஸிக்கா²ஸு ஸமாதா³ய ஸிக்க²னங்
ஸிக்கா²னுத்தரியங் நாம. தாதி³ஸே பஞ்ஞாவதா³தகு³ணஸோபா⁴தி³கே கு³ணே
அவஸ்ஸங் ப⁴ஜந்தி பாபுணந்தீதி தாதி³ஸகு³ணபா⁴கி³னோ.
“ப⁴விஸ்ஸாமா”தி ப⁴விதுங் உஸ்ஸாஹங் கரிஸ்ஸாமாதி வுத்தங் ஹோதி.

தீ³பனியா நிக³மகா³தா²ஸு.

“ப³ஸ்ஹயுஸுஞ்ஞசம்மேகம்ஹீ”தி எத்த² “ப³ஸ்ஹயு”தி அட்ட²ஸங்க்யாய
ஸங்கேத வசனங். “சம்மங்”தி த்³விஸங்க்யாய. ஏகஞ்ச து³கஞ்ச ஸுஞ்ஞஞ்ச
அட்ட²சாதி க³ணனக்கமோ. ஸஹஸ்ஸ த்³விஸத அட்ட²ஸங்கா²தே ஸாகேதி
அத்தோ². ஏஸனயோ பரதோ “நவபஞ்ச சம்மேகம்ஹீ”தி பதே³பி.
கா³தா²வண்ணனாஸு. நக³ரதி ந சவதீதி நக³ரங். தா²வரியந்தி வுத்தங் ஹோதி.
“ரஞ்ஜேதீ”தி ரமேதி. கே²மஸுபி⁴க்க²தாதி³கு³ணேஹி அனாக³தே ஜனே
க³மாபேதி, ஆக³தே அஞ்ஞத்த² க³ந்துங் ந தே³தீதி வுத்தங் ஹோதி.
ரோஹிதமிகா³ நாம ஸுவண்ணவண்ணமிகா³. “ஸாகே”தி ஸாகனாமேன ரஞ்ஞா
புன ஸங்க²தத்தா இமங் கலியுக³ங் ஸாகந்தி வுச்சதி. யங் ஏதரஹி
ஸாக்ரராஜந்திபி வோஹரந்தி. ஸாகராஜா ச நாம உத்தராபதே²ஸு ஏகோ
க³ந்தா⁴ரராஜா. யங் ஜெட்ட²கங் கத்வா பி⁴ன்னலத்தி⁴கா வஜ்ஜிபி⁴க்க²
இமங் த⁴ம்ம வினயங் மஹாஸங்கீ⁴கங் நாம ஸங்க³ஹங் ஆரோபெந்தி.
ஸோ ச த⁴ம்மவினயஸங்க³ஹோ உத்தராபதே²ஸு வத்ததி. வேஸாலியங்
யஸத்தே²ர ஸங்க³ஹோ பன த³க்கி²ணாபதே²ஸு³தி. சத்தாரியுகா³னி நாம
லோகே பஞ்ஞபெந்தி ஸத்யயுக³ங், த்³வாபரயுக³ங், தெத்ரயுக³ங், கலியுக³ந்தி.
யுக³ந்தி ச ஆயுபரிமாணங் வுச்சதி. இதா³னிபன கலியுக³ங் வத்ததி. தேன வுத்தங்
“ஸாகேதி கலியுகே³”தி. பாபயுகே³தி அத்தோ². “ல தீ”தி ஸாலிக்கெ²த்தானங்

ஸோத⁴னட்டா²னத்தா ஏவங் ம்ரம்மதே³ஸவோஹாரேன லத்³த⁴னாமங்
அரஞ்ஞங். தங் பன முங்ர்வானக்³ரஸ்ஸ ஏஸன்னே பஞ்சத⁴னுஸதிகே
பதே³ஸே ஜாதங். “விஸ்ஸுதே”தி விஸேஸேன கித்திதே. ஸாரஞ்ச அஸாரஞ்ச
விவேசெந்தி விசாரெத்வா ஜானந்திஸ்ஸேனாதி ஸாராஸார விவேகினோதி
வசனத்தோ²தி.

இதி பரமத்த²தீ³பனியா அனுதீ³பனா நிட்டி²தா.

1. பரமத்த²தீ³பனீ நாம, யேன தே²ரேன ஸா கதா.

தேனேவே ஸா கதா ஹோதி, அயங் தஸ்ஸானு தீ³பனீ.

2. அட்ட²ஸத்தத்³வயேகம்ஹி, ஸாகே ஸா ஜெட்ட²மாஸகே.

காளே நவமியங் தி³வா, மஜ்ஜ²ன்ஹிகே நிட்ட²ங் க³தா.

அனுதீ³பனீ நிட்டி²தா.